

Handwritten signature or initials

nb: p

NAZIONALE

12

22 A

16 M

111. 16.

14-17. A. 9.



FRANCISCI
PETRARCHAE
DE REMEDIIS

vtriusque Fortunæ,

LIBRI DVO.

Editio Quinta, prioribus longè castigatior.

Cum Indicibus locupletissimis.

BIBLIOTECA
ROMANA
VITTORIO EMANUELE




Apud Esaiam le Prieur.

M. D. C. XIII.

Donatus. m. m. g. d. l. m. b.
u. b. j.





DE ORIGINE VITA, CONVERSA- TIONE: ET STVDIO- rum suorum successu, ipsius- met Auctoris E- pistola.

Fran. Petrarca posteritati



VERIT tibi forsân, de me ali-
quid auditû, quanquâ & hoc
dubium sit, an exiguû, & ob-
scurum lōgè nomē, seu loco-
û seu temporû. perueturum
sit. Et illud forsità optabis nosse, quid homi-
nis fuerim, aut quis operû exitus meorû, eo-
rum maxime, quorum ad refama peruene-
rit, vel quorum tenue nomen audieris? Et de
primo quidem variæ erunt hominum voces,
ita enim ferimè quisque loquitur, vt impel-
lit non veritas, sed voluptas, nec laudis,
nec infamiz modus est. Vestro de grege v-
nus: fui autem mortalis homuncio, nec ma-
gnæ admodum, nec vilis originis, familia

Fran. Petrarch.

(vt de se ait Augustus Cæsar)antiqua. Na-
tura quidem, non iniquo neque inuerecūdo
animo, nisi ea consuetudo contagiosa nocu-
isset, Adolescentia me fefellit, Iuuenta corri-
puit, Senectū autē correxit, experimentoque
perdocuit, verū illud, quod diū ante perlege-
ram: quoniam adolescentia, & voluptas vana
sunt: immō ætatum, temporumq. omnī cō-
ditor, qui miseros mortales de nihilo tumi-
dos, aberrare finit interdū, vt peccatorū iuo-
rum, velseō memores sese cognoscāt. Corp⁹
iuueni, non magnarum viriū, sed multæ dex-
teritatis obtigerat: forma nō gloriōr excellē-
ti, sed quæ placere, viridioribus annis, posset:
colore viuido, inter candidum, & subnigrum:
vivacibus oculis, & visu per longum tempus,
acerrimo, qui, præter spem supra sexagesimū
ætatis annū me destituit, vt, indignanti mi-
hi ad ocularium confugiendum esset auxi-
liū. Tota ætate sanissimū corpus. senectus in-
uasit, & solita morborum acie circumuenit.
Honestis parentibus, Florentinis or gine, for-
tuna mediocri & (vt verū fatear) ad inopiam
vergēte, sed patria pulsus. Aretij in exilio na-
tus sum, anno huius ætatis vltimæ, quæ à
CHRISTO incipit, M. CCC. III. die Lunę,
ad auroram, Cal. Augusti. Diuitiarum contē-
ptor eximius, non quòd diuitias non optarē,
sed labores, curasque oderam, opum comites
insepa-

De origine & vita sua.

inseparabiles, non ut ista cura esset, lautarum
facultas epularum: ego autem tenui victu, &
cibis vulgaribus vitam egi latius, quam cum
exquisitissimis dapib⁹ omnes Apitij successo-
res. Conuiuia quæ dicuntur (cùm sint cōmes-
sationes, modestiæ & bonis morib⁹ inimicę)
semper mihi displicuerūt: laboriosum, & in-
utile ratus sum, ad hunc finem vocare alios,
nec minus ab aliis vocari. Conuiuere autē cū
amicis adeo iucundum, ut eorum superuētu
nō gratius habuerim, nec vnquam volens, si-
ne lōcio cibū sumpserim. Nihil mihi magis,
quā pompa, displicet, non solum quia mala,
& humilitati contraria, sed quia difficilis, &
quieti aduersa est. Amore acerrimo, sed vni-
co, & honesto, in adolescētia laboravi, & diu-
tius laborassem, nisi iā tepescētē ignē, mors
acerba, sed utilis, extinxisset. Libidinum me
prorsus expertem dicere posse optarē quidē,
sed, si dicam, mētiar: hoc secure dixerim, me,
quanquam feruore ætatis & cōplexionis, ad
id raptum, utilitatē illam tamen semper ani-
mo execratum. Mox verò ad quadagesimum
annum appropinquās, dum adhuc & calor
satis esset, & virium, non solum factum illud
obscœnum, sed eius memoriā omnem sic ab-
ieci, quasi nunquam fœminam aspexissem.
Quod inter primas felicitates meas memo-
ro, Deo gratias agēs, qui me adhuc integrum,

& vigentem, tam vili, & mihi semper odio
 seruitio liberavit. Sed ad alia procedo. Senti
 superbiam, in aliis, non in me, & cum paruas
 fuerim sēper, minor iudicio meo fui. Ita mihi
 per sepe, nocuit aliis nunquam. Amicitiarum
 appetentissimus honestarum, & fidelissimus
 cultor fuit, intrepidè gloriator, quia scio me ve-
 rū loqui, indignatissimi animi, sed offensarum
 obliuiosissimi, beneficiorū permemoris. Prin-
 cipum, ac Regum familiaritatibus, & Nobi-
 liū amicitis, vsque ad inuidiam, fortunatus
 fui. Sed hoc est suppliciū senescentiū, vt suorū
 læpillimè mortes fleāt. Maximi Regū, & meæ
 ætatis, amarunt, & coluerunt me, cur autem,
 ne scio, ipsi viderint. & ita cum quibusdā fui,
 vt ipsi quodammodo mecum essent, & emi-
 nentiæ eorum nullum tedium, cōmoda multa
 perceperim. Multos tamen eorum, quos valdè
 amabā, effugi, tantus fuit mihi insitus amor
 libertatis, vt cuius, vel nomen ipsum, liberta-
 ti, vel illi esse cōtrarium videretur, omni stu-
 dio declinarem. Ingenio fui æquo potius, quā
 acuto, ad omne bonum, & salubre studium a-
 pto: sed ad moralem præcipuè philosophiā, &
 ad poeticam prono. Quā ipsam, processu tē-
 poris, neglexi, sacris literis delectatus, in qui-
 bus sēsi dulcedinē abditam, quam aliquando
 contēplerā, poeticis literis, non nisi ad orna-
 tum, reseruatis. Incubui vnicè, inter multa, ad
 notitiam

De origine & vita sua.

notitiam vetustatis, quoniam mihi semper ætas ista displicuit: vt, nisi me amor charorum, in diuersum traheret, qualibet ætate nat⁹ esse semper optauerim, & hâc obliuisci nifus, animo me aliis semper inferere. Historicis itaq. delectatus sum, non minus tamé offensus eorû discordia: secutus in dubio, quo me vel veri similitudo rerum, vel scribentium traxit auctoritas. Eloquio, vt quidam dixerunt, claro, ac potenti: vt mihi visum est, fragili, & obscuro: neque verò in communi sermone cū amicis, aut familiaribus, eloquentiæ vnquam cura me attigit: mirorq. eam curam Augustum Cæsare accepisse. Vbi autē res ipsa, vel locus, vel auditor aliter poscere visus est, paulò anifusus sum, idq. quam efficaciter, nescio, eorû, sit iudicium corā quibus dixi. Ego, modò bene vixissem, qualiter dixissem, parui facerem: vêtosa gloria est, de solo verborum splendore, famam quærere. Tempus mecū sic, vel fortuna, vel voluntas mea, nunc vsque partita est. Primum illum vitæ annum, neque integrum Aretij egi, vbi in lucē natura me protulerat: sex sequētes, Ancisē, paterno in rure, supra Florentiam quatuordecim passuum millibus, reuocata ab exilio Genitrice: octauum Pisis: nonū, ac deinceps, in Gallia Transalpina, ad læuam Rhodani ripam (Auinio vbi nomē) vbi Romanus Pontifex, turpi in exilio, CHRISTI

tenet Ecclesiam, & tenuit diu: licet, ante Te, paucos años Urbanus V. eam reduxisse videretur in suam sedem: sed res, vt patet, in nihilum rediit, ipso, quod grauius fero, tunc etiam superstitit, & quasi boni operis poenitente. Qui, si modicum plus vixisset, haud dubie sessisset, quid mihi, de eius abitu videretur. Iam calamus erat in manib⁹, sed ipse confestim gloriosum principium ipsum, cum vita destituit infelix. Quam foeliciter ante Petri aram mori, & in domo propria potuisset. Siue enim successores eius, in sua sede mansissent, & ipse boni operis auctor erat: siue abiisset, & tanto ipsi⁹ clarior virtus, quanto illorum culpa conspectior. Sed hec longior, atque incidens est querela. Ibi igitur, vetustissimi amnis ad ripam, pueritiam sub parentibus: ac deinde sub vanitatibus meis, adolescentiam totam egi: non tamen sine magnis digressionibus. Namque hoc tempore Carpentoras ciuitas parua, & illi ad oriëtem proxima, quadriennio integro me habuit, in que his duabus aliquantulum Grammaticæ, Dialecticæ, ac Rhetoricæ, quantum ætas potuit, didici; quantum scilicet in scholis disci solet: quod, quantum sit, clarissime lector, intelligis. Inde ad Montem Pessulanum legum ad studium profectus, quadriennium ibi alterum: inde Bononiã, & ibi triennium expendi, & totum Iuris ciuilis Corpus audiui futuras

De origine & vita sua.

rus magni prouectus adolescēs, vt multi opinabantur, si cœpto insisterē. Ego verò studiū illud omne destitui, mox vt me Parentū cura destituit, non quia Legū mihi nō placeret auctoritas, quę, absq. dubio, magna est, & Romanę antiquitatis plena, qua delector: sed quia earū vsus nequitia hominū deprauatur: itaq. piguit perdiscere, quo inhonestū ē vti nollē, & honestū vix possē, & si vellem, puritas inscitie tribuēda esset. Itaque secūdū & vigesimū annum agēs, domum redij: domum voco, Auiuonense illud exilium, vbi ab infantię meę sine fueram. Habet enim cōsuetudo proximā vim naturę. Ibi ergo iā nolci ego, & familiaritas mea à magnis viris expeti cœperat. Cur autem, nescire nunc me fateor, & mirari: tūc equidem nō mirabar vt qui mihi more ætatis, omni honore dignissimus videret. Ante alios expetitus, fui à Columnensium clara, & generosa familia: quę tūc Romanam curiam frequentabat, dicam melius, illustrabat: à quibus accitus, & mihi, nescio, an & nunc, at tūc certē indebito in honore habitus, ab illustri, & incōparabili viro Iacobo de Colūna, Lōberienfi tunc Episcopo, cui nescio an parē viderim, seu visurus sim, in Vasconiam ductus, sub collibus Pyreneis, æstatē prope cœlestē, multa & domini, & comitum iucunditate, tranlegi, vt semper tempus illud, memorādo,

Fran. Petrarch.

suspirem. Inde rediens, sub fratre eius Ioanne de Columna Cardinale, multos per annos, nō quasi sub domino, sed sub patre, immō ne id quidem, sed cū fratre amātissimo, immō mecum, & propria mea in domo fui. Quo tēpore iuuenilis me impulit appetitus, vt & Gallias, & Germaniam peragrarem: & licet aliæ causæ fingerentur, vt profectiōē meam, meis maioribus approbarem, vera tamen causa erat, multa videndi ardor, ac studium. In qua peregrinatione Parisios primum vidi, & delectatus sum inquirere, quid verum, quidue fabulosum de illa vrbe narraretur: inde reuersus, Romam adi, cuius videndæ desiderio ab infantia ardebam, & huius familiæ magnanimum genitorem, Stephanum de Columna, virum cuiuslibet antiquorum parem, ita colui, atque ita sibi acceptus fui, vt inter me, & quemlibet filiorum, nil diceres interesse. Qui viri excellentis amor, & affectus vsque ad vitæ eius extremū, vno erga me semper tenore, permansit, & in me nunc etiam viuit, neq. vnquam desinet, nisi ego ante desidero. Inde etiam reuersus, cum omnium, sed in patris illius tædiosissimæ vrbis fastidium, atque odiū, naturaliter animo meo infitum, ferre nō possem: diuerticulum aliquod, quasi portū, quærens, reperi vallem perexiguam, sed solitariā, atque amœnam, quæ Claustra dicitur, quinde-

De origine & vita sua.

cum passuum millibus ab Auinione distantē: ubi fontium rex omnium Sorga oritur. Captus loci dulcedine, libellos meos, & meipsū illuc transtuli. Longa erit historia, si pergam exequi, quid ibi, multos ac multos egerim per anno, Hæc est summa, quod quicquid ferè opusculorum mihi excidit, ibi vel actū, vel cœptum, vel conceptum est: quæ tam multa fuerunt, ut, usque ad hanc ætatem, me exerceant, ac fatigent. Fuit enim mihi ut corpus, sic ingenium magis pollēs dexteritate, quàm viribus. Itaque multa mihi facilia cogitatu, quæ executione difficilia prætermisi. Hic mihi ipsa locorū facies suggestit, ut Bucolicū Carmē, sylvestre opus, aggrederer, & Vitæ solitariae libros duos, ad Philippum semper magnū virum, sed paruum tunc Episcopum Cauallicēsem, nunc magnum Sabinensem episcopum Cardinalem, qui mihi iam solus omnium veterum superstes: nō me episcopaliter, ut Ambrosius Augustinū, sed fraternè dilexit, ac diligit. Illis in montibus vaganti, sexta quadam feria, maioris hebdomadæ, cogitatio incidit, & valida, ut de Scipione Africano illo primo, cuius nomē, mirum vnde, à prima mihi ætate charum fuit, poeticum aliquid Heroico carmine scriberem. Quod tūc magno cœptū impetu, variis mox diltractus curis, intermisit sed subiecti de nomine, Africæ nomen libro

Fran. Petrarch.

dedi: operi nescio, qua vel sua, vel mea fortuna, dilecto multis, antequam cognito. Illis in locis morā trahenti (dictu mirabile) vno die, & ab vrbe Roma Senat⁹, & de Parisiis Cancellarij Studij ad meliterā peruenerūt, certatim me ille Romā, ille Parisius, ad percipiendam lauream poëticam euocantes: quib⁹ ego iuueniliter gloriabundus, & me dignum iudicans, quo me dignum tanti viri iudicarent: nec meritum meum, sed aliorum librans testimonia: parumper tamen hæsitaui, cui potius aurem dārem. Super qua, consilium Ioānis de Columna, Cardinalis supranominati, per literas expeti. Erat enim adeò vicinus, vt cum sibi sero scripsissem, die altero, ante horā tertiam, responsum eius acciperem: cuius cōsilium secutus, Romanæ vrbis auctoritatem, omnibus præferendam statui: & de approbatione consilij eius, mea duplex ad illum extat epistola. Iui ergo, & quamuis ego, more iuuenum, rerum mearum benignissimus iudex essem, erubui tamen, de me ipso testimoniū sequi, vel eorum à quibus euocabar, quod proculdubio non fecissent, nisi me dignū oblato honore iudicassent. Vnde Neapolim priuū petere institui, & veni ad illum summum, & regem, & philosophum Robertū, non regno, quam literis clariorem: quem vnicū regem, & scientiæ amicum, & virtutis, nostra ætas habuit,

De origine & vita sua.

habuit, vt ipse de me, quod sibi visum esset, censeret, à quo qualiter visus, & cui quam acceptus fuerim, & ipse nunc miror, & tu, si no- ueris, lector, puto mirabere. Audita autè ad- uentus mei causâ, mirum in modum exhila- ratus est, & iuuenilem cogitans fiduciam, & forsitan cogitans honorem, quem petetè, sua gloria non vacare, quòd ego eum solum iudi- cem idoneum, è cunctis mortalibus, elegissè. Quid multa? Post innumeras verborum col- lationes, variis de rebus, ostensamque sibi A- phricam illam meam, qua vsq; adeò delecta- tus est, vt eâ sibi inscribi, magno pro munere posceret. Quod negare nec potui, certè nec volui. Super eo tãdem, pro quo venerâ, certũ mihi deputauit diem, & à meridie ad vespè- ram me tenuit: & quoniam, crescente mate- ria, breuè tempus apparuit, duobus proximis diebus idem fecit, sic triduò excussa ignoran- tia mea, die tertio, me dignum laurea iudica- uit. Eam mihi Neapoli offerebat, & vt assen- tirer, precibus, etiam multis, vrgebat. Vicit a- mor Romæ, venerandam tanti Reges instan- tiam. Itaque inflexibile propositum meũ cer- nens, literas mihi, & nuncios ad Senatũ Ro- manum dedit, quibus de me iudicium suum, magno fauorè professus est: quod quidè tunc iudicium regium, & multorum, & meo in primis iudicio consonũ fuit. Hodie & ipse,

Fran. Petrarch.

& mecum, & omnium idem sentientium, iudicium non probo. Plus in eum valuit amor, & ætatis fauor, quàm veri studium. Veni tamen, & quamlibet indignus, tãto tamen fretus, sisq; iudicio, summo cum gaudio Romanorum, qui illi solēnitati interesse potuerūt, Lauream Poëticam, adhuc scholasticus rudis adeptus sum: de quibus etiam, & carmine, & soluta oratione, epistolæ meæ sunt. Hæc mihi Laurea, scientiæ nihil, plurimum verò quæsiuit inuidiæ. Sed hæc quoque historia longior est, quàm poscat hic locus. Inde ergo digressus, Parmam veni, & cum illis de Corrigia, viris in me liberalissimis, atque optimis, sed inter se malè concordibus, qui tunc urbē illam tali regimine gubernabant, quale nec ante in memoria hominum habuerat ciuitas illa, nec ætate hac, vt auguror, habitura est: aliquantulum tempus peregi, & suscepti memor honoris, sollicitusq; ne indigno collatus videretur: cum die quodam in montana conicendens, fortè trans Entiam amnem, Rheginis in finibus, syluam, quæ Plana dicitur, abissem, subito, loci specie, perculsus, ad intermissā Africā stilum verti, & feruore animi, qui sopitus videbatur, excitato, scripsi aliquantulum die illo, post cōtinuis diebus, quotidie aliquid: donec Parmam rediens, & repostam, ac tranquillam nactus domum, qui postea emptā,
nunc

De origine & vitâ sua.

nunc etiam mea est , tanto ardore opus illud non magno in tempore ad exitum deduxi, ut ipse quoque nunc stupeam. Inde reuersus ad fontem Sorgiæ, & ad solitudinem transalpinâ redi, cum iam quartum, & tricesimum ætatis annum post terga relinquerem: diuq. & Parmæ, & Veronæ versatus, & vbiq. Deo gratias, charus habitus, multò amplius quàm valerem. Lōgum post tempus, viri optimi, & cuius, nescio, an e numero dominorum quisquā similis, sua ætate vir fuerit, immò verò scio, quòd nullus, Iacobi de Carriaria iunioris famæ præconio, beneuolentiam adeptus, nūciis quoque & literis, vsque trans alpes, quando ibi eram, & per Italiam, vbi cunque fui, multos per annos, tantis precibus fatigatus sum, & in suam sollicitatus amicitiam, ut quamuis de fœlicibus nil sperarem, decreueram tãdem ipsum adire, & videre, quid sibi hæc magni, & ignoti viri, tanta vellet instantia. Itaque serò quidem Patauium veni, vbi ab illo clarissimæ memoriæ viro, non humanę tantum, sed, sicut in cœlum fœlices animæ recipiuntur, acceptus sum, rãto cum gaudio, tãmq. inæstimabili charitate, ac pietate, ut quia æquare eam verbis posse non spero, silentio opprimenda sit. Inter multa, sciens me clericalem vitam à pueritia tenuisse, ut me non sibi solum, sed etiam patriæ auctius alliceret, me Canon-

Fran. Petrarch. de orig. &c.

cum Paduæ fieri fecit, & ad summam, si vita
sibi longior fuisset, mihi erroris, & itinerum
omniū finis erat. Sed, heu, nihil inter morta-
les diuturnum, & si quid dulce se obtulerit a-
maro mox fine concluditur: biennio nō inte-
gro cum mihi, & patriæ & mundo cum dimi-
sisset, Deus abstulit, quo nec ego, nec patria,
nec mūdus (nō me fallit amor) digni eramus.
Et licet filius sibi successerit prudentissimus,
& clarissimus vir, & qui per paterna vesti-
gia, me charum semper, atque honoratum ha-
buit: ego tamen, illo amisso, cū quo magis mi-
hi, præsertim de ætate, conuenerat, redij rurs⁹
in Gallias, stare nescius: non tam desiderio
vitæ millies, reuiscēdi, quā studio, mo-
re egrorū, loci mutatione, tæ-
diis consulendi.

I N D E X

INDEX CAPITVM LI- bri prioris,

Operis Francisci Petrarchæ de Remedio utrius- que Fortune.

De ætate florida.	43
De forma corporis.	47
De valetudine corporis.	50
De sanitate restituta.	51
De viribus corporis.	52
De velocitate corporis.	54
De ingenio.	55
De memoria.	57
De eloquentia.	59
De virtute.	62
De virtutis opinione.	64
De sapientia.	67
De religione.	71
De libertate.	72
De patria gloriosa.	75
De origine generosa.	80
De origine fortunata.	85
De lauto victu.	86
De conuiujs.	91
De vestitu cultuque corporis.	95
De ocio & quiete.	98
De suauis odore.	102
De dulcedine musica.	106
De choreis.	109
De pilæ ludo.	113
De ludo alex & calculorum.	114
De ludo taxillorum prospero.	116
De histri onibus.	119
De ludo palæstrarum.	121

I N D E X.

De variis spectaculis.	125
De equo agili.	130
De canibus.	133
De numerosa famulatu.	136
De magnificentia ædium.	139
De artium munitione.	140
De supellectili preciosa.	143
De gemmis.	144
De gemmarum poculis.	153
De gemmarum signis.	158
De rabulis pictis.	160
De statuis.	162
De vasis corinthiis.	165
De librorum copia.	169
De scriptorum fama.	175
De magisterio.	179
De variis titulis studiorum.	180
De titulis negotiorum.	184
De militari dignitate	186
De amicitiiis regum.	188
De amicorum abundantia.	190
De amicis incognitis nisi per famam.	193
De amico vnico fideli.	196
De diuitiarum copia.	199
De inuentione.	202
De inuentione thesauri.	203
De fœnore.	204
De fertilitate terræ.	206
De viri dariis.	210
De gregibus & armentis.	213
De elephantibus.	214
De delectatione simiæ.	215
De pauonibus.	216
De piscinis.	218
De auariis auibusque loquentibus.	222
De con-	

I N D E X.

De coniugij claritate.	215
De vxore formosa.	228
De vxore fœconda & facunda.	229
De optima dote.	230
De gratis amoribus.	232
De ortu filiorum.	241
De filio infante festiuo.	242
De insigni natorum forma.	243
De filij fortitudine.	246
De filia castitate.	247
De optimo genere.	249
De secundis nuptiis.	250
De natorum coniugio.	251
De nepotibus.	253
De adoptione filij.	255
De excellenti præceptore.	266
De insigni discipulo.	258
De patre bono.	260
De matre amantissima.	261
De pijs fratribus bonisque sororibus.	262
De bono domino.	264
De serenitate aëris.	267
De prospera nauigatione.	269
De carceris exitu.	271
De tranquillo statu.	281
De votiua portus apprehensione.	274
De potentia.	276
De gloria.	278
De beneficiis in multos collatis.	280
De amore populi.	283
De occupata tyrannide.	285
De regno & imperio.	288
De exercitu armato.	297
De classe instructa.	300
De machinis & balistis.	301

* *

j j

INDEX.

<u>De thesauro reposito.</u>	303
<u>De vindicta.</u>	304
<u>De spe vincendi.</u>	308
<u>De victoria.</u>	311
<u>De inimici morte.</u>	312
<u>De spe pacis.</u>	314
<u>De pace & induciis.</u>	315
<u>De pontificatu.</u>	318
<u>De felicitate.</u>	321
<u>De spe bona.</u>	322
<u>De hereditatis expectatione.</u>	328
<u>De alchimia.</u>	331
<u>De promissis aruspicum.</u>	333
<u>De lato rumore.</u>	338
<u>De filii vel amici expectatione.</u>	339
<u>De expectatione meliorum temporum.</u>	343
<u>De aduentu principis.</u>	345
<u>De fama spe.</u>	346
<u>De gloria ex ædificiis sperata.</u>	349
<u>De sperata gloria ex conuietui</u>	351
<u>De multiplici spe.</u>	352
<u>De pace animi sperata.</u>	354
<u>De spe vitæ æternæ.</u>	355

*Francisci Petrarca de Remediis
utriusque Fortune, indi-
cis libri prioris,*

FINIS.

INDEX

INDEX CAPITVM

Libri posterioris.

De deformitate.	370
De imbecillitate.	375
De aduersa valetudine.	377
De ignobili patria.	378
De originis obscuritate.	380
De obscœna origine.	387
De seruitute.	391
De paupertate.	396
De damno.	398
De tenui victu.	405
De originali inopia.	408
De numerosæ prolis grauitate.	408
De amissa pecunia.	413
De vadimonio.	423
De temporis amissione.	424
De aduerso ludo taxillorum.	428
De sponsa alteri adiudicata.	ibid.
De vxoris amissione.	429
De importuna vxore.	433
De raptu coniugis.	435
De vxore impudica.	436
De vxore sterili.	442
De filia impudica.	443
De aduentitio dedecore	445
De infamia.	447
De quæsito ex indignis laudib. pud.	451
De amicis infidelibus.	453
De ingratis.	454
De seruis malis.	458
De seruis fugitiuis.	461
De vicinis importunis.	462

* * i i j

I N D E X.

De inimicitiiis.	464
De præcepta facultate vindictæ.	466
De odio populari.	468
De inuidia.	469
De contemptu.	470
De promissi muneris tarditate.	472
De repulsis.	473
De iniusto domino.	476
De indocto præceptore.	479
De discipulo indocili ac superbo.	481
De nouerca.	482
De duritie paterna.	483
De filio contumace.	487
De discordi fratre.	489
De amisso patre.	491
De amissa matre.	492
De amisso filio.	493
De infantis casu misero.	495
De filio qui alienus inuentus est.	497
De amisso fratre.	500
De morte amici.	503
De absentia amicorum.	505
De graui naufragio.	507
De incendio.	509
De graui negotio.	511
De duro itinere.	513
De sterilitate annua.	516
De villico malo ac superbo.	519
De furtis.	520
De rapinis.	522
De dolo malo.	523
De habitatione angusta.	525
De carcere.	526
De tormentis.	528
	De


I N D E X.

De iniusto iudicio.	330
De exilio.	533
De patria obsessa.	597
De patria euerfa.	540
De metu perdendi in libello.	541
De stulto & temera colle.	543
De inconsulto & præcipitima. mi,	544
De infausto prælio.	945
De bello civili.	548
De discordia fluctuante.	550
De ambiguo statu.	553
De vulneribus acceptis.	554
De rege sine filio.	557
De amisso regno.	559
De proditione.	563
De amissa tyrannide.	564
De perditis arcibus.	569
De senectute.	572
De podagra.	582
De scabie.	584
De inquietudine somniorum.	588
De celebritate nominis.	589
De dolore malis ex hominum moribus.	593
De minutis radiis rerum variarum.	594
De terræ motu.	604
De peste latissime sæuente.	607
De tristitia & miseria.	608
De ægritudine dentium.	616
De ægritudine tibiæ.	616
De cæcitate.	620
De auditu perditio.	624
De radio vitæ.	627
De grauitate corporis.	628
De grauis ingenij tarditate.	630

I N D E X.

De iuopi & infirma memoria.	632
De eloquentiæ defectu.	633
De amissione linguæ.	636
De virtutis inopia.	638
De auaritia.	641
De inuidia.	642
De ira. 643	De gula 645
De torpore animi.	646
De luxura.	647
De superbia.	648
De febribus.	650
De dolore iliaco.	651
De totius corporis dolore.	653
De furore.	666
De veneno.	667
De metu mortis.	669
De voluntaria in seipsum manu.	677
De morte.	684
De morte ante diem.	690
De morte violenta.	695
De morte ignominiosa.	698
De morte repentina.	700
De ægrotante extra patriam.	701
De morte extra patriam.	702
De morte in peccatis.	709
De moriente sollicito, quid de patrimonio ac liberis futurum sit.	712
De moriente anxio quid vxor ex mortuo sit actura.	715
De moriente sollicito, quid post se patriæ euenturum sit.	717
De studio famæ in morte.	719
De moriente sine filiis.	721
De moriente qui metuit in sepultus abiici	724

FRAN-



FRANCISCI PE-

TRARCHAE

Elogia.

IOANNIS BOCATII.



FRANCISCVS Petrarcha cœ-
lestis homo profectò & nostro
æuo Poëta clarissimus, nonne
sæpta Babylone occidentali
atque Pont. Max. beneuolentia,
quam omnes ferè Christiani summopere cu-
piunt & procurant, & pileatorum orbis car-
dinum aliorumque Principum, in Vallem
clausam abiit insignem Gallie solitudinem,
locum vbi Sorgia fontium rex oritur, & ibi-
dem omnem ferè floridam iuuentutem suam
villici vnus contentus obsequio, meditando
atque componendo consumpsit. Fecit equi-
dem, stant vestigia stabuntque diu, parua do-
mus & hortulus, & dum Deo placet, testes vi-
uunt plurimi. Et paulo post. Credamne igi-
tur tantæ dementiæ fuisse Platonem, vt Fran-
ciscum Petrarcham vrbe pellendum iusserit?
qui à iuuentute sua cœlibem vitam ducens,
adeò ineptæ Veneris spurcicias horret, vt

- Fran. Petrarch.

noscentibus illum, sanctissimum sit exemplar honesti. Cui mendacium letalis est hostis, qui vitiorum omnium execrator est, & venerabile veritatis sacramentum, virtutum decus & lætitia, & catholicæ sanctitatis norma, pius, mitis, atque deuotus, & adeo verecundus, ut inde dicatur Parthemias alter. Est & insuper Poeticæ gloriæ facultatis, Orator suavis & facundus, cui cum omnis pateat Philosophiæ sinus, est illi ingenium, præter humanum perspicax, memoria tenax, & rerum omnium, prout homini potest esse notitia plena, ex quo opera eius, tam prosaica quam metrica, quæ plura extant, tanto splendore refulgent, tanta suauitate redolent, tanto florido ornatu spectabilia sunt, & lepore sonantium verborum melliflua, & sententiarum succo mirabili sapida, ut cœlestis ingenij artificio potius, quam humani fabrefacta credantur. quid multa dixerim? profecto hominem superat, & in lōgū mortalium vires excedit. Neque ego has laudes prædico, quasi antiquum hominem, & lōgis ante seculis defunctum commēdem, quin immo, dum Deo placet, viventis atque valentis merita refero, quæ morsores egregij, si nō literulis meis creditis, oculata fide, videre potestis. Nec dubito ut ex eo contingat, quod ut plurimum famosis viris contingere cōsuevit, ut ait Claudianus: Minuit præsentia famam.
imò

Elogia.

imò audactor assero, quia huius superet præsentia famam, tanta enim morum maiestate, tanta suavis eloquentiæ facundia, tanta etiam urbanitate & composita senectute conspicuus est, ut de eo quod apud Senecam morale Philosophum de Socrate, dici possit. Auditores scilicet eius, plus ex moribus, quàm ex verbis traxisse doctrinæ.

Amplissimum hoc quidem, & liquidò veritati datum, etsi amicitiae atque amoris mutuo attributum videri possit, apud eos nēpe, qui stulta æmulatione, alienas laudes in suspensionem rapiunt libenter. syncera verò illa atque subtili testificatione Magni illius D. Erasmi Roterodami, quid potest esse laudabilius? cuius quidem de hoc nostro, verba hæc sunt.

D E S. E R A S M I R O T E -
rodami.

I Taq; reflorescētis eloquētię Princeps, apud Italos videtur fuisse Franciscus Petrarcha, sua ætate celebris ac magnus, nunc vix est in manibus, ingenium ardens, magna rerum cognitio, nec mediocris eloquendi vis.

Ex his siquidem intelligi maximè potest, ornamenta illa innumerabilia quæ dicendi magistro (à quo Philosophia abesse nocuit) & necessaria & propria sūt, P E T R A R C H A E cumulatè adfuisse. Quòd verò raro in mani-

Fran. Petrarch.

bus sit, id petulantiae huius seculi tribuendum puto, quo aures teretes & religiosas, verborum volubilitate demulcere, quam sententiarum pondere prehensare magis consuetum, Certè virum hunc emunctissimi iudicii, multa & in se & in aliis desiderasse, aliam quoque in eius mente reconditam habuisse eloquentiae speciem, quàm exprimere nec illi nec alij vlli hactenus concessum, in Libro, quo de Sua ipsius & aliorum Ignorantia grauter sanè & probè disputat, facile deprehèditur, id quod nec Ludouicus Viues, vir in omni, literatūra singularis, nec Franciscus Floridus præcociis & elegantissimi ingenij iuuenis, celsuris suis dissimularunt, quorum verba adscribam.

LVDOVICI VIVIS.

Franciscus Petrarcha ad hinc annos paulo plures ducentis Bibliothecas tam diu clausas releravit primus, & puluerem situmque è monumentis maximorum autorum excussit : quo nomine plurimum ei Latinus sermo debet : Non est omnino impurus, sed squalorem sui seculi non valuit prorsum detergere, &c.

FRANCISCI FLORIDI

Sabini.

Quid tu? censēs ne Dantem, Franciscū Petrarcham, & Ioannē Bocarium Latine

Elogia.

tinæ linguæ fuisse imperitos ? minimè quidè.
immò & plurimum laudis inter eos meruit
Petrarcha, qui primus apud Italos (nisi fallor)
Latinam linguam diù sepultam, ex ruderibus
& vetustate, in lucem asserere adortus est.
quod tamè cum parum fœliciter succederet,
vel quia bona optimorum librorum pars de-
sideraretur, vel quòd opus maius esset quàm
quod ab vno exactè perfici posset, ad Hetrus-
câ linguâ se inuitus contulit, quod ipse edito
de hac re carmine confitetur: tâtum abest vt
quisquam insicari valeat. Nec aliud sanè cla-
mant eius opera latinè scripta, quæ summum
ingenium, nec mediocrem eruditionè osten-
dunt.

Horum iudicium multo magis confirmat
elogium illud Maximi illius Historici Pauli
Iouij, qui & parcus alieni operis laudator, se-
uerè quoque auris arbitrio semper superbus,
Hetruscæ tamè eloquentiæ palmâ PETRAR-
CHAE tribuit, ac Gottica barbarie adobru-
tarum literarum Latinarum, alterum facit
quasi parentem & assertorem. inquit enim:

PAULI IOVII NOVO-
comensis.

Franciscus Petrarcha eodè ciue magistro
que suo Dante, Etruscæ linguæ facultate

Fran. Petrarch.

constitutam planè , & certis adornatam numeris, flagranter excepit, tanta ingenij solertia duriora molliendo & singulari suauitate, variis modis flectendo numeros vt enatam dudum , & vix dum flores ostendentem eloquentiam, ingenti cultura, ad absolutæ maturitatis fructum, summumque ideò exactæ elegantiae fastigium perduxerit, eamque laudem sit consecutus, vt in eo poësis genere amatoriòque præsertim, castitate, candore, dulcedine nobilium Poëtarum & primus & vltimus, sanis à scribendo deterritis, existimetur. Sed tanti viri iudicium illudens fortuna grauius fefellit , quum hæc æternæ fœlicitatis spiritum habitura, tanquam temporaria despiceret, vt ex latina Aphrica, vnde ei in Capitolio insignis laurea præmium fuit , certiolem & nobiliorem gloriam adsequeretur. Sed debeamus plurimum ingenio sudore semper æstuantì, dum literas à multo æuo miserè sepultas, è Gothicis sepulchris excitaret, modo enim tanquam Italicae linguae conditorem & Principem, ab incomparabili diuini ingenij virtute veneremur.

IOANNIS HEROLDI.

IN doctrina & differendi ratione **P**ETRARCHA hic noster , religione

Elogia.

pius, grandis verbis, sententiis admodum instructus, totus grauis apparet: in Historiis si omninò perfectum neges, satis tamen elegantem, nusquam infantem reperies. In Epistolis est acer, vehemens, nōnunquam dulcis & perfacetus, legendus quidem omnibus, præsertim de Rebus Senilibus, habet enim quo ingenium non solum acuatur, verum etiam & ali possit. Quis igitur neget, vel hunc **P E T R A R C H A M**, vel etiam alios viros huic similes, à Rebus publicis benè institutis, meritò coli? quum etiam in maximis Reipub. occupationibus studia doctrinæ nunquam intermiserint: semper aliquid elucubrauerint negotiis obruti: vel à regendis rebus publicis, totos se ad rerum cognitionem transtulerint, vt hominum mentes excellentissimorum suorum ingeniorum inuentis, ad honestatem virtutisque fingerent, omnēque suum tempus ea vna in re consumplerint. Quis credet Ciceronem ipsum conseruatæ Romę, quam lingue Latine ac Philosophię assertę glorię fructum legisse vberiore? quid enim rogo, ea ex vrbe, quam ex ferro & facibus truculentissimi parricidæ Catilinæ, eripuerat vigilantissimus Cos, præter stupendas illas ruinas, extat? cum tamen Oratoris illius


Fran. Petrarch. Elogia.

clarissimi in dicendo maiestas, ac Philosophi
summi, præclara tot literarum monumenta,
in ipso Urbis interitu, non modò Latini ser-
monis puritatem, verum penè ipsam etiam
ciuitatem Rémque pub. tueantur, testi-
monium ac exemplar optimo-
rum suorum consiliorum
exhibeant.




FRANCISCI PETRARCHÆ, PHI-
 losophi, poetæ, oratorisque clarissimi, de Reme-
 dijs vtriusque Fortune, ad Azonem
 Corregium, Principem
 Parmensem, ami-
 cum suum.

EPISTOLARIS PRÆFATIO.



V Mores, fortunâsque homi-
 num cogito, incertosque, &
 subitos rerum motus, nihil fer-
 mē fragilius mortalium vita,
 nihil inquietius inuenio: ita
 cunctis animantibus Naturam,
 miro remedij genere cōsuluis-
 se video, ignorantia quadam

suâ; nobis solis memoriam, intellectum, prouiden-
 tiam; diuinas, ac præclaras animi nostri dotes, in
 perniciem, & laborem versas. Tam superuacuis
 enim semper, nec inutilibus modò, sed damnosis,
 atque pestiferis curis obnoxij, & præsentî torque-
 mur, & præterito, futuròq; angimur; vt nil magis
 metuere videamur, quàm, ne quando fortè parum
 miseri simus. Tanto studio miseriarum causas, &
 dolorum alimenta conquirimus; quibus vitam,
 quæ, si ritè ageretur, felicissima prorsus, ac iucun-
 dissima rerum erat, miserandum, ac triste nego-
 cium efficimus: cuius initium cæcitas, & obliuio
 possidet; progressum labor, dolor exitum, error o-
 mnia. Quod ita esse, quisquis vitæ suæ cursum, a-
 cri iudicio remetiectur, intelliget. Quem quietum,
 quæso? Quem tranquillum? Quem non laborio-
 sum magis, atque anxium diem egimus? Quod vn-
 quam tam securum, aut tam latum manē vidi-



nus, ut non ante crepusculum, sollicitudo, mœ-
 rorque surriperet? Cuius mali etsi ipsis in rebus
 multa insit occasio, nisi tamen nos fallit amor,
 nostri causa maior; siue [ut ingenuè fateamur]
 culpa omnis in nobis est. Ut verò fileam reliqua
 omnia quibus vndique tradimur, quod illud est
 bellum, quamque perpetuum, quod cum Fortu-
 na gerimus, cuius nos poterat iacere virtus sola
 victores? Nos ab illa, volentes, scientesque desci-
 timus. Soli agitur imbecilles, exarmati, non æ-
 quo Marte cum implacabili hoste congregimur;
 quos illa vicissim, ceu leue aliquid, attolit, ac
 deiecit, & in gyrum rotat, ac de nobis ludit: vinci
 tolerabilius foret; nunc etiam ludibrio habe-
 mur. Id verò quid aliud, quam leuitas, & molli-
 cies nostra fecit? Idonei visi sumus, qui pilæ in
 morem, huc illuc tam facilè iactaremur, anima-
 lia æui breuissimi, sollicitudinis infinitæ, quibus
 insciis, cui puppim littori, cui animum consilio
 applicamus, pro consilio interim sit pendere, ac
 præter præsens malum, & à tergo, quod doleat,
 & ante oculos semper habere, quod terreat.
 Quod, præter hominem, animantium nulli acci-
 dit, quibus, præsentia euasisse, plenissimam secu-
 ritatem tribuit. Nobis ob ingenium, & acumen
 animi, semper, quasi cum Cerbero tricipiti hoste,
 luctandum est. Ut ratione caruisse propè melius,
 in nosmetipsos, ætherea naturæ præstantioris ar-
 ma vertentibus, huic malo obstare subdifficile
 est, vetustate iam, & consuetudine radicato; eni-
 tendum tamen; in quam rem, præter generosi
 animi conatum, cui nihil est arduum, nihil in-
 expugnabile, & sapientum hominum crebra
 colloquia [quamvis id genus iam rare scat] & mul-
 to maxime iugis lectio, ac peruigil, scriptorum-
 que

que nobilium monumenta profuerunt, modò salubribus monitis consensus animi non desit: quem vnum in terris, sani consili viuum fontem asseuerare non verear. Quamobrem si vel plebeijs scriptoribus, pro affectu nudo, gratiam aliquando habitam scimus, siue pro eo, quòd inter apparuisse sequentibus visi erant, quanta[oro te]gratia, claris ac probatis Scriptoribus est habenda; qui multis, ante nos sæculis, in terram versi, diuinis ingeniis, institutisque sanctissimis nobiscum viuunt, cohabitant, colloquuntur? Interque perpetuos animorum fluctus, ceu totidem lucida sydera, & firmamento veritatis affixa, ceu totidem suaues, ac felices auræ, totidem industrij, ac experti nautæ, & portum nobis quietis ostendunt, & eò voluntatum nostrarum lenta carbasia promouent, & fluitantis animæ gubernaculum regunt, quoad tantis procellis agitata consilia, tandem sistat, ac temperet. Hæc est enim vera philosophia; non quæ fallacibus alis attollitur, & steriliū disputationum ventosa iactantia per inane circunvoluitur; sed quæ certis, & modestis gradibus compendio ad salutem pergit. In hoc te studium hortari, amicum fortè, sed profectò necessarium non est. Nam te variæ lectionis, multiplicisque notitiæ auidum fecerat fortuna, quæ [vt aiunt] magnæ rerum partis imperium tenet; turbibo quodam, ac profundo negotiorum, & curarum pelago iactandum dedit. Cæterum non vt legendi otium, sic noscendi desiderium eripuit, quominus semper literatorum hominum delectatus amicitia, & conuictu, & occupatissimis diebus, otiosas horas, quoties licuit furatus, quotidie instructior, quotidie rerum memorabilium doctor fieri velles: vbi illa, quæ

nulli cedis, memoria, sæpè te pro libris vti solitum, ipse tibi sum testis. In quod, si ab ineunte ætate pronuseras, eò nunc putandus es pronior, quo serotinus, matutino viatote feruentior, atque animo saltem promptior esse solet; quandoquidem hæc vulgaris est querela; crescere iter, diemque decrescere; quod vtrique nobis in hoc vitæ tramite accidit, ad vesperam propinquantibus, & vitæ multum superesse cernentibus. Non mihi igitur es hortandus, vt facias quod semper auidissimè fecisti. Admonuisse suffecerit, vt intendas animum, ne qua te hinc humanarum rerum cura dimoueat, quæ plerosque mortalium, post egregios labores, in ipsa consummatione maximorum operum auertit. Hoc adiecto, vt quia simul omnia, vel legere, vel audire, & meminisse non potes, vtilissimis quidem, & (quando breuitas est amica memoriæ) breuissimis quoque te fulcias. Non quod ego suadeam operosiora illa, & maiora sapientiæ consulta negligere, quibus te in ordinario (vt ita dicam) fortunæ certamine tueare; sed vt his interim breuib; ac præcisissimis sententiis, quasi quibusdam expeditis, atque continuis armis, contra omnes insultus, omnemque repentinum impetum, hinc illinc iugiter sis instructus. Duplex enim est nobis duellum cum fortuna, & vtrobique quodam modo par discrimen. Cuius non nisi partem vnicam vulgus nouit, eam scilicet, quæ vocatur aduersitas. Philosophi, etsi vtranque nouerint, hanc tamen ipsam difficiliorem arbitrantur. Itaque notum illud Aristotelis in Ethicis, suo iure diffinientis: Difficilius esse tristitia sustinere, quàm à delectabilibus abstinere. Quem secutus Seneca ad Lucilium scribens: Maius est, inquit, difficilia perfringere, quàm

quàm lata moderari. Quid dicam? Ausimne tantos inter viros hiscere? Durum quidem, & temeritatis parata suspicio, nouo homini vetusta tangenti. Hinc auctoritate igitur, hinc etate permoueor; sed alterius magni cuiusdam, & antiqui viri succurrit auctoritas. Neque enim impetrari potest, quin quale quidque videatur ei, talem quisque de illo opinionem habeat. Marci Bruti sunt verba scribentis ad Atticum, quibus vix aliquid verius dici reor. Quid enim de re qualibet iudicare possum, nisi quod sentio? nisi fortè còmpellar, vt iudicio iudicem alieno; quod qui facit, iam non ipse iudicat, sed iudicata commemorat. Ego itaque reuerenter tantorum hominum omniumque sic sentientium iudicia præteruectus, si de proprio loqui velim. Scio quidem aliàs variè de virtutibus disputatum, neque semper difficilioribus principatum, dari; neque fortuito vltimum inter virtutes locum obtinuisse modestiam; siue eam temperantiam dici mauis. Quantum tamen ad id de quo agitur attinet, difficilius prosperæ Fortunæ regimen existimo, quàm aduersæ; aliquantòque, fateor, apud me formidolosior, & [quod constat] insidiosior est Fortuna blanda, quàm minax: quod, vt sic opinor, non me scribentium fama, non verborum laquei, nodique sophismatum, sed rerum experimenta, vitæque huius adigunt exempla, & magnum difficultatis argumentum, raritas. Nam qui damna, qui pauperiem, qui exilium, qui carcerem, qui supplicium, qui mortem, & peiores morte, graues morbos, æquo animo tulerunt, multos vidi: qui diuitias, qui honores, qui potentiam, nullum. Ita sæpenumero, me spectante, contra omnem aduersæ Fortunæ violentiam inuictos, ludo facili

prosperior strauit; humanique robur animi, quod
 mina non fregerant, inflexere blanditiæ. Nescio
 enim quomodo, mox ut mitior esse cœperit For-
 tuna, incipit mense mollita tumidior fieri, &
 tuæ sortis obliuionem, adiuncta prosperitate,
 concipere. Neque de nihilo dictum est, iamque a-
 pud nostros homines in prouerbum venit: Ma-
 gni laboris esse, ferre prosperitatem, Neque ca-
 su Flaccus ait: *Bene ferre magnam disce Fortunam.*
 Difficilem nempe censebat artem, quæ, nisi stu-
 dio adhibito, nesciretur. Cæterum Seneca ipse
 Fortunæ partem illam, quæ sibi difficilior visa
 erat, & est, haud dubiè, prima fronte rigidior,
 breui admodum sermone perstrinxerat. Is li-
 bellus passim in manibus vulgi est. Cui ego nil
 addere, nil detrahare meditor, quod & magno
 ingenio conflatum opus, nostram dedignatur li-
 mam; & mihi meis rebus intento, nec comere
 aliena, nec carpere est animus. Sed quoniam &
 virtus, & veritas publicæ sunt, neque studium
 antiquitatis obesse debet posteritatis industriæ,
 cui excitandæ, atque adiuuandæ noscitur insti-
 tutum; de hoc ipso tecum loqui aliquid, quod-
 quæ ille Gallioni suo tunc præstitit, id Azonio
 meo nunc, quantum hoc defesso iam, & occupato
 semper ingenio dabitur, præstare propositum est
 mihi, insuper & partem alteram ab illo, seu o-
 bliuione, seu iudicio prætermissam, attingere.
 Vtrique autem, sciens, pauca permiscui, non For-
 tunæ cuiuspiam, sed virtutis, aut vitij, excellen-
 tiæ, aut defectus; quod etsi extra propositum i-
 psa quidem, effectu tamen haud dissimili, & læ-
 tos quoque, mœstosque animos factura videren-
 tur. Quibus in rebus, quo me gesserim ingenio,
 tu censebis, occupationum memor, ac temporis,
 qui

qui paucissimis diebus coeptum, perfectumque opus, admirans videris. Ego solus fidei iudex sum. Studui hercle non ut vnum quodque mihi speciosius, sed ut tibi, atque aliis [si tamen alius quisquam hac attigerit] utilius visum est conquirere: denique finis meus is, qui semper in hoc genere studiorum fuit, non tam scilicet, scribentis laus, quam legentis utilitas; si qua ex me percipi, aut sperari potest, ad id maxime respexi; ne armarium euoluere ad omnem hostis suspicionem, ac strepitum sit necesse; quin mali omnis, & nocentis boni, atque vtriusque Fortunæ remedium breue, sed amica profectum manu, quasi duplicis morbi, ut non inefficax antidotum, in exigua pixide omnibus locis, atque temporibus ad manum [vtraiunt.] & in promptu habeas. Nam [ut dixi] vtraque Fortunæ facies metuenda, verum tamen vtraque toleranda est, & hæc quidē freno indiget, illa solatio; hinc animi elatio reprimenda, illic refouenda, ac subleuanda fatigatio. Hanc ergo varietatem cogitanti mihi non modò, cum de hoc vellem aliquid scribere, tu occurrebas dignus eo munere, quo vterque nostrum communiter vteretur, ut ait Cicero, sed etiam tu me solus, ut scriberem, excitabas, non quidem verbo, ut qui coeptorum nihil conscius sis tantorum, sed rebus ipsis, & in vtranque partem abundante materia. Multos in equuleo Fortunæ habitos, multos in deliciis scimus; multos magno impetu rotatos, nec scandentium defunct exempla, nec ruentium, nec sum nescius, quosdam ex altiore fastigio prolapsos. Quot Romani Imperatores; quot externi Reges, vel hostium, vel suorum manibus, è summo solio detracti, vitam simul, & imperium amisere? Anne omnia à ve-

tuſtate inutuemur? & exules nuper, & captiuos,
 & in acie caſos & domi capite truncoſ, [quod-
 que duriffimum relatu eſt] & laqueo enectos,
 foedéque laniatos Reges nouimus. Tibi, cui cor
 regium natura dederat, nec dedit regnum For-
 tuna, nec abſtulit; ad quem, in cæteris, illa tam
 variè egerit, vix, quod ſciam, noſtra ætas inueni-
 et. Iam imprimis valetudine proſperrima & cor-
 poris viribus dudum fretus, uſque ad ſtuporem
 omnium, quite norant, intra non multos annos,
 ter deſperatus à Medicis, ter vitam ac ſalutem
 tuam in ſolò Medici cæleſtis auxilio poſuiſti: ſic
 ab illo tandem ſanitati redditus, ut penitus tuum
 illum priſtinum robur amiſeris; non inferiore
 miraculo dexteritatis eximia atque inſolita gra-
 uitatis; ut qui olim penè Aëripes fuerit, nunc
 accliuiſ, aut ſeruorum manibus equi tergo impo-
 ſitus, aut humeris nixus, lentis terram paſſibus
 metiaris. Patria tua vno propè tempore te do-
 minum vidit, atque exulem, ita tamen, ut nihil
 obſcurior exilio videretur. Nulli ferè noſtrorum
 hominum par principum fauor, nulli par fuit
 iniuria; ut cùm paulò ante certatim in amicitiam
 tuam niterentur, iidem ipſi de nulla alia re con-
 cordes, in tuum mox exitium, quaſi communi-
 cato conſilio conſpirarent. Et pars quidem tuum
 caput inſidiis peteret, auro prius, ac gemmis, lar-
 giſſuiſque muneribus, tot per annos propitiæ,
 ac fauentis Fortunæ, & [quæ hominibus grauior
 iactura eſt] Amicis, atque clientibus, vniuerſa-
 que familia, duris quidem, ſed diuerſis tormen-
 torum, ac mortium generibus ſpoliatum: pars,
 quæ clementior fuit, illud ingens patrimonium,
 terras, homines, domos, oppida inuaderet, ut
 qui modò te viderant, mox è ſummis opibus ad
 inopiam

inopiam redactum, ceu aliquod Fortunæ prodigium mirarentur, Amicorum [vt dixi] pars periit. In superstitibus periit fides, fugitque [quod assolet] cum prosperitate fauor hominum, vt dubitare posses, an amicorum prius, an fidei feres interitum. Accessit, in medio rerum æstu agritudo penè vltima, & tam morti proxima vt quem viuere amplius non posse, persuasum esset, extinctum fama vulgaret. Et hic morbus, hæc paupertas, hic laborum cumulus, pulsum patria, procul domo, in alienis terris, ac laribus circumtonante bello, semiobfessum oppresserant: ne, quod omnino interim tibi cum his amicis, si quos aut virtus fecerat, aut Fortuna dimiserat, seu colloquij, seu literarum posset esse commercium, nihil omnium præter carcerem defuit, ac mortem; quanuis nec carcer defuerit, dum fidissima coniunx, & pars tuorum viscerum nati omnes, natæque ab hostibus capti, essent; nullo prorsus tibi relicto solatio tantæ prolis. Nec mors quidem, dum & tu secum assidue luctare-
ris, & vnus ex filiis iam tunc teneram, & inson-
tem animam in carcere posuisset. Quid multa?
Impletum in te vno vidimus, quod de duobus
summis viris Caio, Mario, Magnoque Pompeio
legimus; quid boni scilicet, & quid mali possit,
haud vnquam læta tristibus miscentem in te
tuisque pignoribus, secretim explicuisse Fortu-
nam, cuius olim, cum blanditias non tam inso-
lenter, vt plerique feliciū, tum verò minas nu-
per, atque impetum, tam forti, tamque inuictō
animo tulisti; vt vel ad hoc vnum inutilis, qui
antea tuum nomen oderant, te amandum, mi-
randūmq; præbueris. Habet enim hoc propriū
virtus vt in amorem sui bonos erigat, in stupe-

rem malos. Idque cū omnis virtus habeat, tū pręcipuē fortitudo, cuius inter Fortunę turbines, ac tenebras rerum terribiliū, & tranquillitas gravior, & lux ipsa conspectior est. Mihi verō nō solum ad antiquum tui amorem [quod impossibile factu rebar] multū nouę beneuolentię adieceris, sed aliō festinantem calamum, ad hęc non suo tempore scribenda, deflexeris; vt & in scriptis meis animi tui vultum, velut in speculo contempleris; & si quid tibi minus ex cultum apparuerit, quod bona fide displiceat ad hunc modum formes, atq; ita te instituas, vt seu solitis, seu nouis artibus, quę innumerabiles ei sunt, tecum posthac Fortuna variauerit, nulla te species rerum turbet. Sed paratus ad omnia, promptus ad singula, dulcia pariter, & amara despicias. Fidentissimē ab aduerso Maroniano illud exclamans:

-----*Non ulla laborum*

O Virgo, noua mi facies, inopināne surgis;

Omnia percepi, atque animo mecum ante peregi.

Nec me fallit, vt in corporibus hominum, sic in animis multiplici passione affectis, medicamenta verborum, multis inefficacia visum iri. Sed nec illud quoque me pręterit, vt inuisibiles animorum morbos, sic inuisibilia esse remedia. Falsis opinionibus circumuerti, veris sententiis liberandi sunt; vt qui audiendo ceciderant, audiendo confurgant. Ad hęc, qui, quę habuit, libens egenti obtulit amico, quantulumcunque est, pleno amicitię functus est munere. Animum enim spectat amicitia, non rem; quę parua licet, magni amoris indicium esse potest. Ego quidem, vt magnificum quodque tibi opto, sic quid aptius hoc tempore largiar, non habeo; quod si validum senseris, ipsa, quę pretium rebus facit, utilitas commendabit.

dabit. Si inualidum, excusabit amor nostri. Sic autē ad legendū venies, quasi quatuor illæ famosiores & consanguineæ passionēs animi; spes, seu cupiditas, & gaudium, metus, & dolor. quas duę sorores, æquis partibus prosperitas, & aduersitas pererere, hinc illinc humano animo insultent: quæ verò arcis præfide ratio, his omnibus vna respondeat, clypeoq; & galea, suisque artibus, & propria vi, sed cælesti magis auxilio circumfrentia hostium tela discutiat: ea mihi de tuo ingenio spes est, vt vnde victoria stet, facile iudices. Non te diutius traham; sed, vt propositum meum noscas, index operis epistola præmittenda erat, quam si adcribendam duxeris, vtrunque metiens, videtò, ne longior præfatio libellum breuē, non aliter quàm prægrāde caput exiguum corpus premat. Nihil est enim, sine mensura, ac partium proportionē formosum.

De Ætate Florida. DIALOGVS I.

INTERLOCVTORES,

Gaudium & Spes, Ratio.

Quid, demens, tantūm gaudes iuuenilibus annis.

Eūm fugiat volucris lata iuuenta pedes?

GAVDIVM, ET SPES.

A Etas florida est; multū super est vitæ. *R. A.*
Ratio. En prima mortalium vana spes, q̃ multa hominū millia & fefellit & fallit. *G. & S.*
 Florida est ætas. *R.* Inane gaudiū & breue: flos iste, dum loquimur, arescit. *G. & S.* Ætas integra est. *R.*
 Quis integram vocet, cui multū deest, & quantulū sit, quod restat, incertum est? *G. & S.* Atqui lex est certa viuendi. *R.* Quis hāc legem tulit, aut q̃ istud legitimū tēpus est vitæ? Iniquissima verò lex, quæ non omnibus vna est: immo tā varia, vt nihil ince-

tius hominum in vita, quàm ipsius vitæ modus sit. *G. IV.* Est tamen & modus aliquis, & vitæ meta, quam sapientes statuerunt viri. *R. A.* Metam vitæ statuere, non qui accipit, sed qui dat illam Deus potest. Intellego autem: septuagesimū, aut si natura potentior est, octuagesimum cogitatis annum; atque ibi metam figitis quò prouectos maneat labor, & dolor: nisi fortè longius spem promouit is, qui ait: Numerus dierum hominum, vt multum, centum anni; quò, quàm rariveniant, videmus: sed vt sit omnium, quod paucorum est, quantulum tamen nunc etiam id est? *G. IV.* Multum sanè. Est enim iuuenum vita senior, & à senectute remotior, & à morte. *R. A.* Falleris. Etsi nil tutum homini, illa tamen periculiosior vitæ pars, quam securitas nimia reddit incautam. Nil est alteri vicinius, quàm mors vitæ. Cùm distantissima videantur, contigua sunt: semper illa præterlabitur: semper hæc instat. Quocunque fugeritis, præstò est, & ceruicibus imminet. *G. IV.* Iuuenta nunc saltem præsens est, & senectus absens. *R. A.* Nil mobilius iuuenta, nihil insidiosius senectute. Illa non stat, mulcendoque fugiens abit: ista per tenebras, atque silentium pedetentim subiens, impruidos ferit: & dum longinqua fingitur, in foribus est. *G. IV.* Ætas in ascensu est. *R. A.* Insidiosissimæ rei fidis. Ascensus iste, descensus est. Vita brevis, tempus instabile, furtim, nullo pedum strepitu, inter somnum, & locos effluit: &, O, si hæc temporum celeritas, vitæque breuitas, vt in fine, sic in principio nota esset; nunc intrantibus infinitum quiddam, exeuntibus nihil; & quod sæcula videbantur, vix totidem sunt momenta. Sic tum demum fraus noscitur, dum vitari nequit; vnde est, quòd sæpè
frustrà

frustrà huic consulitur ætati: incredula simul & inexperta est, & contemptrix alieni consilij, inops sui. Itaque iuueniles errores, licet innumerabiles, & immensos, his ipsis tamen occultos, & incognitos, quorum sunt; nil melius, quàm senectus detegit: & dissimulantium, conuiuentiumque luminibus ingerit; nec prius, quod esse debuistis, aduertitis, quàm, quod esse voluistis, effecti estis, fierique iam aliud non potestis. Quod, si quis in tempore, aut per semetipsum intelligere posset, aut docenti credere; ille mihi vnus ex millibus præclarus, ac felix surgeret adolescens; nec tam multis anfractibus ageret vitam, cuius vnica tuta, & recta per virtutem via est. *G.* Ætas indecerpta est. *R.A.* Quomodo indecerpta est, quæ, ex quo esse cœperit, assidue carpitur; & quæ minutissimis portiunculis, dum datur, eripitur? Si quidem motu perpetuo cælum rotat, momenta horas; horæ diem rapiunt? is alium diem trudit, isque alium: & nunquam quies. Si menses prætereunt, sic anni, sic & ætas currit, & properat: & vt Cicero ait: *Volat*: Quodque ait Maro, *Celeres neque commouet alas*. Ita ceu naui iter agētibus, nec sentientibus, qui vehuntur, sæpè nec cogitantibus, finis adest. *G.AV.* Ætas incipiens, ab extremo procul abest. *R.A.* Intra brevis viæ spatium nihil est procul. *G.AV.* At nulla pars à fine distantior, quàm principium. *R.A.* Nulla quidem: sed tunc rectè diceretur, quando omnes æquis spatiis viuerent. Nunc pluribus viis, & sæpius prima ætas in mortem incidit: quo fit, vt plerunque vicinior sit extremo, qui remotior videbatur. *G.AV.* Certè florentissima est Ætas. *R.A.* Et si ad hoc pauci animum aduertant, tamen, ex quo loqui cœpimus, mutatio aliqualis incessit, & mo-

dò per singulos syllabarum tractus, vitæ aliquid excidit: aliquid de caduco ætatis flore subtrahitur. Quid autem[quæso] plus habet hic mollis, & nitidus adolescens, quàm ille durus, & squamosus senex, præter hunc, quem loquimur, ætatis breuem scilicet, & caducum, immo assidue cadentem florem? Vbi quid tam dulce, tam iucundum non inuenio; cum sciat dicto citius se futurum, quod ille nunc est; vel si nescit, insaniat. Nisi fortè è duobus aliàs capitali simul supplicio addictis, ille foelicior est habendus, qui nouissimè iussus est dare colla securibus qui mihi quodammodo ipsa dilatione miserior videatur: quanquam non est par horum conditio, & illorum: huic enim interuenire aliquid potest, vnde collegæ supplicium euadat, & viuat: iuuenem senio eripere sola mors potest. Ad summam, paruo temporis in spatio non stat magna felicitas, & ingentibus animis, breue nihil, optabile est. Expergiscimini consopiti: tempus est; caligantésque oculos aperite. Assuescite iam tandem æterna cogitare, & amare, & optare; simul autem peritura contemnere. Condiscite ab his sponte discedere, quæ nobiscum diu esse non possunt, & animo illa relinquere, antequàm relinquamur. G. & S. Ætas est stabilis, virénsque. R. A. Mentiuntur, qui nescio quam ætatem stabilem dicunt. Nil volubilius tempore; tempus verò est vehiculum ætatum omnium; & hoc stabile fingitis? O vanitas: nihil est stabile; nunc maximè raperis.

Do

*Discite Mortales fragili non fidere forma.**Qua castis damno moribus esse solet.*

G A V.

Forma corporis eximia est *R. A.* Nihilo firmior
 Est illa, quam tempus, cum eo veniens, cum eo-
 dem fugit. Siste si potes, tēpus, poterit forsan
 & forma consistere. *G. A. V.* Forma corporis egre-
 gia est. *R. A.* Fragili niteris fundamento. Corpus i-
 psū vmbre in mōrem præterit; tu momentaneū
 corporis accidens tibi mansurū spondes? Ruere
 queunt accidentia, stante subiecto; nequeunt illo
 ruente, non ruere. Atqui cunctis ex qualitatibus,
 quæ mortali cum corpore fugiunt, nulla veloci-
 or, quam forma; quæ mox ut amœnum flosculum
 ostenderit, ipsos in oculos mirantium, atque lau-
 dantium evanescit; brevis hunc pruina perusse-
 rit, levis hunc aura decusserit, subito vel inimicæ
 manus ungue decerpitur, vel prætereuntis morbi
 calce deprimitur. Denique gloriare, & exulta, ut
 libet; venit, ecce, magnis passibus; quæ te velo te-
 nui latentem detegat: quanti esset forma viui ho-
 minis, mors ostendit; nec mors sola, sed senectus,
 & paucorum spatium annorum; immo vel vnius
 lucis repentina febricula. Postremò ut nihil exter-
 num incidat, per sese stando, durandoque consu-
 mitur; & in nihilum redit; neque tantum gaudij
 veniens tulit; quantum fugiens fert doloris. Hæc
 [ni fallor] expertus erat aliquando formosus ille
 Romanus Princeps Domitianus; qui amico scri-
 bens; scias, inquit, nec gratius quicquā decore, nec
 breui⁹. Quamuis, etiā si durabile, perpetuūq; na-

tura donum esset ; non intelligo , quid tanto
 pere expetendum habeat iste non solidus , nec
 in ipso homine , nisi superficie tenus , fulgens de-
 cor , multaue foeda contegens , & horrenda leuif-
 simaque curis obtenta , sensibus blandiens & il-
 ludens ? Veris igitur , ac mansuris bonis delectari
 conuenit ; non fallis , atque labentibus , G A. For-
 ma corporis elegantissima est. I A. Habes velum
 oculis , laqueum pedibus , alis viscum ; haud faci-
 le , seu vera discernere , seu virtutem sequi poteris ,
 seu in altum euolare animo : multos ad honesta
 pergentes forma detinuit , detorsitque cōtrariam
 in partem. G A V. Forma corporis mira est. R A.
 Bene ais , mira . Nam quid hac vanitate mirabilius ?
 quot delectabilibus abstinent formosi iuuenes ?
 quot suscipiunt labores ? quanta sibi inferunt sup-
 plicia , vt formosiores non sint quidem , sed appa-
 reant : vnius formæ studio , & valetudinis , & volu-
 ptatis immemores ? Quantum verò , inter comen-
 dum , tempus effunditur ? quot honesta interim ?
 quot vtilia ? quot postremo necessaria negligun-
 tur ? Tuum igitur breue , caducumque bonum , &
 inane gaudium , sine inuidia tibi habeto , Habes
 hostem tuum domi [quodq; peius est] delectabile ,
 ac blādum . Habes raptorem quietis , ac temporis :
 perpetuumque tortorē : habes materiam laboris ;
 vberriam discriminum causam ; fomenta libidi-
 num ; nec minorem querendi odij , quàm amoris
 aditum . Fies mulierculis forsā amabilis , odiosus
 viris , aut fortē suspectus . Nulla re magis , quàm
 forma corporea coniugalis zelus accenditur . Nul-
 la enim res ardentius appetitur , quàm forma . Nul-
 la animum mouere potentior , atque ideò nulla
 suspectior . C . Forma corporis magna est . R . Solet
 hæc stultos adolescentes , quò non expedit , vrgere ,
 dum

dum bono suo, ut libitum, sic licitum, frui putant; neque, quid deceat, attendunt? quæ sæpè iam multis acerbi, ac turpis interitus causa fuit. *GAV.*

Forma corporis rara est. *RA.* Ad breuissimum tempus erit: quando oris habitus hic, colorque mutabitur. Cadet flava cæsaries, reliquæ albescent; teneras genas, & serenam frontem squallentes arabunt rugæ; lætas oculorum faces, & lucida sydera mœsta teget nubes; leue dentium ebur, ac candidum, scaber situs obducet, atque atteret, ut non colore tantum, sed tenore alio sint; recta cervix atque agiles humeri curuescent; guttur leue crispabitur; aridas manus, & recuruos pedes suspiceris tuos non fuisse. Quid multa? Veniet dies, quo te in speculo non agnoscas. Et hæc omnia, quæ abesse multum existimas; ne quid improuisis monstris attonitus, non prædictum dicas, hinc iam tibi, si viuis, dicto citius euentura denuncio; qui si mihi nunc credis, nunc te parcius miraberis transformatum. *G.* Interim forma clara est. *R.*

Quid hic dicam breuius, quam illud Apuleij Medaurensis: *expecta paulisper, & non eris.* *G.* Forma corporis hætenus excellens est. *R.* Quàm mallem formam animi excellentem. Est enim & sua animæ pulchritudo, multò suauior; certiorque, quam corpori; & ipsa quoque suis legibus decore ordinis, atque apta suarum partium dispositione subsistens. Illam optare; illi operam impedere dignum erat, quam nec dies longa detereret; nec morbus extingueret, nec mors ipsa. Nunc caduca miramini. *G.* Certè nunc saltem insolita forma est. *R.* In hac, ut in aliis multis, optanda mediocritas. Sin hac tali forma, nec tibi placueris, nec nisi quæ decet, aliis, placere curaueris, vsusque fuc-

ris castè, sobriè, modestè, non exigua tuę laudis accessio est futura. G. Præclara facies animum honestat. R. Immo quidem exprobrat, & sapiens in periculum trahit. Quid verò attinet gloriari eo, quod neque tuum sit, neque diutius servare possis? Quod habuisse nulli; proiecisse multis gloriosum fuit? Mitto alios; Spurinam non naturalis forma nobilitat, sed accersita deformitas. G. Ut virtus animi corporis formæ iuncta sit, studeo. R. Si id effeceris, tum demum verè mihi tunc undique fortunatus fueris; formæque clarior videbitur, & virtus gratior. Quamvis enim errare, sibi visum esse, qui ait, *Gratior est pulchro venisse corpore virtus*, scribat Seneca; mihi tamen iure reprehensus videretur, si dixisset, maior, aut perfectior, aut altior. Nunc quia dicendo gratior, nō rem ipsam, sed spectantium iudicia respicit, non mihi visus est errare. Vergilius, qui hoc ait. Et ad summam, ut nihil in se solidum habet formæ gratia, nihil oprabile; sic, si ultro obuenerit, virtuti addita, neque utriusque de pretio error sit, hanc illius ornamentum dici patiar, vel non inamœnum visui; breue tamen, ac fragile: solam verò, pondus animæ dixerim, atque infaustum tristis insigne ludibrij.

De Valetudine corporis prospera.

DIALOG. III.

*Sapius agrotat mens sano in corpore, nusquam
Peius habet mala mens, corpore quàm valido.*

GAV.

Quid, quod valetudo prospera est. R. A. Quicquid de forma modo diximus, repetitum puta. GAV. Valetudo corporis firma est. R. A. En senectus ab aduerso, mille morborum.

borum armata generibus: contra valetudinem interea voluptas militat; familiare certamen. G. Valetudo corporis tuta est. R. Inconsulta iucunditas: quæque negligentes, & incautos facere soleat possessores suos; & sæpè morbos accersere, quos valetudini propriæ diffidentis intentio declinat. G. Valetudo corporis bona est. R. Bene vtere: alioqui leue bonum; quin & graue malum; si [vt solita est] culpæ cuiuspiam causa sit. Multis periculosa, & pestilens sanitas fuit, qui tutiùs ægrotassent. G. Valetudo corporis optima est. R. Res pergrata, multumque utilis, seu corpore quid agendum, seu animo est. Sed, vt quarundam radicibus herbarum inest vis veneni, quæ dum aliarum rerum inmixtione purgata est salubre poculum è pluribus fit, quod ex vno pestiferum fuisset: sic corporea sanitas, ne noxia, sit habenti, non aliter quàm adiuncta animi prospera valetudine, temperanda est. Nusquam peius, quàm in sano corpore æger animus habitat.

De Sanitate restituta. DIAL. IIII.

*Est melius valeas animo, quàm corpore, multis;
Crede mihi, nocuit conualuisse malis.*

GAV.

Longa ægitudine liberatus gaudeo. R. A. Gratiorem fateor sanitatem redditam, quàm retentam. Ingratissimi mortales bona vestra vix aliter, quàm perdendo cognoscitis; & perdita ergò vos cruciant; & recuperata lætificant. G. Grauißima febris me destituit. R. Grauißimas febres Medici dicunt, quæ ipsis in ossibus, & medullis æstuant. Quantò illæ sunt grauiiores, quæ in anima intus latent: his te ma-

ximè liberatum velim. G. Aegritudo abiit. R. Aegritudo præfens sæpè profuit; dum debilitatis viribus corporis, animæ sanitatem peperit. Consequenter igitur, & digressa nocuit, & animæ lumen imminuit, & corporis auxit insolentiā: quāvis mala, quamvis pessima aegritudo videatur; optabile malum tamen, quod mali remedium sit maioris. G. Tandem aegritudo longior finem habet. R. O stultissime; sic tu reris mortem effugisse, ad quam curris assidue? nunc propinquior mortis, quàm dum illi contiguus videaris. Irremediabile vobis est iter; neque vlla eius in parte subsistitur, neque diuersorium, neque lentior vsque gressus; & somnus & vigilia, & labor, & requies, & morbus, & sanitas, æquè sunt gradus ad mortem. G. Ancipiti aegritudine absolutus sum. Creditricem habes infallibilem: dilata solutionis dies est; sed non cassa ratio. Habes agrotare iterum, & mori.

De Viribus corporis. DIAL. V.

*Insanit, qui robusto de corpore fidit;
Excellit vires corporis ingenium.*

GAV.

Virium satis; immo multum contigit. R. Quæ de forma, ac valetudine dicta sunt, relege. Similium similis disciplina est. G. Multum est virium. R. Vide, ne quid aggrediare viriū fiducia, quò imbecillis appareas. Abundè est virium. R. Taurina gloria. G. Plurimum est virium. R. Plusculum elephanti. G. Virium nimis est. R. Facile crediderim id quidem. Sæper excessus autē in vitium vergit, seu ipsum est vitium. G. Nimis est virium. R. Nimietas hæc, si ad mediocritatem redeat, bene.

bene erit. Quid si ad defectum transeat? Quid si hoc robur fragilitas insignis excipiat? Crede mihi, nullæ tantæ usque corporum vires, quæ vel labore inmodico, vel morbo acti, vel cuncta vincente senio, non frangantur: infatigabilis, & inuicta vis animi est. G. Ingens robur est corporis. R. Nemo Milone robustior; clariores multi. G. Vastum & præualidum corpus est. R. Præstantissima rerum virtus, mole corporea non eget, in animis habitans. G. Nihil his viribus difficile. R. Immo impossibilia permulta, atque illud imprimis, ut qui corpore spem posuit, in altum scandat. G. Iam supra hominum vires sunt. R. Hac in re qui superior cunctis hominibus euaserit, multis tamen animantibus inferior erit. G. Nihil his viribus metuendum. R. Immo nunc maximè. In magnam enim virium fiduciam, magnis viribus accingitur fortuna; & interdum ex æquo congregi indignans, ut ostendat quàm fragile animal est homo [dum sibi etiam robustissimus videtur] giganteos viros leui prælio confecit. Herculem ab omnibus inuictum vis latentis mali vicit. Milonem ipsum cunctis celebratum, & cognitum palæstris, arbor vna detinuit, lacerandumque feris obtulit. Sic robur illud eximium sine exemplo fissæ quercus robori impar inuentum est. Tu viribus tuis fidis? G. Vires immensæ suppetunt. R. Omne immensum laborat mole sui. G. Vires in augmento sunt. R. Natura fermè rerum omnium hæc est, ut cum ad summum peruenerint, descendant, idque non æquo gressu. Ascensus enim lentior, descensus præceps; hæc quoque vires cum crescere desierint, non consistunt; & primò quidem clanculum, post apertius tandem ruent. O-

omnes res mortalium, præter animum solum, æquè
fugiunt; sed non æquè omnium fugæ vestigia ap-
parent; nisi fortè minùs eunt animalia, quæ vel te-
nebris, vel tacito repūt nifu; vel, quoniam id quo-
que traditur, itineris indicium caudis premunt.
G. Corporis mei viribus glorior. R. Quid faceres
tuis? Cogita verò quantarum ipse sis virium; istæ
enim non tuæ sunt, sed hospitij, immò carceris vi-
res tui. Vanum est autem, cum ipse sis fragilis, for-
ti habitaculo [dicam melius] forti aduersario glo-
riari. G. Viribus meis lator. R. Quid hic dicam?
nisi poëticum illud? *Non longum latātere, inque lati-
tæ locum veniant querela* Meministi, vt is ipse tam va-
lidus, quem bis modò memorauī, de suis viribus
in senectute conqueritur.

De Velocitate corporis. DIAL. VI.

*Currimus ad mortem citius, vel tardius omnes
At pretium vite, qui bene currit, habet.*

G. AV.

Sed pernicitas multa est. R. Refert, quoniam
scurius intendatur; multos sua velocitas in exi-
tium tulit. G. Pernicitas mira est. R. Currite
mortales, vt libet; cæli velocitas vos præcurrit, &
ad senium, & ad mortem applicat. Illud vobis cur-
sum eripiet, motum illa. G. Pernicitas summa est.
R. Eò tendit, vbi desinat. G. Pernicitas inaudita
est. R. Illò prope rat, vbi tarditas multa erit. G.
Pernicitas infinita est. R. Sit quanta libet: vbi se
exerceat, non habebit. Siquidem puncti vicem ter-
ra omnis obtinuit. G. Pernicitas inæstimabilis
est. R. Hæc ingenij laus est, cui maria & cæ-
lum, & æternitas, & naturæ spatia, recessusque, &
arcana

arcana rerū omnium patent. Corpus puncti, momentique ambitu circumscriptum, quod sua pernicitas latura atq; vbi dispositura est? Nonne enim vt latissimè pateat hoc spatium, seu temporum, seu locorum, nihilominus quocūque se flexerit, ad sepulchrum currit? Illæ saltem angustia sine vllis, aut astrologicis cōiecturis, aut geometricis demonstrationibus notæ sunt. Ita cō curritur, vbi profecto non curritur. G. Incredibilis mihi modo pernicitas est. R. Cū omnes homines excesseris, lepūsculum non æquabis. G. Pernicitas stupenda est. R. Hæc plerosque pendentibus, & præruptis locis comitata, plano calle destituit; quosdam per propugnacula turrium, per antennas nauium, per confraga montium innocuè volitantes, post leui pedis offēdiculo, in via publica prolapsos, extinctosque nouit ætas nostra. Antecepta est, contraque naturam insueta, grauium corporum hæc leuitas, volucrēmque hominem non diu factura. Nam et si inoffensa processerit, fessa tamen citò desinet: breue robur hominis, breuiorque pernicitas. G. Valde nunc agilis sum. R. Et asellus agilis iuuenta, & senio piger pardus. Spatio leuitas ingrauescet. Prima ætas stimulos habet, frœnos vltima: quicquid es, non eris diu; & si esse cupis, cura vt sis bonus. Senium virtus sola non metuit.

De Ingenio. D I A L. V I I.

*Serpentina placet prudentia, callida vulpis
Astuta mens est insidiosa nimis.*

GAV.

AT ingenium est velox. R. Ad virtutes vtinam. Alioqui quò velocius, cō propius ruina. GAV. Ingenium expeditum est.

R. A. Si & bonis artibus applicabile, pretiosa animi suppellex; si minus, onerosa, periculosa, laboriosa. *G. A. V.* Ingenium peracutum est. *R. A.* Ingenij non acumen, sed æquabilitas, atque constantia, veram laudem, & perpetuam merentur: quorundam acumen tenui cuspide frangitur; primoque molimine deficiet: validissima etiam, si ad ultimum extenuentur, infirma sunt; sic robur omne tenuitas atterit. *G. A. V.* Acutissimum ingenium est mihi. *R. A. V.* Nihil sapientiæ odiosius acumine nimio. Nihil verò philosophanti molestius quàm sophista: ideo inuisam Palladi finxere veteres araneam, cuius subtile opus, ac tenues telæ sunt, sed fragiles, nullique vsui. Vt mucronis ergo, sic ingenij acies sit; non penetret modò, sed subsistat. *G. A. V.* Promptum, & versatile ingenium est. *R. A.* Hoc Mar. Catoni Censorio tributum est, quòd literis simul, atque armis, bellicisque omnibus, & urbanis, ac rusticis artibus æquè foret idoneus; quòd ex parte Græci suo tribuunt Epaminondæ; Persæ autem Cyro. Tuum hoc versatile quonam vergat, nec versutum sit, neue aliquid non agile, sed leue potius, & inconstans habeat, caueto. Aliud est enim non posse consistere, aliud facile ire posse, quò velis. *G. A. V.* Ingenium est excellens. *R. A.* Multum refert, quo in genere excellas: huius enim quoque verbi significatio vaga est: verumque est, vbi intenderis ingenium, valere. Malo igitur ingenium bonum, quàm excellens; quòd illud in malum flecti nequit; hoc in diuersa volubile est. Nam & Crispus Lucium Catilinam magna vi animi fuisse, ait; sed ingenio malo, prauoque. *G.* Ingenium magnum est. *R. G.* Bonum cupio, & modestum, magnitudo
sola

sola suspecta est. Sæpè magnum ingenium magnorum initium malorum fuit. Raro autem magni errores, nisi ex magnis ingeniis prodire.

De Memoria. DIAL. VIII.

*Est aliquid, bene qui meminit, sed sapientia
Accidit ingenio, quod meminisse dolet,*

G V.

MEmoria ingens data est. R. Ampla ergo domus tēdij, & Atrium fumosarum imaginum, vbi multa displiceant. G. Memoria est multarum rerum. R. Multis in rebus pauca delectant, plurima cruciant, & sæpè delectabiliū mœsta recordatio est. G. Rerum adest variarum memoria. R. A. Si bonarum bene, si malarum, quid hinc gaudes? parūne triste est, vel tulisse mala, vel vidisse, nisi vel quotidie recurrant, vel sub oculis sint semper? G. Memoria diuersarum rerum suppetit. R. Et culparum, & delictorum & scelerum, & ignominiarum, & repulsarum & dolorum, & laborum, atque discriminum; quamuis huic vltimę voluptas quędam [vt aiunt] sit adiuncta memorię. In quo tamen intelligitur, non tam præteritorum malorum cogitatio, quàm præsentis boni delectatio iucunda esse. Itaque neminem laboris, ac periculi meminisse iuuat, nisi quietum, aut securum: paupertatem letè meminit, sed diues: morbum, sed incolumis; sed liber, carcerem; sed solutus, vincula; sed reuersus, exilium. Sola ignominię memoria, in mediis licet honoribus tristis est. Adeò nihil delicatius, vel incurabilius, quàm fama. G V. Memoria multiformis est, & multorum temporum. R. A. In recordatione multiplici multiplex molestia,

58 PETRARC. DE REMED.

Quædam nempe conscientiam vellicant , quædam pungunt quædam vulnerant. Alia confundunt alia exterrent, alia deiiciunt : vnde fit , vt memorantium ora rubor , pallorque vicissim in silentio occupent, quod pessimis hominum plerunque accidit, incessusque sit varius, vox incerta , & quæ sunt eiusmodi , animi memoria laborantis indicia. G. Memoria prompta est. R. Mallem, voluntas pia, castumque desiderium & honesta consilia , & actus innocui, & vita probri nescia. G. Memoria apprimè tenax est. R. Vnde hæc igitur obliuio cælestium præceptorum ; quæ tam pauca sunt numero? Vnde obliuio Dei vnus? Vnde obliuio sui met? G. Memoria admodum tenax est. R. Terrenarum , & inutilium rerum credo : quoniam verò , & quò vaga hæc , volatilisque memoria ? quæ cum cælum, terramque peragrauerit, in seipsam nesciens reuerti, quod vnum necessarium ac salubre erat, obliuiscitur. In qua ci si fortè aliquid delectationis interdum, sæpè tamen anxietatis est plurimum, nec immerito. Themistocles, cum ei quidam memorandi artem à Simonide tunc inuentam polliceretur : Male se ait obliuionis artem , quàm memoriæ discere. Et licet hoc ille suo quodam iure respondisse videatur , vt qui naturæ dono illo supra fidem excelleret : cuiusque memoriam innumeræ quidem rerum, atque verborum imagines prægrauarent; ferè tamen omnibus conuenit: ita omnes & dediscenda discitis , & discenda dediscitis; in his tantum, quorum utilis esset obliuio, memoriam exercentes, inque id naturæ finibus non contenti , insaniam arte laxatis. G. Memoria omnipotens est. R. Titulus hic vni
suis

tuus est Deo. Multipotens dicere voluisti. Si qua tamen insignis memoria vis est [quod omni curiositate melius fuerit] damnosa reiciat, stringat, utilia, neque tam sedulo, quæ delectent, aggreget, quàm quæ profint. G. Memoria optima est. R. Optimo nihil est melius, quod si fidem dicto quæris, ut in optimiste memorem præbeas oportet. Memento peccati tui, ut doleas, memento mortis, ut desinas, memento diuinæ iustitiæ, ut timeas, memento misericordiæ, ne desperes.

De Eloquentia. D I A L. I X.

Eloquio multi adiuti, multi periére.

Hec quædam in miseris lingua nocere potest.

G A V.

AT præclarum est eloquium. R. Magnum, fateor, instrumentum gloriæ, sed anceps, cupidide gemina. Et hoc quoque qualiter uti scias, refert plurimum. G. Eloquium torrens est, & rapidum. R. Haud ineptè quidam stulti, atque improbi eloquentiam furiosi gladio æquiparant, utrumque enim publicè inermem esse expedit. G. Eloquium clarum est. R. Clarum aliquid variè dicitur. Clarus sol, clarum incendium. G. Præfulgidum eloquium est. R. Et lugubres cometae & infesti gladij, & hostiles galeæ fulgent. Ut fulgore eloquentiæ gloriosus sit, sanctitate & sapientia temperetur. G. Copia eloquij ingens est. R. Siquidem iuncta modestiæ, magnum aliquid supraque communem hominum mensuram, non inficior, alioqui mutum esse præstabat. G. Eloquentiæ satis est. R. A. Satis eloquentiæ, parum sapientiæ fuisse in homine illo sce-

Iestissimo apud Crispū legis: neq; is quidē gloriā eloquentiē quæfuit vllā, quanquam altiore iudicio non eloquentia, sed loquacitas illa fuit. Verus enim orator, hoc est, eloquentiæ magister, nisi vir bonus, esse non potest. Quod si bonus & sapiens, putabas ad oratorias laudes, perfectūque munus eloquentiæ hanc verborū impetum, qui sepe procacibus, atque inuerecundis vberior est. siue hanc ipsam etiā dicendi peritiam satis esse; falleris: linguæ volubilitas, atque verborum copia, & ars etiā quædam, sceleratis, piisq; communia esse possunt. Id quod quæris, bonorum est, nō omnium quidem, sed paucissimorum: ita vt mali omnes huius laudis extorres sint, ad quam scilicet, animi bona, quibus carent, virtus & sapientia requiruntur. Quod, vt sic esse nō intelligas, dicā. Sed memineris duarum, de quibus loquor, rerū: diffinitiones in mentem redeant, quarum altera Catonis, Ciceronis est altera. Ille ait: Orator est, vir bonus dicendi peritus. Iste autē nihil est, inquit, aliud eloquentia, nisi copiosè loquens sapientia. Ex his vides ad oratoris, atque eloquentiæ essentiam, & bonitatem, & sapientiam exigi: nec tamē sufficere, nisi & peritia adsit, & copia. Ita, vt primæ illæ duæ virum bonum, sapientemq; duntaxat: hæ autem solæ nec bonum, nec sapientem nec loquentem quidem efficiant, sed loquacem. Omnes verò coniunctæ perficiant oratorem, eiúsque artificium: quod profectò rarius, atque altius est, quàm putent, qui in multiloquio situm sperant. Tu ergo si oratoris nomen, & eloquentiæ veram laudem quæris, virtuti & sapientiæ primū stude. *G.* Eloquentia plena atque perfecta est. *R.* Pleno atque perfecto nihil deest: deerit autem multum, si præmissa defuerint. Antè igitur quàm
de v.

de vniuerso pronuncies. hoc vnum tacitus tecum volue. *G.* Eloquentia summa est. *R.* Supra summum nihil est: his ergò cessantibus, iam summa non erit, sed caducum quiddam, & informe, cui fundamentum fastigiũque detraxeris. *G.* Eloquentia dulcis & ornata est. *R.* Dulcedo, & ornatus iste nescio quid blandum seu dolosum, non virile, nec sincerum præfert: sed non pluris est apud rectos iudices suavis, & compta viri fallacis oratio, quàm vel meretricis fucus, vel mellitum virus, vel phrenetici robur, vel auari aurum: quicquid est, quanuis appareat, ac mulceat, si principium essenziale defuerit, nihil penitus, aut nihilo proximum videri debet. *G.* Eloquentiæ fiducia magna est. *R.* Magna sæpe fiducia magnis periculis viam fecit, vt animum attollat, atque adiuuet, frœnum accipiat, sese norit, quod agendum instat, examinet, absit insolentia pariter, & contemptus. Sin progressa liberius, virium obliuisci cœperit, iam non fiducia, sed temeritas, & audacia est, qua nihil est à sapiente remotius: hæc in rebus omnibus agendis, vt aspectu pretiosior, sic affectu periculosior ignauia est. Illa enim domi pigros, & inglorios tenet, hæc impellit ardentes, & quos æstimabatur promotura, præcipitat: hæc sæpe bellacissimos viros ostendit imbelles, cautissimos probauit incautos, vtq̃ue ad te redeam, qui disertissimi videbantur, infantissimos patefecit. *G. A V.* Eloquentia ingens est. *R.* Vt sit historico fides, inter vitia iufinita eloquentiam habitasse, verique locum teneat authoritas, neque dubium sit, quod eloquentiæ princeps in Rhetoricis scribit, eloquẽtiã sine sapientia esse nõ posse: quæ vt liquet, superioribus aduersatur: ista tamen quolibet modo sumpta eloquentia, cer-

te quò maior, eò dānosior, funestiorq; si sola est. *G.* Eloquētia singularis est. *R.* Hęc est, quæ singulares viros, & Græcos, & nostros in perniciem traxit: quod ita esse Demosthenes, & Cicero, & Antonius nō negabunt. *G.* Eloquentia plausibilis est. *R.* Sī innocēter absque iactantia vtare: vix vlla re citius multitudinis amorē tibi concilies, & gloriam quæras, si quo, nisi mera virtutis artificio, quæri potest. sin arroganter atque improbè, perfacilè tibi discrimen, & multorum odia tibi conflaueris. Sapientis dictum est cuiusdam: Mors & vita in manu linguæ. Non vnus verò tantum hominis, sed multorum. Quorundam linguæ tota seuertere Respub. euertentque. Pessimum, nocentissimumque hominis mali membrum, lingua est. Nil hac mollius, nil durius. *G.* Eloquentia sonora est. *R.* Et sonorum fulmen. *G.* Eloquentia florida est. *R.* Et floridum Aconitum. Denique versa, vt libet, & reuerfa, & gloriæ habes viam arduam, & inuidiæ pronam valde.

De Virtute. DIAL. X.

Virtutem iactas, vitiorum pondere pressus;

Affectas, Virius est, cohibere suos.

GAV.

NUnquid non saltem licet de virtute gloriari? *R. A.* Vt liceat, in illo tantum licet, qui virtutis & omnis boni auctor solus, atque largitor est. *G. A. V.* Magna est animi virtus. *R. A.* Vide autem, ne quò maior creditur, minor sit. *G. A. V.* Spectata virtus in rebus dubiis est. *R. A.* Proprium est virtutis, non quid actum, sed quid agendum sit, nec quid adsit sibi, sed quid desit attendere: vnde est, vt sæpe illam non de quæsito gloriantem, sed de quærendo sollicitam videam.

videamus. Dicerem, si liceret, auaram, aut certe auaritiæ similem esse virtutem. Iugiter sitit, quotidie inardescit quò plus quæsierit. eò sibi pauperior videtur, & plus appetit. Nullus ei desiderij modus est. Nullus sat magnus cumulus meritorum. *GA V.* Virtus supra humanum morem est. *RA.* Vereor ne superbiæ sit ista professio, non virtutis. *GA V.* Virtus longè clarissima est. *RA.* Fundamentum veræ virtutis, humilitas, nec tanta claritas vlla est, quam elatio non obscuret. Scit illè, qui clarissimus creatus, seque ipsum effrens, non obscurus tantum, sed princeps meruit fieri tenebrarum. Quod si illi accidit, quid alij de se sperent? *GA V.* Virtus eximia est. *RA.* Non solet esse virtus iactatrix, aut miratrix sui, sed imitatrix alieni. Itaque semper anhelans, semper altius aspirans, dum se comparat, parui pendit. *GA V.* Virtus consummata est. *RA.* Nunquam hoc virtus de se iudicat, non confidit, nihil arrogat. Scit hoc tempus esse militiæ, non triumph, atque adeò nunquam torpet, & semper in æquæ est: semper, quasi nunc incipiens, accingitur. Quæ omnia perfecisse, seque vndique consummatam credit, crede mihi, non est virtus, error est virtuti obuius, atque aduersus. Quisquis ad summam peruenisse credit, in hoc primum fallitur, quòd vbi credite esse, non est. Deinde, quòd illinc ferentem viam aberrando, deserit, dumque quod nō habet, anticipat, quod habere potuisset, sponte sua negligit: siquidem nil tam profectui aduersum, quam perfectionis opinio. Nemo studet agere, quod peregisse se putat. Error hic sæpe magna parantibus obstitit, iamque alta pressantibus. *GA V.* Virtus pro humana capacitate plena est. *RA.* Si omnem vitam ante oculos

ponis, pèrque dies singulos actum, ac verborum, & cogitatum rationem à te ipso exigis, incorruptus rerum arbiter tuarum, videbis quantum vacui in animis sit, quantum vitia occupent. G. At saltem communis, & mediocris est virtus. R. In rebus altissimis vix mediocritas locum habet: verum habeat; non tamen hæc gaudij materia, sed laboris, ac studij est. Nam quod ad summa disponitur, donec eò peruenitur, non quiescet. G. Aliqua est virtus. R. Huius quoque iudicium linque aliis. Et si qua est virtus, non ibi finis gaudij, sed in illo, ad quem vera per arduum virtus ducit. Eam nempe philosophiam profitemur, quæ non fruendum virtutibus, sed vtendum docet. Nondum plenè igitur gaudendi tempus est, tot nunc etiam vitæ periculis circumfusus. sed optandi potiùs, sperandique. Gaudisurum te, sperare potes, sic tamen, vt metuas doliturum. G. Si quid boni est, sentio vnde sit, & in illo gaudeo: quicquid autem deest, scio vnde poscendum sit, & de illo spero. R. Hæc est virtus, & iam tutum iter ad verum gaudium inuenisti.

De Virtutis opinione. DIALOG. XI.

*Conscia mens pravi, non claro nomine gaudet,
Displicet ingenuis gloria falsa viris.*

GAV.

Quisquis ego sum, opinio de me hominum bona est. R. Opinio rem non mutat. G. Bonum me communis habet opinio. R. Quid si malus tu, nonne opinio falsa est? Scientem certè falso gaudere, dementia est. G. Opinione vulgari bonus dicor. R. Nihil est, quod non sibi fingere possit opinio. Bonum autem, seu malum, quod in animis habitat, neque diuersis
opinio-

opinionibus, neque sermunculis variatur. Non si cuncti igitur te mortales bonum dixerint, bonus fies. *GAU.* Bonum mihi saltem est nomen. *RA.* Melius esse nomen bonum, quam diuitias multas Hebraeorum Sapiens ait, Idemque alibi: Melius nomen bonum, quam vnguenta pretiosa: & valorem boni nominis: & odorem famæ his verbis expressit, comparatione scilicet auri, & vnguenti. Quomodo autem, seu nomen, seu aliud quicquam esse potest bonum, si sit falsum? Quaecunque igitur sit nomen impij, non fit ideo minor impietas. Non inani igitur nomine gloriatur, sed illud eiusdem Sapientis audiat: Nomen, inquit, impiorum putrescet. Et illud alterius: Gloria nostra hæc est. testimonium conscientiae nostræ. Illa si intus tibi obstrepat, quid tibi proderunt adulantium susurri, quid blanditiis, aut fictionibus partum nomen? Et radice mala nihil boni oritur. Neque hinc ortum nomen bonum dixeris. cum verum dicere non possis. *GAU.* Bene de me sentiunt ciues mei. *RA.* Non refert, quid de te alij sentiant, sed quid tu. *GAU.* Bene de me loquuntur ciues. *RA.* Noli credere; quid loquantur nesciunt, & cupide mentiuntur pruritu quodam linguae, in vtranque partem nimio. & consuetudine in naturam versa. *GAU.* Bene de me pluri mi loquuntur. *RA.* Ignorantibus credere, quid est aliud, quam volentem falli? *GAU.* Bene de me loquitur vicinia. *RA.* Dulci loquio forsan, aut muneribus delinita, aut de te aliquid sperans. Nunquam, vel amanti credideris, vel speranti. *GAU.* Vicini mei nomen meum celebrant. *RA.* Alter alterum decipit omnes te. *GAU.* Bonum mihi testimonium ciues dant. *RA.* Est intus inanima testis incorruptior, certiorque: Conscien-

tiam tuam interroga: illi crede. *G. AV.* Bene de me homines opinantur. *R. A.* Opinio ambigua nomen est rei: certissima res est virtus. *G. AV.* Ego ipse mihi vir bonus videor. *R. A.* Ergo es malus. Boni enim, sibi displicent, seque accusant. *G. AV.* Et mihi videor, & aliis bonus. *R. A.* Quid si tu malus, illi autem stulti? *G. AV.* Bene de me sperant ciues. *R. A.* Curane spes ciuium falsa sit. Turpe est de se sperantes, cum possis aliud, frustrari. *G. AV.* Credo sim, de quo non frustra sperent multi. *R. A.* Si id esses, id non crederes. Malum est alios, pessimum autem seipsum fallere. *G. AV.* Omnes me virum bonum putant. *R. A.* Quid si tu contrarium scis? *G. AV.* Omnes me virum bonum dicunt. *R. A.* Et tu credis omnibus? Num te autem dici pudet, quod non es? sed est hoc nobis insitum inter cuncta mirabile, de nobis nostrisque de rebus, quanuis occultis, plus cuicunque, quam nobis credere, iuxtaque Flacci sententiam, Et mendacem, timere infamiam, & falsa gloria delectari. *G. AV.* Totum vulgus vna voce me laudat. *R. A.* Nulla pronior ad errorem, atque ad precipitium via est, quam per vulgi vestigia. Quicquid penè vulgus laudat, vituperio dignum est. *G. AV.* Cunctis hominibus placeo. *R. A.* Placere hominibus, displicere est Deo: contraria contrariis gaudent. *G. AV.* Viri boni nomen habeo. *R. A.* Vita constantia, honestate, seruandum est, alioqui facile euanesceat: ventus est enim. *G. AV.* Multae sunt in populo laudes meae. *R. A.* Seuisti in agro arido arbores caducas. *G. AV.* Magnae inter doctos etiam laudes meae sunt. *R. A.* Si verae durabunt, &, ut ait Cicero, radices agent, & propagabuntur. At si fictae, celeriter tanquam foliuli decident. *G.* Omnes vno ore meam praedicant

dicant virtutem. *R.* Non in hominum statu, neque in propria virtute, quanuis vera, sed in ipso virtutum omnium auctore glorandum. Qui contrarium facit, non modo non assequitur assertione hominum, quod non habet, sed id ipsum, quod habet, vel imminuit, vel amittit. *GAU.* Vulgus omne me pradicat. *R.* Dixi, & repeto, quicquid vulgus cogitat, vanum est, quicquid loquitur, falsum est, quicquid improbat, bonum est, quicquid approbat, malum est, quicquid pradicat, infame est, quicquid agit, stultum est. In nunc, in sanorum fermunculis gloriare.

De Sapiencia. *DIALOG. XII.*

*Est Sapiens, qui dissimulat sapientiam habere,
Est sapiens vitam qui tenet innocentiam.*

GAU.

Sapientiam consecutus sum. *R.* Rem magnam, si vera esset, & inseparabilem a virtute. Si illam igitur approbasses: hanc probata esset: sed vtraque opinione aliquantò faciliior est quàm res. *G.* Sapiens sum. *R.* Crede autem mihi, nunquam, si verè esses, hoc diceres. Sapiens enim quantum est, quod sibi desit, intelligit, non gloriatur itaque. sed suspirat. *G.* Sapientem me profiteor. *R.* Bene itent res, si tot essent sapientes, quot sapientia professores. Nunc illud perdifficile est hoc vero facillimum. *G.* Sum sapiens. *R.* Si verè sapiens esse vis, non illud quidem opinari. Credere se sapientem, prius ad stultitiam gradus, proximus est profiteri. *G.* Studio ad sapientiam perueni. *R.* Vtique sic ad illam peruenitur. Sed an tu perueneris, recogita. Non est enim res studij brevis, egens aliquot annorum ut reliquæ artes, rota, vel longissima opus est vis

ta. Si quis[ut aiunt] tota die currens peruenit ad
vesperam, satis est. Notum est illud Platonis, ut
alia multa præclarissimum, quod Ciceroni placet,
& mihi: Beatum, cui etiam in senectute contige-
rit, ut sapientiam, verasque opiniones assequi
possit. Hastu an calle medio obuias habueris,
an nescio quo pennato equo vectus ante tempus
attigeris, incertum, tam citò sapiens euasisti? *GAV.*
Sapientia perfectionem cœlitus accepi. *RA.* Est,
fateor, cœleste donum sapientia, sed magnus certè
vir erat, & cœli amicus, qui dicebat: Non quòd
iam acceperim, ideò perfectus sum. *GAV.* Sapien-
tiam cupida mente comprehendit. *RA.* Ut pecu-
nia, rerumque multarum, mala, sic sapientia cu-
piditas bona est. Sed an tu tantæ rei capax sis, vide-
to. Certè, ille idem: Ego me, inquit, non arbitror
comprehendisse. Et ille quoque per magnus erat,
qui cum Deo de seipso loquens, sic aiebat: imperfe-
ctum meum viderunt oculi tui. Hoc est proprium
Sapientis, imperfectionem suam nosse, ac fateri.
GAV. Sapiens dicor. *RA.* Non te tua, neque alie-
næ vnquam voces, sapientem fecerunt, sed res i-
psa. *GAV.* Sapiens vulgò dicor. *RA.* Vulgus insa-
nos sapientes dicere, & sapientes insanos, iure suo
didicit, quod est, ut falsa pro veris, veraque pro fal-
sis habeat. Nihil est à virtute vel à veritate remo-
tius, quàm vulgaris opinio. *GAV.* Omnes præ-
dicant me sapientem. *RA.* Ad famam fortasse ali-
quid, ad sapientiam nihil omnino, Sentio autem:
supercriptionibus inniteris literarum, quibus ni-
hil est liberius: non satis est facere sapientes, qui
non sunt, sed egregios & insignes faciunt, ac ve-
recundos: serenissimos in super, & illustres, ut iam
simplex sapientia titulus sit pudori, qui quàm
paucis conueniat, stupor est: obsoleuit tamen in-

ter titulos clariores, quos qui scribendo sic accumulabant, sciunt se mentiri. Sed urbani, vel mendacio fieri volunt. Vos qui legitis non veros modo, sed citra verum sistere illos rati, publico errore fallimini. Nemo est, qui de suis rebus interroget. Omnes aliis de se credunt. Vis autem noscere quàm sis sapiens, vette oculos retrò. Recordare quoties in hoc vitæ cursu cespitaueris, quoties aberraueris, quoties offenso pede cecideris, quot pudenda quot dolenda, quot poenitenda commiseris; tunc, si audes, te dicito sapientem: credo autem non audebis. *G. A. P.* Scio me sapientem. *R. . .* Literarum forsan vis dicere. Sunt enim planè literati aliqui verè, licet pauci, sapientes autem pene nulli. Aliud est sapienter loqui aliud sapienter vivere, aliud dici, aliud esse sapientem. Fuere qui dicerent sapientem nullum. Id quàm verum, falsumve sit non disputo. Certè nimis prærupta sententia est & ad desperationem prona, & studio aduersa sapientiæ. Hebræi Sapientem Salomonem suum prædicant, qui, quàm sapiens esset, turba coniugum pellicumque testatur, multoque maximè Diis alienis cultus exhibitus. Romani Sapientem Lælium & Catonem. Græcia ipsa, dum floruit, septem habuisse dicitur Sapientes. Ij quoque hoc titulo indigni sequentibus visæ erant Qui excusant, dicunt, nō eos illum sibi titulum assumpsisse, sed ab errantibus populis traditum, possedisse. Vnus tantum fuit, sua possessione, suoque sapiens iudicio, stultissimus omnium Epicurus. Quem titulum cū Metrodoro participare voluit, nec honorificum amici donū ille respuit, seque etiam Sapiētē dici, æquanimiter tulit, ut sua illa, qualis qualis gloria, error esset alterius. Vn^o quoque sapiēs Socrates oraculo dict^o Apollinis, forsā ideò, ut vnū illū

sapienti proximum, falso testimonio, falsus Deus ad amentiam, atque insolentiam irritaret. Hæc de antiquis sapientibus dixerim. Felicior ætas nostra, quæ non vnum, duosve, vel septem, sed in singulis urbibus, ceu pecudum, greges numerat sapientum. Nec mirum sanè, multos esse, qui tam facile fiant. Venit iuuenis stultus ad templum, præceptores illum sui prædicant, celebrant, seu amore seu errore: tumet ille, vulgus stupet, plaudunt affines, & amici. Ipse iussus, in cathedram scandit, cuncta iam ex alto despiciens, & nescio quid confusum murmurans, tunc maiores certatim, ceu divina locutum, laudibus ad cælum tollunt, tinniunt interim campânæ, strepunt tubæ, volant annuli, figuntur oscula, vertici rotundus, & niger pannus imprimitur. His peractis descendit sapiens, qui stultus ascenderat. Mira prorsus transformatio, nec Nasoni cognita. Sic fiunt hodie sapientes. Verus sapiens fit aliter. G. Sapiens sum. R. Solent qui de se magnificè sentiunt, præfidenter maiora viribus aggredi, inque nisu medio prolapsi, suo vel periculo vel pudore condiscere, quàm iusti fuerint rerum æstimatores suarum. Præstat igitur [mihi crede] falsas opiniones abiicere, insolentiam deponere, insipientiam circumspicere, & optare, ne qua experiendæ sapientiæ necessitas incidat, quæ declaret te de nihilo gloriatum. Hæc rectior, tutiorque quærendæ sapientiæ via est. GAV. Credo ego ad sapientiam peruenisse. R. A. At, si mihi obsequeris, ad illam potiùs assurgendo, nitendoque peruenies, quàm credendo. Nihil altius ascendit, quàm humilitas operosa.

De Religione.

V T R I V S Q, F O R T. L I B. I. 74
De Religione. D I A L O G. X I I I.

*Orphanos, viduâsque inuifere, ſpernere mundum.
Hac Chriſto vera Religione places.*

G. A V.

Religione gloriſ perfectâ. R. Religio opti-
ma, ac perfectâ vna eſt, ſupra Chriſti nomen,
ſupraque petram firmiſſimam fundata: reli-
quæ omnes ſuperſtitiones vanæ, & deluſa, & erro-
res ſunt, quibus eſt iter ad tartarum, atque ad mor-
tem, non hanc momentaneam, ſed æternam. Et
quot putas, quantiſque viri huius veræ religionis
inopiam mirabilem paſſi ſunt, cunctis in rebus
altis altiores: Habent illi, quod æternum gemant,
habet tu vnde gloriſ, & gaudeas, non in te qui-
dem, ſed in eo, qui te ſumma in re tantò maiori-
bus præferre dignatus eſt, qua nil maius, niſ melius
tibi tribui poterat in hac vitâ, de qua loqui ali-
quid vberius non grauarer, nires Ipſa cœleſti lu-
mine penè iam omnibus nota eſſet. G. Pius ſacris
initiaſ ſum. R. Pia ſacra religionis humiſ ſunt
tantummodò, reliquarum omnium ſunt furiores,
rituſſque ſacrilegi. Neque tamen initiaſ eſſe ſuffi-
cit. Maiuſ eſt fortè, quàm putas, deuoto licet ani-
mo dulce negotium. Non enim Deum noſſe ſatis
eſt, quod & dæmones faciunt, qui oderunt. Amor,
& cultuſ exigitur, hiſ ex rebus conſtans, quæ uti-
nam tam bene implerentur ab hominibus, quàm
ſciuntur. G. De vera religione mihi placeo. R. Place-
re ſibi, ſuperbire eſt. Hac autè vera religio, quæ te
Deo religat, Deum tibi humilitatè piis mentibus
inferit, inſolentiâ extirpat. Sit tibi igitur gaudere
permiſſum, vt quâtò lætior, quâtôſque religioſior, tã-
tò ſis melior, & operib. bonis affluẽtior. Illi gratias

c iij

agens, qui tibi ex hac mortali vita rectum iter ostendit ad æternam vitam. *GAU.* Veram Religionem [Deo gratias] sum adeptus. *R. A.* Bene agis, Deo gratias. Custodi autem illam bene ab erroribus, à negligentia, à peccatis, & sic habe, si hanc affectus es, & in ea te exerceas, ut dignum est, cessare controuersiam, de qua modò litigauimus, cū sit scriptum sacris in literis: Pietas est sapientia: & per alium: Initium sapientiæ est timor Domini. Neque id ipsum tacitum in prophanis. Cuius rei Lactantius meminit Institutionum secundo. Affirmat, inquit, Hermes, eos qui cognouerunt Deum, non tantum ab incurribus daemonum tutos esse, verum etiam ne fato quidem teneri. Vna, inquit, custodia pietas. Etenim pius homo, neque demoni pessimo, neque fato subiacet. Deus enim liberat piū ab omni malo. Namque vnicum atq; solum bonum est hominibus pietas. Quid sit autem pietas ostendit alio loco his verbis: Pietas. n. scientia est Dei. Eandemque sententiam Asclepiū in sermone quodam regio latius explicasse confirmat. Vides, ut obstinatissimi duo pagani vestram circumuelant veritatem: tanta est veri vis, ut linguas sæpe hostium ad se trahat.

De Libertate. DIALOG. XIV.

*Non liber, qui peccatis inservit, habetur,
Libertas, sed ubi Spiritus est Domini.*

GAU.

IN Libertate natus sum. *R. A.* Non qui nascitur liber, sed qui moritur, liber est. Multum fortunę licet in nascentem, in extinctum nihil. Expugnat vrbes munitissimas, armatos fundit exercitus, potentissima regna subuertit. Inexpugnabilis arx, sepulchrum. Illic regnum ver-
mibus

mibus, non fortunæ. Itaque limen illud ingressi
 soli mortalium, vitæ huius ab insultribus tuti sunt.
 Tu te liberum iactas, & ignoras non dico ad sepul-
 crum, sed an liber hodie in cubiculum sis iturus.
 Libertas vestra tenuissimo nitens filo, sicut alia,
 quibus fidentis, omnia, tremula semper, & caduca
 est. *GAV.* Liber sum. *R.* Idcirco te [ut reor] li-
 berum dicis, quia dominum nullum habes, sed
 Annæum audi Senecam: Bona, inquit, ætas est, for-
 sitan habebis. Nescis, qua ætate Hecuba servire
 coepit, qua Cræsus, qua Darij mater, qua Plato,
 qua Diogenes? His ille te admonet exemplis.
 Multa sunt alia, vel tacita Seneca, vel ignota.
 Nunquid non Attilium Regulum meministi: in-
 dignum prorsus hoc ludibrio; passum tamē: Nun-
 quid tibi recentior annis Valerianus excidit? quo-
 rum ille modò dux, hic autem princeps populi
 Romani, moxque ille Carthaginensium, hic Per-
 sarum servus: ille truci supplicio peremptus, hic
 longa & misera contabuit servitute. Quid Mace-
 donia, Numidiaque Reges? hinc Persen hinc Si-
 phacem memorē atque Iugurtham? regni om-
 nes è culmine, Romana lapsos in vincula, Mitti o-
 veteres regum casus. Ætas tua quosdam è regia
 trusit in carcerem, eundemque vna hora, & primū
 regem, & ultimum servum vidit. Siquidem eo
 quisque miserior servus est, quò felicior liber fuit.
 Noli igitur libertate tumescere, quoniam non ex
 liberis modò, sed ex regibus tam subito servi fiūt.
 Nec miraberis cū secundum Platonis senten-
 tiam, non minùs ex servis etiam reges fiant, Mu-
 rantur assidue res humanæ. Nihil sub cœlo sta-
 bile. Quis in tanta vertigine firmum aliquid, ac
 mansurum speret? Neque verò te liberum hinc du-
 xeris, quòd esse dominum tibi nō vides, quòd po-

rentibus ortus ingenuis, nec in acie captus, nec vendatus sis. Sunt vobis inuisibiles animorum domini, & in ipsa hominum origine latens pestis est. Nascendi genus obnoxium peccato, qua nulla grauior seruitus fingi potest. Sunt occulti hostes, & bella clandestina: sunt quæ miseras animas nundinentur, quas [heu] vili pretio venditis, voluptates foedissimæ dominarum, quæ vos inenodabili laqueo vinctos tenent, Ite nunc, & libertate gloriamini. Sed vos cæci, nihil, nisi corporeum videtis. Vnde eum, qui vni mortali subest domino seruum dicitis: Illum vetò, qui mille immortalibus tyrannis opprimitur, liberum iudicatis: eleganter, vt reliqua. Profectò autem liberum non facit fortuna, sed virtus. G. Liber sum. R. Planè. Si prudens es, si iustus, si fortis, modestus, si innocens, si pius. Horum si quid abfuerit, pro ea te parte seruum scito. G. In libera patria natus sum. R. vrbes quoque tu liberas, tua ætate. per exiguo flexu rerum, post paululum seruas nosti. Quòd si vel notiora, vel clario-
ra sunt vetera, Lacedæmon & Athenæ liberrimæ vrbes, ciuile primùm, mox externum passæ sunt iugum. Hierosolyma sancta vrbs, & libertatis æternæ mater, temporaliter & Romanis seruiuit, & Assyriis, nunc seruit Ægyptiis. Roma ipsa non solum libera, sed domina gentium, suorum primùm ciuium, post etiam vilissimorum hominum serua fuit: nemo vnquam libertati, nemo vel imperio suo fidat.

*Quid refert, qua sis patria salus? omnibus una
Quærenda est nobis, non peritura domus.*

GAV.

Gloriosa in patria natus sum. *R.* Plus negotij habes, vt in lucem venias. Fulgent minutiora etiam astra per noctem, & Bootes ad solis radios habet, & lucifer. *G.* Clarissimæ patriæ ciuis sum. *R.* Bene, si virtutum hospes, vitiorum hostis: fortunæ enim est illud, hoc tuum. *G.* Patria mihi felix, ac nobilis est. *R.* Refert qua nobilitate. Hanc numerus incolarum, hanc insignis opum magnitudo, hanc spectata fertilitas, hanc situs ipse nobilitat. Salubris aer, clari fontes, mare proximum, tuti portus, opportuni amnes. Nobilis patria vulgò dicitur vini ferax, olei, frumenti, frequens armentis, ac gregibus, auri scatebris, & argenti. Bonam terram dicitis, vbi fortes equi, vbi pingues boves, vbi teneri hœdi, vbi dulcia demum poma nascuntur: vbi autem boni viri, id nec quæritis quidem, nec quæsitum dignum ducitis, æstimatores egregij. Atqui summa patriæ laus, sola virtus est ciuium. Rectè ergo Virgilius gloriam, ac felicitatem cum describeret Romanam, nihil horum, ad quæ sola respicitis, dignatus attingere, vnam vrbis, & imperij magnitudinem, atque altitudinem attigit animorum. Felicem denique prole virum dixit. Ea est enim vera vrbum felicitas, vera nobilitas. *GAV.* Præclara ciuibz bonis patria est. *RA.* Quid si tu obscurus? Quid si claritas ipsa te prodet, eque latebris eruet, & inapertum trahet? promptiùs in luce notaberis. *GAV.* Famosissima est patria. *RA.* Non tam

Infamis esset Catilina nisi tam famosa in patria natus esset. Caio etiam & Neroni, alter infamiae aceruus Imperium accessit, & mundi natos in vertice fortunae fauor extulit, quò latius noscerentur. *GAU.* Nobilissima in patria viuo. *R. A.* Multorum aut contemptui patens, aut inuidiae: sine altero in magna vrbe vix viuitur, illud tutius, hoc clarius malum. Vtriusque autem hæc ipsa, quam prædicas natalis soli nobilitas causa est. Tot inter oculos nullæ sunt latebræ. *G. A. V.* Notissima ex patria sum. *R. A.* Malim per te patria, quàm tu propter patriam notus sis: nisi verò per te fulseris, quid tibi lux patriæ præter tenebras allatura est? Multos habuit claritas magnæ vrbis obscuros, quos abunde claros, parui ruris obscuritas habuisset. *G. A. V.* Inclyta mihi patria est. *R. A.* Est quæ suas sibi laudes habeat, tuasque participet, quicquid bene gesseris, prima quodammodo patriæ lauset. Fuit qui Themistoclis gloriam Athenis ascribere niteretur, qui planè pergrauiter, & vt talem virum decuit, respondit. Cùm enim sibi, Seriphi angustæ, & ignobilis Insulæ quidam incola inter iurgia obiecisset, non eum suam, sed patriæ gloria clarum esse, Neque hercle ait, aut ego obscurus, si Seriphius, aut tu si Atheniensis, clare esses. Non splendori patriæ sed virtuti propriæ fidebat. Virilius planè quàm Plato, maior licet ille philosophus. Sed existunt interdum in magnis etiam ingeniis magni, & mirabiles errores. Is ergo inter cætera, magnæ suæ felicitatis claritatem patriæ ascribebat. Vt enim totum noris hac in parte excellentis viri animum, aiebat Plato se pro multis gratias agere. Rectè id quidem, modò intelligat, cui quibusue pro donis gratiæ sint agendæ. Ille verò naturæ gra-

tias

tias agebat. Primum quod hominem eum, non mutum animal; quod marem, & non foeminam, quod græcum, & non barbarum, quod Atheniensem, & non Thebanum, denique quod Socratis ætate, non alio tempore genuisset, ut scilicet esset à quo doceri posset, atque instrui. Vides inter gratulandi gloriandique causas, ut Atheniensem quoque ponat originem. Quid hic dicam forsitan expectas? Ego verò, & si de hoc vno sermo sit institutus, quando tamen tanti viri mentio incidit, quid de hoc toto illius sermone, & aliis sit visum, & mihi etiam videatur, dicam similiter. Scio quosdam, claros, & disertos viros incunctanter asserere, nihil unquam ab aliquo esse dictum delirius, quorum in sententiam, quin [ut dici solet] eam pedibus, parum abest. Nam quid quæso attinet his gaudere? Quæro enim quid si barbarus, quid si mulier natus esset? An non multi barbari multis græcis, & virtute, & ingenio meliores extiterunt? An non foeminae aliquæ & rerum gloria, & inuentione artium quibusdam viris optabiliiores? Quid denique si Bos; quid si Asinus nasceretur? quid ad hunc ipsum de quo loquimur, Platonem? qui tam non Plato esset, sed id potius quod natura parens edidisset, nisi fortè Pythagorice credebatur infantiæ, è corpore in corpus animas commigrare; quo nihil unquam certè stultius, nihil impudentius, non dicam à Philosopho, sed ab homine dictum fuit, nihil magis veritati dissonum, ac pietati, nihil demum à quo religiosæ aures magis abhorreant. Quid deinde, an Atheniensem nasci, clarum adeo, ut non æquè clarum esse posset alibi; Thebis...? An non Homerus, & Pythagoras ipse, & Democritus, & Anaxagoras, &

Aristoteles, & mille alij alibi, quàm Athenis nati, clarique habiti, non minus quàm qui nati sunt Athenis? Ac ne à Thebis abeam, quas spernere Graij solent; an non si ingenium quærat, Thebis natus est Pindarus; quem imitatione inaccessibilem Flaccus ait? Si rerum claritas gestarum, Liber pater, atque Hercules, tam famosi, ut Alexander Macedo contemptor omnium fermè mortalium, illos duos, ut altissimum, atque vltimum signum gloriæ sibi proponeret imitandos? Sin utrunque, nonne recenti memoria, & penè ante oculos, erat, Thebanus Epaminondas, summus philosophus, summus dux, Græcorumque omnium, recto subiudice, omnis æui princeps? Hic est qui Lacedæmones penè funditus euertit, & Athenienses Platonis sic exterruit, ut eo mortuo, quasi summo terrore liberati, illicò se in luxum ignaviàmque resolverint: quo adhuc etiam apud Thebas florente, quot Athenis inertium, & stultorum milia fuerint, quis facile animo metiatur? Non igitur quòd Athenis, sed quòd talis natus esset, ac genitus, h. e. tali ingenio taliq̃ animo, tali denique & parentum indulgentia, & rerum temporalium facultate, ut erudiri posset, & ad omne bonum opus institui, gratias agere decuit tam anxie doctum virum illi Deo, qui hæc ei dederat, non Socrati, non Athenis, cuius in schola, & in qua vrbe, quot & iniqui fuerint, & indocti opinari promptius sit, quàm noscere. Et ut urbem fileam habuit schola illa inter multos Alcibiadem & Critiam, illum patriæ hostem, hunc seuissimum tyrannorum, quibus quid præceptor Socrates contulerit, Plato ipse respondeat, vel sic intelligens, quàm inane est, quòd terreni doctrina præceptoris discipulorū auribus instrepit, nisi gratia magistri

magistri cœlestis aspiret, sine qua nihil omnino
 Sotratem potuisse, quanquam Dei mendacis ora-
 culo, vt prædictum est, sapientissimum iudica-
 tum, inter duas tamen simul vxores procacissi-
 mas anus, ipse vel alius quantumlibet eum ex-
 cuset ineptissimè conuersatum. Sed hæc & reli-
 qua incidenter, præter vnum illud, quo Platonem
 talem virum hac eadem vanitate gloriosæ pa-
 triæ implicitum fuisse cognosceres, non vt ma-
 gni comitis clypeo tuum tegas errorem, sed vt
 accuratiùs illum vites, cui succubuisse summa e-
 tiam cernis ingenia. *GAV.* Ampla in patria
 vitam ago. *R.A.* Multa sunt amplæ vrbs incom-
 moda, distat templum, distat forum. Illud animo
 nocet, hoc corpori, distant opifices atque amici.
 Qua quidem nulla durior distantia, quos labo-
 riosum visere, negligere inhumanum. Audis, vt
 de hoc queritur Flaccus: *Cubat hic in colle Quirini,
 Hic extremo in Auentino, visendus vterque.* Quocun-
 que ire decreueris, ceu peregrè profecturus, do-
 mui tuæ dispone quando, & an redeas incertum,
 & ipse reditus cum labore est. Sæpe etiam cum
 errore, ferro, ac magnete iter agitur, hac eas fa-
 ciliùs, hac rectiùs, hac curiam, hac theatrum vi-
 tes, hac balneum effugias, hac macellum, hi &
 mille alij sunt vrbiū scopuli, inter quos nau-
 gans, domum tuam, quasi alterum orbem petis,
 vix te ad illam peruenturum sperans, Et hoc quo-
 que apud ipsum Flaccum legis: *Vt Philippus ora-
 tor, Domum dum redit, foro nimium distare carinas,
 Jam grandis natu sequitur.* Hæ paruo in oppido
 modestiæ cessant omnes. Quicquid quaeritur,
 iuxta est. *GAV.* E paruo oppido in immensam
 urbem comigraui. *R.A.* E tranquillo portu
 procellosum sponte pelagus ingredi temeritas

est. Nec miror, ideò quia lati euentus. Fecit hoc tamen & gens Claudia, è Sabinis Romam petens, è Tusculo Marcus Cato, ex Arpino Marius, & Cicero, successitque feliciter. Sed vbinam tales viri? non tutò quidem in exemplum trahitur, quicquid raris, & summis ingeniis attentatum est. Postquam tamen soluisti funem, omni studio inter difficultates enitere, inter alta consurge, consilio cœptum regens, [quod hic boni dixerim] plures erunt ad virtutem stimuli. Erunt fortè quos ad gloriam sequi velis. Erit vbi te exerceas, vbi cum paribus possis de laude contendere, pudebitque testium tantorum. Multis sæpè, quod vis animi non dabat, contulit vis pudoris, & ad ignauiam profligandam sæpè plus spectator valuit, quàm virtus. Et hi hercle quorum proximè memini, & accitus Curibus Numa Pompilius, Corduba profectus Seneca, Leptique veniens Seuerus, multi que alij ex aliis locis, vbique futuri magni viri, vt aliquantò maiores Romæ essent, æmulatio virtutis, & illustrum copia exemplorum præstitit. Stude ergò, quòd vnicum bonum est, in hac tua commigratione, ne pereat, neu nil aliud migrando quæsieris, quàm vt te coram pluribus, nouæ patriæ fulgor nudet.

De Origine generosa. DIALOG. XV L.

*Quid frustra exultas clarorum nomine auorum?
Et falsum nomen nobilitatū habes.*

G. A. V.

O Rigo generosa est. *R. A.* Rursum mihi tedis ad ineptias, quid ad te? *G. A. V.* Propago vetus & gloriosa est. *R. A.* Alieno gloriari ridiculosa iactantia, auorum merita, nepotum

tum degenerantium notæ sunt, nec aliud magis posterorum maculas aperit, quàm maiorum splendore, ac gloria. Sæpe alteri commodum virtus alterius tulit. Veram laudem, nisi de proprio sumptis, ab alio non expectes. *G.* Magna est nobilitas antiquorum meorum. *R.* Mallem per te alij, quàm tu per alios noscereris. Verùm age aliquid & tu, unde sis nobilis. Nam & illi, nisi aliquid egissent laude dignum, nunquàm nobiles fuissent. *GAV.* Multa sanguinis est claritas. *RA.* Omnis propemodum sanguis est concolor, sicubi fortè alter altero clarior inuentus sit, non id nobilitas efficit sed sanitas. *GAV.* Magna est claritas parentum. *RA.* Quid si maior obscuritas tua est? Corpus semper, & patrimonium sæpe à parentibus accipitis, claritatem, & qui habet, raro in filium transfert & qui non habet, aliquoties in filio illam videt. Quantum patre clarior Cæsar, quantum obscurior Africani filius? Qui, si per manus tradi claritas posset quàm clarus futurus esset intelligis. Sed amare illum potuit pater, illustrare non potuit infinitam suæ lucis eclipsin passus in filio. Sic quod pretiosissimum habet hæreditas, iudicio testantis eximitur, nec nisi de vilissimis rerum est tanta illa solemnitas testamenti. Mille ego nunc tales clarissimorum hominum obscurissimos hæredes enumerem, si vacet, & si expediat, summam tenes. *GAV.* Ingens claritas gentis est. *RA.* Nil tibi amplius ea claritas præstabit, quàm ut latere nequeas si velis. Ita in primis iucundissimum tibi vitæ latibulum, & secretus rerum trames eripitur. Quicquid ages, erit vulgi fabula. Qualiter domi viuas, & quid coenes, nosse vicinorum studium, & veluti exploratores ad te pater ausque

remiserint ; sic totum rei familiaris arcanum , & quotidiani victus ratio. Quid cum filiis, quid cum seruis , quid denique cum vxore ; & ad vnum actus omnes , ac verba, de rebus licet minimis, inquirentur, quoque altius stomacheris, ab his maximè quorum nihilo intererit. Hic igitur tuæ claritatis est fructus, utque si vel modicum aberres, dedecus gentis, & monstrati desertor itineris, longè inexcusabilis habere. Hoc est enim suum ac perpetuum gentilitiæ claritatis, reliqua illa communia, vnde cunque partium decus infestant, quoniam difficile est clara recondere. *GAV.* Clarissimè natus sum. *RA.* Stulte, claritas non nascendo quæritur, sed vincendo : sæpe etiam, quod miraberis, moriendo. *GAV.* In multa luce natus sum. *RA.* Turpitudinem caue , quæ obiectu lucis insignior fit, atque conspectior. Id ni feceris, in tenebris natum fuisse melius foret. Adulteri, & fures, & omnis turpium cohors tenebras quærunt. Sola lucem non refugit foeda hæc, falsa nobilitas, cognosci quæ appetit, cui vnum vitandæ infamiæ consilium fit, nesciri. *GAV.* Antiqua nobilitas est generis. *RA.* Antiqua igitur virtus fuit, sine qua vera nobilitas non est. *GAV.* Peruetusta nobilitas est. *RA.* Vetustas nimia claritatem rebus eripit, & parit obliuionem. Quot fuerunt nobiles familiæ, quarum hodie memoria nulla est ? Quot tu ipse florentissimas videristi, quæ paucis annis fermè ad nihilum redieret. Vnde præsagium facias de his modò florentibus, deque his nunc primùm erumpentibus, caputque tollentibus. Omnia tempus immittit, consumitque. Senescunt non modò familiæ, sed vrbes, mundus ipse [nisi fallimur] ad extremum vergit. Tu qui vetustate gloriaris, vide ne

de ne gloriam ipsa vetustas extinxerit, neu iam radix aruerit, cuius floribus vis ornari. Omne quod in tempore oritur, cum tempore occidit. Vestraque nobilitas tempore incipit, tempore desinit, & quam longa dies peperit, longiorque auxit, longissima subruit. Fieri potest, ut quo te nobilem fingis, esse desieris, esses forte nobilior, si serius incepisses. G. In ueterearta nobilitas est. R. A. Inanis ambitio, nec suo merito, sed aliorum obliuione subnixta. Confusa nempe sunt omnia, & perplexa successionum series. Hæc inter tibi accidit, non nobilior ut esses, sed ignotior. Origo cunctorum vna est. Vnus parens humani generis, vnus fons vniuersorum, qui vicissim modò turbidus, modò nitidus ad vnumquemque vestrum peruenit, ea lege, ut quod paulò antè clarum erat, mox obscurum fiat, & quod obscurum, clarum. Ita non de fonte dubitatio est, sed quibus alueolis hæc clari sanguinis [ut dicitis] ad vos vnda profluxerit. Hinc est, ut qui heri arabat, hodie militet, & qui per vrbes medias ardentem cornipedem aureis habenis regere solitus, superbus incessebat, per squalentem campum pigros boves humili pugione sollicitet, verumque Platonice illud libet opinari, neminem regem non ex seruis oriundum, neminem seruum non ex regibus. Ita verò vicissitudo hæc, & conditio statuum humanorum variabilis atq; inconstans est, ut iterabilis quoque sit semel & pluries. ne mirearis, si vel arator ad militiam, vel miles redeat ad aratrum. Ingens rerum mortalium rota est. Et quia tractus est longior, brevis hunc vita non percipit, quod nisi sic esset, & ligones regum, & agrestium diademata cernerentur. Nunc hominum memoriam occupatam, intentamque aliis

44 PETRARCA DE REMED.

tempus fallit. Et hæc est illa tota vestra nobilitas, qua tumidi, clarique inceditis, vanum genus.

G. A. V. Auorum clara prosapia est. *R.* Quousque vagaberis? de te agitur. Tu mihi nescio quos in tuum locum substituere niteris, qui pro se forte aliquid, pro te nihil, nisi ipse tuis testibus causam instruxeris, responsuri sint. Proinde aui isti vel proavi clari fuerint, tum scilicet, dum è vulgari acie virtutum sese alis attollere cœperant. Ea nobilitas radix vltima, sed perge altius, exquire acrius, proauorum atavos obscuros inuenies, & ignotos. Ad summam, hæc nomen, atque imaginum claritas, & perbreuis est, & quantulacumque est tua certè non est. Desine igitur tuum nomen alienis obumbrare virtutibus, ne, vnoquoque suum reposcente, nudus ipse de proprio rideare.

G. A. V. Nobilis sum. *R. A.* Quantum sit nobilior rusticus vir fortis, quàm ignauus nobilis, scies, quum libraueris, quantò sit melius nobilitatem fundare, quàm euertere. Si exemplis eges, domi militiaeque affluunt, passimque legentibus occurrunt, vt per te ipsum menfor, censorque reliquorum fias. Ex omnibus duo paria hominum expendisse suffecerit. Altera igitur in lance Marium & Tullium, in altera horum aduersarios Aulum & Clodium constitue, quò examen vergat, & quantum Roma cedat Arpino, quis tam cæcus, vt non videat? *G. A. V.* Nobilis natus sum. *R. A.* Iam dixi. Verus nobilis non nascitur, sed fit. *G. A. V.* Insignis nobilitas, saltem ista vulgaris à parentibus est relicta. *R. A.* Ipsa claritas non nascendo quæritur, sed viuendo. Vnum hic quoque bonum video. Familiaria virtutum exempla non deerunt, & domestici duces, quorum pudeat deseruisse vestigia. Id si tibi finis, quid nisi famosum, & difficile malum

malum est nobilitas ? Nescio autem quomodo
difficilior est suorum imitatio, quàm exterorum:
fortè ne videatur hæreditarium bonum virtus.
Non libens dico, sed res ipsa loquitur. Rarò excel-
lentis viri filius excellens fuit.

De Origine fortunata. DIAL. XVII.

Indulget Fortuna malis, ut ledere possit.

Fit casus lenior, si minus altus erit.

GAV.

IN magna genitus sum fortuna. R. Vitam ab in-
quietudine auspicatus es : haud equidem im-
propriè tempestatem Fortunam vocant nautæ.
Magna quoque fortuna, magna est tempestas: ma-
gna verò tempestas, & consiliis magnis eget, & vi-
ribus. Habes non lætitiæ materiam, sed curarum.
G. In amplissima fortuna natus sum. R. Tunc for-
tè felicius censes magno in mari, quàm exiguo in
flumine natum esse: quod si nemo sanus dixerit,
quid perinde felicius habet nasci in palatio, quàm
in casa? ubique ortos terra parens excipit. G. In ma-
gna fortuna natus sum. R. Aduerso sydere voluisti
funem: quòd si in tempestate dies acta est, cura ut
nox te inueniat in portu. G. In alto natus sum. R.
Turbinibus rerum pates, latitandi spe præcepta.
Scitum est illud Lyrici poetæ: *Sapius ventis agitur
ingens Pinus, & celsa grauiore casu Decidunt tur-
res, feriuntque summos fulmina montes.* Ut cla-
rum fatear in alto nasci, nec tranquillum certè,
nec tutum est. Altitudo quantalibet humana per
se ipsam inquieta est, perpetuò que fremens ro-
nitru. Vnde miror quid ita displiceat Sæneca, Me-
cœnatis illud: Ipsa enim altitudo attonat sum-
ma. Nam cum alij hoc verbo vsi sint, cur solus il-

le reprehenditur? Nil præterea tam altum, quod non & solitudini, & labori, & inuidiæ, & paup-
ri, & mœrori, & in finem morti peruium sit. Et sa-
nè omnem fastum, eminentiâque mortalium
sola mors in planum redigit. G. Alto & magno in
statu natus sum. R. Iam primum ex alto graues la-
psus, & magno rara quies in pelago est: nec in imo
præcipitium metuas, nec naufragium in sicco. G.
Principium fortunatum fuit. R. Finem respice, vt
reliquis, sic fortunæ suæ multum licet in regno.
Quò fortunatius principium, eò finis est incer-
tior. Nōne vides, vt res hominum turbinis more
voluuntur? vt quietum mare tempestas turbida,
lucidum mane, nubilus vesper insequitur? vt inter
initia planum iter in confragosum definit, sic pro-
speritatis insolentiam improuisa calamitas, & læ-
tissimæ cursum vitæ mœsta mors claudit, & sæpè
primordio dissimillimus finis est. G. In alto cœpi.
R. Vide vbi definas. Vita omnis à fine describitur,
& finem planè senties, qui principium non sensi-
sti. G. In summa fortuna editus sum. R. Et seruo-
rum filios in solio vidimus, & filios regum in cr-
gastulis.

De Lento victu. DIAL. XVIII.

Eccundi calices, amor immoderatus edendi.

Eueruant vires corporis, a: que animi.

GAV.

IN lautissima educor familia. R. Multū tibi hoc
videtur, parum est, eritque mox nihil. An ideò
magis tibi quàm duro agricolæ vermes par-
cent, an cibo molliore vefcentur auidius? Non io-
cor tecū, nec te terreo. Scis, etsi fortè dissimules,
te illi conuiuio preparatā escā, & fortè iam cœnæ
tempus instare, certè autem longiùs abesse iam

non des.

non posse. Nam & brevis est lux, famelicique conuiuæ, & quæ mensam instruit mors impigra, quid tibi tunc lautitiæ istæ profutura sint videris. G. Lautissimè ab infantia educatus sum. R. O pessima pueritiæ rudimenta, neglectis bonis artibus, exquisitis cibis, & peregrinis poculis assuefactus à puero præclarissimam in spem adoleuisti. Sapo- res atque odores nosse, mirarique doctus eximiè, opiparas mensas, & vasa aurea venerari, neque sero, vt virorum fortium mos fuit, famem si- timque communibus lenire, sed ambitiosa sem- per nausea, & damnosis stomachi sarcinis manè illis occurrere, cum tot in heremo sancti vitie- surierint, tot in castris gloriosi duces, parcè, so- briè, atque asperè vixerint. An si tibi geminis at- que epulis obseſſo, hinc Curius, Fabricius, Cor- canus lecta suis manibus blera coenantes fœdili- bus, atque arantes ad vesperam ieiuni: Quintius ac Serranus, aut post hos Cato Censorius consul in Hispaniam nauigans, vnde triumphator rediit, non alio quàm quo remiges vino vsus, omnes no- tissimi hostes voluptatis occurrerent: illinc Pau- lus atque Antonius fontis ad ripam missum cœ- litus partientes panem, non verecundia ac dolo- re faucibus hæreret iners cibus, & attoniti gu- stus titillatio illa lentesceret? Cogitares ab his viris victu tam tenui tamque humili labore gau- dentibus, & seruata patriam, subactosque no- bilissimos reges ac populos; & [quæ victoriarum difficillima est] carnem propriam, ac mundum, & inuisibiles hostes animæ debellatos: te inter amplas dapes, ac superbam requiem vili perdo- mitum voluptate? G. N. Lautissimus victus est. R. A. Sentio: omne in eo est, vt ad fundum mise- riæ curiositas foeda perueniat: nihil est actum ci-

bi ac porus elegantia , nisi accedat & copia , im-
mo verò redundantia, atque fastidium. Nec suc-
currit , vt Augustus Cæsar, qui fortassis paululū
te lautior esse potuerat, cibi [sic enim de illo tra-
ditur] minimi fuit, & vulgaris ferè. Sileo quibus
vesci solitus , ne quasi rusticanus paterfamilias
contemptui tibi sit, intèrque fasianos, & sicedu-
las ac paubnes tuos, illius principis secundarius
panis, & caseus bubulus , & minuti pisciculi ri-
deantur. At quantò melius fasiani isti vestri, &
mensarum decus eximium, & gulæ summa felici-
tas apud Colchona semper, & Phasidem latuif-
sent , quàm huc ad corrumpendum orbem no-
strum & irritandas illecebras aduolassent! Quan-
tò fuit honestior ætas illa, de qua Naso ait. *Et cis
adhuc illis populus sine fraude natabat: Ostreaque in
conchis tuta fuere suus. Nec Latium norat, quam præbe-
t Ionia diues: Nec quæ pygmæo sanguine gaudet, avis. G.
Vino fruor electissimo.* R. A. Malè, sed propriè,
ais, fruor : hic est finis vester, ad hoc nati estis.
Quantò autem tutius sitim vestram vinum de-
bile, vel lymphis debilitatum , siue purus etiam,
uiuus extingueret ? Certè princeps ille , de quo
nunc loquebar, vini quoque parcissimus [nam &
id scribitur] fuit, ter non amplius super coenam
bibens, dum in castris esset. Voster decies ante
coenam bibitis , & in coena centies , nec numero
quantitas cedit, & castra ipsis vinosiora sunt vr-
bibus. Nulla nisi ab ebriis vel expeditio, vel cer-
tamen. Nòn bibebat ille interdium, vos diebus, &
noctibus non cessatis. Ille sitiens pro portione,
perfusum aqua frigida panem , vel lactuculæ
thyrsus, vel succos pomum morsum , vel frustum
cucumeris capiebat, at vos sitim omni lenocinio
auecupantes, illam vinis ardentibus, & bibendo
aliam

aliam sitim parituris extinguitis [dicā verius] accenditis. Nec in animum venit, bibere vos sanguinem terræ, ac venenum cicutę, dum sic vinū bibitis, ut Alexandro Macedoni scripsit Androci-
 des. Quibus si ille præceptis obtemperauisset, profecto amicos in temulentia non interemisset, ut ait Plin. nec ipse insuper tandem in temulentia periisset. Hæc eadem cibi indifferentis ac potus parcitas in cunctis ferè claris ducibus, atque principibus fuit, & in Iulio Cæsare singularis, quæ quantum vestræ sit præferenda libidini, somnus vester illorum industriæ, & gestarum rerum gloriæ collatus, indicio est. G. Lautissimo fruor vitæ. R. Si honestis etiam rebus frui vetitum, quāto magis inhonestis, ac turpibus? Nec te pudet: in eo, quod ad caduci corporis seruitium spectat, immortalis animæ fructum ponis. Epicureum dogma, sed infame, olim iure reiectum, denique cunctis ex voluptatibus, quæ corporeis sensibus obrepunt, animæ illas esse foedissimas, diffinitū est, quæ tactu, gustūque sese ingerunt, quod illæ maxime vobis cū belluis sint communes, & in belluinos mores rationale animal incuruent, quo nihil abiectius humana fors patitur. G. Lautis, & variis cibis delector. R. Et delectare, & frui, si nil melius nosti, si nil perius; pudeat more pecudis pabulo gaudere, aut reconditorium ferculorum fieri, & suum dolio munus eripere: denique sic habere non posse te hanc, quam probas, vitam diu pati, fastidio est vicina sacietas, ieiunium cibos condit. Nil nisi dulce ac sapidum gustat famēs. Nil tam lautum, quod non nausea reddat insipidum ac sordidum. Ipsi etiam, qui delectationi huic intendunt, appetitu & raritate illam æqui fatentur, ut reliquas copia frequentiaq; cō-

nes, & præsertim gula illecebras comprimendas, exitum contemplari.

De Conuiuiis. D I A L. X I X.

Sæpe bonos mores rapiunt conuiuia, mensâ;

Sæpe perit probitas, ingeniiq; pudor.

G A V.

C Onuiuiis gloriôr. *R. A.* Lautus victus voluptatis, conuiuia sunt furoris. Quid enim nisi pompaticus furor est, multos diuites, à negotiis honestioribus fortassis abstractos, honorifico tædio vnum in locum cogere, & multos ventres, aut vacuos melius mansuros, aut suo gratius implendos arbitrio, exquisitis & nociuis cibis infarcire; vbi, vt vni morem gesseris palato, multistædio fueris atque fastidio? Rarò enim inter conuiuas conuenit, verumque deprehenditur quod ait ille: *Tres mihi conuiua propè dissentire videntur: Poscentes vario multùm diuersa palato. Quid dem? quid non dem? Quid des, Flæce, seu quid facias? nisi vt penitus nihil des, & hanc curam illis linquas, quibus nulla cura altior est. Agant quodlibet, qui agere nil aliud sciunt. Nam si tres discordant, quid centum facient, aut mille? Vix sine tacitis saltem abeunt lamentis. Hoc malè sapuit, illud malè oluit, hoc præferendum fuit, illud gelidum, illud intempestiuum. Hoc mœsto oblatum, hoc irato vultu. Crudum illud, hoc lacerum. Ille famulus segnis, hic præceps. Hic furdaster, hic contumax. Hic clamore offendit, hic silentio. Ille illotis vasis aquam tepidam, hic vinum molle porrexit. His querelis non tam aulæ, quàm viæ resonant, & plateæ, nec immeritò. Nam quid attinet iucundiùs domus suæ pransuros, precibus fatigare, aut quorsum &*

sumptus inutilis, & superuacuus labor, atque vnum in atrium turba conueniens, nisi ut te viciniæ ostentes, & quasi de conuiujs tuis pedester agas voluptuarium triumphum? Sic tubis cymbala concrepant, utque appareat pompæ omnia tribui, charitati nihil. Finge postridie vnum aliquem conuiuiarum tantulo egere, quanti sua constitit paropsis, nunquam id à conuiuij domino impetrabit. Nempe non id illi præstitum, sed sibi. Quæ quamuis ita esse non sit dubium: solent tamen, vbi ad mensam ebrij deierant, affirmantque aliquid, percussis epulis, his ferme verbis uti: Per hanc, inquiunt, quam simul facimus charitatem: quibus ritè respondeatur. Immo verò per hanc ebrietatem, & hanc crapulam. Vera enim charitas demum esset, si ieiuni, & sicci, quæ in vestram perniciem effunditis, in vsum pauperum verteretis, tunc charitatem, non improprie iuraretis, nunc ad vestra conuiuia fastidiosi diuites coguntur, famelici pauperes excluduntur. Vobis scilicet æstimantibus gloriosum claris hospitibus abundare. Nec deest, præter vulgus [fontem omnis erroris] author insignis. Est enim, ut mihi videtur, ait Cicero: valde decorum patere domos hominum illustrium hospitibus illustribus. Planè, vir egregie, qui referre vicem valeant, sed egentibus clausas esse. Quæ in re haud indignè forsitan notatum à Lactantio Ciceronem nouimus, qui profectò illud melius alibi, sed eodem libro: Hoc maximè, inquit, officium est, ut quisque maximè opis indigeat, ita ei potissimum opitulari. Quod contrà fit à plerisque; à quo enim plurimum sperant, etiam si ille his non eget, tum ei potissimum inserviunt. Bene nunc ais, Cicero, & verè:

verè: nam & ita fieri debet, & à plurimis contrahitur. Sed [vt ad rem redeam] si querelis, ac fastidio conuiuarum vis carere, conuiuiis abstinere. Habent utcunque fortassis, qui conuiuio interfuere, quod arguant, quod grauentur: qui hoc ipsum arguit, quod conuiuio non intersit, non iam ille conuiua est: sed impudentissimus parasitus, cuius lingua non pluris existimanda, quàm gula est: quæ non modo non metuenda est, sed optanda, nonnunquam, dicente Satyrico.

Nam quæ comædia,

Mimus quis melior p'orante gula?

Tales aliqui apud Comicos describuntur; læti-que risum excitant. quid, nisi coram auditu, queant facere? Hæc denique summa est: conuiualem censuram, non conuiuando euaseris, parasiticos morsus ac rabiem ridendo, & contemnendo fugaueris: non est alia ad quietem via. G. Conuiuiis vaco.

R. A. Pulchrum tibi studium elegisti: quid huic gustui conueniat, quid illi; quibus aut compescenda fames ferculis, aut irritanda falsamentis. En præclaram vtilemque Philosophiæ partem; quis primus, quis secundus, & quis tertius ingratum stomachum cibus premat, quis vini fumus cerebro grauiore nebulas effundat? G. Conuiuiis delector. R. Si sic accipiatur, vt verbum sonat, & vt senserunt maiores nostri. nominis huius authores, non modo non arguam, sed laudabo. Dulce est enim, & optabile, & honestum amicis conuiuere: sed commensationem conuiuium appellatis. turpissimæque rei pulcherrimum nomen imponitis, quasi verò non possit cum amicis viti aliter, quàm comedendo & bibendo & non melius cogitando, & loquendo cum & docto homini, & erudito [vt ait Cicerò ipse] viuere sit, cogitare, & nil

nil profectò sit dulcius noto ac fido colloquio a-
 micorum. Nolite ergo rem foedam pulchro velo
 tegere. Translucet enim, & quod conuiuium di-
 citur, commessatio esse cognoscitur. Audite po-
 tius Apostolum Paulum, clara voce, à malis nos,
 inter cetera, commensationibus, & ebrietatibus
 dehortantem, & videte ne ad turpia, nominū splē-
 dore rapiamini. . . Conuiuia me delectant. *R.* Dic
 quod est, Comestiones, potationes, epulationes,
 viscerationes. Hæc si delectat accipere, vilis tu, vi-
 lis rei debitor: at si dare, stultus tu, stultæ sollicitu-
 dinis seruus es. *G.* Conuiuiis gloriam quero. *R. A.*
 Mos est vester quærere ibi, vbi, quod quæritis non
 est. *G.* Spero gloriam conuiuiis. *R.* Falsa est gloria,
 verus error. Alexandrum Macedonem conuiuiis
 indulxisse vsque ad funestam ebrietatem legimus.
 Lucium Verum vsque ad profluium amentis im-
 pensæ, flebilemque Imperij iacturam. Quæro a-
 lios duos, quem mihi sanum principem, quem so-
 brium regem his intentum dabis? Nam philoso-
 phos ac poetas egregios memorare necessarium
 non est, multoque minùs sanctos viros, & omnino
 omnes grande aliquid, piùmve animo agitantes;
 quibus omnibus, haud dubiè, tota eà res infamia,
 & inuisa est. *GAV.* Gloria mihi apud vul-
 gus, & multorum gratia ex conuiuiis parta est.
R. A. Vilissimæ mercis ingens pretium, coquum
 fieri, vt gulæ complaceas alienæ. Credo autem
 sunt, quos gula vrget, frenat inopia: his nihil est
 gratius, quàm aliena cura & impensæ freno il-
 lo absolui; quodque per se nequeunt, per alios
 adipisci. Qui hoc eis præstant, clari apud il-
 los, dum id faciunt, & famosi sunt. Finge desi-
 nere simul desinent clari esse. Tandem, vt ego
 quoque iam desinam, hæc summa est: con-
 uiuium.

riuorum conditio delicata est, & querula, longé-
que difficilis. De paratissimis breuem accipe regu-
lam: dum illos affatim pauperis, rodent, arridebunt,
plaudent manibus, laudabunt, virum optimum li-
beralemque, patriæ patrem dicent. Nihil ad vlti-
mum Graiæ adulationis omiserint, de qua Satyri-
cus loquens, adulandi gentem prudentissimam, &
comedam nationem asseruit, & reliqua pueris
quoque notissima: sin aliquando cessaueris, &
quidem sponte, avarum, sordidum, miserum, dif-
famabunt. Sin inopia homunculum non malum
certè, sed stolidum, & ineptum, teque, tuamque
domum fugient, vt scopulum. Tunc intelliges il-
lud Flacci:

Diffugiunt cadis cum face siccatis amici.

De his quidem loquitur amicis. Veri enim ma-
ximè in aduersis hærent, & illas domos auidius
frequentant, quas fortuna deseruit. His ineptiis,
hisque difficultatibus vt occurras in tempore; &
conuiuas tumidos, & scurras aridos, horumque
omnium voces, & sententias disce contemnere:
& sic habeto; nihil loci recto esse iudicio, vbi to-
rum voluptati tribuitur, nil virtuti. Caducum de-
nique, malis artibus partum nomen, eamque
vulgò, quæ gloria dicitur, apud doctos infamiam
esse, non gloriam.

De Vestitu cultuque corporis. DIAL. XX.

*Ue quid exornas nitido tam corpus amictu,
Quod, ras fortè audis, vermibus esus erit?*

G V.

A Ve egègiè vestior. R. Quæ pura sunt, nu-
da videri amant. Mos est, foeda coloribus
abdere. G. Exquisitissimè induor. R. Pu-

debet cultus exterioris. quoties, quid eo tegatur, cogitabis. Infana enim ambitio est, finum tegere purpura. *G. A. V.* Mundissimè vestior. *R. A.* Non audisti, quid illi vir fortissimus apud Crispum dicat: Munditias mulieribus, laborem viris convenire. *G. A. V.* Vestitus insignis ac mollis est. *R. A.* Superbia vexillum, nidusque luxuriæ. *G. A. V.* Vestis singularis, ac insolita est. *R. A.* Non obiiciam tibi sacros pauperes seminudos, & rigidos, atque hirsutis togis hybernū frigus arcētes. Scio quidē quod peccatrix opulētia sanctam spernit inopiā. Ille idē ditissimus hominū Augustus. cuius altercatione retrō tertia memini, veste non temerè alia. quā domestica vſus est, ab vxore & sorore & filia. neptibūque confecta. Nam & hoc quoque de iſto scriptum est. Sic ille cunctorum dominus, paucas quidem, sibi que iunctissimas fœminas fatigabat. Tu fortassis aliorum seruus, disiunctissimas fatigas gentes. Tibi nept. tibi petunt, tibi texunt Belgæ, tibi Persæ, tibi Seres, tibi Indi. tibi Tyrius murex natat tibi fragrans bacca hispidis pendet arbusculis, tibi oues albicant Britannicæ, tibi indica sandix rubet, vterque tibi sudat Oceanus. Augusto autem vxor & filia sororque cum neptibus. Eò vsque decreuit virtus, creuitque superbia: sic contrario delectaris; exempla modestiæ viluerunt. In victu igitur ac vestitu multi, optimo principum contempto, post pessimos abiēre: Caium dico & reliquos, quorum ventri ac tergo. nec ciuilis vnquam, nec virilis, nec Romanus certè. nec humanus, sed infanus, & nunc fœmineus, nunc diuinus, ab omni autem parte perfusus, atque monſtrificus cultus fuit. *G. A. V.* Exquisitissimè induor. *S.* Operosior ornatus, & superstitiosa curæ intentus formosis formę gratiam

gratiam imminuit, & fulgore suo, deformium
mendas prodit, oculosque pratereruntium ad spe-
ctandum excitat. Itaque nulla re peius sibi con-
sulit deformis homo, quàm dum formosus vult
videri. Vestis insignior, cultusque corporis qui ad
formam queritur, risus mouet. *GAV.* Electissi-
mis coloribus exornor. *RA.* Natura rerum hu-
mana arte non vincitur. Sæpe etiam, quasi indi-
gnans se tentari, quò maiore nisu premitur, tegi-
turque, eò magis ac magis attollitur, eminetque:
natiuam mortalis corpusculi fœditatem, nec colo-
res alterant, nec odores: quin, aut magis conspe-
ctam efficiunt, aut suspectam. *GAV.* Pretiosis, ac
variis ornamentis ambior. *RA.* Pone in fere-
tro aureo pallidum cadauer, gemmis illud ostrò-
que circunda, quò plus ornatus, & plus erit hor-
roris, neu quod loquor ad iniuriam trahas, origo
nominis inquirenda est, Siquidem à cadendo di-
citur cadauer, cur non vt mortui; sic viuentis re-
ctè dicitur? Nempe illud cecidit, hoc casurum
est, caditque continuè. *GAV.* Nouus, & in-
solitus cultus est mihi. *RA.* Non est locus vt
defleam, vtque execrer ludibria hæc habituum
externorum, quos vobis ab extremis mundi fi-
nibus furibunda præsens ætas intulit. Sed dii ho-
minesque malè oderint has belluas humana effi-
gie, ferino animo, lingua latina, barbaricoue ha-
bitu, compto fœmineam ad mollitiem capillo,
moribus, ad aptinam duritiem, horridis, atque
incultis, hinc obscœna corporum impudentissi-
mè detegentes, illinc mentium leuitatem, vano
vertice volucrum plumis extantibus, apertissi-
mè designantes. An verò tam vigilēs magistri,
an tam dociles discipuli plus odij mercentur in
dubio est, quorum ingeniis effectum vides, vt

inter mimos, ducésque, inter scorta & matronas,
propè iam nil interfit aspectu. Nec dum sistit, sed
in dies serpens crescit, & variatur infania.

De Otio & Quie. DIALOG. XXI.

Nulla est certa quies, cunctis crux una ferenda est:

Post, liceat stabili, fata, quiete frui.

G. A. V.

Otium, quiesve è laboribus obtigit. *R.* Duo
humanæ vitæ bona gratissima, nisi usus im-
modicus mala illa grauiissima fecerit, quod
multis fecit, & totidem corporis, atque animi pe-
stes, tumorem corpori parientes, animoque rubi-
ginem. *G. A. V.* Otio fruor iucundissimo. *R. A.* Vtor
dic. Nulla hic re fruendum, sed vtendum multis,
habet doctrinâ salubrior. *G. A. V.* Delectabile otium
est mihi. *R.* Refert multum hoc ipsum otium qua-
le sit. Duas nempe species otij diffiniunt; operosi
alteram, atque ipsa in requie laborantis, ac circa
honestâ studia solliciti: quo nil est dulcius. Alte-
ram inertis, & languidi, & solam requiem comple-
xi, quo nil foedius, nil similis est sepulchro. De
primo igitur sæpè magna quædam opera, & mun-
do vtilia, & suis auctoribus gloriosa proueniunt.
De secundo autem nihil vnquam, nisi inglorius
torpor, ac marcidus. Primum illud, ritè philoso-
phantibus, hoc secundum, pigris, ventri, somno-
que deditis peropportunum, vbi, nullo interpel-
lante, edant licenter, ac dormiant. *G. A. V.* Optata
perfruor quiete. *R.* Quies illa qua perfruendum
erit, vllum finem habitura non est hic. Vide ergò,
qua gaudeas quiete. *G.* Quietem optatam reperi.
R. Quietem dicis, an accubitus vis dicere, an som-
num? quæ mortis consanguineum poëta quidam, alij
mortis imaginem dixere. Vtrique perproprie. *G.* Dor-
mio, &

mio, & quiesco. *R. A.* At qui & euntes saepe animo quiescunt, & sedentes iacentesque animo laborant. Et somnus ipse animalium quies dictus, suos habet abditos dolores, visionumque ac phantasmatum turbidos tumultus, atque horribiles, de quo Deum familiariter alloquens sanctus, & afflictus vir ille queritur. *G. AV.* Otiosus in thalamo requiesco. *R. A.* Vter, quaeso, putas dulcius quiesceret, an Vacua suo in rure dormiens, an Scipio in Africa cum hostibus pugnans? Cato cum anguibus Regulus cum vtrisque? Nec quies sine gaudio, nec sine virtute verum gaudium esse potest. *G. AV.* Reiectis laboribus grato recreor sopore. *R. A.* Labor est materia virtutis, & gloria: hunc qui reiecit illas reiecit. Contra, viri, & infamiae materia sopor est nimius, qui multos ad perpetuum soporem urget, atque praecipitat. Fouet ille libidinem, corpora prae grauat, eneruat animos, fuscatur ingenia, scientiam ininuit, memoriam exstinguit, parit oblivionem. Non sine causa insomnes industriique laudantur, Somno non laudatos cernimus, sed inflatos. Proinde ut somnum quidam mortem dicunt, sic vitam alij dixere vigiliam. Inter mortem vero, & vitam vide quid eligas: vigilandum certe, quod sapientibus placet, ad hoc saltem, ut longior vita sit. *G. AV.* Longo & minimè interrupto fruor somno. *R. A.* Bene, si non curis mordacibus avaritia, ambitione, metu, mœrore, aut amore impio. Male autem, si non honesti studij cura cuiuspiam sopor abrumpitur. Profecto populis stertentibus, vigilant reges; sopitoque duces vigilant exercitu, quod & res docet, & Ilias probat Homericæ. Nobilioribus animis curæ vigiles impendent sed sobria ac salubres. Augustum Caesarem principem maximum atque optimum, somni brevis ac

cepimus, eiusque etiam crebrius interrupti. **Tu** contrario gloriaris. *G. AV.* Profundè dormio. *R. A.* Et gulosi, & libidinosi, & iracundi, brutis animalibus, viuis tamen; somnolenti ac sopiti, duntaxat mortuis comparantur, & quod ad illam partem temporis attinet, nihil differre felices à miseris, philosophicam scisse sententiam. Iure igitur, ut pars illa pro viribus euitanda, quæ solam inter homines differentiam somniorum linoquit, sic sectanda contraria est, nil difficultatis allatura volentibus. Si pro leui enim gloria, aut lucro exiguo, & bellatores, & mercatores, & nautæ totis sub dio noctibus peruigilant, illi quidem inter hostium insidias, hi quolibet hoste peiores, inter fluctus, ac scopulos, tu propter veram gloriam, lucrumque ingens, inter Dei laudes, ac libellos tuos partem noctium vigilare non poteris? *G. AV.* Vigiliis defessus somno totus incubui. *R. A.* Sic est: non mutatis stilum: cuncta ferè vno modo agitis, & quæ Deus ipse, vel natura, vel ars aliqua vobis ad obsequium dedit, in vestrum dedecus damnumque conuertitis, potum cibumque ad ebrietatem, & crapulam, otium & quietem ad somnolentiam, & marem, valetudinem ad voluptates, formam corporis ad libidinem, robur ad iniurias, ingenium ad fraudes, scientiam ad superbiam, eloquentiam ad discrimen, domicilium, ac vestitum ad pompam inanemque iactantiam, opes ad avaritiam & luxum, prolem & coniugium ad metum & sollicitudinem immortalem. Ite nunc, stупete, & querimini de fortuna, & malis vestris ingemiscite: de bonis mala facitis, de quæ coelestibus donis, compedes vobis, ac laqueos, & vincula animæ conflatis. *G.* Somno placido delector. *R.* At non modò reges, & duces, & principes, & Philo-
sophi

sophi, & poëta: insuper & familiarum patres vigilant ac nocte consurgunt, quod ad sanitatem atque œconomiam, & philosophiam utile ait Aristoteles. Sed fures etiam, & infidiatores [quodque est mirabilius] insani, & amatores, quos suarum muliercularum memoria, & desiderium excitat: tu verò non virtutis amore somnum oderis, vitiis amicum? utque eleganter ait Flaccus,

Ut iugulent homines surgunt de nocte latrones.

Ut te ipsum serues, non expergisceris?

Pudeat semper tantum in vobis posse turpes causas, & nil posse pulcherrimas. G. Nullo vnquam interpellante totis noctibus quiesco. R. Videtur quidem Aristoteles, quod superius attigi, ita vitam hominis partiri, ut dimidiam partem somno tribuat, dimidiamque vigiliæ, dum pro parte dimidia non differre studiosi vitam ait à stulti vita. Et si quidem pro somno noctem, pro vigilia diem vult intelligi: recta, fateor, ac vera est diuisio: æquis enim partibus tempus inter sese diuidunt. At si sic accipitur, æquas spatio inter partes, differentia certè alia ingensest. Nulla enim acrior, nulla altior cogitatio est, quàm nocturna, nulla pars temporis studentibus aptior. Si autem somnum ipsum dimidiam temporis partem dicit, mirabile dictum est, ex ore tam studiosi, tam docti hominis. Absit enim ab anima bene instituta, & studiis intenta, dimidium tēporis dormire: cum quartum suffecerit quibusdā & tertium voluptuosis quoque sufficiat. Noctu quidem surgere qualibet anni parte consilium est. Absit ut noctē, non hybernā modò: sed æstiuā totā dormiant, qui grande aliquid moliūtur. Ceterū semel illā fregisse sufficiet fortassis, quodque vigiliarum anticipatum erit breui [si res poscat] meridiana vi-

ciffitudine restaurari potest. At brumalis hora noctis sæpius rumpenda, pfallendum, studendum, legendum, scribendum, cogitandum, contemplandum, quærendum ingenio noui aliquid semper, & quod studio quæsitum fuerit, memoria repetendum. Audiendus quoque Hieron. ad Eustochium scribens, Noctib. bis, terq; surgendum, inquit, reuoluenda de Scripturis, quæ memoriter retinemus. Denique his studiis fatigati oculi, alterno sopore recreandi & breui quiete recreati alterno exercitio fatigandi erunt, ne totis noctibus dormiendo, culcitra incumbendo, sepulta cadauera videamini; motu crebro, atque honesto vos viuos, & virtutis deditos comprobate.

De Suauis odore. DIAL. XXII.

*Quàm gratos, moriens tumulo exhalabis odores?
Gratus odor tinea; putre cadaver eris.*

GAV.

S Vanibus delector odoribus. *R. A.* Hi vel victui, vel vestitui subseruiunt, de quibus quid sensisti audiui. *G. AV.* Odoribus studeo. *R. A.* Odorū alij gulam alij libidinem irritant. Horum appetitus incontinentiæ notam subit, & præsertim vehemens. Alij propter seipso expetuntur. Horum studium non turpitudinis nempe, sed vanitatis arguitur. Vnde est vt muliebrum vnguentorum odor, aut dapum, quàm florum turpior, ac pomorū sit. Eadem ratio est earum delectationum quæ auribus oculisque percipiuntur. Si vnquam Ethicis applicuisti animum, nosti hæc, neque te nunc doceo, sed notæ veritatis ad memoriam retraho, vt huius generis oblectamenta videas, vel fœda esse, vel leuia, *G.* Odoribus operam do. *R.* Bonæ vtinam famæ, cuius odor bonus quoque dicitur, malusque maior.

maior multò latiùsque sensibilis, quàm aromatum, si terantur, aut sulphurum, si cumentur. De his odoribus non pares, sed mens iudicat. *GAU.* Bonis odoribus delector. *R. A.* Si sensui pares, & voluptati inhias, ut dictum est, aut obscœnum, aut inane. Si valetudinis curam geris: excusabile; modò condimentum rerum omnium modus adsit. Confortat enim tabescentem spiritum odor levis, sed ad omnia valet illud Comicum: Nequid nimis. Est autem [ut in multis] in hoc quoque naturarum varietas infinita, non solum inter hominem atque hominem, sed inter gentem & gentem. Siquidem vera fama est, quàmque magni non respiciunt authores, gens, quæ Gangis fontem accollit, omnis cibi experta, solo mali sylvestris odore alitur, peregrè profecturi, nil, nisi bonum illud malum, ac vitale circumferunt, tam factoris impatientes, ut sicut eos purus nutrit, sic infectus odor interimat. Delicata complexio, quæ sic viuat, & pereat. Hinc gens omnis ad ortum solis obversa, cœlique mollitie delinita, ut ciborum negligentior, sic egentior, atque appetentior est odorum, & inde nimirum hæc primùm curiositas nos inuasit. Assyrij, Arabes, & Sabei vestris armis edomiti, suis vos odoribus domuere, quibus aliquandiu rigida patrum & inuicta sobrietas obstitit usque adeò, ut quingentesimo & sexagesimo quinto anno urbis conditæ graui edicto à censoribus cauere-
tur, ne quis in urbem ipsam vnguenta externa conueheret. Non multò autem post, modernorum vitiis [ut assolet] veterum scita rumpentibus, in senatum ipsum, edicti talis authorem, victrix lascivia penetravit. *GAU.* Libenter bene oleo. *R. A.* Peregrini odores, atque omne artificium bene olēdi, proprii naturalis, nō boni odoris argumenta, & la-

tentium sunt signa defectuum. Ob hoc ipsum, atque ob illam, nedum viro, sed ne honesta quidem foemina digna curam, solitam sensum viri fortis offendere. Meministi adolescentis illius, qui dum, ut erat vnguento illitus, pro collata praefectura Vespasiano principi gratias acturus, ante eum staret, ille, hausto mox odore, sub stomachans, acri supercilio, voce aspera; Mallem, inquit, allium obolevisses; sic increpitum sine honore, inhibitis, seu rescissis iam concessae gratiae literis, bene olidum dimisit. Ita cum semper de decori sint odores huiusmodi, interdum etiam damno sunt, maxime ubi morum grauis, ac masculus censor sit. Quid? quod quibusdam fuere periculo. Nam & illud nostri, ut Plantius Senatorij vir ordinis, triumvirali proscriptione, metu mortis Salernitanis latebris abditus, vnguenti proditus odore, sibi quidem perniciem, proscriptoribus autem suis, excusationem sauitiae quaesivit. Nam quis non iure casum diceret eum, qui eo tempore Reip. tantoque privato discrimine vnguenta etiam nunc oleret? G. Artificiosis odoribus assueui. R. Desuesce, si consilium meum vis. Turpius est enim artificiosis, quam simplicibus assueuisse. Omne quod turpe est, quo artificiosius, eo fit turpius. Honestatis ornamentum ars, inhonestatis est cumulus. Adde quod & foedius hodie quam olim: quamvis enim Roma [ut dixi] & quam Graecorum Romam propè dixerim, Lacedaemon, huic pesti ex Asia venienti, quasi armatae hostium legioni, ferreis moribus, atque edictis obstiterint, ad extremum tamen molles vnguentorum simulque vitiorum acies fefellit excubias, in Europam transiit, & fortissimas gentes vicit. Et quoniam singula prosequi longum est, ex unius asperrimi, atque laboriosissimi viri mollita

Ita duritie, de reliquis coniecturam facito. Siqui-
 dem in medio bellorum æstu ille inuictus , ac
 barbarus, cruento cum exercitu vinctus est Anni-
 bal. Penetrabilia vnguenta , sed penetrabiliora
 sunt vitia. Itaque eneruati ducis ac militum,
 quorum tam stupenda primordia fuerant , qua-
 lem decuit exitus, fuit. Quo effectum est, vt cum
 multum Africani semper virtutibus, Annibalis ta-
 men vnguentis aliquid deberetis: expediebat illis
 vt sicci essent, vobis vt vngerentur. Ex illo fanè
 multis sæculis sic iste mos inualuit, vt labor stu-
 porque sit legere , quæ de hac re in vtriusque lite-
 ris scripta sunt. Et quid pluribus morer? vsque
 ad illius pedes, quò nil altius, vnguentum venit,
 quod ipse qui omnem mollitiem animorum at-
 que omnes illecebras voluptatum extincturus ad-
 uenerat, passus est, non vnguento quidem, sed pie-
 tate delectatus, ac lachrymis offerentis. Iam verò
 pedetentim vsus hic abiit, vt cum in multis ætas
 vestra maiorum gloriæ impar sit in hoc excellere
 videatur, quòd vnguentaria non est, & qui his ca-
 pitur, non communi temporum, sed proprio quo-
 dam animi vitio laborat. *G. V.* Bonis odoribus il-
 licior & delector. *R. A.* Fieri non potest, quin quæ
 delectabilia sunt natura, & illiciant, & dum præ-
 sentia sunt delectent. Sapientis Hebræi dictum est;
 Vnguento, & variis odoribus delectatur cor, quã-
 uis vnguento quidem non tam mihi delectatio vi-
 deatur inesse, quàm fastidium. Sed vt insit odo-
 ribus , meo certè consilio absentibus restituen-
 dum, contemptu & obliuione, præsentibus vten-
 dum modicè, neque vllum his studium impenden-
 dum, ne te, vel tacitus vltimarum, viliumq; rerum
 mancipium fateare. Neue hunc articulum lon-
 giùs traham, in honestis odoribus, vt rebus omnib.

virilem effoeminantibus animum, vetitis, ac seclusis, in reliquis Augustini sententiam amplector, qui de illecebra odorum inquit: Nō satago nimis, cū absunt, non requiro, cū adsunt, nō respuo; paratus eis semper carere. Idē fac ne quādo bonis odorib. malē oleas, aut odiosis mūditiis odiosus sis.

De Dulcedine Musica. DIALOG. XXXIII.

*Eneruant animos Cythara, Cantūque, Lyraque,
Et vox, & numerus brachia meta suis.*

G. A. V.

CAntu delector, ac fidibus. *R. A.* Ah quantō melius lachrymis atque suspiriis! Præstat enim flendo ad gaudium, quā gaudendo ad gemitum peruenire. *G. A. V.* Cantibus, sonisque per mulceor. *R. A.* Et ferē cantu falluntur, & volucres, illud mirabilius; musica quoque dulcedine pisces tangi. Nota tibi Arionis, & Delphinis est fabella; tam pro vera habita, ut ipsius annalibus sit inserta. Multi quidem scriptorum illustrium meminere miraculī; elegantius nemo quā Herodotus, Graiæ pater historix: astipulantur imagines æneæ, illic, ubi tāto periculo incolumis primū terris appulsus est natantis piscis tergo insidens fidicen. Ad hæc Syrenes cantu fallere creduntur, illud verō nō creditum, sed cōpertum, ut quotidie blādis verbis homo hominem fallit: & ad summam, nihil ad fallendum voce aptius. *G.* Musica suauitate delinior. *R. A.* Et aranea [ut aiunt] antequā mordeat, & medicus linit antequā feriat, & auceps, & mulier, quem fallere vult, delinit; & prædo, quem perimit, & Polypus, quem demergit, amplectitur. Et quidē pessimi hominum nūquam terribiliores sunt, quā dum se gestu, & voce lenissimos ostendunt, quod imprimis de Domitiano principe lectum est. Vix

vlla

Vlla est sine suscipione delinitio. *G. AV.* Cātu gau-
deo, & exaltor. *R. A.* Caue. Nam scriptum est: Ex-
trema gaudij luctus occupat: & rursus: Ante rui-
nam exaltabitur spiritus. *G.* Cano dulciter. *R.* Ne-
scis an vltimum. Ipse prædulciter morti proximus.
olor canit. Plures enim gaudio, quàm tristitia pe-
riére: solito dulciùs canentem inter ipsa soni su-
spiria expirasse, recens fama est. *G.* Cantu ac tibiis
delector. *R.* Non immeritò quidem. Singuli enim
dies te, & horæ, & momenta ad sepulchrum ve-
hant, quò cum cantu ferri, vester etiam mos est:
& antiqui tibiis efferebantur. Vnde illud Statij
Pampinij:

Tibi acriter eros suetum producere manes.

Tibi vtraque funeris pompa placet, illuc [te li-
bet ire non sentias] absque vlla requie properanti.
G. Cantu moueor. *R.* At quid refert? Est haud du-
biè in animis hominum. generosis maximè, poten-
tissima musica; sed effectus supra fidē variij: utque
omittam, quibus res non eget, hos ad lachryam ina-
nem, hos ad sanctum & deuotum gaudium, piàsque
nonnunquam lachrymas mouet. Quæ varietas in-
diuersas sententias magna traxit ingenia. Nempe
Athanasius, vanitates fugiens, canendi vsum in Ec-
clesiis interdixit. Ambrosius pietatis exercitum
appetens ut caneretur, instituit, Augustinus vtrū-
que se passum, & difficile hinc sibi negotium du-
bietatis exortum, inter confessiones suas piè me-
minit. *G.* Delectat canere. *R.* Graia olim delectatio,
nūc & vestra. Apud illos quidē cātus, ac fidiū igna-
rus quisquis esset, indoctus habebatur: quod The-
mistocli Attico, Græcorum clarissimo, eo quod lyrā in
epulis recusasset, accidisse; Epaminodā vere The-

banum, hanc fortassis infamiam declinantem, præclarè fidibus cecinisse author est Cicero. Mirum, & Socrates, talis senex fidibus operam dedit: ne miremur Alcibiadem ab auunculo Pericle tibix studio traditum, apud illos honestissimo, vt, inter liberales artes, hanc quoque condisceret. Sed verecundum pueri laudemus ingenium, qui cum ab insigni tibicine, ad id ipsum accito, oblatus tibias ori applicuisset, & collecto spiritu genas inflasset, animaduersa deformitate vultus, erubuit, atque abiectas tibias aspernatus fregit, ineruitque, licet tenera ætas, exemplo esse, vt totius populi consensu tunc Athenis tibiæ usus obsolesceret. Ad vos, si non illud ardens musicę studium peruenit, omnium principum mentes occupaturum: occupauit tamen aliquorum animos, pessimorum maximè. Caius quippe cantandi studiosissimus, saltandique fuit. Nero quantum citharę studio deditus fuerit, & quantam curam vocis habuerit, incredibile dictum est. Id enim stultum est, penitusque ridiculum, quod nocte illa, quæ sibi vitæ vltima, mundo autem respirandi vel modicum, prima fuit, inter querelas quas vicina mors, & præsens metus dolorque dictabant, illud crebrius, atque miserabilius defleuit, non quod tantus princeps, sed quod tantus musicus periret. Mitto alios: ad hanc vestram, quæ nunc agitur, ætatem, licet paratior, venit tamē aurium voluptas, quæ castè, ac sobriè delectari, humanitas quædam; capi autem, & molliter inuiscari, vanitas multa est. *GA.* Suauibus vocum modis cum delectatione detineor. *RA.* O si audires sanctorum suspiria! O si hinc aures tuas damnatorum gemitus, & lamenta percellerent! Hinc beatorum iubilus, & cantus angelici, atq; illa coelestis harmonia [quæ Pythagoras ponit,

Aristoteles euertit, Cicero noster instaurat, tibi autem pietas, fidesque suggerit esse ibi perpetuas ac prædulces voces, & si non cœlorum, at cœlestium incolarum, primam illam, & æternam causam, sine fine laudantium, Si hæc, inquam, omnia tuis auribus inferrentur, quàm clarè discerneres, quis concentus dulcior, quivse salubrior? Nunc furdo sensui soni iudicium committis, de quo hætenus, parua quidem res nonnullis fortè videbitur, magnos tamen viros exercuit. Nec sine causa diuini Plato vir ingenij, musicam arbitratus est ad statum, siue correctionem morum Reip. pertinere.

De choreis. DIAL. XXIV.

*Conuincunt mollem spectata tripudia mentem,
Hic locus casto sæpe pudore vacat.*

GAV.

Choreis gaudeo. *R.* Mirabar nisi fidium tantus, & tibiæ choreas fulcitarent & præscripto de more, vanitatem vanitas sequeretur, verum maior, multoque deformior. Ex cantu enim dulcedo aliqua, & sæpe utilis, ac sancta percipitur; ex choreis nihil vnquam, nisi libidinosum, ac inane spectaculum, honestis inuisum oculis, viro indignum. *G.* Choreis cupidè intersum. *R.* Corpus animum tegit, ac detegit, manuum iactatio, pes mobilis, oculus vagus, ac petulās, tale aliquid arguunt in animo esse, qui non cernitur. Itaque cauendum valde est modestiæ cultoribus, ne quid effœminatum agant, aut loquantur. Occulti enim affectus, & pectorū latebræ sæpe paruis indicijis patefcūt, motus, sessio, accubitus, gestus, risus, incessus, sermo, signa sūt animi. *G.* Dulcedinē quādā ex cho-

reis capio. *R. A.* O dulcedo ridicula! Finge enim te choream ducere, vel cernere, neque tibi cinem audire, atque ita stultas mulierculas, & viros, mulierculis molliores, in silentio circumferri, redire, ineptire: quid quæso vnquam absurdius, aut delirantius vidisti? Nunc motus inconditos, lyræ sonus, aut tibiæ, hoc est, amentia vna aliam regit.

GAV. Choreis delector. *R. A.* Non tam ibi delectatio præsens est quam speratæ delectationis auspiciū: Veneris præludium illud quidem; sono stupidas, ac misellas circumducere, atque urgere, & stringere, ac specie vrbauitatis atterere: libera ibi manus, liberi oculi, libera volant voces, pedum strepitus, & multorum cantus dissoni, & tubarum clangor, concursatio, & puluis, &, quæ sæpe ludis additur hostis pudicitia, & amica scelestorum nox ipsa. Hæc sunt, quæ timorem ac pudorem pellunt; hi sunt libidinum stimuli; hæc laxamenta licentiæ. Et hæc est, ne me falli facilem putes, illa delectatio, quam simpliciter, & velut innocuè, chorearum appellatione profiteamini, & ludi tegmine, crimen obnubitis. Etsi enim solos inter viros, seu solas inter foeminas hæc nonnunquam fiant; illicitamen separatim exercentur. Quidve congressi iterum acturi sint, simul discunt; ceu discipuli, qui magistro absente, quid, eo reuerso, loqui debeant, meditantur. Tolle radicibus hanc speciem ingeniosam, atque improbam: tolle libidinem, sustuleris & choream. Crede mihi, cum David rege, nemo ante dominum saltabit, ne quem fortè sua vxor irrideat; cum tamen nullus irrideatur ante dominam saltans, siue etiam pandurizans. *GAV.* Delectabiles sunt choreæ. *R. A.* Sententiam meam tenes. Si delectant, propter aliud delectant: per se enim tota quidem insul-

Infalsa res est, & plus tædij allatura, quàm gau-
 dij. Nam, quid omnino est aliud, in gyrum volui,
 quàm excire vertiginem, sineque termino viam
 ire inter locales septem motus, quos Plato di-
 numerat, hos. scilicet ante, retro, dextrorsum, sinistror-
 sum, sursum, deorsum, ac circuitum? solus septi-
 mus infinitus est. Atque hunc ideò, quæ perpe-
 tua sunt; hoc est, cœlum, seruat, & sydera; hunc in
 terris perpetuus hominum agit furor, in cunctis
 ferè actibus, atque consiliis. Nec ullus Orpheus
 Ixioneam rotam sistit; sed visibilibus in choreis,
 ubi animorum volubilitas corpora secum vol-
 uit. Et idcirco, cum de omnibus dici possit, de his
 propriè dicitur, quod scriptum est: In circui-
 tu impij ambulant. Hic ludus multorum dede-
 corum causa fuit. Sæpe ibi matrona diu serua-
 tum decus perdidit. Sæpe infelix virguncula i-
 pso nuptiali die didicit quòd melius ignorasset.
 G. Honesto tripudio libenter exerceor. R. Vellem
 aliud genus exercitij delegisses. Sed quò per-
 gas, & quid velis, video, interdictum tolli, ve-
 niam dari, normamque præscribi. Quando igitur
 sic affectus es, seu is morbus, seu consuetudo
 est, qua mala, nihil peius; bona, nihil est melius:
 ea tibi in his omnibus lex erit, ut quibus carere
 penitus non potes, modestissimè utaris, ac raris-
 simè, ne quid vlla in re molle, vel foemineum a-
 gas, sed ubique, non suis etiam in finibus, virilis
 rigor emineat, sitque tripudium, vel quisquis erit
 is ludus, fatigati animi relaxatio, & exercitium
 corporis, non voluptas enervatrix mentium. E-
 xemplo libentiùs abstinuissem: summorum viro-
 rum imitatio non omnibus tuta est. Non omne
 pennatum animal, aquilam sequi potest. Imitato-
 rum alij contrariù faciunt, alij verò aliud, nonnulli

idem aliter. Pauci ad plenum, quod imitantur, effingunt. Cato hic ultimus, Reip. curis pressum animum vino leuare solitus fertur. Fecit idem apud Græcos Solon. Hos aliquis sequi volens, vnum semper officium aget; bibet: quodque illis modicum, ac raram, huic immensum, & continuum: quod illis remedium, huic erit ebrietas. Facile idem in rebus aliis posset ostendi; sed hoc vnum intelligis, quid est; quod nunc tecum verear? Ex quo tamen damnatæ rei patrocinium vt susceperem, coëgisti, summi viri exemplum, quod vel non sequaris, vel non mutes, accipe his ipsis, quibus apud Senecam est, verbis, in eo libro, in quo tranquillitatem animi, stilo inquirit: Scipio, inquit, triumphale illud, & militare corpus mouet ad numeros, non molliter se infringens, vt nunc mos est, etiam in incessu ipso, ultra muliebrem molliem fluentibus, sed vt antiqui illi viri solebant, inter lulum, ac festa tempora, virilem in modum, tripudiare: non facturi detrimentum, etiam si ab hostibus suis spectarentur. Quibus in verbis, quid de sua iam tunc ætate sentiret, perspicis. Felix, qui non vidit tuam: quamuis autem ille, & tripudij & vini remissionem probet; veniendumque nonnunquam vsque ad ebrietatem dicat. Quod à tam rigido ingenio dictum miror: Si fideli consilio vti vis, vino parcere vtere, tripudio abstine. Alia sunt honestiora remissionum genera, quibus fastidienti, fessoque animo medeare; in omnibus tamen optimum fuerit, quod hic ultimum dixit, attendere: & quæcunque ages, ita agere, tanquam te hostes tui videant, atque obseruent. Multo quidem est satius sic viuere, vt abstinentiam, & grauitatem tuam inimici stupeant; quam vt lasciuiam amici excusent,

excusent: Clarior fama est cui, nec verum crimen
obiicere quisquam potest, nec falsum audet, quàm
cui obicitur, sed purgatur. Accusatorem perfe-
cta virtus exterret, mediocris irritat. Quod ad so-
brietatem attinet, malim te Cæsari similem, quē
vini parcissimum, ne inimici quidem negauerint.
[vt Trāquillus ait] quàm Catoni [non Censoriū il-
lum senem loquor, de cuius sobrietate iam dixi-
mus] sed Vticensem, cui obiectam ebrietatem, Se-
neca sic refellit, vt dicat, facilius effecturum, quis-
quis obiecit, crimen honestum, quàm turpem Ca-
tonem. Quod ad id verò, de quo agitur, nullo mo-
dò tripudies malim, quàm vt Scipio: quòd si te il-
luc vrget animus, quò nolim, his te saltem duci-
bus vti velim, vt si penitus tibi inleat illud Ly-
ticum;

Nunc est bibendum, nunc pede libero

Pulsanda tellus; &c.

Sic vinum bibas, vt Cato, sic terram pede pulses,
vt Scipio.

De Pila ludo. D I A L. XXV.

Exerce corpus lusu, non membra fauga;

Nam cunctis debet rebus inesse modus.

G. A. V.

AT delectat pilæ ludus. R. En aliud claman-
di ludibrium, saltandique. *G. A. V.* Libenter
pila luto. R. Odiosa vobis [vt videtur] est
requies, vndique labores aucupamini; decoros v-
tinam. Nam si exercitio ludus hic quaeritur; v-
trum, precor honestiorem fatigationem futibun-
da iactatio, in qua nihil animo geri potest, an
ambulatio tranquilla præstaret vlli, & membro-
rum motus utilis, & ingenij agitatio honesta est

f j

Quem morem, philosophorum quidam sic fecerunt suum, ut hinc secta famosissima nomen sumpserit. An tu verò Dionysium Syracusium, quàm Stagiritem Aristotelem sequi mauis? quando, ut studiosa deambulatione philosophum, sic tyrannum ludo hoc turbido delectari solitum acceperimus, quanuis & modestos interdum animos voluptas hæc cœperit. Itaque & quintus Mutius Scæuola ille augur, elegantissimè hoc ipsum fecit, & diuus Augustus post finem ciuiliū bellorum ab exercitiis campestribus ad pilam transiit. Et M. Aurelius Antoninus [ut de eo scribitur] pila lusit apprimè. Nec tamen, vel quia ille diuini, atque humani iuris peritissimus, vel hi doctissimi, atque optimi principes fuerant, ideò ludus præceptus & clamorosus placet. Si quidem motus omnis vehementior, præsertim si clamore permixtus sit, honestum dedecet ingenium.

De Ludo aleæ & calculorum. DIAL. XXVII.

Alicui ex os aspellit lusorinus horat;

Ludus habet laudem, si moderatus erit.

G A V.

Alex ludus, & calculorum placet. R. Damnosum illud, hoc inane, utroque tamen, idem ille Scæuola, quòdque altius, Augustus Cæsar altero uti solitus fertur. Neque rursus, ideò, quòd ille à ceremoniis Deorum, atque hominum legibus, quas excellentissimè caluit, iste à curis summi imperij, quod diutissimè atque optimè rexit, tale sibi interdum laboris diuerticulum elegisset, hoc in te probauerim. Sunt enim & doctis ac magnis viris appetitus quidam peregrini, & sui, quorum si, ut in doctrinis, sic in moribus imitator fueris, facile labi queas: neque enim omnium, qui laudantur, laude digna sunt omnia.

omnia. G. Alea ludo delector. R. Quis non delectetur, supra pictam tabulam, consignatas numeris ossium quadraturas, crispanti cubito iactare, quaque ille direxerit, trepidantibus digitis, rotundas in aciem tabellas mittere? Gloriosum exercitium & præclarum nomen, & currus, & laureas meriturum. G. *Al.* Calculis libens ludo. R. O puerile studium! O perditum tempus! O curæ superuacua! O ineptissimi clamores, stulta gaudia, iræque ridicula; deliros senes impendere alueolo; & pauculis lignis vagis, ac furtim insidiantibus, atque latrocinantibus! Vnde latruncularius ludus apud veteres dicebatur, quo luisse Simiam, author est Plinius. Miraris? Atqui propriè ludus est Simiæ, miscere calculos ac transferre, & post illidere, raptim iactare manus ac trahere, insultare aduersario, & collisis dentib. minari. irasci, altercari, fremere, vicissimque interim [vt Flacci verbo utar] caput scalpere, ungues rodere, & ad summam, omnia facere, quæ prætereuntibus risum excutiant. Nunquid enim horum aliquid, aut vltimum penitus amentia genus omittitis? Nonne ita torquemini, quasi, vel vestra, vel publica salus in dubio sit? Multi, credo, prælio vicissent si quam ligneis aut eburneis impenderunt curam, veris militibus impendissent. Vix rei vllius tam intentum tamque ineptum studium inuenias. Sed hoc est in regno stultitiæ commune, vt quarum rerum minor est fructus, & cupiditas & delectatio maior sit. G. Alea delector. R. Ostendam tibi si consilio uti voles generosam, atque honestam aleam, qua olim Athenis docti homines vsi sunt, vt festis, scilicet diebus in concilio amicorum quilibet de literis aliquid in medium proferat, non sophistica lubricum, vt illi, sed solidum, pro in-

genio proferentis, ad virtutem, aut beatam vitam pertinens. Dehinc collatione facta, sine invidia, sine ira, qui inferiores, doctiorum iudicio vti erunt, facili quidem multentur pecunia; hoc in philosophicas vertatur cœnas. Sic res vna, conuiuium sumptuum: exercitium studio, calcar ingenio ministrabit: quod hinc victos excitet, hinc victores. Hoc ætæ genere, quo antiqui Saturnalia, vos pia festa, & quo illi Atticas, vos Romanas noctes instruite. Habes ludum, quo & ludere iuuet & luisse non pudeat.

De Ludo taxillorum prospero. DIAL. XXVII.

*Amittit nummos, animi sed damna lueratur,
Tempus taxillis, qui terit omne suum.*

GAV.

I Vuat ad taxillos ludere. *R.* O vorago ingens, inexplibilis! O patrimoniorum fluxus tristis, ac subitus! O animi tempestas & famæ nubes, & scelerum stimulus, & ad desperandum via! Superiores, utcumque ludi sunt, hic merus est dolor. *G.* At mihi prosperi ludi huius euentus fuit. *R.* Taxillorum nullus euentus prosper: mali omnes, & miseri. Nam, & qui perdit, affligitur, & qui vincit, illicitur, inque insidias protrahitur. *G.* Prosperè lusi, *R.* Præsens sæpe prosperitas futuræ calamitatis augurium fuit; & suas hæc pestis habet illecebras. Si qui talis ludunt, omnes perderent, nemo unquā luderet. Nunc lucrantur aliqui: sed lucrum illud atra est dāni. *G.* Lusi, & vici. *R.* Bene; nisi in cāpū redis. Alloqui nullus cāpus planior: nullo in cāpo volubiliore est fortuna. *G.* Lusi, & vici. *R.* Ludes iterum & perdes. Quod vicisti autem, hinc atque il-

que illinc mille deripient : quod perdidideris, nemo restituet. Adde quòd si quid est iustitiæ, quod vincis, non sit tuum. At quod perdis, etsi non fiat alterius, tuum tamen esse definit. Multa sunt vndique, quæ ab hac infania bonam mentem dehortentur, ac retrahant, nisi vos impetrus quidam auaritiâ pulsus vrgeret. *G.* Vici in ludo taxillorum. *R.* Scito autem te ab exactore impio foedus centesimum accepisse, restitues quod vicisti, & de tuo adicies, vt non sit, qui repetat, per seipsum euanuerit, tuque insomnis, felix esse desieris. *G. A. V.* Vici, & diues factus sum. *R. A.* Cum nulla sit stabilis pecunia, sed sua potius rotunditate versatilis; tum præcipuè, quæ taxillis quæritur. Taxillorum ludus nihil vlli donat, eorum maximè, qui familiaris illum volunt, sed mutuatur aliquid, & extorquet, eò semper inimicior, quò blandior visus erat. Nulli enim amarior est iactura, quàm lucri dulcedinem degustare orso. *G. A. V.* Lusi, & lucratus sum. *R.* Gaudere lucro taxillorum tale est, ac si dulci gaudeas veneno. Vtrunque mox per venas erumpet. *G. A. V.* Ludo prospero delectatus sum. *R. A.* Peior est delectatio peccati, quàm peccatum ipsum. Sunt qui mala consuetudine penè coacti, peccant; neque post peccatum gaudent; sed tristantur; & si fieri posset, non peccasse maluerint. Quosdam vidimus, inter ipsas libidinum flammæ, quandam velut glaciem doloris ac pœnitentiæ sentire; & si dici liceat, velle simul & nolle: peiorem licet in partem mali vsus quadam vi, detortos quos haud improbè quis speret, vsu excusso, ad meliorem semitam posse conuerti. At, qui de peccato exultant, quid de his oro, reliquum spei est? *A. V.* Delector taxillorum ludo. *R.* Spero fore, ne semper

ne diu etiam delecteris : voluitur assidue fundatarum status urbium. Tu stabiles talos putas. Crede mihi, voluentur, & secum in lachrymas gaudium tuum voluent. Neque enim sic voluentur, ut vidisti : tunc inane tibi gaudium, nunc veros gemitus parabunt. *G.* Delectat ludere. *R.* Delectatio funesta, & turpis, corruptique animi. Ita enim, & conuitio dignus es. Nam quis quæso ingenuus, seu quis homo, & non potius trux belua, delectari queat ludi nomine, abundante nequitia, atque impietate foedissima? Vbi præter hominum vultus, nil humanum sit, vultusque ipsi iracundia, ac mœrore obfiti, confusisque clamoribus efferati, nec iam sint humani. Vbi decor non morum, non modestia sit verborum, non amor erga homines, non erga Deum reuerentia: sed iurgia, & rancores, & doli, & periuria, & rapina: vulnera & extremum, homicidia quoque. Nil in Deum sauius potest humana temeritas, diuini nominis blasphemias, quibus, ante omnes scelerum officinas, ille infelix ludus scatet. Vbi, quos fortè tacitos pudor tenet, crebrò tamen suspectantes, quid labiis cordis agant, sciunt ipsi. Quis hunc ludum verus homo, non dicam tractare manibus, sed spectare oculis possit; & non angere prorsus, fugarique scelerasti spectaculi foeditate? *G.* Delector tamen hoc ludo. *R.* Vide, ne Cretensium imprecatio in tuum caput inciderit, mala consuetudine delectari, quo nil dictu leuius, nil euentu grauius, propiusque exitio est. *G.* Delector taxillorum ludo. *R.* Abicienda est delectatio inhonesta; & si non virtutis, at saltem famæ studio, & pudoris cura. Nam vix illud in actibus hominum inuenias, vbi tam clarè mores, & vitia detegantur. Vidisti alacriter in prælium descensuros, in hoc ludo tremere, atque

que orare flebiliter, & suum numerum inuocare. Quosdam alibi magnanimos, ac tranquillos, illic, pro parua pecunia, & precari, & irasci, & in finem furere. Quàm multa, pro paucis nummis, saepe ibi fecerunt viri fortes, quæ, pro ingenti thesauro, alibi non fecissent? Ibi enim vitiorum omnium sed imprimis iræ, atque auaritiæ regnum est. Meministi, vt Naso in eo libro, quo inhonestam quidem, ac superuacuum artem docet, vtile tamen interdum aliquid interserit: Amatrices monet, vt, ob animi vitia celanda, ludo hoc, aut simili abstineant, ne conspectæ ira tumidæ aut auaritia inexhaustæ, amatoribus displiceant suis. Quantò id viris dignius præcipitur, ne non modò hominum, sed Dei oculos omnia videntis & bonos animos, moresque ingenuos amantis, offendant? G. Lusi, vici, gaudeo. R. Ludus turpis, damnosa victoria, gaudium inane. G. Vici, gaudeo. R. Omne de suo malo, gaudium stultum est. Proinde Tartareus quispiam ludi huius inuentor fuit: cuius inscijs ludibrio ac noxæ, scientes verò, miraculo subiaceant, ac stupori. Nam quid mirabilius quàm quòd veteri prouerbio vulgatum, verumque iugi experientia deprehenditur? Omnes huiusmodi ludi magistros nudos esse, atque inopes, & egenos.

De Histrionibus. D I A L. X X V I I I.

Sunt scire fatui, sed inutilis aulica turba;

Dilecti Domini, quos lenis antra caput.

G A V.

D Elector histrionum iocis. R. Nobilior multò delectatio illa est, quæ de modulatione musica, liberali, scilicet, quadam arte percipitur: hæc solius vanitatis, & impudentiæ plena est. G. Histrionibus delector. R. Malim pau-

peribus malim amicis humilibus, malim tandem solitudine delecteris. *G. 4^o*. Histriones mihi risum mouent. *R.* Quid tu illis? quoties de se dominum ridentem risit Histrion? quoties se mirantis, amentiam admiratus, finxit aliquid, quo falso illum verè se autem delectaret? *G.* Histriones doctos habeo. *R.* Habes de quibus rideas, qui que te rideant, & te rodant. Pestis diuitum peruectusta; quæ ab Ethruscis orta, Romæ creuit, adeò, eoque fiducia est euecta, ut Æsopus hinc quæsitum patrimonium incredibile, atque immensum, filio dimiserit: & Roscius vagam, sparsamque rem, arte collegerit, de Histrionica librum scribens, in quo artem suam oratoriæ, seque perinde Ciceroni æquare non erubuit: eam, scilicet, ob causam, quod affectus animi, conceptusque abditos, quos Cicero verbis ornatis variè pronuntiaret, ipse alio modo, sed effectum pari, gestibus aptis exprimeret. Et sanè fuit ille mirus artifex; nec scio, quid tam durum esse, vel tam triste potuerit, quod non facile lenisset; non dico, qui facillimi, atque mitissimi Ciceronis amicitiam ingenio meruit, dignusque, pro quo tantus orator verba faceret, & de quo scriptum opus, memoriæ posterorum traderet, est habitus: sed qui tetricum, ac superbum Syllæ animum inflexit, & ab illo omnium contemptore admissus in gratiam, annuloque aureo donatus est, qui tot graues, & seueros senes, senatūque illum, per quem frena orbis agebantur, quoties voluit, ad risum, ac lætitiā coegit; qui populum Romanum, tantum & tam varium, sic illexit, ut diurnum salarium de Publico mille denarios, sine gregalibus, ac ministris, solus ipse perciperet. Magna merces, quamuis exigua fingatur moneta: nō sine mira quadam, & insolita agilitate animi hoc
fieri

fieri posse consenserim ut si quis usquam Roscius affuerit, non tibi forte sit vetitum, quod Ciceroni licitum fuit; non solum ludis interdum, sed familiaritate eius, & ingenio uti. Est enim ingeniiis, inter se quanquam studio & professione distantibus, multa cognatio. Vbi verò hunc quærimus? multum breui tempore nobilissimæ artium retrocessere, ne dicam histrioniam, quæ eò rediit, ut nunc illi deditos, corrupto gustu, falsoque iudicio esse non sit dubium: profectò enim consequens est, ut quibus mala bene sapiunt, bona illis ignota sint, & curis nobilibus infuetos esse, qui vilibus delectantur. Multi quotidie me frequentant histriones. R. Frequentare te desinent, quum tu dives, aut largus [dicam rectius] quum tu stultus, & prodigus esse desieris, GAV. Magna mihi acies histrionum est. R. Immò muscarum, quæ te vinctum comitentur, sic cumque destituant: nec destituisse suffecerit, nisi hunc plausum par sequatur infamia. Sunt linguæ, quibus quies, ac silentium, poena est: nunquam verò, nisi de aliis loqui iuvat, aut falsò laudant aut lividè detrahunt, & quorum nequeunt mordere diuitias, famam mordent. Una est histrionum, atque parasitorum lex, utriq; blanditiis armati, post fortunam eunt. Verum illis ventrem implese satis est. His alia fames cibi metio, iniuriæ genus est: implenda cupiditas, fundo carens.

De Ludo palastrarum. D I A L. X X I X.

Et lucta, & cursu, saltu, & certare palastra,

Hæc bene conveniunt, sed moderata viris.

GAV.

Palæstricis delector ludis. R. Si spectator vanus; si luctator insanus. G. Palæstricis exercitiis vaco. RA. In singulis verbis, cuius domini mancipium sis, apparet. Nempe hæc, ut su-

periora, corpori seruiunt, quod, vt paulò ante
 cominemini & aliquantò honestiùs sine imperu
 & sine strepitu fieri potest. Et est agitatio quæ-
 dam animi nobilior, quam si nosces, hos corpo-
 reos conatus & sperneres, & odisses: sed vos ani-
 mum, quasi hospitem degenerem, atque inuisum
 corpus, vt dominum generosum, ac dilectũ col-
 ris: illi seritis, illi metitis, illi aratis. Iure id quidẽ;
 illud iniustiùs, quòd eò omnia refertis, curaque
 animi posthabita noctes illi insomnes agitis, illi
 suspiratis, vota illi facitis, ingenuasque artes illi
 discitis illi demum obsequimini ac seruitis sum-
 ptuosissimo dominorum omnium, atque ingra-
 tissimo; cui, nec vnquam satis aliquid; nec, si quid
 aliquando defuerit, vlla vnquam memoria sit ac-
 cepti: huic tamen tali domino quicquid iusserit,
 paretis, atque esuriente animo; huic vni non tan-
 tùm necessaria, sed superuacua vndique, ac no-
 citura conuehitis: neque ea solùm, quæ ad victum
 pertinent, ac vestitum, de quibus suo egimus lo-
 co: sed quæ ad ludos etiam, variamque libidinem:
 non videntes, quàm vestris aduersa consiliis ipsa
 sit veritas. quæ disertissimo Ciceronis ore loqui-
 tur: vnde appareat, quòd qui corpus negligit, non
 se ille, sed fragile caducumque domicilium; at
 qui animum, ille sese verè negligit. Neque enim
 ait, tu is es quem fortuna ista declarat; sed mens
 cuiusque, is est quisque; non ea figura, quæ digito
 demonstrari potest. *G. V.* Palæstræ delector exer-
 citio. *R. A.* Quadrigarum feruor, & equorum stre-
 pitus, & ardentes rotæ per angustias inoffensa, &
 instantium plausus, atque collisio, oleum, sudor,
 puluis mirabilis, sed illa quidem oculorũ seu au-
 rium, seu narium voluptas, hebetatiq̃ue sensus
 indicium ingens: qui, si sanus, integerque esset,
 non

non clamorum, atque tumultuum officinæ, quas palæstras vocant: sed observatio diligens palæstræ huius, quam nascentes ingrediuntur, quam viuentes atterunt, unde digrediuntur obeuntes, atque utilior quædam, honestiorque suauitas delectaret. G. Studio deditus sum palæstrico. R. Fuit hæc quidem apud veteres non vltima gloria; sed tam magna, vt seni iili Rhodio Diagoræ, qui & ipse palæstrita insignis fuerat, cum duo vno die filios palæstricis insignitos victorijs conspexisset, quasi nihil clarius iam restaret, quò aspirare posset in vita, Amicus alter Lacedæmonius senex diceret. Morere Diagora: nunc enim in cœlum ascensus es: tam magnum, tamque altum censebat, tres simul vnius familiæ palæstritas esse. Leuicula prorsus, & græcula verè laudis æstimatio, sed cōmunis adeò, vt magna etiam turbaret ingenia. Vnde & Plato tantus philosophus, Olympionices clarus fuit, inque hac arte multis notus euentibus, adolescens tamen. Amplitudo quidem [vnde Platonis nomen ortum putant] roburque corporis, & ætatis feruor, iuuenilem animum impulerant ad experimentum virium: vbi cum summis quoque par esset, accessu temporis cognito, quid ageret, ad meliora se transtulit; Socratiq̃e similis fieri maluit, quàm Miloni. & sanè multa ætas excusat. Facile teneris annis ignoscitur. Vanitatis excusatio nulla est viro. G. Palæstre studium delectat. R. In hoc sæpe vilissimus omnium superior fuit, & corporea mole animi virtus est oppressa. Quem tu mihi ducum vel heroum proferes, quē Milo non superet? qui per stadium, bouem vium gestans humeris, cucurrit eundemque, nudæ ictu manus occisum, vno die solus, haud grauatim integrum comedit. Mira res dictu, sed apud Histori-

cos vulgata. Quis huic igitur in palæstræ suæ regno par occurrent? Atqui nihil indignius, quàm generosos spiritus tali belluæ succumbentes cernere & iccirco nobilibus animis, bene sibi fidentibus, summoperè providendum est, ne sua sponte descendant, vbi ab ignauissimis vincant. Quin tu, si contentionibus gaudes, id tibi sume certamen, in quo semper ferè superior, qui melior non de corporum viribus, aut omnino de re vlla, vbi peior, idem esse possit, & victor. Non de opibus ergò, non de dignitate, non de potentia, sed de scientia, ac virtute contendere, atque eo animo, non vt cuiusquam famæ obstrepas, sed, vt alienæ laudis æmulatio tibi sit calcar ad gloriam, Nullæ ibi sint penitus partes inuidiæ, sed virtutis. Habes & hic exemplum Catonis huius vltimi, de quo Crispus: Non diuitiis, inquit, cum diuite, neque de factione cum factioso, sed cum strenuo de virtute, cum modesto de pudore, cum abstinente de innocentia certabat. Honestissimum hoc palæstræ genus, quo te exerceas, non tantùm olympiæ, sed vbi-que; non minùs in thalamo, quàm in foro, nec minùs in otio, quàm in actu, neque cum præsens modò: sed cum absentibus quoque, cumque ætatum omnium, ac terrarum viris illustribus. Semper enim memorabile, ac magnificum illud Scipionis apud Lælium, iudicavi: Maximo, inquit, cuique id accidere animo certum habeo, vt se, non cum præsens modò, sed cum omnis æui claris viris comparet. Tu quoque, vel de grege præsens, si occurrat, quod vix spero, vel ex omni memoria verustatis, quemlibet tibi parem delige: cum quo non vlnis, aut castibus, sed ingenio, ac virtute luctabere, sine metu
peri-

periculi, sed immarcescibilis spe coronæ. Hoc de palæstris consilium: hæc sententia mea est.

De Variis spectaculis. D I A L. XXX.

*Si tauros te tam iuvat expugnare feroces,
Fac contra carnem bellageras propriam.*

G. A V

D Elector variis spectaculis. *R.* Circo forsan, & theatro: quæ duo loca bonis semper ad-
uersa moribus fuisse notissimum; quò, quisquis malus ierit, redibit pessimus. Nā bonis, iter illud ignotum est: qui, si casu aliquo ignari ad-
cant, contagio non carebunt. *G. A V.* Circo dele-
ctor, atque arena. *R. A.* Atqui delectationes aliæ
vanum, seu libidinosum aliquid habuere, hæc v-
trumque superadditāque sæuitiam, & inhum-
nitatem habet, bonis animis rem indignam. Ne-
que excusat, quòd iis ipsis Romani olim, flos ho-
minum, delectati sunt, recto namque iudicio
vrbs illa, alioqui abundantissima bonorum om-
nium, atque illustrium exemplorum, nihil om-
nino reprehensibilius habuit, reliquisque defor-
mius, sibi que inuicem, quàm hinc discordiarum
ciuiliū, hinc ludorum studium immodicum:
quasi non sufficeret bellorum cruor domi, mili-
tiæque; nisi cruenta pax esset, cruentæque etiam
voluptates: nisi circo fortassis honestius quis
theatrum dixerit, cui pariter inhiantes videas,
non modò populum, sed senatum: atque ipsos
mundi dominos, imperatores Romanorum. Sic
spectaculis capiebantur illi etiam, qui humano
generi speculum facti erant. Rem mirabilem di-
cam, sed cognitam, vulgatāque. Sic cunctorum
animos theatralis furor ille peruaferat, vt non
modò coniuges Cæsarum, aut filias, sed virgines

quoque vestales in publicum, atque in turbas educeret, quarum pudicitia nihil exactius, nihil fama tenerius, nihil conseruatione secretius, usque adeo; vt in eis omnis motus, omnis cultus, omnis sermo lasciuior nota dignus, ac supplicio haberetur; & tamen his ipsis in theatro locum assignasse legitur, non quicumque, sed summus, atq; optimus principum Augustus Cæsar. Neque minor est ideò error quò magni errant, sed maior potius, atque conspectior. *J. A. V.* Libenter scenicos ludos specto. *R. A.* Rem, quæ nec honestè geritur, nec honestè cernitur, nec facile dictu est an lusor infamior, an spectator, & an scena sit turpior, an orchestra, nisi quòd in illam sæpe quidem paupertas in hanc verò semper vanitas trahit. In omni sanè delicto plurimum interest, vtrum inopia an libidine, seu superbia quis delinquat. *G. A. V.* Amphitheatris spectaculis oblector. *R. A.* Damnosa vndique, & publicè priuatimque nocens delectatio: quod facile colliges, si in animũ redeat ex historiis rei huius initium progressusque, quanto publici census impendio, quantaque insanix proxima ducum cura, quanto demum populi studio, ac labore constiterit. Equidem & tot vana dinumerare difficile est, & tam vulgata superfluum, mille simul gladiatorum paria, non ludo tantum satis multa, sed prælio: elephantorum, tigridumque, & leonum, ac pardorum greges, onagrorum quoque, equorumque ferocium, atque animalium diuersissimi generis è toto orbe transmissos, omnium terrarum syluis, omniumq; gentium venatibus, Romano famulantibus theatro. Adde illam ædificandi luxuriam, exemplo carentem, non imitatione cariturã, conuectas terras, pelagoq; marmoreas columnas in ludorũ vsum,

&c.

& artificum summis ingeniis expolitas, & verticibus superbas, auro rutilante frondentibus; cuius princeps infamia nominandus est Scaurus. Is, qui ædilis in theatri scenâ opus dierum paucorû, & quod paucis lignis ac funib. attolli poterat, susceptorum oculis populi, talibus gaudentis, trecentarum sexaginta talium columnarum monstra intulit, fecitq. opus [vt scriptû tenes] maximû omnium, quæ vnquâ fuere humana manu facta, nō temporanea mora, verum etiam æternitatis destinatione; quo promeruit, vt verissimè diceretur, proscriptio primû graui ciues; idem post, ædilitate leuissîma, mores bonos, in exilium pepulisse; vt qui multi perditî tēporis inani plebeculæ, multarûmq. inutiliû impensarum P.R. author, & exemplum fuit. Sed, ô mirum ducti! mox furore hunc vicere sequentiû furores, quib. effectum est, vt miraculo operum, ac numero fateri oporteat, præter Romam nihil mirandum fuisse in toto orbe terrarû. Nam & hoc itidem scriptû vides. Penetrata terræ intima, persossæ silices, egestæ rupes abditæ, aduersi amnes in fistulas coacti. inclusum, aut exclusum molibus iratum æquor. suspensa iuga montium, tentatîque mariû recessus; deniq; stratû latè, signatûmq. nepotibus iter insaniendi, & impleta in vobis spes aurore, nunquâ scil. defuturâ esse luxuriâ. Et, vt cumulatiù malû sit, publicis damnis accidit calamitas priuatorum qui spectandi cupidine compediti, & quotidiani interim quæstus immemores, neque diem labi sentiunt, neque armatam, tergoque instantem respiciunt egestatem. Sic vicissim, & priuata in publicam, & publica perniciēs in priuatam vertitur. Neque vero patrimoniorum iactura grauior, quâ morum; vbi libido discitur, humanitasque dedi-

scitur. Proinde quid de spectaculis speraretis, iam
 inde ab exordio primus regum vestrorum Romu-
 lus omen fuit, qui in his rigidam, tetricamque il-
 lam Sabinarum pudicitiam circumuenit: etsi ut-
 cunque matrimonij honor, texit iniuriam. At
 quam multis hoc postmodum, non ad coniugiū,
 sed ad stuprum vagamque licentiam fuit via? Ad
 summam enim hoc teneas velim, pudicitiam spe-
 ctaculis sæpe strata, semperque impulsam. Et,
 ut fileam viros quibus is scelerum furor est, ut pe-
 niam adulterio gloriantur, multarum ibi fa-
 ma periit, pudorque: multæ inde domum impu-
 dicæ, plures ambigæ rediēre: castior autem nul-
 la. Iam verò, quæ corporum clades, ne quid pror-
 fus desit infortunij, quæue, non singulorum mo-
 dō, sed populorum strages, indicio sunt, & risus
 subito versus in gemitum, relatæque funera thea-
 tris, & plaudentium choreis mixtæ lugentium co-
 hortēs. Audisti, ut Curio is, qui ciuili bello pro
 Cæsaris partibus in Aphrica occubuit, Scaurum,
 quem opibus æquare non poterat, ingenio supe-
 raret, non marmoreum [ut ille] sed ligneum thea-
 trum duplex tamen, & pensibile meditatus, popu-
 lum victorem gentium ludis vicam & periculis
 plaudentē suis, mira arte suspendit: ut ridentes in-
 teriūs, stupentēsq̃ ipsi exteriūs, spectatoribus ri-
 sui fierent, ac stupori. Et miramur, Imperij spe ob-
 iecta, vnius, licet magni exulis, animū flectere po-
 tuisse, qui oculorum leui, breuique voluptate pro-
 posita, tot millia ciuium volubili spectaculo cir-
 cumuoluit? At nemo ibi periit, dicet aliquis: sed
 perire potuēre, & periēre alibi innumeri. Neue
 attingam nouas simul, ac veteres ruinas, quibus
 sæpe multi mortem simul, ac tumulum inuene-
 re: sub Tyberio principe, celebri spectaculo apud
 Fide-

Fidenam urbem amphitheatri lapsu, oppressa, viginti hominum millia meministi. Hi spectaculorum fructus, hi sunt exitus. *GA.* Spectaculis cum voluptate detineor. *RA.* Aut fictis amoribus, aut veris odiis. Primum equidem non est viri: secundum verò, nec hominis, spectare. Quis ferrum iugulo latus exceperit? Quis feruido vulnere plus cruoris effuderit? Quis minùs conspecta morte palluerit? Quid crudelitatis ad scholam ire iuuat? Non egetis præceptoribus; nimis dociles malorum estis. Plura per vos domi discitis, quàm necesse est. Quid, si tam promptis ingeniis artifices scelerum, ac magistra errorum, plebs accesserint? Multos; quos mites natura fecerat, scruitiam spectacula docuere. Mens hominis in vitium prona, non virgenda vtrique, sed frenanda est; si sibi linguatur, agrè stabit: si impellitur, præceps ruet. Multum mala auribus inuehitur, sed multò plus oculis; illis; quasi fenestris, bipatientibus, in animum mors irrupit: nil potentiùs in memoriam decedit, quàm, quod visu subit; faciliè audita præteruolant, conspectarum imagines rerum hærent etiam inuitis: nec tamen nisi volentibus ingerunt, nisi perratò, atque ocyùs abituræ. Quò pergis igitur? Quis te rapit impetus? vt ad horam gaudeas, vnde semper doleas, vt videas semel, quod vidisse milies poeniteat. Iugulari ferro hominem, aut ferarum dentibus, vnguibusque discerpi aut tale aliquid, quod & vigilem turbet, & sopitum terreat. Nescio quid hic dulce, seu non quid potiùs amarum, aut triste sentitis, nec vllum in vobis maius insanix argumentum video, quàm quòd quotidie vos ad mortem miseris delinimentis illectos, & velut stygio sopore demersos, dulcedo amara, & deletio inamœna præcipitat. Vna est enim vobis

lexterum fermè omnium. Quicquid cupitis, quicquid molimini, quicquid agitis, contra vos est.

De Equo agili. DIALOG. XXXI.

*Vtile equus animal saepe est, sed inutilis usus;
Cum stulto Domino est forma labore prior.*

G. A. V.

E Quo agili delector. *R. A.* Ferocissimo, & inquietissimo animante, in somnique, & inexplata voragine. *G. A. V.* Equo libens circumvector. *R. A.* Non multò est peius, mari turbido, quàm frementi equo rapi. Nullum animal insolentius domino suo est, nec ineptè iam equorum domitoribus in proverbium venit, bis equum male facere; quòd nimis hinc humilis, hinc superbus sit, qui illis viribus, eaque pernicitate pro vili cibo fieri alterius domarique, & duris stringi fasciis, nodisque, & fune vinciri, freno frenari, ferro calciari, pertusa clavis ungula; ferro vigeri, ferratum ferre victorem, turpem carcerem, ac graue seruitium pati possit. Inde autem, quasi indomitus, non tantum pro libero sese gerat, sed, ut domini sui hostis, agat omnia. Si currendum est, stimulos non audit. Si subsistendum, frena mordicùs rapit. Si fremendum torpet. Si latendum, fremit. Obsequiosum illud [ut perhibent] fidumque animal, de quo tam multa iactantur fabulae, animal nobile, regium, optabile, colendum, dignumque, quod enormi pretio comparetur, anxia nutriatur cura: Immo verò animal, quod, si conferantur cum obsequiis tædiæ, nemo sapiens emat, nemo diligens pascat animal, & otij impatiens, & laboris, illo tumidum. hoc deiectum, nunc impetuosum animal, nunc ignaum, nunc audax, nunc trepidum, nunc volatile, nunc caducum, hinc culicum metuens, atque ymbra-

sum-

rum, hinc dominum suum spernens, diuersisque illum viis in discrimen trahens. Quis contumaciam, quis morsus, aut calces explicet? Quis hinnitus, & ascensionis impatientiam, ac sessionis? Equidem, quot equorum mores, totidem equitū constat esse pericula. *GAU.* Equorum studio detineor. *R. A.* Mirarer, nisi ingentes viros, vsque ad ludibrium, captos hoc studio meminissem. Quis Alexandrum Macedonem non audiuit amato equo tumulum erexisse, urbemque de equi nomine appellatam? Sed nihil in illo mirabile viuente, impetus, & animi feruor fecit. Mirabilior in Augusto quāuis minor ineptia, neq; enim urbem equo ille suo instituit, sed sepulchrum, idque ipsum illi grauitati atque ingenio impar fuit. Nam diui Iulij monstrosus sonipes, an ab ipso, an ab alio ante adē Veneris, marmorea sit consecratus effigie, dubitari potest. Minor multò, vel atare, vel gloria, verum opibus ac Cz sareo nomine penè æqualis Antoninus Verus. Vt sileā, quem victū quemue amictū equo, quem immodicè amabat, exhibuit; certè & viuenti simulachrū aureū fieri fecit, & mortuo sepulturā [quo grauius stomachemur] in Vaticano extrui, tot inter sacra ossa ibi condita, & condenda. Vix credibilia loquimur, vera tamē. Horū similitūq; cōsciū vates, heroum animas apud inferos quoq; equorum studio deditas facit. nec minor tedeò, sed maior est vanitas, quæ tam magnos ad se animos trahere potēs est. Neue quis priscā tantū, nō modernā amentia suspicetur, redeat ad memoriā, nec lōgè seu loco; seu tempore requirēdus, adhuc enim viuit, nec dū senuit, & in terra Italica vobiscū degit, quem nominare non est necesse fortunæ utique vir ingentis, nec parui ingenij consiliique vir, alioqui magni animi, nec insulsi, vbi

quid seriò agendum incidit; qui tamen ægròtanti equo, quem amabat aureum pulvinar, ac sericum cubile subtrauit. Cumque ipse interim podagra vinctus, atque immobilis, Medicorum legibus regeretur, nihilominus tamen, aut seruorum vectus manibus, aut equo altero vix iniectus, & suos Medicos secum ducens, equum ægrum suum bis, terque quotidie visitabat, illi suspirans, atque anxius, assidebat, illum leniter manu tractans, blando murinure solabatur. Quid multa? Nullum medicinæ genus intentatum, nil languenti amico debitum prætermisissum fuit. Fabulam fortasse posteritas vocet; vera res, & magno in populo nota est. Sic vir fortis curam equi gessit, ut propriam, sic extinctum luxit, ut filium. *GAU.* Delectat equitare. *RA.* Est id quidem vtile interdum, & celeritati adminiculum, & fatigationi remedium, & nobilitatis insigne; nec inficior, gloriosum vulgò extantem insigni equo vehi, & cunctis excellere, nec vertice solo, sed humeris, & toto penè corpore supra esse. Contrà verò laboriosissimus, & sæpe domino suo pestifer immitis equus. Optes iter pedibus agere, tam nulla est respirandi, vel minimum, facultas, equestre periculum pedestre luto, seu puluere permutatum velis. Proinde multos media de morte rapuerunt equi, multos in mortem impulerunt, aut alliserunt, aut corporibus oppresserunt. Quid, quòd non vltimum belli semen equi sunt? Tolle equos, peregrinos terris incursus, partemque maximam bellicæ cladis abstuleris: ut, quod de ventis in natura, quodque de Iulio Cæsare in historia est quaesitum; expediensne fuerit; aut flare ventos, aut Cæsarem nasci? & de equis similiter quaeri possit. Tam multa sunt ytrinque contraria. Nec inmerito Thes-

trò Thessalia, quæ prima equos reperit, domuitq;
 prima aureum, argenteumque nummum cudit,
 prima pelagus rate tentauit. Martis seminarium vi-
 sa est; quod non semel, tot post sæculis, multo cla-
 roque sanguine patuit. *G. AV.* Quàm me, putas, iu-
 uet poëta noster, vbi nobilis equi spiritum, moref-
 que descripsit? *R. A.* Nec te terret Hebræorum va-
 tes, vbi ait: Ab increpatione tua, Deus Iacob, dor-
 mitauerunt, qui ascenderunt equos. Excute singu-
 la; non tam illud lene, quàm hoc asperum.

De venatu & aucupio. DIALOG. XXXII.

*Quid in ualoptandum venatu perdere tempus,
 Quare cum possis commodiora tibi?*

G. AV.

AT canibus gaudeo. *R. A.* Nunc intolligo a-
 dolescentis imberbis gaudium, de quo
 Flaccus,

*Gaudet equis, canibusque, & aprii gramine campi.
 Vide autem ne, & quod sequitur, sis,*

Cereus in vitium flexi, monitoribus asper,

Vitium tardus prouisor, prodigus aru.

Sublimis, cupidus, & a mata relinquere pernix.

Hunc te. n. esse metuo, qui gaudium tuum in fu-
 gacissimis rebus loces. *G. AV.* Canibus, ac volucri-
 bus delector. *R. A.* Hoc infantiæ deerat. Non satis
 est currere, ac vagari, volare etiam instituis. *G. AV.*
 Rides me; non volabo equidem, sed volantibus
 delectabor. *R. A.* At illæ delectationem tuam de-
 spicient abeunt, nec te noscent, & ingrata se vo-
 canti surdas exhibebunt, quid implumis facies? A-
 lata voluptas tua est. Finge redeant: damnosa redit
 occupatio; iterum clamabis, & oblitus melioris ne-
 gotij, diem perdes: iterum retrò acclinis, & oculos

fixus in nubem, post auiculam tuam flebis; quasi nil necessarij operis vita ferat, ex commodo otiosi & lenti, vos volucrum seruos esse gloriamini. Natura vobis duas manus fecerat, vos hanc frenocuruatis, hanc vnguibus occupatis. Sic inutiles vndique, & volandi studio, manci effecti, ne nihil agere videamini, multo cum strepitu ante diem surgitis, & quasi sint hostes in limine, præcipitanter erumpitis; tota dehinc luce iactamini stagnis, syluis, ac vepribus, implentes cuncta clamoribus dissonis, & incondito ululatu, inque hoc spiritum, nulli maiori rei habilem, effundentes: spiritum, quo maiores vestri bello terrebant hostes, pace iustitiam defendebant. Serò autem, re veluti bene gesta, domi sedetis altercantes, quam bene, vel aui hæc volauerit, vel illa digesserit; quot sint caudæ, quot alarum plumæ superstites, quot emissæ. Nonne hæc omnis scientia vestra est? Hic amor, hæc felicitas, & hoc totum, quod creatori Deo, quod altrici patriæ, quod parentibus, quod amicis redditis? Accipitres, aut herodios vestros sonantes in nubibus, & laniatæ prædæ paululum & sudorem, & puluerem, nocturnam perditæ lucis historiam. In hac. n. indefessi semper, & validi; delicati autem, & imbecilles ad feriam. Liuij historias, & Ciceronis orationes, sacraque [nec pudet] literas, prolixitatis arguitis. Quis hæc inoffensis auribus audiat? Quis vos ferat, ad aliud natos, in his viuere, si modo viuitis, hoc agentes? *GA.* Canibus atque auibus delector. *RA.* Atqui ducum, & illustrium multos equis, quosdam canibus delectari solitos audiuius, eò usque, ut Adrianus Imperator non equis solum, sicut hi, quos supra memoravi, sed canibus quoque busta construxerit; oppidumque insuper eo loci,
vbi

ubi vrsam prospera venatione peremerat, manu
sua, saepe & mactare solitus leonem: aëibus nul-
lum ferè: vnde & irrisum ferunt à Vergilio Mar-
cellinum Augusti nepotem, quoddare his ope-
ram adolescentulus videretur. *GAU.* Venatu li-
benter exerceor. *RA.* Fuit hæc quondam La-
tinorum, nunc Gallorum ars propria est; quod &
res probat, & illorum scriptores aliqui glori-
antur. Itaque vrsileam Reges, quorum tota vi-
ta venatio est; summus apud illos regum, quan-
tùm ab armis otij fuit, venatu [vt vides] assiduo
semper exercitus, ad extremum morti proximus;
venatu etiam lassitudinem senectutis, atque in-
commoda refouet. Mirum dictum, in rege præfer-
ti in literato; nec à studiis melioribus abhorren-
te: sed gentilitium hoc illi erat [vt perhibent] sit-
que gentilitium, finite. Neque hanc gloriam
Gallis Itali eripiant, neque velint de vanitate
contendere. Nam, si errore deposito, in rem
ipsam figis oculos, semimobilium vltimi ordinis
exercitium hoc videbis, quos à rebus arduis tor-
por quidam, & ignauia comes diffidentia; ab hu-
milibus autem pudor, ac superbia dehortantur,
& retrahunt. Ad honestum igitur nihil idonei;
sylvas colunt, non vitam solitariam aduici, cui
non minùs, quàm politica se ineptos sciunt, sed
feris, ac canibus, & volucribus conuicturi; quod
non facerent, nisi illis similitudine aliqua iuncti
essent: qui, si ex hoc voluptatem quandam, seu
solam temporis fugam quærunt, vtrinque stulti-
ti, voti compotes forsàn euaserint. Sin, ne-
scio quam, seu ingenij, seu magnificentia glo-
riam aucupantur errant. Quænam, quæso, non
principibus modò, sed ingenuis est gloria, me-
chanicis, immò & seruilibus delectari artibus.

atque negotiis? Vna horum excusatio. Nam qui liberalibus studiis, quæ maiores coluerunt sui, atque omnino literis indixerunt bellum, quonam potius, quàm ad hostilia castra transfugerent? Sed pudebit forsitan, si ad antiqua respiciant, seque cum maioribus metiantur ac comparēt. Sæpe quidem legere potuerunt & Platonem philosophantem, & Homerum poëtantem, & Tullium orantem, & Cæsarem triumphantem, venantem, puto, non legerint.

De numeroso famulatu. DIAL. XXXIII.

Si grauis oblectat te turba domestica, curis:

Non requiem capies, nec bene tuus eris.

GAV.

Magno circumuehor famulatu. *RA.* Obsecor dicere voluisti. *GAV.* Magnus circumstat ordo famulorum. *RA.* Dic, quod est, hostium: à quibus [quo nihil est durius] nequeas cauere, quin latebras domus introspiciāt, prodantque consilia, quæ nouerint, vt effundant, quique, præter furta continua, quod nulli vnquā accidit obseſſo, vestiendū tibi interim, pascendique sint, inque ipsis penetralibus habendi. Durum, ac dubium belli genus, pace carēs, & induciis; vbi sub tuis signis, hostilis muros habet exercitus. *G.* Serui mihi multi sunt. *R.* Multi serui, multæ lites, multæque discordiæ, multa denique bella domestica, quorum, vel spectator fœdus, vel laboriosus compositor sis oportet. Intérque reos, & accusatores medius, seruis tuis seruias, iudex factus ex domino. *G.* Multos seruos habeo. *R.* Curiosissimū animal seruus ad inquirendum: negligentissimū ad obsequēdū: quid agas, & quid cogites, nosse vult: quid iubeas,

iubeas, ignorare. *G. AV.* Seruos multos habeo. *R.* Melius pauci seruiunt, quā multi; siue ideò, quòd gratum obsequium turbam vitat, siue quòd, vbi multi sunt, alter alterius respiciens manus, quiescit: laborem fugere, vt industriis pudor, sic inertibus gloria. Quod ita esse norūt omnes: nullus cōsulit. Nemo est, qui non multitudine delectetur. *G.* Mihi multi domi serui sunt. *R.* Vbi serui multi, multus strepitus, pauca seruitia, & secretum nullum. Quot seruorum linguæ, tot præconum tubæ, quot seruorum aures, atque oculi, tot domorum rimulæ, quibus illa etiam, quæ in fundo sunt, facile dilabuntur pertusum vas ac futile, seruilis animus nihil continet. Quicquid infuderis, mox effluet. *G.* Multos seruos domi habeo. *R.* Multos sibilos, linguasque vipereas, domesticaque pacis virus abditum, multos quoque profundos, & capaces ventres, ac lubrica guttura, procellam aulae, thalamo dedecus, pestem penu, voraginēque perpetuam. Paucos seruos bene regere difficile est, multos impossibile. *G.* Multi mihi serui domi sunt. *R.* Melius solitudo tibi esset. Nihil est peius, quā dum malarum qualitatem rerum quantitas adiuvat, aut numerus: pauci serui mali, multi autem pessimi. *G. AV.* Multi mihi seruiunt. *R. A.* Rectè quidem, si promissio, & res ipsa, quæ promittitur, vnum essent. Nunc inter vtranque quid intersit sentiunt experti. Promittunt, fateor, promissisque Deos testes vocant; ne soli, scilicet, solos fallant. Exige autem promissi fidem, nulla erit. Multum esset, & abundè fidei satisfactum, modò ne violarentur, neve afficerentur iniuriis, quibus est obsequium promissum. Nunc promississe sat est: quid, quod præter seruiendi votum, omniū quoque notitiam profitentur? Vbi ad experiētiā ventum

est, norunt paucissima : volunt nihil, nisi quod venter, somporque suaserit ac libido. Nil humilius; nilque abiectius horum ingressu, nil insolentius, nilque infidius progressu, nil inimicius demum, nil odiosius eorum egressu. Durum est cogitare [ne dicam pati] ut per dominorum domos inflati, elati que ambulant, seruitiumque polliciti, dominum vsurpant, exercentque tyrannidem, & quasi ad vastandum conducti, non tantum deuorant vniuersa, sed spargunt, gulamque largitionibus adiuuant. De alieno prodigi, avarissimi ad rapinam: quos, quando ad se pudor, aut necessitas reflectit, ut se seruos esse meminerint, quam superbe, quam querule, quantoque cum matmure seruiant, quis ignorat? ut merito possit, non pretio emptum modo, sed gratuitum quoque seruitium huiusmodi fastidiri. Ad extremum, qui clandestinas domi agebant, ubi limen excesserint, cum inuisis dominis apertas inimicitias linguis agunt, armis, si liceat, acturi. Et si quis horum fortassis conuiciis abstinet; non id prioris amor domini, sed sequentis timore efficit, cui ob hoc vilis suspectusque fieri metuit, de se similia coniectanti. Quibus ex rebus, nisi oculos timor obstrueret, sole clarius cerneretur, quanto sit fatius omni tali seruitio caruisse. *GAU.* Vtrunque mihi latus serui ambiunt. *RA.* Serui, nomine, re [ut dixi] hostes accerrimi, atque impij; & absque his viuere superbia vestra non potest. Inque hoc [ut in multis] malo vestro miseri gaudetis; in hoc maxime diuitias opratis, in hoc terras, & maria pererratis; in hoc aurum, & cumulatis & spargitis, ut acies hostium vestrorum densior sit in dies, atque inimicior; an fortasse non ita est, an aliud concors diuitum habet opinio? Nulla fere alia se mediocri fortuna-

fortunæ beneinstitutam domum, opulentissimæ Persarum, aut Lydorum regiæ cedere, cum in multis excedat, quam quod illa plures pascit, & lautius. *GAV.* Seruorum me circumfusa tegit cohors. *R. A.* Immò. sub obrentu seruitij, vrget, & comprimit, sonorisque compedibus vinctum trahit, vt & tibi iure optimo dici possit; Quid fecisti miser, vt tot custodibus indigeres? *GAV.* Serui me vndique circumuallant. *R. A.* Nulla fuga, nulla spes igitur est salutis. Malo quidem suo pertinaciter delectari, desperatæ dementiæ est. Atqui ob hoc vnum & optanda paupertas, & amanda erat, vt cum cæteris opum malis nexibus, tum vel maximè te seruorum dolis, ac fastidio liberaret.

De Magnificentia adium.

DIALOG. XXXIV.

*Quid struis eductas immensis sumptibus aulæ?
Si memor, extinctum te brevis urna teger.*

GAV.

Magnificentissimæ mihi sunt ædes. *R.* Quid hic dicam, nisi Tullianū illud: Ornanda dignitas, domo, non ex domo tota querenda, nec domo dominus, sed domino domus honestanda. *G.* Ornatissimæ ædes sunt. *R.* Quid hinc tumes? Architecti laus est, non tua. *G.* Ædibus amplissimis habito. *R. A.* Vbi fures latitent, tu vageris, serui luxurientur, vulgus hæreat, liguriant parasiti, multiplicis tædij capax locus. *GAV.* Maximis ædibus habito. *R. A.* Vna est urbium, & domorum lex: non statim melius habitat, qui latius: neque enim quàm latè habites. sed quàm latè requiritur ad beatā vitā. Sæpe vel in palatiis regū, labor, dolorque habitant, vel in tuguriis inopum quies, & gaudium: quòd si amplitudo domus, aut forma

præstaret, nobilissima artium esset architectura. G. Regiis ædibus habito. R. A. Quasi verò curas, morbosque locus arceat, siue adprehendenda turrium fastigia, mors egeat scalis. Nonne in regia Tullus Hostilius habitabat, quando ictus est fulmine? In regia quoque Tarquinius Priscus, quando percussus est ferro? In regia denique Superbus, quando pulsus est regno? Nullus locus periculis inaccessus, nullum limen morti clausum. G. A. V. Habitatio mihi propria, atque perpetua est. R. A. Immo verò parui temporis incolatus: instat dies commigrandi. Ciuem fingis, aduena es, conductum habitas. Veniet, qui te nudum laribus his exturbet. G. Clara quidem, & augusta domus est. R. A. Hinc digresso fusca erit, & angusta; sed & nunc, si verè domum tuam respicis, obscura, & arcta illa prorsus, & caduca est; quæque in dies, tantis adminiculis vix fulta, subsistat, assiduè fatiscens, casusque sui nuncia, & quæ certè, nec à ruina vltima longè sit, nec interim generosum incolam delectet, vt domus, sed angat vt carcer; vbi moras oderit, vnde optet absolui. I nunc ergò, vel alienis ædibus, vel tuo carcere gloriare.

De Arcium munitione. DIALOG. XXXV.

Quas auripondus fortes non vinceret arces?

Nullaque non metuit saxea fata domus.

G. A. V.

Munitissimis arcibus habito. R. A. In ædibus aliquid boni est: in arcibus mali multum. Ille protegunt ab æstibus, à ventis, ab imbribus: hæ animum possidentis sollicitudinum procellis obiciunt, & securitatem pollicitæ, curas afferunt, & pauores. G. A. V. Arx mihi præualidis mœnibus cincta est. R. A. An excidit illud Spar-

Spartani dictum? qui amico patriæ muros ostentanti: si hos, inquit, scæminis extruxistis, rectè quidem; at si viris, turpiter. *GAV.* Arcem habeo fortissimam. *RA.* Quid, nisi impatientia, & superbia, & auaritia vestra fecit, ut arcibus opus esset? Quàto erat honestius, æquo iure cum hominibus vivere, & in plano, cultisque in agellis habitare; quietos carpentem somnos, quàm te rupibus hispidis inclusisse, nocturnis excubiis vlulantem, teque tua miseria suspectum, & inuidiosum omnibus reddidisse? An & Publicolæ factum excidit; qui, quamuis inter primos, urbem Romam seruitio regio liberasset; sentiens tamen seipsum situm adium suspectum plebei, ut seipsum [licet indigna] suspitione liberaret, domum suam de monte deposuit? *GAV.* Arx inexpugnabilis est mihi. *RA.* An & illud vetus prouerbum non audisti? Nullum inexpugnabilem locum esse, in quem a fellus onustus auro possit ascendere. Trahit oppugnationem arx munita, non impedit. Restitit aliquantulum Senonum insultibus arx Tarpeia: Pœnorum Tarentina, donec utrique, opportuno remedio succursum est: illi Camillus affuit: huic Fabius. Sed an gemina arx Locrensis ab ipso defendi quiuit Hanibale? Profectò nec Ilion ipsum, nec Byrsa defendi potuit: nec Corinthus, quæ vna peruetustam inexpugnabilis famam habuerat; sed hanc sibi Mummius victor eripuit. Nonne ante hos septuaginta annos Prænestina arx; qua nescio an vlla vsquam fortior esset, atque munitior, ab illo magno hoste, quia armis non poterat, blanditiis, ac promissis fallacibus capta fuit, & diruta, & vix tandem, velut à longæua febre, fragilior resurrexit? Ad summam, nihil inexpugnabile, tutum nihil ab humanis fraudibus est, *GAV.* Arce,

subnixus munitissima, nil timeo. *RA.* Arces pestiferam multis confidentiam præbuere. Multi, qui tuti sine arcibus in pace vixissent, arcium fiducia, ausi sunt, unde ipsis in arcibus periere; ut illic potissimum audacia domaretur, unde orta erat. Non sunt ad audendum irritandi animi, sed frenandi. Omnis magna securitas, nisi de Deo oritur, stulta est. *AV.* Habito in arce munitissima. *RA.* Ut sit aliquid, Arx hæc tua, quid est aliud, quæso, quam refugium quoddam, & degeneres latebræ ad perferendam obsidionem: quod [ut ait Liuius] miserimum est in bello? Quando vnquam audiuiisti; vbi vnquam legisti Iulium Cæsarem, vtrumque Africanum, Magnum Pompeium, Marium, Alexandrum, Pyrrhum Hanibalem, aliosque viros magni nominis, sese arcibus, continentes, & non potius arcibus insultantes? Arces scito non receptacula fortium, sed inertium esse latibula. Certè hac ætate Stephanus Columnensis, æui omnis illustribus viris par, cum in eius auxilium, ad famam sui nominis venisset nobilis quidam vir externus, & incognitus, essentque die quadam graui, & ancipiti prælio, & ingenti turba hostium circumnenti, ille periculum videns, accessit propius, & vbi, inquit, O Stephane, arx tua est: Ille subridens, ut qui nec domum propriam quidem Romæ haberet: manu ad pectus apposita; Hæc quidem, inquit, Arx mea est. Vocem suo authore dignissimam. Sic est autem, sancti & deuoti viri omnem spem in Deo habent: Iusti, ac solliciti in virtute; fortes, & bellicosi in armis. Timidi, & ignaui in muris, atque arcibus.

De

*Est luxus, si multa nimis nitet arte supellex,
Temporibus prisca parcior usus erat.*

GAV.

IN amplā domo supellex eximia est. *RA.* Superuacuo in spacio, pondus inutile. Illa furibus latebras dabit, hæc prædam; vtraque periculum tibi, alimentum incendio, atque liuori. *GAV.* In domo speciosa supellex copiosa est. *RA.* Illa, cum te loco moueris, deferenda est. Hæc, si uti uolueris, sapissimè transferenda est, & plus difficultatis allatura, quàm voluptatis, & plus oneris quàm honoris. *GAV.* Multa mihi, varij generis supellex domi est. *RA.* Iuge bellum non cum furibus modò, sed cum muribus, tineisq̃ue: & araneæ, & rubigo, fumusq̃ue, & puluis, & imber in vos dimicant. O diuites delicati, quibus armis hos hostes sarcebitis? *GAV.* Pretiosissima est supellex. *RA.* Non rei pretium, sed contemptus, diuitem facit. Alioqui & querendo cupiditas crescit, & paupertas cupiendo. Ita fit, ut nihil magis inopem faciat, quàm auari opes, quarum si æstimatio exacta, verique iudicii sequax contemptus, accesserit, ea demum veris diuitiis vera est via. Ego te diuitem, dum varia miraberis, non putabo; quanuis aurea stellantiq̃ue gemmis ardentibus, testum omne, supellestili, opertum refertumq̃ue tibi videam. *GAV.* Inuidiosa supellex, & præfulgida est. *RA.* Pro captu oculorum; seu forsitan animorum: verè autem onerosa rerum colluuiēs, ac turbida. Sed auaritiā nihil vsquam iniquius, nihilq̃ue miserius; cuius famem, & querenda excitant, & quaesita non sapiunt; dūmq̃ue sperata fulgebunt, possessa sordescunt. Itaque, sæpe diuitias

dum quæsisse putaueris, sollicitudinem, & nau-
seam quæsiuisti: hæ nunc tibi charæ sarcinæ, si vel
chariores aliæ se ostēderint, vel stuporem assidui-
tas dempserit, viles erūt. Esto autem; charæ sint, &
maneat stupor; nōne etiam error manet, isque
difficilis, atque perpetuus? Siquidem quærendi
studium vnum fuit, seruandi labor est multiplex:
nunquam deerit, quod reuisas, quod numeres,
quod complices, quod excutias, quod abstergas,
quod oculos simul, & mulceat, & offendat. *GAV.*
Supellex immensa est. *RA.* O hominem, qui impe-
di mentorum suorum magnitudine delactetur!

De Gemmis. DIALOG XXXVII.

*Gemma valet tanti, quanto dilectior illa est,
Qua cæli sedes vnicuique patet.*

GAV.

Gemmarum fulgor, & species delectant. *RA.*
Rerum, fateor, terrestrium, & mortalium,
vanitatis pars non vltima: exiguo in lapillo
patrimonia magna claudentium: cuius pretium in-
stabile, & incertum, quotidieque varium; quod à
sola mercantium fama, & diuitum insanorum cre-
dulitate dependeat; vnde diu sprete, inopinis pre-
tiis attolluntur, & gemmarum famosissimæ, subi-
ta premuntur infamia: nescio quibus notis erum-
pentibus, non tam ipsis, de quibus agitur, in rebus,
quàm in opinione hominum ista callentium. Præ-
clara quidem illa prudentia, quæ neglecto cultu
Dei, atque animi, & vtriusque notitia, interno-
scendis lapidum venis inuigilat. Sed sic est mos.
Neque nunc primùm in pretio sunt, qui his pre-
tia vafre fingunt. Vera enim pretia, vel nulla sunt
penitus, vel ignota: quàm verò periculosa vanitas,
quàm

quàm tremulum, quànque anceps iudicium, ipso
inter artifices, facile est iudicium, memoria repe-
tentis id, quod nuper accidit: vt perbreuem
gemma[m] [carbunculus is erat] decem milli-
bus aureorum ille vir fortunæ maioris quàm in-
genij, cùm emisset, diu se cunctatum fuisse iacta-
bat, quòd naturalem & communem modum ful-
gor excedens, suspicionem faceret, eius artificij pe-
ritissimo cuidam, cuius consilio vtebatur, non ve-
ram gemmam esse, sed vitreum aliquod, seu
quidvis aliud in eam speciem, non natura geni-
tum, sed, nescio qua supernaturali, & mira
quadam arte conflatum. Quæ quidem hæsitatio,
quid nisi confessio quædam erat, vitrum tale
visui pulchrius esse, quàm gemmam? quanuis
forfan illa solidior sit. De hoc tamen ipsi iudi-
cent, qui, vel in hoc quæstu pecunias aliò
vertendas honestiùs, vel in hoc, cognitu me-
moribus debitum tempus perdunt. Quòd si ista
cunctatio iusta fuerit; quid hinc sequatur, quis
non videt? Quænam scilicet ambitio & quanta sit
cæcitas, non rei formam, ac substantiam, sed nu-
dum nomen tanta mercede captantium. G. Nil
mihi gemmis est charius. R. Credo hercle, nō vir-
tus, non fama, non patria, non vita ipsa: vt quæ illa
duo sileam, quibus vobis nihil est vilius, duo hæc
vltima, cùmque his, diuitias ingentes, & quic-
quid pretiosissimum iudicatis, vnus gemmæ pre-
tio atque amoris succubuisse monstrabo; & exilio
illam, & inopia, & si ita res tulisset, morte serua-
tam. Cui enim quæso, non est notum Nonij con-
siliu[m]? Romanus hic Senator fuit, vir locupletis-
simus, gemmâ[m]que habuit viginti miliibus æsti-
matam; gemmæ nomen Opalus. Mittit hunc In-
dia colorē penè omnium varietate præfulgidum.

Huius fama excitatus, accensusque cupidine Antonius Triumvir, homo omnium superbissimus, atque auarissimus; & cui, quicquid natura libitum, fortuna licitum fecisset, cum iniusto geminae desiderio [vt fit] crudele possessoris odium concepit; hinc in illo publico proscriptionis incendio; quo tot patriæ lumina periere, Nonij nomen arsurum cum reliquis, ob hoc vnum crimen, quod formosæ tyrannoque placitæ dominus rei esset, insertum est. Ille autem, cui ponticus saltem fiber exemplo esset; vt perniciosæ iactura sarcinula libertatem redimeret, ac salutem illam ipsam sibi [vt auguror] præsentis discrimine chariorē sic amplexus affugit; vt ea salua, nulla sibi, vel patrimonij, vel patriæ cura esset, cum illa paratus exulare, & mendicare, & ad extremum mori. Quis non magni æstimet ad quam vir senatorius sic affectus sit? Et profectò fatendum alterum, aut magni pretij rem fuisse, aut parui animi possessorem. Sed quid horum? verius [vt diffiniam] non expectas? Etsi autem huius, ac reliquorum simile iudicium, ceu contagium animorum, latè serpens, vulgi mores infecerit: magna tamen ingenia, nec nummis delectari, nec omnino alia, quam virtutis pulchritudine, tangi deest: nisi, vt per hæc breuia, quæ delectant oculos, experfecta mens, in amorem, ac desiderium æternæ pulchritudinis rapiatur, quo de fonte, quicquid est pulchrum, prodit. *GAU.* Excellentibus gemmis allucior. *RA.* Hanc excellentiam non natura fecit, sed opinio, quæ apud quosdam Carbunculo palmam dedit; apud alios Adamanti. Ista vulgo, ac plerisque gemmariis aui huius æstimatio; ista veteribus quibusdam resum Scriptoribus probatur: secundum quos, non modo gemmarum, sed rerum omnium, terrenarum

maſum pretioſiſſimus Adamas. Regum olim, atque
 non omnium, ſed præcellentium gemma fuit;
 hodie, quia niſi ſus rei tantum, & tam velox, quàm
 luxuriæ, & ſuperbiæ incrementum eſt; multorum,
 non regum, etiam eſſe cœpit, & iam plebis in di-
 gitos ſenſim venit. Huic proximam Indicam, at-
 que Arabicam margaritam locant; & huic etidem
 Smaragdum, neſcio quidem, quæ ordinis iniuria.
 Nam ſi illorum rabor, pallorq; gratus eſt, cur nõ
 æquè horum candor vigorque oculis blandiatur?
 Inſtiorque nunc etiam Saphyri querela; quo vix
 aliud terra parit cœlo ſimilius ſereno. Verum [ut
 dixi] furor hic hominum, non natura nobilitat: di-
 uitum nugæ inanes, atque otioſorum fabulæ;
 qui facile iſta contemnerent, ſi quo vnquam ho-
 neſtiore pæcis, aut belli negotio tenerentur. G.
 Fulgidæ animam mouent gemmæ, & ſuaui-
 ter candidæ margaritæ. R. A. Mouent, aiſi immo ſter-
 nunt, calcant, molliunt & enervant. Quæ de re, ſi
 pergam virorum ac mulierum exempla congere-
 re; non te doceam, ſed obrundam. Vnum ex om-
 nibus; & id maximum; attingam; ut intelligas,
 quàm periculofus iſte furor ſit infirmioribus ani-
 mis; qui eminentiſſimos, fortiſſimosque peruase-
 rit. Magnus Pompeius continentiſſimus Romano-
 rum ducum, horum, dico, nouiſſimorum; qui quan-
 tum magnitudine geſtarum rerum cæteris ante-
 cellunt, tantum modèſtia virorum, vitæque fruga-
 litate maioribus cedant ſuis; victor ab Hiſpa-
 nia præſento rediens occidente; compreſſiſque
 prædonibus, & in vnum coactis locum; cui
 Conuenarum nomen ob hoc indicum; in ſacu-
 lum id durat illic pyrenæis in montibus, locorum
 forſan aſperitate, modèſtiam adiuuante, atque
 ætatis, victoriæque ſuperbiam compeſcente,

masculum trophæum; puramque, & rigidam su-
 oris imaginem erexit, verè tunc magnus atque
 magnificus, quanuis adolescens annis, moribus
 senex, maturusque animi. Idem postea, captis
 piratis, & oriente perdomito, quasi cum loco
 mutatus, ac tempore, atque alia parte orbis ipse
 alius reuersus, non militarem, sed fœmineum,
 seu diuinum potius in morem, vultus suos non
 iam viriles, sed solito molliores, non ære fictos,
 aut marmore, sed infuetis, atque exquisitissimis
 margaritis in triumpho tulit. Exprobratio non le-
 uis. Eoi fastus vnus in caput expositi, non sine
 insultatione quadam victoris omnium populi, at-
 que excusatione principum sequentium. Quid
 non enim à Tyrannis Roma iam serua pateretur;
 quæ libera, ciuis amantissimi talem hanc insolentiam
 aspexisset? Neque reliqua triumphii illius ha-
 milia magis, aut sobria: non arma, & equi domi-
 tarum gentium [vt mos erat] non captiui memo-
 rantur, aut currus, aut phaleræ: quod vilissimum
 in eo legimus, Aurum fuit, gemmæ omnia, & mar-
 garitæ. Inter multa, alueus ingens ibi, & ingen-
 tium thesaurorum ordo bicolor, ita vt singulæ gē-
 nis è singulis constarent, & vasa aurea, & vestes,
 & statuæ, quin & luna quædam solido ex auro
 immensi ponderis, lectique auri, & coronæ pluri-
 mæ, magnis, & candidis margaritis intextæ. Deni-
 que mons aureus illic fuit, formæ illæ mirabiles
 in quadrum ductæ, ceruis, ac leonibus, & figuris
 variis animantium frequens, nec non arboribus,
 atque omni pomorum genere confitus, ramos au-
 reos regentibus margaritis, montis in vertice. Iis-
 dem ex rebus horologium artificio vbique vincē-
 te materiam, voluebatur; mirabile prorsus ostentū
 his, qui mirari inania didicerunt. At his rebus, in-
 quies,

quies, delector. Credo id quidem, teque hunc triumphum, & cupidè spectaturum reor, & cupidius ducturum, & cupidissimè possessorum: id tibi passionati status animi suadet. Crede autem & tu mihi; hæc, quæ visum vsque adeò delectât, semper animæ, & sepe corpori nocuerunt. Illius certè, quem loquimur, triumphantis gloriæ, nil unquā magis obfuit, nō Thessalicus dies, non Ægyptia calamitas: ibi enim fortunæ succubant nō totus, hic vitio totus, ibi aliena vis, aliena perfidia: hic sua fragilitas, sua fuit ambitio. Illic ergo potētia, & vitā, hic animi popularis, modestiæq; insignis, famam; magnisque laboribus partum Magni nomen imminuit. Mirum dictu, tanto victoriosior contra Hispanos, bellicosam gentem, quàm contra imbelles, & inermes Asiaticos apparuit, eoque mirabilius, quòd in ipsa quoque Asia, aliquandiu integer, atque inuictus; cū se in templo Hierosolymæ omnium opulentissimo verè erectum atque abstinentissimum præbuisset: ad ultimum, vrgenti vitio non restitit; neque iam amplius vir singularis, atque vnicus, vt semper fuerat, sed quasi vnus ex multis, captus, deiectusque est: is gemmarum fulgor, ea vis margaritarum, idque auri pondus fuit. Vicerat iam antè pari prælio Alexandrum Asia, sed parum est, vitiis victum suis, vincere. Illud magnum, vicisse victorem sui, post quem nullus fermè ducum stetit inter Asiæ delicias, quæ in orbem Latium transuectæ, vestra vos in patria vicerunt. Nempe, si fateri verum vultis, vbique gentium victores, Asiatica victoria victi estis. I nunc, & amicas oculorum, animorum hostes, & victrices virorum fortium gemmas cole. G. Gemmis delector ardentibus. R. A. At hic variis, ille pallentibus: multiplex au-

petitus, vna vanitas. Audisti, vt Pyrrho illi, qui cū
 Romanis bellum gessit, Achates fuit lapis, olim
 pretiosissimus, hominum iudicio. Nunc eodem,
 quo pretia rebus fiunt, variante, vilissimus: in quo
 quidem species rerum diuersarum. representari
 solere oculis, fama est: hominum, iumentorum,
 fluminum, nemorum, volucrum, ferarumque; nul-
 la penitus manu artificis, sed naturæ. In annulo sa-
 nè regio [vt Solini verbo vtar] non impressis, sed
 ingentis figuris. Musæ nouem & Apollo erat
 choreæ nobilis citharista; sparsis ita, nexisque inui-
 cem gemmæ notis, vt tot imaginum, in tam paruo
 spacio, vnaquæque suis discerneret insignibus;
 præclaris vt ei erat annulus; addiditque gratiæ,
 regis nomen. Pluris enim fiunt res illustrium,
 Sed quid, oro illi contulit Achates suus, an bello
 inuictum, an non dicam mortis, non hostili gla-
 dio, sed saxo, quod feminea etiam torxit manus
 exemptum fecit? Quid inquam, vel hunc Pyrrho
 profuit habuisse? vel hoc nocuit caruisse Fabricio,
 Curioque; quibus ille victus atque Italia pulsus
 est ducibus? Affirmare ausim neutri horum vn-
 quam sessurū animo fuisse vt horrentem galeam
 rigidūque, nec auro, nec gemmis, insignem gla-
 dium, annulo regio permutaret. Sic mollia quæ-
 que despiciunt viri fortes; quomodo verò annu-
 lum regis ambirent, qui sola virtutis fiducia re-
 gem ipsum, & regias opes, regnūque contempse-
 rant? Contra autem vos, animorum diffidentia,
 cuncta miramini, &, quasi beatos factura, concu-
 piscitis, virtus sola contemnitur. Est & gem-
 mæ alterius fama vetustior; quam Samiorum
 Tyrannus Polycrates habuit; ferunt fuisse Sardo-
 nicem. Is lapillus, inter multa pretiosa, ditissimi
 hominis pretiosissimus habitus: quamobrem,
 qui

qui nihil vnquam sensisset aduersi, palam obsequentis, & clanculum insidiantis fortunæ inuidiam placaturus, nauigio in altum prodiit, annulumque ipsum, in quo gemina erat, manu propria demersit. Vel sic saltem semel doliturus in vita; visus sibi callidè transegisse cum fortuna si tot laetis hoc vnum triste pensaret. Illa verò, nec falli facilis, nec mulceri, mala bonis æqua lance componens, plusculum exigebat pro diuturno favore, breue quidem, sed prædurum; vt qui per omnem vitam felicissimus sibi, atque aliis visus esset, in morte miserrimus videretur, essetque miserrimus: hinc vitis, hinc suppliciis omnibus vnum caput vrgentibus. Itaque, velut oblatum respuens [ô fortunæ ludos] pisce quodam internuncio, qui tunc ore annulum excipiens, captusque illicò, mensæque eius appositus fuerat, annulum illi suum, non sine quodam spectantium stupore restituit. Eam gemmam multis post sæculis Augustus Cæsar, & pretio tactus, & miraculo, insertâ aureæ coronæ ad ædē Concordiæ dedicasse fertur. Hic rursus interrogo; quid hoc, vel tyranno profuit habuisse, patriâ affligenti, vel Pythagoræ obfuit caruisse communē sibi cum illo patriâ, & domum propriam, & amicos morum eius odio relinquenti? Nempe tyrannus ille patibulo affixus, omnium indicio cum summum supplicium pateretur, maiore etiam dignus erat. Iste philosophus in pace obiens, pro Deo cultus; domus eius pro templo habita est. Tantum inter illius gemmam atque huius pallium interfuit. Neque verò seu Polycrati tunc Sardonix ille, ne morsu volucrum semesius in cruce marcesseret, seu mēdo Ioanni Galliarum regi, ne acie victu in manus hostium deueniret, suus valuit præstare

carbunculus;quem die illa in digito eius inuen-
tum, ereptumque sibi, & post annos ab amico
quodam, orbe alio redemptum, remissumque,
cernere fuit; ac tangere rem pretij infiniti, sed nul-
lius efficaciam, nulliusque operæ: nisi cuius, & reli-
quæ id genus. Gemmas enim lucidas non nego, ne
sensui contradicam. Nego vtilis, nego ullam vim
habere, nisi illam, quæ vulgò etiam fertur. Pos-
sunt feras aquarum quoque diuitum confringe-
re, atque arculas exhaurire. *GAU.* Vt cunque
in pretio sunt gemmæ, hæcque animum dele-
ctant. *RA.* Atqui dementiæ summæ est, mul-
tam curam rebus impendere, quæ, etsi aliquid
videantur, in se nihil sunt. Hoc est enim er-
rore oculorum, ac præstigio delectari. Quid
in his laboras? quæ, non dico, felicitati non
conferunt; sed nec miseriæ detrahunt præsen-
tes, neque contrario, absentes. Etsi multa e-
quidem hic à multis, & mirabilia scripta sint,
non veritati rerum, nec utilitati legentium, sed
stupori operam dantibus; præcipuæque à Magis,
qui his nugis libros integros implere [tantum
erat otij] potuerunt. Mihi tamen hac in parte
cum Plinio secundo planè conuenit, & scripsisse
eos ego quoque non sine contemptu, & risu ge-
neris humani arbitror; ut, & stultam credulita-
tem vanis opinionibus implicarent, & seipsum
nostris ineptiis oblectarent. *GAU.* Delector gem-
mis, quibus credibile est aliquam vim inesse.
RA. Quænam illa sit, audisti: ut si alia, quantula
tamen illa est, mercatorum, ac scriptorum colla-
ta mendaciis, non Graia tantum arte confectis,
sed vestra etiam assensione auctis, atque firma-
tis; quæ multò est satius vel prudenter arguere,
vel magnificè contemnere, quàm callere om-
nia

nia gemmarum pretia, virtutesque, & vitia. Hic enim à Plinio [cuius multa placent] valde dissentio. Ille quidem falsas deprehendendi artes, seu notitiam quandam pollicetur, quando, inquit. Etiam luxuriam aduersus fraudem muniri decet. Mea verò sententia, non munienda, neque armandà luxuria est. Sed inermis, & sola, circulatorum inter armatas acies deferenda, vt circumuenta sapius, & illusa, quando aliter non potest, saltem damnis, & fraudibus castigetur.

De Gemmarum pocalis. DIAL. XXXVIII.

Fictilibus raro vasis acontabibuntur;

Pocula sunt magna qualibet apta sistr.

G. AV.

I Vuat gemmis bibere. R. Cauari gemmas ad pocula, luxuria vetus est: non vitrum modò, rem tagilem, ac profectò pulcherrimam mundissimamque despiciens, sed argentum, ipsumque aurum, humanæ olim cupiditatis vltimam metam. Inuentumque aliquid, quo auaritiâ luxus excederet. Non sât digna mali causa. Vidit hoc Poëta, dum diceret.

Hic petit excidiis Urbem miseròsque penates:

Vt gemma bibat, & Sarrano dormiat ostro.

Malum ingens, nec iustitiæ tantum, sed humanitati obuium. Et vt scires vnde ortum, addidit, *Vt gemma bibat*, En ciuiliū par furorum causa, vt cū calix argenteus diuino cultui satis esset, aureus humano vsui parū sit, nisi pretium faciente periculo, gemmæ etiam, peregrino artificio, excaventur, quibus bibat infelix homuncio; & polluta mendaciis, atque spurcitiis labra, iucundius applicet, res & potui incommoda voluptatem in-

uptat.

interpellâte metu, & apparatusi operosa, & custodiz difficilis, & salutis anceps, & venenis apertissima. Verum namque est illud alterius Poëtae,

Nulla aconita bibuntur

Fidelibus: tunc illa time, cum pocula sumes

Gemmaia.

G. Gemma bibere gloriosum reor. R. A. Superbia, dum se attollat, nec descensum cogitat, nec ruinam: carè libentius bibitis, quàm securè, ambitiosè, quàm sapide. Sic vitia vitiis vincuntur, & gulam parcius aliquantò sollicitat vini sapor, quàm insolentiam scyphi color. Obstupescitis ad gemmarum radios: hunc stuporem nullo non pretio æstimandum arbitramini: non tantum pecuniæ, sed virtutis. Nónne enim ille Virgilianus euerfor patriæ, hoc ipso; de quo loquor, pretio, gemmam quærit; iustitia, scil. & pietate properans his amissis, illam adipisci, & vt gemma bibat, ciuem, atque hominem obliuisci? G. A. V. Libenter gemmatis vtor poculis. R. A. Est fortasse alia desiderij tam intensi radix, neque solus fulgor allisit, sed aliqua latens virtus. Nam quis omnes gemmarum vires, atque virtutes explicet? Ita, dico, si omnium, quæ de his dicuntur aut scribuntur, pars septima vera esset, sed nec septuagesima vera est, neque profectò centesima. Quòd si [vt Plinius ait] nulla fraus vitæ lucrosior, quis miretur, si & nulla numerosior? Non quòd gemmarum, quàm cæterarum rerum crebrior sit contractus; quippe quas raritas pretiosas facit; sed quòd nusquam rarior est veritas; neque etiam alicubi; vel experiendi minor copia vel maior licentia mentiendi, vel mendacij fructus vberior, vel impudentia liberior, vel consuetudo frequentior. Quòd, si quid ex omnibus verum

prolus

prorsus est, an illud forsitan verum erit; quod &
 Magorum autoritas & super illam fundata vul-
 gi habet opinio, ebrietati resistere Amethystos?
 Parumne igitur causę sit, cur ebrio forum poculis
 hæc gemma deseruiat? Eudotecum. Sæpe ira io-
 cos parit. Nempe ut hoc vni tribuant, quid alix
 meruere? nisi quod voluptatis ingenium fuit, ut
 cum gustu bibentis delectetur visus, atque hinc
 illinc sensibus delinitis, ambitiosior, latiorque
 sit ebrietas. Hæc [ni fallor] & verior rei huius, &
 certior causa, cum in reliquis, tum in hac ipsa, quę
 aduersus ebrietatem, quasi belli dux eligitur, de
 qua triumphare sobrietas sola potest, uti vino
 modico, iuxta illius consultoris optimi senten-
 tiam, eoque ipso non ad voluptatem, sed ad utili-
 tatem, & stomachi aggritudines depellendas, vino
 inquam exiguo, & fragili, lymphisque perdomi-
 to. Meri autem potentis incendium, atq; impetum,
 seu fuga euadere, seu aquarum diluio extingue-
 re ac frenare. Scire & meminisse in vino magno,
 ac feruido potuque crebro & nimio multam pu-
 doris ac doloris pœnitentięque materiam inesse;
 eam quocumque te verteris, oculis ingeri, neque
 à quoquam sanę mentis posse dissimulari. Hæc
 sunt arma contra monstrum illud utilia. Quis hic
 Amethysto, seu gemmis omnino vllus est locus?
 Mentiti sunt id Magi, fueruntque qui crederent,
 ut hoc sponfore sobrietatis, intrepidè biberet. Per-
 fidè quidem Magi, atque impudenter, ut plurima;
 stultè credulum vulgus, ut omnia. Summa igitur
 rerum est: nihil aliud vobis hanc, reliquasq; con-
 ciliat, quam voluptas difficultatibus excita, & in-
 censa sed multò maxime superbia, & conditionis
 obliuio, timorque animi lethifer, quo cū nil peius
 sit hominum vitę, miror quid ita nil gratius. Nor

dico, virtus, bonum ingens, vestro illi iudicio, sed nec vita ipsa, nec salus, nec securitas, non opes, non denique voluptates iisdem vobis astinatoribus summum bonum. Cuncta hæc vni cedere superbia. Hæc præter cætera, vos gemmarum cupidos fecit, quæ semper inutiles, sæpe damnosæ sunt, necessariae vero nunquam. Hæc hortante igitur, effectum est, ut occupati semper, ac trepidi, sed exculi, domorum mensas templorum instar altarium habeatis aureas atque gemmatas: hostiæ ipsæ purpureæ, ac vitiatæ, avaritiæ, luxuriæque ambitionis atque superbiæ cultus expositæ; quæ in vos omnes, ac singulæ sæviunt, primas sibi partes [ut est dictum] vendicante superbia. Avaritia quippe quod nomen sonat, utcunque fortassis auro contenta, quiesceret, luxuria, epulis, & voluptatibus suis: Sola superbia non quiescit, quandiu aliquid supra se videt; ut quæ ab initio rerum Deo par esse tentavit. Hæc eadem vos cogit laboriosè gemmas quærere, studiosèque vel necere, vel cauare, ut prodeuntes, sedentèsque in foro inque conuiuiis, radiantes, ac stellati, coelo semper inuidiam faciatis. Hæc duce igitur [ut ad rem redeam] in habitaculo, & in veste, ciboque, & potu, & rebus omnibus, quæ humanæ necessitati, seu iucunditati inuentæ erant, speciosum aliquod, fulgidumque periculum miscuistis; eoque crescendo malum prodiit, ut ex gemmis, non modò iam pocula, sed pelues, ac lebetes, & mortaria, & athena conspiciamus. Victrix plaude superbia, gemmea pocula requirebas, omne tibi ex eadem materia vasorum genus tui offerunt ministri. Neque iam minus est commune, gemmam hos in usus, quàm in usum frugum terram fodere, sic consuetudo facta est vobis, quæ luxuria maioribus vestris fuit.

G. Cry-

G. CrySTALLINIS poculis libens vtor. **R. A.** Parco iam gemmis: concreta illas glacies excusat, nescio quid plus vitro habens: æquè enim frangitur, & sarciri nequit, nisi quòd quæritu difficilior, & vel de longinquo veniens, vel quæ propinqua est, inter alpium scopulos, rupesque inuias, & argentes, tenui fune pendentibus eruenda: ob eamque rē charior, vestrasque cupiditates irritare potentior. Itaque Neronem legis infelici percitum rumore, ceu damnis ex omnibus, crySTALLINOS duos calices, forte elisos, gravissimè doluisse, seu quòd alter, puto, verior historiae sensus habet, ita feruidum præcipiti, & etati suæ infensum, & posteris invidentem, ne quis vnquam ex his biberet; manū propria collisisse. En fortunæ durioris expiatio; nil inuentum, in quo grauius sæuitiæ magister iracundiam exerceret, in crySTALLUM sæuit, quo nullæ tunc sibi deliciæ chariores. Excusatio minorum, dicat aliquis, imitari principem, sed Neronem sequi nemo bonus optauerit. **G.** CrySTALLINIS gaudeo. **R. A.** Nec attendis, quàm caduca, quàm fragilis delectatio tua sit: sed mos est vester; naturæ propriæ similia exoptatis, cū & imbecillitas vestra firmum aliquid, cui hæreret, & nostræ melior pars cœlestis, altum aliquid, quod despectaret, & optare & quærere debuisset. Vtrique debilia atque ima quæritis. Bene autem habet, quòd murrhina hodie lautitiis excessere. Veterum furor incredibilis, eadem illa victoria, quæ peregrina multa vobis intulit, ipso, de quo diximus, triumphante Pompeio, in Italiā, inque urbē Romam transuectus, ex Asia semen inutile, sed terræ creditum præfertili, colonisque impigris, itaque in breui actum vsque adeò, vt murrhini vini pretium septuaginta videas talenta, calicisque

illius, ab amante quodam cupidè conuulsum dentibus labrum, & miriamoris mirabiliorem exitū, vt cicatrix illa nobilitans vasculum, & famæ eius, & pretij esset argumentū. Non igitur hac in parte luxuria, qua nulli ceditis ætati neq; superbia minor est vestra, quàm maiorum. Sed vtriusque subducta materia est: murrhinis non solum vsui vestro deficientibus, sed ignotis; pro quibus noua luxuriæ species inuasit. Auellana radix ad pocula generosum lignum, ipsumque cicatricibus honorandum, furor nunc præcipuus Galliarum. Venerunt hos in vsus nuper arbores alia peregrinis nominibus aduenis & nothis, aliis atq; aliis sed eadē vanitate; venientque, nec vllus erit nouitatū modus, donec vestris poculis murrhinorum iactantia victa sit. In vno placere, fateor auorum cessistis insaniæ, quod illi succinos, nullo vsu; sola sed habendi libidine, mirabantur, interque delicias numerabant. Vnde & Nero ipse, non principum modò, sed hominum sauiissimus, malè dilectæ, & peius occisæ coniugis flauos crines hoc sub nomine ceuti tulum meditatus eximium adoptasse legitur, carmine edito, Fuit namque [quod stupeas] trux illud ingenium amicum Musis, in quo illos, quod aurei viderentur, succinos suos dixit. O feroces, at que infastæ blanditiæ, decorumque, & laudatum caput, calcè impia ad inferos detrudendum. At vos succinos, & habetis, & spernitis, aut certè modestius colitis, & parcius æstimatis.

De Gemmarum figuris: DIAL. XXXIX.

In vane rebus miramur acumina mentis.

Noscere nec rerum discimus artificem.

GAU.

Signis gemma expressis mulceor. R. A. Accessit

[non inficior] ad naturæ decus quidam artis ornatus, & minutos in vultus, inque signorum vsu gemmas sculpi. Subtiliora quidem inter ingenij opera numeratum vbi & Amethystus inter lapides, vel impressioni facilis, vel successu prosper [vt perhibent] & inter artifices primum sibi Pyrgoteles sumpsit nomen: eò quòd vnus è cunctis, sui generis idoneus Alexandro visus est, sculpenda sui oris imagini: qua postmodum diuus Augustus vsus est, cum gemma illa, qua erat vti solitus, in iocos hominum abiisset, vt Sphinx ænigmatica diceretur, ita vt præter exactiōnum difficultates, ipsa quoque signi perplexitas verecundissimo Principi parere videretur inuidiam. Huic proximus, vel ingenio, vel ætati Apollonides fuit & Cronius post hos, magni nominis, in hac arte, Dioscorides fuit; cuius cum opus exprimeret, nomen fuisse Plinium miror. Hic est enim, qui ipsius diui Augusti sculpsit effigiem, qua ad extremum, & ipse dum vixit, & post eum, multi principum vñ sunt: ea, vel Cæsarei oris veneratio, vel admiratio fuit artificis. Et nunc ego tanto de gemmis habito sermone, quas seu natura integras, solidasque voluptatibus vestris exhibet, seu ars cauat, quærò ex te, quantò amplius delectare animum deberet, sine pretio, aut labore parabilis splendor æthereus? Immo ne is quidem, sed qui huius, & illius fons, ac principium lucis est. Rutili Carbunculi, virides Smaragdi, sereni Saphyri, candidæ Margaritæ sic alliciunt, nec solis fulgor, aut syderum, nec terræ viror, aut arborum, nec serenitas æëris, nec candor nitidus tangit Aurora. Stupetis facies manu hominum gemmis insculptas nec artificis stupetis ingenium. Immo verò neque illum veneramini, torque iam

claris ad verum viis, agnoscit is, qui gemmas ipsas, quique ingenium, qui manus, quique oculos fecit, quibus hæc cernerentur, atque intelligerentur, & fierent. O semper vilium miratores rerum, semperque nobilium contemptores!

De Tabulis pictis. DIAL. XL.

*Sydera si species cæli; & nascentia terras;
Pictoris nunquam te manus afficiet.*

G. V.

Pictis tabulis delector. *R.* Inanis delectatio, nec minor vanitas, quam magnorum hominum sæpe fuit: nec tolerabilior, quam antiqua. Siquidem omnè malum exemplum tunc fit pessimum, quando illi, vel authorum pondus adiungitur, vel annotum vndicunque ortæ consuetudinis, robur ingens consueuerit, & vt bona in melius, sic mala in peius ætas prouehit. Sed vtinam, qui maiores nostros vanis in rebus facile vincitis, eosdem in seriis æquaretis, virtutemque cum illis, & gloriam miraremini, cum quibus pictas tabulas sine fine miramini. *G. V.* Valde utique pictas tabulas miror. *R.* O mirus humani furor animi, omnia mirantis, nisi se; quo, inter cuncta, non solum artis, seu naturæ opera, nullum mirabilius! *G. V.* Pictæ delectant tabulæ. *R. A.* Quid de hoc sentiam, ex iam dictis intelligere potuisti. Omnis quidem terrena delectatio, si consilio regeretur, ad amorem cœlestis erigeret, & originis admoneret. Nam quis vnquam, quæso riuus appetens, fontem odit? At vos graues, humi acciues, affixique, cœlum suspicere non audetis, & oblitio opificem illum solis ac lunæ, tanta cum voluptate tenuissimas picturas aspicietis, atque, vnde transitus erat ad alta, despicietis, illic metam figitis intel-

intellectus. *GAV.* Pictis tabulis delector vnice.
RA. Penicello, & coloribus delectaris, i. quibus
 & pretium & ars placet ac varietas, & curiosa di-
 spersio. Sic exanguium viui gestus, atque immo-
 bilium motus imaginum, & postibus illum erum-
 pentes effigies, ac vultuum spirantium lineamen-
 ta suspendunt: vt hinc erupturas paulo minùs pre-
 stoleris vocēs, & est hac in re periculum, quòd his
 magna maxime capiuntur ingenia. Itaque vbi
 agrestis lato, & breui stupore pratereat, illic inge-
 niosus suspirans, ac venerabundus inhareat. O-
 perosum sane; neque tamen huius est operis; ab
 initio artis originem, ac incrementa retexere, &
 miracula operum, & artificum industrias, & prin-
 cipum in sanias, & enormia pretia, quibus hac
 trans maria mercati, Roma in templis deorum,
 aut Caesarum in thalamis, inque publicis plateis,
 ac porticipibus consecrarunt: neque id satis; nisi
 ipsi huic arti dextras, atque animos maiori exer-
 citio debitos, applicarent: quod iam ante nobili-
 ssimi philosophorum Græciæ fecerant. Vnde
 effectum, vt pictura diu quidem apud vos, vt natu-
 ra coniunctior, ante omnes mechanicas in pre-
 tio esset. Apud Graios verò [si quid Plinio cre-
 ditis] in primo gradu liberalium haberetur. Mit-
 to hæc; quoniam & intentæ breuitati, & præsen-
 ti proposito quodammodo sunt aduersa: videri e-
 nim possunt morbum ipsum cuius remedium pol-
 licebar, alere, & rerum elixitas, stupentis amen-
 tiam excusare. Sed iam dixi, nihil errori detrahit
 errantium magnitudo. Immo hæc quidem ideo
 attigerim, vt liqueret, mali huius quanta vis esset,
 ad quam tot, tantisque fir ingenius conspiratum;
 cui & vulgus errorum princeps & consuetudinum
 genitrix, longa dies, cumulusque ingens omnium

malorum semper authoritas, accesserint; ut voluptas stuporque animos altiore furtim contemplatione dimoueat, distrahatque. Tu autem, si hæc ficta, & adumbrata fucis inanibus, usque adeo delectant, attole oculos ad illum, quos humanum sensibus, animam intellectu, cælum astris, floribus, terram pinxit, spernes, quos mirabar, artifices.

De Statuis. DIALOG. XLI.

Ingenio factas statuas miraris, & arte:

At canas animo sint simulachra tua.

G. AV.

AT delector statuis. *R. A.* Artes variae, furor idem; ipsarumque fons vnus artium, vnus finis, diuersa materia. *G. AV.* Delectant statuas. *A.* Accedunt hæc quidem ad naturam propius quam pictura. Illæ enim videntur tantum, hæc autem, & tanguntur, integrumque, ac solidum, eoque perennius corpus habent: quam ob causam pictura veterum nullæ usquam, cum adhuc innumerales supersint statuas: vnde hæc ætas [ut in multis] erronea, pictura inuentrix vult videri; siue, quod inuentioni proximum, elegantissima consumatrix limatrixque, cum in genere quolibet sculptura, cumque in omnibus signis, ac statuis longè imparem se negare [temeraria quamuis impudensque] non audeat. Cum præterea penè ars vna, vel si plures, vnus ut diximus, fons artium; Graphidem dico; atque ipsæ, proculdubio, sint coeue pariterque floruerint. Siquidem vna ætas, & Apellem, & Pyrgotelem, & Lysippum habuit; quod hinc patet, quia hos simul ex omnibus, Alexandri magni tumor maximus delegit; quorum primus, cum pingeret, secundus sculperet, tertius fingeret, atque in statuam excuderet, edicto vocatis vniuersis, qualibet ingenii, artisque fiducia faciem

faciem regis attingere. Nec minor hic ideo furor
quàm reliqui. Immo verò omnis morbus eò fu-
nestior, quo stabiliore materia subnixus. *GAV.* At
me statua delectant. *R. A.* Non te solùm, aut ple-
beis comitibus errantem putes, quanta olim di-
gnitas statuarum, quantùmue apud antiquos, cla-
rissimosque hominum studium, desideriumque
rei huius fuerit: & Augusti, & Vespasiani, ac reli-
quorum, de quibus dicere nunc longum esset, &
impertinens Caesarum ac Regum virorumque se-
cundi ordinis illustriam solers inquisitio, & re-
pertarum cultus & custodia. & consecratio, indi-
cio sunt. Accedit Artificum fama ingens, non vul-
gò, aut matisduntaxat operibus, sed latè sonanti-
bus scriptorum literis, celebrata; quæ tam magna
utique, parua de radice nasci posse non videtur.
Non fit de nihilo magnum tamen; magnum esse,
vel videri oportet, de quo serio magni tractant.
Sed his omnibus suprâ responsum est. Eò autem
spectant, ut intelligas, quanto nisu obstandum
tam vetusto, & tam valido sit errori. *GAV.* Variis
delector statuis. *A.* Harum quippe atrium ma-
nu naturam imitantium, vna est, quam plasti-
cendixere. Hæc gypso, & cetis operatur ac tena-
ci argilla: quæ cognatis licet artibus cunctis, a-
micior sit virtuti aut certe minùs inimica, mode-
stia imprimis, & fragilitati; quæ magis fictiles,
quàm aureas Deorum atque hominum formas
probant. Quid hic tamen delectabile? Quid, quò
cereos, aut terreos vultus ames, non intelligo.
GAV. Nobilibus statuis delector. *R. A.* Auritiæ
consilium agnosco; pretium, ut auguror, non ars
placet. Vnam tu auream, artificij mediocris,
multis æneis, atque marmoreis, multoque maxi-
mè plasticis præferendam duxeris. Haud insulse

quidem, ut se habet, existimatio rerum præsens: hoc est autem aurum amare, non statuam, quæ, ut, ex vili materia nobilis, sic puro rudis ex auro fieri potest. Quanti verò tu statuam æstima- res, siue illam regis Assyrij ex auro, sexaginta cubitorum, quam non adorasse, capitale fuit, quamque hodie multi ultro suam ut facerent, a- dorarent: siue illam cubitorum quatuor, quam ex ingenti topazio [inirum dictu] reginæ Ægy- ptix factam legis, puto, non anxie quæreres cu- iusesset artificis, contentus de materia quæ fuis- se. *G. AV.* Artificiose oculos delectant statua. *R. A.* Fuere aliquando statua insignia virtutum, nunc sunt illecebra oculorum. Ponebantur his, qui magna gessissent, aut mortem pro Rep. obiissent. Quales decretae sunt Legatis à Rege Veientium interfectis. Quales liberatori Italiae Africano, quas illius magnitudo animi, ac spectata mode- stia non recepit, quasque post obitum recusare non potuit. Ponebantur ingeniosis, ac doctis viris, qualem positam legimus Victorino: nunc ponitur diuitibus magno pretio marmora pe- regrina mercantibus. *G. AV.* Artificiose pla- cent statua. *R. A.* Artificium ferè omnis reci- pit materia. Sentio autem: ut tua hæc omnis de- lectatio plena sit ingenii, materiaque nobilitas iun- cta perficiet. Neque hic tamen aurum; quamuis Phidiasque conuenerit, vera delectatio vlla est, aut vera nobilitas. Fax terræ, licet rutila, incus, mal- lei forcipes, carbones, ingenium, laborque mecha- nicus. Quid hinc viro optabile, vereque magnifi- cum fieri possit, cogita? *G. AV.* Nō delectari statuis non possum. *R. A.* Delectari hominum ingeniis, si modeste fiat, tolerabile, his præsertim qui inge- nio excellunt. Nisi, n. obstat liquor, facile quisque
quod

quod in se amat, in alio veneratur. Delectari quoque sacris imaginibus, quæ spectantes beneficij cœlestis admoneant, pium sæpe, excitandisque animis vrile. Prophana autem, etsi interdum moueant, atque erigant ad virtutem, tum tepentes animi, rerum nobilium memoria recalescunt; amandæ tamen, aut colendæ equo amplius non sunt: ne, aut stultitiæ testes, aut auaritiæ ministræ; fidei sint rebelles, aut religioni veræ, & præcepto illi famosissimo, Custodite vos à simulacris; profecto autem si hic quoque illum aspicias, qui solidam terram, fretum mobile, volubile cœlum se cit, quique non fictos, sed veros, viuosque homines, & quadrupedes terræ, pisces mari, cœlo volucres dedit. Puto, vt Protogenem, atque Apellem, sic etiam Polycle tum ipernes, & Phydiam.

De Vasis Corinthiæ. D I A L. X L I I.

Non tibi tam placeant cuiusuis vasa metalli;

E lignosapras non minus ipse cibis.

G. A V.

Quem non moueant vasa Corinthia? *R. A.* Assuetum cœlestibus, terrena non qua-
tiunt; sic collata illis modicum, sic nihil, sic denique tædium, atque fastidium graue sunt. Quomodo autem animus memor originis, cauernis terrestribus inhiet; aut magni faciat quod ex illis effoditur, dum cœlum, solemque, ac stellas & seipsum videt, supremumque horum omnium artificem contemplatur? *G. A V.* Corinthiis delector. *R. A.* Nesciste te non gelido tantum, & exanimi terræ partu sed officinæ nigrantis, ac squallentis fabri opere, ad postremum Romanæ prædæ reliquiis delectari? Ad historias redi: Mummius, dum Corinthum armis captam, direptamque, flammis

absumeret, aureis, simulque argenteis atque eneis
 quacunque victorum fortè manus euaserant, sta-
 tuis, quarum abundantissima olim illa vrbs fuit,
 pari incendio liquefactis, omnium metallorum
 venæ vno ibi torrente fluxerunt; vnoque ex o-
 mnibus iam nobiliore metallo, & pretiosiori-
 bus vasis exordium, & à clade vrbs nomen luxu-
 riæ partum fuit; non quod furor in ea vrbe con-
 surgeret, quæ ruebat, sed venturo furori materia
 parabatur. Ad hunc modum tunc Corinthus hu-
 ius fons fuit infaniæ. Nunc Damascus; inde hodie
 vasa mittuntur vestros captura oculos, animo-
 sque. *GAU.* Vasis Corinthiis delector. *RA.* Mi-
 rarer magis, nisi Augustum modestissimum licet,
 atque grauissimum Principem, lectum esset apud
 egregios scriptores, delectatione hac vsque adeo
 correptum, præcipitemque actum, vt proscriptione
 Triumvirali condemnasse aliquos, nullam a-
 liam ob causam, nisi huiusmodi vasorum de-
 siderio putaretur, atque eius ad statuam, famoso
 epigrammate apposito, ad æternam laudati du-
 cis infamiam; Corinthiarius diceretur: quod
 si credimus, inter hunc optimum, pessimum-
 que omnium Antonium, hac in parte quid in-
 ter sit? nisi quod hunc ad iniuriam causa mo-
 nit humilior, & est omne peccatum eò maius,
 quò & maior, qui peccat, & minor causa pec-
 candi: nec peccantis magnitudo, atque impe-
 rium, linguæ, vel calami vulnus euadunt, iudi-
 ciisque hominum eximuntur; illos magis in se
 acuunt, atque irritant. Non parcit regum macu-
 lis vulgus loquax, & si palàm meruit, clam li-
 bertate vitur, & in cauernis sibilat, gannit in
 tenebris, dubias voces in nubibus, acres versus
 in triuiis ferit, subscribit statuis, nutu loquitur,
 silen-

ſilentio exclamat, minaturque oculis, lingua ferit. Sic ſape; leuibus in cauſis, graues contrahuntur infamiae, & clariſ quoque nominibus obſcura cognomina. Idque ſi principum maximo euenire potuit, quid priuati ſperent, quibus eſſe debeat amica mediocritas, inimica luxuria? *G. A. V.* Corinthiis delector. *R. A.* At, ſi peſtus erroribus, oculique fulgoribus clauderentur, liquidò appareret, quantum fictilia praeferenda corinthiis; quantum, vel paratu facilia, vel iucundiora uſu, ſecuriora ſeruatu, vel diuinis, humaniſque cultibus aptiora; quod ad ſecuritatem attinet, ſi vera haec Caſaris nota eſt, proſcripti illi ſecurius vixiſſent ſi Corinthiis caruiſſent. At quo ad diuinum cultum, tum propitiam magis hominibus fuiſſe diuinitatem, dum fictilibus coleretur, nec mihi dubium, nec Seneca. Quod uero ad humanum uſum fictilia Tiberonis, quantum ut probrum graue ad populum, cecis domino nocuiſſe ſuffragiis, certum ſit, & praeturae refulſam peperiſſe; Maximoque Valerio factum populi populariter excuſanti, indigna fuiſſe publico munere videantur; ego tamen hic quoque cum Seneca ſentio, apud quem illa multis laudibus efferuntur. Sunt enim parſimoniae antiquae, & Romanis aptiſſimae moribus, quibus ut mo-deſti patriſfamilias priuata domus, ſic bene inſtitutae urbis honeſta Reſp. regi debet, ut frenato grefſu metam teneat eius, qui in terris eſt, compoſiti, ac tranquilli ſtatus. Itaque ſi *Q. A. lius* Tiberio fictilibus ſuis ante cellam Iouis expoſitis, quibus ille frugalitatem, atque ſobrietatem [utque ait Seneca] paupertatem in capitolio conſecrabat, oculos populi iam laſciuientis offendit, non eſt ciuiſ egregij culpa, ſed tempo-

rum. Iam tunc res ab illa prisca seueritate ad hanc mollitiem inclinabat , quæ primùm paternas , scyphosque aureos gemmatos, discum argenteum corymbiatum , lancem pampinatam, pateram hederatam mirari cœpit , & reliqua quæ Caius Imperator Claudio misit, Imperatori post futuro ; deinde alias atque alias furorum species, quæ magnificentix tribuuntur, nouissimè autem hisdiebus non hederas modò, vel pampinos , vel corymbos, sed ipsas cum incolis suis syluas, omne genus arborum, ac ferarum, & volucrum , & hominum vultus, & quæcunque vel oculus vidit, audiuitque auris, vel mens finxit, in auro expressa , vel argento , longa iam consuetudine non miratur, gemmis inhians, de quibus paulò antè tractauimus. Quid multa? Ipsum iam vilescit aurum, crescente superbia. Pridein verò, quæ laudas, Corinthia viluerunt, contemptusque de vera rerum vilium æstimatione, laudabilis futurus, de falsa nobilium admiratione damnabilis factus est. *GAV.* Ego verò corinthia nunc etiam miror. *RA.* Corinthus vestris vltis facibus, suo vos vssit incendio, & murorum excidium suorum, in vestros animos vltis est. Neque id nouum: sæpe numero victores bellorum externorum , simul externis vitiis victi estis. Sic vos Scipio Asiaticus, & Manilius Volscò, Asiæ victores, Asiaticis deliciis lectisque purpureis atque aureis vestibus, exquisitaque supellectili [quodque vilissimum] epulis, cocisque pessundedit. Sic Pompeius gemmis, ac margaritis : sic vos Mummius tabulis pictis atque Corinthiis subiugauit; Vt, dum de hostibus Duces vestri , & de vobis , vestrisque de moribus, hostilia triumpharèt. *GAV.* Cupidè Corinthiis vasis vtor. *RA.* Neque vasa Corinthia, neque

que aurea meliorem tibi cibum faciant, neque Samia peiorem; neque omnino de qualitate rerum, sed ex morbo animi hac vestra cupiditas orta est; seu ipsa potius morbus est animi, cui vt confu'ens conualescas, pro inutilium tot vasorum curis, vnam arripe vtilem ac salubrem, vt scias ipse tuum vas in sanctificatione, & honore [sicut scriptum est] non in passione desiderij, possidere.

De Librorum copia. DIAL. XLIII.

*Res bona librorum, si quis bene noverit vti,
Copia: sed fatuos: copia sepe facit.*

GAV.

Librorum copia magna est. *R. A.* Opportune admodum de his sermo oritur. Nam, vt quidam disciplinæ, sic alij voluptati, & iactantia libros querunt. Sunt qui hac parte suppellectilis exornent thalamos, quæ animis exornandis inuenta est; neque aliter his vtantur, quam Corinthiis vasis aut tabulis pictis, ac statuis, cæterisque de quibus proximè disputatum est. Sunt qui obtentu librorum, auaritia inseruiant, pessimi omnium non librorum vera pretia, sed quasi mercium æstimantes. Pestis mala, sed recens, & quæ nuper diuitum studiis obrepisse videatur. quæ vnum concupiscentia instrumentum, atque vna ars accesserit. *G. V.* Librorum larga copia est. *R. A.* Operosa, sed delectabilis sarcina. & animi iucunda distractio. *G. AV.* Ingens est copia librorum. *R. A.* Ingens simul laboris copia, & quietis inopia: huc illuc circumagendum ingenium, his atque illis prægrananda memoria: quid vis dicam? Libri quosdam ad scientiam, quosdam ad insaniam deduxere, dum plus hauriunt, quàm hauriunt.

digerunt, ut stomachis, sic ingeniis nausea saepius nocuit, quam fames atque ut ciborum, sic librorum usus, pro utentis qualitate limitandus est. In rebus omnibus, quod huic parum, illi est nimium. Itaque sapiens non copiam, sed sufficientiam rerum vult. Illa enim saepe pestilens, haec semper est utilis. *AV*. Immensa copia librorum est. *RA*. Immensum dicius, quod mensura caret sine qua humanis quid in rebus rectum, sibi quae conueniens, tu metire. Est in his etiam, quae optima iudicantur immensitas, atque immoderatio fugienda, semperque praeculis habendum illud comicum, *Ne quid nimis*. *GA*. Librorum inestimabilis multitudo est. *RA*. Maior ne tibi, quam Ptolomaeo Philadelpho regi Aegypti? quem Alexandrinae bibliothecae quadraginta librorum millia coaceruasse compertum est, qui tamen, diuersis ex locis, diu magno studio quaesiti, simul omnes arserunt, quod elegantiae regum, curaeque opus egregium fuisse ait Liuius, quem Seneca reprehendit, non id elegantiae, curaeque regiae opus dicens, sed studiosae luxuriam: immo ne id quidem, sed seipsam, conquisitis spectaculis, inaniter ostentantis. Et Liuij tamen dictum, & Ptolomaei factum, utcumque forsitan regiae opes excusent. Et in longum publicis usibus prospiciens regis intentio; in hoc certe laudabilis, quod sacras literas, mundo non viles modo, sed necessarias summa diligentia, atque impensa, per electos ad tantum opus viros, in Graecam linguam, ex Hebraico fonte transfudit. At quid facias, priuatis non aequantibus, sed superantibus apparatus regios? Sereno equidem Sammonico doctrinae viro ingentis, sed maioris curae, plurimarum literarum; sed plurium voluminum, duo & sexaginta.

ta millialibrorum fuisse legimus ; quos omnes
 Gordiano Iuniori cuius patri fuisset amicissimus,
 ille moriens reliquit : magna prorsus hæreditas,
 & multis suffectura ingeniis? Num verò [quis du-
 biter] oppressura? Quid hic autem, quæso, si nil
 aliud egisset in vita, nullum illi vel scribendi stu-
 dium fuisset, vel quærendi labor, nihil omnium,
 tot voluminibus comprehensorum, legere at-
 que intelligere laborasset? At non satis habuit
 negotij libros ipsos, ac librorum titulos, & au-
 thorum nomina, & librorum formas, numerum-
 que cognoscere? Pulcha verò ars, quæ de phi-
 losopho librarium facit. Crede mihi, non est hoc
 nutrire scriptis ingenium, sed necare mole re-
 rum, atque obruere, vel fortasse mediis in vndis,
 more Tantaleo, siti animam torquere, rebus
 atronitam, degustantem nil, atque omnibus inhi-
 antem. *G. A. V.* Libri innumerabiles sunt mi-
 hi. *R. A.* Et errores innumeri, quidam ab im-
 piis, alij ab indoctis ediri, illi quidem religioni, ac
 impietati, & diuinis literis, hi naturæ, ac iustitiæ,
 moribusque, & liberabilibus disciplinis, seu hi-
 storia rerumque gestarum fidei; omnes autem ve-
 ro aduersi, inque omnibus, & præsertim primis, v-
 bi maioribus agitur de rebus, & vera falsis immix-
 ta sunt; perdifficilis, ac periculosa discretio est.
 Ut ad plenum authorum constet integritas,
 quis scriptorum inscitæ, inertiaque in debi-
 tur, corrumptenti omnia, miscenti que? Cuius
 metu multa iam [ut auguror] magnis operibus
 clara ingenia reflexerunt, meritoque id patitur
 ignauissima ætas hæc, culinæ sollicita, literarum
 negligens, & cocos examinans non scriptores.
 Quisquis itaque pingere aliquid in membranis,

manuque calamus versare didicerit, scriptor habebitur, doctrinae omnis ignarus, expers ingenij, artis egens. Non quaero iam, nec queror orthographiam, quae pridem interiit, qualiter cunque utinam scriberetur, quod iubetur, appareret scriptoris infantia, rerum substantia non lateret. Nunc confusis exemplaribus, & exemplis, vnum scribere polliciti, sic aliud scribunt; ut quod ipse dictaueris, non agnoscas: an si redeat Cicero, aut Liuius, multique alij veterum illustrium, ante omnes Plinius secundus, sua scripta relegentes intelligent, & non passim haesitantes nunc aliena credent esse, nunc barbara? Inter humanarum inuentionum tot ruinas, literae sacrae stant, cum maiore hominum studio, tum vel maxime protegente sua sancta poemata, suas sanctas historias, diuinaeque suas leges authore illarum Deo, suamque perennitatem suis inuentionibus largiente. Reliquarum nobilissimae pereunt, etiam magna ex parte perire: sic ingentis damni nullum est remedium; quia nullus est sensus; neque id no- num hac in re, & virtutum & morum, damna ingentia negliguntur, cum tanto studio minoribus occurratur, literarum iacturam, inter minimas numeratis. Sunt, qui numerent inter lucra. Fuit nuper non in agris, aut in syluis, sed in maxima, florentissimaque, & [quod stupeas] vrbe Italiae, neque is pastor aratorue, sed vir nobilis, magnique, apud suos ciues loci, qui iuraret, se magno pretio empturum, ne quis vnquam suam patriam literatus incoheret, aut intraret. O vox saxei pectoris! Fertur tale aliquid sensisse Licinius infestus literis [ut scriptum est] quas virus, ac pestem publicam nominabat. Sed
origo

origo illum rustica forsan excuset. Etsi enim vsque ad Casareum nomen ascendisset, naturam tamen non exuerat. Verum est enim illud Placii: *Fortuna non mutat genus.* Sed quid de nobilibus vestris dicam? qui non modo perire literas patiuntur, sed exoptant votis. Equidem hic rei pulcherrima contemptus, atque odium, breui vos in profundum ignorantiae demerserint. Accedent [ne à proposito deerremus] & scriptores nulla frenati lege, nullo probati examine, nullo iudicio electi non fabris, non agricolis, non textoribus, non vlliferè artium tanta licentia est; cum sit in aliis leue periculum, in hac graue, si ne delectu tamen ad scribendum ruunt omnes, & cuncta vastantibus, certa sunt preria. Nec verò hæc scriptorum magis humano more lucra captantium, quàm studiosorum, publicisque rebus praesidium culpa est; quibus nulla vnquam rei huius cura fuit: oblitis, quid Eusebio Palestinae Constantinus iniunxerit, vt libri scilicet non nisi ab artificibus, hisque antiquariis, & perfectè artem scientibus, scriberentur. *GAV.* Librorum bona copia est. *RA.* Quid, si capax animus non est? Meministi Sabinum illum, apud Senecam, suorum suorum scientia gloriantem? Quid inter te, atque illum interest, nisi quòd aliquantò tu stultior, vterque equidem alieno; Verum ille seruorum, & certè suorum; at tu librorum nil ad te pertinentium ingenio gloriaris. Sunt qui quicquid in libris scriptum domi habent, nosse sibi videantur. Cuique vlla de re mentio incidit, hic liber, inquit, in armatio meo est; hoc tantum, idque sufficere opinantes; quasi simul in pectore sit, elato supercilio conticefcunt: ridiculum genus. *GAV.* Libris affluo. *RA.* Quàm mal-

lem ingenio, & eloquentia, & doctrina multoque maxime innocentia, & virtute. Sed hæc venalia non habentur, vt libri; &, si haberentur, nescio an emptores totidem reperturi sint, quot libri. Illi enim muros vestiunt, hæc animos; qui, quando oculis non videntur, ab hominibus negliguntur. At profecto si librorum copia doctos faceret, aut bonos; doctissimi omnium, atque optimi sæpe esse possent, qui ditissimi, cuius sæpe contrarium videmus. *G. IV.* Adminicula ad discendum libros habeo. *R. A.* Vide autem ne impedimenta sint potius; nonnullis, ad vincendum, multitudo bellatorum, sic librorum multitudo multis ad discendum nocuit & ex copia, vt fit inopia orta est. Qui, si vltro adsint, non abiciendi equidem, sed sequestrandi erunt, vtendumque melioribus, & cauendum, ne qui forsitan in tempore profuturi essent, intempestiui obfint. *G. IV.* Multi & varij mihi sunt libri. *R. A.* Fallit sæpe viarum multiplicitas viatorem; &, qui vno calle certus ibat, hæsit in biuio, multoque maior est triuij error, aut quadriuij. Sic sæpe, qui librum vnum efficaciter elegisset, inutiliter multos aperuit, euoluitque. Multa sunt onerosa discantibus, doctis pauca sufficiunt. Niuiæ, vtrisque sunt importuna; sed fortioribus humeris subuectantur agilius. *G. IV.* Librorum nobilium magnum numerum contraxi. *R. A.* Librorum numero nemo [qui nunc occurrat] præter regem illum Ægyptium, nobilitatus est; neque id sibi tam numerus dedit, quàm famosa translatio. Haud dubiè mirum opus, tot ingeniorum, nisi post, vnius ingenij miraculum maius esset. Calle alio niti oportet, vt ex libris gloriam quæras, non habendi, sed nascendi; neque bibliothecæ, sed memoriz

moriæ committendi, cerebroque, non armario concludendi sunt, alioqui, vel librario publico, vel armario ipso gloriosior nemo erit. *G. V.* Egregios multos libros seruo. *R. A.* Multos in vinculis tenes, qui si forsitan erumperent, & loqui possent, ad iudicium te privati carceris, euocarent. Nunc flent taciti multa quidem; nominatim illud, quod persæpe vnus iners affluit auarus, quibus multi egent studiosi.

De Scriptorum fama DIALOG. XLIV.

*Scriptorum tot sunt monumenta, quot aurea cælo
Sidera: at in paucis stat tibi vera salus.*

G. V.

Quid, quod ipse libros scribo? *R. A.* Morbus publicus, contagiosus, insanabilis. Omnes sibi vsurpant scribendi officium, quod paucorum est. Vnus hoc correptus malo, multos inficit: æmulari enim prouum; imitari arduum; vnde in dies crescit agrotantium numerus, simulque vis ægritudinis ingrauescit; quotidie plures, quotidie peius scribunt; quoniam sequi facilius, quàm assequi. Scitum, reque compertum, & cum tempore clarius est illud sapientis Hebræorum: Faciendi plures libros nullus est finis. *G. A. V.* Scribo. *R. A.* Suis vtinam se finibus tenerent homines, rerumque ordo constaret, qui mortaliū temeritate confunditur; scriberent, qui sciunt, & qui possunt; alij legerent, vel audirent. Itane parua enim animi voluptas intelligere est, nisi manus ad calamum præsumptuosa festinet: & quisquis libri particulam intellexit, seu intellexisse visus est, sibi illicò libros scribere videatur idoneus? Hæreret vtinam memoriæ vnus Ciceronis nostri dictum, in Tusculani sui vestibulo.

lo, ne quem lateat, claro scilicet ac patenti loco positum: Fieri enim, inquit, potest, ut rectè quis sentiat & id quod sentit, eloqui politè non possit, & sequitur: Sed mandare quemquam cogitationes suas literis, quicquid, nec disponere, nec illustrare possit, nec delectatione aliqua allicere lectorem, hominis est intemperanter abutentis, & otio, & literis. Sunt quidem Ciceroniana ista verissima, sed ea iam usque adeo vulgaris abusus est, ut nemo non sibi vni dictum putet: quod illi olim sacratissimo exuli, qui non de arcescentibus riuulis, sed de ipso veri fonte potauerat, quæ scribebat, dictam est & sæpius repetitam. Scribe: cui præcepto contemptores præceptorum omnium, omnes obediunt, omnes scribunt. Quod si in his, qui alienos scribunt libros, magni diximus esse periculi, quanti putas in his, qui proprios recentesque, quibus dubias atque damnatas inundo inuehunt disciplinas? Seu, quod in his malum est leuissimum, stilo obtundunt incondito, ac agresti; sic, ut cui vis desit ingenij, iactura saltem temporis, laborque aurium, tadiumque non deerit. Hic vestrarum hodie non alius fructus inuentionum, aut inficere aut afficere: reficere autem, aut nunquam aut perire. Omnes tamen assidue libros scribunt, nec ulli ætati tanta vel scribentium, vel differentium copia; tanta scientium atque eloquentium fuit inopia. Horum de libris accidit, quod ibidem Cicero idem ait. Ita que suos libros, inquit, ipsi legunt cum suis; nec quisquam attingit prætereos qui eandem scribendi licentiam sibi permitti volunt. Quod quidem Ciceronis ætate rarum fuit, nunc commune. Omnes igitur attingunt, quia, scilicet, eandem licentiam volunt omnes, sic se mutuò cohortantur, impelluntque scribentes inania, & laudantes, laudemque

que similium, falsis de laudibus aucupantes. Hinc illa igitur scribentium audacia rerumque confusio, ne tu valde tibi placeas, libros scribens. *G. AV.* Scribo libros. *R.* Melius fortassis illos legeres, optime autem in vitæ regulam lecta conuerteres. Tunc est utilis notitia literarum, dum in actum transit, seque ipsam rebus approbat, non verbis; alioqui verum sæpe deprehenditur, quod scriptum est scientiam inflare. Clare, velociterque intelligere, multa simul, & grandia eademque tenaciter meminisse, & ornate eloqui, & artificiose scribere & pronunciare suauiter: hæc omnia, nisi ad vitam referantur, quid sunt aliud, quàm inanis instrumenta iactantiæ, inutilisque labor ac strepitus? *G. IV.* Libros scribo. *R.* Forsan utilius arares campum, gregem pasceres, telam texeres, maria nauigares. Multi, quos natura mechanicos fecerat, illa inuita, atque obluetante philosophantur; contrà, aliquos philosophia aptos natos in aruis, aut pascuis, in scamnis opificum aut nautarum transtris, fortuna detinuit. Vnde effectum; quod mirentur causarum inscij, vt in mari medio, aut rure in syluis, inque officinis acria, & creta reperiantur ingenia, cum in scholis exigua ac deiecta sint; difficile enim vincitur natura, si vincitur. *G.* Scribo ardentem. *R.* Quanto ardentius olim multi, quorum ardor sic extinctus est, vt scripsisse illos nisi id alij scriberent, nesciretur. Nullum opus humanum semper durat, & mortalis labor nihil efficit immortale. *G.* Scribo multa. *R.* Quanto plura alij? Quis Ciceronis libros aut Varronis enumeret? Quis Titi Liuij aut Plinij opera metiatur! Græcorum vnus sex millia librorum edidisse traditur. O ardentem spiritum, si vera res est! O longum otium, ac tranquillum! Certè si vnum, duosve, aut

omnino paucos libros bene scribere multi negotium est laboris: tot vnum millia scripsisse, non tam facile est credere, quàm mirari. Summi tamen attestantur authores, quibus non credere durum sit; quique hunc numerum non auditu sibi: nec visu solo, sed eorum librorum lectione compertum dicant; quos, si vnum omnes legere potuisse mirabile, quantò mirabilius est scripsisse? Longum est enumerare qui viri apud nos, qui verò apud Græcos, & quæ scripserint, quorum nullus ad plenum studiorum fortunatus fuit. Sed horum aliqua, illorum autem magna pars, quorundam omnia perire. Tu, de tuis, quid prælagias, videto.

S. Scribo, & ea mihi interim voluptas vnica. *R.* Si, ut ingenium exerceas, scribendoque aliis, te doceas: si, ut obliuiscaris temporum, præteritiq; memoria, tedium effugias, excuso; si, ut scribendi morbo quidem occulto, & insanabili medeare, misereor. Sunt namque. [*si nescis*] qui non scribunt, nisi quia nequeunt desinere, & velut ex præcipiti decurrentes, volentesque subsistere, rapiuntur. *GAV.* Scribendi impetus ingens est. *R.* Melancholiæ species infinitas ferunt; alij lapides, iactant, alij libros scribunt, huic scribere furoris initium est, huic exitus. *G.* Scripsi multa, & scribo.

RA. Si posteris profuturus, nihil satius: si tibi nudum nomen quesiturus, nihil vanius. *GAV.* Multa scripsi. *RA.* O præclaram insaniam & mirantur, si membranæ solito chariores sunt! *GAV.* Scribo, & hinc famam spero. *RA.* Dixi iam meliùs forsitan arares, aut foderes, messem sperans. Humi enim tutius, quàm in vento feritur. Atqui famæ studium, & pertinax scribendi opera, ut quosdam claros, sic innumerabiles stultos, atque inopes in senium misit; nudosque, & loqua-

& loquaces spectaculum vulgo fecit. Ecce, dum scribitis, melioribus curis idoneum tempus elabitur. Extra vos rapti, sopitique, non aduertitis, donec serò vos senectus excitet, ac paupertas. G. Scribo autem famæ cupidus. R. Mirum studium, de labore ventum querere. Certè ego ventos optare, nauticum putabam.

De Magisterio. DIAL. XLV.

Quàm pulchrum dicitis, si diceret esse magister?
Sola magisterij nomina Christus habet.

G. IV.

AT magisterio insignitus sum. R. A. Mallem, fateor, disciplinam magistro enim indisciplinato & rudi nihil est turpius. G. IV. Magister ex merito factus sum. R. A. Vt magister dignè sis non nisi discipulus meruisti obsequentè, atque humilem te docilemque prabueris oportet; alioqui aberrasti in via quæ ad magisterium ducebat: etsi non ignorem quosdam sine magistro, ad scientiæ gradum altissimum conscendisse, idque de se ipsis viros magni nominis prædicasse, literisque mandasse. Sed his labor & ingenium, & discendi ardor & intentio, & assiduitas, & perseverantia pro magistro fuit; nec internus in silentio magister defuit. At nunc mihi de communibus sermo est. G. IV. Magister dicor. R. A. Multis, ne magistri veri essent magisterij falsum nomen obstitit, dumque de se plus omnibus, quàm sibi; dumque, quod dicebantur sed non erant, esse crediderunt; quod esse poterant, non fuerunt. G. Magisterio clarus sum. R. Vidisti vini acidi tabernam, picturis, aut floribus vernis insignè; ubi sitiens viator falli possit. Sed nūquid & caupo suis fallitur artibus? Sūt certè aliqui sic fallaciis assuefacti, ut lōgo

usu fallendi alios, ad extremum & se fallere incipiant; quodque diu suadere aliis, aliquando persuadeant sibi, & quod falsum sciuerint, verum credant. Tu, vt liber magisterio gloriare; quod si digno obtigit, nihil noui, sin indigno, duo hæc mala secum attulit, vt & discere pudeat, & notior ignorantia tua sit.

De Variis titulis studiorum. DIAL. XLVI.

Quid de Arinarum titulo lataris irani?

Nota est indecto, nulla Camena tibi.

GAV.

Titulis multis ac variis exornor. *R.* Fœcunda frondium est vanitas, sed inanis fructuum. *G.* Titulis multis abundo. *R.* Si veris, grauis sarcina: sin falsis, fœda, & pudenda. Quid opus est titulis, quibus aut labor insit, aut dedecus? Virtus vno, seu potius nullo titulo contenta, ipsa sibi est titulus. *G.* Theologiæ titulum sum adeptus. *R.* Erant olim huius scientiæ professores: hodie [quod indignans dico] sacrum nomen prophani, & loquaces Dialectici dehonestant; quod nisi sic esset, non hæc tanta, tã subito pullulasset seges inutiliũ magistrorũ. *G.* Philosophiæ titulũ merui. *R.* Philosophia non sapientiã, sed amorẽ sapientiæ pollicetur. Quisquis hanc igitur vult, amando consequitur. Non est, vt quidã putant, operosus, aut difficilis hic titulus; dummodò verus amor sit, & vera, quã ames sapientiã; philosophus verus eris. Verã sanè sapientiã, non, nisi purgatã, piãque animã, vel intelligere possunt, vel amare. Ad id ergo res rediit, quod est scriptum: Pietas est sapientiã. Philosophi autem vestri huius scientiæ contemptores, aut ignari; vt de Theologis nunc dicebam

cebam, ad verbosam, audamque Dialecticam sunt redacti. Itaque de Deo illi: hi autem de natura temerariè fabulantes, illi omnipotentissimam maiestatem ventosis sophismatibus circumscribunt, & subfannanti, ridenti que Deo suæ insolentis inscitiae leges ponunt. Isti verò de naturæ arcanis ita disputant, quasi è cœlo veniant, consilio que Dei omnipotentis interfuerint; obliti, quod scriptum est: Sensum domini quis novit? Aut quis consiliarius elus fuit? Neque nostrum audientes Ambrosium, qui sæpè id multis ac validis argumentis; eo autem libro, in quo fratris obitum luget præcisè admodum, brevitèrque: Philosophi, inquit, de cœlo disputantes, quid loquantur, ignorant. *G. AV.* Artes profiteor multas. *R. A.* Facillimum id quidem: multas nosse difficilius: melior sanè, tutiorque confessio quàm professio est. Illa enim humilitatis, & pœnitentiæ; hæc leuitatis, & insolentiæ plena est, Multò certè facilius indulgentiam confessi quarant, quàm scientiam professi. *G. AV.* Diuina, atque humana sapientiæ titulum consecutus sum. *R.* Sapientia titulis non eget; per se ipsam clara est. Quis lucernam, quæso, vnquam soli, vt videretur, adhibuit? Multi & cum his titulis obscuri, & absque his, clarissimi euasere. Sæpe nullum bonis; clarum, malis mercibus signum fuit. *G.* quid quòd poëtica laurea comam construxit? Superior vnus est labor, verum quærere; sed hic duplex, quærere, & ornare atque ad aurium oblectationem fingere, magna res est ardua, difficilis, eoque rarissima: veri nempe poetæ vtrique operam dant. Communes verò primum negligunt contenti phaleris, *G.* Rarum laureæ parum decus. *R. A.* Quæsitum, vnde Rempublicam, remque familiarem vni post habeas curæ. Quæsi-

rum iter ad inopiam, ni sedenti vltro prodiga tibi opes conuehat fortuna: quæstum vnde aliis amens, aliis insolens videare. G. Mihi ipse lauream coronam decerpsi. R. Virentissima arbor, si decerpitur, confestim, nisi ingenio vberi, vigiliq̃ue studio rigetur, aruerit. G. Parta mihi laurea. R. Partus labor, partus liuor, seu illa studiorum, seu armorum merces est: tener ille ramulus, animo nihil omnium, signum vertici præbuit inane, ostendens te multis, quos melius latuisses. Quid aliud, quam te moribus obiecit inuidiæ? pace, belloq̃ue, multis insignia nocuere. G. Artem oratoriam sum professus. R. Mirum audio: ea nempe in desuetudinem abiisse iam pridem visa erat; vt, quæ immensis & innumerabilibus rebus constat: vnde fit, vt Oratores ipsi etiam vatibus rariores semper fuerint: proinde fuere, qui dicerent; Oratoris proprium, de omni re copiosè, ornatèq̃ue posse dicere: quanuis ea sententia, velut arrogantissima sit reiecta: quantis sanè de rebus, & si non de omnibus dicere habeat Orator; adhibita in singulis artificiosa, & dulci quadam eloquentia; quæ, per se ipsam, magna res est; æqua si lance libraueris, obstupefces, teq̃ue fortasse professionis temerariæ pœnitebit; vt caueas, ne dum scire, vel infinita, vel omnia vis videri; nihil scire videaris; & quod sæpe accidit, sub scientiæ professione, multiplicis ignorantia delitescens necessario in apertum exeat. G. At liberaliū sum Professor artium. R. Sæpe etiam plus habet ea res audaciæ, quàm doctriæ. Ad vnam quanc̃que artium brevis est vita. Vnus tu sufficis omnibus? Vna ars vni ingenio satis est, vt ad summum estuando, & anhelando perueniat. Multas degustasse, quantum cœpti necessitas exposcit, idq̃ ipsum nosse, quàm professum esse, modestius. Addam, quod doctis-

doctissimis visum est, vnam ipsam omni ex parte cognoscere, nulli etiam illustrium, contigisse. De sola nempe Rhetorica notum illud Senecæ: Magna, inquit, & varia res est eloquentia, nec adhuc ulli sic indulgit, ut tota contigerit. Satis felix est, qui in aliquam eius partem receptus est. Id sanè quibus viris & quantis testibus verum probet, audisti. Quod cum ita sit, quid agant, & quid audiant cogitent, agmina professorum penè iam vulgus equat, tam ruditate, quàm numero; quæ non vna quidem parte, sed nec vna arte contenta ex quo omnes inuadunt. O fiducia ingens! sed iam publica. Quid de medicinæ tandem, iuriûmque professione dictura est? R. Ad hoc ægri tui, clientisque respondeant; quid illis vnquam ad salutem corporis, victoriâque causarum titulus iste profuerit; tibi ad lucrum forsitan sæpe profuit. In hoc artes, siue artium nomina quaeritis; & quod scientiæ defuerit, suppletur titulis, atque habitu; verumque illud Satyrici.

Purpura vendit

Causidicum, vendunt amethystini

Nec id minùs.

Ut redeant veteres, Cicroni nemo darentos

Nunc dederit nummos, nisi falsus annulus ingens.

Postremò hæc tibi horum omnium summa erit, esse quosdam raros, quorum solida & honesta sint studia, horum finis est veritas ac virtus. Hæc est rerum notitia, morumque correctio; & vel vitæ mortalis ornameutum, vel æternæ aditus. Reliquorum verò quæ ingens turba est; pars gloriam petit, præmium inane, sed fulgidum: maiori autem parti vnus fulgor pecuniæ, finis est; præmium non exiguum modò, sed sordidum, &

labori impar, nec ingenuo dignum nisu. Hisque omnibus titulus, ut dixi, habitus non spernendus quidem: ad id enim, quod intendunt, valet. Nè pe omnium penè mortalium, & præsertim vulgi, horum ope egentis, animus, iudiciumque umbris cluditur. Magna pars rerum opinionibus agitur. At virtuti deditos, titulis gloriari, alienum prorsus, atque absonum: immò verò ne possibile quidem reor. Multa profiteor. R. Præstat vnum bene facere, quàm multa pròmittere. Bene irent res humanæ; si, quod profitentur homines, id essent.

De Titulis negotiorum. DIAL. XLVII.

Sic se virtutes capiunt, quid quæris in au'a?

Seis Dominos dubiam semper habere fidem.

GAV.

PROCURATOR Regis sum. R. Ergo hostis populi.
 J. Procurator fisci sum. R. Et Reipub. inimicus.
 G. Negotiorum gestor regius sum. G. Sua negotia gerere, laboriosum est; quid censeas aliena, præcipueque potentium? quibus placuisse perpetua seruitus, displicuisse discrimen, supercilium graue, paratumque, pro leui etiam offensione, supplicium. *GAV.* Negotia regis ago. R. A. Rationem duro sub iudice redditurus; nisi omnium spoliis, tuoque odio, & crimine vix implendam.
 G. Regia negotia procuro. R. Vide ne cum procuratio ipsa difficilis, tum difficilior sit ratio, tanquàm inextricabilis; ut quod de multis vidimus, patrimonium famam, tuumque caput implicet. *GAV.*
 Regius procurator sum. R. A. Displendum multis; ad extremum domino; quodque periculosius, Deo: proque leui regis emolumento, grauia regni mala, & ingentia damna populorum vel dissimulanda, vel perpetranda. *GAV.* Procurator regius.

gius factus sum. *R.* Quo primum die inuisum hoc officium domustur lumen attigit. tibi vinere desisti; libertas inde, & quies, & iucunditas abiire; pro his seruitus, labor, occupatio, metus, dolor, afflictio, & mordaces subierunt curæ. Iam non vivis, etsi spires: occupatorum enim vita, mors est: qui, cum miseri omnes sint, illi sunt omnium miserissimi, qui pro aliis, maximè que pro regibus, aut tyrannis, seu quibuscunque potentibus occupantur. *T.* At sum iudex. *R.* Sic iudica quasi mox ab alio iudicandus. Vnus est omnium iudex. Vnum tribunal incorruptum: ante illud stabitis mortales. Quid falsi corio iudicis, sellæ iudiciariæ, impresso, & barbarica admonitione iustitiæ opus est? Ea in sella quisquis iudicum sedet: vbi, si iniuste iudicabitur nec pecunia nec gratia, nec falsi testes nec indignæ preces, nec inanes minæ, nec disertæ proderunt patroni. *GAU.* Consul patriæ meæ sum. *R.* Difficillima gloria, rarum est quidem sic consulere, ut pro sis & placeas: ut sit enim in verbo veritas, in consilio fides, in commisso silentium, in oratione suauitas, euentum fortuna moderabitur, is consilio pretium dabit. *G.* Præfectus urbis sum. *R. A.* Belluam indomitam [utque ait Flaccus] Capita multorum tenui frenas loro, atque immensam solus agitatam magnis fluctibus puppim, regis, parua domus agrè regitur, magnæ urbis, quàm difficile sit regimen, videto. Parumne tibi curarum domi erat; qui publicas adoptasti? Quid, quòd non difficile modò iam officiū, sed vile est: præfectum urbis, villicum Satyricus vocat, statum notans temporum illorum: qui si tunc villicus, quid nisi nunc Syluicus, seu Syluanus sit. Cœperat ea ætate villa esse Roma, iam Sylua est. *G.* Sum præses p[ro]vinciæ. *R. A.* Honorato exilio damnatus o-

tium domesticum externa sollicitudine permu-
tasti. Dulce nihil aut tranquillum speres; amara,
& turbida præsidentium sors, festis diebus ludis-
que & conuiuiis arcentur, muneribus clausum li-
men & apertum litibus testum iocis vacuum, ple-
num querimoniis ac iurgiis. Quicquid langui-
dum, quicquid ægrum, quicquid marcidum in
prouinciæ visceribus latet, totum tibi tractandū,
curandūque obtigit: durum opus, quanti nem-
pe negotij sit, multos corrigere, hinc patet, quod
sele corrigunt paucissimi.

De Militari dignitate. DIAL. XLVIII.

*Nulla fides pietasque uiris, qui castra sequuntur;
Est cupidus belli, mortis aperta via.*

G. IV.

Militari cingulo exornatus sum. *R.* Pauca
ne tibi vitæ mala visa erant, nisi militiam
addidisses; qua vel inquietus semper, vel
inglorius, vel periculo expositus, vel contemptui
sis oportet. *Militiam sum professus. R. A.* Hanc
nascendo profitemini: quid professione alia opus
erat? Hic ferro corpus, hic animus dolis, hic ar-
gutiis linguam armat. Nemo vestrum est inermis,
hic ferit, hic ædificat, hic declamat, ille causas o-
rat, hic pedibus ille equo, seu carpento vehitur,
hic currit, hic nauigat, hic paret, ille imperat. Ne-
mo vestrum otiosus. Quænam hæc noua militia
est? Hic in castris, hic in rostris, hic in scholis, hic
in nemore, hic in agro, hic in pelago, hic in pala-
tio, hic domi hic peregrè vitam agit: omnes mili-
tāt, neq. homines modò sed militare in syluis Ca-
tulū, Flaccus ait. Et militantiū quidē multa sunt
genera. Militia vna est vita hominis super terram;
quam, qui militiam diffiniuit, ille mihi denu-

VERO

vero & acri iudicio rem librauit, modò militiæ prælium addidisset. G. Armata militiæ sum ascriptus. R. Quid armaris exterius? Intus in anima bellū est illam vitia obsident atque oppugnant. Quis hic ferro locus, nisi illud ad ornatum corporis, non ad animæ tutelam induitur? Sunt enim qui dicant, nihil pulchrius viro armato. Ecce, quid peccus, & quid caput ferreū pulchrius habeat, quàm pacificum, & inerme, non video. Quando autem hæc voluptas tibi est, age, ferro membra constringito; imbrem, solemque galea excipies, ferro indutus, clypeo operiere, humi dormiens, classico excitabere: adeptus tibi magnum aliquid videbare, sed errabas anceps, & cruentum officium elegisti. Multæ sunt autē fraudes spei, multæ sunt, fateor, catenæ, quæ animos boni illius, quod omnia appetunt inconsultè auidos, in exitium trahunt: neque inficior, quosdam militiæ ad amplissimas opes, siue etiā ad summū imperium peruenisse. Crede autē mihi, plures ad inopiam, ad carcerem, ad seruitutem, ad violentam, subitamque mortem, eodem tramite peruenerunt. Tu, ex quo militiam profiteri animus fuit nisi dehonestare artificium tuum vis semper animam in numero habere, oportet: semperque aures tuas Casarea vox illa circumtonet: Disce ferire; Disce mori. Syllaba vna brevis, aut longior, tua facta variabit; vel occides; vel occides. Ad vtrumlibet, horis, locisque omnibus te paratum exhibe. Hæ artes deliciæ tuæ erunt. Sine verò satyricum loqui, præmia militiæ numerantem: innumerabilia equidem præfatus vix paucissima colligit, in quib. prima, & summa licentia est peccandi; præmiū hercle, non tam iustis viris optabile, quàm armatis legibus [ut aiūt] inter arma silentibus. G. Militiæ filium ascripsi.

R. Est id fermè vſitatum, vt militis filius, miles ſit. Non poteſt enim, niſi quam habet hereditatem, filio pater dare, Arcum, ſcutum, gladium & bellũ, & quod ludum conficit auro tinſta calcaria. Sed quod patri diximus, ſibi filius dictum ſciat. G. Belli dux, victoriis clarus ſum. Quantò melius pacis dux, virtutibus clarus, eſſes. GAV. Multa bella confeci. R. Quiſtem tibi atque aliis abſtulisti: clarum opus ! Victoriis ac triumphis notus ſum. R. Sæpe malum bono notius, & atra tempeſtas ſerenitate famoſior; denique paraſti buſto titulos, & vulgo fabulam; tibi nihil.

De Amicitia Regum. DIAL. XLIX.

Iaſteram fama, & rerum dat curia Regum;

In domibus Regum, rara auis eſt probitas.

GAV.

QUæſui mihi Regum amicitias. R. Homini verò amicitia rara eſt. Tu tibi Regũ fingis amicitias, quos fortuna ſplendor, tumorque animi, omnium imparium contemptores facit. G. Regibus charus ſum. Vilis ergo tibi eſt anima, virtus, fama, quies, otium, ſecuritas: notus eſt mos Regum. Vix diligunt, niſi qui his omnib. neglectis & abiectis, illorum ſe ſcruitia, ac libidinis, & auaritię ſeruum fecit. Si ergo es charus Regibus, non eſt, quod amplius de te quæram; vilis eſt tibi. G. Ego autem bonitate, ac virtute ſum charus regibus. A. Quid reſpondes Criſpo? Nam regibus, inquit, boni, quàm mali ſuſpectiores ſunt: ſemperque his aliena virtus formidoloſa eſt. G. Regi meo bonis artibus ſum charus. Quibus, quaſo, aucupio an venatu [horum enim ſtudioſum, in præcedenti te colloquio quodam notaui.] An veno militia, de qua proximè diſputatum eſt: quæ,
mili

nisi largo sanguine, magnisq; periculis honestetur non militię, sed militaris ignavię nomen tenet. nō Regū modo iudicio sed vulgi. G. Bonis artib. regi charus sum. R. Vanitate an periculo an crimini- bus? fortassis homicidio, veneficio, lenocinio, pro ditione, blanditiis atq; mendaciis, mala peste, sed publica. quanquam vsus excuset, & commendet urbanitas. Hæ sunt quidem artes promerendis re- gibus aptiores; quibus inimicius nihil est, quàm virtus, & litera. In his igitur nulla spes ad amicitias regū; odij potius causa sunt. Sic inter sapien- tiā, ac fortunā rara est pax. G. Magnus apud regem sum. R. Maiore. quàm apud Alexandrū Lyfima- chus apud Tiberium Seianus? vtriusq; magnitu- dinem, & ruinam noli. Etsi de primo varient scri- ptores, linquo alios longa est historia. G. Charus sum regi meo. R. Melius esses incognitus, melius forsitan odiosus: fugeres, quod nunc sequeris. di- scrimen. Peior est auibus inuitantis aucupis blan- da modulatio, quàm villici sonitus deterrentis. G. AV. Meo sum charus regi. R. Sunt, quorum du- bites periculosi: orne sit charitas an odium: peio- res serpentibus; quibus insunt veneni mixta re- media. In his verò nil. nisi pestilens ac nocivum inest, seu oderint seu diligant; propè par malum, nisi quòd odium fugat amor detinet. Et ad sum- mam, regum amicitias, præter regna ipsa nil un- quam inquietius, nilque periculosius: etsi hoc pe- riculum non ignorem, frustra sæpe multis opta- tum, sæpe magnis emptum, quæsitumque pericu- lis. Sic est vsus hominum: sic periculis emitur pe- riculum; multis vnum, magnis maximum. Mira- res: bonum ingens spernitur gratuitum; magnis malis maius malum quæritur. G. Spero me Regi meo charum. R. Id, de quo speras, quale sit, cogi-

ta : fundamentum fragile , tremulum caducum
crebra notæque regum indicant ruina: Vertex nu-
bilosus turbidus inquietus: quod sic esse vita Re-
gum probat tristis, occupata, difficilis. Vide ergo,
ubi straxeris: ut fortuna, sic voluntas regum varia,
& inconstans, ac semper incerta : quanquam nec
stantibus illis, boni aliquid ista res habeat, mali
multum. G. Amicitiam regis mei, multis pericu-
lis ac sudore promerui. R. A. Heu quantò tutius,
quantòque facilius Regis omnium amicitiam
meruisses.

De Amicorum abundantia. D I A L. L.

Non tecum qui sunt, veri sunt semper amici :

Qui manet aduersi rebus, amicus erit.

G. & P.

Amicitiis abundo. R. Mirum tibi vni, rei hu-
ius abundantiam esse; cuius quidem, cun-
ctis hominibus penuria tanta sit, ut, ex o-
mnib. sæculis vix paucissima memorentur amico-
rū patia. Mihi amicitia multæ sunt. R. Fucata i-
gitur. Veræ enim amicitia rarum bonum usq; a-
deo, ut qui vnā, longa licet in ætate quæsierit,
negotiator rerum talium sat industrius habeatur.
G. Amicitiiis felix sum. R. Hoc scire non potes, nisi
rebus aliis sis infelix. Verum enim est illud:

Felix esse scit amari

G. Amicitie certæ sunt. R. Ergo & aduersitas cer-
ta est. Verum est enim illud quoque:

Amicus certus in re incerta utitur.

G. Amicitia multæ sunt. R. Huius rei iudicium
experientia committe, non fama, multa mentiri
solita: pauciores erunt fortassis, quàm reris. G. A-
micitiarum nimis magna copia est. R. A. Mitte su-
peruacua in rebus omnibus: qui quod satis est,
habet, amplius non requirat. R. A. V. Amicorum
satis.

satis magna copia est. *R.* At id ipsum neque populo Romano tum, dum maxime floreret, neque ulli mortalium contigisse, apud illustrem legis historicum. *G.* Amicitia multa sunt. *R.* Dixi iam ficta igitur, aut equidem imperfecta [ut philosophis placet] quoniam fieri potest, ut vno tempore cum altero amicorum sit gaudendum, flendumque cum altero: aut inter illos, orto odio; vel hinc fidem, vel illinc, vel utrinque, deserere sit necesse. *G. V.* Copia est utilium, ac delectabilium amicorum. *R. A.* Sentio; ad vulgares amicitias descendis, quæ tamen, ipsæ simul plures esse vix possunt, quod multis retribuere, familiariterque convenire operosissimum sit animo præsertim in executione cuiuspiam difficilis, atque ingentis operis occupato. *G. AV.* Amicos, qui prosint, & delectent, habeo. *R. A.* Caduca amicitia, quarum delectatio, vel utilitas, fundamentum est, Nam, & stantibus illis tremunt & recedentibus, ruunt. Id non possibile tantum, sed per facile; immo verò propè necessarium; quod hæc plerunque vel fortunam sequuntur, vel a ratem fortunæque gratiam, quibus nihil incertius. At, quæ in virtute fundantur, immortales sunt, eo quod virtus ipsa quiddam stabile, firmumque sit, & [ut verbo utar Aristotelis] mansurumque, quoniam inori nequit. Ideo, quos propter honestum dileximus, diligimus vel extinctos. *G. AV.* Amicos ni fallor, fidos habeo, *R. A.* Vide autem, ne fallaris, neve experiri cupias. Nam sæpe, cuius rei fuerat dulcis opinio, amarum fuit experimentum. *G. AV.* Amicos, puto bonos habeo. *R. A.* Vnde id putes, etiam atque etiam examina; atque illud imprunis, quantum ipse ames. Sunt enim, qui non amant, & amari putant, quo nihil est stultius; isque communis error diuinitum; amorem pretio emicredunt,

qui mutuo quæritur amore. Generosissima res est bonus animus; non herbis, neque carminibus magicis mouetur: non auro, aut gemmis, non, ad extremum, ferro flectitur: amando vincitur colendoque. Eoque hoc Hecastanis Græci philosophi amatorium notissimum; quod Senecæ placuit, & mihi. Si vis amari, ama; quanquam & hoc ipsum sæpe frustra est tam multæ, tamque imperscrutabiles, ac profundæ sunt pectorum cavernæ; tam venenosi, atque inhumani, & implacabiles quondam animi ut & culti spernant, & amari odeant; nec contenti nullam pio affectui vicem reddere [quod nec belluis quidem, nisi atrocissimis accidit] exasperantur obsequi, & [si credi potest] amore ad odium irritantur: quod periculosissimū, & inter vitæ mala grauissimum, humana simplicitas experitur. G. Credo amicos optimos habere. R. A. Est hoc quidem amicitia perpetuum epitheton, quod, etsi linguæ absit, adest intellectui. Itaque breuius loqui potes. Dic amicos; vnà optimos dixeris. G. Habere amicos credo. R. A. Caue, ne falsum credas; ne quando te aliter credere ipsa res cõgat. Abyssum animi metiri non est nominis: nunc amicos vina conciliant? lachrymæ autem probant, & quod debuit primum esse, nouissimum est. G. Amici in hoc statu rerum multi sunt. R. A. Rerum, credo, feliciū. Ita enim fermè accidit, ut etsi fortuna omnis amicitia egeat, illi tamen amicorum copia maior sit, cui rerum ceterarum indigentia minor est, sic inopiam semper inopia, copiamque comitetur copia. Crescat, siue adueniat egestas, decrescant, seu abibunt, seu uerius detegentur amicitia; qui amici tui fuerunt, qui fortunæ, illa videbitur abeunte. Te tui sequetur. Illam sui; hæc melior, illa densior caterua. Nec est.

est, quod mirari debeas, vase exhausto, illos abscedere, qui solam vini dulcedinem sequebantur. Adversitas simulatorem abigit, fex potorem. *G.* Innumerales habere videor amicos. *R. A.* Bene ais, videor. Vnde tibi autem hæc opinio, cum omnium veræ amicitia rata sint, innumerabiles tuas esse? Persuasum autem debet esse in primis, nisi inter bonos, amicitias non constare; hinc iam certius æstimabis: quot, non dicant tibi, sed humano generi amicitia pura sint, cum numerare cœperis, quot sint boni. *G.* Amicos habeo complures. *R. A.* Notos dic idque, quàm veraciter sis ducturus, in dubio est. Nullum enim animal, nulla merces difficilius cognitu, quàm homo. *AV.* Amici multi sunt mihi. *R. A.* Contubernales forsan, aut conuiuæ. Hi enim nisi epulæ defuerint, non deerunt. Amici autem semper pauci, sæpe nulli, sæpe [quod iniquissimum est] amici nomen, domesticus hostis tenet, & sub velo fidæ beneuolentiæ, familiares insidiæ delitescunt. *G.* Supra necessitatem sunt amici. *R. A.* Apprimè necessarius ferè omnibus, maximeque potentibus deest semper; qui scilicet inter tot assentatorum mendacia, verum loqui audeat, & velit: quæ in re multis, amico vtilior hostis fuit. *G. AV.* Multos habeo amicos. *R. A.* Crede mihi, pluribus indiges, sanctiorque esset orbis terrarum, & quietior, si tot essent amicitia, quot feruntur. *G. AV.* Amicum habeo. *R. A.* Multum est. Nil amico charius, nil rarius.

De Amicis incognitis nisi per famam. D I A L. LI.
Munera si dederis, multos numerabis amicos.

At tu sæpe manum contrahere, nullus eris.

G. AV.

Fama præsens, absentes mihi peperit amicos.
R. A. Est id quidem aliquando visum, ut non

visum;

1-)

1-)

solum incognitos, sed hostes quoque fama faciat
 amicos. Fecit Masinissam Scipioni: ut qui in omni
 Carthagenensium equitatu primus esse consueve-
 rat, in omni Romanorum equitatu, aduersus Car-
 thaginem primus esset: neque hostes tantum pro-
 prios; sed prædones; qui publici omnium morta-
 lium hostes sunt, eidem illi famæ splendor attra-
 xit; qui Lintherni ad eum in exilio habitantem, fa-
 cto agmine venientes, sic, ut primo aspectu terri-
 biles viderentur; ubi se suspectos intellexerunt, po-
 sitis minis, atque armis, & dimissis satellitibus, in-
 suetam mansuetudinem induti; soli prædonum
 principes accesserunt, eumque ceu numen aliquod,
 domumque eius, ut templum deuotissimum vene-
 rat; dextra illa victoriosa multis osculis fatigata,
 affixisque muneribus domus in limine, qualia
 Deorum aris affigi mos tunc erat, quasi ingenti lu-
 cro æuæ quod virum illum conspexissent, & tan-
 quam cœlesti visione alacres abierunt. Hoc illi vi-
 ni contigit. Quære alium: ubi eum, queso reperies?
 Ut tamen aliis accidat, & nominis claritas absen-
 tem conciliet amicum [multum enim in rebus,
 non inficior, potest fama] nuquid tamen non ve-
 rendum erit, ne [quod ait quidam] Minuat præsen-
 tia famam? quam multi, quos absentes stupuerant,
 coram positos contempserunt? Tenet res est iudi-
 cium humanum: facile flectitur. G. Fama mihi ami-
 cos trans alpes, & trans maria quæsiuit. K. Vestra
 ferè omnia friuola æquè, & inania sunt. Nam quis
 usus, aut quis fructus fuerit illius, à quo nec visus,
 nec videris, quemue, nec videris, nec visurus vn-
 quam sis? Vitia vestra præsentis quoque amicitias
 inutiles faciunt & infidas; quamuis non sint illæ
 quædam, sed dicantur amicitie. Quid nunc igitur
 de his amicitiiis speres? Vide. Obsequium a-

micos parere ait Comicus. Immò hercle veriamini vix multis obsequiis pariuntur. Tu credis amicum paucis forte, & ne tuis quidem verbis, quassuisse? bonæ speies. G. Fama ab extremo terræ mihi attulit amicum. R. Fama contraria illum tibi auferret, eoque facilius, quò patentiores malis quàm bonis relatibus aures sunt. G. Fama mihi bonum peperit amicum. R. Vnde seis, quàm bonus sit, quem nūquam videris, rogo; cum illi ipsi, quos quotidie vides, atque alloqueris, quales sint, tanto in tempore, nondum scias. Sæpe vos credulitas vestra circumuenit: libenter creditis, quod optatis. Multum fidei famæ tribuitis mendaci. Speras eius animum videre, cuius nunquam frontem videris, cum sint inter notissimos quoque, tot pectorum diuersoria, tot latebræ? Difficile est enim amicum, nisi in magna aduersitate, cognoscere; operosius est illum nosse, quàm quærere. Vna sæpe hora paucis verbis quæritur, qui vix multis annis, atque experientis agnoscitur. Voco autem amicum, vt vulgus. Verus enim, non antè quæritur, quàm probetur. Nec amicum probant aliorum verba; certè nec propria sed experta charitas fidésque. G. Amicum mihi de longinquo fecit fama. R. De te aliquid mentiundo, quispiam tibi amicum dedit. De re vera loquendo, vel forsitan mentiundo itidem, tibi hunc ipsum aliter eripiet. Quibus viis fiunt crescuntque omnia, eisdem faciliè resoluuntur. Et natura vult, vt cito aucta, citò desinant.

De Amico unico fidei. D I A L. L I I.

Verus amicitia cultor, pretiosior auro est,
Et gemmis. Sed enim, dic mihi, ubi inuenias?

GAV.

1 ij

1 ij

Amicum vnum fidum, & expertum habeo. *R.* Sæpe, & experiendo, vestrum errat acumen; & dum vos ipsos peritissimos iudicatis in hoc ipso, ac perinde, ceterarum rerum, in æstimatione fallimini. *G.* Scio ego [non æstimo] iam cum mihi esse fidelissimum. *R.* Et quot putas idem credentes; immò, ut sibi videbantur, & scientes; cū ad arctissimum ventum esset examen, sese lufos inuenerunt? Vnde verò tot quotidie de amicis prodeunt querelæ? nisi quia, quos fidissimos habebatis, inuenistis infidos. Nullius rei tam difficilis, quàm humani animi coniectura æstimatioque est. *G.* Nihil coniicio, nihil æstimo, ut dixi, sed scio amicum verissimum me habere. *R.* Habes rem, aut optimam, aut pessimum errorem. *G.* Nullum rei huius errorem habeo, sed amicum multis, ac magnis expertum casibus. *R.* Habes ergò rem dulcissimam, sanctissimamque; qua vna, post virtutem solam, nihil homini melius in hac vita, seu natura, seu casu aliquis seu labor, ac studium dedit. Dulces, fateor parentes, dulces filij, dulces fratres: possunt tamen amarescere; nec parentes ideò, nec fratres quidem desierunt esse, nec filij cum dulces esse desierint; at amicus solus [dum sit verus] dulcis, & charus esse non desinit. Chari inquam, sunt parentes; nonne autem Iupiter Saturnum regno patrem expulit? Nicomedes, Prusiam Bithyniæ regem, suum patrem, consilia licet necandi filij agitantem, vita priuauit: & Ptolomæus, hinc philopator dictus, patre, ac matre, insuper & fratre occisis; ad vltimum & uxore Euridice interfecta, regnum Aegypti scortorum sic rexit arbitrio, ut nihil in regno proprium haberet, præter nudum, & inane regis nomen? Nonne & Orestes Clytemnestram matrem? Agrippinam Nero? Antipater

ter Theſſalonicem interfecit? Chari filij: nonne Theſeus Hippolytum caſtiſſimum? Philippus rex Macedoniæ, Demetrium filium adoleſcentem optimum iuſſit occidi? Nonne & Ptolomæus alter, aduerſum pietati nomen, & ipſe quoque fidiſſimus rex Ægypti duos? Et Herodes rex Iudææ, vnum? Et Conſtantine Romanorum Imperator vnum quoque, Crispum filium interemit? Nonne Maleus, dux Carthaginienſium Carthalonem filium crucifixit? Quin & matres, quarum amor hinc intenſior, hinc mitior ſexus, in filios ſæuerunt. Nota omnibus Medea. Quid Laodice Cappadociæ regina, quæ regnandi cupiditate, filios quinque maſtauit? Chari, inquam, parentes [repero enim] chari filij, chari fratres. At [vt vno exemplo omnis claudatur impietas] Phraates rex Parthorum, omnium regum ſceleſtiſſimus, omniumque mortalium regnandi, non cupiditate, ſed rabie furiſque actus, Orodem ſenem, & afflictum patrem, ad hæc & triginta fratres ſuos, dicti regis filios, ſuumque inſuper filium occidit ne quis ſuper eſſet in Parthia, qui regnaret. Sed vetuſta hæc. Nunquid non & recentiore memoria inter patrē, & filium, de regno, in Britannia certatum audiimus? & nudiuſtentius inter fratres in Hispania decertari vidimus? quanquam talium odiorum, & maximè fraternorum, crebra adeo, & noua & vetera ſint exempla, vt penè laborioſius ſit exquirere, qui amici fratres fuerint, quàm qui hoſtes, vtrunque poſt ponimus: Remedia enim nunc, non exempla colligimus. Quid Præterea? An non chari coniuges, charæ vxores? Sed interrogabis Agamemnonem & Deiphobum; &, de veſtris, Claudium Caſarem, ac minorem percunctaberis Africanum. Hi tibi, quàm chari fuerint vxoribus

suis dicent: contrà verò Octauiam sciscitare, & Ar-
 sinoem, quid illa de Nerone suo, hæc de suo sentiat
 Ptolomæo. Illa de adoptiuo, hæc de naturali fra-
 tre, vtraque de marito. illa quidem in seipsa, hæc
 in filiis experta, testabitur. Eminentia, vt vides, &
 clara decerpimus: vulgus: & vrbes. & communem
 vitam hominum, his plenam querimoniis, præteri-
 mus. Quibus ita se habentibus, cum in omni gene-
 re illorum, qui charissimi videantur, odiis sæpe la-
 tentibus, sæpe etiam manifestis, multa insit amari-
 tudo; sola amicitia odiis vacat. Nemo vnquam
 non dicam occidit, aut perdidit amicum, sed ne læ-
 sit quidem volens. Quamobrem si amicum ve-
 rum, qualem prædicas inuenisti, magnas te diui-
 tias inuenisse credito; illud vide, [vt magna pars
 hominum rebus dedita vilibus, nobiliumque con-
 temprix, & agris, aut mercibus, quàm amicitiiis,
 ac virtutibus colendis intentior] quod optimum
 nactus es, negligas. Si tantam curam impenditis
 custodia auri, & argenti, atque orientalium lapil-
 lorum, quæ sunt terræ facies, & pelagi purgamen-
 ta; quanta diligentia amici cultui impendenda est,
 rei pretiosissimæ, ac diuinæ? Nequa vnquam re of-
 fensus ne quo vnquam verbo alienatus effugiat, se-
 rumque audias illud ecclesiasticum: Sicut qui di-
 mittit auem de manu sua, sic reliquisti proximū
 tuum, & non eum capies, non illum sequeris, quo-
 niam longè abest. Effugit enim, sicut caprea de la-
 queo, quoniam vulnerata est anima eius; vltra
 eum non poteris colligare. Proinde ingens bonum
 habes, ac suaue; operosum tamen, ac difficile, qua-
 situ, inquam, operosum, & custodia. Magnus the-
 saurus est amicus, sed magna seruandus cura, ma-
 gno, si pereat, lugendus fletu.

De

Quando foramen acus poterit penetrare camelus,

Tunc poteris diues regna videre polv.

GAV.

Sed abundo opibus. R. Iam non miror, si & amicitiiis abundare visus eras. Non est nouum, neque insolitum, locupletū limina vulgaribus amicitiiis & simulatis obsequiis frequentari. G. Opum magna vis est mihi. R. Anceps, & onerosa felicitas, & quæ plus inuidiæ sit habitura, quam gaudij. G. Diuitiæ exundantes sunt. R. Non statim ideo exundans quies, exundansque iucunditas: vix diuitem inuenias, qui non sibi melius fuisse in mediocritate, vel honesta et iam paupertate, fateatur. G. Multæ mihi accreuerunt diuitiæ. R. Securitas, gaudium, tranquillitas decreuerunt, quæ, si cum illis crescerent, non amari tantum diuitias peterem, sed hortarer. G. Opes multas habeo. R. Habes rerum quæ situ difficilem, custoditu anxiam, amissu fiebilem. G. Magnæ mihi diuitiæ sunt. R. Sparsæ si fuerint, decrescunt, seruata non te diuitem, sed occupatum, non dominum facient, sed custodem. G. Diuitias habeo ingentes. R. Vide ne potius habere; hoc est, ne non diuitiæ tuæ sint, sed tu illarum, neque illæ tibi seruiant, sed tu ipsis. Nam, si nescis, plures multo sunt, qui habentur, quam qui habent, multoque crebriores, quos propheticus sermo notat; Viros diuitiarum, quam diuitias virorum; sic vos vestra cupiditas, vilitasque animi, de dominis seruos facit. Vsus quidem pecuniæ notus est, ut naturæ necessaria comparentur; pauca simul, & exigua, longèque facilia: quicquid excesserit, graue est; nec iam diuitiæ, sed vincula, sed compedes: nec iam corporis

ta : fundamentum fragile , tremulum caducum
 crebrae notaeque regum indicant ruina: Vertex nu-
 bilosus turbidus inquietus: quod sic esse vita Re-
 gum probat tristis, occupata, difficilis. Vide ergo,
 ubi straxeris: ut fortuna, sic voluntas regum varia,
 & inconstans, ac semper incerta : quanquam nec
 stantibus illis , boni aliquid ista res habeat, mali
 multum. G. Amicitiam regis mei, multis pericu-
 lis ac sudore promerui. R. A. Heu quanto tutius,
 quantoque facilius Regis omnium amicitiam
 meruisses.

De Amicorum abundantia. D I A L. L.

Non tecum qui sunt, veri sunt semper amici :

Qui manet aduersi rebus, amicus erit.

G. & V.

Amicitiis abundo. R. Mirum tibi vni rei hu-
 ius abundantiam esse; cuius quidem, cun-
 ctis hominibus penuria tanta sit, ut, ex o-
 mnibus saeculis vix paucissima memorentur amico-
 rum paria. Mihi amicitiae multae sunt. R. Fucata i-
 gitur. Verae enim amicitiae rarum bonum vique a-
 deo , ut qui vnam, longa licet in aetate quaesierit,
 negotiator rerum talium sat industrius habeatur.
 G. Amicitiis felix sum. R. Hoc scire non potes, nisi
 rebus aliis sis infelix. Verum enim est illud:

Felix est esse amari

G. Amicitiae certae sunt. R. Ergo & aduersitas cer-
 ta est. Verum est enim illud quoque:

Amicus certus in re incerta curat.

G. Amicitiae multae sunt. R. Huius rei iudicium
 experientiae committe; non fama, multa mentiri
 solita: pauciores erunt fortassis, quam reris. G. A-
 micitiarum nimis magna copia est. R. A. Mitte su-
 peruacua in rebus omnibus : qui quod satis est,
 habet, amplius non requirat. G. V. Amicorum
 satis.

fatis magna copia est. *R.* At id ipsum neque populo Romano tum, dum maximè floreret, neque ulli mortalium contigisse, apud illustrem legis historicum. *G.* Amicitia multa sunt. *R.* Dixi iam fictæ igitur, aut equidem imperfectæ [ut philosophis placet] quoniam fieri potest, ut vno tempore cum altero amicorum sit gaudendum, flendumque cum altero: aut inter illos, orto odio; vel hinc fidem, vel illinc, vel utrinque, deferere sit necessè. *G. V.* Copia est utilium, ac delectabilium amicorum. *R. A.* Sentio; ad vulgares amicitias descendis, quæ tamen, ipsæ simul plures esse vix possunt; quod multis retribuere, familiaritèrque convenire operosissimum sit, animo præsertim in executione cuiuspiam difficilis, atque ingèris operis occupato. *G. A. V.* Amicos, qui prosint, & delectent, habeo. *R. A.* Caduca amicitia, quarum delectatio, vel utilitas, fundamentum est, Nam, & stantibus illis tremunt & recedentibus, ruunt. Id non possibile tantum, sed per facile; immò verò propè necessarium, quod hæc plerunque vel fortunam sequuntur, vel astatem fortunæque gratiam, quibus nihil incertius. At quæ in virtute fundantur, immortales sunt, eo quod virtus ipsa quiddam stabile, firmumque sit, & [ut verbo utar Aristotelis] mansurumque, quoniam mori nequit. Idèò, quos propter honestum dileximus, diligimus vel extinctos. *G. A. V.* Amicos ni fallor, fidos habeo. *R. A.* Vide autem, ne fallaris, nève experiri cupias. Nam sipe, cuius rei fuerat dulcis opinio, amarum fuit experimentum. *G. A. V.* Amicos, puto bonos habeo. *R. A.* Vnde id putes, etiam atque etiam examina; atque illud imprunis, quantum ipse ames. Sunt enim, qui non amant, & amari putant, quo nihil est stultius; isque communis error diuturnus; amorem pretio emicredunt.

qui mutuo quaritur amore. Generosissima res est bonus animus; non herbis, neque carminibus magicis mouetur: non auro, aut gemmis, non, ad extremum, ferro flectitur: amando vincitur colendoque. Eoque hoc Hecastanis Græci philosophi amatorium notissimum; quod Senecæ placuit, & mihi. Si vis amari, ama; quanquam & hoc ipsum sæpe frustrâ est tam multæ, tamque imperscrutabiles, ac profundæ sunt pectorum cavernæ; tam venenosi, atque inhumani, & implacabiles quorundam animi, ut & culti spernant, & amati oderint; nec contenti nullam pio affectui vicem reddere [quod nec belluis quidem, nisi atrocissimis accidit] exasperantur obsequi, & [si credi potest] amore ad odium irritantur: quod periculosissimū, & inter vitæ mala grauissimum, humana simplicitas experitur. G. Credo amicos optimos habere. R. A. Est hoc quidem amicitiae perpetuum epitheton, quod, etsi linguæ absit, adest intellectui. Itaque breuius loqui potes. Dic amicos; vnâ optimos dixeris. G. Habere amicos credo. R. A. Caue, ne falsum credas; ne quando te aliter credere ipsa res cõgat. Abyssum animi metiri non est nominis: nunc amicos vina conciliant? lachrymæ autem probant, & quod debuit primum esse, nouissimum est. G. Amici in hoc statu rerum multi sunt. R. A. Rerum, credo, feliciū. Ita enim feruē accidit, ut etsi fortuna omnis amicitias egeat, illi tamen amicorum copia maior sit, cui rerum cæterarum indigentia minor est, sic inopiam semper inopia, copiamque comitetur copia. Crescat, siue adueniat egestas, decrescat, seu abibunt, seu veriùs detegentur amicitiae; qui amici tui fuerunt, qui fortunæ, illa videbitur abeunte. Te tui sequentur. Illam sui; hæc melior, illa densior cæterua. Nec est.

est, quod mirari debeas, vase exhausto, illos absce-
dere, qui solam vini dulcedinem sequebantur. Ad-
uersitas simulatorem abigit, fex potorem. *G.* Innu-
merabiles habere videor amicos. *R. A.* Bene ais, vi-
deor. Vnde tibi autem hæc opinio, cum omnium
veræ amicitia ratæ sint, innumerabiles tuas esse?
Persuasum autem debet esse in primis, nisi inter
bonos, amicitias non constare; hinc iam certius
æstimabis: quot, non dicant tibi, sed humano ge-
neri amicitia puræ sint, cum numerare cœperis,
quot sint boni. *G.* Amicos habeo complures. *R. A.*
Notos dic idque, quàm veraciter sis ducturus, in-
dubio est. Nullum enim animal, nulla merces dif-
ficilior cognitu, quàm homo. *AV.* Amici multi
sunt mihi. *R. A.* Contubernales forsan, aut conui-
uæ. Hi enim nisi epulæ defuerint, non deerunt. A-
mici autem semper pauci, sæpe nulli, sæpe [quod
iniquissimum est] amici nomen, domesticus ho-
stis tenet, & sub velo fidæ beneuolentiæ, familia-
res insidiæ delitefcunt. *G.* Supra necessitatē sunt
amici. *R. A.* Apprimè necessarius ferè omnibus,
maximeque potentibus deest semper; qui scil. in-
ter tot assentatorum mendacia, verum loqui au-
deat, & velit: quæ in re multis, amico utilior ho-
stis fuit. *G. AV.* Multos habeo amicos. *R. A.* Crede
mihi, pluribus indiges, sanctiorque esset orbis ter-
rarum, & quietior, si tot essent amicitia, quot fe-
rantur. *G. AV.* Amicum habeo. *R. A.* Multum est.
Nil amico charius, nil rarius.

De Amicis incognitis nisi per famam. D I A L. LI.
Munera si dederis, multos numerabis amicos.

At tu sæpe manum contrahere, nullus eris.

G. AV.

Fama præsens, absentes mihi peperit amicos.
R. A. Est id quidem aliquando visum, ut non

solum incognitos, sed hostes quoque fama faciat
 amicos. Fecit Masinissam Scipioni: ut qui in omni
 Carthagenensium equitatu primus esse consueve-
 rat, in omni Romanorum equitatu, aduersus Car-
 thaginem primus esset: neque hostes tantum pro-
 prios; sed praedones; qui publici omnium morta-
 lium hostes sunt, eidem illi famae splendor attra-
 xit; qui Lintherna ad eum in exilio habitantem, fa-
 cto agmine venientes, sic, ut primo aspectu terri-
 biles viderentur; ubi se suspectos intellexerunt, po-
 sitis minis, atque armis, & dimissis satellitibus, in
 suetam mansuetudinem induti; soli praedonum
 principes accesserunt, cumque ceu numen aliquod,
 domumque eius, ut templum deuotissimum vene-
 rati; dextra illa victoriosa multis osculis fatigata,
 affixisque muneribus domus in limine, qualia
 Deorum aris affigi mos tunc erat, quasi ingenti lu-
 cro aucti quod virum illum conspexissent, & tan-
 quam coelesti visione alacres abierunt. Hoc illi vi-
 ni contigit. Quare alium: ubi eum, queso reperies?
 Ut tamen aliis accidat, & nominis claritas absen-
 tem conciliet amicum [multum enim in rebus,
 non inficior, potest fama] nuquid tamen non ve-
 rendum erit, ne [quod ait quidam] Minuat praesen-
 tia famam? quam multi, quos absentes stupuerant,
 coram positos contempserunt? Tenera res est iudi-
 cium humanum: facile flectitur. G. Fama mihi ami-
 cos trans alpes, & trans maria quaesivit. R. Vestra
 ferè omnia friuola & aequè, & inania sunt. Nam quis
 usus, aut quis fructus fuerit illius, à quo nec visus,
 nec videris, quem nec, nec videris, nec visurus va-
 quam sis? Vitia vestra praesentes quoque amicitias
 inutiles faciunt & infidas; quamuis non sint illae
 quædam, sed dicantur amicitiae. Quid nunc igitur
 de his praesentibus amicitijs speres? Vide, Obsequium ha-
 beris

micos parere ait Comicus. Immò hercle veriamini
 ei vix multis obsequiis pariuntur. Tu credis amicum
 paucis fortè, & ne tuis quidem verbis, quæsi-
 uisse? bonæ speies. G. Fama ab extremo terræ mi-
 hi attulit amicum. R. 4. Fama contraria illum tibi
 auferret, eoque facilius, quò patentiores malis
 quàm bonis relatibus aures sunt. G. Fama mihi bo-
 num peperit amicum. R. Vnde seis, quàm bonus
 sit, quem nūquam videris, rogo; cum illi ipsi, quos
 quotidie vides, atque alloqueris, quales sint, tan-
 to in tempore, nondum scias. Sæpe vos credulitas
 vestra circumuenit: libenter creditis, quod optatis.
 Multum fidei famæ tribuitis mendaci. Speras eius
 animum videre, cuius nunquam frontem videris,
 cum sint internotissimos quoque, tot pectorum
 diuersoria, tot latebræ? Difficile est enim amicum,
 nisi in magna aduersitate, cognoscere; operosius
 est illum nosse, quàm quærere. Vna sæpe hora pau-
 cis verbis quæritur, qui vix multis annis, atque ex-
 perientis agnoscitur. Voco autem amicum, ut
 vulgus. Verus enim, non antè quæritur, quàm pro-
 betur. Nec amicum probant aliorum verba; certè
 nec propria. sed experta charitas fidésque. G. Ami-
 cum mihi de longinquo fecit fama. R. De te ali-
 quid mentiendo, quispiam tibi amicum dedit. De
 re vera loquendo, vel forsitan mentiendo itidem,
 tibi hunc ipsum alter eripiet. Quibus viis fiunt
 crescuntque omnia, cisdem facile resolvuntur. Et
 natura vult, ut citò aucta, citò definant.

De Amico unico fide'i. D I A L. L I I.

*Verus amicitia cultor, pretiosior auro est,
 Et gemmu. Sed enim, dic mihi, ubi inuenias?*

G A V.

Amicum vnum fidum, & expertum habeo. R. Sæpe, & experiendo, vestrum errat acumen; & dum vos ipsos peritissimos iudicatis in hoc ipso, ac perinde, ceterarum rerum, in æstimatione fallimini. G. Scio ego [non æstimo] amicum mihi esse fidelissimum. R. Et quot putas idem credentes; immò, vt sibi videbantur, & scientes; cū ad arctissimum ventum esset examen, sese lufos inuenerunt? Vnde verò tot quotidie de amicis prodeunt querelæ? nisi quia, quos fidissimos habebatis, inuenistis infidos. Nullius rei tam difficilis, quàm humani animi coniectura æstimatioque est. Nihil coniicio, nihil æstimo, vt dixi, sed scio amicum verissimum me habere. R. Habes rem, aut optimam, aut pessimum errorem. G. Nullum rei huius errorem habeo, sed amicum multis, ac magnis expertum casibus. R. Habes ergò rem dulcissimam, sanctissimamque; qua vna, post virtutem solam, nihil homini melius in hac vita, seu natura, seu casu aliquis, seu labor, ac studium dedit. Dulces, fateor parentes, dulces filij, dulces fratres; possunt tamen amarescere; nec parentes ideò, nec fratres quidem desierunt esse, nec filij cum dulces esse desierint; at amicus solus [dum sit verus] dulcis, & charus esse non desinit. Chari inquam, sunt parentes; nonne autem Iupiter Saturnum regno patrem expulit? Nicomedes, Prusiam Bithyniæ regem, suum patrem, consilia licet necandi filij agitantem, vita priuauit: & Ptolomæus, hinc philopator dictus, patre, ac matre, insuper & fratre occisis; ad vltimum & vxore Euridice interfecta regnum Aegypti scortorum sic rexit arbitrio, vt nihil in regno proprium haberet, præter nudum, & inane regis nomen? Nonne & Orestes Clytemnestram matrem? Agrippinam Nero? Antipater

ter Thessalonicem interfecit? Chari filij: nonne Theseus Hippolytum castissimum? Philippus rex Macedoniae, Demetrium filium adolescentem optimum iussit occidi? Nonne & Ptolomæus alter, aduersum pietati nomen, & ipse quoque fidissimus rex Aegypti duos? Et Herodes rex Iudææ, vnum? Et Constantinus Romanorum Imperator vnum quoque, Crispum filium interemit? Nonne Maleus, dux Carthaginiensium Carthalonem filium crucifixit? Quin & matres, quarum amor hinc intensior, hinc mitior sexus, in filios sauerunt. Nota omnibus Medea. Quid Laodice Cappadociae regina, quæ regnandi cupiditate, filios quinque mactauit? Chari, inquam, parentes [repero enim] chari filij, chari fratres. At [vt vno exemplo omnis claudatur impietas] Phraates rex Parthorum, omnium regum scelestissimus, omniumque mortalium regnandi, non cupiditate, sed rabie furisq; actus, Orodem senem, & afflictum patrem, ad hæc & triginta fratres suos, dicti regis filios, suumque insuper filium occidit ne quis superesset in Parthia, qui regnaret. Sed vetusta hæc. Nunquid non & recentiore memoria inter patrē, & filium, de regno, in Britannia certatum audiimus? & nudiustertius inter fratres in Hispania decertari vidimus? quanquam talium odiorum, & maxime fraternorum, crebra adeo, & noua & vetera sint exempla, vt penè laboriosius sit exquirere, qui amici fratres fuerint, quàm qui hostes, vtrunque post ponimus: Remedia enim nunc, non exempla colligimus. Quid Praterea? An non chari coniuges, charæ vxores? Sed interrogabis Agamemnonem & Deiphobum; &, de vestris, Claudium Cæsarem, ac minorem percunctaberis Africanum. Hi tibi, quàm chari fuerint vxoribus

suis dicent: contrà verò Octauiam sciscitare, & Ar-
 sinoem, quid illa de Nerone suo, hæc de suo sentiat
 Ptolomæo. Illa de adoptiuo, hæc de naturali fra-
 tre, vtraque de marito. illa quidem in seipsa, hæc
 in filiis experta, testabitur. Eminentia, vt vides, &
 clara decerpimus: vulgus: & vrbes. & communem
 vitam hominum, his plenam querimoniis, præteri-
 mus. Quibus ita se habentibus, cum in omni gene-
 re illorum, qui charissimi videantur, odiis sæpe la-
 tentibus, sæpe etiam manifestis, multa insit amari-
 tudo; sola amicitia odiis vacat. Nemo vnquam
 non dicam occidit, aut perdidit amicum, sed ne læ-
 sit quidem volens. Quamobrem si amicum ve-
 rum, qualem prædicas inuenisti, magnas te diui-
 tias inuenisse credito; illud vide, [vt magna pars
 hominum rebus dedita vilibus, nobiliumque con-
 temptrix, & agris, aut mercibus, quàm amicitiiis,
 ac virtutibus colendis intentior] quod optimum
 nactus es, negligas. Si tantam curam impenditis
 custodia auri, & argenti, atque orientalium lapil-
 lorum, quæ sunt terræ fæces, & pelagi purgamen-
 ta; quanta diligentia amici cultui impendenda est,
 rei pretiosissimæ, ac diuinæ? Nequa vnquam re of-
 fensus, ne quo vnquam verbo alienatus effugiat. se-
 rumque audias illud ecclesiasticum: Sicut qui di-
 mittit auem de manu sua, sic reliquisti proximū
 tuum, & non eum capies, non illum sequeris, quo-
 niam longè abest. Effugit enim, sicut caprea de la-
 queo, quoniam vulnerata est anima eius; vltra
 eum non poteris colligare. Proinde ingens bonum
 habes, ac suaue; operosum tamen, ac difficile, qua-
 situ, inquam, operosum, & custodia. Magnus the-
 saurus est amicus, sed magna seruandus cura, ma-
 gno, si pereat, lugendus fletu.

Quando foramen acus poterit penetrare camelum;
Tunc poterit dives regna videre poli.

GAV.

Sed abundo opibus. R. Iam non miror, si & amici-
citiis abundare visus eras. Non est nouum, ne-
que insolitum, locupletū limina vulgaribus
amicitiis & simulatis obsequiis frequentari. G. O-
pum magna vis est mihi. R. Anceps, & onerosa feli-
citas, & quæ plus inuidiæ sit habitura, quàm gau-
dij. G. Diuitiæ exundantes sunt. R. Non statim id eo
exundans quies, exundansque iucunditas: vix di-
uitem inuenias, qui non sibi melius fuisse in me-
diocritate, vel honesta etiam paupertate, fatea-
tur. G. Multæ mihi accreuerunt diuitiæ. R. Securitas,
gaudium, tranquillitas decreuerunt, quæ, si cum il-
lis crescerent, non amari tantum diuitias pete-
rem, sed hortarer. G. Opes multas habeo. R. Habes
rerum quæ situm difficilem, custoditu anxiam, amif-
sa flebilem. G. Magnæ mihi diuitiæ sunt. R. Sparsæ
si fuerint, decrescunt, seruata non te diuitem, sed
occupatum, non dominum facient, sed custodem.
G. Diuitias habeo ingentes. R. Vide ne potiùs ha-
beare; hoc est, ne non diuitiæ tuæ sint, sed tu illa-
rum, neque illæ tibi seruiant, sed tu ipsis. Nam, si
nescis, plures multò sunt, qui habentur, quàm qui
habent, multoque crebriores, quos propheticus
sermo notat; Viros diuitiarum, quàm diuitias
virosum; sic vos vestra cupiditas, vilitasque
animi, de dominis seruos facit. Vsus quidem pe-
cuniæ notus est, ut naturæ necessaria comparen-
tur; pauca simul, & exigua, longèque facilia:
quicquid excesserit, graue est; nec iam diui-
tiæ, sed vincula, sed compedes: nec iam corporis

ornamenta sed impedimenta animi, & sollicitudinum, atque formidinum acerui. G. Diuitiis plenus sum. R. Caue ne te rumpant. Omnis enim plenitudo quærit exitum. Multis mortem attulere diuitiæ, requiem ferè omnibus abstulere. G. Opes habeo immensas. R. Bonis moribus rem aduersam. Nimia opes, non modò singulorum hominum, sed populi Romani corruperunt mores, miramque illam, & eximiam fregerunt virtutem; qui tam diu clarus, & tam diu iustus, atque integer, quàm diu pauper fuit: in egestate victor gentium, & quod est gloriosius, victor sui; domitorque vitiorum; à diuitiis victus est, atq; pessundatus; nota loquor. Quid nunc tibi de diuitiis sit sperandum, vides. G. Diuitiis affluo. R. Quantum mallem virtutibus abundares. G. In diuitiis requiesco. R. Consepiti estis in vepris, miseri. Grauis sopor, qui non sentit aculeos. Venite ecce, quæ vos excitet & exponat luce clariùs, id, quod scriptum est: Dormierunt somnum suum, & nihil inuenerunt omnes viri diuitiarum in manibus suis.

De inuentione Aurifodinae. DIALOG. LIV.

*Quærit auara manus lucrum per saxa, per ignes;
Abdita nec tellus tota manere potest.*

GAV.

Aurifodinam inueni. R. A. Hæc spes opum, multis inopiæ, nonnullis exitij causa fuit: dum neglectis omnibus aliis curis huic Vni deditis, & laboris plurimum, & lucri modicum res habuit; dum ad hanc auri cupidinem cælo, & sole derelicto, in tenebris æuum agere didicerunt, cæco, & noxio, ante tempus, vapore consumpti. G. A. Aurifodinam casus obtulit. R. A. Ut auer-

auerfus à contemplatione cœlestium, terrestribus inhies; neque tantummodò humi accliuus, sed sub terramersus, infeliciùs viuas, & breuius. G. Aurifodinam ingredior. R. Nero Cæsar, suprema illa sua nocte terribili, & misera, sed sibi debita, vt quoddam specus ingrediens, ignominiosam mortem, & ludibria populi persequentis euaderet, à suis admonitus, negauit viuum sub terram se iturum. Tu nullo metu impellente, sed auaritia rapiēte, viuus is sub terram: neque hinc te alium cœli limen retinet, illinc atræ telluris horror excludit. Quid mirum; per omnes terras quærendę diuitiæ, homines fatigant, quando & sub terram quæsitæ, & effossæ, tartareos exagitant manes. Vtque ait Naso:

Itum est in viscera terra.

*Quosque recondiderat, stygiisque admonerat umbra,
Effodiamur opes irritamenta malorum.*

G. Aurifodinam inueni. R. Vetus est verbum: Sæpe vnus leporem mouet, alter capit. Inuenisti prædam, quàm plurimi concupiscant; vnus rapiat, & tu ille forsitan vnus non sis. Circum optabilia fit concursus, & periculum est, inuenisse vnum, quod cupiant multi, nullus partiri velit. Hæc est causa, cur, cum Italia [vt ait Plinius] metallorum omniũ fertilitate nullis cedat terris, interdictum id vetere consulto patrum atque occultatum est, vt Italiæ parceretur. G. Auriferam terrā fodio. R. Labor certus: euentus ambiguus. Quid, si multum inuenias, sed non tibi? quid, si tibi inuenisse peius sit, & nihil inuenisse erat melius? Humano sæpe gaudio mœror est proximus. G. In aurifodinam descēdi. R. Inter homines quæri solet, quod inuentum, mergat in tartara; tu apud tartarum quæris, quod

te tollat ad superos. G. Aurifodinam reperi. R. Pro-
num iter ad inferos inuenisti.

De inuentione Theauri. D I A L. LV.

*Collige thesauros quos nulla arugo peredit;
Nectineas, nec quos fur malus abripiet.*

G A V.

Thesaurum reperi. R. Caue dolos, & insidias
fortunæ. Hamis esca prætenditur: Viscus, &
laquei blandum aliquid præseferunt. G. A.
Thesaurum inueni. R. Multis thesaurus mors fuit:
vt nullum corpori periculum sit. discrimen est in-
gens animæ. Non satiant opes desiderium, immò
nec mitigant, sed accendunt: humana cupiditas
successibus inardescit, & crescente auro, crescit au-
ri sitis, & quarendi studium, minuiturque virtus,
quæ vna mors animæ est. G. Thesaurum mihi fors
obtulit. R. Pondus infestum, contrariumque mo-
destiæ. Nil sibi non arrogat, quem repens fortuna
beauerit. G. Inscius in thesaurum incidi. R. Tutius
forfan in colubrum incidisses. Cùm enim diuitiæ
auri, & argenti; virtutum inopiam afferre soleant;
idque sit omnibus proprium. tum præcipuè repen-
tinis; quòd aliæ, si sensim nocent, dum & vero ali-
quid detrahunt in dies, & opinionibus falsis robur
adiiciunt, hæc subitum pariunt stuporem, improui-
soque impetu mentem turbant. Thesaurum in-
uentum domi abdidi. R. Quod in hac tua lætitiâ
summum est; inuenisti grauem, & inutilem terræ
fæcem: pudeat cœlestis naturæ animus his attol-
li. G. Thesaurus insperatus obtigit repentè. R. Hūc
mansurum credis; at repentè desinet. Quæcunque
ferè citò crescunt, citò occidunt. Subitæ opes, quæ
si felicitas somniantis,

De.

Ingens est usura malum, mala pestis in Vrbes;

Impia non aliud tar ara maius habent.

GAV.

Pecuniam in tuto fœnore posui. R. Est & qui bene inuentis, malè vtitur, & qui malè inuentis, peius & pessimè. Tū pecuniam inuenisti non vt diues fieres; sed vt malus, non tam malus [vt auguror] futurus, ni pecuniam inuenisses. Sūt enim, qui successibus nequiores fiunt; non Dei munus agnoscetes, neque illi saltem similes, de quo scriptum est: Confitebitur tibi, cū benefeceris ei; sed apertam sibi coelitus nequitia semitam existimantes. Inuenisti ergo pecuniā, qua dedecus mercareris, & exanime metallum animæ tuæ sarcinam faceres infelix. G. Fœnus bene posui. R. Malum non bene poni dixeris, sed deponi. Siquidem malum pondus excusseris bene erit; alioqui, vbi cunque posueris, dum ad te pertineat, malum esse non desinet. GAV. Fœnus optimum bene collocaui. RA. Quomodo bene collocetur malum videris. Sanè quantò opimius malum, tantò est peius. Notum illud Dauidicum: Prodiit quasi ex adipe iniquitas eorum. Quantò ergò ditior fœenerator, tantò & nequior tantò maior avaritia, maior impietas. GAV. Fœnori studeo. RA. An nulla arrium erat, cui melius stunderes? An erant multæ, sed huic aptius erat ingenium? An quid rei est, vt huic vni studio animum applicares, quo, nescio, an aliud vsquam fœdius inuenire potueris, aut vilius; aut tam miseri prorsus & deiecti animi, tanquam inertis iudicium? Tot vndique patent artes: tot viuendi vix: pessimam omnium elegisti: quod quietior visa est, sedere, scil. & numerare dies, ac velocissimi finem mensis expe-

stare; non intelligens, tibi quoque horas diesque,
 & menses, & annos currere; ut nexis tuis, sic & tibi
 terminum instare; sic inquam, illis, ut tibi; sic tibi
 ut naturæ debitum soluas, turpiter parta destitu-
 ens, & incertus tui. Extorques ergo pauperibus,
 quo ignotos dites, & futuri semper metuens iudi-
 cij & obsecræ interim non dominus; sed custos
 pauidus rapinæ, fame pressus, & infamia. Mirarer
 in urbibus politicis huic flagitio locum esse, nisi
 esset & reliquis. Itaque, cum paulò ante hoc tem-
 pus fœneratores, ut leprosi, à consortio hominum
 segregati agerent, nec tantum ad eos nullus acce-
 deret, nisi e genus sed etiam ut malè olentes; atque
 contagiosi ab obuiis vitarentur, nunc iam nō mo-
 dō cū populo, sed cū principibus conuersantur, &
 matrimonia contrahūt, & dignitates adipiscūtur.
 Tanta vis est auri, immò quidem, quod pro mon-
 stro audias. ipsi, quos Deus omnipotens male per-
 dat, principes fœnerantur, tam levis animæ, famæ,
 que iactura, tam suaui, vnde cunque quæsitæ pecu-
 niæ odor est. G. Fœnerari iuuat. R. Turpis delecta-
 tio, & misera. G. Fœnerari solitus sum. R. Si Cato-
 ni credimus, hominem occidisti. G. Fœnerator
 sum. Artificium aliud non didici. R. Hic auaritiæ
 clypeus, hæc causa prætenditur; quòd, si discere vo-
 lenti, quoque difficile est; quid discat inuitus. G.
 Semper Fœnerator. R. Semper igitur miser eris,
 semper cupidus, semper inops,

De Fertilitate terræ. DIALOG. LVII.

Si vinum largis agri prouentibus, esto

Manificus, 'argo femine sis melior.

G. A. V.

Fertilis ager est mihi. R. A. Vim fœcundatoris
 intellige, donisque cœlestibus sic vtere, ne
 displiceas largienti, quod ita demum ritè
 fa-

facies, si & sobrietatem & modestiam fertilitas nō excludet, & vbertatis in partem, egeni venient, atque amici. Nil soli dulce, nil sapidum. G. Agrum fertilem exquisitissimè colo. R. Non homo terræ, sed terra homini seruire debuerat. hominum culpis effectum est, ne terra possessori suo sine labore, respondeat. Inculta messem horridam, lappas, & tribulos paritura, hanc ferro sollicitare mirisque blanditiis mollire, mortalis coëgit indigentia. Hinc fluxit initium sanctissimæ, & innocentissimæ quondam vitæ. Nunc vni ex multis; & prisco labori, & nouis vitiis obnoxia, postquam nihil inuidiæ, atque auaritiæ inaccessum, rusticas etiam casas urbana piacula pertuasere. Certè vltimos hominum, rusticos malos fuisse conuenit, vnde illud poëticum

Extrema per illos iustitia excedens terris vestigia fecit.

Sed verendum, ne qui mali fuerant nouissimi, primi sint vt si vnquam esset ad virtutem reditus & ad priscos mores, in hoc quoque sint vltimi. Nunc ad ipsam agriculturæ artem redeo, quæ magnis olim tractata viris atque ingeniis in pretio fuit, in qua vt multis in rebus, altum locum Cato Censorius tenet, de quo cū verissimè scriptum sit, optimus senator, optimus orator, optimus imperator, tandem laudis ad cumulum illud est additum, siue æmulo, siue sine exemplo sui temporis agricola: quem puderet igitur cum Catone terram colere, quis omnino sibi turpe aliquid duceret quod pulchrum ille sibi duxisset, qui præter corporis atq; animi virtutes rerumq; gestarum gloriam etiam de Hispania triumphasset? Quis sollicitare atque hortari boues erubesceret, quos in fulcum urgeret illa vox, quæ tot magnos exercitus in prælium accendisset, tot ancipites causas disertissimè

perorasset? quis rastrum atque aratrum fastidiret, quod illa triumphalis ac philosophica manus attingeret? quæ insignes de tot hostibus victorias peperisset, tot de rebus optimis præclaros libros scripsisset, siue ad Philosophiam, siue ad historiam, siue ad vsum vitæ spectantibus, quales sunt, quos de hoc ipso quod nunc loquimur, scripsit. Primus equidem colendi auri præcepta collegit in formam artis, ac redegit in literas, secuti quæ illi multi alij, quorum quidem humile illud ac depressum artificium, nobilissimis atque altissimis versibus extulerunt, quos tunc memorans, nec humanæ immemor necessitatis, agriculturam certè non improbo. Nunquam tamen, aut scriptorum claritas aut inopiæ metus coget; vt liberalibus, & honestis artibus præferendam censeam, nec æquandam quidem. Quamuis enim eosdem, duces simul, illustres, & agricolas, primum illud imperij tempus habuerit, mutata iam spatio res est. Neque [vt fragilior nunc natura est] ad res tam varias ingenia nostra sufficiunt. Hac ætate igitur, excellentibus viris agriculturæ operam dare, non pro arte, vel negotio, sed pro otio, & curarum alternatione permiserim; vt quæ interdum teneros ramos pubescentibus gemmis inserere, luxuriantia folia curua falce compescere, lasciuos palmites, proliis in spem, scrobibus cauis infodere, sitientibus pratis querulos riuos pronocalle diuertere, illos sinam: sic fodere pertinaciter; atque arare: totoque animo incumbere terris, nisi necessitas cogat, indecorum atque indecens docto fortique viro arbitror, cui nobilioris exercitii deesse materia vix possit. Natura parens optima: dum multas mortalibus artes daret, ipsa
etiam

etiam distinxit ingenia, ut cui quisque erit aptissimus, illi insistat. Videbis aliquem, qui mediocri ingenio, tam solerter, aut arua sulcet, aut maria, ut in hac re cuiusvis acumen philosophi, nulla sibi conferri possit industria, stultum, & in gloriam fuerit cum alio, non in tua, sed illius arte contendere, ubi toto maior vertice, minor appareas, & victor in maximis ac multis, parvis in rebus facile vinci queas. *GAV.* Ager hac mihi æstate præfertilis fuit. *RA.* Proximam operire: præsens sæpe fertilitas venturæ sterilitatis arra est: rara quidem sine intermissione prosperitas. *GAV.* Diligenter agrum colui. *RA.* Bene, si nil melius quod faceres, fuit. *GA.* Colui vineam exquisitè. *RA.* Latam cum illa, fortè vindemiam pactus an & cum pruina, aut etiam cum grandine pepigisti? *GAV.* Solito largius aruum sevi. *RA.* Plures pascas grues rure, plures domi mures, volucrum hospes, ac vermium, lolij excussor areæ compactor, horrei architectus, metentium seruus, ac terentium. *GAV.* Seui agrum largiter. *RA.* Esto, in spe bona metes: quod sevi, sti triticum, atque sollicitudinem: nisi illud est verius, quod triticum plurimorum, sed anxietas tua est: & ut propriè dixerim, ager ipse est animus, cultus intentio, semen cura, messis labor: hanc vberriam percipies. *GAV.* Rus optimè colui. *RA.* Dicam, quod mireris. Illi ipsi antiqui agricolæ, viri fortes: quibus gloriæ fuit agricultura, colendum bene censuerunt: sed non optimè: incredibile primò forsàn auditu, at experientie comprobatione, verissimum. Vix enim fertilitas sumptum æquat: estque apud ipsos veteres hominis, atque agri comparatio non inepta, ut uterque, si sumptuosus fuerit, quamvis & questuosus reliqui nihil, aut modicum sit. Neutrum

magni igitur existimandum. G. Summo studio terram colo. R. Te malletm coleres; sed terrestre animal terram amas. nec multum tu illam, quam nūc percolis, impinguabis. Cole agrorum atque arborum quantum vis, neque multos terræ pedes ad vitimum occupabis, neque [vt ait Flaccus]

Harum, quas celis arborum,

Te, præter inuicjas cupressus,

Vllabrenem dominum sequetur.

De Viridariis. D I A L. LVIII.

Del. Etant flores, & amœni gramina campi;

Quæ tamen & molles reddere sape solent.

G A V.

AMœna mihi sunt viridaria. R. Habent hæc interdum fateor, honeste aliquid voluptatis. nonnunquam etiam inhonestæ: æquè igitur studiosos. ac voluptuosos videas vmbrosis secessibus delectari. Nam & ingenium locus excitat & ad poenitentiam quosdam, alios ad incontinentiam, & lasciuiam exhortatur. Nec de nihilo est, quod summus, orator, dum infesto reo adulteriū obiiceret, amœna, in quibus id commissum esset, loca descripsit, quasi ad flagitium stimulos: non locis ergo, sed animo gaudendum est, si talis obtigit, qui bene locis omnibus vti norit. G. Secretis viretis affluo. R. Secretum Tiberij viretum, & secessum Capræ quis ignorat? Pudet, pigetque exequi, quæ itidem omnibus nota sunt; ille senex Hircinus loca illa seposita, quibus probris infecerit. Quanto autem gloriosius, arido in rure exul Scipio Africanus vixerat; quàm suis in voluptatibus princeps ille Romanus? Repeto igitur. Non in locis, neque vllis, præter animum, rebus. habitat omnis vestra felicitas. Vnde & qui solitariam vitam, recessusque abditos laudarunt, sic intelligi voluerūt, si his

animus.

animus uti sciret & non aliter. Proinde quem tu de viretis tuis fructum colliges, expectandum erit, at tū demū, quid pronuncie, videro. Nā si locis tantū gloriaris, quæ tua nudius tertius non erant, & tua forsitan cras non erunt, ac, si ritè cōsideres, tua etiā nunc non sunt, alieno proculdubio gloriaris? Quis hic gloriæ tuæ locus? Quid ad te, si gelidæ per æstatē alpes? Si Olympus nubibus altior? Si ramosus, ac frondifer Apēninus? Quid si lucidus Ticinus? Si amœnus Athesis? Si sonorus Sorga? Hæ, si laudes sunt, certè non sunt hominum, sed locorū, tuū sit expedit, quo lauderis. Decoris spatior viretis. Refert, quæ nā cure interim, tunc in pectore spatientur. Nam quid iuuat arcula in eburnea vnguenta olida condidisse? quid pulchris in locis turpē animū? Quot in rupib. horridis sanctissimi floruerūt viri? Quot in pratis virentibus turpes adulteri marcuerūt? Adde quòd nō animis solum, sed corporibus, vitæq; hominū interdū loca huiusmodi nocuisse cōpertum est; non tantū haustu aeris immodico, sed ferro etiā occultoq; impetu. Quis non legit apud Curtiū, amœnissimos nemorū recessus, & vireta illa Medorū manu confita regum, ac Satraparū curā, & præcipuā [ut prohibent] voluptatē? Atqui in illis, iussu ebrij, ac vesani regis adulescentis interfectus est Parmenio clarus senex, & [ni fallor] Macedonū primus ducū. Quis non novit Caietani littoris flexū illū, quo nullus sub cœlo pulchrior, nullus amœnior: illic iussu temerari & crudelis Antonij occisus est Cicero. Et poterat vtcunq; tanto viro locus conuenire, ut postquā scilicet Romæ mori fato vetitū erat, florido in rure moreretur florentissimus oratorū, utique optimus. Sed & modus, & author mortis prorsus indignus fuit. Spatiabatur illis fortè tunc in locis C.

cero, urbanas fugiens procellas; & vel ad philosophiam; viteque cultum, suo more noui aliquid cogitabat vel Remp. miseratus de statu patriæ conceptum dolorem animi, oculorum oblectatione leniebat; quando ab illo omnis hoste virtutis, immilli carnifices, talem virum abstulerunt mūdo, qualē[ut auguror] sæcula nulla restituent. Sic est, igitur loca delectabilia sæpe insidiis opportuna sunt, dū licentiū ibi, laxiūsq; degitur, auersisq; magis sensibus à circumspeditione periculi. Nam & laqueo densis syluis ferē, & visco volucres, facilius in ramis viridibus capiuntur. G. Latus in viridariis & curarum vacuus dego. R. Lætitia, curarūque vacuitas cautioni semper aduersa est, dū sua nempe quisque pericula, dum communem humani generis statum omnes acriter cogitant, vix aut latus valde; aut curarum vacuus quisquam viuet, neque locorum species, neque opum spes obliuionem attulerit impendentium malorum. G. Libenter in viridariis meis versor. R. Non hercle libentius, quā apri, & vrsi. Non refert autem vbi sis, sed quid ibi agas. Nunquam te locus nobilitauerit, sed tu locum: neque id aliter, quā preclarum ibi, & insigne aliquid moliendo.

De Gregibus, & armentis. DIALOG. LIX.

Formosi pecoris si cultor amore traharis,

Te pauper posui, quā pecus, ipse trahet.

GAV.

GAudeo gregibus, & armentis. R. Brutinum gaudium. G. Armentis, ac gregibus, abūdo. R. Belluina prosperitas, quam bellæ peperere. G. Amo greges, & armenta. R. In omni amore, amantis, & amati similitudo suspecta est. G. Armenta gregesque amo. R. Amatis omnia, nisi vos inuicem, ac virtutem; qua imprimis erant amanda.

da negligitis, & quæ negligenda diligitis. G. Armenta gregesque. R. O miser rerum vtilium amatores, o foresque nobilium: amatis, quæ se, nec amari sentiunt, nec amantibus vicem reddunt. Cū interea, nec vos vicem reddatis amantibus; totūque hoc malum facit auaritia, vt non modò seruū ingenuo, sed pecus homini præferendum existimetis. G. Armentorum gregūque ingens copia est. R. Si per te ipsum illos paucis, quid, nisi occupatissimus pastor eris? Officium vile, laudatum licet à multis, ante alios à Catulo Veronensi; si per alios non tu pastor, sed pastorū seruus, pastorūque dolis expositus. Nunc vicinus obfuerit, nunc præcipitium nunc morbus; nunc abactor; quotidie demum aliquid fingendum, vnde damnum tibi dolorque, & illusio. Magna verò pars mali fuerit illusor rudis. G. Armentis ac gregibus diues sum. R. Laudatæ diuitiæ, sed incertæ & casib. multis obnoxia; fraudibus rapinis pestibus, quæ tam crebræ, tamque validæ sunt vt sæpe totos greges, totaque lacerent armenta; nota pestis quam Lucretius, quamque illum sequens Maro, descripsit. Et quàm multas putas famosas minus scriptorū penuria, sed damnosas æquæ? G. Diues sum gregibus, & armentis. R. Vagæ, patentisque diuitiæ, quæ [non dicam] arcula, vt aurum, vt gemmæ, sed nec domo [licet amplissima] claudi possint; tam nec à seruis, nec à furibus, nec à feris atrocioribus tutus es, omnibus in tuas diuitias datum ius. G. Gregibus & armentis gaudeo. R. Gaudes semel, doliturus millies nullus dies sine rumoribus mœstus ibit. Nunc iruerint Sabæi tulerintque omnia; nec non pueros gladio percusserint; vt pecuoso illi quondā nunciatū seni est; nunc bos cornu fregerit, nunc crus equus, nunc vagantē lupo agnum;

nunc infectū gregē mors inuaserit. Non sat miserī vestris malis, & mortalitate propria visi estis, nisi mortes quoque brutorum animalium lugeretis?

De Elephantibus, & Camelis. D I A L O G U S.

Grandia sunt dominis animalia magna voluptas,

Sape tamen famulis damna dedere suis.

G A V.

SVNT mihi Elephantēs. R. Cui quæso vsui, pacis ne, an belli? His, duo illi notissimi hostes Italia, Pyrrhus, & Hannibal, quib. Romanas dū turbare acies sperant, suas turbauere. Animal gratie prorsus, & enorme, quodque [vt ex historiis nostri] saepe fuis exitio fuit, aspectu mirū, & mole, & specie, & odore, & stridore terribile, effectu autem inutile, procuratione difficile. Est mihi ingens Elephas. R. Fuerunt olim in Italia Elephātes, non venatu quæsi illi quidē, sed ab hostib. capti, & in triūpho ducti, quosq; prima fronte terruerant, equos Italos victores in capitolium secuti; erepti autem Pyrrho; Carthaginensibus verò non erepti tantū, sed etiam interdicti. Sic. n. in conditionibus pacis, quam victi petierant, nominatim cautū; vt, & quos haberent domitos, traderent, & alios nō domarent; ita sensim obsoleuit vsus Elephantū, non solum in Italia, vbi longē aduenæ, vique aduecti erant; sed in Africa etiā & Ægypto, quæ illorum sunt viciniore originī. Itaq; & in Italia auorū memoria, vnicū Frederico Romanorū principi, fuisse, & nūc Ægypti tyrāno, non nisi vnicū esse, fama est. Vtrunque verò ad spectaculum potius, quàm ad vsum. Sic in India, atque Æthiopia, exterarum regio gentium liberati, sylvas patrias incolunt Elephantēs. Tu quis es, qui Elephantē gloriari videris, alterne Annibal? qui vno vectus Elephantē, vnoque fretus oculo Italiam fatigauit. Ego hanc

hanc belluam, etsi humani æmulam intellectus, ab authoribus proditam, & moribus miris insignem, habendo tamen inutilem, & ineptam, & regiæ potius luxuriæ, quàm priuatæ fortunæ habilem dico; quæ domum impleat, horreum exhauriat. *G.* At camelos habeo. *R.* Vna est penè ratio vtrorûmque, nisi quòd elephas turribus, camelus sarcinis ferendis idoneus, còque utilior aptiorque: si consilium petis, vtere belluis, quas lris, vbi vitam agis, mundi partibus genuit natura, parens prudentissima, quæ & belluas, & alia, suis quæque climatibus aptiora distribuit. *G.* Camelum habeo. *R.* Tria millia habuit, & amisit Iob: & morbi, & raptores, & infecta pascua, & ruinæ, & mille casus, vestra vndique armenta circumfident; campi, & colles, & mœnia perduntur assiduè. Quid his facias, quæ non stant? Bona vestra ferè omnia in perpetuo motu sunt, & quam, insita virtute animi, deberetis famam quærere, peregrinorum animantium nouitate sectamini.

De delectatione Simia. D I A L. LXI.

*Fucundos tibi se præbebit Simia ludos,
Si modus abfuerit, simius alter eris.*

G. A. V.

Simia delectabilis est mihi. *R. A.* Foedum animal aspectu, triste animal effectu, de quo, quid aliud, quàm tædium speres? Quicquid domi reperit, aut corrumpet, aut sparget. Si his, atque huiusmodi delectaris, utique delectabilis Simia tua est. Monstruosam belluam vocat Cicero, nec minus aliquid mirum dicit, quàm urnam sortium euertisse, idque pro ostento, Græcorum in historiis scriptum esse, iure optimo doctissi-
m. ii)

mus irridet, cum verè mirum potius videri debeat; si non omnia vertat, ac dissipet. G. Ludicris animantibus abundo. R. Tarpe simul, & ludicrum esse aliquid non potest. Quis enim in turpitudine ludus est? Quin immò ab omni, quod oculos, auresque, & nàres, & animum afficiat; fugiendū est: corrupti gustus est amara diligere. Sed hic vester est mos, turpibus delectari; neque verò turpia, & inepta tantum animalia; sed, quo nihil est fœdus, obscænos etiam homines, linguaque, & moribus odiosos, in delitiis habetis; & ad summam, quanto quidque deformius, tantò vobis acceptius, chariusque; hæc, in rebus omnibus, uniformis est regula, hic amor, hæc indoles, hoc studium, hæc vestri iudicij laus est.

De Pavonibus. DIAL. L. XII.

*Irrequietum animal gallina est, atque columbā,
Pro magno damno, commoda parva ferunt.*

G. A. V.

PAVONIBUS affluo. R. A. Ex illorum caudis argi oculis reperisse consilium fuerit, ne pedibus noceat, notissima tegularum pestis. G. Pavones multos habeo. R. A. Auem visu pulchram, non inficior, atque amœnam; sed hæc voluptas oculorum, multo aurium tædio pensanda est; quibus contra illum tartareæ vocis horrorem, vel fugæ, vel Vlyssæ picis auxilio opus sit; ut fileam, omni peius tædio, vicinorum odium, ac lamenta; vos verò, dum imperiosæ, & nihil intentatum relinquenti gulæ pareatis, nec aliena, nec vestra incommoda cogitatis; obliti, hanc viris olim fortissimis sollicitudinem non fuisse, quando intacti pisces, & feræ, & volucres
tutæ

tutæ erant; & præter pēnas, nil in pauone placebat [vt Naso ait.] Neque enim sanè, quid in hac aue tantopere placeat, inuenio, præter nobilitatem carniū; quæ non putrescere dicuntur, longum etiam in tempus, si seruentur; quod & tibi licitum experiri, & expertum se asserit Augustinus. Ita vestram famem, nisi adfit ambitio, nec cibus satiat, nec voluptas. Pauonem certè, cibi gratia Romæ primus occidisse fertur Hortensius Orator vir eloquio clarus, moribus delicatus, & mollis, vt foemina, sed qui morum plurimos, eloquij autem raros habet imitatores. *G. V.* Pullos nutrio. *R. A.* Impedimentum domui, escam vulpibus, atque suffocatores, quorum ungulis, & puluerem solum semper, & nunquam superficies æqua sit. *G. A. V.* Gallinarum magnus est numerus. *R. A.* Vt cessent tædia, penè par fructus, & impensa erit; magno pretio, longisque clangoribus exiguum ouum constat. *G. A. V.* Sed abundo opibus. *R. A.* Non mortalis modò, sed volatilis, & fugitiua felicitas tua est. *G. A. V.* Alucaria multa sunt mihi. *R. A.* Nō minùs in quolibet, quàm vel in magna vrbe negotij, vel in castris strepitus est, nunc examina fugient, nunc pugnabunt reges, nunc tinnitu æris, nunc iactu pulueris res egebit, vt salua sit. Sæpe omnia expertus, nil perfeceris, qui, cū ditior esse credideris, nudus sis; proinde, si seruandi studium, cum melle contuleris; mel amarum voces. *G. A. V.* Sed columbis annuo. *R. A.* Atqui apūm in thalamis, siletur per noctem [vt Vergilius ait] In columbario autem, nunquam: vix est animal inquietius columbo. *G.* Plena mihi sunt columbaria. *R.* Sunt qui litigent, & qui gemant, qui diebus domum foedent, noctibus somnum frangant. En magni gaudij materia.

*Et inuat, & licitum est, piseando fallere tempus,
Omne tamen tempus perdere pise, nocet.*

GAV.

Piscinas mihi extruxisse gaudeo. *RA.* Non, pro-
to, felicius extruxeris, quam Salomon. Cum
te ergo conuerteris ad vniuersa opera, quæ
fecerint manus tuæ, & ad labores, in quibus fru-
stra sudaueris, videbis in omnibus vanitatem, &
afflictionem animi; ut vnde gauisus fueris, fortasse
doleas, iacturam existimans, & temporis, & impen-
sæ. *GAV.* Feci mihi piscinas. *RA.* Non satis est,
gulæ causa, omnes terras lustrare; aquæ etiam ten-
fantur; & in regno suo, piscibus carcer erigitur.
GAV. Piscinas impleui. *RA.* Libertatem pisci-
bus abstulisti, ac naturæ domum; quosque illa sa-
nos fecerat, ægrotare docuisti. *GAV.* Coëgi aquas
in piscinam. *RA.* Vim aquis intulisse, in Iulio Cæ-
sare, tanto illo quidem viro, notatum: & superbix
datum vides. Quid in te igitur speres? *GAV.* Pi-
sces in viuario conclusi. *RA.* Pennatas volucres
vinculis, & imperio coercetis; quid mirum, si pi-
gris quoque piscibus imperatis? Omnia prorsus
in vestra potestate; & vestris subiecta sunt pe-
dibus, laboriosi, & cupidi mortales, præter
vnum animum, quem regere, & frænare, vel
non potestis, [vel quod est verius] non cura-
tis. Itaque vagus, & indomitus ille vos agitat, &
in omne vanitatum genus, ac scelerum impellit,
qui, si vobis, immò si rationi subditus, atque obe-
diens esset, ad meliorem finem, rectiori calle vos
duceret; præstarétque, ut multa, quæ cupitis, sper-
neretis. *GAV.* Pisces inclusos in piscinis ha-
beo. *RA.* Cum omnia subdita sint vobis; vide,
quàm

quàm decorum sit , esse vos subditos voluptati,
rei omnium vilissimæ , rerum nobilissimos om-
nium, quæ sub cælo sunt. Sed sic est, omnibus im-
perare vultis, vt libidini seruiatis. Neque verò
nouus hic error, nec plebeius, sed antiquus & il-
lustrium: piscinas, ac viuaria ostrearum, primus
instituit Sergius Orata, Baiano in littore. Sub idē
tempus, reliquorum piscium viuaria incepit Li-
cinius Muræna, vterque cognomen, seu illud a-
gnomen à pisce fortitus. En præclaræ agnomi-
num causæ , quòd ille scilicet Oratam appetit,
hic Murænam. En, qui Africani, & Macedonici
titulos mereantur , & forsitan non curarum mi-
nus hi, suis in piscibus capiendis, & condiendis,
inque suis viuariis extruendis susceperant, quàm
Scipio, & Paulus in liberanda, atque ornanda pa-
tria, suisque victoriis, ac triumphis. Ita penitus
verum sit, quod quidam dicunt, quantitate cu-
ras hominum penè pares , qualitate verò longè
impares. Atque, vt mala semper exempla imita-
torum turbis affluunt; secuti sunt Licinium hunc
nobiles viri, Philippus, Hortensius, ac Lucullus,
vir alioqui memorabilis ; qui viuario simplici
non contentus , illic prope Neapolin montem
scindi fecit, non minori sumptu , quàm quo sibi
villam crexerat , requiem captis piscibus me-
ditatus , fluctu æquoreo scissæ rupis claustris, in-
star tranquilli portus, immisso. Quamobrem Ma-
gnus Pompeius, vt qui non viuaria, sed imperia co-
gitarent, haud illepidè hunc Lucillum, Xerxem
togatum; hoc est, montium efflorem nuncupa-
bat. Quid de aliis? Murænarum viuaria primus
fecit Curus quidam, nescio quis. Nam, cum om-
nibus Murænis suis, adhuc malè noscitur, qua-
rum illi copia tanta fuit , vt earum sex millibus

triumphalem coenam Iulij Cæsaris adornaret: &
 hic quoque suos imitatores habuit nominatim
 Hortensium Oratorem [de quo supra diximus] vi-
 rum, qui nunquam molli defuit exemplo. Ita ve-
 stræ literæ sæpe nihil detrahunt infanix. Nonnun-
 quam verò [quod mireris] adiiciunt, dum licere
 sibi omnia existimant, qui literas didicerunt, &
 multa sibi arrogant, quæ sine literis non auderent.
 Et hic ergo viuarium habuisse dicitur, Baiani tra-
 ctus in litore, ibique inter cæteros pisces, sic Mu-
 rænam vnā dilexisse, vt extinctā luxerit. En a-
 mor egregius. En docto, grauique viro dignus fle-
 tus, qui nec sui temporis bella domestica neque
 proscriptiones, acciuium mortes fleuisse legitur;
 nec Cannensem, si suum in tempus incidisset, fle-
 turus fuerit ruinam; Murænae obitum fleuit; tan-
 ta hæc leuitas facit, vt iuniori venia debeat. An-
 toniæ ætas, ac sexus excusabiliorem reddit ine-
 ptiam, quæ murænam suam tamen non defunctā,
 genuisse, sed viuētem aureis in auribus coluisse
 traditur. Sic, vt Baulos [id erat villæ nomen] ipsis
 Baianis in finibus, multos, spectaculi nouitate cō-
 traheret. Fuerunt & viuaria cochlearum, & aliæ
 piscium vanitates, atque imprimis lupo tyberi-
 nus, inter duos præcipuè pontes captus. Sed satis
 multa de alienis erroribus. Tu, quò plures his im-
 plicitos vides, eò diligentius caue, ne similibus
 impliceris; neque tibi nunc vsum piscium,
 sed nimis magnam curam rerum
 ignobilium inter-
 dico.

De

De Auiariis, Ambusque loquacibus. DIAL. I. XLIII.

*Qui gustus varios elementa per omnia quarit,
Et mortem, & morbos contrahit ante diem.*

GAV.

AVes varias in auiario conclusi. R. A. Iam piscium minùs mirer ergastula. Sunt & volucrum, quibus latior, ac liberior patria cœlū erat. Inuenit gula venationem. inuenit piscationē, inuenit aucupium; nec cepisse satis est, quas liberas natura creauerat, nisi etiam asseruentur. At quantò erat honestius gulā cogere, parabilibus, atque facilibus cōtentari & sylvas feris, maria piscibus, aëremque volueribus linquere, quàm in his tantū studiij ponere, quantum, si captandis in virtutibus poneretur, illas pridem [nā minimè fiunt fugaces] optimo studio quæsitae, intra animi habitū clausissetis, vnde nec effugere possent, nec auferri. G. Auius auiarium impleui. R. Rem nequaquam necessariam & quæsitū, nec minùs custodia difficilem, peruetustam tamen, cuius ante mille quadringentos annos Romæ author fuit Lælius quidam, cognomento Strabo, vir equester: non ille quidem Lælius sapiens habitus; qui si auiaria reperisset, nomen sapientiæ perdidisset. Quædam sunt inuentu [vt videntur] utilia ac iucunda, quæ tamen ingenia alta dedeçant. Qui piscinas, qui auiaria inuenerunt, quid aliud, quàm gulæ studium habuerunt? quod virtutis cultoribus alienum est. G. Inclusi pingues turdos, & turtures. R. Sed non tardos tortores, tot illecebris irritata gula supplicia exigit stomachi laborantis, An non satyricum illud audisti?

Pœna tamen præsens, cum tu deponis amictum.

Turgidus, & crudum panem in balnea portas.

De pauone loquitur. Formosa etenim, & famosa est avis; sed non sola, quæ præcipitem gulam plectat. Gulæ quidem oblectatio, gustus brevis; ipse quoque mox in nauseam versurus, ni coerceas. Poena autem longa cruditas, indigestio, bilis, morbi, sæpe etiam & mors. I nunc turdis pingui- bus, ac turturibus gloriare. *G. AV.* Habeo loquaces coruos, ac picas, & psittacos. *R. A.* Lætatus his Augustus Cæsar, eos magnis emit pretiis, qui victorem, ac triumphantem Cæsarem salutarent. Cumque subinde alij, atque alij ingererentur, satis se saluatorum talium domi habere, respondit; ponens illi metam vanitati nisi coruus ipse nouissimus, loco illo mirabili, pluris se, quam cæteros redimi coegisset. Et hæc quidem in Saturnalibus leguntur. Quid in naturali vicini nostri Veronen- sis historia? Coruus ille tam docilis è sutrina; vbi impensè alebatur, in publicum euolare solitus, & Tiberium Cæsarem, Drusumque, & Germanicum nominatim, totum denique Romanum populum salutaret tanta plebis gratia, tantoque omnium fauore, vt cum cum vicinus, vel inuidia, vel ira percitus, occidisset, ingenti omnium mærore occisor ipse, ex ea vicinia pulsus primum, deinde etiam à populo interfectus sit. Coruus autem operosis exequiis, & solempni funere elatus, ac traditus sepultura. O ineffabilis populorum semper insania: in illa vrbe fletum, & sepulcrum coruum, & eius interfectorem, Romanum ciuem morte multatum; in qua, nec Africanus, maior sepulchrum habuit, nec minor ultorem, quia [si diis placet] coruus hic populum salutabat, vt diximus, illi autem non salutabant, sed salutem populo, gloriamque contulerant. Adeo gratior vox coruorum, quam virorum virtus illustrium. Neget nunc aliquis

tutum

tutum, populi consensisse iudicio: quanquam veris æstimatoribus non sit mirus publicus hic virorum fortium contemptus? cum ab his coruorum, volucrumque loquacium miratoribus, & diuinæ voces, & cœlestia aspernantur oracula. G. Formosus est mihi psittacus. R. Solus nempe omnium torque aureo insignis, nisi phoenix & ipse esset, auium torquatus, & præterea suæ vnica species. Verum psittacus saluator magnus & præsertim principum, quasi illum planè adulatorem fecerit natura. Vnde distichon illud innotuit:

*Psittacus à vobis aliorum nomina discam,
Hoc didici per me dicere, Caesar ave.*

G. Est mihi pica disertissima. R. Cum per rari sint homines diserti, tibi disertissima pica est? loquax fateor, & salutatrix est sedula, vnde & illud.

*Pica loquax certa dominum te voce saluto,
Si me non videas, esse negabis auem.*

Certè de huius auis intentione, discendique studio, mira, nescio an vera, narrantur. Illud imprimis vix credibile, propositum ei verbum, si oblita sit, angere illam grauitè, & affligi, molestiamque animi, tacita meditatione testari; si ipsum sibi verbum ad memoriam reducatur, miris modis hilarescere, At si prorsus seu verbi difficultate, seu memoriæ imbecillitate vincatur, præ dolore etiam interdum mori; vt iam minus mira Homeri mors poëtæ sit habenda, si tamen illa etiam vera est. Neque verò picis omnibus hæc docilitas datur, sed his tantum; & quæ glande cibum, non memque percipiunt, & apud vos vulgò glandariæ vocitantur: picarum species, & forma insignis, & ingenio. G. A. V. Dulcisonam, canoramque lusciniam nactus sum. R. A. Et hanc

quoque, sturnum graeci, latinique sermonis doctiles inueniri; & turdum insuper, sua etate sermones humanos imitantem, Romae fuisse auctor est Plinius secundus. Quod de sturno nuper publice notum fuit, quem seriatim plurima verba proferentem humanis accentibus, saepe in ipsius Plinii patria, & audire tibi contigit, & mirari. Nam de plittaco iam trita res est, ut mirabilis iam esse desierit. Quoties hunc audistis cibos vnum, atque alterum, clara voce, poscentem? Quoties nutritorem suum proprio nomine vocantem, atque, ut per suaderet, multa illi gestuum, ac verborum dulcedine blandientem? Quoties sic ridentem, ut astantes in risum cogeret, nec omnino alitis, sed veri risus hominis crederetur? Quae, quanuis ita sint, tamen hi omnes, lusciniæ praesertim, multo melius [mihi credite] suis in ramis canerent, quam vestris in caueis; nisi quia vestra cupiditas nihil æstimat, nisi quod sibi proprium fecit; cum natura fecerit cuncta communia: sic ultra suos fines atque ultra suum nomen tendit auaritia. G. Aues innumeras congregavi. R. Vt multas, siue, ut omnes habeas phoenix, puto, deerit, siue vnus, siue est nullus; siue illud in fidem recepimus, quod quidam tradideret anno urbis octingentesimo, Auem hanc ex Arabia in Ægyptum euolasse captamque ibi, & Romanam delatam, atque in comitio spectaculo, populo expositam, supremam tandem [ut credibile est] mortem obiisse; quod vltimum, falsum esse non dubitant, qui de primis magni dubitant auctores. Ita cum omnes aues habueris, mirabilem, pulcherriamque omnium non habebis. Dolens, & indignans iocor: ut quid enim semper pueri inanibus gaudiis exultatis? Utque ait Salomon: Usque quò paruuli diligitis infantiam? Quin aliquando con-

uertimini.

vertimini ad correctionem meam: ut idem ait; si quidem ipsa eadem sunt, quæ loquor. Sinite o ceciaues in sylvis agere, nidificare, & pasci, & canere, & errare. Vos inertis plumas animi ad cælum pandite, atque humo vos attollite; enitimini non volucres captare, sed volueres fieri. Tuque, his omissis, de quibus loqui pudet, si quid habes, quo latari virum deceat, profer.

De Coniugij claritate. D I A L. LXV.

*Vinere coniugio sine si natura dedisset,
Libertas, sociâ, magna, carere thorâ.*

G. A V.

VXorem duxi nobilem. R. Mallem tibi non tantum picas, ac psittacos, sed bubones, strigēsque domi esse: illi canerent, ista iurgabitur; illi aliquid nunciarent, hæc peraget; illos excludere licet, hanc non licet, G. Claro coniugio ornatus sum. R. Speciosa victus es catena, vnde te sola mors liberet. G. Claro coniugio felix sum. R. Casto felicior, felicissimus calibatu. G. Pulchro cōiugio illustratus sum. R. Anceps vxoris electio: deformis facile fastiditur; Formosa difficile custoditur; ea lege, qua inter formam corporis, atq; animi castitatē, lis prope perpetua est. Sed ut, quod rarissimū est, cōtingat; & formæ pudicitia iuncta sit; vberius tecum agā; accedant & fœminæ dotes aliz, nobilitas, census, opulentia, fœcunditas, atq; facundia, famæ integritas, morū candor; scito, tuū limen his immixtam subintrasse superbiam: ut iure Satyricus videatur malle Venusinam, quàm Corneliam Gracchorum matrem, Africani filiam, paternis triumphis, ac gloria insolentem.

G. Nobi-

GAV. Nobile coniugium, & honestum obligit.

RA. Quid de fastu, fastidioque ais? Parumne foemineci mores noti? Disce ferre, disce pati, disce charos pellere, vni coniugio vacandum est. Amicitiarum scopulus, vxor imperiosa; & viri affectuū moderatrix. *GAV.* Generosa mihi vxor obuenit.

RA. Grauis sarcina, dura compedes, liberos humeros, atque olim liberos pedes prement. Durum dictu, durius cogitatu, durissimum perpesu, non vnius lucis, sed totius vitæ hospes; forsitanque hostis, vacuum præfidiis, inuasit domum: vnde illam [vt dixi] veteris repudiij spe sublatas sola scilicet mors excludat. *GAV.* Coniugem gratam duxi.

RA. Erras, illa te duxit, diu nimium fueras tuus; accessit sponso domina, carnifex priuignis, æmula socruī, familiæ iugum; coquina labor, onus penuri, sumptus arculæ, ornamentum aulæ, diurnum spectaculum fenestræ, lis nocturna cubiculo. *GAV.* Vxor mihi venit amantissima.

RA. Cum amore, si nescis; Zelus, & suspiciones, & querelæ subeunt; immortale duellum domi habes; ipsis & voluptatibus, & iocis inimicitia erumpent, nec ad mensam, nec in thalamo tutus eris, nullum tempus litigio vacabit, media nocte pugnabitur. *GAV.* Exoptatas nuptias contraxi.

RA. Cum coniuge nuptias, cum pace diuortium. *GAV.*

Vxor contigit, cui vnicè placeo. *RA.* Melius forsitan displiceret: non te amando premeret, atque attereret, & cogitare, & res tuas agere, & somnum carpere sineret: nunc vxori placens, nil quod tibi placeat, præter illam, speres; totum sibi te vendicat, nec sufficies totus. Si quò fortè ire velis, fugere te, fugæque causas fingere; si quid agas, oblitum sui, si quid cogites, iratū sibi; si cibo abstineas, sordere res suas tibi; si somno cesseris, externa te ve-

nere

nere fessum dicet. Denique ut vxori placeas, tibi, atque aliis inutilis sis oportet. *GAV.* Vxorem habeo, quæ me ardentè amat. *R. A.* Melius amaret castè, piè, & sobriè, ac verecundè: ardens enim amor, quid nisi incendium est animæ? qua ardente quisnam tibi modestiæ, quis reuerentiæ conjugali, quis tranquillitati locus, aut quieti? Ardentè te amat vxor; nisi vicissim se amari senserit, tepescet, amoremque odio mutabit; sin æquandus tibi est amor; & tu ardeas, necesse est, vni-que deditus sis amanti, Zelotypæ coniugis vit infomnis, nunc blanditiis, nunc querelis; fictisque criminibus excitandus, exercendusque per noctem; seu licentius oculum deflexeris, seu ridenti lentius arriseris, seu vicinam salutaueris, seu formam alterius laudaueris, seu domum seriùs redieris; postremò aliquid feceris, aut dixeris, quo suspectus, læsi-que reus sis amoris; quæ, si vita dici debet, quænam mors dicenda sit, nescio. Et hæc equidem de ardenti tuo amore sententia nostra est. *GAV.* Est mihi perpetua thori confors. *R. A.* Et somni perpetuum exilium. Maritalis lecti rarus, ac tenuis sopor est, hinc voluptas, hinc iurgia, quies nusquam. *GAV.* Habeo vxorem fidelissimam. *R. A.* Fuisse fideles aliquas non nego, usque etiam ad mortem. Et profectò homini, qui hoc vitæ genus elegerit, magnæ diuitiæ coniunx bona, & fidelis, maior tamen est acies aduersa. Nempe etiam illustrium multi, dolo coniugum periire. Sileo Danaï truces, & cruentas nuptias, & infamem noctem; miseramque tot simul iuuenum stragem. Non hoc illi, quorum suprà meminimus, Graius Agamennō, non Phryx Deiphobus neget, non ex vestris Africanus minor, non postremò recentior Alboinus rex, cu-

us impudica, & sœua fusus coniuge, nitidi Athe-
 sis ripam sanguis infecit. *GAV.* Vxorem nobilem,
 castam, mansuetam, humilem & obsequiosam,
 piam, fidam, reperi. *RA.* Mirus auceps; cornicem
 candidam inuenisti. Vix est tamen, qui inuenisse
 se fuscam putet.

De Vxore formosa. DIALOG. LXVI.

Aurea pro pedibus mulier speciosa catena;

De formem nemo posset habere sibi.

,GAV.

Formosa mihi vxor obuenit. *RA.* Difficilem
 prouinciam nactus es: vigila, dixi iam; durum
 est custodire, quod à multis appetitur. *GAV.*
 Forma est vxori excellens. *RA.* Solet forma cor-
 poris, vt multa alia, paritate gaudere, imparita-
 tem, ac dissimilitudinem aspernari. Si par igitur
 tibi forma est, exerceberis, alioqui contemneris;
 vtrunque laboriosum. *GAV.* Forma coniugis ma-
 gna est. *RA.* Et magna superbia: vix est aliquid,
 quod æquè animum tumefaciat, & extollat. *GAV.*
 Forma vxoris est maxima. *RA.* Vide ne castitas
 parua sit. Scitum est illud Satyricum:

Rara adeò est concordia forma,

Atque pudicitia.

Vt hæc consent; morum insolentiam quis fe-
 rat, & quotidiana fastidia? *GAV.* Formosissima est
 vxor. *RA.* Habes domi idolum sumptuosum, ope-
 rosum: videbis in dies peregrinos, novosque ha-
 bitus: lauda hinc corporis habitudinem, quàm
 omnia deceant: hinc ingenium inuentricis ad
 cuncta versatile: tum iacturam patrimonij lu-
 crum voca. *GAV.* Habeo vxorem formissimam.
RA. Habes idolum litigiosum insolens: quod af-
 fusus,

sus colas: quod extra te raptus stupeas: quod adores: unde totus pendeas. Summitte collum iugo, & contentus forma coniugis. curasque alias, & propriam libertatem procul abiice. Dicebam modò, caue, ne, quò quomodo aliam, præter illam laudes: ne quando oculos ab illius fronte diuertas: ne solito parcius blandiaris : solito minùs insanias: quicquid respueris, capitale erit: omnis sanitas defectio. Viue denique ad vxoris edictum, & nutum dominæ suspensus observa: mancipium, non maritus. Hæc facito, si tanti existimas aliquandiu formosam thori sociam amplecti, lenique ad tempus cute gaudere, & candido natos ex utero, tanquam poma nobiliora. pulchro de vase suscipere. G. Vxorē habeo formosam. R. Venenum dulce, compe-des aureas, splendidam seruitutem. G. Forma delector vxoris. R. A. Vana, breuiſque delectatio. Nil forma fugacius, & præsertim foeminea: qui vxorem propter formam diligit, citò illam oderit.

De Vxore fœcunda, & facunda. D I A L. XVII.

Garrula sit illi sit coniux, fœcundaque prole.

Nulla quies fuerit nocte dièque tibi.

G. A. V.

Fœcunda mihi vxor est. R. A. Multas tibi curas, multos pariet labores: vxor sterilis vnica tantum: at fœcunda quidem, sarcina domus est multiplex. Notum est illud comicum.

Vxorem duxi: quam non ibi miseriam vidi?

Nati filij, alia cura.

G. Non fœcunda tantum vxor, sed facunda est.

R. A. Hinc filij, & nutrices aderunt: hinc sales & verba non deerunt, Habes cum qua disputes, & declames: & Satyricum non audisti, vbi ait?

n. ij

Planè coniugium obscœnum : ubi non spe pro-
 lis ad cubiculum viri virgo, sed ad arculam, auari-
 tiæ impulsu, dos concupita deducitur. *GAV.* Ma-
 gnam mihi dotem vxor attulit. *RA.* Dic veriùs,
 magnum pretium libertatis tuæ, quæ, si tibi chara
 esset [vt decuit] nullo eam pretio vendidisses.
GAV. Ditissima mihi vxor obtigit. *RA.* De mori-
 bus nihil narras. Nempe nihil, vt reor, de mori-
 bus cogitasti, de quæ optimis fœminæ dotibus, fi-
 de, verecundia, castitate, modestia. Sunt vobis
 ista contemptui & solum in nuptiis vestris atten-
 ditur Dos, & Forma: hoc est Auaritia, & Libido,
 pronubæ matrimoniis his condignæ. *GAV.* Pecu-
 niosissima est coniunx. *RA.* Vide an non Themis-
 tocleum illud consilium, quo diffinit: Malle
 se virum pecunia, quàm pecuniam viro indigen-
 tem, rectè etiam ad fœminas trahi possit. *GAV.*
 Vxor mihi prædiues est. *RA.* Quantò melius e-
 rat cum inopi requiescere, quàm laborare cum
 superba: melius esurire cum paupercula humili,
 quàm cum insolenti diuite litigare. *GAV.* Con-
 iugis dos immensa est. *RA.* Consequens est, vt
 elatio animi sit immensa: timor autem viri nul-
 lus. Non audebis vitia reprehendere, dum re-
 spicis dotem: non præsumes humiliare illam,
 per quam te memineras superbire, nec fastidia
 duntaxat, ac tædia, sed probra etiam & iniurias
 tolerabis. An fortè non Aurelij Antonini prin-
 cipis meministi illius, qui philosophi cogno-
 men, ob Imperium non omisit? qui, cùm vxoris
 nosceret adulteria, & amici, vt eam, vel occide-
 ret, vel saltem dimitteret, hortarentur: respon-
 debat: Si vxorem dimittimus, reddamus & do-
 tem: dos autem erat Imperium. Vides, vt ingen-
 tis viri animum dos frænabat: tuum forsitan

non frænabit? *GAV*. Dos quàm maxima, infinita, inæstimabilis est. *RA*. Dos matrimonij, oneribus upportandis, non avaritiæ æstibus irritandis, inventa est. Itaque, quò magis illam exaggeras, magis infamas, ut quæ utrinque mole sua noceat, & hinc dantis impudentiam, hinc concupiscentiam accipientis, anctura sit. *GAV*. Est mihi maxima dos vxoris. *R*. Non quanta sit dos, sed qualis sit vxor, refert; & in dote ipsa non quantitas certè, sed qualitas æstimanda est, vnde scilicet profecta, quibus parta modis: multæ magnæ dotes malis artibus sunt quesitæ. Heliopolitanum, & Punicum morem nosti, quorum nuptis non pietate patria, sed stupris, ac dedecore dos constabat.

De Gratis Amoris. DIAL. LXIX.

*Durius in terris nihil est, quod vivat, amantem;
Vis res, & famam perdere, tutus ama.*

GAV.

GRatis frvor amoribus. *RA*. Gratis infidiis opprimeris. *GAV*. Gratis vror amoribus. *RA*. Bene ais, vror. Est enim Amor latens ignis, gratum vulnus, sapidum venenum, dulcis amaritudo, delectabilis morbus, iucundum supplicium, blanda mors. *GAV*. Amo, & vicissim amor. *RA*. Primum nosse potes; secundum in ambiguo est; nisi fortè nocturnum mulierculæ tuæ murmur in testimonium tuum trahis. *GAV*. Amor haud dubiè. *RA*. Persuasit, ut video: nec magnum persuaderi volentibus: omnis amans cæcus, & credulus. Quod si idem iuramento amatorio vis inesse: scriptum ab amante chirographum, tenera in glacie, testibus austris, in medium profer. Sed, ô insane, nihil impudicæ præsertim, credas.

das foemina: sexus, ardor, leuitas, consuetudo
 mentiendi, fallendi studium, fructusque falla-
 cia; hæc singula, multoque maximè, hæc omnia
 quicquid illius ore prodierit, suspectum faciunt.
GAV. Amo, quod iure animum delectet, & dulci-
 ter ardeo? *RA.* Credis ex me audire, quod ille
 Magister amorum ait; Vt feliciter ardens gaudeas,
 & vento tuo nauiges voluptatis? Id quidem
 non consilij est. Ego verò quò suauius arseris,
 eò cautiùs ex incendio fugiendum consulo.
 Tunc sunt mala periculosissima, cum delectant.
 Sæpe suauitatem hanc durissimus finis exasperat.
GAV. Amo, amorque. *RA.* Vt si ita; quid, nisi du-
 plex nodus; nexus arctior, graue discrimen: me-
 liùs de te sperarem, si amares tantum, non etiam
 amareris: etsi enim facilitatem amoris, atque dif-
 ficultatem æquè nociuam quidam dicant, quòd
 facilitate animus capiatur, cum difficultate
 contendat; ego tamen ita sentio, nihil ad aman-
 dum efficacius, quàm amari: contraque nihil
 esse, quod magis ab amando deterreat, quàm
 scire se non amari, nec amatum iri credere: quam-
 uis id non facile creditura sit cœca, & cupida
 mens amantis; qui vnus est ex illo grege, de
 quo scribitur: Quod qui amant, ipsi sibi somnia
 fingunt. *GAV.* Amo ego cum gaudio. *RA.* Qui
 quàm malè sibi est, non sentit, obtorpuit; qui
 malo suo gaudet, insanit. *GAV.* Apud me, fateor,
 delectabile est amare. *RA.* Odiosum mallet, ac
 molestum; quò & fuga mali promptior foret, &
 propinquior spes salutis; nunc delectatio mor-
 bum alit: sanus enim fieri respuit, quem dele-
 ctat agrotare. *GAV.* Vt libet apud me quidem in-
 genium est amare. *RA.* Vt quisque sapit, &
 loquitur; apud me verò seruire prorsus, &

languidum, & quod fortissimos etiam viros emolliat eneruetque: dicam, quod nemo est, qui nesciat, nemo erit, qui audiens, non miretur; sic magnarum rerum recordatio, vel scientibus admiranda est. Neue omnia sequar; quod nec necessarium puto, nec possibile; duarum toto orbe clarissimarum gentium duos longè præstantissimos duces ad memoriam reuoca. Iulius Cæsar victor in Gallis, in Germania, in Britannia, in Hispaniis, in Italia, in Thessalia, in Ægypto, idemque mox in Armenia, in Ponto, in Africa, & rursus in Hispania supremo Marte victurus in medio tantarum victoriarum, ab amore regio interim apud Alexandriam victus est. Hannibal apud Ticinum, apud Trebiam, apud Trasimenum, apud Cannas victor, ac demum in patria vincendus sua; prius apud Salapiam Apuliæ oppidum, quo inexcusabilior sit, meretricio amore subactus est. Quanta tibi videtur mali vis, quæ tam duros animos, tam rigida pectora leni frangat incursum, tam rapidos pedes, tam fortia brachia fragilibus vinculis liget? Linquo fabulosa, & vera nimis; In belluas transformatum Iouem; ridiculis Martem vinculis implicitum; duris nentem pensa digitis Herculem. Ad hæc, & Leandrum fluctibus, Biblida lachrymis, Prochryntelis viri, propria cuspide Pyramum, Hyphin laqueo pereuntem; quodque est certius, atque sonantius, & Græcorum duces de Amore certantes, & notia Troiam flammis ardentem; absque his omnibus; & mille similibus; satis duo illi, quos præmisimus, ad probandum, de qua agitur, vel magnitudine nominum, vel historiæ fide; sufficiunt. *GAU.* Amo. Quid de odio dices, si amorem damnast? *RA.* Vt tu accipis, utrumque dam-

nabo; neque ideò bonum aliquid dicam, quod aduersum malo sit. Duo enim extrema sibi inuicem aduersa, paritèrque à medio, hoc est, à virtute, distantia, pariter mala sunt. *GAV.* Ergò malum est amare? Hoc, ego fateor, malo, nihil melius inuenio. *RA.* Credo, Hercle, vt est animus; sed tua opinio rem non mutat. *GAV.* Oderint quos delectat, ego amabo. *RA.* Odium, atque amorem indifferentia dixerim. Nam vt odisse vitium, & amare virtutem, æquè laudabile est; sic, seu virtutis odium, seu vitij amor æquè damnabile. Et, ad summam, vix inuenies, quod per seipsum sic laude, vel infamia dignum sit, quin paucis additis, laus, ac vituperatio, altera locum sumat alterius. Tu, quid ames videris. *GAV.* Quid amem, nisi quod ceteri? *RA.* Non omnes idem amant. Fuerunt, qui amarent Deum tamenixè, vt pro amore hoc, omnia quidem & seipsum, vitamque suam proiecisse, lucrum duceret. Fuerunt qui non altiùs aspirantes, pro nuda virtute, aut pro patria idem facerent: numerarem, nisi innumerabiles essent. *GAV.* Ego, nec in cælo fui vnquam, nec virtutem vidi; amo, quæ cerni possunt. *RA.* Si nihil amas, nisi quod cerni potest, nihil igitur magnum amas. Quid, quod directè obuias præcepto illi vulgatissimo? Nolite amare, quæ videntur, sed quæ non videntur: quæ enim videntur, temporalia sunt: quæ autem non videntur, æterna. Vos autem cæcia animo deditique oculis, æternum nihil, non dicam amare, sed nec intelligere, nec cogitare quidem idonei: vobiscum peritura sectamini, & pudendos affectus honesto tegentes velo libidinem dicitis amorem: illum colitis, illum, fandi licentia, Deum facitis, vt probra vestra, quæ vix

cœlum tegit, excuset. Quid enim Deo authore,
 fit perperam? Itē iam, erigite Deo vestro aras ac
 thura porrigite; ille vos ad cœlum euehet. Im-
 mō verò cœli Deus illum, & vos trudet in tarta-
 rum. *G. AV.* Iuueniles ludos in calumniam tra-
 his: amo, da veniam. *R. A.* Si ab offensō poscenda
 est venia, ipse tibi ignosce: neque enim alium,
 quàm te lœdis; &, ab miser, quos inter scopulos
 fragilem cymbam agis? *G. AV.* Iuuat ita viuere, nec
 intelligo quidnam vetet? *R. A.* Miserum est pecca-
 re, miserius delectari, miserrimum excusare, atque
 amare peccatum; & tum demum consumata a-
 mentia est, cū ad studium voluptatis, opinio
 quædam honestatis accesserit. *G. AV.* Amo, nec
 nec possum aliter, nec volo. *R. A.* Possēs nempe, si
 velles, & forsan adhuc, voluentibus annis, voles: si
 quidem, cū in multis, tum præcipuè in hoc mor-
 bo euenit, vt sæpe virtuti tentatum frustra re-
 medium, vltro dies longior afferat. *R. A.* Age igi-
 tur, lude, infani, somno lætare; experrectus flebis.
G. AV. Ego verò non flebo, sed canam, meque ip-
 sum, more amantium, carminibus consolabor.
R. A. Est hoc quidem, de quo multa dici possunt;
 &, quando huc me trahis, insistam. Inter multas,
 fateor, mira hæc amantium amentia, non solū a-
 pud vulgus, vbi, consuetudine in naturam versa,
 furor omnis excusabilis, sed apud vtriusque lin-
 guæ doctissimos. Nam & poëtas Graiorum, & ve-
 stros, quædam de alienis, multa de suis amoribus
 plausibiliter conscripsisse, compertum est: atq; vn-
 de morum infamiam merebantur, eloquentiæ glo-
 riam consecutos. Tolerabilior apud illos Sappho:
 ætas, sexus, animi leuitas, puellam excusant. Sed
 quid Anacreonti facias? Quid Alceo? quorū vt: r-
 gic,

que non poëta modo insignis, sed vir fortis, & rebus gestis in sua Rep. clarus fuit. Seu quid ex vestris, Ouidio, Catullo, Propertio, Tibullo; quorum nullum fermè nisi amatorium, est poëma: quanquam, quid poëtas, quibus, nescio unde, maior licentia data est, & non potius, vitæ duces, arguam philosophos; ubi hercle gaudeas, grauitatis multò plus vestris fuisse, quàm Græcis: vix enim occurreret horum aliquis tam perditus, qui [non dicam] tale aliquid fecerit, sed non liberè totum hoc vanitatis genus irriserit, atque damnauerit: apud illos tamen, non communes quosque, sed seuerissimos philosophorum, Stoicos, ipsumque [quod miraberis] Platonem, in hoc errore versatos scimus. Amaturum quidem sapientem volunt Stoici; & sanè, si de amore conueniat, non falluntur. Amabit enim Deum sapiens, vt dixi, amabit & proximum, amabit virtutem, sapientiam, patriam parentes, filios, fratres, & amicos; & si verus sapiens fuerit, etiam inimicos amabit, non propter illos [fateor] sed propterea, qui hoc iubet. In his omnibus [oro te] quis locus est pulchritudini? Sic enim Ciceronis Tusculano diffinitum legimus: Amorem ipsum conatum esse amicitiae faciendae ex pulchritudinis specie. Quis tam coecus, vt non videat, quid sibi velit hæc pulchritudo? Rectè ergo quærit illic Cicero; Quis est enim, inquit, iste amor amicitiae: cur non deformem adolescentem quisquam amat, neque formosam anum? nimirum ætas, & forma cum delinimentis suis, sunt huius amicitiae fundamenta; quæ honestiùs sic dicitur, quàm libido: quid si tamen apertis, sanisque oculis facile cernitur? Itaque tota res eò redeat, vt, sit amor quisquam in rerum natura, sine sollicitudine, tur-

pique desiderio, sine suspirio, & ardenti cura, sit
 hic sanè permissus sapienti. Vacat enim omni li-
 bidine, ut Cicero idem ait, omniq̃ue tumultu, at-
 que angore animi, quæ maximè vitanda sunt sa-
 pientibus. Cæterum, non, ut fando rerum fa-
 cies velari, sic mutari veritas rerum potest: sermo
 autem nobis nunc, non, nisi de libidinoso amo-
 re suspectus est: qui his multisq̃ue aliis magnis
 malis vacare nullo potest modo. Et hæc quidem
 de Stoicis. Ad Platonem venio, qui philosopho-
 rum princeps, imò [ut aiunt] philosophorū Deus.
 Etsi in hoc multi litigent: in omni autem quæstio-
 ne, non plurium, sed maiorum, meliorūq̃ue iu-
 dicio standum est, Plato, inquam, utique summus
 vir, de amoribus suis, etiam turpibus, quanquam
 vero philosopho nulla libido non turpis, & incon-
 cessa sit [pace tanti viri dixerim] multa licentiùs
 scripsit, quàm quibus Platonicum nomen scriben-
 dum esset. Scripsit tamen, & quod nollem, scripta
 extant: neque tam celebris famæ notam, neque iu-
 dicium posteritatis erubuit: curā hāc, metumq̃ue
 omnem vincente impetu passionis, animum vr-
 gentis, stilique dulcedine calamus excitantis: quæ
 vel in turpi, pudendaq̃ue materia, tanta illi est,
 ut Epicureis magis, quam Platoniciis in rebus, qua-
 si solis in luto Platonici radios cernas ingenij. Et
 hanc ipsam post Platonem, multis video causam
 fuisse, ut scripta relinquerent, quæ vel honestiùs
 non scripsissent, vel consultiùs deleuissent, & mul-
 tis, ut idem faciant, futuram esse conicio: sed fa-
 mosiorem attigi. Proinde, quod ad reprehensionē
 attinet infaniæ talis, & aliqua diximus, ac multa,
 & varia dici possunt: quod ad remedium verò, non
 pauca. Nam ad illam, quam dicis consolationem
 mali huius quam tibi de carminibus peruenturā
 fin-

2 fingis, breuissimum Flacci carmen, ac percunctatio illa pro responso sit.

Hiscène versiculis speras tibi posse dolores,

Atque astus, curasque graves è pectore pelli?

Loquendo, canendoque amor alitur, accenditurque non extinguitur, nec lenitur, ut, quos memoras cantus, & carmina tuorum, non fomenta, sed irritamenta sint vulnerum. *GAU.* Credere iam tandem admonitus, & expertus incipio; quomobrem, si libet, omissis aliis, ad remedia stilum verte. *RA.* Multi olim ista conquirere nisi sunt; in quibus Naso mirus medicus, morbi amantior, quam salutis: cuius quædam leuia, quædam fœda, vel inefficacia, tamen est aduertere. Scripsere alij, inter quos Cicero breuiter, potenterque: ad summam, pauca hæc sunt, quæ, de multis electa, probauerim: loci mutatio, quæ, ut corpori, sic animo ægrotanti; salubris interdum est. Euitatio omnium, fugaque diligens, quibus amati vultus memoria retraharis, occupatio quoque, tractatioque animi ad alias curas, nouasque sollicitudines, quibus morbi veteris vestigia deleantur. Cogitatio vehemens, assidua, quam turpe, quam triste, quam miserum. Postremò quam breue, quam labile, quam nihil sit omnino; quod difficultatibus tantis appetitur; quam facile, quantoque melius vel impleri aliter, aliisque viis, vel contemni penitus possit, atque abici, interque rerum vilissima deputari. Multos præterea curauit pudor, quod maximè generosis animis accidit, dum obseruetur infamia, irrisioque; dumque se digito signari, vulgi que fabulam fieri dolent, dum sub oculos redit rei fœditas, fructu vacua, plena dedecore, plena periculis, plena doloribus, ac poenitentia. causis; ad extremum, proderit excusa-

tionibus, ac falsis opinionibus reiectis, veras induere, nihil hic naturam, nihil fatum, nihil stellas agere, nihil denique, nisi solam animi leuitatem atque liberum iudicium. Est enim in ægrotantis arbitrio, vt sanus fiat mox, vt bona fide velle cœperit, & blandæ consuetudinis, nexus dulces abruerit, laboriosum certè, sed volenti possibile. Est quidem [vt grauissimè ait Cicero] illud, quod in omni perturbatione dicitur, demonstrandum, nullam esse, nisi opinabilem, nisi iudicio susceptam, nisi voluntariam. Etenim, si naturalis amor esset, & amarent omnes, & semper amarent, & idem amarent; neque alium pudor, alium cogitatio, alium satietas deterreret. Nempe hoc vltimum satietas, à quibusdam inter remedia ponitur: ab aliis autè amor nouus, quo, vt censent, vetus amor, quasi clauo clauus, pellitur: quod quamuis Artaxerxi Persarum regi, quem Asluerum sacra vocant literæ, & suggestum ab amicis, & effectum vtile deprehensum, author expressior sit Iosephus: de euentu quidem non litigo. de electione pronuncio. Itaque duo hæc vtilia fortassis interdum, semper certè periculosa crediderim: si neque horum aliquo, neque omnibus conualescas. ad morbi causas animo recurrendum erit. Hæ verò [ni fallor] primæ omnium, ac maximæ sunt, valetudo, & forma elegans, opes, otium, iuuenta. Vt corporis ergo, sic animi morbis contraria optimè medebuntur. ægritudo deformitas, inopia, graue negotium, senectus errorum inuenilium castigatrix eximia. Hæc mihi

sunt vltima; dura quidem: sed, pro
magnitudine pestis,
optanda re-
media.

De

*Non semper miser est sterilis cui contigit vxor;
Nam patribus nati trista saepe ferunt.*

GAV.

Nati mihi sunt filij. *RA.* Geminatum malum, pondusque domesticum. *GAV.* Filij mihi sunt nati. *RA.* Laboriosa vxor, laboriosior amica, laboriosissima demum proles. *GA.* Nati filij. *RA.* Dulcedo amarissima, & fel melle circumlitum. *GAV.* Nata mihi est dulcis soboles. *RA.* Fontem tibi grauium curarum domi natum credito. Nunquam sine metu, atque angoribus vitam ages. *GAV.* Filios genui. *RA.* Nec timere, nec sperare, nec vota facere noueras. En discas tuo periculo, discas & parentes orbos miserari, discas & in breui vita longas curas texere, teque longiora negotia ordiri: discas his, quæ nil ad te detineant torqueri; quæ visurus nunquam sis disponere. Ad postremum, discas amare plus alium quam te, discas ardentissimè diligere, tepidissimè diligi; duras artes. *GAV.* Filios habeo. *RA.* Nūc primū intelligere incipis, quid ipse debeas parentibus tuis. *GAV.* Filios procreaui. *RA.* Seui sti arborem inexhausto percolendam studio, quæ te, dum viuas, exerceat, cuius nullos forsitan, aut seros, & fortasse post obitum, fructus legas. *GAV.* Filij mihi sunt. *RA.* Si boni, iugis timor, sin mali, sempiternus dolor: interim solamen ambiguum, certa cura. *GAV.* Habeo filios. *RA.* Habes vnde viuus doleas, mortuus agnoscaris. Habes & vnde sæpius mori possis. *GAV.* Pater filiorum sum bonorum. *RA.* Quantò meliores filij, tantò periculosior conditio tua est. Nescis, quam dolendi materiam gignendo quæseris, quos lachry-

mis aditus in tuam domum patefeceris, quantum in te ius morti, miseriæque præbueris. O matres miseræ, ait Horatius: O patres miseri, dico ego. G. Optimorum pater filiorum sum. R. A. Optanda mors tibi integro est, ne fortè vius esse definas, quod delectat, & aliquando cum Nestore à sociis quaras, cur tam diu vixeris. A. Votiva felix lætusque sum sobole. R. A. Felicitas anxia, sollicitum gaudium, & sæpe mœstum, felicitas misera. Possem multos illustrium proferre, quorum felicitati nihil magis obstitit, quàm quod filios habuerunt.

De Filio infante festiuo. DIAL. LXXXI.

*Arboris vigermen spem fallit sæpe colonus,
Si quandoque patri spem rapit ipse puer.*

G. A. V.

INfans filius festiuus est mihi. R. A. Modò ne ista festiuitas in dolorem definat, & quò tibi præsens lætior infans tuus fuerit, eò mœstior sit digressus. G. Infans est mihi bonæ spei. R. Quid si sit nullius rei? Caduca ante alias ætas illa: sæpe in ipso flore præciditur. Vtique nil dulcius, sic ferè nil amarior. G. A. V. Infans est mihi blandissimus, atque multiloquus. R. A. O, ne istæ blanditiæ vertantur in lachrymas. Res est dulcissima [fateor] infantuli aspectus, & alloquium, utque est apud Statium Pampinium:

Syderei vultus, & verba ligatis

Interrupta modis:

quæ dum audiuntur, mulcent, dum audiri amplius non possunt, cruciant: nec sine sensu doloris ad memoriâ reuertuntur: sic humanis in rebus, sed in nulla magis, dulcedini opposita semper amaritudo est. G. A. V. Delector filio infante iucundissimo.

diſſimo. *R.* Non prohibeo delectari, ne naturæ obſtem, ſed in omnibus modum quaero; ſine quo nihil bene agitur. Volo te parcius gaudere, vt ſi dolendum fuerit, poſſis & parcius dolere; & moneo cogitare, facile fieri poſſe, vt arundineo baculo inſiſtas, vel in caducum te parietem inclinaueris; quod ſæpe dixiſſe fertur Adrianus princeps, cum Ælium Verum puerum pulchrum, ſed fragilem, adoptaſſet; & tecum canere poſſis Maroneum illud.

*Offendent terris hunc tantum fata, neque ultra
Eſſe ſinent.*

G. Gaudeo de infante meo. *R.* Sic gaude, vt doli turus, ſiue ille vt dixi, acerba morte deſungitur, ſiue, quod eſt multò grauius, quodque ſæpiſſimè accidit, è gratiſſimo infante, ſit ingratus, & inobediens adoleſcens. *G. A.* Multum gaudeo de infante filio. *R.* Nemo tam ſtultus agricola eſt, qui de flore multum gaudeat: fructus eſt exſpectandus; tunc gaudendum modicè. Interim tēpeſtates grādines, & vredines metuendæ ſunt, frænādūmq; metu gaudiū.

De inſigniatorum forma. DIAL. LXXII.

Forma pudicit am prodiſt, forma eruit vrbis;

Forma ſua eſt multis maxima cauſa necis.

G. A. V.

Inſignis eſt natorum forma. *R. A.* Si tuam tibi formam contemnendam, me docente, didiciſti, quanti alienam ſis facturus, intelligis.

G. A. V. Forma filiorum magna eſt. *R. A.* Magnum maribus diſcrimen, ſcœminisq; quàm maximum. Iam primùm pulchritudo, & caſtitas raro cohabitant. Nam nec volunt, vixque, ſi velint, liceat: cum humana omnia, tum in primis pudicitia hodie malè tuta eſt; præſertim ubi formæ

egregia iuncta est: sunt quibus inuidetur, sed intra
 suos fines sese tenet invidia; dolet; irascitur, nihil
 ultra: quidam illæsi, inter multorum odia senescere;
 quidam perpetua; & ad ultimum inconcussa vi-
 guere tyrannide: quot assidue placato mari nautes,
 quot per sylvas saluis mercibus prætereunt mer-
 catores; nec pyrata illis, nec his prædo obuius?
 Quam tu mihi formosam intentatâ dabis? Casta
 licet, obsidebitur, oppugnabitur. Quis animus
 muliebris corruptoribus tot resistet? Admonen-
 tur muris scalæ blanditiarum; machinæque mu-
 nerum & latentes sub terram, fraudum cuniculi:
 si his artibus non proficitur, manu improba vis
 affertur: si fidem quæris, famosissimos raptus ad
 memoriam refer. Forma multos tentauit, & ten-
 tandos præbuit, quosdam strauit; & vel in crimen
 impulit, vel in mortem. Fuit apud Hebræos, exem-
 plum tentationis acerrimæ, Ioseph; sed discrimen
 prouidentia cœlestis in gloriam vertit. Apud
 Graios, Hippolytus, & Bellerophon: apud vos;
 Spuria, ne tentaretur, propriis se manibus defor-
 mauit. Non apud primos, virgo Thamar; non a-
 pud secundos, Graia Penelope; non apud tertios,
 Romana Lucretia tuta fuit. Non apud omnes,
 plurimæ, vel tentatæ passim, vel oppressæ. Hi
 sunt formæ fragilis, & caducæ fructus; qui persæ-
 pe, non opulentas tantum domos, sed ingentes vr-
 bes, & magna nonnunquam imperia euerterunt.
 Notæ sūt historia. Certè, nisi formosa adeò fuisset
 Helena, Troia mansisset incolumis: nisi tam for-
 mosa Lucretia, Romanum regnum non tam velo-
 citer corruisset: nisi tam pulchra Virginia, nec
 tam citò decemuirale illud imperium defecisset;
 nec Appius Claudius, sanctus legifer Romanus,
 libidine victus, famam in rostris, vitam in vi. olis
 ami.

finiisset : denique si formosæ minùs innumerabi-
 les aut fuissent non tot raptæ, aut decerptæ, in tot
 probra tantæque animæ ruinas ex arce pudicitix
 cecidissent:quare effectus formæ bonos quos in-
 ueneris renuncia; vt cum contrariis comparētur.
 G. Formosissimus filius est mihi. R. A. Forma hæc
 Messalinæ cuiuspiam cum libidinem excitarit, eli-
 ge, vitrum vis; aut neget, & amantis imperio oc-
 cumbendum; aut annuat, & Claudij gladio per-
 eundum erit. Castitate igitur mortem, adulterio
 autem nihil, præter exiguam vitæ morulam qua-
 sierit : & hoc sibi illa inclyta, & excellens forma
 contulerit. In hoc ergo, vt in reliquis mediocri-
 tas bona: si extremorum alterum eligendum esset,
 forma gratior, sed gibbus est tutior. G. Est mihi
 nata pulcherrima. R. Circumspice infidias, vim ca-
 ueto. Iasonem putas, aut Thesea, aut Pæridem v-
 num esse? Mille sunt. Filiam habere sollicitudo
 est, laborq; formā adice, metus fit, quē, nisi mor-
 te, aut senectute nō fugias: nuptiis namq; alterius
 in domum metum transferes, non exingues. G.
 Præclara natorū forma gloriior & exulto. R. Glo-
 riari, & lætari forma sua iuuenes, vanū vtique; sed
 vulgare est. Gaudere autem senem forma iuuenū
 suorum; quam vanitate plenam [ni desipiat] obie-
 ctamque periculis videt, stultum prorsus & in-
 sania proximum. G. A. Cœlestis filij forma est.
 R. A. Legisti reor. Iliados Homericæ librum quar-
 tum & vigesimum, vbi Priamus, de Hectorē suo
 loquens : Non, inquit, apparebat mortalis viri fi-
 lius, sed Dei: dixit hoc ille, sed Achilles ei osten-
 dit hominis illum mortalis filium esse, non Dei:
 & tui nunc filij cœlestis forma, quam memoras,
 [memento] esipi, scedarique potest; & dum du-
 rat; quanti pretij sit, æstimatio prærupta est. Hos

errores tamen, & has nugas, paternus amor immodicus, & recti iudicii hostis, parit. G. Formosissima mihi filia est. R. Vt nil aliud, sumptuosissima domus erit.

De Filij fortitudine. DIAL. LXXIII.

*Res non magna viris, si fortia corpora sternant;
Vincere qui didicit crimina, fortis erit.*

GAV.

Est mihi filius vir fortis. R. Quanto ille est fortior, tanto tu timidior sis, oportet. In nonnullos enim homines plura pericula, quam in sui contemptores, hoc est viros fortes, congerit fortuna; nec immerito. Ceteri enim sese abdunt, evitantq; impetum, illi se obiciunt fulminanti. Recurre memoria preteritum tempus. Fortissimos ferè omnes violenta morte consumptos inuenies. G. Fortitudo filij ingens est. R. Fortitudo pulcherrima virtus est; sed comitata casibus variis, paratas lachrymas, & instructum feretrum habeto; omnibus mors vicina, viris fortibus contigua est. G. Vir fortissimus est filius. R. Est qui patriæ libertatem forsitan, stragem hostibus, sibi decus, tibi letum aliquando, metum semper afferat. G. Natus mihi fortis ac magnanimus est. R. At, quid aliud, interfecto in filio, Creon gemit; nisi magnanimum bellicæ laudis ardorem? Quid Euander in Pallante suo, nisi novam gloriam armorum & prædulce decus primi certaminis? Quid aliud Priamus Hectorem, pauens, monet: nisi ne Achillem solus expectet? Quidve aliud hunc ipsum mater anxia precatur, nisi ut fugiat bellicosum virum? Quid denique vxor Hectoria, post viri mortem fati ignara, timere se dicit, nisi probitatem viri

misc-

miseram, & feruorem animi, non se in acie continentem bellatorum, sed cæteros præcurrentem; quod ipsum iam antè ab initio formidabat, ubi euntem ad bellum, his verbis alloquitur: Demone, corrumper te tua vis, neque misereris filij pueri, & mei miseræ matris, quæ citò vidua tuiero. Quid postremò Achillis genetrix, pronato, timida dum diceret,

Iam pelago terri, quæ meus quæritur Achilles;

Et volet ipse sequi;

dúmque illum frustrà tam feruentis belli motibus ereptum, & imbecillem tranquilli senis in regiam inuectum, virginis latebris occultaret? Omnes hos quidem fletus, & hos metus, nihil aliud, quàm martia vis, & virtus animosa pepere-
rat. G. Valde mihi magnanimus est filius. R. Magnus animus, sine magna potentia, stultitia magna est. Magnanimitas recta, hominum est paucorum; quamuis & qui potentissimi videntur, quàm sint fragiles, multa etiam præter mortem, sed præcipuè mors declarat: vt breuiter, verèque dici possit. Nil imbecillius homine, nílque superbius. G. Filius est mihi magnanimus. R. Gaude ergò: habebis magnorum conatum plenam domum, otij vacuam, & quietis: & sæpe optabis, non tam magnanimum filium habuisse. Ad summam, clara est fortitudo, magnanimitas speciosa, vtraque verò laboriosa, & turbida: tuta modestia, & tranquilla.

De Filia castitate. D I A L. L X X I V.

Castra pudicitia sædo expugnantur amore;

Ni sint præsidio quàm bene tuta suo.

G A V.

Casti mihi est filia. R. A. Iucunditas magna
o hij;

fed sollicita. Quantò enim castitas maior, tantò in eam vigilantior libido. Nihil tam ardentè inuaditur, quàm quod castis excubiis, & foemineo pudore vallatum est. Concesso calle corruptor it segniùs: & permissa tepentiùs appetuntur: multùm concupitæ rei difficilis solet esse custodia. G. Insignis natæ pudicitia est. R. Est, vbi res optima, rei pessimæ materiam præbet. Magna Lucretiæ forma fuit, sed nil æquè, ac spectata matronæ nobilis castitas, vesanum iuuenem in adulterium violentum, stimulis egit ardentibus. Sic bonorum donis abutitur nequitia reproborum. G. Castitas filiæ nota est. R. A. Opta, vt perpetua sit, apud poëtam legis:

Varium & mutabile semper,

Fœmina:

Quod, si Maro non diceret, nunquid minùs idèò certum esset? Quot adolescentulas pudicas primum, post lasciuas anus vidimus? & ita præsentibus vitiis cum præterita castitate certantes, vt pudicè acti, quasi perditì temporis, poenituisse videretur; quo nullum foedius, illo in sexu, atque ætate ludibrium. G. Castissima mihi est filia. R. Si seipsam cognouerit, sciueritque cuius est domini castitas: & illi gratias agens, ad custodiam boni sui totum animum intenderit atque in tutum intermerata peruenerit, erit [fateor] vnde & secum Deo gratias agas, & gaudeas magis, quàm si illam regiis nuptiis illustrasses. Est tamen interim [mihi crede] quòd timeas. Cùm sit enim in omnibus rara constantia, tum in foeminis nulla est.

*Non Socer à Genere, non hospes ad hospite tutus;
 Tu speras Genereum posse manere probum?*

GAV.

Optimus gener est mihi. R. Debet is esse vel filio charior; si quidem filium casus affert, generum electio. Acceptum igitur filiz fer, quæ nepotum debitor, filium iam nunc dedit. G. Generum optimum fors tribuit. R. Sunt hoc in genere, & fidei insignis, & perfidia exempla. Raro, vel nunquam tam fidelis patri filius fuit, quàm Augusto Cæsari Marcus Agrippa, quàm Antonino pio Marcus Aurelius erga quem, usque ad illius vitæ finem, tribus ac viginti annis, ita se gessit, ut non modò amorem eius in filiam, sed imperij quoque successionem, ut filius; fide perpetua, ac sedulitate meruerit. At non talis erga Claudium fuit Nero, licet is quoque non suis meritis, sed matris ingenio principis filiam nactus, & imperium. G. Vnanimem, & concordem generum inueni. R. A. Vide, ne spes successionis, aut bonorum competitio, concordiam hanc infringat. Quis enim non vivere illum optet, cuius sibi utilem vitam videt? Sin, aut vita obflare, aliquò forsitan aspiranti, aut utilior mors esse cœpit, seu videri; mutantur habitus atque affectus animorum: occultumque mox odium erumpit. Quanta sanè inter socerum ac generum possint esse discordia, ut si leam antiquam Danaï fabellam, & Numerianum Apri soceri sui dolo nefario interemptum, insuper Stiliconem cupiditate imperij, & defuncti soceri, & generi viventis oblitum, abundè Cæsaris, atque Pompeij notissimum est exemplum.

tionibus, ac falsis opinionibus reiectis, veras induere, nihil hic naturam, nihil fatum, nihil stellas agere, nihil denique, nisi solam animi leuitatem atque liberum iudicium. Est enim in ægrotantis arbitrio, vt sanus fiat mox, vt bona fide velle coeperit, & blandæ consuetudinis, nexus dulces abrupte rit, laboriosum certè, sed volenti possibile. Est quidem [vt grauissimè ait Cicero] illud, quod in omni perturbatione dicitur, demonstrandum, nullam esse, nisi opinabilem, nisi iudicio susceptam, nisi voluntariam. Etenim, si naturalis amor esset, & amarent omnes, & semper amarent, & idem amarent; neque alium pudor, alium cogitatio, alium satietas deterreret. Nempe hoc vltimum satietas, à quibusdam inter remedia ponitur: ab aliis autè amor nouus, quo, vt censent, vetus amor, quasi clauo clauus, pellitur: quod quamuis Attaxerxi Persarum regi, quem Asluerum sacra vocant litera, & suggestum ab amicis, & effectum vtile deprehensum, author expressior sit Iosephus: de euentu quidem non litigo. de electione pronuncio. Itaque duo hæc vtilia fortassis interdum, semper certè periculosa crediderim: si neque horum aliquo, neque omnibus conualescas. ad morbi causas animo recurrendum erit. Hæ verò [ni fallor] primæ omnium, ac maximæ sunt, valetudo, & forma elegans, opes, otium, iuuenta. Vt corporis ergo, sic animi morbis contraria optimè medebuntur. ægritudo, deformitas, inopia, graue negotium, senectus errorum inuenilium castigatrix eximia. Hæc mihi

sunt vltima; dura quidem: sed, pro
magnitudine pestis,
optanda remedia.

De

*Non semper miser est sterilis cui contigit uxor;
Nam patribus nati tristia saepe ferunt.*

GAV.

Nati mihi sunt filij. *RA.* Geminatum malum, pondusque domesticum. *GAV.* Filij mihi sunt nati. *RA.* Laboriosa uxor, laboriosior amica, laboriosissima demum proles. *GA.* Nati filij. *RA.* Dulcedo amarissima, & fel melle circumlitum. *GAV.* Nata mihi est dulcis soboles. *RA.* Fontem tibi grauium curarum domi natum credito. Nunquam sine metu, atque angoribus vitam ages. *GAV.* Filios genui. *RA.* Nec timere, nec sperare, nec vota facere noueras. En discas tuo periculo, discas & parentes orbos miserari, discas & in breui vita longas curas texere, teque longiora negotia ordiri: discas his, quæ nil ad te detineant torqueri; quæ visurus nunquam sis disponere. Ad postremum, discas amare plus alium quam te, discas ardentissimè diligere, tepidissimè diligi; duras artes. *GAV.* Filios habeo. *RA.* Nunc primùm intelligere incipis, quid ipse debeas parentibus tuis. *GAV.* Filios procreaui. *RA.* Seui sti arborem inexhausto percolendam studio, quæ te, dum viuas, exerceat, cuius nullos forsitan, aut seros, & fortasse post obitum, fructus legas. *GAV.* Filij mihi sunt. *RA.* Si boni, iugis timor, sin mali, sempiternus dolor: interim solamen ambiguum, certa cura. *GAV.* Habeo filios. *RA.* Habes vnde viuus doleas, mortuus agnoscaris. Habes & vnde sæpius mori possis. *GAV.* Pater filiorum sum bonorum. *RA.* Quantò meliores filij, tantò periculosior conditio tua est. Nescis, quam dolendi materiam gignendo quæsieris, quos lachry-

mis aditus in tuam domum patefeceris, quantum in te ius morti, miseriæque præbueris. O matres miseræ, ait Horatius: O patres miseri, dico ego. G. Optimorum pater filiorum sum. R. Optanda mors tibi integro est, ne fortè viuis esse definas, quod delectat, & aliquando cum Nestore à sociis quaras, cur tam diu vixeris. A. Votiva felix lætusque sum sobole. R. Felicitas anxia, sollicitum gaudium, & sæpe mœstum, felicitas misera. Possem multos illustrium proferre, quorum felicitati nihil magis obstitit, quàm quod filios habuerunt.

De Filio infante festiuo. DIAL. LXXXI.

*Arboris ut germen spem fallit sæpe colonis,
Si quandoque patri spem rapit ipse puer.*

GAV.

Infans filius festiuus est mihi. R. Modò ne ista festiuitas in dolorem definat, & quò tibi præsens lætior infans tuns fuerit, eò mœstior sit digressus. G. Infans est mihi bonæ spei. R. Quid si sit nullius rei? Caduca ante alias ætas illa: sæpe in ipso flore præciditur. Vtique nil dulcius, sic ferè nil amarius. G. AV. Infans est mihi blandissimus, atque multiloquus. R. O, ne istæ blanditiæ vertantur in lachrymas. Res est dulcissima [fateor] infantuli aspectus, & alloquium, utque est apud Statium Pampinium:

Syderei vultus, & verbaligatio.

Interrupta modis:

quæ dum audiuntur, mulcent, dum audiri amplius non possunt, cruciant: nec sine sensu doloris ad memoriam reuertuntur: sic humanis in rebus, sed in nulla magis, dulcedini opposita semper amaritudo est. G. AV. Delector filio infante iucundissimo.

disiimo. *R.* Non prohibeo delectari ne naturæ obstem, sed in omnibus modum quero; sine quo nihil bene agitur. Volo te parcius gaudere, ut si dolendum fuerit, possis & parcius dolere; & moneo cogitare, facile fieri posse, ut arundineo baculo insistas, vel in caducum te parietem inclinaueris; quod sæpe dixisse fertur Adrianus princeps, cum Alium Verum puerum pulchrum, sed fragilem, adoptasset; & tecum canere possis Maroneum illud.

*Offendent terris hunc tantum fata, neque vitæ
Esse sinent.*

G. Gaudeo de infante meo. *R.* Sic gaude, ut doliturus, siue ille ut dixi, acerba morte defungitur, siue, quod est multò grauius, quodque sæpissime accidit, è gratissimo infante, sit ingratus, & inobediens adolefcens. *G. A.* Multum gaudeo de infante filio. *R.* Nemo tam stultus agricola est, qui de flore multum gaudeat: fructus est expectandus; tunc gaudendum modicè. Interim tēpestates grādines, & vredines metuendæ sunt, frænādūmq; metu gaudiū.

De insigni natorum forma. D I A L. L X X I I.

*Forma pudicit am prodit, forma eruit vrbis;
Forma sua est multis maxima causa necis.*

G. A. V.

INsignis est natorum forma. *R. A.* Si tuam tibi formam contemnendam me docente, didicisti, quanti alienam sis facturus, intelligis. *G. A. V.* Forma filiorum magna est. *R. A.* Magnum maribus discrimen, scēminisque quàm maximum. Iam primum pulchritudo, & castitas raro cohabitant. Nam nec volunt, vixque, si velint, liceat: cum humana omnia, tum in primis pudicitia hodie malè tuta est; præsertim ubi formæ

egregia iuncta est: sunt quibus invidetur, sed intra
 suos fines sese tenet invidia; dolet; irascitur, nihil
 ultra: quidam illæsi, inter multorum odia senescere;
 quidam perpetua; & ad ultimum inconcussa vi-
 guere tyrannide: quot assidue placato mari naute,
 quot per sylvas saluis mercibus prætereunt mer-
 catores; nec pyrata illis, nec his prædo obuius?
 Quam tu mihi formosam intentatâ dabis? Casta
 licet, obsidebitur, oppugnabitur. Quis animus
 muliebris corruptoribus tot resistet? Admonen-
 tur muris scalæ blanditiarum; machinæque mu-
 nerum & latentes sub terram, fraudum cuniculi:
 si his artibus non proficitur, manu improba vis
 affertur: si fidem quæris, famosissimos raptus ad
 memoriam refer. Forma multos tentauit, & ten-
 tandos præbuit, quosdam strauit; & vel in crimen
 impulit, vel in mortem. Fuit apud Hebræos, exem-
 plum tentationis acerrimæ, Ioseph; sed discrimen
 prouidentia cœlestis in gloriam vertit. Apud
 Graios, Hippolytus, & Bellerophon: apud vos;
 Spurrina, ne tentaretur, propriis se manibus defor-
 mauit. Non apud primos, virgo Thamar; non a-
 pud secundos, Graia Penelope; non apud tertios,
 Romana Lucretia tuta fuit. Non apud omnes,
 plurimæ, vel tentatæ passim, vel oppressæ. Hi
 sunt formæ fragilis, & caducæ fructus; qui per sæ-
 pe, non opulentas tantum domos, sed ingentes vr-
 bes, & magna nonnunquam imperia euerterunt.
 Notæ sūt historiae. Certè, nisi formosa adeò fuisset
 Helena, Troia mansisset incolumis: nisi tam for-
 mosa Lucretia, Romanum regnum non tam velo-
 citer corruisset: nisi tam pulchra Virginia, nec
 tam citò decemuirale illud imperium defecisset;
 nec Appius Claudius, sanctus legifer Romanus,
 libidine victus, famam in rostris, vitam in vi. olis
 ami.

finiisset : denique si formosæ minùs innumerabi-
 les aut fuissent, non tot raptæ, aut decerptæ, in tot
 probra tantasque animæ ruinas, ex arce pudicitia
 cecidissent: quare effectus formæ bonos quos in-
 ueneris renuncia, vt cum contrariis comparetur.
 G. Formosissimus filius est mihi. R. A. Forma hæc
 Messalinæ cuiuspiam cum libidinem excitarit, eli-
 ge, vtrum vis; aut neget, & amantis imperio oc-
 cumbendum; aut annuat, & Claudij gladio per-
 eundum erit. Castitate igitur mortem, adulterio
 autem nihil, præter exiguam vitæ morulam qua-
 sierit : & hoc sibi illa inclyta, & excellens forma
 contulerit. In hoc ergo, vt in reliquis mediocri-
 tas bona: si extremorum alterum eligendum esset,
 forma gravior, sed gibbus est tutior. G. Est mihi
 nata pulcherrima. R. Circumspice insidias, vim ca-
 ueto. Iasonem putas aut Thesea, aut Paridem v-
 num esse? Mille sunt. Filiam habere sollicitudo
 est, laborq; formâ adice, metus fit, quæ, nisi mor-
 te aut senectute nō fugias: nuptiis namq; alterius
 in domum metum transferes, non exstingues. G.
 Præclara natorû forma gloriâ & exulto. R. Glo-
 riari, & lætari forma sua iuuenes, vanū vtique; sed
 vulgare est. Gaudere autem senem forma iuuenū
 suorum; quam vanitate plenam [ni desipiat] obie-
 ctamque periculis videt, stultum prorsus & in-
 sania proximum. G. A. Cœlestis filij forma est.
 R. A. Legisti reor. Iliados Homericæ librum quar-
 tum & vigesimum, vbi Priamus, de Hectore suo
 loquens : Non, inquit, apparebat mortalis viri fi-
 lius, sed Dei: dixit hoc ille, sed Achilles ei osten-
 dit hominis illum mortalis filium esse, non Dei:
 & tui nunc filij cœlestis forma, quam memoras,
 [memento] desipi, fœdarique potest; & dum du-
 rat; quanti pretij sit, æstimatio prærupta est. Hos

errores tamen, & has nugas, paternus amor immo-
dicus, & recti iudicii hostis, parit. G. Formosissima
mihi filia est. R. Vt nil aliud, sumptuosissima do-
mus erit.

De Filij fortitudine. DIAL. LXXIII.

*Res non magna viris, si fortia corpora sternant;
Vincere qui didicerit crimina, fortis erit.*

G. A. V.

Est mihi filius vester fortis. R. Quanto ille est
fortior, tanto tu timidior sis, oportet. In nō-
nullos enim homines plura pericula, quàm
in sui contemptores, hoc est viros fortes, congerit
fortuna; nec immerito. Cæteri enim sese abdunt,
evitantq; impetum, illi se obiciunt fulminanti.
Recurrere memoria præteritum tempus. Fortissi-
mos ferè omnes violenta morte consumptos inue-
nies. G. Fortitudo filij ingens est. R. Fortitudo pul-
cherrima virtus est; sed comitata casibus variis, pa-
xatas lachrymas, & instructum feretrum habeto;
omnibus mors vicina, viris fortibus contigua est.
G. Vir fortissimus est filius. R. Est qui patriæ liber-
tatem forsitan, stragem hostibus, sibi decus, tibi
fletum aliquando, metum semper afferat. G. Na-
tus mihi fortis, ac magnanimus est. R. At, quid al-
liud, interfecto in filio, Creon gemit; nisi magna-
nimus bellicæ laudis ardorem? Quid Euander in
Pallante suo, nisi novam gloriam armorum & præ-
dulce decus primi certaminis? Quid aliud Pria-
mus Hectorem, pauens, monet: nisi ne Achillem
solus expectet? Quidve aliud hunc ipsum mater
anxia precatur, nisi ut fugiat bellicosum virum?
Quid denique vxor Hectoræa, post viri mortem
fati ignara, timere se dicit, nisi probitatem viri
miser-

miseram, & feruorem animi, non se in acie continentem bellatorum, sed ceteros præcurrentem; quod ipsum iam antè ab initio formidabat, vbi euntem ad bellum, his verbis alloquitur: Demonice, corrumpet te tua vis, neque misereris filij pueri, & mei miseræ matris, quæ citò vidua tuiero. Quid postremò Achillis genetrix, pro nato, timida dum diceret,

Iam pelago terri, que meus quaeritur Achilles;

Et volet ipse sequi;

dúmque illum frustrà tam feruentis belli motibus ereptum, & imbecillem tranquilli senis in regiam inuectum, virgineis latebris occultaret? Omnes hos quidem fletus, & hos metus, nihil aliud, quàm martia vis, & virtus animosa pepere-
rat. G. Valde mihi magnanimus est filius. R. Magnus animus, sine magna potentia, stultitia magna est. Magnanimitas recta, hominum est paucorum; quamuis & qui potentissimi videntur, quàm sint fragiles, multa etiam præter mortem, sed præcipuè mors declarat: vt breuiter, verèque dici possit. Nil imbecillius homine, nilque superbius. G. Filius est mihi magnanimus. R. Gaudè ergò: habebis magnorum conatuum plenam domum, otij vacuam, & quietis: & sæpe optabis, non tam magnanimum filium habuisse. Ad summam, clara est fortitudo, magnanimitas speciosa, vtraque verò laboriosa, & turbida: tuta modestia, & tranquilla.

De Filia castitate. DIAL. LXXIV.

Castra pudicitia sædo expugnantur amore;

Ni sint præsidio quàm bene tuta suo.

GAV.

Casti mihi est filia. R. A. Iucunditas magna

o h;

*Non Socr à Geniro, non hospes ad hospite tutus;
 Tu speras Generum posse manere probum?*

GAV.

Optimus gener est mihi. R. Debet is esse vel filio charior; si quidem filium casus affert, generum electio. Acceptum igitur filix fer, quæ nepotum debitor, filium iam nunc dedit. G. Generum optimum fors tribuit. R. Sunt hoc in genere, & fidei insignis, & perfidia exempla. Raro, vel nunquam tam fidelis patri filius fuit, quàm Augusto Cæsari Marcus Agrippa, quàm Antonino pio Marcus Aurelius erga quem, usque ad illius vitæ finem, tribus ac viginti annis, ita se gessit, ut non modo amorem eius in filiam, sed imperij quoque successionem, ut filius; fide perpetua, ac sedulitate meruerit. At non talis erga Claudium fuit Nero, licet is quoque non suis meritis, sed matris ingenio principis filiam nactus, & imperium. G. Vnanimem, & concordem generum inueni. R. A. Vide, ne spes successionis, aut bonorum competitio, concordiam hanc infringat. Quis enim non vivere illum optet, cuius sibi utilem vitam videret? Sin, aut vita obflare, aliquò forsitan aspiranti, aut utilior mors esse cœpit, seu videri; mutantur habitus atque affectus animorum: occultumque mox odium erumpit. Quanta sanè inter socerum ac generum possint esse discordia, ut si leam antiquam Danaï fabellam, & Numerianum Apri soceri sui dolo nefario interemptum, insuper Stiliconem cupiditate imperij, & defuncti soceri, & generi viuentis oblitum, abundè Cæsaris, atque Pompeij notissimum est exemplum.

*Vxorē, liber factus, ne quare secundam:**Stultus, qui rursus vincula solutus adit.*

G A V .

SEcundas nuptias celebrabo. *R. A.* Si nos-
ses ad liquidum, quid est foemina, quidve de
illa magni scribant viri, ne primas quidem nu-
ptias celebrasses. *G.* Secundas nuptias celebrare
est animus. *Q.* Si non te primę nuptiæ domuerunt,
iam secundas celebra; si te nec illæ domuerint,
celebrabis & tertias. *B.* Secundis nuptiis intendo.
R. A. Qui ex primo coniugio prolem habens, no-
uercam superinducit, suis manibus in suam do-
mum mittit incendium. Si iuuenta vrget, aut li-
bidinosa vellicat senectus, qua nihil est turpius:
posset forsan [vt ciuilitur hoc potius, quàm ho-
nestè dicam] posset, inquam., fortassis uti-
lius, nisi peccati materia, vel diuina lege ve-
titum esset, concubinali obsequio subueni-
re, quàm nouercalibus odiis domus tranquillā
turbari: quod Tito, ac Domitiano susceptis
filiis Vespasianus prudentissimus princeps fecit.
Et ætate hac, Stephanus Columnensis, haud im-
meritò inter principes memorandus. *A V.* Ad
secundas nuptias intendo. *R. A.* Potes id quidem
secundum leges humanas, diuinis quidem legi-
bus patientibus magis quàm laudantibus: nota o-
mnibus, quæ de hac re Paulus tractat Aposto-
lus. Certè etiam apud Gentiles ipsos, quibus la-
xior talium libertas, permissam rem potius quàm
probatam, intelligere est. Siquidem multorum
matrimoniorum experientiam, quasi legitimæ
cuiusdam intemperantiæ signum esse, vestri ma-
iores crediderunt: quæ amplexus Hieronymus,
quàm.

quàm multa contra secundas nuptias, quàmque acriter scribat, non est promissæ breuitatis inferre: quæ quamuis in fœminas, non in viros etiam dici omnia videantur, & haud dubiè sexus ille maioris sit debitor castitatis, ac pudoris, plus tamen prudentiæ, ac constantiæ debent viri. ¶. Secundis mihi nuptiis est opus. ¶. Mirer; nisi mores vestros nouerim, non tantum superuacua, sed damnoſa etiam, vobis necessaria effecistis. Tu verò durissimi oris sis: si ad te frænandum, vxore opus est altera. ¶. Ad secundas nuptias festino. R. Age age, dum feruor durat: cum reſixerit, dolebis: non notaſti, quàm dulcis est ſopor, in vacuo cubili: ſolum illud fœdum, & miſerum, actum cogitas, qui tranſit, & vulnerat.

De Natorum coniugio. D I A L. LXXVII.

Exitus acta probat: nil lauda ſolis ab ortu;

Sæpe bono aſpectu ſinis amara venit.

G A V.

NAtorum nuptiis ſobolem propagauit. R. Honestior aliquantò hæc quidem cura, quàm ſuperior; & tamen ſæpe vitium propago quàm ſobolis, vtilior fuit. Illa dulci mero doliũ, hæc amaris curis animum impleuit. GAV. Nuptui natam dedi. R. Si prouidè, ſiquè feliciter, & filiam ſeruasti, & filium [vt modò dicebam,] vel filio mēlius iqueniſti: ſi minùs, & illam perdidisti, & tibi hoſtem, tyrannum filia quæſuiſti. GAV. Viro filiam collocaui. R. Si bonam, dulce pignus, ac ſuave tibi ereptum, alienis laribus inuexiſti. At ſi malum, graui faſce, quo alium premeres, te leuaſti. GAV. Filiam viro dedi. R. Noli nimium hinc gaudere. Multis anxie, & infelicis vitæ principium fuerunt nuptiæ: vt late omnia ſuccedant,

operosa res est coniunx; in laboriosam coloniam, durumque negotium, quam amabas, misisti: nascuntur filij. Domi illi suus scaturiet fons curarum: finge non nasei, sed id ipsum miserum, molestumque. Sic foecunditas onerosam, sterilitas odiosam faciet: mansisse tecum forsitan optabit, pietatemque tuam hanc oderit. *GAU.* Filia virum dedi. *RA.* Otiosa finem vitae, principium actuosae; rei sarcinam familiaris grauem; mundi notitiam, experientiam sui ipsius. *GAU.* Filia virum habet. *RA.* At perdidit libertatem, virginitatem, requiem: non æqua permutatio. *GAU.* Dedi filio uxorem. *RA.* Grauior est immissa nurus, quam emissa filia: semper intestinum malum, periculosius externo est. Patefecisti arcem hosti forsitan, aut profectò participi; iam non solus dominus rerum tuarum: refert qualis intrauerit. *GAU.* Generosam filio coniugem quæsiui & diuitem, & formosam. *R.* Cur, quod sequitur, suppressis, & superbam, & importunam, & coniugi, vitæque tuæ æmulam? Inter socrum, & nurum vetus est bellum; nec soceri maior est gratia, sed metus: vna est amborum ratio: Nullum animal tam primi loci appetens, quam foemina. Illum sibi, saluis vobis interdictum videns, quid nunc animo voluat, & quid oret, haud difficilis coniectura est. *GAU.* Uxorem filio dedi. *RA.* Quid scis an immortale illi tædium, tibi que dederis; an vtrique clandestinum fortè discrimen? Multa viros, socerosque perenni confecere fastidio, quædam veneno ferroque alia peremere. Quot habebat filios Agisthus, si nurum nullam habuisset? Inuenta est, quæ præcipiti libidine dominandi, & secundæ sortis impatientia; quò maturius virum, seque regnantem cerneret, genitori proprio

causa

causa mortis cum fuisset, supra cæsi corpus cur-
rumageret. Si hæc patrum merces, quid sperare
debent focerî? G. Nuptiis filia celebratis gaudeo.
R. Quoties hanc celebritatem dispar fœdat euen-
tus: & cantus, & epulas, & choræ, luctus sequun-
tur, & lachrymæ, & tumultus. Ineptum omne gau-
dium immodicum, ex his præsertim rebus, quibus
dolor oriri possit, & soleat. G. Vxorem filio simul
& filia virum dedi. R. Sarcinas permutasti, alic-
nam tuis, alienis tuam humeris curam fers.

De Nepotibus. DIAL. LXXVIII.

*Dant multi curas nati, seriesque nepotum;
Et plenam norum expliare domum.*

G. A. V.

NEpos ex filio natus est mihi. R. A. Ingens a-
mor filiorum, iugis cura: habet tamen & fi-
nem, & metam aliquam: si ultra progredi-
tur, nullus sollicitudinum modus est; & ex filio
natus, & qui ex illo nascitur, omnes denique tuâ
nascuntur in pœnam: quorum numerus quorsum
pergat seu pergere possit, intelligis. Ille quidem
Israelitici parens populi, si sic affectus, ut tu es,
primorum patrum vitæ tempus impleisset: quanta,
quæso curarum sarcina humeris fessi senis incum-
beret? Præter enim fœminas, puerosque, & sacer-
dotes atque inhabiles suo de sanguine, paucis se-
culis sexcenta, & eò amplius, virorum bellantium
millia prodire. I nunc, & nepotum exercitibus
gloriare: in quibus, etsi fortè aliqui sint felices,
innumerabiles miseri sint, oportet. Quid ergo? A-
mandi sunt non tantum filij, ac nepotes, sed om-
nes omninò homines. Amandi, inquam, in illo,
in quo fratres estis omnes, nec curis tamen, nec

immodico gaudio indulgendum, ne, & in præsens contrariis crucieris affectibus, & aliquando te gauisū esse poeniteat pudeatque, quem, vt infantulū valde dilexeris, virum valde oderis, quod per sæpe accidit. *GAV.* Natus est, nepos mihi. *RA.* Quid, quod hunc, quem faustum putas, vel nepotis turpitudine, vel vi forsitan fortunæ infaustum quandoque dicturus es diem? Quid, quod tibi natus mox forsitan moriturus, & plus tristitiæ allaturus est, quàm attulerit lætitiæ? Multi sunt varij, subiti, & inopi hominum casus: sed infantium innumeri. Si omnes viuerent, qui nascuntur, humanum genus terra non caperet: viuerent, dico non semper: nam si id facerent, homines non essent: sed vsque in senium, vsque saltem ad legitimam ætatem. Stultum est magnum gaudium de re breui, vtique & incerta, quonam euasura sit. Quod & in filiis, & in nepotibus verum est sed eò magis in nepotibus magisque etiam nunc in pronepotibus, quò à radice absunt longius. *GAV.* Nati sunt mihi nepotes ex fratre, ex filia ex sorore. *RA.* Hi iam minùs ad te pertinent, hoc gaudium, & hanc patribus curam cede. *GAV.* Natus est mihi nepos ex fratre. *RA.* Et Annæo Seneca Lucanus, non exigua pars Hispanæ facundiæ; & Micipsæ Numidarum regi Iugurtha non vltimum exemplum Libyæ perfidiæ, nepos fuit, regni euersor, fratrum interfector. *GAV.* Natus est mihi nepos ex sorore. *RA.* Et Platoni Pseusippus ex sorore nepos & philosophiæ velut hæres fuit; & Pericli talis nepos Alcibiades, turbator patriæ, & bellorum Græciæ concitator; Tarquinio Superbo Brutus, qui regia illum sede deiecit, & vir magnus, & patriæ utilis, sed aduersus auunculo, *GAV.* Natus est nepos ex filia. *RA.* Ennio Pacu-

uius verecundus, ac grauis vir nepos ex filia, & po-
 ëtica successor fuit. Antonino autem pio, Com-
 modus impudentissimus, leuissimûsque hominû.
 G. Est mihi ex filia natus nepos. R. Romulus Re-
 mûsque Numitaris ex filia nepotes auum mater-
 num in Albanum regnum restituerunt. Ancus
 Martius ex filia Numę nepos, auitum regnum Ro-
 mę tenuit magna cum gloria. Cyrus autem Astya-
 gis nepos ex filia maternum regno auum expulit
 Medorum. Quę historię eò tendunt, vt de hoc ne-
 potum ortu, quantû sperari potest, tantû pos-
 sit & metui.

De Adoptione filij. D I A L. L X X I X.

Prinignos, & adoptatos licet esse probatos;

Est tamen hic multò iustius, ut careas.

G. A V.

Adoptaui mihi filium. R. A. Adoptatio pe-
 disse qua est naturæ: & cû sit illa nobilior,
 hæc cautior; quôdque illa, sine consilio gi-
 gnentis, casu quodam, hæc adoptantis certo iudi-
 cio operatur. G. Adoptione bonum filium quæsi-
 ui. R. Debuiisti id quidem; si neglectum, non vt ge-
 nitura, sic electio excusabilis. Nihil habes in con-
 iugem, nihil in fortunam quod retorqueas. G. Fi-
 lium adoptaui. R. A. Opportunum hoc naturæ
 subsidium, ciuili repertum iure multisque vtile,
 multis fuisse pestiferum constat. Bonum filium
 adoptauit Nerua; sed Traianum in sua adoptio-
 ne deceptum, quibusdam scriptoribus visum
 scio. Nā Augustum in Agrippæ nepotis adoptio-
 ne circumuentum, mox secuta testatur abdica-
 tio; in Tiberij autem, vel adoptione, vel successio-
 ne, non deceptum, sed suorum moribus penè co-
 actum, video; quod & sermo eius indicat, & præ-
 fatio testamenti. At Micipsa ille, cuius paulò

antè memini, prorsus infelix adoptator fuit; qui non filium sed funestum draconem regis filiiſq; ſuis immiſerit; quos etſi moriens horretur ita vivere, ne ipſe meliores filios adoptaſſe videatur, quàm genuiſſe; ſapè tamen meliores adoptantur, quàm gignuntur: neque id mirum cùm illud experientia, & conſilio muniatur; hoc neutro. Sæpè autem contrà non peiores modò, ſed peſſimi omnium adoptantur. Fuſca enim, & ambigua merx eſt homo. G. Priuignum bonum habeo. R. Rarus eſt priuignus bonus, rarior eſt vitricus. G. Bonus eſt priuignus mihi. R. Vt iſt bonus, quid ad te? niſi forſan, vt coniugis procurator gaudes. Tibi enim quid virtus aliena contulerit, niſi vt tuorum, ſi quos genueris, pandatur ignauia? G. Priuignus eſt mihi optimus, atque fidiſſimus, & nulli filio ſecundus. Fieri id quidem poteſt. Talis Auguſto fuit Druſus, ſed non Claudio talis Nero.

De Excellenti præceptore: DIAL. LXXX.

*Eſt pudor à docto te nil didiciſſe magiſtro;
Quin age, te docilem redde, peritus eris.*

GAV.

Excellentì præceptore gloriòſior. R. A. Alieno nec dum de ſinis gloriari. Quid ad te enim excellentia præceptoris tui? Crede mihi [quod ſapè iterò] intra te ſit oportet, quod te faciat gloriòſum. G. Præceptore gloriòſior excellenti. R. Sine ipſum interim rebus ſuis, vt videtur, vti, & ſi libet, etiam gloriari; quanuis, & ſi excellens verè eſt, minimè id facturus ſit; de te autem poſt viderimus. Eſt mihi præceptor inſignis. R. Qualis tu diſcipulus ſis, exſpecto; antè enim quid pronuntiem.

nuntiem non habeo. Quàm multos stultos, atque hebetes habuisse putas scholam Socratis, ac Platonis; in quibus multos, absque præceptore villo, per seipso in altum euolasse, vt præceptores fierent aliorum, qui præceptoribus casuissent? Nul- lum Vergilio præceptorē legimus. Horatius Flac- cus de suo nihil, nisi quòd plagosum dixit verbo- rum puerilium, credo, meminerat. Cicero autem suum laudibus amplissimis celebrare voluit, nec valuit. Contrà huius filius, quantis præceptori- bus, patre scilicet, & Cratippo illius ætatis philo- sophorum principe, si quid ipsi credimus Cicero- ni, quantus nebulo, quàmque famosæ ebrietatis euaserit notum est, qui solo patris, vel tacentis, as- pectu, doctus, ac sobrius euasisse debuerit. Plato ipse, etsi, vt suprà meminit, Socratis magisterio gloriatur, maior tamen est gloria, Socrate excelsisse, quàm sub Socrate didicisse. C. Scientificus præceptor est mihi. R. Scientia præceptoris disci- pulo utilis esse nō potest. gloriosa non esse potest: quin etiam [quod mireris] est qui tibi famam mi- nuat, ignauiam exaggeret: iactantia, excusationi- busque aditum præclusisti. Quicquid sciueris, præ- ceptori dabitur. Quicquid ignoraueris, tuum erit. Est ergò non vnde gloriaris, sed vnde aspire ad gloriam. Habes & quem sequi velis, atque asse- qui; non quem te esse putes, quòd discipulus eius sis. Est denique non quod habes, sed quod habe- re cupias; & quod speres, non sine ingenti tuo stu- dio, ac labore. GAV. Est mihi præceptor assiduus vir clarus. R. At illi, de quo diximus, Ciceronis fi- lio duo erant summi viri, quorum alter libris emi- nus, alter verbis comminus in eum incubuerat, & quid profecerint, audisti. Quàm multos verò è fi- liis principum, præceptores simul quàm plurimos.

habuisse comperimus; sed quid refert esse, qui doceant si qui discat, nemo sit. Patiente in disposito, frustra nititur vis agentis. Certè, si doctos faceret propius spectare, vel alloqui, doctos faceret inspectatores, et si paucos virtutis, aut doctrinæ cupidos videamus, magna circa eos esset tamen, & importuna frequentia.

De Insigni discipulo. DIALOG. LXXXI.

*Est iter incertum, iuuenis quo protrahat ætas;
Ingenium felix ad mala sæpe vult.*

GAV.

INsignem discipulum penè filio chariorem, casus obtulit. R. Importunum negotium puerulis ingenij non æquis gressibus ingenium coaptare, & in vnum semper infantem defixos oculos atque animum habere: ad illius tolerantiam intellectū tuum, vocemq; submittere. Quod si discipuli plures sunt, cumulator fit cōgeries laborum, verti continuè huc, illuc, utque ait Satyricus:

Tot puerorum

Observare manus, oculosque in sine tremantes.

G. Vnus: isque clarissimus est mihi discipulus. R. Pro vno discipulo claro, multis obscuris iudiciis te obiicis: quicquid ille deliquerit, in tuū caput redūdabit. En doctrinā, inquiēt: En facundiā: En mores. In hoc magistrum inspicere: Nulla, quàm ingeniorum certiore effigies. G. Discipulum sum nactus illustrem. R. Age ergò, magna spes est gloriæ: profectus ingenio illius, defectus culpa tuæ dabitur: Cūm [ut Plutarchus philosophus ad Traianum principem discipulum suum scribit] sermo publicus delicta discipulorum refundere soleat in præceptores: quod multi [ut legimus] passi sunt, inter quos Quintilianus, & Seneca, & ipse Philo-

philosophorum pater Socrates. *G. AV.* Præclari discipuli sunt mihi. Melius si modesti: quanquam vera claritas, sine virtutis radio, nulla est. *G.* Magni discipuli curam gero. *R. A.* Triformi congregieris chimera: hinc ut puero pro sis, hinc ut parentibus placeas: Illinc autem ut Reipub. rationem reddas, quã de tuis manib. exiget: rudemq. illum tibi creditum eruditum reperet. *G. AV.* Pueri nobilis mihi cura commissæ est. *R. A.* Suspecta est ætas. & suspecta nobilitas: illa spondet immemorem: hæc superbum. *G. AV.* Puer mihi creditus, me veretur. *R.* Quid dices, dum te despiciet adolescens? Vir fortasse vix nouerit: nota fides pueri, nota constantia est. *G.* Puer mihi creditus me amat. *R. A.* Inexpleto parieti imaginem impressisti: illo crescente delēbitur. Firmus amor solidam poscit ætatem. *G. A.* Clarus puer edocendus in sortem venit. *R. A.* Inquieta fors; euentus ambigui: quadam ingenia nullo studio eriguntur. Est ubi pater impensam, praeceptor operam, puer tempus auittit: docilem doce, indocilem ne fatiges, neue illum, teque simul frustra atteras: aggre vincit ars naturam. *G. AV.* Discipulus tener, nec indocilis obtigit. *R. A.* Etsi in lubrico stas atque in fluxo struis age tamen fideliter commissum. Si plena ætas accesserit, poterit meminisse, alioqui sua erit obliuio, fides tua: magnum satis ipsa sibi virtus est præmium. Conscientia bonorum operum nihil est dulcius: non te retrahat ab honesto desperatio præmiorum; quia nullum, etiam in hac vita rectè factum præmio caret, cuius [ut sapientibus placet] fructus vberissimus est fecisse, atque in silentio meminisse. *G. AV.* Inueni discipulum magnæ spei. *R. A.* Et magnæ sollicitudinis: & profectò, si bonus fiat, filium tibi cor genuerit, lingua pepererit; sin malus, hostem, qui te, dum

*Vxorē, liber factus, ne quare secundam:**Stultus, qui rursum vincula solutus adit.*

G A V .

Secundas nuptias celebrabo. *R. A.* Si nos-
ses ad liquidum, quid est foemina, quidve de
illa magni scribant viri, ne primas quidem nu-
ptias celebrasses. *G.* Secundas nuptias celebrare
est animus. *R.* Si non te primæ nuptiæ domuerunt,
iam secundas celebra; si te nec illæ domuerint,
celebrabis & tertias. *G.* Secundis nuptiis intendo.
R. A. Qui ex primo coniugio prolem habens, no-
uercam superinducit, suis manibus in suam do-
mum mittit incendium. Si iuuenta vrget, aut li-
bidinosa vellicat senectus, qua nihil est turpius:
posset forsan [vt ciuilitè hoc potiùs, quàm ho-
nestè dicam] posset, inquam., fortassis uti-
lius, nisi peccati materia, vel diuina lege ve-
titum esset, concubinali obsequio subueni-
re, quàm nouercalibus odiis domus tranquillā
turbari: quod Tito, ac Domitiano susceptis
filiis Vespasianus prudentissimus princeps fecit.
Et ætate hac, Stephanus Columnensis, haud im-
meritò inter principes memorandus. *A V.* Ad
secundas nuptias intendo. *R. A.* Potes id quidem
secundum leges humanas, diuinis quidem legi-
bus patientibus magis quàm laudantibus: nota o-
mnibus, quæ de hac re Paulus tractat Aposto-
lus. Certè etiam apud Gentiles ipsos, quibus la-
xior talium libertas, permissam rem potiùs quàm
probatam, intelligere est. Siquidem multorum
matrimoniorum experientiam, quasi legitimæ
cuiusdam intemperantiæ signum esse, vestri ma-
iores crediderunt: quæ amplexus Hieronymus,
quàm.

quàm multa contra secundas nuptias, quàmque acriter scribat, non est promissæ breuitatis inferre: quæ quamuis in fœminas, non in viros etiam dici omnia videantur, & haud dubiè sexus ille maioris sit debitor castitatis, ac pudoris, plus tamen prudentiæ, ac constantiæ debent viri. ¶ Secundis mihi nuptiis est opus. ¶ Mirer; nisi mores vestros nouerim, non tantum superuacua, sed damna etiam, vobis necessaria effecistis. Tu verò durissimi oris sis: si ad te frænandum, vxore opus est altera. ¶ Ad secundas nuptias festino. ¶ Age age, dum feruor durat: cum refixerit, dolebis: non notasti, quàm dulcis est sopor, in vacuo cubili: solum illum fœdum, & miserum, ætæ cogitas, qui transit, & vulnerat.

De Natorum coniugio. D I A L. L X X V I I.

*Exitus acta probat: nil lauda solis ab ortu;
Sæpe bono auspicio finis amara venit.*

G A V.

NAtorum nuptiis sobolem propagavi. ¶ Honestior aliquantò hæc quidem cura, quàm superior; & tamen sæpe vitium propago quàm sobolis, vtilior fuit. Illa dulci mero doliū, hæc amaris curis animum impleuit. ¶ Nuptui natam dedi. ¶ Si prouidè, si quæ feliciter, & filiam seruasti, & filium [vt modò dicebam,] vel filio melius inuenisti: si minùs, & illam perdidisti, & tibi hostem, tyrannum filiæ quæsiuisti. ¶ Vi- ro filiam collocaui. ¶ Si bonam, dulce pignus, ac suæ tibi ereptum, alienis laribus inuexisti. At si malum, graui fasce, quo alium premeres, te leuasti. ¶ Filiam viro dedi. ¶ Noli nimium hinc gaudere. Multis anxietatis, & infelicis vitæ principium fuerunt nuptiæ: vt lætè omnia succedant,

operosa res est coniunx; in laboriosam coloniam, durumque negotium, quam amabas, misisti: nascentur filij. Domi illi suus scaturiet fons curarum: finge non nasei, sed id ipsum miserum, molestumque. Sic foecunditas onerosam, sterilitas odiosam faciet: mansisse tecum forsan optabit, pietatemque tuam hanc oderit. *GAU*. Filia virum dedi. *RA*. Otiosa finem vitae, principium actuosae; rei sarcinam familiaris grauem; mundi notitiam, experientiam sui ipsius. *GAU*. Filia virum habet. *RA*. At perdidit libertatem, virginitatem, requiem: non æqua permutatio. *GAU*. Dedi filio uxorem. *RA*. Grauior est immissa nurus, quam emissa filia: semper intestinum malum, periculosius externo est. Patefecisti arcem hosti forsitan, aut profecto participi; iam non solus dominus rerum tuarum: refert qualis intrauerit. *GAU*. Generosam filio coniugem quæsiui & diuitem, & formosam. *R*. Cur, quod sequitur, suppressis, & superbam, & importunam, & coniugi, vitæque tuæ æmulam? Inter socrum, & nurum vetus est bellum; nec foceris maior est gratia, sed metus: vna est amborum ratio: Nullum animal tam primi loci appetens, quam foemina. Illum sibi, saluis vobis interdictum videns, quid nunc animo voluat, & quid oret, haud difficilis coniectura est. *GAU*. Uxorem filio dedi. *RA*. Quid scis an immortale illi tædium, tibi que dederis; an, utriusque clandestinum fortè discrimen? Multæ viros, focerósque perenni confecere fastidio, quædam veneno ferroque aliæ peremere. Quot habebat filios Ægisthus, si nurum nullam habuisset? Inuenta est, quæ præcipiti libidine dominandi, & secundæ sortis impatientia; quò maturius virum, seque regnantem cerneret, genitori proprio

causa

causa mortis cum fuisset, supra caesi corpus cur-
rumageret. Si hæc patrum merces, quid sperare
debent foci? G. Nuptiis filiae celebratis gaudeo.
R. Quoties hanc celebritatem dispar foedat euen-
tus: & cantus, & epulas, & choræ, luctus sequun-
tur, & lachrymæ, & tumultus. Ineptum omne gau-
dium immodicum, ex his præsertim rebus, quibus
dolor oriri possit, & soleat. G. Vxorem filio simul
& filiae virum dedi. R. Sarcinas permutasti, alic-
nam tuis, alienis tuam humeris curam fers.

De Nepotibus. DIAL. LXXVIII.

*Dant multi curas nati, seriesque nepotum;
Et plenam norunt expoliare domum.*

GAV.

NEpos ex filio natus est mihi. R. A. Ingens a-
mor filiorum, iugis cura: habet tamen & fi-
nem, & metam aliquam: si ultra progredi-
tur, nullus sollicitudinum inodus est; & ex filio
natus, & qui ex illo nascitur, omnes denique tuâ
nascuntur in pœnam: quorum numerus quorsum
pergat, seu pergere possit, intelligis. Ille quidem
Israelitici parens populi, si sic affectus, ut tu es,
primorum patrum vitæ tempus impleisset: quanta,
quæso curarum sarcina humeris fessi senis incum-
beret? Præter enim foeminas, puerosque, & sacer-
dotes atque inhabiles suo de sanguine, paucis se-
culis sexcenta, & eò amplius, virorum bellantium
millia prodire. I nunc, & nepotum exercitibus
gloriare: in quibus, etsi fortè aliqui sint felices,
innumerabiles miseri sint, oportet. Quid ergo? A-
mandi sunt non tantum filij, ac nepotes, sed om-
nes omnino homines. Amandi, inquam, in illo,
in quo fratres estis omnes, nec curis tamen, nec

immodico gaudio indulgendum, ne, & in præsens contrariis crucieris affectibus, & aliquando te gauisū esse poeniteat pudeatque, quem, vt infantulū valde dilexeris, virum valde oderis, quod per sæpe accidit. *GAU.* Natus est, nepos mihi. *RA.* Quid, quod hunc, quem faustum putas, vel nepotis turpitudine, vel vi forsitan fortunæ infaustum quandoque dicturus es diem? Quid, quod tibi natus mox forsitan moriturus, & plus tristitiæ allaturus est, quàm attulerit lætitiæ? Multi sunt varij, subiti, & inopi hominum casus: sed infantium innumeri. Si omnes viuerent, qui nascuntur, humanum genus terra non caperet: viuerent, dico non semper: nam si id facerent, homines non essent: sed vsque in senium, vsque saltem ad legitimam ætatem. Stultum est magnum gaudium de re breui, vtique & incerta, quonam euasura sit. Quod & in filiis, & in nepotibus verum est sed eò magis in nepotibus magisque etiam nunc in pronepotibus, quò à radice absunt longius. *GAU.* Nati sunt mihi nepotes ex fratre, ex filia, ex sorore. *RA.* Hi iam minùs ad te pertinent, hoc gaudium, & hanc patribus curam cede. *GAU.* Natus est mihi nepos ex fratre. *RA.* Et Annæo Senecæ Lucanus, non exigua pars Hispanæ facundiæ; & Micipsæ Numidarum regi Iugurtha non vltimum exemplum Libycæ perfidiæ, nepos fuit, regni euersor, fratrum interfector. *GAU.* Natus est mihi nepos ex sorore. *RA.* Et Platoni Pseusippus ex sorore nepos & philosophiæ velut hæres fuit; & Pericli talis nepos Alcibiades, turbator patriæ, & bellorum Græciæ concitator; Tarquinio Superbo Brutus, qui regia illum sede deiecit, & vir magnus, & patriæ utilis, sed aduersus auunculo. *GAU.* Natus est nepos ex filia. *RA.* Ennio Pacu-

uius verecundus, ac grauis vir nepos ex filia, & po-
 ãtica successor fuit. Antonino autem pio, Com-
 modus impudentissimus, leuissimûsque hominû.
 G. Est mihi ex filia natus nepos. R. Romulus Re-
 mûsque Numitoris ex filia nepotes auum mater-
 num in Albanum regnum restituerunt. Ancus
 Martius ex filia Numę nepos, auitum regnum Ro-
 mę tenuit magna cum gloria. Cyrus autem Asta-
 gis nepos ex filia maternum regno auum expulit
 Medorum. Quę historię eò tendunt, vt de hoc ne-
 potum ortu, quantû sperari potest, tantû pos-
 sit & metui.

De Adoptione filij. D I A L. L X X I X.

Præsignos, & adoptatos licet esse probatos;

Est tamen hic multò tutius, vt careas.

G. A V.

Adoptau mihi filium. R. A. Adoptatio pe-
 disse qua est naturæ; & cû sit illa nobilior,
 hæc cautior; quôdque illa, sine consilio gi-
 gnentis, casu quodam, hæc adoptantis certo iudi-
 cio operatur. G. Adoptione bonum filium quæsi-
 ui. R. Deuisti id quidem; si neglectum, non vt ge-
 nitura, sic electio excusabilis. Nihil habes in con-
 iugem, nihil in fortunam quod retorqueas. G. Fi-
 lium adoptau. R. A. Opportunum hoc naturæ
 subsidium, ciuili repertum iure multisque vtile,
 multis fuisse pestiferum constat. Bonum filium
 adoptauit Nerua; sed Traianum in sua adoptio-
 ne deceptum, quibusdam scriptoribus visum
 scio. Nã Augustum in Agrippæ nepotis adoptio-
 ne circumuentum, mox secuta testatur abdic-
 tio; in Tiberij autem, vel adoptione, vel successio-
 ne, non deceptum, sed suorum moribus penè co-
 æctum, video; quod & sermo eius indicat, & præ-
 fatio testamenti. At Micipsa ille, cuius paulò

antè memini, prorsus infelix adoptator fuit; qui non filium sed funestum draconem regiae filiisque suis immiserit; quos etsi moriens hortetur ita vivere, ne ipse meliores filios adoptasse videatur, quàm genuisse; sæpè tamen meliores adoptantur, quàm gignuntur: neque id mirum cùm illud experientia, & consilio muniatur; hoc neutro. Sæpè autem contrà non peiores modò, sed pessimi omnium adoptantur. Fulca enim, & ambigua merx est homo. G. Priuignum bonum habeo. R. Rarus est priuignus bonus, rarior est vitricus. G. Bonus est priuignus mihi. R. Vt sit bonus, quid ad te? nisi forsan, ut coniugis procurator gaudes. Tibi enim quid virtus aliena contulerit, nisi ut tuorum, si quos genueris, pandatur ignauia? G. Priuignus est mihi optimus, atque fidißimus, & nulli filio secundus. Fieri id quidem potest. Talis Augusto fuit Drusus, sed non Claudio talis Nero.

De Excellentil præceptore: DIAL. LXXX.

*Est pudor à docto te nil didicisse magistro;
Quin age, te docilem reddere, peritus eris.*

GAV.

EXcellentil præceptore glorior. R. A. Alieno nec dum desinis gloriari. Quid ad te enim excellentia præceptoris tui? Crede mihi [quod sæpè iterò] intra te sit oportet, quod te faciat gloriosum. G. Præceptore glorior excellenti. R. Sine ipsum interim rebus suis, ut videtur, uti, & si libet, etiam gloriari; quanuis, & si excellens verè est, minimè id facturus sit; de te autem post viderimus. Est mihi præceptor insignis. R. Qualis tu discipulus sis, expecto; antè enim quid pronuntiem.

nuntiem non habeo. Quàm multos stultos, atque hebetes habuisse putas scholam Socratis, ac Platonis; in quibus multos, absque præceptore villo, per seipso in altum euoluisse, vt præceptores fierent aliorum, qui præceptoribus caruissent? Nul- lum Vergilio præceptorē legimus. Horatius Flac- cus de suo nihil, nisi quòd plagosum dixit verbo- rum puerilium, credo, meminerat. Cicero autem suum laudibus amplissimis celebrare voluit, nec valuit. Contrà huius filius, quantis præceptori- bus, patre scilicet, & Cratippo illius ætatis philo- sophorum principe, si quid ipsi credimus Cicero- ni, quantus nebulo, quàmque famosa ebrietatis euaserit notum est, qui sòlo patris, vel tacentis, as- pectū, doctus, ac sobrius euasisse debuerit. Plato ipse, etsi, vt suprà meminit, Socratis magisterio gloriatur, maior tamen est gloria, Socrate excelsisse, quàm sub Socrate didicisse. *G.* Scientificus præceptor est mihi. *R.* Scientia præceptoris disci- pulo utilis esse nō potest. gloriosa non esse potest: quin etiam [quod mireris] est qui tibi famam mi- nuat, ignauiam exaggeret: iactantiæ, excusationi- busque aditum præclusisti. Quicquid sciueris, præ- ceptori dabitur. Quicquid ignoraueris, tuum erit. Est ergò non vnde gloriaris, sed vnde aspire ad gloriam. Habes & quem sequi velis, atque asse- qui; non quem te esse putes, quòd discipulus cius sis. Est denique non quod habes, sed quod habe- re cupias; & quod speres, non sine ingenti tuo stu- dio, ac labore: *GAV.* Est mihi præceptor assiduus vir clarus. *R.* At illi, de quo diximus, Ciceronis fi- lio duo erant summi viri, quorum alter libris emi- nens, alter verbis comminus in eum incubuerat, & quid profecerint, audisti. Quàm multos verò è fi- liis principum, præceptores simul quàm plurimos.

philosophorum pater Socrates. *GAV*. Præclari discipuli sunt mihi. Melius si modesti: quanquam vera claritas, sine virtutis radio, nulla est. *G*. Magni discipuli curam gero. *RA*. Triformi congregieris chimera: hinc ut puero profis, hinc ut parentibus placeas: hinc autem ut Reipub. rationem reddas, quã de tuis manib. exiget: rudemq. illum tibi creditum, eruditum repetet. *GAV*. Pueri nobilis mihi cura commissa est. *RA*. Suspecta est ætas, & suspecta nobilitas: illa spondet immemorem: hæc superbum. *GAV*. Puer mihi creditus, me veretur. *R*. Quid dices, dum te despiciet adolescens? Vir fortasse vix nouerit: nota fides pueri, nota constantia est. *G*. Puer mihi creditus me amat. *RA*. Inexpleto parieti imaginem impressisti: illo crescente delebitur. Firmus amor solidam poscit ætatem. *GAV*. Clarus puer edocendus in sortem venit. *RA*. Inquieta fors; euentus ambigui: quadam ingenia nullo studio eriguntur. Est ubi pater impensam, præceptor operam, puer tempus amittit: docilem doce, indocilem ne fatiges, neue illum, teque simul frustra atteras: ægre vincit ars naturam. *GAV*. Discipulus tener, nec indocilis obtrigit. *RA*. Etsi in lubrico stas atque in fluxo struis age tamen fideliter commissum. Si plena ætas accesserit, poterit meminisse alioqui sua etit obliuio, fides tua: magnum satis ipsa sibi virtus est præmium. Conscientia bonorum operum nihil est dulcius: non te retrahat ab honesto desperatio præmiorum; quia nullum, etiam in hac vita rectè factum præmio caret, cuius [ut sapientibus placet] fructus vberrimus est fecisse, atque in silentio meminisse. *GAV*. Inueni discipulum magnæ spei. *RA*. Et magnæ sollicitudinis: & profectò, si bonus fiat, filium tibi cor genuerit, lingua pepererit; sin malus, hostem, qui te, dum

timuisse recordabitur, oderit. G. Discipuli claritas
 ingens est qua illustrari spero. R. Moderata claritas
 oculos delectat, immoderata perstringit. Præterea
 nullus te, nisi tu luceas, illustrabit, & si detegat, ve-
 rum lumen ab intra est. G. Magnus est mihi disci-
 pulus. R. Non maior, puto, quàm Seneca: præcepto-
 rum alios protexit, alios oppressit discipuli magni-
 tudo: his porrus fuit, his scopus.

De Patre bono. D I A L O G. L X X X I I.

*Indulgens Pater est, facias ut amore rependas;
 Obsequioque libens fer patris imperium.*

G A V.

Habeo patrem bonum. R. Bonum nosce tuū,
 breue est. G. Patrem habeo optimum. R. A.
 Aut ille tibi luctum pariet, aut tu sibi. G. A.
 Indulgentissimus mihi est pater. R. A. Si naturæ or-
 do seruetur, magni fletus hæreditas te manet, il-
 lumque, si peruertitur. G. Patrem adhuc habeo. R.
 Vtere sedulo, fugitiua iucunditas pater senex. G.
 Patrem habeo grædæum. R. Non est locus inertiae:
 festina carpere fructus extremos, tanquam ex ar-
 bore ruinosa. Charo lateri inhære quantum potes:
 cupidè illum vide, ceu confestim abiturum, cupi-
 diusque audi, & extremos monitus, memori men-
 te recondito: desertumque, velut iter acturus, ne-
 cessariis permunito. Egebis illo consultore, qua-
 resque eum, nec inuenies domi. G. Patrem habeo
 decrepitum. R. Propera nouissima pietatis officia
 in illum congerere, dum licet: si quid nunc omise-
 ris, dolebis semper. G. Patrem piū habeo. R. Ha-
 bes, qui ante te mori cūpiat, post te viuere metuat.
 G. Habeo patrem optimum. R. Habes, quem, prius-
 quàm habere desieris, vix agnoscas; habes & quem
 perditum suspires.

De

VTRIVSQ. FORT. LIB. I. 261
De Matre amantissima. DIAL. LXXXIII.

*Cum nil sit natis materno maius amore;
Iam mater studijs est veneranda pijs.*

GAV.

Amantissima mihi est mater. R. At tu illi iugis pauper, desideriumque perpetuum. G. Mater est mihi amantissima. R. Maximus patris amor, matris vehementissimus, vterque talis, tantusque, ut vix eum, nisi rara admodum, filij, pietas æquauerit. Pulchrum tandem, honestumque est, inter parentes, & filios, de amore, ac pietate certamen; vincant quibus largius charitatis fons celestis affluerit. At nunc usque vincere soliti sunt parentes; nec dum adolescentium ea est pietas, aut maiorum reuerentia, quæ sperare aliud cogat. quod si fortè præter spem euenerit, nullum in terris cœlo gratius spectaculum fingi queat. G. Est mihi mater optima. R. Esto illi saltem bonus filius. Scito te primum pondus, ac tedium fuisse: dehinc acerrimum dolorem: post continuum laborem, trepidamque sollicitudinem. Memento vteri altricumque vberum. Quot illi somnos, quotque seu cibos, seu locos tuis fletibus abruperis, quot aut metus, aut dolores tuis casibus pepereris; & fortasse nonnunquam periculosa quoque gaudia. Sæpe enim, ut dolor filiorum mortis, sic gaudium vitæ, miseræ matres mori compulit. Patuit hoc vltimum eo clarius die, quo reliquæ cladis ad Trasimenum acceptæ Romam, sparso agmine repetebant, duæ matres, filijs, quos in acie cecidisse referentibus crediderant conspectis, insperati gaudij non capaces, efflarunt spiritus: his atque aliis effectum, ut nulla inter homines maior esset ingratitudo, quam

quæ in matrem admittitur. G. Adhuc annosa superest genitrix. R. Quoties hanc respicis, simul terram intueris. Cogita unde venias, & quò pergas, quàm te angustum habitaculum emiserit, quàm angustum excipiet de ventre matris propriæ, in vterum terræ, matris omnium, festinas. Inter vtrumque ergò lassantibus animum, atque raptantibus, superbix, atque auaritiæ frenum stringe.

De Pij, fratrib. boni, q. sororibus. DIAL. LXXXIV.

*Sancta quidem res est habilis concordia fratrum;
Quæ tamen in paucis provenit ipsa locis.*

GAV.

Pios fratres habeo. R. Rarum; nam parentes fere semper amant, fratres sæpè inuident, sæpè despiciunt; raramque ideò fratrum gratiã Nationis ore Veritas clamat; vbi & fratrum, & filiorum, & omnium penè, nisi parentum, notatur impietas. G. Fratres mihi sunt optimi. R. Miror planè: bonos esse sat est; sæpè enim mali sunt: aliquando & pessimi, eoque peiores hostibus, quò minùs contra domesticas insidias est cautela. Quantus autem sit amor fratrum, ne latentes eruam; ne præsentem Ixam, satis notissima paria, Mycenæi, Thebanique fratres, ac Romani indicant: quæ quidem infamia, cur vnius vrbis potiùs, quàm totius orbis sit, non video. Primos mundi fratres aspice. Alter alterius oppetit manu; nec dum relatu horridum sceleris audis. Siquidem Phraates rex Parthorũ, cuius supra mentio est habita, præter parricidia in patrẽ simul, ac filium admissa. xxx. in super proprios fratres trucidasse legitur: non veritus tanto, ac tali sanguine, & regnum malè patrum stabilire, & me-
tum.

rum omnem inuisi consortis extinguere. *GAV.*

Fratres boni sunt. *R.A.* Nondum, puto, patrimonium diuisistis; tunc erumpet iniquitas. Igne aurum, Auro animus probari solet, magna sæpè, quæ videtur pax, pauxillum auri si adhibeas, lis erit.

GAV. Pij sunt fratres. *R.A.* Cælibatus forsant tuus, aut orbita illos tibi conciliat. Coniugio detegentur tuo, sed prole melius, spe successionis amissa; quæ impatientissimos quoque multa pati docuit.

GAV. Amantissimos mei fratres habeo. *R.A.* De-

bet id quidem ita esse, nisi liuor obftet, aut timor,

aut cupiditas, & habendi sitis, diuini omnis, huma-

ni quæ iuris, dum expleri studet, immemor. Inter

parentes enim, filiosque quantum libet sit amoris,

conuersatio tamen dispar, diuersique mores sunt

filij etsi citò patres videant, serò agnoscunt. Pa-

tres etsi filios statim ament, serò illos, sæpe etiam

in senectute suscipiunt. Fratres antequam na-

scantur, & postquam nati sunt in eodem domici-

lio, eisdemque incunabilis, æuo pares versantur,

ac moribus, illicet in lucem editi se vicissim cer-

nunt, vno cibo aliti, iisdemque parentibus, iisdem-

que sociis, iisdemque ludis, iisdemque scholis,

iisdemque præceptoribus, ac nutritoribus assue-

facti pariter putrescunt, pariter adolescunt. Vndi-

que paritas, multisque, & validis nexibus iunctus

amor; nisi aduentitiæ soluant causæ, duræque

mentis asperitas frangat; quod commune est adeo,

vt nesciam, an fraterno vltus amor maior esse de-

beat; an vllum odium maius sit, an indignatio vlla

profundior. Tam turbida semper æqualitas, tam

paris impatiens mens humana. *GAV.* Æquos,

piosque fratres habeo. *R.A.* Serua illos æquitate

mutua, ac pietate. Delicatissima res est amor: serua

illam: difficile queritur, facile perditur. *GAV.* Sed

sorores habeo bonas. *R.* Graue pondus, sed iucundum, ac ferè adolefcentum primus labor, quo se, effecti sui iuris, exerceant, vnde primam pietatis, arque indolis famam quærant. *G.* Bonas habeo sorores. *R.* Cura vt illæ bonum fratrem habeant, tēq; superstitute, etsi communis pater obierit, orbitatem non sentiant. *G.* Pulcherrimæ sunt sorores. *R.* Custos rei labilis, vigilantibus oculis, dolos caue, circumfusa te procorum cohors excitet: difficilis est vnius formæ custodia, quid multarum reris? tantò exactiorem pudicitie, quàm auriculam esse decet, quantò & pretiosior, & irrecuperabilior illa est. Sanè virgineam castitatem nulla arte meliùs, quàm maturo coniugio præseruabis. *G. A.* Formosæ mihi sorores domi sunt. *R.* Ne diutiùs tibi sint prouides, multas aptiùs ornabunt domos.

De bono Domino. D I A L. L X X X V.

Libertas melior domino quocunque beato;

Libertas superat premia magna ducum.

G A V.

Dominum bonum habeo. *R.* An habeas, an veriùs habearis, cogita: sed loquendi mos est: sic dominum habetis, vt scabiam, siue vt tussim. Multa sunt, quæ habentur inuitis possessoribus. Molestæ opes, quibus non liceat caruisse. *G.* Bonum dominum habeo. *R.* Libertatem igitur amisisti: hunc & istam, vno tempore, nemo habet. Iam neque sorores de quibus modò agebas, neque filia, neque nurus, neque coniunx deum ipsa, neque patrimonium, neque vita in tuto sunt, propter vnum, quem habes, dominum, habere simul omnia desisti. *G. A. V.* Bonum mihi, & patriæ dominum fors dedit. *R. A.* Incompatibilia, penitusque cōtraria. Nam si bonus, non dominus. Siquis.

Si dominus, non bonus; præsertim si se dominum dici velit. *GAV.* Bonus est dominus. *RA.* Boni sunt parentes, boni fratres, ac filii esse possunt: amici autem semper boni: alioqui nec amici sunt; dominum bonum dici, blandum mendacium, atque adulatione nota est. *GAV.* Optimum dominum habemus. *RA.* Rectorem populi fortassis, & Reip. defensorem; quo nil actuum humanorum acceptius Deo ferunt. Illum vero non dicam optimum, sed bonum; & non potius pessimum quis dixerit? qui, quod habent optimum, libertatem, summum, ac præcipuum vitæ bonum, suis civibus eripuit? proque vnius explenda voragine, quæ expleri nequit, tot millia miserorum, siccis oculis intueri potest? Neque eum, etsi non iustitia aut misericordia, saltem pudor à tam mæsto retrahit spectaculo: sit licet affabilis, sit blandiloquens, sit postremo munificus in paucos, de multorum spoliis. Hæ sunt autem artes tyrannorum, quos vulgus dominos vocat, carnifices experitur; hæc præstigia attonitis ingerunt luminibus; hanc hamis, & laqueis prætendunt escam; sic credulos aucupatur. *GAV.* Dominum habeo præpotentem. *RA.* Is in cælo vnus est, qui se iure suo dominum dixit, & dici voluit. Nam terræ dominus Augustus Cæsar, edicto vetuit se dominum dici. Ille Deorum Deus; iste hominum Imperator: ille maiestatem tenuit; iste modestiam: denique & super hoc populum Romanum gravissimè corripuit. Sic enim de ipso scriptum est; & domini appellationem, ut maledictum, & opprobrium semper exhorruit. Quod successorem quoque, longè rebus omnibus imparem, tamen observasse cōperum est; qui licet dominandi avidus, titulo tamen dominationis abstinuit; atque ita se inter ambitio-

nem, & verecundiam medium tenens; esse dominus voluit, dici autem noluit. Vt qui sciret iniustum esse, quod cuperet; saltem exprobrationis iniuriam vitaret. Durum enim, superbumque & graue nomen est dominus; illic maximè; vbi amor libertatis, ac seruitij pudor est. Secutus horum vestigia Alexander hic Romanus princeps, vt priuato sibi non altiùs scribi voluit. Nam ille alter Macedo, nō dominus modò, sed Deus dici voluit, quem secuti animo huius temporis latrunculi, vna vrbe, vel altera, vix insidiis oppressa, non tantum dici volunt, sed dici homines erubescunt, atque ad iniuriam trahunt. *G. A.* Dominum habeo verè optimum. *R. A.* Verè vnus est dominus; quem si habes, honestissima, regnisque felicior seruitus tua est. *G.* Iustum dominum, regemque optimum habemus. *R.* Inter regem & tyrannum non discernunt Graij, secundum quod poëta noster, de rege loquens, ait.

Pars mihi p̄cis erit, dextram tetigisse tyranni.

Apud nos autem, vt intersit, nō nisi propositum, vitæque series facit. Qui iustitia regit, ac regitur, ille demum verus est rex. Atqui ex altiore fastigio, non salutis publicæ speculator; sed priuatæ libidinis procurator, vel rapinam cogitans, vel vindictā, cupiditati, aut iracundiæ suæ paret; & rapidis, atque effrenis animi motibus cedit: is malorum domino seruus, etsi altior cunctis appareat, sceproque aureo, ac veste purpurea superbus incedat, vtique rex non est: sed propter exercitium, aut supplicium populi, promotus prædo, eoque loci positus, vnde liberiori sæuiens flagello, atque hos probās, illos puniens, cūctos vexans, & exagitās; ignarus quidē, ac passioni obsequēs; nutu tamē illi, qui mala bonos

vertit

vertit in vsus, iustum Dei iudicium, iniustis licet, ac scelestis manibus exequatur: quasi æquam pij iudicis sententiam, tortor læuit. *G.* Iustum, piumque regem habet patria. *R.* Rarum bonum & Reip. felicissimus status: nisi præsens gaudium futuri metus rerum felicitum, semper suspecta breuitas minueret amissique desiderium, mox venturas cumulaturus miseras, obseruaretur animis humana nacentium; volubilemque fortunæ roram, quæ nil prosperum longum finit: lenit quidem mali sensum consuetudo, insueta deiiciunt: vnde optimum, quidam, semper prospéro caruisse, diffiniunt; quod non dicerent, si prosperitas duraret. *G.* Iustum habemus, & clementem Regem. *R. A.* Illo superstite mori opta; ne mutatam regni sortem lugeas. Bonus enim bonum rarò sequitur. Malum peior, sæpe peiorem pessimus.

De serenitate aëris. D I A L O G. L X X X V I.

Cum licet. & possis cælo gaudere sereno;

Fac magis è pura gaudia mente pares.

G. A. V.

Serenus est aër, ac iucundus. *R.* Iam quis arguat cœlestem humi animū hæreret? In aëre illū appenditis, & amorem vestrum in eo ponitis elemento, quo nullum instabilius. *G.* Aër serenus; atque tranquillus est. *R. A.* Expecta; dicto citiùs nubilosus erit, ac turbidus: alio te sub cœlo positum credas. *G.* Serenus, ac tranquillus est aër. *R.* Quantum mallem serenus; ac tranquillus esset animus tuus. Vtilis quidem illa serenitas, stabilisque tranquillitas, quam nec nubes occupent, nec quatiant venti. *G.* Serenus est aër. *R. A.* Non serenum omne, statim optimum: immò verò prouincias nebulosas serenis esse salubriores: & in hoc occidentem

prælatum legimus orienti. G. Aër lucidus me delectat. R. Delectari in operibus, ac factura Dei minime vetitum; modò in Deum, velut omnis boni fontem, tota animi delectatio deflectatur. & in rebus temporalibus æternus rerum conditor laudetur. Alioqui attende, quod scriptum est: Si vidi solem, cùm fulgeret, inquit Iob, lunam incedentem clarè, & latatum est cor meum in abscondito; & osculatus sum manum meam ore meo: quæ est iniquitas maxima, & negatio contra Deum altissimum. G. Serenissimus est aër, talis utinam semper sit. R. Non semper modò; sed diu talem ferre non possis. Temporū vicissitudo, quàm optimo iure à multis, sed præcipuè à Cicerone laudata est. G. A. Serenissimus est aër, atque utinam non mutetur. R. Nescis, quàm citò sui tadium hæc serenitas allatura sit. Nil tam delectabile, quod non identitas inamœnum reddat. Nullum efficacius remedium contra vitæ fastidia, quàm temporum locorumque varietas. Hac foietur, & pascitur mens humana [ut ait Augustinus] Qui qualitate rerum non potest, saltem varietate satiatur.

De prospera navigatione. D I A L. L X X X V I I.

*Credere qui temere vastis se fluctibus audet;
Iam se, resque suas interijisse putet.*

G. A. V.

Navigatione vtor prospera. R. A. Sentio: Neptunus tibi laqueos tendit. G. A. V. Tranquillum se mihi præbet mare. R. Insidiosa tranquillitas [utque ita dixerim] esca naufragij. Si semper turbidum esset mare, nullus hominum navigaret. G. Mare mihi blandum, & suaue est. R. Suspecta suauitas: prædonum blanditiæ, minæ sunt.

Hæc

Hæc facies maris repente mutabitur: esse aliud putest monstroque gelidus quæras: Vbi est æquor illud, quod laudabam? Vnde verò hi tam multi, tam quæ horribiles aquarum montes: vnde hic pendens fremitus procellarum, & minacibus spumis surgentes fluctus in nubila. Nesciunt nisi experti, quid est mare, & quàm ferox bellua, quidve illi à poeta mōstri nomen impositum. Nihil enim monstrosius in rerum natura: nihil, cui sit minus fidei, minusve constantiæ. Nullius rei trāsformatio tam crebra, tam periculosa, tam subita: nihil denique seu mollius, dum iacet: seu, dum surgit, immitius. G. Placidum nunc æquor, in motumque est. R. Terræ ipsæ subsidunt, dehiscuntque. Tu pelago tribuis, vt consistat; simulatus torpor: noli fidere: sæpe fortunam retentare dementia est. G. Nunc saltem placidè nauigauī, R. Nullum ferum animal sic in laqueos ruit, vt non aliquid dulce præsentiat. G. Prosperè nauigauī. R. Et sacrilegi prosperè nauigant, & viri sanctissimi naufragantur. G. Nauigauī feliciter. R. Crede mihi, si perges, infeliciter nauigabis.

De votiuæ portus apprehensione. DIAL. LXXXVIII.
Si non vicisti, noli cantare triumphum:

Sapius in portu mersa carina perit.

GAV.

IAm portum attingi, iam in littore sedeo. R. Multi in portu pereunt, plures in littore: permutati periculum: nō fugisti. G. Terram attingi. R. Ita hoc dicis, quasi terræ discrimina vel minora, vel pauciora, quàm pelagi: quàmuis occultiora sint: nōne hoc in æquo posuit is, qui vtrobique multa, & grauiora pericula, per varietatem, pertulerat. Neque verò sine causa pauper ille scrutator aquarum, apud Statium, moriens:

*Hyemes Notóque laudat, & experti meliora pericula
ponti.*

GAV. In terra sum. *RA.* Casibus eò pluribus patens, quò plus hominum terras incolit, quàm maria: siquidem maxima pars malorum homo homini est: sic, inde mors peruenit, vnde auxilium debebatur; vt fileam pestiferas animantium species, quibus ea pars rerum scatet. *GAV.* Terra sub pedibus saltem stabit. *RA.* Atqui sæpè non stetit: vtque antiqua præteream, Achaïamque, & reliquam Græciam, & Syriam, atque alias; vbi & Vrbes hausta olim funditus, & collapsi montes, & demersæ insulae: vt omittam veteres vestrorum montium casus. Aetnae, ac Væseui: apud vos nuper ipsa vrbiũ caput Roma contremuit; quodque ciuilis belli tempore pro monstro habitum: Alpes hac ætate grauissimè tremuerunt, & conuulsæ rupes altissimæ, Solis radiis insuetum à seculis præbuere iter. Hispaniæ, & Germaniæ bona pars corruit: vidisti modò stantes vrbes; vidisti solidas arces, atque oppida; paucis post diebus, miserabile spectaculum, atque terrificum, humi passim strata omnia; quin & solito mœstiores Rhenum ipsum, quasi flentem, labi, deformatam ruinis vtramque ripam, eamque præcipuè, quæ ædificiis ornatior fuerat, querulis abluentem vorticibus. Desine iam securus esse, vbi securitas nulla est. *GAV.* Sub pedibus terra est. *RA.* Non tam certa sedes domicilij, quàm sepulchri. *GAV.* Ad terram peruenisse, gaudeo. *RA.* Similibus gaudent; & tu terra es. *GAV.* In terram redij. *RA.* Nondum quidem; sed redibis citò.

*Est carcer mundus, quo clauderis ipse, ubicunque es;
Te solvas sceleris carcere, liber eris.*

GAU.

IVuat carcerem euasisse. *RA.* Est & hæc [fateor] intermissa gratioꝝ libertas, ac reddita, quàm seruata; sed non omnia, quæ delectant, profunt; & sæpè nociua sunt dulcia, & amara salubria; sæpè non carcer modò, sed mors utilis fuit, sæpè vitæ, & libertas inutilis. *G.* Carcerem euasisse gaudeo. *RA.* Atqui modò gaudebas portum apprehendisse, nūc gaudes portum euasisse: Carcer multis portus, multis refugium, & arx fuit; & in libertate perituros, seruauit in vinculis: ligata, & clausa diligentius asseruantur. Nesciunt mortales cœci, quid expediat, & idcirco mala sua concupiscunt, & assecuti gaudent, vnde mox doleant. Neue longius exemplum quæras: Vidisti nuper virum illum animosi, & magni potiùs, quàm constantis incepti; qui aduerso tempore se patronum Romanæ Reip. profiteri ausus; ipse sibi tribuni nomen assumpserat; de hinc variante fortuna, Vrbe depulsus, Romani quæ primùm principis, post pontificis lapsus in carcerem, vtrobique bene habitus, atque honestè; tandem leua alite emissus, gladiis quæ hostium non occitus tantum modò, sed discerptus; puto moriens carcerem suspirauit. *GAU.* E carcere latus erupi. *RA.* Ibis per rostra turbida litibus, per plateas urbium, tumultus quæ negotiorum; & tempestatem, libertatem putans, gratulaberis; dum, quem clauis vna concluderat, mille stringent laquei. Cum quæ lati omnes è procellis portum petant, vnus tu nauta mirabilis, è portu latus in procellas re-

dis. G. E carcere digressus, gaudeo. R. A. Bonum in hoc, ut in reliquis, consilium erat; neque nimium gaudere, neque nimium dolere; sed æquanimi-
 tem omni in statu, cœu vitæ gubernaculum, tene-
 re; in tanta præsertim caligine futurorum. Neque
 tam miserum est [ut fertur] intrasse, neque tam fau-
 stum carcerem exiuisse, quoties carcer libertati
 hostis, propicius est saluti. Quoties optata votis o-
 mnibus libertas, in perniciem, & in mortem versa
 est. G. Exiui ex carcere. R. Latiori de carcere multi
 hominem casus eripiunt, ex angustiori autem sola
 mors eruit. G. Molesto de carcere discessi. R. Potes
 in hunc carcerem reuerti, in illum alterum, cum
 semel exieris, non redibis, hoc in tempore.

De Tranquillo statu. D I A L. X C.

*Tu quicumque cupis tranquillam ducere vitam;
 Falleris, inerta labitur hora vice.*

G A V.

Rebus ritè compositis, tranquillus ago. R. A.
 Scilicet, ut tua navis fluctibus maris, sic ani-
 mus vitæ curis explicitus, portum attigit la-
 borum, ac terrorum. Sed non ita est; nunc nunc
 maximè metuendum; nescis quòd res hominum
 non stant? qui volubili in rota sedet altior, is proxi-
 mus est ruina. G. A. V. Optatò eunt omnia? Bene ais,
 eunt omnia: nihil enim manet. Antè ergo, quàm
 felix videre, spei fortè aliquis; post locus est me-
 rui; ad extremum luctui: gaudio autem nunquam:
 gaudium loquor verum, donec ad vera, & stabilio-
 ra bona peruentum sit. G. A. V. Rebus prouisis hu-
 manitùs conquiesco. R. Summa rerum humana-
 rum, labor, & mœror. In his igitur requiescis? Du-
 rum caput, & lodice ferrea, & spinoso recubans
 pului-

puluinari. *GAU.* Opiparè prouisa sunt omnia. *RA.* Expectata, puto mercium nauis applicuit, periculum euasisti; extruxisti domum, exarasti aruum, putasti vineam, rigasti prata, compegisti arcem, insecuisti arbores, effodisti riuos, texuisti sepè, columbarium erexisti, misisti greges in pascua, apes in aluearia, sementem in sulcos, nouas merces in maria, tuto loco collocatum fœnus, plena arcula, diues aula, cultus thalamus, referta horrea, spumans penu, prouisa dos filia, coniugium nato, empta populi gratia, blando ambitu parata suffragia, prouum ad te opibus summis, atque honoribus stratum iter. O felicem te! Restat, ut gaudeas: hæc [nisi fallor] conclusio tua est: mea verò aliâ: Restat, ut moriari. Rarum valde inter homines, ut multo studio quæsitis, multo fruantur tempore; longus labor, usus breuis. *GAU.* Prosperè rebus euntibus in statu sum. *RA.* Quomodo autem rebus euntibus, videris; ego nempe non video. *GAU.* Rebus ad vota fluentibus lætus sum. *RA.* Nunc igitur tempus est moriendi: sperasne hic diu aliquem lætum esse? morere, dum lætus es, antequàm esse mœstus incipias; quod iam dixi, repetam: est enim minimè tædiofa rerum utilium, sed iucunda repetitio. Meministi ergo: quid apud Ciceronem Lacon ille ait seni Rhodio Diagoræ, læto tunc valde, leuibus licet ex causis, quas audisti supra, cum de palæstris ageremus: Morere Diagora, inquit, non enim cœlum ascensurus es: graniter id quidem. Nam quid amplius expectet animus lætus in hac rerum tanta vertigine; nisi, ut lætus esse desinat, esse tristis incipiat? Itaque opportunè admodum Diagoras, consilio paruit amici, spectante quidem, & plaudente populo, inter victorum filiorum amplexus, & oscula exspi-

rauit; scriptum est in libro noctium Atticarum. Et ad summam plures gaudio; quam tristitia perire. Omnibus ergo, qui sapiunt, sed maxime gaudentibus, mors optanda: de hac semper, & praesertim in tempore prospero, cogitandum: illa cogitatio reliquas frenet. *GAV.* Laboravi, en quiesco. *RA.* Omnes quidem hoc speratis, sed erratis in hoc omnes. Stilus enim vitae alius, multumque finis a proposito diuersus. Haec tua requies aut breuis, aut falsa est, aut [quod est verius] vtrunque: quid hic requiem somniatis? Sic catenis vincetus, libertatem, aeger sanitatem somniat; sic sopitus e-furiens, opimas dapes: sed en dies ultimus aderit; isque confestim discussurus haec somnia. Nolite autem falli somniis atque opinionibus falsis, quibus est plena vita mortalis. Nolite vobis hic requiem spondere. Credite mihi, tota quies hominum, post laborem, mors. *GAV.* Omnia, quae in rem visa sunt, suppetunt. *RA.* Superuacua in rebus plura sunt, quam necessaria; sed hic humani animi mos est, ut professus ascensum caeli, tanto studio se oneret, quanto vix exonerare debuerat. Itaque peregrino fasce curuatus, dum in altum niti vult, ruit, & pro caelo, illi terra est. *GAV.* Cumulata sunt omnia, iam in portu sunt. *RA.* Nauigationis in fine igitur. Est enim praesens vita simillima procelloso mari: illius finis in littore: huius in morte: vterque portus recte dicitur. Profecto autem magna pars mortalium aceruandis vitae adminiculis anxia, inter ipsos apparatus rerum, moritur, nilque iam vsitatus, quam ut vitae studium mors praeruat: paucis accidit, ut ad optata perueniant, hisque ipsis tam cito diuturni quaestus vsus eripitur, & gaudij breuitas quadam, velut accessio sit doloris, de quo multos in morte que-

te queri solitos notum est. *GAV.* Iam, peractis laboribus, securus viuo. *RA.* Et inter viscum, ac laqueos secura auis volitat: piscis inter hamos ludit: inter plagas fera. Sæpe vbi periculi plus est, & pauoris minus; ars fortunæ est; vt licentiùs feriat, metum demit. *G.* Per omnem vitam laboravi, vt in finem quiescentem securus. *RA.* Securitatem, & quietem tuam in præcipiti collocasti & vixisti mœstus, vt lætus morereris: non insulsum vitæ, mortisque consilium; modò de securitatis, & quietis, & tristitiæ, & gaudij qualitate conueniat. *GAV.* Omnia vndique conquisiui. quibus instruetior vita esset. *RA.* Immò verò quibus mors molestior: egisti planè negotium medicorum: iam frequentes aderunt, stratumque circumstrepent; aderunt captatores testamentarij: erunt & qui gaudium premant; & qui fletum simulent, & qui renacem spiritum, seram mortem taciti increpent; & qui crîm feruent, & qui prognosticis inhient, & qui cadauer aureum præstolentur: tot hæc tibi conquisita vndique vitæ conferunt instrumenta, non vt meliùs viuas, sed vt comitator moriaris; non penitus operam perdidisti. Iam & comites: languenti, & libitinæ sumptus, & funeris pompa non deerunt. *GAV.* Conquisita sunt omnia, quiescendum est. *RA.* Iam dixi, vitæ requiem, & solatium quærebas, laborem mortis, ac tædium inuenisti. *GAV.* Cuncta disposui, prosperitas parta est. *RA.* Congessim fallacissimæ ac fugacissimæ spei nidum, quæ, vbi primùm adoleuerit, euolet: mœstum, & vacuum cor relinquens: sæpe vel in plumis pereat. *GAV.* Longo succedit quies labori. *RA.* Brevis ipsa adeò fortassis, vt nulla potius dici possit. Multorum sæpè studium annorum, in momento excidit, im-

mò, cùm semper ferè gradarij sint progressus, raro non repentini exitus rerum sunt. G. Per longas curas ad securitatis initia ventum est. R. Sollicita multum de principiis humana curiositas, finem coeca non prospicit. Densa venturi caligo temporis, mortalis aciem frustra vit obtuitus: deliberatio vniue nostra sit, consumatio fortunæ [dicam melius] Dei est, cuius in manibus sortes sunt hominum, non quas ipsi vobis, opinione vestra, spēque improba fingitis; sed quas ille præscientia sua videt. Eius est autem illa vox: Stulte, hac nocte animam tuam repetent à te: quæ autem parasti, cuius erunt? Comminatio horrenda; quæ, nisi spes, somnosque mortalium interrumpat, obsurguistis haud indubiè.

De Potentia. D I A L. X C I.

*Magna potestati sunt iuncta pericula magnæ;
Qui moderatorem se cupit esse, furit.*

G A V.

Potentia magna sum. R. A. Ergò & inuidia. G. Potentia multa sum. R. Et in periculis multis. G. Potentia sum ingenti. R. Et laboribus infinitis, & inextricabilibus curis. G. Multa possum. R. Quò plus in alios potes, & plus alij in te. G. Potentiæ est plurimum. R. Quò potentiæ magis, eò maius in illâ imperium fortunæ tepidè se exercet in paruis: vberem eligit materiã: in magna lignorū mole crepitantiùs sæuit incendiū. Magna prosperitas, magnæ viæ facit aduersitati. Nec quēquam facile planè miserum videbis: qui non valde felix habitus fuerit. Nō potest ignoti hominis nota esse calamitas. G. A. V. Quod volo, & possum. R. A. Cura ergò ne quid mali velis; & scito, quò
poten-

potentię plus, eò plus esse negotij, minúsve licentia. G. Potentia ingens sum. R. Quid scis an diuturna? Piget exequi, qui potentes, breui ad impotentiam, seu qui reges ad infamię seruitium sunt reducti. Vepricosi, & lubrici sunt humanorum gradus ascensum : tremulus vertex : præcipitium horrendum : agrè conscenditur ad eminentem statum, anxie ibi constititur : grauitè indè, & repente descenditur : id sic esse, non singuli tantum reges, aut populi, sed maxima etiam testantur imperia. G. Armis, atque opibus potens sum. R. Vera & firma potentia in virtute fundata est : fundamentum si detraxeris, quò maior eò periculosior structura. Quid implere opibus domos iuuat, arua ligonibus, maria clasibus, si intus interea domestici hostes animum oppugnant, atque expugnant? Vis, vt te potentem fatear : illos doma, finibusque tuis pelle; vince iram; vince cupiditatem: vince libidinem: vince teipsam; famę, atque honestem animę tuę. Quanam ista potentia est, vincere alios: passionibus suis vinci? G. Fundata in solido potentia est. R. Quo pacto, cum vita ipsa mutetur assidue? O, quid tumes, imbecillum animal? De potentia disputas, de anima interim periclitaris: quam dicto citius, vel naturę vis occultior: vel exigui morsus animantis, vel extremi contemptissimique homines sæpè, potentissimis abstulerunt. G. Potentia egregiè stabilita est. R. Vbi quæso? In arenis, ac fluctibus? an in vento? an in ipsa [vt perhibent] fortunę rota? quin tu, amice, malè susceptam pone fiduciam. Nulla hic stabilis potentia: vtque vel improprie exprimam, quod sentio, nulla potentia potens est.

*Navigio fragili vehitur, qui quærit honores
Ingentes, & quem gloria vana trahit.*

GAV.

Sed inueni magnam gloriam. *RA.* Magna in exiguo qualiter explicentur; non intelligo. Si temporum, si locorum angustias metiare, magnam hic gloriam non esse fateberis. Non aungeram tibi, ut terra omnis punctus est; cuius ipsius partem maximam natura fecit inhabitabilem, atque inaccessiblei fortuna, ut tempus præsens puncto minus; idque ipsum semper instabile, fugæque tam rapidæ, ut vix illam animo sequi possis. Duæ reliquæ temporis partes, semper absentes ita, ut altera nos, lubrica memoria, altera, expectatione anxia; fatiget; ut omne simul tempus, aut diluviis, aut æstu nimio, aut peste aliqua, aut cœli inclementia, vel terrarum denique per seipsum lapsu propriè, ita discerptum atque confusum sit, ut vna sæpe ætas propè nil habeat commune cum altera. Neque minus in temporibus, quàm in locis videas, exiguo intervallo notissimum non agnosci. Hæc inquam, & quæ sunt id genus plurima, transeo. Vulgata sunt omnia, quibus liquidò cernitur, quænam hæc mortalis, ac terrenæ gloriæ magnitudo est. *GAV.* Quam conditio mea fert, gloriam sum adeptus. *RA.* Si indignam, breuem hercle; at si dignam, gaude: non quòd habeas, sed quòd meritus sis. *GAV.* Gloriam quæsiui. *RA.* Gloria vera nisi bonis artibus, non quæritur. Vnde tibi partum nomen, vide; sic intelliges, an gloria vera sit: famam, si casus dedit, eripiet. *GAV.* Multum est gloriæ. *RA.* Caue, ne quam gloriam veram putas, imago

imago falsa sit gloriæ. In rebus hominum multa regnat illatio. G. Plurimum est gloriæ. R. Vt nemo pauper magnæ pecuniæ famam quærit, nisi vt fallat; sic nemo ignauus magnæ virtutis opinionem: vterque tamen sibi conscius, quicquid de se alij loquantur, quantum vel pecuniæ in arcula, vel virtutis in animo sit. G. Insignis est gloria. R. Si ex merito, modestè vttere, ne superbiæ illi notam applicaueris; si minus, fac ne diu populum fallas. G. Præfulgens est gloria. R. Vel mereri stude, vel graue, non tuum, indumentum exue. In glorium esse præstiterit, quàm mendacio gloriosum. Vera etiam gloria cum labore seruatur; quid de falsa speres? Cùm omnis fictio difficilis sit, tum difficillima est, quam multi vndique obseruant. Rari nempe sunt gloriosi: hos, propter dissimilitudinem, obscurum atque inuidum vulgus odit. Graue est inter tot hostium insidias latere; præstringere omnium oculos non potes, in te tanto studio, defixos. G. Gloriosus appareo. R. Melius forsitan latere, & certè tutius: hoc grauitè dixit is, qui multa leuiter: Bene qui latuit, bene vixit. G. Clarus, lateque notus sum, longèque conspicuus. R. Liuos abdita penetrat, rimaturque; putas, conspecta prætereant? Quid, quòd pauci sunt, quibus expediat apparere, & conspici; pauci, quorum famæ non noceat, ad plenum nosci? Notissimum Claudiani dictum: •

Minuit presentia famam.

• Quantò magis illam minuit notitia? Rarò sunt homines, quod videntur. G. Gloriosus videor. R. Caua nube circumdatus delitescis. Si parumper emergeris, quò plus gloriæ falsæ fuit, eò veræ plus.

erit infamiae. *GAV.* At gloria vera est. *R.* Id nemo te melius nouit: ita demum, si externi iudicis incorruptum animum tuis in rebus assumpseris. Gloria quidem [ut sapientibus placet] quasi quaedam umbra virtutis est. Illam comitatur, illam sequitur, quandoque etiam antecedit; quod in adolescentibus claræ indolis vidimus, quos ante perfectam virtutem, præconcepta de illis spes hominum claros facit, quæ quibusdam velut stimulis, generosos, modestosque animos excitat, atque erigit, & impellit ad æquandam spei ciuium suorum. Stultos autem, tumidosque præcipitat. Hinc transformatio illa ridicula clarorum adolescentium in obscuros senes. Laus quidem sapienti utilis, stulto nocet. Ex his vides, umbram per se ipsam esse non posse, rei cuiuspiam sit oportet. Vis ne igitur gloriam veram esse, fac ut vera, & solida virtus sit.

De Beneficiis in multos collatis. DIAL. XCIII.

*Antè quibus videas benefeceris, est memor omnis
Gratus, ab ingratis gratia nulla venit.*

GAV.

Beneficia in multos contulisse gaudeo. *RA.* Multos ingratos experiens, dolebis. *GAV.* Beneficia in multos effudi. *RA.* Rectè ais. Nam si accipientium animos intueare, beneficiorum magna pars perditur. *GAV.* Multi meis beneficiis sunt obstricti. *RA.* Quidam se obliuione relaxabunt, alij forsan iniuriis beneficia pensabunt: ut cessent iniuriæ, non cessabunt querimoniarum: quàm multi de benefactoribus queruntur suis? Iniquum, fateor, sed commune ad eò, ut non tam crebrè de hostibus sint querelæ. Audisti apud Lucanum, de Pompeio querentem:
Photi.

Photinum: apud Senecam verò Sabinum de Augusto? Quid verò te ad literas aut antiquitatem voco? Vrbes medias contemplare: Vici omnes lamentis talibus pleni sunt. Omnis autem ingratitude triplex [nisi fallor] causa est: Inuidia scilicet, quæ dum impensa aliis beneficia, suas ducit iniurias, in se collata non aspicit: Superbia, quæ, vel se maioribus dignam censet, vel præferri sibi aliquem indignatur: Cupiditas, quæ muneribus non lenitur, sed accenditur; & dum quærendis inhiat, quæ sita non meminit. Possem brevius, totius mali causam stultitiam dicere. Ea verò non huius tantum, sed malorum omnium causa est, Ignorantia veri boni, opinionumque peruersitas; hinc nimirum pestes animi prodeunt, superbia in primis, & cupiditas, quibus nullum obsequium non contumax: nulla largitas non angusta est. *GAU.* Beneficus fui in multos. *RA.* Aristotelica quædam magnanimitas fertur, meminisse collati, accepti autem beneficii obliuisci: quæ sententia, etsi colore non careat; apud me tamen, verus magnanimus contemptor mediocrium, atque humilium est rerum; atque ideo quæcunque egerit, magna quamuis, iudicio plurimorum, parua sunt, animo maiora quædam, & rariora volentis, contrà, si quid acceperit, quo alteri fiat obnoxius, quamuis exiguum, graue est, libertatem & amanti, atque ad excellentiam aspiranti; quòve quamprimum solui, leuarique velit. De hac igitur re Annai Senecæ dictum probabo: Beneficium, inquit, qui dedit, taceat: narret, qui accepit. Eleganter nempe, duo beneficentiæ seu venena, seu vulnera sunt; hinc exprobatio largientis: hinc recipientis obliuio; vtraque mater ingratitude, ac beneficii nouerca. Illa in

gratitudinem parit in altero: hæc in se: illa quoque beneficium in se extinguit: hæc in altero: his tot malis aptissimè illo Senecæ consilio medeare.

G. IV. Multis benefeci. *R. A.* At pluribus non fecisti, qui se spreto, & contempto dolent. Est autem, nescio quidem unde, firmior offensarum, quàm beneficiorum, tenaciórque memoria. Sæpe singulis beneficiis aut nullos, aut singulos amicos obliuiosos, & tepidos; hostes autem tibi multos feceris memores, ac feruentes. *G.*

Multis multa ac magna contuli. *R. A.* Sunt multi, quibus profuisse periculum sit: quidam paruo amicum, magno hostem beneficio quæsiere; quod & exigui debitum leue, retributio pro-na est: magna autem, & debere pudet, & piger red-dere, & nihil est tertium, nisi ut desinat esse, cui debeat, qui inuitus debet. Ita, dum debentem pudor beneficii, expertos dolor agitat, inter Scyllam, & Carybdim fertur cymba beneficij: effectumque, ut multos, qui parcè, atque illiberaliter tui vixissent, liberalitas insignis in discrimen traxerit. Siquidem inter malos, impune bonum esse non licet: durum dictu, sed dicendum tamen. Animal ingratius homine nullum est. *G. IV.*

Latè me beneficium præbui. *R. A.* Quidam sunt benefici, nec tamen beneuoli, quos magnitudo status, atque hominum necessitas, multa largiri cogit: his etiam, quos non modò non diligunt, sed ne noscunt quidem: quibus, si se, ob beneficia charos sperant, valde eos fallit opinio. Nemo facile non amantem amat. Mutuus nexus animorū, ac reciprocus est amor. Munera sæpe necessitati, amor verò iudicio tribuitur: ut ergò beneficia bene collata, & læta fronte, pióque animo dignis exhibita, nunquam gloriosa negauerim; sic mul-

ta, immò verò partem maximam, seu hæc dantiū, seu accipientium culpa est, perdi, ac proiici, nemo usquam est, qui dubitet, Et est facilius, breviorque, ac rectior, quam suprà tibi ostendimus, a mando scilicet ad amorem via : qua pergenti, verum quoque si benefici nomen accesserit, clarum te, supràque fidem, multis amabilem efficiet. *G.* Multa, & magna contuli. *R. A.* In rebus, non quid, sed qualiter, quoque animo fiat, refert apud Deum, atque homines: & magna sæpè inuisa, & modici grata sunt: nudum præ omnibus cor attendi, & sacrificio pauperis probatur, & munere.

De Amore populi. D I A L. X C I V.

*Haurit aquam cribro, vulgi qui pascitur aura;
Vulgus amicitias utilitate probat.*

G. A. V.

Populus me amat. *R.* Subsiste paululum; mox oderit. *G. A. V.* Populus me diligit. *R.* Ne propera, nondum finis; ut dies vnus, sic vita omnis à fine describitur. *G. A. V.* Populo charus sum. *R. A.* Quis ilti Scipionibus charior? Quis Camillo? quis Rutilio, ac Metello? Quid Themistoclem loquar, aut Miltiadem? quid hoc genitum Cimonem, aut Aristidem? quid Thesea? quid Solonem? quid Annibalem? quid Lycurgum? Qui ciues, oro te, quàm quisque, quàm breuiter populo suo charus: omnium notus finis, & vel in contemptum, vel in odium versus amor, atque indigna rebus præmia, fori labor, accusatio, mors, exilium, catenæ. *G. A. V.* Multis in populo charus sum. *R. A.* Malis igitur: pauci enim boni: atqui malorum malis artibus quæri amorem constat. Si verò similitudo quædam parit amicitias [ut prudentibus placet], qui sis, æstima, qui

multis in populo charus sis. *G. AV.* Populus me
 amat. *R. A.* Serenum hybernum, aura æstiva, quies
 maris, lunæ status, amor populi, paria hæc si confe-
 rantur, mobilitatis ultimo palmam do. *G. AV.* Po-
 pulus me honorat. *R. A.* Labiis, credo; cor autem
 eorum longè est à te : non est enim tibi fidelior,
 quàm Deo : rarò quicquam ex animo facit vul-
 gus; nisi tumultuari, & furere, & sæuere. *G. AV.* Po-
 pulus me veretur. *R.* Non faciet diu. Facile enim
 ruit, quod non certo iudicio stabilitum est. *G. AV.*
 Ardens in me populi fauor est. *R. A.* Ardenti prin-
 cipio , sæpe medium tepens , finis algidus fuit;
 quod, hoc crebrius vlla in re, quàm in studiis po-
 pulorum cernas. *G. AV.* Populus me laudat. *R. A.*
 Stultorum laus, apud doctos, infamia est. *G. AV.*
 Populus me suspicit. *R. A.* Leui rerum alternatio-
 ne despiciet: semper alterum extremorum tenet,
 medium verò nunquam; vt qui habitantem ibi
 hostem metuat. *G.* Populus me colit. *R.* Mirabor,
 si tam inculto cultore fructifices. *G.* Populus bene
 de me sentit. *R.* Sine vilo delectu iudicare solitus;
 vtranque in partem. Itaque vulgi sententia, veros
 inter iudices, contrarij argumentum est. *AV.*
 Populus bene de me æstimat. *R. A.* Suspecta sanis
 ingeniis æstimatio insanorum. Mallem te populo
 incognitum, quàm probatum. *G. AV.* Populus
 multa de me loquitur. *R. A.* Et tu ergò populari-
 bus auribus fidis, atque ageris? quod licet magnis
 olim viris euenisse noueris, non minor tamen est
 vanitas, gaudere flatu tenui, & incerto. *G. AV.*
 Populus me miratur. *R. A.* Et ego te miror,
 qui hoc in gloriam tuam trahas. *G. AV.* Po-
 pulus me amat. *R. A.* Non hæc laus, sed for-
 tuna est tua, populi mos est, vt sæpè amet in-
 dignos

dignos, sed à quibus indigni amoris sæpè dignissimam fert mercedem.

De Occupata Tyrannide. DIALOG. XCV.

*Ad Generum Cereris descendunt morte Tyranni,
Plausivæque curarum sana Tyrannis habet.*

GAV.

INuasi tyrannidem in ciues meos. *RA.* Rependisti dignam vicem stultis amantibus: illi te æquo altius extulerunt; illos tu iniquo iugo feruiri depressisti. *GAV.* Tyrannidem arripui. *RA.* Abstulisti libertatem aliis, securitatem tibi, requiem verisque. *GAV.* Tyrannidem consecutus sum. *RA.* Statum certi laboris, euentus ambigui, sed, vt plurimum, infelicis. Non te ad historias veteres, atque externas mittam. Quis Phœri Alexandri exitus? Quis Dionysij Syracusij? Quis Agrigentini Phalaridis? Quis Hannonis Pœni? Quis Eleacri Heracleensis? Quis Ephimes Aristotimi? Quis Calcedonij Nabidis? Quis Hipparchi denique Atheniensis, quem occidisse immortalis gloria interfectoribus fuit? Non ad recentiores, atque domesticos: Cassium, Meliūque, & Manlium Romanos ciues; Catilinam quoque, & Gracchos, & Apuleium: non tyrannos quidem, sed tyrannidem affectantes, inque impiis conatibus deprehensos, cœptoque prohibitos, atque oppressos. Non postremò ad illos, qui maiores, non meliores iusti velo imperij, trucem texere tyrannidem, atque iniustam, Caium scilicet, ac Neronem Domitianum, & Commodum, ac Bassianum, reliquosque eius ordinis, solo nomine principes, quorum mens tyrannica, ac tyranni-

rancicus finis fuit, sed ad illos, quos auorum, patrūque memoria, seu etiam, quos ætas, ac regio præsens videt. Hos ego, ne distantibus te fatigem, circūspicere, & contemplari iubeo; videbis vstatum, & communem tyrannorum exitum, aut gladium, aut venenum: verèque illud à Satyrico dictum dices.

*Ad generum Cereris succede, & vulnere, pauci
Descendant reges, & sicca morte tyranni.*

G. Tyrannidem in ciues exerceo. R. Prædam, atque carnificinam auro implendus, & sanguine; auri sitiens monedula; tenaxque.

Nec missura cutem, nisi plena cruoris hirudo.

Sed qua fronte, quove animo, seu sanguinem illum fundis, pro quo seruando, si homo esses, sanguis tuus vltro tibi fundendus erat; seu ciuibus tuis aurum rapis, quod diris prædonibus largiaris: spolians, qui tuis pascendi opibus fuissent; distantque, à quibus omni ingenio extorquendum legis: sic maiorum vel exempla, vel monita viluerunt. Sed hoc pessimum habet tyrannorum vita, vt quibus fidendum est, metuant semper; fidantque, quibus fidei nihil est; totūque hoc malum, hinc immeritis irrogata iniuriæ faciunt, hinc indignis erogata beneficia; & ambitione turbatus ordo rerum: amici ex hostibus, hostes ex ciuibus. G. Tyrannus patriæ meæ sum. R. Nunquam id esses, si illam tuam esse patriam meminisses, si obseruaretur animo publicæ matris effigies; nunquam fratres lacerares tuos, cum quibus æquam pueritiam, atq; adolescentiam egisses, eodē coelo vsus, iisdē aquis, iisdē atque sacris, iisdem festis diebus, iisdem ludis, & luctibus: qua nunc mente de illorum tergo potes ludere, atque illis fluentibus, gaude-

gaudere:qua postremo impudentia in ea vrbe viuis,in qua vitam tuam omnibus scis inuisam,mortem cunctis optabilem, vbi esse neminem certus es,qui non malè perditum te velit: lupum mitti de grege sauiissimum? *G. V.* Tyrannidem accipi.

R. A. Si præterito præsens tempus confers, duram te, ac miseram subiisse sarcinam, intelliges:tutam agebas, & quietam vitam; dehinc,nisi sceleri iugis amentiam, nulla tibi sine metu,ac tumultu animi,dies:nulla nox ibit:nullus non suspectus cibus; nullus sopor imperterritus; dum vbiq; in ceruicibus impendentem videris mucronem quem amico,opes,fortunâsque suas miranti, non ineptè monstrasse traditur.Dionysius tyrannus quidem; sed tyrannidis æstimator acutissimus. *G. A.* Ferro mihi tyrannidem acquisui.

R. A. Ferro quæsitam, ferro etiam seruaturus,ferro forsitan amissurus.Præclaras planè diuitias comparasti, esse omnibus odiosum,atque terrificam;quòdque hinc sequitur,tibi te perpetuo grauem metu:vt enim periculi nihil sit,quod in quibusdam vrbibus natura ciuium præstat, apta seruitio; quando tamen paupor aberit animo repleti,quid ille huius, quod legitimi nomen habet Imperij,metator,ac fundator primus audiuit à Laberio Romano equite:Necesse est,inquit,multos timeat,quem multi timent:cuius dicti ratio illa est,quam posuit Naso:Quia,

*Quem metuit,quisque perire cupit,
positam prius ab Ennio,vbi ait.*

Quem metuiunt,oderunt,quem quisque odit,perisse expetit.

Vt tamen & periculum, & metus etiam omnis cesset,quod nonnullos tyrannorum,vel nutrita publicis malis audacia,vel nota ciuium spondet igna-

uia an non saltem vllus est pudor , his præesse, quibus te subesse sit dignius: præter iniustam vim, rebus granibus imparem. C. Tyrannidem indui. R. Humanitatem ergo , & iustitiam exuisti: simul & procellosam vitam; & cruentam, aut certè dubiam mortem elegisti infelix, de quo sola patria, quæ te genuit, atque aluit, mortem speret. An vero non ille sat miser est quem miserum volunt omnes? An non ille miserrimus, qui tam miser esse non possit, quin sit dignus esse miserior? G. Habeo summum inter ciues, locum. R. Habes in ciuibus tyrannidem, in arenis domum, in vepribus statum, in prærupto sedem, in rapinis inopiam, in miseriis inuidiam.

De Regno, & Imperio.

DIALOG. XCVI.

*Sollicitudo ingens regnum est, undaque laborum,
Nemo quidem Sapiens regia sceptrum petit.*

GA V.

Ecce autem iure Rex sum. R. Id enim uerò occultum diu esse non poterit: quid intersit inter regem tyrannumque, iam diximus. Quid autem iuuat dici regem, si tyrannus es? non in ipso solo cognomine, sed in vera iustitia, Regis, regni-que salus sita est. Minus mali reor acquisitum dominium reformare, teque de reliquo sic agere, ut rex verus appareas, quam regnum iure partum, in quo iustè successeris parenti, tyrannica vexatione diripere: plus enim veræ laudis in progressu ac fine, quam in principio rerum est. C. Rex sum. R. A. Melius sub iusto rege ageres, atque tranquillius, quam rex ipse. G. Regni solium conscendi. R. Locum.

cum latè conspectum, patentemque omnium iudiciis, eoque periculosum ignavia, laboriosum verò, difficilèmq; virtuti, Bonus enim rex, servus est publicus. *GAV.* Regni solio euectus sum. *RA.* Vt meritis videre, tuas res, teque obliuiscere: populum tuum, & Rempublicam cogita: quodie primùm rex fuisti, tibi moriens, aliis vivere incepisti [quodque durissimum est] ingratis, & iniquis aestimatoribus laboris tui. *GAV.* In regiam veni. *RA.* Aliquid ibi forsan peritura gloriæ reperturus, sed quietis nihil. *GAV.* Iustè regno. *RA.* Bene agis, gratissimamque rem Deo. Scito, autem, seruire te querulis, & vix tibi, ante obitum, gratiam relaturis. Rarò tam iustus quisquam fuit, ut non charior populo successor foret: is cum venerit, alter optabitur. Hi sunt vulgi mores, odisse præsentia, ventura cupere, præterita celebrare. Quando ergò defuerint querelæ, si omne præsens bonum sordet, nilque omnium placet; nisi quod cruciat, seu perditum, seu speratum. *GAV.* Sceptum, & Diadema sortitus sum. *RA.* Fulgidas compedes, claramque miseriam; quæ, si plenè omnibus nota esset, crede mihi non toties vno de solio litigarent duo, sed plura essent regna, quàm reges. *GAV.* Purpuram indutus sum. *RA.* Non cultus exterior, sed internus habitus, & mens regia, regem facit. Alexandri Romani principis dictum fuit Imperium in virtute, non in decore consistere. *GAV.* Ad regnum prouehor. *RA.* Nunc in dubio vertitur subiectorum status, an felices eâ, quæ hic fingitur felicitate, an miseri sint. Nempe mortalis regni felicitas, rex bonus; te in dubio labor manet, & graue negotium. *GAV.* Rex sum, nihil non licet regi. *RA.* Nulli minùs, immò verò quod olim

licuit, iam non licet. Et fortè, si de regno licentiâ aucuparis, non te regem nòueris, sed tyrannum.

G. Rex sum, atque omnia possum. Immo nihil, nisi quod decet regem, cuius[ut dixi] minor licentia, quàm priuati est. Sin hoc calle voluptatem petis, falleris, & tota[ut aiunt] erras via. Voluptas à tergo longè est; hac ad laborem itur, & ad gloriam.

G. Rex sum, eritque mihi iam certa tranquillitas.

R. Immo, si qua olim fuit, periit: stultus nauta, qui, relicto portu, in altum vela facit, tranquillitatem quærens. G. At Romanus Imperator factus sum.

R. Clarissimum nomen, sed durissimum officium.

Magna seruare difficile est: quid collapsa erigere? sparsa colligere? recuperare perditâ? deformia reformare? Et deserti culturam ruris, multisque diu neglectam, suscepisti: multis egent dura arua lignibus; multis prata riuis arentia: æstuandum algendumque tibi est, si successerit. Tu hinc laudem, reliqua successor tuus metet; illi seueris; sera est messis; multas poscit æstates. G. Ascendi imperium; iam quiescam, & securus viam. R. Falsa te habet opinio; nunquam minùs: tu ne in excelsum montem, ut ventos, & fulmina euaderes, ascendisti? Non legisti Horatianum illud?

Sapius ventis agitatur ingens.

Pinus, & celsa grauiore casu

Decidunt turres, feriuntque summos

Fulmina montes.

Et quando aliter de hac status eminentia sentiebant experti principes, Augustus, & Diocletianus; quorum alter[ut legimus] de dimittendo Imperio cogitauit; alter autem dimisit Imperium, nec reuocatus, assensum dedit. Quantò aliter Marcus Aurelius, & Pertinax, quorū primus adoptione ad spē Imperij reuocatus, solito tristior effectus, mirantibus

tibus amicis, multa de malis Imperij disputasse: alter Imperator effectus semper Imperium horruisse memoratur. Magnus est ad Imperium ascensus, magni in Imperio labores, magni quoque, cum ascenderis, ex alto casus. Si mihi non credis, Iulium Cæsarem interroga, Caium quoque Caligulam, & Claudium, & Neronem, & Galbam, Othonem, Vitellium, Domitianum, Commodum, Pertinacem, de quo proximè dictum est: Bassianum præterea, & Macrinum cum filio Diadumeno foedissimumque omnium, Heliogabalum: longeque dissimilem moribus Alexandrum: utriusque etiam [quod mireris] cum filio matrem: Maximos quoque & Maximianos, & Maximinos, & Gordianos. Præterea & Philippos, & Decium, Gallumque, & Volusianum, & Valerianum insigni calamitate notabilem, & contemptorem paternæ miseræ Gallienum: Aurelianus denique, & Probum, Iulianum, & Licinium, & Constantium, & Valentem, & Gratianum, Valentinianum, ac [ne ad fastidium tunc ta complectar] totam illam tyrannorum simul, & principum seriem percontare: vno tibi ore omnes responsum dabunt: Eodem se calle ad ruinam, atque Imperium ascendisse: & tu illic tibi requiem singis ad securam vitam, ubi omnes periculum, & laborem: multi miserabilem vitæ exitum inuenere? Non hoc sibi fingeant illi quatuor, quos ab initio nominaui: Non Antonini pij principis maternus auus, Arius Antoninus, homo sanctus, ut historia loquuntur, ut ego fateor, vir prudens: Ne ruam miseratus, quod Imperium accepisset. Verè enim frustra principes premit inuidia, cum illis potius miseratio debeat. *G A U.* Sum Imperator, & vicisci possum. *R A.* In hostes publicos forsitan, non

in tuos. Illis enim, si verus es princeps, hoc tuo
 ascensu, securitas parta est. privati affectibus pietas
 publica frenum stringet. Non potes huius, aut il-
 lius hostis esse, ex quo pater omnium esse merui-
 sti. Id in cives principi iuris est, quod in filios
 patri, iustus Princeps pater patriæ est. Nullum ex
 omnibus titulis: hoc gratius, summus ille princi-
 pū Augustus accepit; ut qui cōpresso adolescentiæ
 impetu, patris nomen implere decreuerat. Tibi er-
 go, qui hostes fuerant, iam filij sunt. *GAV.* Im-
 perator sum, vlcisci potero. *RA.* Vti hac po-
 tentia non debebis, & sic habe, summi Imperij po-
 testatem excellentibus, & fortune paribus animis,
 esse veniæ materiam, non vindictæ; cuius eò au-
 dior quisque, quò vilior, infirmiorque animi ac vi-
 rium est. Qua in re meminisse profuerit illud
 Adriani principis, qui [ut scriptum est] vni quem
 capitalem habuerat factus imperator, dixit: euasi-
 sti: generosum planè verbum, ac magnificum, ve-
 reque Cæsareum. *GAV.* Imperator sum, e-
 xitque iam thesaurus par impensæ. *RA.* Ad
 rapinam vox hæc spectat: est, ut aliarum rerum, sic
 sumptuum fluxus quidam, ac vorago; cui nihil est
 satis. Longum est mortalium, hac in parte, sed
 imprimis Romanorum principum furores, stilo
 æquare. Paucos tamen ex omnibus, eorumque
 ipsorum pauca de multis attingam. Conspectissi-
 mus ille quidem Caij furor, Baias atque Puteolos
 ponte iungentis; atque illum tumidi maris sinum
 primum equis, mox quadrigis triumphaliter per-
 meantis. Quid aceto liquefactas memorem mar-
 garitas pretij ingentis, appositosque conuiuiis
 panes aureos: atque aureas dapes? quibus non fa-
 mem compescere conuiuarum [ut mos est] pro-
 positum illi esset, sed imperij opes spargere, at-
 que

que illorum avaritiam irritare. Adde effusos in plebem nummos; turbidoque, & profundo mari iactas moles, durissimas rupes scissas: campos æquatos montibus, & campis iuga montium; terra illic addita, hinc detracta, tam subito, ut naturæ miraculum, vim passæ, cum celeritate certaret [Nempe cum dilati pretium operis morseffet] quibus prædecessoris sui Tiberij thesauro ingenti, diuitiisque omnibus Imperij, intra anni spatium, exhaustis, ad inopiam, foedissimasque rapinas est compulsus. Illud inter ista non numero, quod Corinthiū montem Isthmum, perfodi animo destinarat: et si sumptuosissimum opus, tamen [ut perhibent] nāvigantibus utile, quo duo maria iungerentur, & à Brundisio Athenas, aut Chalcidem, Byzantiumque petentibus, flexus ingens remitteretur Achaia. Huius comes, ac victor amentia sequitur Nero, cuius enormium impensarum nullus est modus, in ædificando præsertim: in quo omnes prodigos, & seipsum vicit. Nulla alia in re damnosior, ut de illo scribitur. Unus ex mille furoribus attingendus, est domus à Palatino ad exquilinum collem porrecta, & magnam partem urbis occupans, ut nō immerito inter conuicia, quibus liberrima plebis indignatione percussus est, illud quoque iactatum sit;

Roma domus fiet, Vt eos migrate Quirites,

Si non & Vt eos occupat ista domus.

Hanc aureā dici voluit, nō ineptè quidem, signās nomine pretium, auro enim, & gēmis crustata, ac stellata domus fuit, tantæ altitudinis, ut in vestibulo colossus centum viginti pedū staret. Intus porticus atque aulae laquearibus aureis, atque eburneis tabularis, & connexa domorum cœli instar, vi propria sese sensim, diebus, ac noctibus sine intermissione voluētia. Stagnum quoque maris am-

lum ædificiisque circumdatum, litore, vrbis in-
 morem, rura præterea, & pascua, & vineta, & syl-
 varum omnium generibus animalium referta. In hac
 domo quantum coniecturis ad verum via est, il-
 lud quod colosseum vulgò dicitur, medium fuit,
 cuius nunc etiam ruinæ stuporem spectantibus af-
 ferunt, & hæc omnia dum [quod miraculum rei
 augeat] Romæ medio, consumasset, ita [non dicam]
 excessisse, sed ne implexisse quidem Imperatoriæ
 domus modum visus est sibi, ut dedicans domum
 ipsam non amplius miraretur, quàm, ut hoc so-
 lum diceret: Iam tandem, quasi homo, habitare in-
 cipio. Mitto illa leuia, quòd vestem nullam bis
 induit, nullum iter minus mille carrucis egit; cal-
 ceatis argento usus mulis; aureo reti piscatus est;
 purpureis, atque coccineis funibus, ac reliqua fi-
 dem excedentia simul, & tædium paritura. Sed
 quis illa non stupens legit, stupentiorque aspicit?
 Vestigia enim extant: piscinam illam, ceptam à
 Myse no monte, venturamque vsque ad Auernum
 lacum, miris circumseptam confectamque porti-
 cibus, fossamque illam ab Auerno vsque Hostiam,
 per tantum viæ spatium, totque obuios montes,
 ut inducto mari, sine maritimis casibus nauigans,
 & terræ laborem, & pelagi fastidium declinaret.
 Longitudo quidem, ut nunc incolæ metiuntur,
 nota omnibus: ut Tranquillus numerat, millia pas-
 suum centum sexaginta. Latitudo autem duarum
 capax quinqueregium ex aduerso iter agentium,
 neque se impredientium concursu; quod opus si
 expleisset; Italiam, omnemque Rempub. exhausi-
 set. Tantis autem mundi malis mors sola consu-
 luit. Hunc sequitur Aurelius Verus, qui [ut omit-
 tam cætera] coenam illam fecit; cui, si par prandii
 facere voluisset; nescio an Romana res sufficere
 potuisset.

potuisset. Quo audito, frater eius Marcus Aurelius tam modestæ amicus, quàm hic hostis, ingemuisse fertur, Reipub. misertus, & Imperio col-
labanti. Linquo alios; nimis multi sunt enim, nec me fallit, posse & vobis longiuscula hæc videri remedia, breuiora pollicitis. Sed delectat interdum doctum, seu doctrinæ deditum, frugique hominem, stultorum insanias audire; quæ illi, quasi pro contrario signo sint. Vnde sibi [vt aiunt] remis, veloque fugiendum sciat. Hæc autem eo spectant, vt recogites quid est, quod thesaurum impensæ parem speras: vt enim frugalitati, & modestiæ haud sanè magnis thesauris est opus, sic prodigalitati, & luxuriæ, neque thesauri, neque imperia ipsa sufficiunt. Et hæc causa non tantum mediocris fortunæ homines, sed principes quoque, penè omnes eos in, dico qui nepotino victui operam dedere, necessario rapinas & prædā misit, quæ multis festinata, miseræque mortis occasio fuit. *G. AV.* Nunquid vnus hominis impensæ, tot vrbes non sufficient? *R. A.* Hi tibi respondeant de quibus multa diximus, innumerabilesque alij, quos par pestis pari dedit exitio. Ad summam verò profundissimum hoc sumptuum [vt sic dicam] specus, quasi illud olim Curtij non opibus expleri vllis, sed virtutibus ante alias modestia cohiberi, constringique potest. Id quod maximè proderit meminisse alienum esse, quod prodigis, & hic quoque vnum aliud. Adriani verbum sæpe ad memoriam reuocasse, quod sæpe ille & in concione, & in senatu legitur dixisse: Ita se Remp. gesturum, vt sciret populi rem esse, non propriam: optimo principe dignum verbum. *G.* Regno; & vltio mea est. *R.* Tua quidem minimè: neque enim metitur is, qui ait, mea est vltio. Profecto autem; si

verus es rex, nihil tuum minus est, quàm vltio, ni-
 hil magis, quàm clementia. Natura vtinam vt a-
 pum, sic hominum reges, aculeo exarmasset. Nunc
 libero animali exemplum dedit, non eripuit li-
 bertatem. Meum est, quod illa non cogit, hortari.
 Respice paruum illud, sed diuinum animal; pone
 & tu non in vulnere, sed ante vulnus aculeum. Ple-
 beium enim illud, hoc regium. Alioqui, vt sine iu-
 stitia, sic sine clementia rex non eris: ac ne homo
 quidem, sed [quod in fabulis dici solet] coronatus
 leo. *GAV*. Imperator sum Romanus. *RA*. Habes
 Augustum, habes & Neronem, & Vitellium, quem
 sequaris. Ad hos tres tota non modò omnium
 principum, sed hominum turba restringitur. Hic
 ergò tibi ducem elige. Si recentioribus delectaris,
 habes eiusdem ordinis Traianum, Decium, Galie-
 num. *GAV*. Sum Romanus Imperator, mundi do-
 minus. *RA*. Fuit quando id dici propè veraciter
 poterat; quorsum verò redierint res, vides; vt in-
 telligi detur, quàm sit tutum stultis, & ignavis, ma-
 gna committere; quanta prouidentia, quantum in
 furorem; quantus labor, quantaque, diligentia,
 quantum in torporem incidit. Non est amplius
 gaudij materia, Romanum Imperium, sed huma-
 næ fragilitatis, & fortunæ variantis iudicium.
GAV. Imperio clarus sum. *RA*. Clara nomina,
 res obscuræ, Mundi fraude. Humana crudelitas.
 Hi sunt vinci, quibus huc illuc faciles animi trahun-
 tur. Pulchrum Imperij, pulchrum regni nomen:
 sed Imperium, & regnum difficillima omnium
 officia, si ritè gerantur; alioqui & periculosa pror-
 sus, & mortifera. Neque de nihilo dictum illud
 regium laudatur: Diadema nobilem potius, quàm
 felicem pannum, plenum curis, periculisque, &
 miseriis multis: quem cognoscens nemo non am-
 biat.

biat modò , aut parto gaudcat : sed nec oblatum
 vltro recipiat ; aut abiectum humo , leuet. Proin-
 de expergiscimini aliquando mortales , aperite
 oculos , neue semper falsis caligate fulgoribus.
 Vestra metimini , atque aestimare corpuscula : cir-
 cumspecte , quibus septi estis angustiis : nolite geo-
 metras ac philosophos contemnere : terra omnis
 punctus est , vos caduci ; ac fragiles , & incerti ei-
 us . & cum fruētes , & cum sani estis , cum morte
 luctamini : & cum ascendere creditis , descendi-
 tis : & cum stare videmini , tum maximè ruitis : nec
 vllum animal magis suarum virium obliuiscitur .
 Ac sapius vermes semimortui , regna & Imperia
 somniatis . Mementote vos punctum per exiguum ,
 seu veriùs punctum [vt sic dixerim] puncti bre-
 uis ; immò ne millesimam quidem puncti partem
 possidere . Hanc superbi incolæ premitis , mox pre-
 mendi , neque amplius ex vniuerso possessuri ,
 quàm quod frigentibus membris , ac pallidis
 occupatis . Ite nunc cæci , & infani elatoque vul-
 tu tumidi , quod natura angustat , laxate animis ,
 & vincti immensa , & moribundi immortalia co-
 gitare : inque hoc nihilo ridiculas , & insanas
 insolentias , ad momentum rapidi temporis , hic
 rapinas , hic iniurias , hic vindictas , hic spes an-
 xias , hic honores varios , hic cupiditates inexplē-
 tas , hic furores demum vestros : hic regna , princi-
 patus , & imperia , hic classes , hic acies , hic bella
 molimini . Cum inultum insanieritis , siue impe-
 ratores fueritis , siue aratores , seu diuites , seu me-
 dici , corpus vestrum putris terra , vita vestra fu-
 mus levis , magnò flatu pulsus fuerit . & vix tādē
 ferò quidem , cognoscetis vitam hanc fuisse . nō pa-
 triam : totumque hoc regni , & imperij falsum no-
 men . G. V. Imperator factus sum . R. Stulti cum

Imperatores fiunt, homines se esse non recolunt, aut fuisse. Quale est illud Tyberij Cæsaris, qui amicum volentem eum commemoratione quorundam actuum in memoriam pristinae familiaritatis adducere, cum vix aperto ore hoc vnum verbum emisisset, Meministi: præueniens, interrupit: nec passus est explere, quod coeperat: sed repente ait: Quid fuerim, non memini. Vocem improbam, ac superbam, nec amicitiarum modò, sed totius humanitatis immemorem. G. Ad Romanum Imperium ascendi. R. Quid hinc gaudes. & in equileum ascenditur, & in crucem? Contrà verò & in lectulum & in sedile descenditur, & sæpius in imo quies habitat. Nonnullis opprobrium, multis supplicium, omnibus labor est scandere.

De Exercitu armato. D I A L. XCVII.

Omnia vastantes erucas ducis in agros.

Exurit miseras hostica turbacajae,

G A V.

Exercitum habeo. R. A. Mirabar, nisi regnum, atque Imperium, exercitus, hoc est, miseria miseriam sequeretur. Atqui Seneca Scipionem Africanum cœlo tenus attollit. Non quia magnos duxit exercitus, quos & furiosi nocētesq; duxerunt: sed egregiam moderationem quam nūquam certè dat exercitus: sæpe eripit, sæpe minuit: quæ enim tã solida virtus est, quàm tot sceleratorum, totq; carnificum cruentorum conuersatio, exemplumq; non deterreat? G. A. V. Magnum habeo exercitum. R. A. Habes vnde in campis vitam agas. Neque enim, aut vrbes exercituum sunt capaces, aut bene ciues togati, militesq; cohabitant armati. G. A. V. Fortissimum habeo exercitum. R. Habes belli materiam, pacis excidium: si hinc gaudes,

gaudes, ad cœlestem certè nō pertines ciuitatem.
 G. Habeo exercitum ingentem. R. Habes viri-
 que ad latus hostes armatos; quos nec murus à te sepa-
 ret, nec vallum; anceps profectò negotium, & gra-
 ue. G. Mihi multæ sunt & validæ legiones. R. Ha-
 rum tadia nemo facilè, atque molestias, insolent-
 tiasque dinumeret sed tu omnia experiendo con-
 disces, & quanto sit satius solum viuere, quàm
 cum multis legionibus. Profectò nullæ iniuriæ,
 nulla perfidia, nulla crudelitas castrensiū moribus
 comparandæ sunt. Intelliges per te ipsum, quàm sit
 verus, pueris quoque notissimus, ille versiculus:

Nulla fides, pietasque viris, qui castra sequuntur.

G. Magni dominus, ac rector exercitus sum. R. A.
 Tutius pastor tygridum forsitan, ac vrsorum esses.
 Possunt mansuescieri corda ferarum, at quorun-
 dam hominum non possunt; & minantur, ante-
 quàm feriant feræ. Odia hominum improviso e-
 rumpunt: hi, quos tuos reris, qui te dominum vo-
 cant, heu quàm paruo pretio venale genus, & in-
 stabile: quam leuibus ex causis mutabuntur, & ex
 militibus hostes fient. Blandi vultus in horrorem,
 datæque tibi dextræ, tuam forsitan in perniciem
 conuertentur, neque [si fiat] nouum erit, aut inso-
 litum. Ad Placentiam fuit motus ille terribilis,
 quando aduersus Iulium Cæsarem suus exercitus
 insurrexit, de quo dictum est:

Quem non ille ducem potuit terrere tumultus.

Cæsar autem incredibili sua constantia, ac vir-
 tute motum omnem compressit, & punitis autho-
 ribus, quietauit exercitum, atque ad obsequium
 reduxit. Fecit idem ad Antiochiam, Alexander
 ille Romanus princeps, successitq. magnificè. Sed
 procede paululum, breui idem non ab alio, quàm
 a suis militibus interfectus est. Eodem modo iam

iam Pertinax antè perierat. Sic duo postmodum Maximini pater & filius. Sic Balbinus & Maximus. Sic Probus dux clarissimus. Sic Gratianus, & Valentinianus iunior, optimi fratres. Ille à suis legionibus, hic à suo comite perditus. Sic innumera biles alij à suis hostibus inuicti suis exercitibus perire; & quos milites appellabant, invenere carifices. Vide ergò, quo gaudeas; Tuus hic exercitus; trux, immittis [utque ait ille] Bellua multorum est caput nihil non ausura: ira illam, vel inopia vel avaritia irritante. G. Mihi exercitus ingens est. R. Pompeio quidem Thessalico prelio [ut ait Florus] nihil magis exitio fuit. quàm ipsa exercitus magnitudo, & ferè in omnibus bellis maior semper exercitus succubuit, minor vicit.

De Classe instructa. DIAL. XCIII.

*Ventorum est, quodcumque paras, haud ulla carina
Consenuit; fallit portus & is se si lem.*

G. IV

Classem habeo instructam. R. A. Et instructos aër ventos, instructos aënor fluctus, & instructos scopulos: terrestre animal, quid tibi cum pelago? G. Instructa est classis. R. Instructa tempestates instructa naufragia: periculis tuis gaudes & laboribus, & impensis, quarum nullus est modus, Vestrarum omnium insaniarum sumptuosissima est classis. G. A. V. Classis instructa est. R. A. Hanc coeli & maris ira disicet, & quamlibet instructam, sparget, ac destruet inopina tempestas, de qua nō cogitare, dum nauiges, stulti est. G. Classem habeo in mari. R. Parumne terra vobis discriminū attrulerat. nisi maria etiam vexarentur? Non satis est terras; unde nocens ferrū, quod Naso ait, Ferroque nocentius aurum, cruatur, effodere: ipsa quo-

quoque horrida, & . quæ primi homines tantummodo mirabantur, maria penetraſtis. Vbique laborem, vbique periculum conquiſcentes: inque hoc vnum vigiles, atque ſolliciti; ſegnes ad reliqua. G. Magna claſſe maria ſum ingreſſus. R. De regreſſu cogita: ingredi nempe per facile. Solet æquor inſtrantibus planum eſſe: progreſſis ſæpe mōſtroſum ac difficile: tamen inter homines natus, inter delphines, ac tritones vitam age: mira vaſtæ animi voluptas. G. Magna mihi claſſis, & valida eſt. R. At fortaſſis vtilius, tutiusque vel in ſcalimo, vel ſicco de littore in ſidias piſcibus breui tetendiſſes, quàm claſſe armata vim gentibus intuliſſes. Multis quidem claſſis eximia noxiam dedit audaciam; eoque impulit, vbi optarent domi eſſe. Hoc & Graij, Troia reduces, Caphareum ad montem, nominatim verò Lacedæmones Arginufis, Syracuſio Athenienſes in littore, & Carthaginenſes ad Ægætes inſulas didicere. Multa ſunt claſſibus pericula non ab hoſtibus tantum, ſed ab ipſo mari. Denique cū moriendi genera plura eſſent, hoc vnum genus eſt additum. O cœci, vitæque [quam maxime diligitis] prodigi, mortem vndique, quam ſuper omnia timetis, arceſſitis.

De Machinis, & balisſtis. DIALOG. XCIX.

*Quàm ſerus ille fuit, belli qui protulit arma,
In tot terrarum, perniciemque homini.*

GAV.

Omnis generis machinas habeo. R. A. Et hic quoque furor regius; habere vnde multis noceas, cū velis; quos beneficentiſſimos hominum eſſe oportuit. Et ob hoc vnum, regnis impoſiti, & reges dicti ſunt, vt regant homines.

atque ab eis parentes colantur, amenturque. Quidam etiam patres patriæ appellati, cuncta in contrarium agunt, ut ceu tortores ac prædones publici, cunctis formidabiles, atque inuisi sint. *GAU.* Abundo machinis ad euertendas vrbes idoneis. *RA.* Quantomelius extruendas, seruandasque. Tu fortasse gloriosius putas euertere, & videri mauis tui temporis Poliorchetes: sed non semper vrbes machinis euertuntur. Cæsar quidem bello Gallico, cum aduersus Atuaticos turres maximas erexisset, primum contemptui hostibus fuit, quasi rem impossibilem humanis viribus moliretur. Vbi autem moueri, & mœnibus applicari illa videre, ex contemptu in stuporem, ac pauorem versi, omissa defensione, ad deditiōem cōfugere. Ac ciuili bello ipsius Cæsaris Dux Brutus, ad Massiliam æquè erectis, atque admotis, parem stuporem obsessis iniecerat, sed non parem metum. Itaque noctu egressi turres, & machinas incenderunt. *GAU.* Abundo machinis, & balistis. *RA.* Omnia ferè quibus gloriaris, ad iniuriam alienam potius quàm ad tuum decus spectant. Quantomeritius, atque homine dignius, abundare misericordiæ instrumentis, quàm sauitiæ, habere quibus hospitalis, & amicis, & egentibus esse posses, quàm quibus vrbes immeritas oppugnando, quietem publicam perturbares. *GAU.* Habeo machinas ingentia saxa torquentes. *RA.* Saxa torquere furiosum est. *GAU.* Habeo machinas, & balistas innumeras. *RA.* Mirum, nisi & glandes æneas, quæ flammis iniectis horrissono tonitru iaciuntur. Non erat satis de cœlo tonantis ira Dei immortalis, nisi homuncio [O credulitas iuncta superbiæ] de terra etiam torquisset; non imitabile fulmen [ut Maro ait] Humana

mana rabies imitata est, quod è nubibus mitti solet, ligneo quidem, sed tartareo mittitur instrumento; quod ab Archimede inuentum quidam putant, eo tempore, quo Marcellus Syracusas obsidebat; verùm ille hoc, vt suorum ciuium libertatem tueretur, excogitauit, patrięque excidium, vel auerteret, vel differret; quo vos, vt liberos populos, vel iugo, vel excidio prematis vtimini. Erat hæc pestis nuper rara, vt cum ingenti miraculo cerneretur; nunc vt rerum pessimarum dociles sunt animi; ita communis est, vt vnum quodlibet genus armorum. *GA*. Balistis affluo. *R*. Melius belli odio, & studio pacis afflueres. Cum cætera quidem arma inquieti animi, hæc & degeneris signa sunt, nec pacificis quidem grata, & bellatoribus inuisa magnanimis. Denique sic habeto; qui balistam primus inuenit, ille aut pauidus fuit, aut proditor, & nocendi auidus & metuens hostes; itaq. cogitauit [quod Lucanus ait]

Longè tendere neruos.

Et quò ferre veliat, committere vulnera ventis.

Idque de omni genere missilium dictum puta. Fortis bellator congressum hostis exoptat, quem sagittarius vitat.

De Thesaurο reposito. D E A L. C.

Qui sibi diuitias in turpes congregat vsus,

Tardus, crede mihi, cælica regna petet.

GA V.

Thesaurum in bella reposui. *RA*. Rem malam in vsus pessimos. Quantò tibi, & aliis erat utilius, hunc & amicorum, & patrię v-
sibus aceruasse, maximeque necessitatibus indigentium. Ille demum thesaurus verus esset, & thesauri pretium cœlestis, nunc pretium est ip-

terni. .Thesaurus suppetit in vsum belli. R. Thesaurus animi vires extenuat; bellum viros: vtrumque peitiferum. G. Magno Thesauro subnixus in bellum sum. R. Solet iste Thesaurus possessori suo perdendi metum afferre, hostibus lucrispem, & belandi simul audaciam: quis non alacer id in bellum eat, quo quærere multum possit, nihil amittere; pugnasse quidem feruidè inopem ac vicisse, eūdemque mox diuitem refrixisse apud Flaccum legis, & profectò, si ad clarissima rerum exempla inflecteris, videbis Romanos, dum fuere pauperes, omnium gentium fuisse victores; tum vinci coepisse, dum diuites facti sunt. Ita ad aduentum diuitiarum discessere victoriæ, ac virtutes, simulque opum comites delitiæ, ac libidines subiere, vt non immeritò scriptores quidem temporum illorum, Romanæ paupertatis interitum questi sint. Virtutum nutrix optima est paupertas, Opulentia vitiorum. Victoriæ de thesauro tuo speras? hinc potius metuendum. Multos pauidos, & imbelleis; omnes tumidos: ac superbos, nullum penitus virum fortem fecere diuitiæ. G. magnum mihi thesaurum aggregaui. .Tibi curas, & inuidiam hostibus stimulos, furibus sollicitudinem addidisti.

De Vindicta. DIAL. LI.

*Exiguam laudem referes, si vlcisceris hostem
Cum vindicta omnis sit tribuenda Dea.*

GAV.

HOstis in manus venit, vltionis oblata est facultas. R. A. Immò experimentum tui, an iræ mancipium, an clementiæ sis amicus. Quòd nisi ad vtranque ferri posses, incertum esset. Multi enim esse credunt, quod non sunt.
Exper-

Experti autem; quid sint sciunt, *GAV.* Est hostis
 in manibus, vlcisci possum. *RA.* Alij poten-
 tiæ fines sunt, decoris alij, non quid possis, sed
 quid deceat, æstimandum est, ne, si quantum po-
 tes, velis, nil posse, sit melius. *GAV.* Vlcisci
 possum, nil dulcius est vindicta. *RA.* Ita nihil
 amarius, quam cur quidam dulcem dixerit, mira-
 ri soleo: si dulce aliquid inesse consenseris, dul-
 cedo effera, viro indigna, ac propria belluarum, ea-
 rumque non omnium, sed præmordacium, atque
 ferocium. Nil humanum minùs, quàm sæuitia, &
 feritas. Contraque nil homini suum magis, quàm
 misericordia & lenitas, quibus nihil tam contra-
 rium, quàm vindicta est, & quidquid animi impe-
 tu, homo in hominem committit asperius. Quod
 si omnino vindictæ nomen dulce est, ostendam er-
 go, quo multa cum gloria vti possis. Nobilissimum
 vindictæ genus est, parcere. *GAV.* Vlcisci li-
 cet. *RA.* Multò est satius, multoque formo-
 sus obliuisci iniuriæ, quàm vlcisci; generosior nul-
 la est obliuio, quàm offensæ: hæc summus orator,
 summo duci, summæ laudi tribuit: quod scilicet,
 nil soleret, nisi iniurias obliuisci. Nihil autem pro-
 hibet vnius laudem illi non exceptam, ad plurimos
 peruenire. Hoc, inter multa, præcipuum præ-
 cunctis opibus, habent, animi bona; non decre-
 scunt sparsa, nec pereunt. Sume igitur & tu tibi
 nobilissimam hanc opinionem Cæsaream, quæ te
 multò faciet clariorem, quàm Cineam, Tarma-
 damque memoria sua: illa enim nature fuerit, hæc
 virtutis. *GAV.* Vlcisci iuuat. *RA.* Ultio-
 nis momentanea delectatio est misericordiæ sem-
 piterna. Duorum nempe delectabilium, illud
 præferendum, quod diutiùs delectat. Fac tu ho-
 die, quo perpetuò delecteris. Nulla verò maior,

nulla firmior delectatio est, quàm quæ de puritate conscientia, & rerum bene gestarum recordatione oritur. *GA*. Honestum vlcisci. *RA*. Honestius misereri. Multos clementia honestauit, nullum vltio. Nihil tam necessarium inter mortales nihil tam commune, quàm venia. Nemo est enim, qui non peccet; nemo cui non misericordia opus sit: qua negata, quis tam multos criminum, & culparum extricabit nodos? Aut dissutum disruptumque societatis humanæ foedus, faciet? Semper inter sese homines, semperque in illos decertabit ira Dei. Nullus erit aut litium, aut poenarum finis, nec cessabunt arma, nec fulmina. Parce igitur miserere & compesce animum. Factu homini, quod tibi ab homine fieri velles; quod à Deo vis. Impudenter à domino veniam petit qui conseruo illam suo negat. Ecclesiasticus doctor clamat indignans: Homo homini iram seruat, & à Deo quærit medelam? In hominem sibi similem non habet misericordiam, & de peccatis suis deprecatur? *GA*. Non infero iniuriam, sed vlciscor. *RA*. Quid refert, primus pecces, an vltimus? Non est æquum vt quod in alio improbas, in te probes. Visne fraudem in hoste damnatam sequi, fierique illi similis moribus, cui dissimilis animo sis, quodque pessimum habet, tuum facere? *GA*. Volo quidem, & licitum est vlcisci. *RA*. Nec debes velle, nec vlla id licitum lege est; vt defensio licita sit, vitio vetita, Scriptum est. Qui vindicari vult, à Deo inueniet vindictam. Et rursus [vt paulò ante dixi] Mea est vltio, & ego retribuam eis in tempore, dicit dominus. Illud tempus expecta; sine te ille vindicet, qui & offendentis est dominus, & offensi. Solet inter seruos domini communis esse cognitio. Si quid ingenui habes, si
qua

qua tibi perfectioris habitus cura est, opta potius, atque ora, ne ille quidem vindicet: sic hostis crimen in tuam verteris salutem. *G.* Vlcisci est animus. *R. A.* Da iræ spatium, da consilio tempus, frena impetum, differ, aut desinet, aut lentescet. Brevis hora sedat iratum æquor. *G.* Vlciscar. *R. A.* Vno actu multos offendes. Vna iniuria sæpè innumera biles hostes fecit. *G.* Vlciscar. *R.* Plus te ipsum læseris, quàm hostem. Illi corpus forsitan, aut opus, tibi animam, famamque corruperis. *G. AV.* Vlciscar. *R. A.* Quoties, vlciscendi studio, iniuria geminata est? laeo, sæpe vnicum, dissimulasse, remediũ; sæpe vel questum esse, vel nutu tacito sensum iniuriæ prætendisse, periculum fuit. *G. AV.* Perdere hostem possum. *R.* Melius est amicum quærere, quàm hostem tollere; sed vtrunque simul optimum, quod nulla arte melius, quàm parcendo fit, cùm vlcisci possis. Aptissimum tollēdis hostibus, instrumentum est, lenitas. In quo, si creditum esset Herennio seni sapientissimo; nec Sānitũ exercitus, modò victor, collo iugum Romanum, nec iugum primò cum reliquis, mox securim solus imperator Pontius pertulisset. *G.* Vlciscendi pungor aculeis. *R. A.* Resiste, cogitationibus piis, exemplisq̃ue omnibus, quæ leniorem in partem inclinare animum possunt, & in primis memoria vitæ brevis, & ambigua. Hæc enim Senecæ [cui assentior] efficacissima videtur, de iracundia lenienda. Cui is ipse quem memoravi doctor accedit. Nam quid aliud sentiebat, ubi ait: Memento nouissimorum & desine inimicari. Sic est enim, nilque inimicitias magis alit, quàm conditionis obliuio. Siquidem iste, cuius mortem sitis, ne dubita, moriturus hand dubiè est, & id ipsum citò, fortasse hodie, tūque illum forsitan [quod non

cogitas] percurfurus. Exfpecta paululum, fubfifte; fiet, quod fieri optas, & quod metuis, fiet. Cate-
 rum mors, quam hofti paras, fine tuo illi fcelere
 pręparata eft. Quid iuuat fati curfum properan-
 tis impellere, & morituri fanguine morituras ma-
 nus inficere? non fceleftum modò, fed fuperua-
 cuum eft, impietate tua proximum, ac feftinans
 tempus arceffere; quod fi valde velis, nulla poffis
 pietate repellere, aut differre. Quantò tranquil-
 lius, atque honeftius ille integer, & illæfus, tu fic-
 cus, & innocens; quàm vterque cruentus, & tu
 noxius hinc abibis. *GAU.* Urgeor vlcifcendi sti-
 mulis. *RA.* Caue, ne cefferis; fed oppone eis
 memoriam eorum, qui, non tantum mites hofti-
 bus, fed fauentes, ac benefici fuere; contraque il-
 los tibi propone, qui membratim cæfis hoftibus
 adhuc rabiem fpirantes, nequicquam in non fen-
 fura cadauera fœuierunt. Dehinc tecum elige,
 quorum fimilis eſſe malis, neque actus ſolos, ſed
 & verba confer. Pars enim non parua crudelitatis
 in verbis eſt. Crudelis pes, crudelior manus, cru-
 deliſſima lingua eſt. Sæpe animi fœuitiam, quam
 manus non æquauerat, lingua transcendit; illa ve-
 rò optima, vt crudelitatis, ſic clementiæ teſtis
 eſt. Sonet igitur ad aurem tibi illa, cuius
 non multò antè meminimus, Adriani vox, ſi-
 mulque illa Tiberij, de quo ſcriptum eſt: Quod
 cum audiſſet vnum è reis, Carnulium nomine,
 anticipaſſe mortem, exclamauit: Carnulius me
 euafit. O vox ferox, & ſi dici poteſt, ipſo vocis
 authore ferocior; quid uſitati ſupplicii cogita-
 bat, quem ſe in vinculis manu ſua perimens eua-
 ſiſſet? Ecce duo igitur vnius ſtatus, ſed mentium
 diuerſarum, vno & eodem verbo quàm variè v-
 ſunt. Ille ad præſentem hoſtem, euafiſti, ait. Hic
 de ad-

de absente euasisti, inquit. Ille suo hosti vitam donauit: hic inuidit mortem. Elige quid horum potius à te dictum velis dici, an tranquillum illud verè principis, an illud alterum immane carnificis. Nec ignoro, quòd sit promptius iubere iusta, quàm facere, & quid his obici possit, intelligo. Difficilius in suis, quàm in alienis iniuriis mitem esse, difficile fateor, sed bonum. De bono autem, ac difficili omnem esse virtutem nec tu neges. Virtutis amatoribus sunt cuncta facilia. *G. A.* Fixum est vlcisci. *R.* Vincit pars deterior: obsta illi dum adhuc potes, victoriàmque illi priusquàm ea uti coeperit, eripe, stratamque mansuetudinem attolle. Memento te hominem: multos quidem vindicasse poenituit neminem pepercisse. *G. V.* Vltus sum. *R.* Vinci ab hoste præstabat. Hostis victorem vicit ira.

De Spe vincendi. D I A L. C I I I.

Sape fit, ut qui vicisset, iam victus abiret;

Vincere qui didicit crimina, victor erit.

G. A.

Bello victoriàm spero. *R. A.* Cum fallax vtilit bet, tum in bello fallacissima spes est. Nihil ex præmeditato agitur. Inopinè eunt omnia. Prudentissimus, atque exercitatissimus militarium rerum fuit qui dixisse fertur nusquam minus, quàm in bello, euentus respondere. *G.* Victoriàm spero. *R. A.* Pacem haberes vtilius: eiusdem ducis verbum memorabile traditur, Melior, tutiorque est certa pax, quàm sperata victoria. *G.* Bello victor ero. *R. A.* Quid si victus? Hæc spes multos in exitium egit: sine victoriæ spe, nemo volens in aciem descendit. *G. V.* Bello superior euadam. *R. A.* Futuri verbum temporis. Omnis

510 P E T R A R C. D E R E M E D.

enim de futuro spes, & futura omnia semper ambigua. G. Bello victor remeabo. R. A. O spes hominum inanes: nec victor fortasse, nec victus remeabis: fictibi reditum spondes, apertumque inter gladios iter, acri deuotum classico Marti caput? G. Esse victor spero. R. Est qui contrarium speret: vel vtrumque, vel alterutrum sit, necesse. Potest vel alter, vel vterque dux partium, seu aliter, seu mutuis vulneribus simul occumbere, quod & saepe credo alibi, & quod nunc meminerim, Thebis, ultimo inter fratres impios congressu, & Romæ, primo, post exactos reges: accidisse proditum est bello, vt Superbi regis filium Brutus consul ad inferos persecutus est. Amisso autem spiritu, iam victoria nulla est; quo seruatæ, saepe tamen ex acie, pari Marte discessum, tenes. Vtrobique igitur ambos duces spe victoriae fraudatos constat. Vnum nempe fraudari, tam commune, tamque quotidianum est, quam in aciem proficisci. Quid scis autem, an vnus ille tu sis, hac, quæ tibi blandiris, victoriae spe fraudandus? G. Bello vincam. R. Vt anceps semper, sic saepe tristis, & sanguinolenta victoria est. Non habetur gratis, quod vitæ discrimine quæritur; charè emitur, cuius sanguis est pretiū; charius, cuius morte fieri potest, vt pars victrix ducem perdat; ita tuis vincentibus, vinci potes. Quid de victoriae sceleribus dicam? Non sunt tot victi miseriae, quot sunt peccata victoris. Quod si peccato miserius nihil est, nec victus eo, quod vincitur, victore minor; sed eo minus miser, quò minorum rerum damnis afficitur. G. Vincam. R. Vt ad summam redigam, & an vincas, & an melius sit vicisse, si viceris, in dubio est.

*In bellomulti vincunt, & fortia spernunt
Corpora, sed unus intereunt propriis.*

G. AV.

AT vici. R. Caue, ne te vincat ira, superbia, crudelitas, furor, rabies. Hi sunt enim victoria comites, & victorum hostes inuisibiles, & horrendi, à quibus sæpè clarissimi victores turpissimè victi sunt. Nondum te vocat ad calculum fortuna; longa, & perplexa rationum series creditrix violenta, & pertinax, cum qua tibi nunc quodque negotij multum restat, mutuum reposcere solita est, magno cum fœnore. G. Magno prælio vici. R. Victor prælio sæpe victus est bello. G. Vici autem. R. Quoties vicere Carthaginenses? Quoties Galli gentesque alia? Quoties autem victi sunt Romani? Sed spectandus est rerum finis; earum maximè, quæ voluuntur, & stare nesciunt. G. Vici certè. R. Etsi certus belli exitus, adhuc eventus est dubius, & de lætis tristia, læta de tristibus erumpunt. G. Magnam victoriam quæsiui. R. Nil tam magnum, ut non nimio quæri possit. Est ubi plus vulnerum, ac funerum victoriosa pars computat; si non credis, Xerxem atque Thermopylas interroga. G. AV. Magnæ victoria fors fuit. R. A. Vix potest magna victoria paruo pretio constare. De bello omnium maximo, omnium maximus Historicus dum ageret: Adeò, inquit, varia fortuna, ancépisque Mars fuit, ut propius periculo fuerint qui vicerunt. G. AV. Planè vici. R. A. Non est plena victoria, ubi armatus hostis superest: quanquam, etsi hunc oppresseris, alij renascetur; quasdā nempe victorias, ceu sementem dicas esse

bellorum. Sic odia ferro trunca, repullulant, densanturque, & rediuiui in aciē redeunt bellatores; non vt fortassis imaginatio vehemēs olim Cassio a se cāsi hostis imaginē supremo illo suo die obuiā dedit tam tremendo aspectu, vt audacissimum virum, qui viuente illum nō timuerat, defuncti species in fugā verteret, sed ita, vt pro vno, multi redditi, veris manibus, verū ferrū, moueant in illos, qui vicisse videbātur. G. Vici, iam securus sine hoste sum. R. Stulte: dum erunt homines, non deerunt hostes. Tu Romanę vrbi post innumeros triūphos, edomitūque orbem, non defuisse hostem legis, & tibi defuturum speras? quiescenti forsitan hostis deerit, at pugnanti nunquam. GAV. Victor sum. R. Cane ne sis frustra; vti scientibus victoria fructuosa est; vti autem dico, non eo modo, quo Maharbal Annibali, sed quo Hanno, vir melior, suę Reipub. consuluerat. Nam profectō vsus, fructusque victorię optimus, pax est: neque ad alium, quā ad pacis finē iusta bella suscipiuntur. G. Victoria mecum est. R. Vide ne euolet: alata est.

De Inimici morte. DIAL. CIV.

*Morte inimicorum noli gaudere rapaci;
Te quoque sub leges mors feret atra suas.*
GAV.

DE inimici morte latus sum. RA. Sperare de inimici morte aliquid, seu cuiusquam hominis, vel gaudere, illi forsitan sit permissum, si quis vsquam esset immortalis. Sperare autem alterius mortem, quę tibi possit antē contingere; vel gaudere id hosti euenisse, quod tibi necessario euenturum sit; stulta spes, inane gaudium. G. Gaudeo de inimici morte. R. De tua alius mox gaudebit. GAV. De-
inimi-

inimici morte gaudeo. *R.* Si quam vestrae conditionis memoriam haberetis, nunquam homo de morte hominis gauderet. Quando enim, quæso, duorum, qui simul ad supplicium ducerentur alter alterius de morte gaudium coepit, sciens sibi idem supplicij genus instare, & non potius in illius morte, suam cogitans, ingemuit? *GAV.* De inimici morte gaudium sensi. *R.A.* Quoties putas, optata mors hominum, voti compotes torserit; & optare vitam frustra coeperint; qui non frustra mortem prius optauerint, dum intelligere incipiunt, in suam se perniciem optasse? Sed precipites sunt affectus vestri; quicquid vultis, valde vultis? quod de Marco Bruto dixisse Iulius Cæsar fertur; immò verò nimium vultis, nec feruens desiderium moras fert. Itaque, quicquid vultis, statim vultis: hinc non modo vota impia, sed venena, sed cædes, & quicquid homo in hominem fruit, nocentissimum animal, in suam speciem: Multa verò optatis, quæ, si in consilium ratio esset admissa, timeretis & varietas votorum, malæ electionis argumentum est; nec prius ad rectum redit impetus, quàm inconsulti affectus infaustis castigantur effectibus. *GAV.* De morte hostis gaudeo. *R.A.* Si est hostis inglorius, de ipsius morte gaudere, turpe est; & dolere superfluum: si illustris, honestus piusque est dolor, etsi non propter hominem, at propter virtutem, quæ in dies rariora habet hospitia. Sic Metellus Macedonicus. Africani iunioris: sic Cæsar Pompeij. sic Alexander Darij mortem fleuit. *GAV.* Gaudeo de inimici morte. *R.A.* Quomodo de illius morte gaudeas, quem diligere iubearis, non ut hostem, sed ut proximum eiusdem opus opificis? *GAV.* De inimici morte gaudeo. *R.A.* Non audis forsi-

tan, an contemnis consilium, notissimum Sapien-
ris? Noli, inquit, de inimico tuo mortuo gaudere,
sciens quoniam omnes morimur, & in gaudium
volumus venire. Sanum prorsus, seu consilium,
seu praeceptum.

De Spe pacis. D I A L. C V.

*Spes pacis certa est, modo sit concordia certa;
Qua si non fuerint, spes tibi pacis abit.*

G A V.

Spero pacem. *R. A.* Melius est pacem seruare,
quàm sperare. Stulti enim est, fastidire res cer-
tas, ambiguas spes amplecti. *G.* Pacem spero.
R. Tenuissècam arctiùs, nec abire sineres, quam
sperares. Quid enim si ad hanc spem impatientia
te duxit tua, ut sperando, angì eligeres, quo gau-
dendo uti poteras. *G.* Pacem spero. *R. A.* Spes pacis
multos perdidit, sperataque paci succedens in-
sperata calamitas, incautos obruit, sopitosque,
quos expectatos inueniens, non lassisset. *G.* Spero
pacem. *R.* Quid tam diu speras, quod mox assequi
in tua situm manu est? *R.* Ari sunt, qui pacem non
inueniant, si bona fide velle coeperint. Sed hi ipsi,
quibus dulce nomen pacis, pax amara est. Pacem
itaque petètes paci obstāt. Quatuor vobiscum ha-
bitant pacis hostes: Avaritia, Inuidia, Ira, Super-
bia. Has in æternum exilium pellite, pax æterna e-
rit. *G.* Spes pacis haud dubia est. *R.* Inter spem pa-
cis, & pacem multa incidunt: leue verbum, gestus
facilis, compositam saepe turbauit pacem; ipsi tra-
ctatus, pacificique sermones, ferro saepe frangun-
tur, animosque acuit, bellumque asperat pacis
spes. Sic amicitiae mentionem irritam, quasi co-
tem dixeris odiorum. *G.* De pace igitur, pax erit.

R. De

R. A. De pace crebrò nequicquam agitur, nonnunquam verò periculosè. De pace agebant, atque egerāt, & Gallorum, & Pœnorum duces: quando illos Camillus oppressit, hos Scipio. *G.* Post belli finem, pax firmabitur. *A.* Quantò firmata esset vtilius ante belli principium: quot damnis, ac moribus tempestiva pace esset occursum? Sed vos pueri contumaces, ac discoli, sine verberibus non sapitis: in pace bellum, in bello pacem quaritis, neque vnquam, nisi bello afflicti pacē vel noscere incipitis vel amare; eamque, vt perditam fletis, sic mox redditam, pari leuitate contemnitis; donec vos iterum, atque iterum amissā, perdoceat bona vestra non spernere; mala vestra concupere; denique non ineptire, non furere. quod antequam assequamini, pudeat. Sæpiissimè idem vobis audiendum, nec audisse sat est, sæpiissimè videndum, & experiendum: dicam propriè, vt discatis aliquid, sæpiissimè vapulandum est. *G.* Bellum pax sequetur. *R.* Melius præcessisset; bello iter obstructura; nihil infanlius, quàm spe remedij, vltro vulnere sese offerre: auxilium non causam dant fomenta vulneribus: ægro salutem optare, natura est. sano ægritudinem, spe salutis, insania. *G.* Pax futura est. *R.* Solet pax vrbibus mutationem rerum afferre pestiferam. Optima quidem ipsa, sed pessimis circumuoluta comitibus, iniquis legibus, fluxis moribus; occultis odiis, aperta tyrannide. Recordare, quid ciuili olim bello præsagus ille dixerit, nec fefellit:

Superos quid prodest poscere pacem,

Cum dominus pax ista venit?

Melior est autem bellicosa libertas viris fortibus, quàm pacifica seruitus. *G.* Pacem habeo. *R. A.* Interim bellum habes.

*Sæpe animis mundi nocuit pax, atque voluptas,
 & st aliquid cordis posse quiete frui.*

GAV.

PAcem habeo. R. A. Bonum ingens, si sincerum
 esset, atque perpetuum : neutrum sanè est.
 Nam neque nouum est, sed commune, nimis-
 que quotidianum est; vt sub vmbra pacis, bellum
 lateat; neque pacem, quamuis puram, diuturnam,
 finit animorum instabilitas, secum assidue non mi-
 nus, quàm cum hoste pugnantium. GAV. Pax quæ
 sita est. R. A. Sed amissa est cautio, & disciplina
 militaris, fida urbium tutela: quæ sita autem len-
 ta segnicies, & semper periculosa securitas; cum
 in multis nempe sit melior bello pax, in hoc vno
 bellum melius, quòd cautius, atque experien-
 tius. Nunquam Romana virtus abiisset, si bellum
 Carthaginense mansisset. Pax punica Romanæ
 urbis excidium fuit; urbibusque aliis documen-
 tum sempiternum, non semper populis, atque
 Imperiis optimam pacem esse; idque vir opti-
 mus Nasica, malè non sibi creditum, iurabit, &
 vera locutum docti omnes fatebuntur. GAV. Pa-
 cem habeo. R. A. Modestè vtere. Bello quolibet
 funestior pax superba, & negligens. Sæpè, armati
 inter gladios tuti, mox togati in gladios incide-
 runt, & seris votis optauere bellum. Quid rui-
 nam morum, atque ipsius humanitatis interi-
 tum loquor? Quot iam bello viri optimi pace
 pessimi euasere? quasi tum armis omnem penitus
 exuti virtutem, mox cum toga vitia omnia
 induissent. Sic interior habitus cum exteriore
 mutatus est. Cuius quidem rei, etsi multa mil-
 lia hominum, in testimonium trahi possunt, ta-
 men

men abundè suffecerint testes duo, Sylla & Marius; quorum primum [vt de illo scribitur] neque laudare, neque vituperare, quisquam satis dignè potest, qui dum quærit victorias, Scipionem se populo Romano, dum exercet sequitiam, Annibalem repræsentauit. Secundus verò vir [vt de illo itidem scriptum est] cuius si examinentur cum virtutibus vitia, hand facile sit dictu; utrū bello melior, an pace perniciosior fuerit: adeò quam rem pub. armatus seruauit, eam primò rogatus omni genere fraudis; postremo armis hostiliter euertit. G. Pacem patriæ partam lætor. R. Quid, si pax interdum, quod in homine optimum est, extinguit, nutritque, quod est pessimum? Notum est illud Satyrici, qui cum de causis priscae illius Romanæ virtutis multa dixisset; inter quas est & proximus vrbi Annibal: ad extremum intulit.

Nunc patimur longa pacis mala, sauior armis

Luxuria incubuit, victumque ulciscitur orbem.

Estne ait [oro te] vlla pax tanti, vt non odiosa sit viris egregiis, comitante luxuria? Certè altius cogitanti depositis licet armis, pax videri nequit, vbi bello domestico vitiorum insidiosissimo, & carente induciis, oppugnantur animi; boni mores in exilium pelluntur; voluptates imperant; virtus opprimitur. G. Pax firma est. R. A. Et pacis comites licentia, ac libido, & [vt dixi] discrimina nec pauciora, nec minora, quàm belli. Illa enim corporibus, hæc animis pestem ferunt; sæpe etiam corporibus. Itaque multis lorica felicior, quàm toga; cuspisque securior, quàm thalamus; tuba, quàm tibiæ; sol quàm vmbra. Sunt quibus nil tutius bello sit, quod Iulium Cæsarem prædicantem de se, suisque militibus audisti. Pacem verò, si sine vitiis veniret, & cœleste munus, & secundum nulli bo-

num fateor. Rarò autem sine vitiis venit. G. Sed feci inducias. R. Dedisti hosti spatium ad colligendas vires, quibus fortiùs te feriret. G. Inducias habeo. R. A. Cognata induciis insidia sunt. Multa per insidias hostiliter fieri vides, plura etiam facta legis; vt nil aliud belli consilia licentiùs agitantur, liberiùs contrahuntur auxilia. Quosdam bello inuictos, induciis confecere. G. Sunt mihi cum hostibus induciæ. R. Ignauum tempus nec pace latum, nec bellis exercitum: sed dubiis inter vtrunque pulsum fluctibus vbi & rumor paci obstat, & timor bello; nescio an sit grauius pendere, quàm ruere; respirandi tempus optare, fatigari est. Miseri autem, & insani est, nec pacem pati posse, nec bellum.

De Pontificatu. D I A L. CVII.

*Sponte sua in mortem currit, qui Pontificatum
Ambit, vbi fraus, & sana venena regunt.*

G A V.

AD pontificatum veni. R. E tempestate in portum fugi solet; tu è portu in tempestatem sponte fugis. Tu mirus nauta. Pontificatum sum adeptus. R. A. Parumne difficilis, parum grauis vnus animæ tibi cura videbatur, nisi omnium curas in te vnum, atque omnium sarcinas transtulisses? Fortes humeri; an fortis ambitio eò animos cogens vbi malè sibi futurum sciunt. G. Ad pontificatum ascendi. R. Quo tramite, videris: duplex est enim via: vtraque ad laborem. Altera verò etiam ad miseriam ducit: quacūque perrexeris, vel te miserum, vel, vt optimè cesserit, ex libero seruum scito: sic, qui ascendisse diceris, descendisti. Vnus iam illorū, quibus canitur propheticū illud. Qui descendūt in mare nauibus faciē-

tes operationem in aquis multis, qui ascendunt
vsque ad cœlos, & descendunt vsque ad abyssos:
quorum anima in eis tabescente, propter negotio-
rum multiplicium procellam, turbati sunt, & vi-
cti sunt: sicut ebrius & omnis sapientia eorum de-
uorata est. G. Summi solum pontificatus ascendi.

R. Quo mare altius, & venti plures, & periculosior
tempestas. G. Romanus pontifex factus sum. A.

Quo maior vrbibus Roma est, eò maior te labo-
rum moles manet: erunt qui te colant, qui ado-
rent, qui obsideant, ac circumstant, qui tibi serico
terram sternant, auro niueos frenent equos, qui
vina, dapésque instruant, ac prælambant, prius
pontificibus inauditum obsequii genus: ex di-
uerso erunt, qui omissis propriis rebus, in te fi-
gant oculos te notent, de te iudicent, & quàm iu-
stè, Deus viderit, qui denique mores tuos arguât,
verba distorqueant, famam lacerent, vitam car-
pant; quicquid vsquam mali erit, quasi è fonte v-
nico malorum, ex te prodisse dicent, populi, di-

scordiarumque omnium vnus tu causa vocaberis,
Quomodo, inquierent, sanum erit ecclesiæ corpus,
cum ægrum, ac languidum sit caput? Est ne [oro
te] tanti vel aureum poculum, vel cubile purpu-
reum, vel gemmatus vertex, vt quietis, & famæ
premio quæri velit? GAV. In summum pon-
tificem sum electus. RA. Versa vt libet; hac

in re tam expedita hodie, quod est totum, vel
inane, vel durum est, vt non immeritò quidam
summi Pontifices, tridiorum rerum victi, non suppli-
cium aliud, quàm felicitatem illam hostibus suis
optauerint. Nā [vt paucis expediam] summus pon-
tificatus, si rectè geritur, summus est honor,

summu[m] onus, summa seruitus, summus labor.
At si malè, summum animæ periculum, summum

malum, summa miseria, summus pudor anceps ex
 omni parte negotium. G. Summi pontificatus se-
 dem teneo. R. Non tenebis diu. Brevis est homi-
 num vita: Regum breuior; Pontificumque brevis-
 sima, eo quod, propter pondus vastatricium cura-
 rum; ætas ipsa pontificis Romani tempus angu-
 stat; quæ ad hoc culmen, nisi admodum fessa, vix
 peruenit. G. Summi pontificatus in vertice sedeo.
 R. Quò sublimior sedes, eò grauior casus; vix ex
 alto, sine periculo aut labore descenditur. Cura,
 vt descendas sobrie, ne in illo grege reperiaris, de
 quo dictum est:

Tolluntur in altum,

Nil opus grauiore ruant.

Ex omni quidem mortali fastigio descenden-
 dum, nemo dubitat; sed hoc interest quia iusto-
 rum, ac sapientum descensus, reliquorum verò,
 precipitium ac ruina est. Ideoque Pœnus ille dux
 moriens: qui dixisse fertur: Et finis ad alta leuatis;
 est rære; non impropiè ait, vt iniustus. G. V.
 Summi pontificatus arcem rego. R. A. Sole-
 bant primi, ex hoc statu, ad martyrium peti: nunc
 ad delicias vocari credunt: ideoque certatim hic
 locus appetitur, & huc omnia ferme morta-
 lium vota suspirant. Quis autem vel Romanum,
 vel quemcunque pontificatum, aliam cupit ob-
 causam, nisi quò potentior, ac ditior sit? Contra iu-
 stitiæ præceptum, præesse quaritur, non prodesse,
 quodque sacrilegium, pudendumq; vel dictu est,
 magnis saepe muneribus quin & pactis, & sponso-
 ribus spes emitur sacerdotij pinguioris. O vertigo
 morum pessima: ad quod olim cōsueuerant & de-
 berent cogi homines, inde nunc retrahi non pos-
 sunt; & tam præceps feruet ambitio, vt non Chri-
 stianus pudor, ac modestia videatur, sed ardor, &
 perui-

peruicacia paganorum; quam in huiusmodi petitionibus tantam fuisse didicimus, ut de Iulio Cæsare lectum sit, quod pontificatum maximum petiit, non sine profusissima largitione; in qua, reputans magnitudinem aris alieni, quum manè ad comitia descenderet, prædixisse matri osculanti fertur: Domum se, nisi pontificem, non reuersurum: nec fefellit, Pontifex est reuersus. Liquet autem, quo impetu ille ambierit: quo, non impetrato, vel moriendum sibi certè, vel exulandum esse decreuisset: hoc illi autem vtrumque licuerit, cui à prima ætate propositum sit regnare. Ita ut iniuriam suam putet, si qua est, hoc orbe, potestas altera, quàm Cæsar: si tellus vlla duorum est. At Christiano homini, cui propositum sit seruire, dominique sui iugum ferre; pontificatum quomodo liceat ambire, non video: non modò largitione profusissima, sed [quod non multò minus est turpe] blanditiis, atque mendaciis indignis viro artibus, sed cōmunibus adeò; ut hæc ferè iam sit vnica in altum via. *G. Romanus pontifex sum. R. Seruorum seruus diceris. Caue, ne dominorum dominus fieri velis. Memento professionis. Memento debiti. Memento domini, qui meritò nulli magis, quàm vicario læsus, irascitur.*

De Felicitate. D I A L. CVIII.

*Exp. Standa dies homini est pars ultima vitæ;
Ante obitum cerè nemo beatus erit.*

G A P.

S Vm felix. *R. A.* Pontificatu forsàn aut Imperio, aut omnino potentia, atque opibus felicem fieri credis? Falleris. Non felicem faciunt ista, vel miserum; sed deregunt, ac ostendunt; &, si quid facerent, miserum potius, quàm

felicem facerent. Sunt enim plena periculis, quibus humanarum est affixa miseriarum radix. *G.* Felix sum. *R.* Opinione fortassis tua; quæ quoniam falsa est, felicitati nihil addiderit sed miseriæ multum. Si quidem propriam non nosse miseriam, miseria summa est. *GAV.* Felix sum. *R.* Hoc inter carnificum gladios magnus ille Pompeius de se prædicat: quod tamen [si profundius verum fõdis] nunquam fuerat ne tum quidem, dum florentissimo in statu felicissimus videretur. O miser, qui in tot malis te felicem speres. *G.* Sum felix. *R.* Felix es, & vnus viator insolitus, mirus cursor, quo in hoc scrupulo, & difficili calle sis felix, inter mille pericula raptatus iugiter, & ignorans, quo, si quidem hic es felix, quod nemo vnquam fuit, nemo erit, vt auguror. Nam quis, quæso, hominum felix in miseriis? Nemo igitur felix, prius quam ex hac miseriarum valle migrauerit. Duos quidem è cunctis mortalibus colligunt felices, in quibus opinatissimus est Quintus Metellus, & apud scriptores rerum, & vulgò etiam felix. Sed huic tamen quamuis latè iactatum felicitatis nomen, in quibusdam exactioribus scriptis ereptum scio; iniuriis aliquando grauissimis, & [quod dolorem ingeminat] vili ab authore susceptis. Iam reliquorum falsa felicitas in aperto est. Sylla felix tantum dictus est, infelicem tamen vitæ illum, ac mortis atrocitas probat. Alexandri Macedonis, ac Iulij Cæsaris, et si fortuna prosperrima, vita tamē inquieta semper, ac turbida, atque ideò nunquam felix: vtriusque mox rapida. Ille in medio bellorum cursu, hic post victoriam repentè; ille veneno periit, hic ferro. Scipionum bellicam felicitatem, alterius indignum exilium, indigna quoque alterius, & inuita mors minuit. Longum est euoluere

uere

uere singulorum fortunas. Ad supremum venio. Vnus omnium ferè omnibus felix visus est. Augustus Cæsar. Monarchia omnium altissima, diuturna pace, vitæ spatio, ac fine suauissimo; quodque omnia superat, inorum, atque animi tranquillitate perpetua. Quis hunc felicissimum negauerit? Sed felicem negant, quibus hæc scrutandi studiū fuit. Obstat enim extrinsecus fulgoribus interioris, ac domesticæ vitæ status, & fortuna longè alia; naturalis ac virilis sobolis defectus; adoptiuorum, ac nepotum immaturæ mortes; & quorundam, morte peior, contumacia. Ad hæc, & vilissimorum quoque hominum insidiæ, & suorum in se crebræ conspirationes; & dilectissima, atque vnica filia, ac neptis adulteria crebiora; denique non suus heres, successorque non placitus, & necessitate magis, quàm iudicio electus; nec omnino se dignus, nec imperio. Si horum ergo nemo felix, vel felicem alium da mihi, cum quo felix sis, vel sine conforre felix esto; vel iam tandem veriori sententiæ aurem præbe: secundum quam dico iterum, ante mortem nemo hominum felix. *GAU.* Ego animo felix sum. *RA.* Sentio quam felicitatem dicis, aut felix igitur errore tuo es, vt ait ille: quæ felicitas [vt dixi] misera est: aut virtute animi felix, quæ nec ipsa felicitas plena est; quamuis sit ad felicitatem via. Ad postremum, cuncta discutens, me mirari non dissimulo, quam mihi felicitatem quidam somniant, promittuntque aliis. Acutissimi homines in multis, hac in parte cœcissimi, Nam siue omnium cumulus honorum ad felicitatem, isque indeficiens, ac stabilis requiritur, & quàm multa desint homini; vitæ studium hoc agenti, pro se quisque sentit; & hæc ipsa quæ adiungunt, quàm incerta, quàmque labilia sint, agno-

scit, siue quod aliis videtur sola, virtus hoc præstat: certè ipsi, qui secundum virtutem vitam agunt, quos diffiniunt felices, quosque felicitati proximos non nego, vitam ipsam perpetuis tentationum præliis patiuntur infestam, periculis semper multis, & grauibus expositi: nec vnquam ante exitum securi, quod siue nesciunt, siue sciunt, æquè miseri sunt habendi. Nulla enim cum errore, nulla sine securitate felicitas. G. Felix mihi ipse videor. R. Iam responsum habes. Si felicem error faceret, paucissimi non felices essent: falsa ergo felicitas tua est, & ea ipsa per breuis. Nulli errore diu contigit gaudere. Sola quidem veritas solida est. Error tenue quiddam & inane, quod inter amplectentium manus, quasi fumus aut vmbra dissiliat. Veniet quæ vmbra abigat, falsaque gaudia in apertum pertrahat, quæ felicitati humanæ verum premium somniis ponat. Quære interim ab his ipsis, quorum proximè mentio est habita: quære ab omnibus, qui felices, vel sibi, vel aliis visi sunt, ubi nam gentium quoue nunc in statu sint, de sua illa breui foelicitate, quid sentiât; tacebunt ipsi, sed loquetur veritas, testabiturque habitos felices, fuisse miserrimos.

De Spe bona. DIALOG. CIX.

*Spe sonet, atque eadem sperantem torquet, & angit.
Dicitur hi: Faustos spes facit, atque mora.*

S P E S.

QUicquid in re sit spem mihi nullus eripiat.
Hanc auferre potest nemo; ipsa sese sentim eripit, & in opinis euentibus sæpè lusa, consumitur. S. Spero multa. R. Et multa metuas
opor-

oportet. Sine metu enim spes non habitat. . Spero bona. *R. A.* Multa igitur times: ut enim opposita spes timori est, sic aduerso de fonte oritur; & necesse est, quod sperare cœperis, eius contrarium ut formides. *S.* Spero lata. *R.* Sed incerta, quorum studio, certa negligere, demētia certa est: qui equidem, sed non habet, sperat, quod habet obliuiscitur. *S.* Sperare meliora non prohibeor. *R.* Quid si difficilia? Quid si impossibilia: Venturaque nunquam? Quid si peiora: si pessima sunt quæ speras? & meliora tibi fingis. *S.* Iuuat in spe viuere. *A.* Dic verius, in spe mori. Nam & futura cogitantibus præsentia dilabuntur; & qui longinqua prospiciunt, quæ sub oculis sunt, non vident; & qui cras viuere destinant, hodie non viuunt. Nondum est, cuius initium speratur. Ita, cum spes omnis boni absentis expectatio sit, consequens est, sperantem, pro ea saltem parte, qua sperat, mali aliquid pati. *S.* Dulce est sperare. *R.* Audio quidem multos hoc dicere, sed hanc ego dulcedinem non agnosco. Nam si sperare, & optato carere etiam dulce est, quod, qui dixerit, haud dubiè gustu caret. *S.* Sperare delectabile est. *R.* Ergo & pendere, & affici, & torqueri, spes est, & longi supplicij longa spes est, nil sic animum fatigat, nil sic senium præcipitat. Itaque sæpe vir sapiens, spem perditam, lucrum vocat; seque infinita cupidine liberatum ab expectationibus vanis, ad gaudendum bonis suis cogi gaudet. *S.* De euentu fors viderit; ego in spe gaudeo. *R.* Vide autem, ne quando forsitan in spe dolcas, & optasse, & sperasse, & sperata consecutum esse, poeniteat. Multos, quos suspēsa diu torserat, ad exitum spes ducta, pessū dedit. Multi votiuus; & valde licet nō sat feris lōge spei periere successionibus. *S.* Nemo mihi tollat spē. *R.* Nemo tibi tollat tedium, ac

laborem animi. Audisti veterem dici solitum proverbio: Magnus labor, expectare. S. Rei bonæ expectatio blanda est. R. A. Sed & fallax, & anceps, & anxiosa. Si hoc negas, nunquam aliquid expectasti; sed se fallentium inestimabilis turba est, quibus ad id, quod agunt, nihil profusus inefficax, se se offert, nihil respuit, nulli se negat flecti facilis, & falli prona credulitas. Argumentum verò leuitatis ingens, atque amentiae dixerim, passim obuias spes amplecti; & his illicò, certis vt bonis, pasci, ad quas docti omnes, & experti rerum tarditiunt. S. Bonam interim spem habeo. R. A. Interim, dicis. Credo, dum te illa fefellerit; hic est enim mos; inuiti spem deponitis, nunquam illam relinquenturi, nisi vos illa relinqueret, quin quum vos sæpè reliquerit [mirum dictu] iterum atque iterum redeuntem, cupidè semper excipitis, progressique obuiam, quasi obliti veterum, nauis armatam dolis, inclusi toties cordis arce reponitis. S. Spem horum vsque ad vltimum, non deseram. R. A. Quid, si diu antè, illa te deseruit? An ne illam retrahes, an sequeris, an expectabis, vt redeat? Age autem, spera, quando nihil est dulcius, quàm falli. Non ego tibi spem, quam mordicus tenes, eripiam; tantum illud admoneo, non esse spem bonam, quam tu reris. Non est spes bona, quæ bonum sibi proposuit; sed quæ bonè: Bonum quidem sperare, scelestissimi quoque homines possunt, immò & solent. Verè itaque bona spes est, quæ de vero bono ritè concepta est. Hanc qui habet, stringat, teneat, neque abire eam, vel in vltimis sinat, sororesque illi suas iungat, charitatem, fidem: hæc spes læta, dulcis, verax, felix est; quæque nec sperantem fallit, nec confundit, sed ad optimum prouehit, animumque

interim, sperati boni anticipatione, latificat. At vos, seu verum bonum, malè meriti, speratis, seu malis, veris, falsum boni nomen imponitis. Iure igitur vestra expectatio, antequàm veniat, mœsta est, mœstiorque cùm venerit. S. Humanum sapio, & de his loquor, quæ homines vocant bona. R. A. Huius nominis doctos olim inter homines longa lis fuit, quæ adhuc pendet, pendeatque æuunt in omne, his vnum in rebus, contrà autem illis bona multa ponentibus. S. Linquamus ista philosophis. Ego, quæ vulgus dicit bona, spero. R. A. Malum igitur tuum speras, quod vel dilatione te cruciet, vel falce opprimat exoptato: fac succedat enim, quod ad corpus attinet, hosti arma paraueris, quod ad fortunam, variæ, & immitis dominæ subieris iugum, quo ad animum verò ipsum, magna etiam pars in cladem, ac perniciem verti queat; quoniam, quæ delectant animum, sæpe & lædunt. S. Ieci ego spei bonæ anchoram, nec mouebo. R. A. Atqui solent nautæ, tempestate orta, nauis anchoram præcidere, si diuelli nequit, relictaque illa, fugam capere, non enim quod tranquillo mari, apud poëtam; Dente tenaci anchora fundabat naues; in magnis quoque pelagi motibus accidit, vbi non naues fundat illa, sed alligat, & naufragio vinctas tradit. Nec hercle aliter inter procellas humanarum rerum spes affixa, & tenax, multos in exitium traxit, qui abscissa utique, & abiecta spe, incolumes euasissent. Sæpe igitur subtrahenda spei anchora, vel si hæreat, euellenda; si ne quidem liceat, abscindenda rerumque sub fluctibus relinquenda est, vt liberam vitæ portam gubernaculo prouidentie dirigas ad salutis portum. S. Bene spero. R. A. Bene sperando

De Hereditatis expectat. one. D I A L. C X.

*In mortem alterius tu spem tibi ponere noli.
Testator vitā se superare potest.*

S P E S.

HÆreditatem orbi senis expecto. R. Mundo te tranquillum prædicabas, ipse tibi ne contrarius sis, attende; nunquam expectatio, tranquillitasque cohabitant; vix vllum vitæ tædium expectatione molestius. S. Expecto senis hæreditatem. R. Nescis, quid ille forsan expectet, est ea quidem inter homines vulgaris insania, ut ferè omnes, non cœvis tantum, sed iunioribus quoque diutius se victuros sperent. Inuiti sua de morte cogitant mortales; de aliena autem libenter, cum tamen contrarium agere esset vtilius. S. Senis hæreditatem spero. R. A. Quid si ille interim tuam sperat? Falli alterutrum est necesse. Quot autem senes inuenias, mortem iuuenum expectantes? Et sanè nemo tam senex, qui non possit annum vivere: nemo tam iuuenis qui non possit hodie mori. S. Hæreditatem orbi senis spero. R. A. Iustius hanc sperabat filius; iuniorem iustior spes elusit. S. Hæreditas orbi senis ad me venit. R. A. Quid scis, an ad illum tua? Caio Claudius, Neroni Galba, Domitiano Nerua, Commodo Pertinax successit, & secessionum talium plena est hominum vita. S. Orbi senis hæreditas me manet. R. A. Quem non fallere possit volens, qui, quem noluit, fefellit? cui superuiuere nequeat, qui filio superuixit? S. Orbi iam senis elogio scriptus hæres sum. R. A. An in tabellis forsan adamantinis, vnde non facile

le delearis? An ignoras, quàm leuibus causis te-
 stamenta mutent senes? Multis in ipso vitæ exitu,
 quod per omnem vitam voluere, displicuit. S. Hæ-
 redem me vult orbus senex. R. Potest nolle. Nihil
 est autem indignantiùs orbo sene, ac diuite; vbi
 sua diligi, seque sperni senserit, actum est. S.
 Hæreditas orbi senis promissa est. R. A. Ea vtinam
 innocentia, atque ea mortalibus fides esset, vt &
 nunquam, nisi honesta promitterent, & semper
 promissa seruarent. Nunc nec promittendi mo-
 dus, nec promissa fallendi pudor vllus; quod in
 hæreditate potissimum licere sibi homines putāt.
 Itaque voluntatem testatoris ambulatoriam vo-
 cant; non te exemplis premam, nota res est. Legi-
 sti [credo] quibus hoc accidit, non solum vt vi-
 uentis promitteretur hæreditas, sed supremo e-
 tiam morientis amplexu, & osculo, annulisque au-
 reis donarentur, quod apud illos indubiæ succes-
 sionis indicium erat, cum interim & hæredes alij,
 & eorum mentio penitus nulla esset in tabulis te-
 stamenti, tantum media de morte perfidia ausa
 est. Tene igitur viuorum fraudibus immunem
 reris, cum dolis morientum circumuentos
 legas, summos etiam, & illustres, viros? Nam [ne
 singulis immorer] genus hoc ludibrii passus est
 Lucius Lucullus vir amplissimus [quodque est al-
 tius] Augustus Cæsar. Horrenda, longeque mirabi-
 lis libido fallendi, quæ nefarias animas nec in mor-
 te destituat: sed sic est mos, & tu promissa in hæ-
 reditate spem defigis, quam frustrari possit, & vi-
 ta longior testantis, & breuior fides; quanquam
 his cessantibus, mutandi causa propositi, possit es-
 se iustissima, suus hæres, noua seni oriens proge-
 nies. Siquidem octogenario maior, Cato filium
 genuit; nonagenario iam propior, Masinissa. Idque

hac etiam nunc ætate nostris senibus euenit, qui, utinam priscis illis, ut gignendi vi, sic vigore animi pares essent. Quæ cum ita sint, hæres certè legitimus captatori obstat, atque improbam spem præcidit. S. Iam testamento senis hæres sum. R. Sed viuentis forsitan & victuri. Testamenta autem in vita fiunt, in morte firmantur, funus, & cadauer cogitas. Lupus quidem expectatione lassandus, & inedia. S. Hæreditas ad me recto calle ventura est. R. Quid, quòd, ut testator, sic hæreditas casibus subiacer, ut neque semper, quem velis, habeas hæredem, & sæpe nil aliud quàm inane nomen sit hæreditatis? quid, quòd interim vasto pretio parua res emitur, dum senem, & obsequium submissum, & indignæ viro blanditiæ promerentur? Nulla est tanta utilitas, quæ decoris impendio æstimanda sit. S. Nullo legum, aut fortunæ obice hæreditas ad me venit. R. A. Vnde id nosti: cum sit scitum illud Marci Catonis sapientissimi senis dictum: Sæpè, inquit, audiui, inter os; atque offam multa interuenire posse. Esto autem, nihil interueniat, sed ad te sperata perueniat hæreditas, non manebit tecum, sed à te rursus ad alios migrabit. Volubilia sunt bona mortalium; rotundam nummi præcipuè formam dicunt, ut perpetuo rotetur motu. Quæsiisti hæreditatem successori tuo mæstus, forsitan gaui furo, sollicitus otioso, & sperasti de alio, propter quod idem aliq; de te sperent.

De Alchimia, DIALOG. CXI.

*Imponit multis ars Alchimistica fallax;
Autorem inuisum reddit & ipsa suum.*

S P E S.

S Pero alchimix prospero exitus. R. A. Mirum vnde id speres, quod nec tibi vnquam verè accidit,

accidit, nec cuiquam; &, si accidisse nonnullis fama fuerit, ab his ficta, quibus id credi expediret. S. Spero Alchimia successam. R. Et quem, quæso, præter fumum, cinerem, sudorem, suspiria, verba, dolos, ignominiam? Hi sunt enim alchimia successas, quibus inopem nunquam ad diuitias euectum, multos à diuitiis ad inopiam reductos sæpe vidimus. Non tamen illud attenditis; tam blandum est sperare, & falli; huc agit vos auaritiæ stimulis impulsâ dementia, vt verum opi nemini, quod optatis, falsumque, quod cernitis. Notastine aliquos prudentes in reliquis, hac insania laborare? quosdam opulentissimos hac vanitate consumptos? dumque opulentiores fieri student, & fœdo quæstui inhiant, bene parta prodigere, censuque omni in superuacuis effuso, tandem necessariis etiam destitutos; alios, ciuilitate deposita, mœstos semper, atque anxios, dum nec cogitare aliud, quàm folles, & fortipes, & carbones, nec aliis, quàm suæ hæresis conuiuere didicerunt, in syluestres penè homines euasisse: nonnullos denique, amissis primùm animi luminibus, in hoc exercitio corporeos insuper oculos amisisse? S. Promissum ab artifice aurum spero. R. Refert cuius artifex quid promittat. Sunt, quibus promittentibus, nihil credi possit, eoque minùs, si promissum iusiurandi religione firmauerint. Sed, ô cœci; parùmne erat veris in metallis, quæ terra fert, furere. nisi vos mendacio defossa torquerent? Parùmne à virtutibus aberrasse, nisi errori damnum, damno labor, & labori pudor accresceret? Hic, qui tibi aurum suum spondet, cum tuo auro improuisus aufugiet. Noui nihil narro; moest publicus: & quanuis igne commissa fraus, sæpe igne purge-

tur: nihilominus tu delusus deceptoris tui supplicio non indemnior, sed notior remanebis, digitoque monstraberis avarus, ac stolidus flando exhaustus, flammis afflatus, aspersusque fuligine. S. Magna mihi promittit Alchimista. R. A. Dic, ut ea sibi præstet, quæ promittit aliis; primumque suam pel lat inopiam: est enim ferè mendicum genus hominum, cumque se pauperes fateantur, ditare alios volunt, quasi aliena illis, quam propriâ, molestior sit paupertas. Sic ut miseri, se alios miserari dicere soleant impudenter, & ignotis etiam interdum magna promittere. O turpis promissio, & ô stulta credulitas. S. Alchimix artem didici, diues fiam. R. A. Immò quidem, si fuisti, esse defines. Ars nempe, quam memoras, nullam esse, nisi mentiendi artem dicimus ac fallendi. Age autem, quando ita fert animus, & incumbe; prædico autem tibi, quod te lucrum ex hac arte maneat: Domus tua miris hospitibus, ac miris erit impedimentis plena. Erunt ibi esores, & potores, idque haud immerito, quos ignis exsiccat, & cupiditas. Erunt sufflatores, deceptores, derisores, omnis angulus habebit pulues, & lebetes, & phialas olentium aquarum; herbas præterea peregrinas; & externos sales, & sulphur & distillatoria, & caminos. Deque his omnibus tibi in finem curas inutiles, & stultitiam cordis, oris obscœnitatem, & squalorem, & caliginem oculorum, ac sollicitam conflaueris paupertatem: quodque his omnibus penè peius dixerim, circulatoris nomen, & nocturnis in tenebris, atque infames inter latebras furum vitam. S. Spero effectum propositi votium. R. A. Sperare hinc forsitan, & gestire dabitur, non gaudere. S. Ad propositi terminum propinquo. R. A. An Mercurium congelasti? An quid aliud vanitatis? nunc

VTRIVSQ. FORT. LIB. I. 333
maximè à proposito longè es; semper rebus ali-
quid defuerit, dolis nihil.

De Promissis Aruspicum. DIAL. CXII.

*Augurium mendax vani docuêre parentes;
Credens, dignus qui decipiatur, erit.*

S P E S.

Aruspices mihi multa pollicentur, R. A. In-
uenisti ecce aliud genus hominum, cui si
credas, semper pendeas, semper speres.
Nam neque res vnquam aderunt promissæ, neque
enim vnquam deerunt promissores; sic res hinc
profugas captans, hinc promissis impulsus, Ixio-
nio semper more rotaberis. S. Spero bonam mihi
tribuunt aruspices. R. A. Non maius spem est cre-
dulo, quàm metum puido inferre; constantes a-
nimi neutram in partem facile inclinant. S. Multa
vndique mihi promittunt mathematici. R. Nihil
promptius, quàm promissis affluere iis, qui care-
ant pudore; quos mentiri autem pudet, ad pro-
mittendum tardi sunt. S. Lata spondent mathema-
tici. R. A. Sponsores quæ realios, seu pignus, pro-
missi fragile genus est; nudo verbo malè creditur.
S. Multa promittunt mathematici. R. A. Quære,
qui promissum impleat; satis est spem dedisse; non
potest vnus dare omnia. S. Promissis aruspi-
cum experrectus sum. R. A. Consopieris e-
uentibus; nihil eueniet promissorum. S. Ma-
gna iubeor sperare. R. A. Mirum, vt animus homi-
nis, qui virtuti contumax est, vanitati verò nimis
obediens. Vnum aliquid, idque optimum iubeat,

illa contemnitur, quicquid hæc iusserit, difficile licet, ac pessimum, paretur. S. Mathematici læta pronunciant. R. A. Miri homines futura qui nouerint, præteritorum, atque præsentium ignari, & quæ in cœlo fiunt, ita nuncient, quasi concilio cœlestium interfuerint, recentique nunc inde veniant memoria; cum tamen interim quid terris, quid in patria, quid in domo, quid in thalamo suo fiat, nesciant. Sic penitus verum est, quod apud Tullium legis; quod est ante pedes, nemo spectat, cœli scrutantur plagas. S. Magna nunciat mathematicus insignis, & verax. R. A. Quò diuinus insigniora, & mentiendi libertas maior, & fides pronior mendacio est. Sæpe quidem mirari soleo, nosterque non immeritò miratus est Cicero, quid hoc in genere nouum, infuetumque accidit; ut cum in cunctis hominibus multa vera, memorabili vno mendacio, obscurerentur: & suspecta fides in posterum loquentis fiat, in his contra grauib; mille mendaciis, vna leuis, ac fortuita veritas, velum quoddam, & mendaci publico fidem quarit; si quando vel semel [quoniam nemo tam mendax vnquam fuit, quin quandoque verum diceret] nolens etiam, aut ignarus, vni bonum veri fortè aliquid effluxerit, actum est; si casura hodie de cœlo astra denunciet, creditur. Denique sine vlla suspitione mendacij, mentiri potest omnia, quisquis semel potuit non mentiri. Vnum enim illud memorat præceptum in futurum prominens, & præteriti sic oblita credulitas, ac deceptoribus suis fauens. S. P. Diuinis læta nunciantibus credo. R. A. Furentibus credere, furor est. Certè quanuis hic Cicero videat-

videatur sensisse aliter, conuenientius huic rei nomen à Græcis inditum, quàm à vestris iudico. Latini enim à diuis, seu à diuinitate diuinationem, illi autem, quod est, manticen, à furore dixerunt. Vos fortassis ornatius, at illi veriùs. Hanc sacri doctores vno omnes ore condemnant; Ambrosius, Augustinus, cæteri que, qui si fortè [quando inter multos hic quoque mos pestifer inualuit, vt inter hos garrulos, in quaestione veri, ob ipsum professionis suæ nomen, suspecti habeantur, veræ fidei professores] auditi non erunt, cum omnibus idem sentientibus, qui sunt innumeri: & quamuis diuinationem improbant diuini viri, quid tandem causæ est, quidve suspitionis, vt non audiendus vnus, & in multis primus, ac maximus illorum Cicero videatur? Certè istotum hoc illusionum, ac fallaciarum genus damnat, ridet, ac despicit, & ad summam, omissis, quæ locus iste non capit, omnis non tantum pia religio, sed vera quoque philosophia, & quæ illam, calle suo sequitur poësis, nec sancti modò, sed etiam docti omnes hanc respuunt vanitatem; præter illos solos, qui vel hinc viuunt, vel ab his seducti, in eorum tendiculas lapsi sunt, quorum damnis, atque erroribus lucrum sibi, atque artem faciunt; in qua illud summum, ac præcipuum, obscuritate fraudem tegere; & sic biceps, ambiguumque responsum dare; vt prædictum videri possit, quicquid euenierit; quod omnibus futuri notitiam professis, in commune prouisum est; qua in re, non ars ipsa, quæ nulla est; non ingenium, quod sine literis, rerumque notitia, nudum est, sed illorum calliditas, & audacia, & impudentia ipsa mirabilis: vnde, quod festinè admodum ait Cato ille rigi-

dus: mirari se, quòd non rideret aruspex, aruspice-
 cem cùm vidisset. Id ad omnes æque augures, a-
 ruspices, fortilegos, coniectores, Chaldaeosque, &
 mathematicos, ac totam, quam dixi manticem,
 trahi potest: tam incertum est, an illorum fraus
 turpior, an ridiculosior vestra dementia. Illo-
 rum tamen argutiis, atque ratiunculis responde-
 re facile: sed prolixum est, notuinque adeo, tam-
 que à notis, ac illustribus agitatum, vt non su-
 peruacua tantum repetitio, sed temeraria vi-
 deatur. Vestra autem ineptissima vanitati, quid
 aliud dici potest, nisi dignos vos, qui ab homin-
 culis non terrestribus modò, sed luteis, & nullius,
 nisi qua stultos ludant, notitiam artis haben-
 tibus, scientiæ insignis obtentu, & cœlo insuper
 authore fallamini. *S.* Persuasum est mihi pro-
 spera instare, quorum expectatio dulcis, & lata,
 & tranquilla est. *R. A.* Immò quidem amara,
 tristis, turbida: sed vos sensu perditò, de obiecto
 sensuum iudicatis. Persuasum sanè nullo nego-
 tio crediderim. Promptum est persuadere, vo-
 lentibus: quibusdam persuasor necessarius non
 est: ipsi sibi sunt vates, & occursum animan-
 tum, volatusque avium, & garritus, latum in
 augurium ducunt. At, si quoties te ista sefel-
 lerunt, recogitas: si de hac re vicinos interro-
 gas, nisi vel tu vtrò te fallis, vel illi participes er-
 roris quærunt, facile deprehendes, quorsum
 his præstigiis credendum sit: nisi tres illi sum-
 mi hominum, rerumque moderatores, Pom-
 peius, Crassus, & Cæsar, iurati fortè, contra-
 rium dicturi sint: quibus, quod constat magno
 quidem, omniumque familiarissimo teste Marco
 Tullio, Chaldaei omnes, aruspicesque promise-
 rant, quòd præclaro fine omnes beati senes in pa-
 tria

tria morerentur: idque, quàm verum fuerit, non expectas audire, ferro omnes: duo miserabilius quàm longissimè ab Italico, Romanoque orbe, sectis, foedoque ludibrio reconditis veneratis illis, totoque diu formidatis orbe capitibus, reliqua inhumati, ferarum, & piscium moribus, ac volucrum rostris expositi coeci, & lacerati, miserandum fortunæ spectaculum iacuere. I nunc, diuinosque vates nega, qui tam certa prænuntiant. S. Gratum augurium notaui. R. A. O amentiam importunam: miser homo successum notitiam suorum, quæ sibi nulla est, à volucribus sperat. Quid hoc stultius fieri potest? quia, si Diis placet, & Deiotarum regem visa aquila, impendenti præripuit ruinæ: & Agrippæ Hebræo instare carceris exitum finemque miseriæ, ac prosperitatis initium nunciauit supra verticem sedens bubo avis, alioqui infamis, cuiusque Vergilij carmine carmen ferale describitur. S. Latum omen incidit. R. A. Omen ab homine dictum nomen, humanæ dementiæ argumentum est; quo aliquid semper, non externarum modò rerum, sed earum quoque, quæ in vobis sunt, animos in errorem trahat: ne deliramentis anilibus vlla pars rerum vacet. Itaque & sternutamenta seruorum, & natorum fortuito lapsas voces, eò trahitis, non quò vis illarum, sed quò vestra cupiditas vocat: scilicet, quia Centurio ille dixit: Hic optimè manebimus: ne mundi caput transferretur, causa fuit: aut quia Persam periisse flens infantula, profecturo in bellum nunciauit patri, vinci Macedonum Regem consequens iudicatum est. O humana mens ebria, & mirabunda: quàm facili impulsu erroris in foueam ruis?

S. Lata aderant consopito. R. Mœsta aderunt ex-
 perrecto. S. Lata dormiens videbam. R. Mœsta vigi-
 lans videbis. S. Felix eram per quietem. R. Misere-
 ris per laborem. Sæpè nihil somnia denunciant, &
 sæpè contrarium. S. Sæpè vera videntur in somniis.
 R. Quantò sæpius falsa. Par est autem huius & reli-
 quarum huiusmodi vanitatum ratio, vnum casu
 incidens verum: innumeris falsis astipulantur ven-
 turoque inhians, præteritum mens non videt. S.
 Multa nunciant diuini. R. Impositores ego hos non
 miror, qui de more suo pascuntur artificio; sed
 vos stupeo, qui illorum ventri animas, & ingenia
 vestra submittitis; proinde, quid tu teneas, videris:
 si me sequi voles, expectabis æquaminis, & tran-
 quillus, non quid astra de te, sed quid astrorum
 creator ac regnator sanxerit: agens aliquid in dies
 ardentius, quo illius amore fias dignior. De euen-
 tu, non tibi veniat in animum sollicitare istos, qui-
 bus ignotior est veritas, quàm tibi; denique sic ha-
 bebis, futura nosse durum homini: nec licere, si ex-
 pediat: nec expedire, si liceat.

De Latorumore: DIAL. CXIII.

Rumorum cupidus, mendacia multa necesse est

Audiat; est fallax fama, rotunda, lenis.

SPES.

Lætus rumor insonuit. R. Noli famæ credere;
 mendax est. S. Multi lætos nunciāt rumores.
 S. Sæpe tutius vni creditur, quàm multis. S.
 Quod tot nūciis affertur, falsum penitus esse nō po-
 test. R. Mos famę vulgaris not' est, veris falsa misce-
 re. Paucis veris multa mēdacia cōdiuntur. Omnia
 mētiēti nihil creditur. S. Rumoris author prim' ve-
 rax est. R. At nemo, quantū audierit aut viderit re-

scit.

ferre contentus est : nihil est actum, nisi pro se quisque aliquid auditis adiecerit, aut visis ; quod cum multi fecerint, actum breui mendaciorum videas acernum, sic per manus [vt aiunt] traditum, inter manus etiam creſcit malum, quodque ait eximius Poeta.

Mobilitate veget, virisque acquirit eundo.

S. Haftenus latissima fama est. R. Quid si mulcet, vt feriat? Saepe latum rumorem moesta clades sequitur: creber hic fortunae stilus, vt profundius vulneret, spem promittit, cuspidemque vulnificam lati cuiuspiam rumoris illitam dulcedine, iugulo gaudentis infligit ; quod vir doctus intelligens, latis nunciis non quatitur, haeretque immobilis, secum voluens vel contrarium esse vel idipsum, quod tam faustum videatur, in contrarium verti posse. S. Lato rumore moueor. R. Expecta saltem, dum & certus sis; tunc quoque virilem animum rumusculis agiturpe est, licet veris; falsis verò turpissimum. Multos gauisos esse puduit, verumque moerorem auxit falsi gaudij memoria.

De Filij, vel amici expectatione. D I A L. CXIV.

Sapienter exoptata ferunt fastidia nobis;

Nil magis optandum, quam sine fine fides.

S P E S.

S Pero filij reditum. R. Speras gaudium sollicitum, & propinquum metum. S. Spero amicum reuidere. R. A. Rem praedulcem speras, sed fallacem; fragili res hominum statu tremunt; forsitan quem expectas, iam nunc obiit : potes hoc probasse, si vixisti. Impedimentorum mille sunt genera: vnum commune omnibus, mors. S. Amici conspectum exoptatum spero. R. A. Sunt

hæc ferè coniuncta, optare, & sperare, sed multis
 assidue casibus disiunguntur: quàm multos credi-
 mus fuisse Romæ, quâ cupidis animis Marci Mar-
 celli, huius ultimi reditum expectantes? Contrà
 autem, viæ medio, hostis illum crudelissimus ex-
 pectabat; cuius potentior fuit immanitas, quàm
 victoris clementia, aduersarium ab exilio reuocan-
 tis. Potuit igitur Cæsar, precibus senatus, Marcel-
 lo veniam dare: non potuit Marcelli cliens graue
 magis pati, vt is Cæsaris beneficio vteretur. *S.* Spe-
 ro amicum, & expecto hoste quolibet carentem.
R. Quis est hic hominū hoste carens? vt sit aliquis
 priuatorum expers, aut publicis inimicitis quis-
 quā vacat? sicariorū dico, & prædonū, qui auaritia
 duce, bellum humano generi indixere. Finge ali-
 quod tā benignū sydus, vt hæc pestis terris exulet,
 alias quis arcebit? vehiculorū, & equorum lapsus,
 fluuiorum, ac torrentium insultus, & ruinas pon-
 tium, ac tectorum æquoreasque, & æreas tempe-
 states? Adde ferocium incursum animalium, quib.
 non singulos tantum homines Dicearchus curio-
 sissimus indagator rerum talium, sed quædam ho-
 minum genera docet occubuisse. Et, ad summam,
 quot sunt casus humanarum rerum, quorum nul-
 lus est numerus, tot sunt hominū hostes, qui spem
 tuam [non dicam] retardare possint, sed extingue-
 re: vt nihil interueniat, Mors, quam dixi, & eunti-
 bus, & stantibus, vbique contigua est; nisi itineran-
 tibus eò fortasse vicinior & quò iter, & vectatio,
 & locorū commutatio pluribus casuum generib.
 videtur exposita. *S.* Spero amicum, prospero exa-
 cto negotio, reuersurum. *R.* Quàm gloriose, quàm
 prosperè res gesserat Drusus Nero, diui Augusti
 priuignus; vt omnibus etiā hostibus domitis cha-
 rus esset, ita, vt eū paulò minùs adorarent, quorū
 miri-

mirificos affectus erga illius memoriam, usque ad hæc tempora, si vnquam Germanorum inter proceres fuisti; te sentire arbitror potuisse. Certè illa gesserat, quibus verè gloriaretur, quod Romanis in faxis, primis aliquot syllabas casu aliquo deiectis, nunc etiam sculptum viget his versiculis:

Ad diuortia Rheni

Pernasi, hostiles depopulatus agros

Dum tibi Roma decus, aeternaque ludo trophæa.

Hister parat; lenior ibi aquis.

Talem hunc iuuenē qualiter expectabat mundi dominus Augustus, qui eum sibi filium fecerat amando, qualiter Liuia Augusta, cui natura illum charū fecerat, chariorē virtus, charissimum, reor, fratris ignauia, qualiter deinde frater ipse; qualiscūq; erga alios, tanti certè fratris amantissimus, ad postremum qualiter Roma ipsa, atque vniuersa Resp. quæ de nullo tunc hominum, sic pendebat. Quid ergo? Quis tā multiplicis spei finis? expectatū Drusū, inexpectata mors abstulit, morbo, quod constat, raptus, & quod magni sunt authores, ex fractura cruris equo super labente suscepta; qui viuis victor reuersurus sperabatur in patriam, exanimis est reuectus. Quid filium huius loquor Germanicum? Nullius, credo, vnquam hominis expectatio maior fuit. Non hunc pater, non Augustus, ambo iam defuncti, sed Roma omnis expectabat tanto desiderio, quasi totius vrbis vnus animus, isque, & viduæ, & non nisi vnicum habentis filium matris esset. Itaque ad primum ægritudinis suæ nuncium attonita penitus, ac deiecta ciuitas, vultusque omnium, atque habitus mutati, & mœstum tota vrbe silentium fuit. Vbi autem latior fama, incertis licet authoribus, superuenit, conualuisse illum, & viuere, subitus cla-

mor, atque felicissimus vndique sublatus, ipsum quoque Tiberium excitauit, concursusque in Capitolium ingens factus, & penè conuulsæ templorum fores, ad persoluenda vota, agendæque Diis gratias, victa nocte luminibus, fractoque vocibus silentio, gratulando canentium, salua Roma, salua patria, saluus est Germanicus. Quis vero tandem rei excitus? Is nempe, qui humanis in rebus est creberrimus. Venit nuncius certior, obiisse Germanicum: hinc publicus dolor, ac gemitus, non edictis, aut diebus festis, aut vllis omnino consolationibus coerceri quiuit. Nota est historia libro Cæsarum. iiii. S. Spero iuuenem filium reuersurum. R. A. An hi parum iuuenes, de quibus dixi? accipe iuniorem: Marcellinus eiusdem diui Augusti nepos ex sorore, quantum putas expectaretur ab auunculo, qui eum sic dilexit, vt Vergilianum illud carmen nobilissimum, quo summus vates adolescentis illius penè pueri memoriam honestauit, sine lachrymis audire non posset, & actori silentium imperaret? Quomodo mater Octauia, quæ illum sic amauit, vt vsque ad vltimum vitæ suæ finem, quasi tunc extinctum, continuè deploraret, omnemque consolatorem, non tantum contemneret, sed odisset? Quid hæc autem, & quid putas? nisi quod cæteri, non rediit, sed relatus est; & Drusum quidem, non qualem acceperat Germania, Romæ, Antiochia Germanicum, Marcellinum Baiana restituit: vestrarum expectationum fors communis; tu tibi nunc aliam fingis, & fors veniet, quem expectas, qui, cum venerit, fortassis vt abeat, & sperare incipies, & optare. S. Amici absentis aduentum spero. R. A. Quis miretur expectari viuos, cum mortui expectentur, vt perhi-

hibent? quod, nisi inter fatuos, veri faciem non
habet, Arthufium Britones expectare fama est.
Neronem principem mundi sub finem rediturum
quidam fomniant. Vita vestra ab initio ad extre-
mum non modò vanis expectationibus plena, sed
ipsa expectatio vana est. Id sic esse, si non vides,
aut modicum vixisti, aut nimium, quid hic agitur
neglexisti. S. Expecto villicum rurè venturum. R.
Aut domus arserit, aut messis euauerit, aut pra-
tum exaruerit, aut bos obierit, aut vites grando
percusserit, arbores turbo conuulserit, arua tor-
rentibus inundarint, aut apes auolauerint, locu-
stæ satis insultauerint, columbos corui; & mures
pulos vulpecula, agnos lupus inuaserit. Hi ferè
rustici sunt rumores. S. Vxoris aduentum spero. R.
Si hoc speras, quid iam metuas, ignoro. Sic est ta-
men. Sunt & qui expectant coniugem, & qui fe-
brem.

De Expectatione meliorum temporum.

DIAL. CXV.

Tempora sunt eadem, frustra expectas meliora;

Perversis facimus moribus illa mala.

S P E S.

Spero tempora meliora. R. Omnia verè tem-
pora æquè bona sunt; quia creator tempo-
rum æquè bonus est semper. Sed vos tempo-
ribus bonis, malè semper utimini; in hoc, ut in a-
liis, culpas vestras rebus ascribitis. Fac ut homi-
nes boni sint, & tempora bona erunt. S. Tem-
pora hæc stare nequeunt, lætiora succedent.
R. A. Nullum tempus stat, cuncta prætereunt;
cumque transierint, nec redeunt: virtute, & indu-
stria, bonarumque artium studiis frenari pos-
sunt: non quin fugiant, sed ne pereant: nihil est

u. ij

autem dulcius bene impensi temporis memoria. Sed vos nulla re yti scientes, ut oportet; ubi omnem vitam, vel in somnum, ac desidiam, vel in solitudinem, atque usus pessimos effudistis, tempus innoxium accusatis. Nunquid mentior? Infantiam, ac pueritiam in varios ludos; adolescentiam, ac iuventutem in libidinem, atque auaritiam; senectam, & senium in querelas, ac lamenta consumitis? Quænam hæc temporum culpa est? Fluunt illa, fateor: hæc natura est. Vos illa [dum datur] occupare negligitis; non est natura ista sed culpa. Vos naturam culpatis; culpam excusatis: res non noua. S. Spero latitiora tempora. R. A. Latitia, seu tristitia temporum [ut dixi] non in temporibus, sed in vobis est. Eo autem, quo intelligis, non modò latitiora tibi speranda esse, sed tristiora perpendes, si ad ætatem ipse tuam respicis, quæ indies tristior [ut à poëta describitur] & plerisque in senibus inuenitur: & sanè, si oculos in terga reflexeris, & numerare, atque æstimare annos tuos cœperis, simul incipies desperare, quod speras. Non est, cur mutari cursum rerum speres; non meliora instant tempora, vereor potiùs; ne peiora: cur quæso? nisi quia peiores erunt homines, quod & magni diuinarunt viri & apertis indiciis res declarat; nisi vos mortales bonæ semper spei magnum aliquid de vestra nobili, ac modesta iuventute concipitis: à qua ego quidem opinione longè absum: nihil enim boni penitus mens præfagit; sic in vitium, ac ruinam prona sunt omnia. S. Mala sunt tempora, meliora venient. R. A. Omnem ætatem de moribus suis questam, inquit Seneca. Addo ego, omnem habuisse, quod quereretur, habituramque omnem cunctis seculis, quod queratur.

S. Spe-

S. Spero latiora tempora. R. Vna est ad hoc via, qua latiora si habeas, non expectes. Fac ipse tibi letiorem animum, quod sine virtute fieri nequit, ubi hoc feceris, lata erunt omnia, triste nihil. S. Meliora tempora expecto. R. Vt veniant quod est dubium, certe illis venientibus tu recedis. Quanto est tutius ritè vti præsens, quam anxie expectare, quæ vel fortè non veniant, vel minime sis visurus.

De Aduentu principis. D I A L. C X V I.

*Principis aduentus casto est iactura pudori,
Et nocet ingenuis aulica verba viris.*

S P E S.

Pincipis aduentum spero. R. A. Vt multa timeantur, quæ optanda, sic multa sperantur, quæ timenda sunt. Vtranque in partem penuria iudicii multa est. S. Spero principis aduentum. R. A. Quanto sperare honestius libertatem? Nam profecto, qui dominum sperat, seruitutem sperat. S. Spero principem venturum. R. A. Et illius commune omnium malum speras. Fuit enim quando & principes imperium, & principem populi poterant sperare. Nunc imperium principi labor est, princeps populi pernicies. S. Principem venturum ego, & res publica speramus. R. A. Tu verò quid priuatim speres, videris: in quo ipso facile falli potes: spes hæc reipub. stulta est. Quis enim, nisi amens, speret, aut cupiat, quod peius ferum toties sit expertus? S. Spero principem venturum. R. Et secum simul motus rerum varios, mutationes urbium, noxias nouitates, famem, pestem, bella discordias, hæc vel vniuersa, vel singula modernis cum principibus venire sunt solita. Si hæc placent, Principem spera, vt nil horum formi-

dabile sit, ipsum certè inane iam imperij nomen
 est plenum famæ, & rumorum: boni autem omnis
 effectum, & solius umbræ vetustatis innixum. S.
 Spero venturum principem. R. Ego te verò muni-
 tum velim, ut quoties aduentantem audieris, cre-
 das te tonitru aliquod præambulum fulminis au-
 dire, nec sperare incipias, sed timere potius, si etiã
 alterum tibi oportet. Timere enim aduersa, etsi
 contrarium sit virtuti, consentaneum est naturæ.
 Sperare autem mala, & naturæ est oppositum, &
 virtuti. S. Spero mox principem affuturum. R. A.
 Cùm præsentem videris, scito te infaustum reip.
 sydus aspicere, vel memoriam ipse tuam, vel pa-
 rentes interroga, tuosque auos, & proavos, ita esse
 reperies, ut dico, idque tu filiis, & nepotibus tuis
 annuncia, ne ipsi quoque aduentum principis
 stulti sperent. Dic enim, quæso, quando vnquam,
 vel minutæ leonis aduentum feræ, vel affuturam
 aquilam auiculæ sperauerint? Liceat verum loqui,
 stultissimum, & mali sui semper auidissimum ani-
 mal est homo, cæteris capiendis esca opus est, ho-
 mo solis famæ sibilis capitur.

De Fama spe. DIAL. CXVII.

*Nec cures, quate post mortem fama sequatur;
 Hoc age, dum vivis, sit tua vita proba.*

S P E S.

M Eritis post obitū famam spero. R. Multi
 famam se mereri sperant, cū infamiam
 mereantur, & ceu viatores erronei, dum
 accedere æstimant, retrocedunt S. Famofus
 sum in vita famosiorque post mortem ero. R. Est
 hoc fateor in nonnullis verum; vnde & Anna-
 us Sæpæ in epistola quadam, habiturum se gra-
 tian

tiam apud posteros vaticinatur. Et Statius Papi-
 nius presentem famam. benignum iter suo operi
 ad futuros strauisse ait. Et Ouidius Naso sibi no-
 men indelebile futurum, seque ore populi legen-
 dum, perque omnia sæcula famam victurum præsag-
 git; neque hercle ullus horum fallitur. Sed quàm
 multos putas idem sperantes suam fefellisse spem?
 Multi hoc idem de se ipsis crediderunt, forsitan &
 scripserunt nec quod sibi promiserant, impleue-
 runt. S. Si famosus sum dum vivo, cur non famo-
 sior sum post mortem? Quia hoc quotidianum;
 & vulgare est, ut multi in vita famosi, & clari, post
 obitum sint incogniti, & obscuri: miraris? causa rei
 huius in promptu est, affabilitas quædam; sermo
 comptus, ac lepidus; blandum supercilium, clara
 frons, benigna salutatio, beneficia in vicinos,
 protectio in clientes, hospitalitas in externos, in
 cunctos urbanitas: hæc, & his similia, viuenti-
 bus famam quarunt; ea verò mox, ut hinc abie-
 rint, non durant; nisi forsitan quandiu, qui illos
 nouerant supersunt; quod ipsum, quàm breue sit,
 conspicias; quomodo autem durarent non in soli-
 do radicata? naturale est, ut debiliter, leuiterque
 aucta breuiter dilabantur: ut sit fama durabilis,
 aut vitæ sanctitas, aut gestorum claritas, aut insi-
 gnis scriptorum præstabit elegantia. Rarum de-
 cus. Loquaces isti, & urbani, qui togati, ac gemma-
 ti populorum digitis ostenduntur, non nisi quan-
 tum loqui poterunt, aut paulò ampliùs cogno-
 scentur. Durum, hos apparatus tam celeriter, &
 has pompas, hanc scientiæ nubem, hæc verbo-
 rum tonitrua in tenuem fumum euanescere:
 durum, fateor, sed sic est. Nam nec ipsi de se te-
 stimonium præbuerunt, ambitioni, aut lucro,
 aut somno dediti, nec qui præbeat, meruerunt.

S. Famam inueniam post mortem. R. Fama nihil
 vnquam mortuis profuit, viuis sæpe etiam no-
 cuit. Quid enim perniciem, ac mortem Ciceroni,
 ac Demostheni, nisi insignis literarum fama con-
 sciuit? Idem de Socrate ac Zenone, & mille aliis
 dici potest; noti omnes. Quid verò, nisi fama scien-
 tiæ, & ingenij dedit causam filio Gnosii regis An-
 drogeo, vt ab Atheniensibus mactaretur? Quid
 Oethæ Colchorum regi Argonautas attulit, dele-
 ctos [vt aiunt] viros, verè autem prædones, nisi fa-
 ma diuitiarum? Nam quid significasse aliud cre-
 dimus, famosum illud aureum vellus arietis, nisi
 opes multas, latèque vulgatas? quibus diuites be-
 stiales, opumque inopes verarum, velut arietes
 velleribus vestiuntur. S. Famofus ero. R. Vt sit ita,
 quid hinc magnum concipis? esset aliquid fortè
 fama, si notitia comes esset, vt plerunque accidit
 in viuis. Nunc quid laudari proderit ab his, qui te,
 si videant, non agnoscant. Dic enim quæso; si Ho-
 merum videas, & Achillem; si Vergilium, & Au-
 gustum, nunquid non ignoti abibunt? Cùm tam
 nota, & tam clara sint nomina. Crede mihi; Spes
 vestræ magna ex parte dupliciter vanæ sunt; quòd
 nec sperata proueniunt, nec vt proueniant; affe-
 runt quod promittunt. Ferè enim plus in spe sunt
 humana omnia, quàm in re. Mittite igitur spes
 inanes, & vana desideria, contemptisque
 terrestribus iam tandem, & opta-
 re discite, & sperare
 cœlestia.

*In rebus fluxis quid tentas quærere nomen?**Quærenda est cæno gloria nulla tibi.*

S P E S.

EX ædificiis gloriam spero. R. Nesciebam calce, & arena, & lignis, & lapidibus gloriam quæri, credebamque, quod rebus gestis, & virtutibus quæreretur. S. Aedificando mihi gloriam paro. R. Sed fragilem, & caducam. Omnia quæ manu hominum facta sunt, vel manu hominum evertuntur, vel stando, & durando deficiunt. Habet enim manus longè præualidas longa dies; è cunctis nostris operibus nullum, senio resistit. R. Euentibus ergò super quibus hæc tua gloria fundata est, ipsam quoque corruere est necesse. Si fortè non credis, respice ad antiqua, quæ ignota tibi quidem esse non possunt: vbi est nunc Troianum illud Ilion superbum? Vbi Byrsa Carthaginis? Vbi turris & mœnia Babylonis? Belluarum nunc habitatio, & serpentum. De Babylone loquor antiqua; altera nempe propinquior, atque recentior adhuc stat; citò itidem casura, si essetis viri. Vbi sunt denique illa septem opera Græcis scriptoribus celebrata? Atque [vt ad propinquiora veniamus] vbi est quæso, illa Neronis domus aurea? quæ quantum fatigauerit Architectos, cogita; lectores etiã nunc fatigat, quæ quidem domus vna, cum aliis ædificandi furoribus, quibus omnes excessit, ad inopiam illum compulit, & rapinas? vbi sunt thermæ Diocletianæ, & balneum Antonianum, & Cymbrium Marij, & septizonium Seueri, & eiusdem thermæ Seuerianæ? Demum, vt summam, rerum attingam, vbi est Augusti forum, & ædes Martis Ultoris, vbi ædes tonantis Iouis in Capitolio? &

Apollinis templum in palatio ? vbi eiusdem porticus ac bibliotheca Græca pariter, & latina ? vbi porticus altera & Basilica Caij, Luciique nepotum sub nomine dedicata, & extructa ? & porticus tertia Liuiæ conjugalis & sororis Octaviæ, Theatrumque Marcelli ? Vbi tot opera . per illustres viros iussu eiusdem principis , & hortatu , multis vrbis in locis tanto labore , tantis impensis ædificata ? Martij Philippi ædes Herculis, & musarum , Lucij Cornificij ædes Dianæ Asinij Polionis atrium libertatis , Munacij Plancij ædes saturnia . Theatrum Balbi Cornelij, Amphitheatrum Statilij Tauri ? Innumerabilia , præter hæc opera , Marci Agrippæ ? Nèue eam per singulos, vbi sunt tot luxuriosa principum palatia ? Quære in libris inuenies nomina . Quære urbem totam, aut nihil inuenies , aut per exigua tantorum operum vestigia . Tu de tuis, quid speres, videris . Certe Augustus omnium supremus, nisi aliud, quàm ædificia reliquisset, iam pridem eius gloria corruisset, nec verò solum templa Deorum, quæ parauerat , in ipsos ædificantes ruere ; sed pia etiam loca , hac ipsa ætate in eadem vrbe alia ceciderunt, alia tremuerunt , & nunc vix ponderibus suis stant, præter vnum Pantheon Agrippæ quod Diis erectum . Sancti possident, & Maria, quæ antiquissima illam domum sui nominis virtute, sustentat . Crede mihi aliis quàm lapideis fundamentis eget gloria, vt mansura sit . S. Ex ædificiis gloriam quero . R. A. Quære illam igitur vbi est ; nihil vnquam inuenies , vbi non est ; vera quidem gloria non est in mœnibus, neque in saxis . Sunt, fateor, rerum vulgò iudices . qui dicant tribus modis gloriam quæri ; gerendo magnum aliquid, quod de rescribant authores idonei : vel scriben-

scribendo aliquid, quod mirentur, & legant postea
 ei vel insigne aliquod opus extruendo. Ut sit ita;
 vltimum tamen hoc, omnium, & minimum, ac ca-
 ducum. S. Relinquo opera ædificiorum, quibus
 moriens ipse mecum glorior, & à posteris gloriam
 spero. R. Gloriatuſ est Auguſtus ipſe [de quo dixi]
 quòd urbem marmoream relinqueret, quam late-
 riciam accepiſſet; quæ tum gloria, niſi aliis rebus
 adiuta eſſet, quoniam fuerit peruentura, conſpici-
 mus: proinde cum melioribus curis morere, ſtabi-
 leſque ſpes amplectere. Iſta etenim, quibus fidis,
 & nullius pretij ſunt, & te illico conſequentur,
 inque ipſam, vnde ſumpta, terram reuertentur. S.
 Ædificaui domos, vnde laudem ſpero. R. Lauda-
 bunt forſitan, qui illas inhabitabunt. Breuiſ laus,
 & anguſta; qui poſt venient, vel illas non inue-
 nient, vel à paganis [ut vulgò dicitur] factas di-
 cent; tuum nomen ignotum erit.

De Sperata gloria ex conuictu. D I A L. C X I X.

*Optima cum iuſtis eſt conuerſatio, qua tu
 Perſpicuum fama nomen habere poteſ.*

S P E S.

Spero gloriam ex conuictu. R. A. Refert mul-
 tum, quibus conuiuas: ſunt quidam, utinam-
 que non plurimi, quorum conuerſatio ſit in-
 famis. S. Scio, niſi bonis artibus, aut bonorum
 contubernio, gloriam non quæri. Ego hoc vltimo
 ſubnixus ſpero, vel bonorum exemplo bonus fie-
 ri; vel, ſi nihil aliud, horum, vel familiaritatis ſo-
 lam gloriam mihi fore. R. A. T. Eſt id qui-
 dem in adoleſcente præcipuè ſignum optimum;
 qui, niſi bonum animum haberet, nequaquam
 iungi bonis optaret. Eſt enim amicitiarum, ac fa-
 miliaritatum ferè omnium cauſa, nexuſque, ſi-

militudo quædam. Age ergo, si quos imitaris, æquaueris bene erit. Si minus; modo quod in te est, nihil omiseris, ipsa voluntas bona; laudis, & gloriæ præmio non carebit. Prima enim, & maxima pars virtutis est, bonum velle, quod nisi præcesserit, non sequitur virtus. S. Familiaritate bonorum gloriior. . Laudo id quidem, modo nec te lucri cuiuspiam, nec alia spes inducat, eoque tua tantum pergat intentio, ut similis illis fias. Alioqui, quod propter gloriam solam fit, veram gloriam non meretur. S. Ex bonorum conuictu gloriam spero. R. Spes quidem magna, nec improba, quando & in scientia, & in eloquentia, & belli, pacisque artibus obseruando, & imitando fit. Multi olim illustres, ex conuictu illustrium euasere. Illud vide, ne aut tibi pro bonis ducibus malos elegeris, errore aliquo aut bonorum flebili raritate, & virtutum huius ætatis inopia prorsus assequi nequeas, quod intendis.

De multiplici spe. D I A L. C X X.

Spes animos hominum fallit, dubioque relinquit.

In Christum fortis spes sine si e. mai. ei.

S P E S.

Multa spero. R. A. Multa in spe, multa est vanitas; multusque fallendi aditus fortunæ. S. Spero multa. R. Spem multiplicem, multa destituunt. Qui modicum sperat, iter casibus atque uit, atque non nihil obstruxit. S. Valetudinem bonam spero. R. Mortalitatis obliuionem. S. Spero longam vitam. R. Diuturnum carcerem, ubi multa feras, multa videas, quæ nolis. S. Membra viuacia. R. Vincula tenacia, grata tamē vnde metuatur absolui. S. Formam corporis elegantem. R. Voluptatū stimulos. S. Annorum prosperos exitus. R. Pudendi materiam,

teriam, dolendique. S. Amicæ communem mor-
tem R. Breue foedumque nescio quid. S. Peccandi
licentiam. R. Infelix gaudium, poenitentiam lon-
gæuam. S. Vltionis occasionem. R. Aditum scru-
tiæ, S. Agile corpus, ac validum. R. Mancipium cõ-
tumax, & rebelle. S. Diuitias multas. R. Grauem
sarcinam, ex lappis, & tribulis. S. E diuersis æ quo-
ribus venturas naues. R. Latè dispersam sortē in-
tra mōstra maris, ac scopulos; agitatum fluctibus,
tractam funibus, pulsam ventis. S. Lucrum de con-
ceptis mercibus. R. Escam quæ te perpetua sollici-
tudine capiat, lucroque vnico in multa credulum
damna præcipitet; mercator nouus est facilis ad
credendum; expertus multa circumspectit. S. Hone-
stas filix nuptias filiove. R. Nulla fermè restam
crebrò fallit, & tam grauitè. S. Magnam poten-
tiam. R. Inuidiosam miseriam, opulentam inopiã;
pavidam superbiam. S. Regnum, & imperium.
R. Præcipitium, & procellas, & substellanti diade-
mate fuscum supercilium, cor anxium, infelicem
vitam. S. Honores fori. R. Puluerem, & strepi-
tum. S. Coniugium, & natos. R. Litigium, & curas.
S. Mihi militiam, & vxorem filio. R. Tibi labo-
rem, ac delicto poenam. S. Vetulæ obitum vxoris,
& coniugem iuniorem. R. Attrito laqueo dissol-
ui, vt nouo, & valido vinciaris. S. Ingenium, lin-
guam, literasque. R. Incudem, malleum, & mas-
sam, quibus tibi atque aliis somnum frangas. S.
Laudationem funeri. R. Philomelam surdo.
S. Auream Pyramidem. R. Domum pictam cœ-
co. S. Gloriam post mortem. R. Leues auras post
naufragium. S. Nomen apud posteros. R. Testi-
monium ab ignotis. S. Hæredem meum. R.

Patrimonio amicum tuo, & tibi

ne credas.

*Pacem animi veram nemo, quam tu, melius dās;
Affectus prauos linque, qui tui eris.*

S P E S.

A Nimi pacem spero. Quid sperare mauis, quam habere pacem? Hanc, mox ut bona fide velle coeperis, inuenies. S. Spero pacem animi. R. A. Pacem sperare bellantis est. Quis animo tuo bellum infert, nisi vnus tu? quod ipse tibi abstuleris, impudenter ab altero postules aut speres? S. Spero animi pacem. R. A. Vnde precor, aut quando speres, quod ipse tibi nunc potes dare? Sic ut illam tibi nemo alius, quam tu possit eripere? Pone arma cupidinum, atque irarum, plenam animo quaeris pacem. S. Spero, pacem, & quietem animi. R. Quid igitur, quod agis aduersum paci est, contraque tuam spem tantopere niteris: vix tantum deberent niti homines, ut salui essent, quantum nituntur ut pereant. Pluris penè bellum iuge animi: laborque emitur, quam emenda pax esset, ac requies. Sic pugnant spes mortaliū, ac vota cum studiis, ut non vnus hominis vnum pectus, sed multorum, eorumque de omnibus dissidentium videatur. S. Quietem spero. R. Mirū vnde vobis hæc libido sperandi semper. O mortale genus, siquidem quod speratis adepti estis, rursus spem in longinqua transmittitis, & inde rursus alio, itane crastinus dies hodierno sit clarior, & meliora semper futura petentibus? Sunt nēpe, quibus nil sit gratius, quā sperare, qui spem ipsam speratarum rerum nullis euentibus permutatam velint; quibus ego quid optauerim, nisi ut procrastinantes omnia, bonisque se suis inter-

rim

rim spoliantes, inter irritas spes senescant; quo vel sic intelligant, inaniter se sperasse, & inter-
 gum versi, videant frustra se alibi quæsiuisse, quod
 secum erat. S. Spero pacem, requiemque animi. R.
 Magna pars rerum humanarum umbra est, magna
 pars mortaliū vento pascitur, & in somniis gau-
 det. O quā multi, cum hac spe ad æternos labo-
 res, & bella descendunt.

De Spe vita aterna. DIAL. CXXXII.

*Esperare scopus eternam sperare salutem,
 Si spem illa suis iuncta sororibus est.*

STES.

Spero eternam vitam. R. Nulla maior, nulla pul-
 chrior, nulla sanctior spes, modò non cæca
 præcepsve sit. Sunt enim qui semper malè a-
 gendo bonum sperent, quo nihil est stultius. S. Æ-
 ternam vitam spero. R. Ea est virtutum consanguini-
 tas, atque connexio, sicut à philosophis disputa-
 tum est, ut necesse sit eum, qui vnam habet, om-
 nes habere virtutes; cui illud est consequens, vnam
 virtutum carentē cunctis carere virtutibus, quod
 si de moralibus verum est, quid de Theologicis o-
 pinemur? Itaque si spem habes, charitatem simul
 habeas, oportet, ac fidem; si qua harum desit, non
 iam spes vlla, sed præsumptio inconsulta est. S. Vi-
 tam spero aternam. R. Rem bonam immò opti-
 mam speras. Illud vide, ut quod bonum agis, agas
 bene. Sunt & qui bona malè agant, nec minùs in-
 fallibilis æstimator, qui qualiter, quā quid fiat,
 aspicit nec minùs aduerbia quā verba librat, ac
 nomina. S. Spero vitam aternam. R. Non cœ-
 lestes tantum, sed terrestres domini de se spera-
 ri amant: sed à quibus? profectò ab his, quibus


se charos, ac dilectos sciunt; aut qui, si quando forsitan odiosi fuerint, ac rebelles, redire in gratiam optantes ad misericordiam confugerunt. S. Vitam æternam spero. R. Vitam temporalem corrige; hac ad illam pergitur. S. Spero vitam æternam. R. Vna omnium spes est: quæ, si ritè illam concipis, & felicem te faciet, & iam fecit. S. Æternam vitam spero. R. Primum est, vt misericordiam, dehinc vitam speres, vtrunque sobriè, ac modestè. S. Spero æternam vitam. R. O felix, nisi te spes ista sefellat.

Finis libri I.



CLARISSIMI POETÆ, ET
ORATORIS, FRANCISCI
Petrarchæ, de remediis fortu-
næ aduersæ, Liber se-
cundus.

P R Æ F A T I O.



X omnibus, quæ, vel mihi lecta pla-
cuerint, vel audita, nihil penè vel in-
fedit altius, vel tenacius inhesit, vel
crebrius ad memoriam rediit,
quam illud Heracliti: Omnia se-
cundum litem fieri: sic est enim, &
sic.

sic esse propemodum vniuersa testantur. Rapido
 stellæ obuiant firmamento: contraria inuicem ele-
 menta conflagunt: terræ tremunt: maria fluctuant;
 aër quatitur; crepant flammæ. bellum immortale
 gerunt venti: tempora temporibus concertant; se-
 cum singula: nobiscum omnia: per humidum, æ-
 stas arida: mollis autumnus; hyems hispida. Et quæ
 vicissitudo dicitur, pugna est. Hæc ipsa igitur, qui-
 bus insistimus, quibus circumfouemur, & viui-
 mus, quæ tot illecebris blandiuntur, quàm [si ira-
 sci cœperint] sint horrenda indicant, terræ motus,
 & concitatissimi turbines indicant, naufragia, at-
 que incendia seu cœlo, seu terris sæuientia. Quis
 insultus grandinis? Quæ nam illa vis imbriû? Qui
 fremitus tonitruum? Qui fulminis impetus? Quæ
 rabies procellarum? Qui feruor? Qui mugitus pe-
 lagi? Qui torrentium fragor? Qui fluminum excur-
 sus? Qui nubium cursus, & recursus, & concursus?
 Mare ipsum præter apertam, ac rapidam vim ven-
 torum, atque abditos fluctuum tumores, incertis
 vicibus alternantes, certos, statutosque fluxus, ac
 refluxus habet: cùm multis in locis, tum conspe-
 citiùs in occasu; quæ res, dum manifesti motus la-
 tens causa quæritur, non minorem philosophorû
 in scholis, quàm fluctuum ipso in pelago, litem
 mouit. Quid quod nullum animal bellis vacat? pi-
 sces, feræ, volucres, serpētes, homines; Vna species
 aliam exagitat: nulli hominum quies data: Leo lu-
 pum: Lupus canem: Canis Leporē insequitur. Et
 & canum stirps audentior; non lupis, modò resistere,
 sed leones, pardos, apros, vrsos insectari solita,
 atque aggredi. Quorundam verò tam generosa fe-
 rocia, & tam nobilis fertur elatio, vt vrsos, apros
 quæ fastidiant; inque solos elephantes, aut leones
 dignentur irruere; qualem vnum Alexandro Regi

missum, contemptumque tali mali cognito, contemptum, occidique iustum legimus; missumque inde alterum, probatumque qua decuit, dilectumque regi vince, atque in deliciis habitum. Nam ipsius canis erga hominem, cui fertur amicissimus, quanta sit charitas, nisi quam conciliat spes cibi, prater morsus, & latratus implacabiles, non tantum Acteonis fabula, sed discerptus verè probat Euripides. Vulpina fallacia, vna quidem ex multis audita est. Piscatores, cum ad urbem piscem deferrent, quod æstate libenter noctu faciunt, aliquando vulpeculam, ceu exanimen, calle medio transversam habuisse; quam arreptam decoriaturi ex commodo, cum supra sarcinam proiecissent: illam, ubi se piscibus affatim impleisset, subito profuisset; mirantibusque illis, atque indignantibus, effugisse. Iam qui [oro] alij in vulpium doli? qui luporum ululatus? quod murmur ad caulas? quæ coruorum miluorumque circa columbarum domos, ac pullorum nidos vigilatia? quod inter se, ut perhibent, naturale, atque æternum odium. Alter alterius inuadit nidum, effractisque ouis, spem prolis interemit. Nam cuculo non vnus quidem, alterque est hostis. Omnes ferè auiculæ illi insultant profugo semper, & querulo. Quanam præterea, & quales musteliarum contra alpides insidiae? Quod circa diuitum thalamos acumen farum? Quanam, ex diuerso, cuiusque pro se in suo genere excubiae; quantaque, quamue vigil repugnantia est? Quis venatorum, quisue aucupum artes, ac laqueos? Quis piscatorum hamos, ac retia, horumque omnium labores, vigiliasque explicet? aut hæc contrà, ferarum, auium, piscium ingenia; Quæ cuncta quid sunt aliud, quàm litium instrumenta? Age, qui nam a sylorum aculei, vespa-

Sparumque; hisque cum pestibus, quæ bouum præ-
 lia? qui sudores? Nec maior canum; equorum-
 que, aut reliquorum quadrupedum pax, quiesque,
 Quæ muscarum æstiuæ tædia? Quæ niuium,
 quas muscas abas ludo dicunt, hybernæ mole-
 stia? Quæ murum perennis inquietudo; quæ
 pulicum perniox obsidio quæ culicum lis diurna?
 quæ anguium ranarumque cum ciconiis, quæ Py-
 gmarorum bellacum gruibus? quas inter Ari-
 maspos, & Gryphes pugnas excitat auri sitis;
 ut quorum maior improbitas, haud facile iu-
 dicem; nisi quod illi rapinam, hi custodiam mo-
 liuntur: illos auaritia stimulat, hos natura; i-
 dem & custodiæ studium, & prædæ, distantissi-
 mo mundi tractu, apud Indos inuenio. Illic
 quoque suum aurum, contra parem gentis a-
 uaritiam, formicis quibusdam, incredibili mo-
 le, & mira feritate tuentibus. Basilicus angues
 reliquos sibilo territat, aduentu fugat, visu peri-
 mit. Elephantem draco spiris implicat, seu pe-
 rolis; est enim incertum. Vnde nonnullis ani-
 mantibus inter se naturale odium, seu æstate algi-
 dum sitiens cruorem; quod & quidam tradidê-
 re; & pugnae exitus facit, ut credi possit. Si verum
 est alterum exanguem, exiccatumque mori, alte-
 rum verò fusi hostis hausto sanguine, ceu bello vi-
 ctorem, victumque deliciis, & nimio potu ru-
 ptum, mortuumque procumbere. Multa præterea
 genus hoc, atque imprimis acerrimus epotæ do-
 lor Hirundini; & visi, vel auditi muris fastidia o-
 stendunt. Mirum dictu tantum animal, & tantarū
 virium tam pusilli hostis horrere conspectum. Sed
 sic sine lite, atque offensione nil genuit natura pa-
 rens. Leo ipse generosum, ac securum animal pro
 defensione fortium, ferrum spernens, ne forte

malia maiora, minorum pernicies, ad sepulchrum
sint. Fera feram, Avis auem, Piscis piscem, Vermē
vermis rodit. Quin & littore volucres, aquaticæq;
quadrupedes, æquor, stagna, latus, & flumina ri-
mantur, exhauriunt, & infestant: vt mihi omnium
inquietissima pars rerum aqua videatur, & suis
motibus, & incolarum perpetuis acta tumultibus:
quippe quæ nouorum animantium, ac mon-
strorum feracissima esse non ambigitur, vsque a-
deò, vt vulgi opinionem ne docti quidem re-
spuant; omnes prope, quas terra, vel aër animan-
tium formas habet, esse in aquis, cum innume-
rabiles ibi sint, quas aër, & terra non habent. Et
in his quidem fermē omnibus, præda, vel odium
litem parit. Quid quòd his cessantibus, lis nō ces-
sat? Age enim, in amore quantus zelus, quanta in
coniugio dissonantia: quot querelæ, quantæ su-
spitiones amantium: quæ suspiria; qui dolores:
quanta non dico, dominorum ac seruorum, qui
non ideò minus infesti, quia domestici hostes
sunt, cum quibus nulla vnquam pax speranda, nisi
quam vel mors fecerit, vel paupertas, non dicam
fratrum, quorum, gratiam raram ipsa veritas ore
Nasonis testata est; non filiorum in parentes, quòd
eiusdem poëtæ carmen canit; sed parentum, quo-
rum opinatissimus est amor, quanta indignatio in
filios, quos, dum bonos cupiunt, malos lugent. At-
que ita quodāmodo, dum valde diligunt, oderunt.
Et fraternum quidem, paternumq; vincli nomen
arctissimū, sæpe sine amore, interdumque cum o-
dio videmus. Veniam ad amicitia, sanctum nomē,
quod ab amando dictum, absque amore, nec esse
certè, nec intelligi potest. Quanta verò in amicis,
quamuis finium concordia, viq; tamen, actuumque
discordia? Quanta opinionum, atque consiliorum

conflictatio est? ut vix Ciceroniana diffinitio stare
 queat. Sic enim licet inter amicos beneuolen-
 tia, & charitas, deest tamen illa omnium diuina-
 rum, humanarumque rerum consensio; ex qua il-
 le diffinitionem conficit. Quid in odio speres i-
 gitur. Est & in amore odium, & in pace bellum, &
 in consensione dissensio. Ostendam tibi sic esse ex
 his ipsis, quæ assidue in oculis sunt. Feras aspice,
 quas ferro indomitas omnipotens amor domat;
 intende animum; Leenæ, Tigres, Ursæ, quanto
 cum murmure veniunt ad id, quod cupidissime
 faciunt: non cupidas, sed coactas putes. Ferarum
 aliæ, dum coeunt, magnis stridoribus; aliæ rapidis
 vnguibus inquietæ sunt. Jam si credimus, quod
 de natura vipera magni scribunt viri quanta re-
 rum contrarietas, quantumque litigium? Maris
 caput, sua quadam naturali, sed effrenata dul-
 cedine in os viperæ insertum; illa præcipiti fer-
 uore libidinis amputat. Inde iam prægnans vi-
 dua cum pariendi tempus aduenerit, foetu mul-
 tiplici prægrauante, & velut in vitionem patris,
 vna quoque, quam primum erumpere festinante,
 discerpitur. Ita duo amantium prima vota, pro-
 les, coitus, huic generi infesta, penitusque mor-
 tifera comprehenduntur, dum marem coitus, ma-
 trem partus interimit. Apium aluearia con-
 templare; quæ illa concursatio? Quis strepi-
 tus? Quænam non modò bella cum proximis,
 sed ciuiles [ut ita dixerim] discordiæ, ad bella do-
 mestica? Columbarum nidos intueri; simplicissi-
 mum animal [ut memorant] felle carens, quantis,
 quæso, cum præliis, quantisque clamoribus vitam
 ducunt. In disciplinatis in castris, ac barbaris esse
 videre, adeò nec luce pacati aliquid, nec no-
 cte quidem videas. Mitto ante insultus in alter-
 utrum

utrum. Ipsum in se vinculo mutuae voluptatis affectum par, eamque ob causam veneri sacrum, quantis querimoniis adoptatum fertur, ut saepe columbam circuit, saepe alis, rostroque persequitur suus amans. Ad minutissima te remittam, quæ non ut minor, sic & minus spectabilis, minúsue laboriosa materia est. Quenam ergo aranearum insidiæ, & quam vigil intentio? Quæ captandis infirmioribus telarum scena, qui retium obtentus fallaciis, rapinis? Quid pannitineæ? quid caries tignis, nocturnique vermiculi non sine tadio, & obtuso quodam sub strepitu trabium viscera fodientes? Illarum maximè, quibus cedendis lunæ, ac mensium observatio diligens sit neglecta, quæ latens peñis, ut fumosis tectis agrestium, sic auratis regum laquearibus insultat templis quoque sacratiss, & altaribus, sacrisque opibus philosophantium non parcit; quin & librorum postes, & membranas, & literas. Addam, quod nisi picæ liquida, leuique incendio sit oecursum, nonnunquam periculi, vel naufragij etiam est causa: & maria ingredi, & carinas navium terebrare aufea saepe bellum graue nescientibus intulit. Præterea quid Bruchus oleribus? quid segetibus locusta? quid messibus seu anser aduena? seu passer indigena? seu grus dormicilij translatrix volucresque aliæ, importunum genus? Vnde illud Georgicum Vergilij, quod mirari soleo, iam non miror, ut aues fonitu terreantur. Rure enim nunc Italico habitanti, vnum hoc, ex multis æstiuis tadiis, esse cœperit; sic mihi ad vesperam & insultus volucrum, & lapidum collisio, & villici clamor durat. Ad hæc quid ericius vindemiæ? quid erugo herbis? cruce frondibus? talpa radicibus? quid postremo æris,

vbertatem, & excreſcentium luxuriam folio-
 rum? Contra quam peruigil excubat, & præ-
 duris vnguibus armatus agricola, & vltici ſuccin-
 ctus falce frondator? Quid lappas, & tribulos,
 atque annuam tempeſtatem renaſcentium ſtir-
 pium, ac radicum, litium. ac laborum materiam
 immortalem? Quid imbrium bella furentium?
 & moles niuium, & vredinem pruinarum? & aſpe-
 ritatem, & violentiam glaciei, & torrentium im-
 petus. & vaga fluminum incrementa? Totas ſæpe
 regiones, & magnos populos, ſed imprimis ruſti-
 corum ſepta quaſſantium? quorum in tot malis
 vix terreſtris, & in terra ſemper accliuſ agitur vi-
 ta. Atque vt delicatorum, ac diuitum de tædiis ali-
 quid dicam. Quis nocturna auium bella non per-
 tulit? Bubones, ſtrigeſque, & oblattrantium lunæ
 canum ſuperuacuas exubias? & catas in tegulis
 mundinantes, ac tranquilla ſilentia horrendis oc-
 centibus, & clamore tartareo infeſtantes? & mœ-
 ſti ſoricum occentus? & quicquid inter tenebras
 importunum ſtrepit? His accedunt & noctur-
 na ranarum coaxatio, & matutini planctus hiru-
 dinum, ac minæ ad eſſe Ithym putes, ac Tereum.
 Nam diurnam auium quietem; & cicadæ ſtri-
 dulæ, & procaces corni, & rudentes impendiunt
 aſelli, & balatus pecudum, & mugitus bouum, &
 magno pretio parua oua vendentium gallinarum
 concentus inconditus, ſine carens. Super omnia
 verò, vel ſuillus ſtridor, vel vulgaris clamor, & ſtul-
 torum riſus, quo inepto res ineptior nulla eſt [vt
 Catullus ait] Et ebriorum cantus, ac gaudia, qui-
 bus nihil eſt triſtius; & litigantium querelæ, & a-
 nile conuicium, ſeu gannitus. Et puerorum nunc
 prælia, nunc lamenta, & nuptiarum vel conuiuia
 turbida, vel choreæ, & vxorum viros arctè lügen-

tium lati fletus. Et parentum verinatorum in
mortibus ciulatus. Adde his, fortiturbas, ac stre-
pitum, altercationesque mercantium & emen-
tium; hinc contemptus, hinc vendentium iura-
menta. Adde hinc artificum laborem, voce mul-
centium mœstos cantus; hinc fidus lanas, ac velle-
ra conglobata pulsantium, iniucundam muscam,
& telas pectinis pererrantis. Hinc follium fabri-
lium raucos flatus, & acutos sonitus malleorum
quibus scissa equis partibus hyberna nox additur,
ut nullum vel quiesci datum tempus. litibus sit im-
mune. Ut verò sensibilem rerum genus attingam.
Quid vel cum ferro magnes habet? vel cum ma-
gnete adamas? quorum, etsi causa litis occultior,
lis aperta est: Magnes siquidem ferrum trahit. Ad-
hibe adamantem, trahere desinet, remittetque, si
traxerit. Ut ubique vis mirabilis, seu quod pigro
& informi lapidi natura, quasi manus, atque vncos
dederit, aduersus rigidum, ac prævalidum metal-
lum, seu quod illos sibi de lapide altero astante
surripuit; quæ non primæ litis finis, sed noualis est,
etsi hoc vltimum multi negent. Multi enim expe-
riendi hætenus vel occasio defuit, vel voluntas.
Itaque nihil affirmo. Primum verò nūtum adeò,
ut ne affirmari quidē sit necesse. Verum ergo bre-
ui nimis in tempore, & Augusto in spacio, opus in-
gens, magno impetu aggressus, iam hinc video ad
hanc rem plus mihi animi esse, quàm virium. Nec
mihi, nec cuiquam sanè vnum hoc agenti, ex com-
modo facile futurum, singula prosequi, quibus ap-
pareat omnia secūdū litem fieri; quam seu magna,
seu parua, magno miraculo fiant, licet nondum ta-
men illud maximū, stupēdumque inter summa, &
extrema naturæ prodigia numeratum attingi; sed at-
tingam paucis. Echineis semipedalis pisciculus, na-
tū

tium quamvis immensam ventis, vndis, remis, velis actam retinet, solus elementorum, atque hominum vim retundens, nullo quidem actu alio, quam nauigij postibus adhaerendo; nullo demum conamine sed natura ipsa. Quod etsi scriptis illustribus insitum, è numero tamen incredibilium haberetur, si de oceano Indico fortassis, aut Scythico scriptum esset, & non potius in nostro mari monstrum hoc Romanis Imperatoribus accidisset. Animaduersa enim morę causa, quod tota classe prodeunte, navis vna, velut in anchoris staret, neque prorsus loco moueretur, dimissis pelagi expertis manu [vt dicitur] comperta veritas, & limacis instar piscis clauo infidens inuentus atq; ostensus est principi indignanti, tantum in se potuisse tantillum animal, idque vnum præcipuum admiranti, quod in nauigium receptus, tantam illam exterius inhaerendi efficaciam amisisset. Nam illud alterum monstri genus non siluisse equidem, quam affirmasse maluerim, cuius apud nos nescio quam verax, sed noua utique, & ob id ipsum suspecta mihi est fama. Esse circa mare Indicum inauditæ magnitudinis autem quandam, Rocum nostri vocant, quæ non modò singulos homines, sed tota in super rostro prehensa nauigia secum tollat in nubila; & pendentes in aëre miseris nauigantes ad uolatu ipso terribilem mortem ferat. Quanta verò vis auaritiæ est, quæ neque aliis multis, neque hoc vno tam immani periculo à nauigatione deterritos, sequaces suos, prædæ audios, prædā facit iam verò [vt de inuisibilibus aliquid ad inceptum traham] quanta commixione contrariorum fit votiua temperies: inter quas contrarietates aduersantium extremorum ad medium virtutis per quas differentias, quantaque discor-

alia,quàm Romanorum bella, toto fuissent orbe terrarum,abundè bellorum esset,& litium. Adde sententiarum dissonantiam,& inenodabiles rerum nodos. Quis sectarum varietates, aut philosophorum bella dinumeret? Populorum, & regum praelia quievere, Philosophi non quiescunt, & pugnant illi de eo, quod cum huius esse coeperit, esse desinit illius. Hi de veritate litigant; quæ vna simul omnium esse potest, neque hanc litem aut quæ sit veritatis splendor, aut academicus vnquam valuit finire. Carneades philosophicæ sequester pacis anxius, sed irritus, vt non ineleganter mihi quidem dixisse videatur Anneus Seneca, vbi horologia, philosophis confert, quod scilicet par vtrisque discordia est. Idque quàm verum sit, quisquis & philosophis animum, & horologis aurem dedit, intelligere potuit. Nec verò aliorum doctrina tranquillior. Quæ grammaticorum adhuc sub iudice lis existens: qui conflictus rhetorum? quæ dialecticorum altercationes? quæ denique artium omnium discordiæ? qui clamores inter causidicos? quam bene cõueniat, ipsarum causarum immortalitas probat. De concordia medicorum, testimonium sit ægrorum. Vitam certè, quã breuẽ dixere, sepe suis libris fecere breuissimam. Quanta est præterea de sacris, & de religione difformitas animorum. Non tã literatorũ verbis hominũ, quã populorũ armis, & campo sæpius cõmissa, quã scholæ. Ita cū vna sit veritas, vnumq. sit in rebus verum, cui [vt ait Aristoteles] omnia cõsonant, de hoc ipso tam dissonè pugnantes sententiæ, ipsos veri agitant professores, Quid de communi vita, de quæ actibus mortalium loquar? vix duos in magna vrbe concordēs; cū multa, tū maxima edificiorũ, habituumque varietas arguit. Nam quis vnquã tã locupletis, delicatiquæ pa-

tauerit? ut quod vni studium fuit extruere, alteri sit voluptas euertere. Testantur mutatae sapiens fenestrae, obstrusa hostia, palamque vetustis in parietibus nouae indicant cicatrices; neque in alienis id tantum, sed in nostris patimur, sua dum cuiusque sententia secum pugnans [quod ait Flaccus]

De u. ad st. mutat quadrata rotundis.

Quo luce clarius fiat, quis nostrum, quisque cum aliis quisve secum sit. Iam qui vestium modus, quaeue habitus triduum totum nostris durat in urbibus? quae municipiorum scita, non longeva essent cum suis latoribus defierunt. Ad haec quanam ducum in ordinanda acie? quanam magistratum in ferendis legibus? quae nautarum in capi-endo consilio disparitas? quaeue discordia est? Didici hoc ego ultimum magis saepe periculis meis, dum mari, caeloque mortem minitantibus. nocte simul, ac nubibus cuncta terrarum ac stellarum signa regentibus puppe iam fatifcente, & semioppieta fluctibus nautae, de summa rerum, media in morte, contrariis studiis, atque opinionibus, obstinatissime litigarent. Adde in quibus sine aduersario lis est. Quae scriptorum praelia, cum membranis, cum atramento, cum calamis, cum papyro? Quae fabrorum cum malleis, cum forcipibus, cum incude? quae aratorum cum stria, cum vomere, ipsisque cum glebis, & cum bobus? quae militum [non dico] cum hoste, sed cum equis, atque armis propriis, dum & illi rebellant, & haec praegravant aut comprimunt? quid distantibus, scribingentibusque negotij est? dum hos in expletum loqui, multa cogit intentio: illos vel expleta percipere vetat. hinc inscitia, hinc volatilis, & inconstans animus, semperque aliud cogitans, quam quod agit. Sed quid sigillat imago. Nulla mechanicorum diuinitatibus suis vacat.

Reli-

Reliquæ verò , vt quiddam notæ dulcedinis , sic latentis amaritudinis multum habent , nilque eorum ; etiam quæ delectant , sine lite agitur . Iamque infantum bella cum lapsibus ; quæ puerorum rixa cum literis , amarissimè ferentium quod prædulciter metant ? Quanam insuper adolescentium lis cum voluptatibus [dicam veriùs] imò quanta secum lis , affectuùmque collisio ? Cum voluptatibus est nulla lis penitus , sed consensus est omni lite funestior . Credo expertus , nulli hominum generi , nulli ætati plus litigij esse , plus inextricabilis laboriosique negotij , nullos hominum tam lætos videri , nullos esse tam miseros aut tam mæstos . Postremò quanam foeminis puerperij difficultas , quantùmque discrimen ? Quanam viris cum paupertate , atque ambitione luctamina ? Quanta vitæ , plura , quam expedit , satagenis anxietas ? quod denique illud senum cum ætate , ac morbis , propinquare mortem ? quod omnium ipsa cum morte ? quodque ipsa quoque est morte molestius , cum perpetuo mortis terrore certamen . Possem hunc sermonem mille rerum argumentis extendere . Sed si [vt libro superiore voluisti ,] sic epistolam quoque hanc prologi locum obtinere ; & libri huius partem esse volueris , iam hinc video quantum hæc ipsa præfatio libri modum excedat . Itaque frenanda curiositas , & cohibendus est stilus . Ad summam ergo , omnia , sed imprimis omnis hominum vitalis quædam est . Verùm hac externa lite interim omiſſa , de qua paulò ante diximus , & quæ minor , vti nam , & ob id minus omnibus nota esset ; Lis interior quanta est ? neque enim solum contra aliam , sed contra suam [vt dixi] speciem ; neque contra aliud indiuiduum , sed

contra semetipsum; Idque & in superficie ista corporea, quæ nostri pars vilissima, atque vltima est, & in intimis animæ penetralibus quisque secum assidue bellum habet: Nam corpus hoc quàm contrariis æstuet, ac turbetur humoribus, ab his quos phyzicos dicunt, quære: animus, quàm diuersis, quàmque aduersis secum pugnet affectibus, vnusquisque non alium, quàm sese interroget sibi que respondeat, quàm vario, quàmque reciproco mentis impulsu, modò huc rapitur, modò illuc. Nusquam totus, nusquam vnus, secum ipse dissentiens, se discerpens. Nam [vt si leam reliquos motus] velle, nolle; amare, odisse? blandiri, minari; irridere, fallere, fingere, iocari, flere, misereri, parcere, irasci, placari, labi, deici, attolli, titubare, subsistere; progredi, retrouerti, inchoare desinere; dubitare, errare, falli, nescire, dicere, obliuisci, meminisse, inuidere, contemnere, mirari, fastidire, despiciere, simulque suspicere, & quæ sunt eiusmodi. Quibus vtique nihil incertius fingi potest; quibûsve, sine vlla requie ab ingressu, vsque ad exitum fluctuat vita mortalis. Quænam tandem illa passionum quatuor tempestas, ac rabies? Sperare, seu cupere; & gaudere, metuerè, & dolere; quæ rerum inter scopulos, procul à portu, miseris alternis flatibus animum exagitant, quas alij fortasse, imò certè aliter, sub vno, ne integro quidem versiculo, & [vt Augustino placet] notissima veritate, Vergilius strinxit; de quibus ad vtramque partem, & plura quidem & pauciora dici posse scio. Verùm ego nec breuitati admodum studui, nec copie, sed quæ de communi vita hominum, quo se obruerant ordine, scriptis inserui; nec legentem vel inopia, vel fastidio fatigarem. Neque verò re-

moueat fortunæ nomen, non tantum in ipsis inscriptionibus, sed in opere repetitum. Sæpè quidem ex me, quid de fortuna sentiam, audisti. Sed cum his maximè, qui doctrina minus fulti essent, hæc necessaria præuidere m. noto illis, & communi vocabulo vsus sum: non inscius, quid de hac re latè alij, breuissimèque Hieronymus, vbi ait, nec fatum, nec fortuna: communis ergo acies suum hic loquendi morem recognoscet. Docti autem, qui perrari sunt, quid intendam, scient; nec vulgari cognomine turbabuntur. Bipartiti sanè operis passionum, ac fortunæ, de parte altera, quæ visa sunt, diximus; de altera, quæ dehinc visa fuerint, dicemus.

De Deformitate corporis, Dialogus I. Dolor. & Ratio.

*Si tibi difficilis formam Natura negauit,
Ingenio forma damna rependo mea.*

D O L.

EGisse mecum nimis illiberaliter naturam queror, quæ deformem genuit. R. O quot facies extinxit, quot occurrit incendiis. D. Deformem genuit natura. R. Non dedit, quod delectet. Si, quod profit dedit, satis est. Mitte querelas. D. Non dedit formæ gratiã natura. R. Dare noluit, quod ægritudo corrumpere, quod senectus eriperet; dedit fortè, quod mors ipsa contingere audeat. D. Formam corporis natura negauit. R. 1. Si formam animi largita est maximi debitor, exigui repulsam, illa menta despicio; & offensam speculi, conscientia solare. D. Inuidit natura formam corporis. R. AT. Non inuidit, sed erubuit dare quod quotidie minuatur, & pereat. Vera liberalitas mansuro munere noscitur. Putria,

D. Deformis in lucem editus queror. **R. A.** Pauci boni, formam corporis amarunt, nullus optavit; quidam etiam proiecerunt; quod fecisse laudatur ille Thuscus adolescens, qui præclari vultus eximiam speciem, quam suspectam multis, aduersamque famæ suæ senserat, & pudicitie alienæ; illatis sibi sponte vulneribus deformavit; quàm tibi dissimilis, qui id optes, quod ille sibi abstulit, & quo rari nunquam innocuè vti fiat. **DOL.** Forma carco. **R. AT.** Tutius est caruisse, quo in experimentum tui anceps, ac laboriosum, sæpè venturus sis. Multis forma nocuit, cunctos exercuit, quosdam post insultus varios, molliuit, & vinci faciles dedit, atque ab honestate transversos in culpam trussit. **DOL.** Deformis, & brevis nimiam statura est. **R. AT.** Non est, ut reris, prosequendum querelis incommodum; longè conspectior est statura brevis, expeditior, agiliorque. **DOL.** Statura perbrevis est. **R. AT.** Quid vetat, ut in parua domo, magnum virum, sic in paruo corpore, magnum animum habitare? **D. L.** Corpus, exiguum est. **R. AT.** Id scilicet lamentaris quòd te ipso non es ornatus, sed levis, & facilis, & ad cuncta versatilis. **DOL.** Per exiguum est corpus. **R. AT.** Quis unquam de exigua conquestus est sarcina? Iusta hercle dolendi causa, quod non pressus mole corporea: sed indutus neque ipse tibi tædio, sed vti sis. **DOL.** Contemptibile sum statura, **R. A.** Ut gloriosum nihil, nisi virtus, sic contemptile nihil, nisi vitium. Nullam virtus respuit staturam. **D.** Exigua corporis statura est. **R.** Non staturam corporis virtus exigit, sed animi: hæc si longa, si recta, si ampla, si magnifica, si decora est; sit illa altera

*In fragili quoties latet inclyta corpore virtus;
Sic aurum in vili saepe iacebit humo.*

D O L.

Natura me genuit imbecillem. *R.* Vt in pueri vagina ensis ferreus, sic fragili corpore fortis saepe animus latet. *D.* Imbecillis natus sum. *R.* Non eris idoneus vectandis oneribus, aut auro fodiendo; sed honestis studiis, sed iustis imperiis. Sic in naui robustior quisque remum agit; at prudentior clauum regit. Vita, quasi naui, rerum fluctibus, & mundi pelago iactata, suos remos habet suumque gubernaculum: à vilioribus repulsus officiis, ad nobiliora conuertere. *D.* Imbecillem genuit natura. *R. A.* Quid si robustissimum genuisset? an perpetuum robur erit? an non robustior senectus, & robustior aegrirudo? Vt si leam casus innumeros, qui repente totum hominem debilitant, atque eneruant. Animi robur optabile est, quod nec dies minuit, nec fortuna. *D.* Corpore imbecillis sum. *R. A.* Animum foue, atque exerce suis artibus, quas meliores esse, diuturnioresque non ambigis. Laborem corporis linque, ruricolis, nautis, fabris. *D.* Nullæ mihi ab origine fuere vires. *R. A.* At id ipsum non habuisse, quàm perdidisse tolerabilius est. Nempe si fuissent non mansissent. Nam & Milonis senuerunt vires, & Herculis senuissent: non sic Socratis, non Solonis, non Nestoris, non Catonis: melioribus utere. Nil potest delectare magnum animum, quod non duret. *D O L.* Corpusculum imbecille est. *R. A.* Si organum inhabitanti animo sufficiens fuerit, satis est virum. Corpus nam-

*Nonnunquam reddit valida agrotatio mentem,
Corpore, mens valido, vix generosa manet.*

D O L.

AT aduersa valetudo est. *R.* Quod expectabam, audio: cognata etenim sunt; querela. At si caro spiritui hostis est, vicissimque contra se militant; quod in se expertus ille magnus veri amicus, in omnibus verum dixit; consequens est, ut quod alteri obest, proficit alteri. Quod si spiritus carne nobilior, meliorque est, cui maxime sit fauendum, vides; ac fortassis intelligis valetudinem, quam aduersam dicis esse prosperam. *D.* Inualida valetudo est. *R.* At est valida hortatrix parsimonie, dehortatrixque libidinum, & magistra modestie. *D.* Mala valetudo corporis. *R.* Si valetudo animo bona est, pone sollicitudinem; quicquid corpori euenerit, saluus es. *D.* Corpus ægrum, infirmumque est. *R.* Multis ad salutem animæ profuit corporis ægritudo. Ille vir altus, ex humili, ex aquis vectus ad sydera; cœlique clauiger effectus, cuius umbra sola morbos corporum, molestiasque pellebat: interrogatus aliquando, cur filiam ipse suam graui morbo pressam sinneret? respondit: Sic expedit ei. Tu quid scis, an & tibi sic expediat? Diu corpore, sic affectus sum. *R. A.* Ille idem, de quo loquor, filiam mox ut tuto sanam fieri posse cognouit, & sanauit, & sanandis aliis habilem fecit. Et tu facito, ut secura tibi sanitas tua sit, fortasse sanabere. Denique [quod tuum est] animum cura, cœlestique medico curandum offer. De reliquo vnum hoc intrepide dixerim, etsi non quod iussit, at profecto quod expedit, spero. *D O L.*

Valetudo anxiosa est. *R.* Est quæ obliuionem, somnūque discutiat, & torporem abigat. *D.* Valetudo infirma est. *R.* In infirmitatibus gloriare, & virtutem perfice. Duo hæc vnius magistri ore didicisti. *D.* Valetudo misera est. *R.* Comes iniucunda, sed fidelis, quæ te crebrò vellicet, iter signet, & conditionis admoncat: optimum in periculis monitor fidus. *D.* Valetudo corporis extrema, sine remedio est. *R.* *A.* Sile, & gaude ruinoso carcere vitæ. Cum te egrediere facilius, ac citius.

De ignobili patria. DIAL. IV.

*Si præbet patria obscuros ignobilis ortus.
Eac virtute tuam nobilites patriam.*

D O L.

IGnobilis patriæ ciuis sum. *R.* Esto tu nobilis. Nam nil vetat: nihil cum patriæ tuæ nobilitate, tua nobilitas mixtum habet. *D.* Paruæ vrbis incolam sum. *R.* Et magnæ vrbes paruos ciues habent; immò ferè ex his constant; & paruæ magnos quosdam habuere. Quin in syluis abiectus, ac nutritus Romulus, omnium vrbiū reginam urbem Romanam condidit, quam euerrere voluit in maxima vrbe genitus Catilina. *D.* In exigua patria natus sum. *R.* Magnificare illam stude. Nihil æquè ciuitates amplificat, vt ciuium virtus, ac gloria. Qui hoc ædificiis, aut fertilitate melius, atque opibus fieri putat, fallitur: vt singulos viros, sic & vrbes & regna, & imperia, non vetustas, non turre, ac mœnia; non plateæ, non palatia, ac templa marmorea; non statuæ, non picturæ, non aurum, non gemmæ, non campi legionum, & classiū pleni portus; non peregrinis referta mercibus emporia, & lucri amor

more æquor omne fulcatum ; non postremo ci-
vium forma, vel numerus ; non rerum copia, e-
xundansque cibi forum ; non purpureæ chlamy-
des virorum, onustaque miris cultibus : non fa-
stus, non deliciae, non voluptates : sed virtus la-
nobilitat, gestarumque rerum fama, quam viri
pariunt, non muri. *D.* Parvi municipij civis
sum. *R.A.* Nescis Biantem Prienæum fuisse,
Pythagoram Samium, Anacharsim Scytham, De-
moeritum Abderitem, Aristotelem Stagiritem
Theophrastum Lesbium, Tullium Arpinatem?
Chous Ægei maris brevis insula, & poetam non
ignobilem Philitem tulit, & medicorum patrem
& sculptorum, ac pictorum principes, Hyppocra-
tem scilicet, & Phydiam, & Apellem, ut intelligi
possit, ingeniorum magnitudini locorum angu-
stias non ob stare. *DOL.* Ignobilis est patria.
R.A. Nobilitare tu illam, pro virili parte, si velis,
potes: cum te illa facere non possit ignobilem.
Nec Numæ quidem Pompilio ad Romanum re-
gnum, nec Septimio Seuero ad imperium ob-
stitit soli natalis humilitas. Summo hominum
Augusto, etsi recens Romana, quia ipse scilicet
in palatio natus sit, origo tamen gentis anti-
quior Veliterna est. Caio Antium, Vespasiano
autem vici incogniti Reatini. Contrà verò La-
rissæam famam vulgavit Æacides, & Pelæum à
seculis fuscum nomen, atque humile, quod Phi-
lippus erexerat, Alexander ad cœlum tulit. Non
fatis est civibus obscuritatem patriæ non nosce-
re, nisi civium claritas patriæ pro sit. Asilum i-
gnobile, atque opus pastorum Roma fuit, quæ
non antè claresceret, quàm res illam gesta, &
suorum virtus excellens civium illustrasset.
D. Obscuræ patriæ sum addictus. *R.A.* Lumen

caberis; quod non fieret, si nobilis natus esses. Vides ne igitur, quanta tibi nouæ laudis occasio data est? Nobilem per te fieri, & nobilitatem dare; non accipere. Dabis hoc posteris tuis, ut nobiles nascantur, quod parentes tibi non dederunt tui. Plus est multò nobilitatem fundare, quàm fundatam ab aliis inuenisse. *DOL.* Noua & rudis origo est. *R.A.* Atqui clarior est habitus ille pastorius vrbis Romæ conditor, quòd syluis arcem posuit, & facili culmo exiguam, ac squalentem regiam texit, quàm tot postea principes, qui ingentia mœnia testudinèsq; marmoreas, atque aureas erexere, tanta semper nouitatis egregiæ, ac magni principij laus est. *DOL.* Ignobili primordio genitus sum. *R.A.* Stude ut fine sis nobili. De principiis enim labor, de fine fructus: qui si immaturus carpitur longæuus esse non potest. *DOL.* Radicem gloriæ præcidat ignobilitas. *R.A.* Non præcidit quidem, sed infodit altius, ut validior, licet serior surgat. Cæterum non ignobiles modò, sed ignotos ex omni genere hominum dabo, qui virtute atque industria euasere, notissimi. Et sanè si verum nobilem virtus facit non intelligo, quid quemque volentem fieri nobilem impediat, aut quid ita facilius nobilitate alios, quàm seipsam. *DOL.* Ex ignobilibus parentibus descendo. *R.A.* Quid Socrates, Euripides, Demosthenes? quorum primus marmorarium patrem habuit, obstetricem matrem, secundus matre, parètque, vltimus non solum humilibus sed incertis, Vester ille Vergilius rusticanis parentibus fuit. Nec se libertino, ac præcone patre natum Flaccus erubuit. Ambo tamen ad insignem gloriam, & summi principis gratiâ peruenere, usque adeò, ut cui reges omnes col-

la submiserant, cuius è manibus magna omnia
poscebantur, atque vnde omnium fermè mor-
taliū, præcipuæque nobiliū spes pende-
bant; cuius demum familiarem promeruisse notitiam,
summis licet hominibus, summū erat. Ipse ho-
rum duorum ignobiliū, quos Romam, scilicet
Mantuanum, Venusinūque rus miserat, amici-
tiam, & conuietum, ceu grande aliquid, blandis,
ac dulcibus epistolis flagitaret; & quàm multos
tunc in palatio nobiles, vt sæpe sunt, inutiles, at-
que indoctos credimus fuisse, quibus horum no-
bilis ignobilitas, atque inuidiosa [nec immeritò]
videretur? *DOL.* Parentibus sum obscuris. *R.*
Non mouent animum hæc exempla. Altioribus
agam. Marcus Cicero, vt de illo scriptum est,
ex ordine natus equestri, de radice humili, per
egregias artes, perque honestos gradus, ad con-
sulatum venit; quo nescio, an alter vnquam salu-
brior Reipub. consulatus fuerit. *DOL.* Rusti-
ca, & ignota patrum series est mihi. *R. A.* Sor-
dent hæc, vt video. Altius etiam nunc aspiras.
Certè & Marius rusticanus vir, sed verè vir [vt
conciuis suus ait Cicero] diu arator apud Mar-
fos fuerat, Romæ septies consul fuit. Tanta gloria,
vt bis Italiam obsidione, & metu seruitutis libe-
rasse eum, compatriota licet idem suus, verè
dixerit? & Marcus Cato plebeia vir originis; par-
uique oppidi diu quidem obscurus incola, post
in maxima vrbe clarissimus aduena, mox ciuis
eximius, & consul & censor fuit. Si ne id quidem
satis est, & fortasse regnum cogitas, profectò ne-
que illud sperare suffragio meritorum, humili-
tas vetat originis. Tertium, & quintum; & sex-
tum Romanorum regum ad memoriam refer;
Tullus Hostilius, vt probati perhibent authores,
eti-

et si apud alios de illo, tale nihil scriptum sit: infans in agresti tugurio educatus, in adolescentia pastor fuit. Tarquinius Priscus pante negotiatore advena, nec Italica insuper originis. Servius Tullius, serua, quamvis [vt alii volunt] captiua quidem, alioqui vero nobili matre natus, virtute regnum Romae meruit. Nec miraberis, si Platonicum illud tenes: Neminem regem non ex seruis, neminem seruum non ex regibus descendere. Sic res hominum longa ætas, ac fortuna permiscuit. Sileo cæterarum reges gentium, è pecudum gregibus, vilissimarumque artium tabernis ad inopinum subito diadema prouectos. Alexander Macedo Hortulanum in Asia regem fecit. Et fuit, ex illis actibus laudatis, iste non ultimus. Contraque alios sileo, è regni fastigio, ad seruitium vsque prolapsos. Sic suas res fortuna moderatur; tamen plurimum potest virtus. Per illam tutò conscenditur ad supremos gradus; cuius calle deserto, sciant reges, se in tremulo stare, neque descensum modò instare, sed ruinam. Quæ nam igitur [vt ad te redeam] ista calamitas nascendi, cui nec spes regnandi eripitur, nec successus. *D.* Obscura de radice prodeo. *R. A. T.* Omnis radix obscura, & squalida est; vnde tamen & floridi, & frondentes rami prodeunt. Non vnde quicquam prodierit, sed quale sit, quæritur. *D. O. L.* Parentibus infimis natus sum. *R. A.* Sentio; summum ad imperium stilum vocas. Septimius Seuerus, de quo suprà diximus, equestris & ipse ordinis, Ælius Pertinax & ipse Libertini filius, & lignorum, vilis vtrique negotiator mercis, vterque Romano præfuit imperio, cui & Philippus pater, ac filius Arabes humillimi generis & Maximus & Maximinus præfuere. Obscurissi-

Carras accepta fuerat. Quis ambitiosus adeò, tamque auidus regni est, ut non hanc gloriam sine regno, quam inglorium regnum malit? Ecquid, oro, nocuit Vētidio ad felicitatem, & ad summum decus, quòd humiliter natus esset, & prima ætate: fortuna humili vsus, & misera? Certè virum Asculi despectum, Roma suspexit, & claris suorum ciuium nominibus, illud peregrini fuscum nomen: inseruit. Hæ sunt ad ascensum scalæ: hi virtutum: gradus, quibus non ad gloriam modò, altioremq; fortunam nitendo, sperando, vigilando, sed ad coelum vsque peruenias. Proinde & tu natus humiliter, ut conscendas, enitere; primum, & ultimum virtutis in vestigio pedem figens; nec declinans alicubi, nec subsistēs. *D.* Humile principium fuit. *R.* Illud præterit. Quæ sequuntur cogita. Ne ome latet, ut primus, & vltimus vitæ dies, quibusdam visi sunt humanæ conditionis statum maxime moderari; siue [ut ipsi dicunt] continere. De vltimo nempe consenserim, de primo autem non ita. etsi enim [ut ipsi volunt] plurimum intersit, quibus auspitiis inchoetur. Etsi, cum his sentiens Satyricus, ubi de ipso loquitur Ventidio, ita scripserit:

Visit enim quæ

Sydera te exipiant, modò primos incipientem,

Edere vagitus, & adhuc a matre rubentem

Nos tamen ista respuimus. Et hæc auspicia, & hanc tantam syderum vim negamus. Conditoriam syderum omnia relinquentes; à quo creatum nullum penitus ad hoc virtutis, & felicitatis gloriae calie secludimus. *D.* Humilitas generis multa est. *R. A.* Quid tu autem multamne superbiam esse malle? Aut quid hinc tibi nunc deesse sentis? nisi ne fumosis imaginibus atrium, truncisque

statuis; bustumque familiae, semesis plenum titulis, spectaculo praetereuntibus; tibi infania sit: qua in triuiis, de his, quos non noueris, elato supercilio fabuleris. D. Ignobilis natus sum. R. Ignobilem non nasci tantum, sed & viuere quibusdam felicitas visa est. An in Tusculano saltem à Cicerone positum, non legisti illud potentissimi regis Anapestum, qui laudat senem, & fortunatum esse dicit, quod inglorius sit, atque ignobilis ad supremum diem peruenturus.

De Obscura Origine. DIALOG. VI.

*Si nescis, quo sis terra genitore creatus;
En tunc obsedit oelica regna pater.*

D O L.

ORigo non tantum humilis, sed obscura est. R. Vera & summa obscuritas vna est, animi. Illam, si mihi dempseris, pulchra sunt omnia. D. Male natus sum. R. Qui bene viuit, bene nascitur, bene moritur. At qui malè vixerit, bene natus esse non potest. Nam quid refert, quàm fulgido tramite cœcus incesferit; aut quid refert, vnde venias, si in miseriam, & in culpam venis. D. In peccato genitus sum. R. Efflet hoc quidem ille vir maximus. Et profectò, nemo non in peccato nascitur. Cauete autem grauiora superaddere; quamquam ne his quoque purgatio sua desit; sed prima illa deformitas in ipso sæpe vitæ limine sacris undis abluatur, niueusque animam candor subit. D. Malè me parentes genuere. R. Quid ad te? Quisquis malè genuerit, tu bene genitus fuisti, nisi alieno flagitio tuum iungis. D. Fœda

da pudet originis. *R. A.* Iam quod alieno tumescitis, non miror; & alieno simul erubescitis. Et omnino ubique potius, quàm in vobis & bona & mala vestra reponitis; quæ alibi tamen, quàm in vobis esse non possunt. Quod nisi pudendum ipse aliquid, poenitendumve egeris; quod tuum crimen, aut quis pudor, impudicus pater? tu modò ne paterni de decoris hæreditatem adeas, caue. Atque illi dissimillimus hac in parte, fieri stude. Qui te ignarum genuit, inuito tibi suas maculas impressisse non potuit. In te sit, & ex te prodeat necesse est, vnde obscurus, aut clarus fias. *D.* In honestis parentibus, in lucem veni. *R. A.* Omnis parens honestus filio videri debet, sed non ut verendus, sic sequendus omni filio parens. Est vbi deseruisse consilium sit. Eia igitur in diuersum abi; si verus est parens, deserui vult, seque, non suum vitium amari optabit. Vnus hic inuentus est modus, quo parentum nomen premere, & calcare gloriosum filiis, ac decorum sit, viuendo aliter? castius scilicet sanctius. De parentibus inhonestis lingua filij taceat dissimilitudo vitæ, morum, actuum, non taceat. Pulchra laus filij, cui à tergo dicitur: O quantum sene suo modestior adolescens; contraque nulla grauior senilis nota lasciuia, quàm adnota illi pudicitia iuuenilis: equidem si parentum gloria, filiis malè viuentibus, onerosa est, quantum fasce verecundia filiorum laus, patrum malè viuentium premit infamiam? *D. O. L.* Damna de venere procreatus sum. *R. A. T.* Atqui male debes impudici patris honestus filius esse, & dici, quàm honesti, impudicus. In omni enim seu laude, seu vituperatione, illa præcipuè æstimanda sunt, quæ cuiusque sunt propria. De alie-

no, nemo iustè reprehenditur, seu laudatur. Et si, ut dixi, vestrum, quicquid id est, conspectius fiat, suo contrario admotum. Caterùm, ut cuiusque propria, laus aut infamia est; sic laudis, aut infamie propria causa sit, oportet. Neque verò ut unius gladio alter perit, utque unius flammis res alterius uritur, sic unius culpa etiam fama perit alterius; eoque animi bona solidiora sunt, quàm corporis, aut fortunæ, ut invito nequeant possessore violari. *D.* Contra fas, contraque leges genitus sum. *R.* Nil tu contra leges, sed parentes tui egerunt, tu secundum leges, age omnia. In hoc quidem nullum penitus tuum crimen fuit; de ortu tuo alij, tu de moribus tuis rationem reddes. Et quamvis odio vagæ libidinis, in immerentes filios ultio legum civiliū extendatur, Deus tamen quemque suis finibus metitur. Nec filij iniquitatem patri imputat, nec filio patris. Ipsam quoque philosophiam iudicare aliter solitam, quàm leges, ab ipsis philosophis accepisti. Legibus ergo oppressus, diuino simul, ac philosophico iudicio releuatus, habes animum unde soleris: neque enim tibi, ut privati patrimonij, sic publicæ virtutis hæreditas interdicta est. Illa enim institutis hominum, hæc meritis datur, & antequam nascereris, ut nil gloriæ, sic profectò nihil infamiæ meruisti. *D.* Origo illicita, & incesta est. *R.* Quid de incestu, quidve de adulterio nasci queat, indicio sunt Romulus, & Alcides. Perthes Macedoniæ, Iugurtha Numidiæ rex fuit: uterque legitimis fratribus regno exclusis; malo quidem more, pessimisque artibus; sed exclusis tamen. Alexander Macedo Philippi dictus, cuius verè sit creditus, audisti. Denique Philippum extremo vitæ, Alexandrum non suum filium prædicare solitum. Id que sibi ultro confessam Olympiadem, hanc

hancque ob causam repudio dimissam scriptores rerum prodidere. Constantinus ipse ex concubina genitus, licet insigni, præ legitimis fratribus ad imperium venit. Adderem his Arturum regem; nisi quod historiis miscere fabulas, nihil est aliud, quam mendacio, veri fidem imminuere. Ad summam verò, non est, quod te deiciat origo. Unde-
cunque ortos virtus extulerit, satis est gloriæ. *D. Malè natus sum. R. Bene viue, bene morere; qualiter natus sis, nec tuum est, nec meminisse quidem potes, nec magnopere inquiras, quod ad te non pertinet; nisi forte vt humilior, mitiorque, non vt mœstior sis. D. Turpiter natus sum. R. Morum candor, & claritas vitæ, non maculas modò, sed memoriam omnem fœdæ originis delebunt. Hoc remedium, dum licet, arripe. Aliud, mihi crede, nullum est. D. Pudet me infamiæ parentum. R. Pone hunc pudorem. Vnus omnium pater, Deus. Vna omnium mater, Terra.*

De Seruitute. DIALOG. VII.

*Si malè fers famuli te conditiore grauatum,
Vive Deo, Domini sic bene liber eris.*

D O L.

Seruus in hanc vitam intraui. *R. A. Ne doleas; liber egrediare, velis modò, sicut multi, qui ex diuerso intrarunt liberi, serui exhibent. D. Seruiliternatus sum. R. A. Liberaliter viue; in meliore tui parte liberum esse, nil prohibet; vna est peccati seruitus grauissima; sed quæ premere nescit inuitos. Illam excute, liber eris. D O L. Seruum fieri voluit fortuna. R. A. Potest velle contrarium; & si moribus utitur, scis, quid speres. No-*

si monstrum illud; nosti ludos: & praeſtigia; non
 liber modò , ſed domini tui dominus fieri po-
 tes; quamquam quid velit, aut quid nolit, nihil
 ad rem; vt ſit inexorabilis [quod interdum eſt]
 nullum illa tamen in animum ius habet. In omni
 autem aduerſus illam certamine, ab illius hoſte
 poſcendum auxilium. Sæpè, quem fortuna ſer-
 uum liberum virtus fecit. *D.* Seruitio premor gra-
 ui. *R. A.* Iugum qui fert volens, leue efficit. Oſten-
 dam tibi lenimen vnicum , ac peculium immor-
 tale, dominique tui, quamuis potentis, arbitrio
 exemptum quod te liberum, atque ipſo domino
 ditioſiorem faciet, Sapientiae ſtudio incumbere; illa te
 in libertatem aſſeret: dictum Catonis eſt à Cice-
 rone firmatum: Solus ſapiens liber eſt, ea ſcilicet
 libertate, qua certior nulla eſt. *D.* Sub durissi-
 mis dominis vitam traho. *R. A.* Nulla re melius,
 quàm fide, & obſequio mollientur, & fortassis a-
 deò, vt [quod multis accidit] inde, tibi ventura ſit
 libertas, vnde te ſeruum luges, forſan & aliunde.
 Hunc ſiquidem temporalis dominus liberat, hūc
 æternus. Scis quanto periculo Malchus miſas he-
 ri perſequentis euaserit; ſed euasit tamen. Interim
 de domino ſic cogita. Hic te nutrit, tuique curam
 omnem in ſe tranſtulit: cum libertate ſollicitudi-
 nem amiſſe, quid niſi vtile damnum voces? Mul-
 tis ſerua libertas, multis eſt libera ſeruitus. Non
 tam graue iugum hominum, quàm curarum eſt.
 Qui hoc excuſſerit, illud ferat æquanimis. Huic tu
 ſeruus, huic vni es deditus; immò hic tibi. Hic
 tuus eſt dominus; immò procurator tuus. Non ha-
 bebis honores; equidem, nec labores publicos,
 non ſimultatum ſtudiis, non forenſibus procellis,
 & conſiliorum volubilitate rotaberis: non nauigi-
 tarditas, non agri ſterilitas, aut annonæ caritas te-

torquebit. Has molestias domino tuo linquens, sæpe illo dormies vigilante. *D.* difficilis, imperiosus est dominus. *R. A.* Non sine causa illi in fortem obuenisse te, in animo tuo pone. Quicquid igitur iustum iubet, Deum ipsum iubere credito. Si iniustum aliquid; maioris domini meminisse conveniet, qui ut te ad honesta, quamvis difficilia, servum patitur; sic ad inhonesta vult liberum. Sic intelligo, quod gloriosorum terræ, veraque fidei principum alter, servos dominis carnalibus obedire per omnia, alter verò subditos esse, in omni timore, dominis præcipit. illud adiiciens, ut hoc non tantum bonis, & modestis exhibeant, sed etiam discipulis: neque enim de domino iudicare servum decet, sed mores eius qualescunque perferre. Quod enim imitior dominus, eo clarior patientia servi. Et hæc est gratia, cuius apud horum alterum fit inentio, nec tamen, ut mores pati, sic & imperia exequi semper oportet. Sunt enim, quæ iustissime recusentur, si imperio domini superioris adversa sint: cui si conferatur hic tuus dominus, non dominus, sed conseruus habebitur. Sic ergo per omnia dominis obediant servi, si iusta præcipiunt, non difficultas retrahat, non labor, non obsequia, vel negata præmia, vel [quod in rebus amarissimum] irrogata supplicia. In omnibus obediant, modo iniustitia, atque inhonestas abfuerit; alioqui contumacia, & libertas, atque ipsum pectus, & iugulum iniquis præceptis, ac turpibus opponendum est; servandumque memoriter, quod præmissorum alter ait; qui, cum servos obedire per omnia dominis præcepisset, addidit: non ad oculum serviētes, quasi hominibus placentes, sed in simplicitate cordis, timentes dominum. Ex his vides, status tui, cōditio quæ sit. Non totus est servus, qui

ad indigna imperia cogi nequit. *D.* Superbo domino seruo. *R. A.* Quid scis an ille superbiori suo domino seruiat? Forſan vxori, forſan meretriculæ, forſan his ipſis, quibus imperat. Quot ſuorum ſeruorum ſeruos vndique cernimus? Poſtremo [quæ duriffima omnium eſt ſeruitus] forſan, & ipſe ſibi, hoc eſt vitiis, & paſſionibus, ac violentis affectibus ſuis ſeruit. Quid vis dicam? Pauci in veritate ſunt liberi: & ſi qui ſunt, eò illis laborioſior vita eſt, quò altior. Multò enim citius, multòque facilius fidelis ſerui, quàm iuſti regis implentur officia. Diocletiani iam priuati, & de præterito iudicantis, & experientia edocti, dictum memorabile eſt: Nihil difficilius, quam bene imperare: propter quod videri poteſt, ipſum quidem imperium dimiſiſſe. Tu igitur ſortem tuam lætus amplectere, fuſcam, fateor, atque humilem; ſed facilem, ac tranquillam; niſi fortè feliciorem reris in ſpectaculo anhelantem, quàm in cubiculo quiſcētem.

D. In ſeruitium mea me ſors impulit. *R.* Libens facito, quod oportet; & eſt illud quoque notiſſimum, ac neceſſitatibus humanis aptiſſimum conſilium: Cupias quodcunque neceſſe eſt; ſic vim ipſam neceſſitatis eluſeris. Fer fortunæ ſarcinam patienter, quàm quidam etiam ſponte ſubiere: utque alios ſeruitio liberarent, ſibi ſeruitium delegere. In quibus eſt clariffimum Paulini nomen Nolani præſulis; cuius ſpontaneæ ſeruitutis exitus felix, ut debuit, fuit. Quidam paruo ſe pretio vendidere, ut ſerui effecti, ſuos dominos peccati vinclis abſoluerent, atque ad veram reducerent libertatem: in quibus Serapion quidam Ægyptius heremitola nobilitatus eſt. Hæc tibi magis exempla profuerint, quàm lamenta. Experire & tu tale aliquid, quòd vel utilis alteri, vel facilis tibi ſaltem ſerui-

Seruitus tua sit. Non id quidem, quod non habeas optare; sed eo, quod habeas bene vti, sapientis est. Illud omnibus contigit, hoc paucis. *D.* Mortali domino mortalis seruo. *R.* Immortali seruire incipe; ille tibi libertatē spōdet, & regnum: quanuis & in hoc statu, nec honestis artibus operam dare, nec sperare meliora sit vetitum. Et Terentius seruus fuit & didicit, haud seruili quidem ingenio; & comedias scripsit, haud seruili stilo; quo & libertatem, & inter poetarum duces meruit locum: Quo modo ergo virtutem, solidum animæ bonum, seruitus impedit; quæ nec aduentitia studia, nec externam gloriam impedire potest? Plato ipse in seruitium delatus, tamen, [vt scriptum est] quia philosophus, maior e mente se fuit; generosa professio, quæ maiorem domino seruum facit. Et est haud dubiè seruus eruditus, cō maior indocto domino: fortuna qualibet maior est animus; & in libero corpore se sua mens habitat, & in seruo libera. Obstare seruitus potest fori actibus, non animi. Curia seruum respuit: at non virtus, non industria, non fides. Tyro Ciceronis seruus fuit, sed his artibus libertatem adeptus, elegantem, de patroni iocis, librum posteris liquit. Non potest seruus imperator exercitus, aut Senator esse: at philosophus, at orator, at vir bonus potest. Aliquando etiam, discusso seruitio, Imperator, & rex quoque: neque ad regnum modò, & imperium ab hoc gradu peruenisse aliquos nouimus, sed ad cœlum ipsum. Non potest seruus militare homini: Deo potest, eiusque militiæ stipendium est, regnare. Dei seruus, Rex est omnium, socius angelorum, horror dæmonum. Dei autem seruus, & seruus hominis esse potest; atque ita cœlesti felicitati terrena seruitus nihil nocet. *D.* Seruus sum. *R.* Si semper fui-

sti, consuetudo luctum leniat; si minus, spera posse te iterum non esse, quod quandoque non fueris. *D.* Seruus sum. *R.* Si speras mali finem, minuat spes dolorem; si desperas, patientia. Neque malum malo cumules, neque te angas superuacue sciens, volensque; quæ totius humane dementiæ summa est. Sed certè nihil est desperandum. Si cuncta defuerint, mors aderit, quæ te, inuito domino, dissoluat, ac liberet.

De Paupertate. DIAL. VIII.

Paupertas odiosa quidem, tamen utile denu;
Dat pacem, curis exonerans animum.

D O L.

Paupertate pressus sum; assurgere nequeo. *R.* Sæpè quidem paupertas modestiam persuafit reluctanti animo; quodque nequicquam philosophia tentauerat, hæc impleuit. *D.* Paupertas meum limen obsidet. *R.* Non obsidet, sed custodit. Neque hoc illi nouum, aut, insolitum; ut quæ urbem Romam, multis olim sæculis, custodiuit. Inter tentoria equidem paupertatis sobria aque sollicitæ, luxus iners, sopor marcidus, ac vina languida, & eneruata non subeunt. *D.* Domum meam paupertas inuasit. *R.* Vltro illi ut occurras, consulo; venientem lato animo, biparentibus valuis excipiens, atque amplectens; prima enim fronte, rigida, ac subtristis; nec immerito viatori, ac viro armato exequanda eò quòd celer, minaxque sit aduentus eius. At cum in familiaritatem admissa fuerit, & minime sumptuosa, & secunda, ac facilis hospes

spes erit. *D.* Foribus meis paupertas insultat. *R.* Aperi ociùs, antequam vectes subita vñ confringat, atque ostiis vulsis à cardine victrix introeat: vt enim resistentibus permolesta, sic cedentibus per iucunda est. *D.* Domum meam paupertas irrupit. *R.* Aduersus fures, & peiores furibus voluptates, peruigi! excubitrix: aduersus vulgi morsus, & infalsa iudicia, atque auaritiæ seu prodigalitatis infamiam: quæ raro alibi, quàm locupletum sedet in limine. Ab his malis, nullo melius ingenio, custodiri potuit domus tua, quàm illam custodiret paupertas; vt diues etsi largus sit, si quid tamen sibi reseruat, auarus vulgò dici solet; sic pauper cupidus, quoque largus habebitur. Inuidet opibus viciniæ, pauperiem miseratur: illas cupit, ac vituperat; hanc horret, & laudat. *D.* Domum meam occupat paupertas. *R.* Iam nullus tibi superbiæ locus erit: nec inuidiæ, nec damnis insignibus, nec damnorum metui, nec suspicionibus mille, nec insidiis, nec nausæ, podagræ diuitum hospitibus. Quibus exclusis: habitatura latius tecum quies, & tranquillitas & virtus. Cui eò plus loci erit, quò fortunæ minus. *D.* Lares meos dura subiit paupertas. *R.* Quid queraris scio. Mollius diuitiæ subissent, sed paupertas tutius. Nullæ autem opes sunt, quibus non sit anteponenda securitas. Cum ad felicitatem enim omnia, quæcunque agunt, cupiunt vt homines, disponantur, esse illa, sine opibus quidem potest: sine securitate non potest. *D.* Paupertate importuna diu premor. *R.* Vt nihil importabile diu fertur: sic nihil breue, difficile. Sed hoc dicis grauius. Excute autem illam cum diuitiis, an plus auro tribuis, quàm virtuti? An & hoc in paradoxis Stoicis non legisti? Quod solus sapiens diues est? An legisti forsitan, sed spreuisti? quod pluri-

que faciunt; legentes, vt fabulentur ornatius; non vt melius viuant. Nihil ad honestatem, omnia ad scientiam, atque eloquentiam referentes; quo nihil est vanius.

De Damno passo. DIALOG. IX.

*Fac repares studio & cura, reparabile damnum;
Sinequeas, cura sint tibi vera bona.*

D O L.

O Pes cunctas trux fortuna præripuit. R. Non tibi fecit iniuriam; suum tulit: sed vetus, & nota hæc ingratitude est: dati immemores, meministi ablati. Itaque raræ, ac tepentes gratiæ: crebræ, ac feruidæ sunt querelæ. D. Fortuna ferox, vitæ quoque necessaria subtrahit. R. A. Necessaria subtrahere potest nemo; quando quidem verè necessarium est nihil, sine quo bene vitatur. Dico autem bene, non voluptuose, non insolenter, aut splendide: sed prudenter: sed sobriè; sed honestè: in quibus nullum sibi ius esse [quanuis insolens] fortuna fatebitur. Et certè cum nec toto, quod est, usquam auro, neque omni gemmarum pompa, atque omnigenum rerum copia, cupiditas expleatur; paucis admodum: &, si desint, leui linguæ vel manus artificio comparandis tollitur, aut lenitur necessitas naturalis. Sic virtuti modicum, vitio nil sufficit. D. Victum, vestitumque necessarium avara fors negat. R. Aliunde petendum. Virtus liberalior, quàm fortuna est: nihil negat; nisi quod & permissum noceat, & negatum profit: nihil eripit, nisi quod habuisse damnosum, amisisse vtile sit. Non differt, non imperat, non retrahit manum. non rugat frontem, non attollit supercilium, nullum de-
spi-

spicit, nullum destituit, nullum fallit, non laedit,
 non irascitur, non mutatur, vna semper, & vbiq;
 est; nisi quod magis, magisque degustata, dulcior
 in dies, & propius conspecta, sit pulchrior. Ut sis
 igitur verus diues, ab hac pete, non te fastidiet; nec
 repellat, quanuis exerceat, difficiles habet aditus
 primos, cætera prona, iucunda, facilia. Semel verò
 vbi ad illam perueneris, non senties paupertatē.
D. Spoliauit me bonis meis omnibus fortuna. *R.*
 Fallit te opinio; malum commune mortalium.
 Nam profecto non bonis & [ut bona permiserim]
 non tuis, sed quæ tua forsitan, vulgi more, credide-
 ras; mirorque, si nondum intelligis aliena. *D.* For-
 tuna me nudum liquit, atque inopem. *R.* Virtus te
 vestiet, ni respuis, ac ditabit; nisi fortè pluris au-
 rum, & purpuram quàm decorum generosæ men-
 tis habitum facis. Quid si faceres, tunc verè inopē,
 nudumque te dicerem. *D.* Contra fortunæ impe-
 tum, & inopiæ molestias, nullo satis artificio tu-
 tus sum. *R.* Quid miraris? artificium tuum omne,
 & arma, quibus te tueri cogitas in manibus hostis
 sunt; illa capulum tenet; in te cuspis obuersa est. Si
 consilium quæris, his omissis, age aliud: artibus-
 que illis ingenium applica, in quibus fortuna ius
 non habet. Non diuitiis virtus, sed virtute diuitiæ
 quaruntur. Virtus vna contra fortunam omnem,
 contraque pauperiem ars optima. Legisti, ut ad lit-
 tus Rhodium naufragio eiectus Aristippus, & ipse
 nudus, inopsque rerum omnium, quas dare potest
 fortuna, vel auferre, dum locorū nouitate captus
 [ut fit] oculosque circumferens, fortè illos in quas-
 dam descriptiones geometricas defixisset, excla-
 mans, consolatus est comites; & bono animo iussit
 esse: neque enim desertis locis applicuisse: cernere
 se hominū vestigia. Inde oppidum introgressus, ad

Gymnasium literarum, recto calle, contendit. Atque ibi philosophicis disputationibus admirationem primo: dehinc amicitias optimatum, & munera meruit: quibus non tantum sibi, sed etiam sociis victum ac vestitum, & profectio[n]i necessaria ministraret. Cumque digressuri quærent, quid ille nunciari domi vellet, hoc unum iussit nunciarent:

Eas opes filiis parandas, quæ naufragio non perirent:

quas nec maritima, nec urbana, nec bellica tempestas eriperet: præclare. *DOL.* Rerum, atque animi inops sum. *R. A.* Primum te expeditum; secundum planè inopem facit, & miserum. Sed, ut Aristippi consilium, sic & Theophrasti dictum te legisse arbitror. Quid verò lectio sola profuerit? & meminisse oportet, & in usus tuos lecta conuerrere. *D.* Domo, familia, necessariis, atque ornamentis omnibus spoliatus, quid agam, quò me vertam? *R. A.* Ad eas opes, quibus spoliari nequeas, quæ te undique comitatum diuitem & ornatum præstent. Et quoniam [ut video] excitanda memoria est: Theophrasti, quod memorabam, dictum, ad hunc se habet modum: Doctum, ex omnibus, solum, neque in alienis peregrinum, neque, amissis familiaribus & necessariis; inopem amicorum; sed in omni ciuitate esse ciuem: difficilisque fortunæ, sine timore posse despiciere casus. At qui non doctrinarum, sed felicitatis præsidiiis, putaret se esse vallatum, labidis itineribus vadentem, non stabili, sed infirma conflictari vita. *D.* Patrimonium paternum habui: perdidi. Quid consilij capiam? *R. A.* Patrimonium paternum duplex. Alterum ex rebus percuntibus: quod fortuna moderatur: ex vir-

tuti-

autibus, & doctrinis, alterum, quod extra fortunæ
 regnum procul in tuto positum, lædi nequit. Hoc
 est illud, quod in primis amantissimi patres filiis
 tradunt: quod, nisi repudietur, eos in finem, & post
 finem, vitæque exitum, exornat: possessoribus suis,
 non æquæuum modò, sed viuacius, multoque pe-
 rennius. Idque attendens illa nobilis morum, & e-
 loquentiæ, & legum parens Athenarum ciuitas:
 cum Græcarum omnium leges urbium, indistin-
 ctè filios ad præstanda parentibus alimenta, com-
 pelleret: eos solos statuit ali oportere, qui liberos
 erudissent; quod hi soli patrimonium certum suis
 stabile relicturi essent. *D.* Multa mihi ad vitam de-
 sunt. *R.* Cui pauca sufficiunt, quomodo desint mul-
 ta, non video. Sed deesse vitæ dicitis; quod auari-
 tiæ deest. Ita fit, vt non multa tantum, sed omnia
 vobis desint; & quæ habetis, & quæ cupitis; quod
 & illa tangere non audetis, & hæc assequi non va-
 letis: vtrobique par, vel miseria, vel egestas. *D.* Ni-
 mium pauper dego. *R.* Solare animum comitibus
 magnis, & illustribus. Valerius Publicola, vnus è
 Romanæ libertatis authoribus; Menenius Agrip-
 pa, Romanæ sequester pacis: vnde sepelirentur,
 quia de proprio nō erat, de publico habuere. Pau-
 lus Æmilius Macedonū regum victor, finitorque
 regni famosissimi, & antiqui: tã diues gloriæ, tã pe-
 cuniæ inops fuit, vt nisi agello tãti viri vedito, resti-
 tui cōiugi dos nō posset. Artili⁹ Regulus, Cne⁹ Sci-
 pio, Quintus Cincinnatus Romani imperij defeso-
 res, tanta rei familiaris inopia fuere, vt primus in
 Africa maximas res gerēs, secūdus in Hispania: ille
 propter villici mortē, hic propter filie dotē, missio-
 nē à senatu petere cogeretur: & obtinuissēt, nisi se-
 natus, reip. consules, optimorū ciuiū succurrisset
 inopia. Quintio autē quaterna agri iugera aranti,

fenatus, & populi consensu, rebus in extremis;
 summum imperium deferretur. His accedant
 Curius, hortulo diues: & Fabricius paruo po-
 tens: qui ablaras contempsere diuitias: & ni-
 hil, præter ferrum, dextrasque, & animum ha-
 bentes ditissimum, Græciæ regem, ac potentissi-
 mum Italiæ populum domuere. Auro, ipsiæ-
 què, ac ferro inexpugnabiles, & inuicti. Et
 quid loquimur ciues? Cùm & ipse Populus Ro-
 manus, omnis eximia fons, atque exemplar histo-
 riæ, tam diu bonus fuerit. [vt dicere cœperam]
 quàm diu pauper fuit. At libidinibus, probrisque
 Nero obrutus, opes suas metiri, ac dinumerare
 non poterat. At Heliogabalus effœminatissi-
 mus, turpissimusque hominum, ac vestri pudor
 imperij, ventris onus [dictu fœdum, & auditu] sed
 pro fœda cupiditate mortalium, forsitan non si-
 lendum; non nisi auro excipi dignabatur; cùm non
 superiorum modò talium virorum cœnas, sed
 Deorum sacra, fictilibus agi solere meminisset. O
 Vrbs misera, ad tam turpes manus satis lapsa vo-
 luentibus. Sed, O aurum auaritiæ votum ingens!
 O spes vltima & laborum terminus humanorum;
 in quos vsus, oculorum stupor, ac mentium, verte-
 baris. Laudarem factum, aut certè non arguerem;
 quòd errori hominum tam obsceno, nulla aptior
 esset irrisio: si ab homine sanæ mentis id fieret.
 Nunc præclaras, optandasque diuitias, quis ne-
 gare audeat? quæ si ferro, ac scelere peti velint,
 dum, sic spretis optimis, sic pessimis affluunt? D.
 Pauperem in laboribus vitam duco. & A. Clean-
 thes hauriendæ aquæ, & rigandis oleribus: Plau-
 tus sarcinas mola manuariæ locare operas, vi-
 gente inopia, coactus est. Quantus ille philoso-
 phus: hic poeta? Simulque quàm pauper ille hor-
 tulanus? Hic pistor reliquias temperat, necessa-

riæ deditas quieti [tanta animi vis erat] philosophicis ille vigiliis dedicans, hic scribendis, quas venderet, comœdiis. Lactantius Firmianus, vir doctrinæ multiplicis, rarique inter suos eloquij, filij quoque summi principis magister: idem summa rerum omnium etiam communium, egestate vitam egit. Pauper natus est Flaccus. Inops vixit Pacuvius, inops Statius. Vterque victus causa, fabulas venditavit. Inops demum aliquando Vergilius; donec præter suum morem, opes ingenio accessere. Multa sunt talia, quolibet hominum in statu; & omitto illos, quoniam nimis multi sunt, qui cœlestium opum desiderio, non inopiam modò, sed famem, sitim, nuditatem, & extrema omnia in terris; non aquis tantùm, sed latis, atque exultantibus animis elegerunt. Si his, quasi exemplis humilibus, atque terrestribus non moueris: ipse cœli dominus hic pauper fuit; vt exemplo doceret, hanc inopiæ viam esse, qua tamen ad veras diuitias pergeretur. Ipse, inquam, per quem reges regnant, pauper natus, pauper vixit, nudus obiit, cui cuncta interim obsequebantur elementa. Tu homuncio, domini tui sortem fers moleste, nec ineptæ pudet insolentiæ? Certè quisquis, illum cogitans, se virtute valiauerit; in ipsa paupertate ditissimus; nulliusque egens rei, opes regias non requireret. *DOL.* Nulla mihi opum copia est. *R. A.* Vt animo inopi, ac deiecto nullæ sufficiunt opes; sic diuiti, atque crecto, nulla non sufficit paupertas. Nempe ille alieno nititur, hic proprio fidit; ædificare in alieno iactura est, questus in proprio. *D.* Pauperrimus sum. *R. A.* Si necessitatibus obsequeris, pauper nunquam esse potes; si cupiditatibus nunquam diues. *DOL.* Hactenus pauper, immò mendicus sum. *R. AT.* Fortuna hominum

non stat; & ut summis ex opibus, ad inopiam extremam; sic à paupertate vltima, ad diuitias magnas crebere est transitus. Legisti, reor, apud Quintum Curtium historicum, ut Abdolominus quidam Alexandri iussu, seu permissu, ex hortulano inopi Sinodis rex; & contemptu regni maior est habitus, quàm regno. Certè, quod non legisse non potes, & Romulus è pastorali tugurio, tantæ vrbis conditor, Romanum primus diadema suscepit: & regum sextus ex humillima [utque aliqui credidere] è seruili fortuna, ad ipsum regni culmen ascendit: nec Alexandri Priamidæ; nec Cýri illius, inter Persarum reges famosissimi, inter opulentiora primordia, haud alia ferè sunt rudimenta, quàm Romuli. Caius Marius, qui fuisset, & futurus sæpè esset Romæ consul, & antequam honorum gradus vltimos attingeret, mercenarius orator; primos in aruis vitæ annos egerat; & deinde, post tot victorias, ac triumphos, interque illos suos septem consulatus, præter latebras palustres, ac carcerem exiguum, quoque mendicauit panem. Julius Cæsar futurus mundi dominus, & testamento dominos mundi relicturus, adolescens pauper fuit. Tu hac talium comitiua, non potes, aut sperare opes, aut contemnere? *D.* Solito pauperior sum. *R.* Bene habet; & solito eris humilior, expeditior; liberior. Vacui amant incedere, qui arduum iter agunt: carebis solitis opibus, simulque solitis muribus, ac furibus, & proteruis seruis; hisque, quibus solent abundare diuitiæ, fictis amicitiiis: sequacibus, atque tenacibus parasitis: totoque illo grege domestico arridentium tibi, teque ridentium, atque rodentium. Denique si amissas opes cum amissis tædiis conferas, lucrum voces. Certè, ut securitatem, salutem, humilitatem, sobrietatem, requiem,

quiem. modestiam, paupertatis comites; si nihil boni aliud illa secum afferret, quàm quod & fallacium gregibus adulantium, & seruatorum tyranni de superbiorum liberat, abundè erant causa, ut non ferenda modò esset. sed optanda: immò etiam accersenda pauperies. Sed iam satis sit: Maior enim quàm pro te querela est; quam in te mirarer, nisi olim fermè in omnibus notassem, nullum grauius nullum crebrius lamentum. adeò nihil inter homines paupertate melius. nihil odiosius; D. Pauperior sum in vita. R. Eris latior in morte. Nemo tam pauper vixit, ut moriens nollet vixisse pauperior.

De Tenui victu. D I A L. X.

*Qui multa victum quaris sudore, memento,
Hanc pœnam primum commersisse Patrem*

D O L.

Tenuis victus est mihi. R. A. Et tenuis voluptas, & munda sobrietas. An tu, gulæ studio, contrarium mallet? A. Asper est victus. R. A. Equanimis ter gulæ illecebris caruisse, cum ad manum sint aliæ dulciores, & quæri faciliores; & seruari. Habet & suas virtus illecebras: Ciceronis vtor verbo; has gustare, & ruminare cum coeperis, illas magnopere non requires. D. Durus est victus. R. A. T. Duricies amica virtutibus; mollicies voluptati. Quot autem magni viri vtrò se voluptatibus abdicantes, hanc quem tu refugis, victum elegere? quorum aliqui cum possent lautè vesci; panem, & aquam in deliciis habuere. An verò voluptati quenquam sic obnoxium opinemur, ut non illam valde oderit, si

adiunctum illi dedecus intueri oculis possit? Sed funesta suauitas, virtutum hostis acerrima, & titillatio bestialis: quam, qui sequitur, homo quidem videri potest; verè autem animal brutum est: ad hæc & familiaritas contracta conuitiis; & consuetudo rerum pessima, mortalem præstringit intuitum, vt discerni nequeat, quàm decorum sit, quod torqueat, foedumque quod mulceat. *DOL.* Nimis angustus est victus. *R. A.* Immo nimis ampla, nimiùmque capax gula est. Vnum visu angustum, re autem vnum omnibus, in animam irruentibus vitiis, patens iter. Hac flamma libidinum, hac torpor ingenij: hac irarum & iurgiorum feruor ingreditur; hac imperiosa cupiditas omnia pati iubet, atque facere, dum necessaria creditis, quæ damnosa sunt, & minime vitæ dicitis, quod ruina est. Hac inuidiæ faces, & æmulatio implacata, indignantibus animis, tam gulæ alium obsequentem, quàm vos esse gloriamini. Inde laudem sperantes, vnde pudor metuendus erat. Hac postremò superbia; dum inflatus nec se capiens venter, animo suum affricat tumorem, & persuadet illi, esse se homine aliquid maius, quod ambrosia, & nectare pastus sit. Vides, vt vitium vnum est omnibus aditus; neque hunc, fialiter nequit, inopiæ vectibus clausum cupis? O Paupertas amabilis, quæ continentia tibi sumis officium. Vtile est cogi ad id, quod facere tua sponte debueris. *D.* Tenuis me victus extenuat. *R. A. T.* Malles ne igitur tumescere? hæc tenuitas podagram tuis pellet è sinibus, dolorem capitis auferet cerebrique vertiginem, vomitumque, & ructum, & nauseam, & sudorem ædiùmque, & fastidium tui ipsius; pallorem alacrum, & ruborem, odorem quoque, & oris, & corporis,

corporis, tibi, atque aliis importunum, sistet. Preterea pedes instabiles, manus tremulas, nutans caput [quodque est optimum] animum ipsum moderabitur, prehabetque. Et quid igitur tam multa corporis, atque animi bona, paruo cibi desiderio, ac momentaneo, gustus incommodo, tibi parva, conquereris, dignus, his perditis, gustui deservire. *DOL.* Tenuis victus me fatigat. *RA.* Contrarius fatigaret, nisi forte onus, requiem vocas. Non legisti lautioris vitæ tædia magna esse ita, ut quinque diebus continuis non possit, sine fastidio, tolerari ab hominibus temperatis, & altiora spectantibus, quam palatum, & ventrem. *DOL.* Suprà modum victus est tenuis. *RA.* Fuit ætas quando hic fuisset; & est adhuc gens aliqua, ubi esset victus amplissimus. Verum mundo in deterius lapso, vos deterrimi omnium esse nitimini, publicæ semper principes ruinæ, ut qui optimi omnium fuistis, versis usquequaque vestigiis, sitis omnium pessimi; & in temporum vitiis, ac locorum, præcipuum tenetis gradum. *DOL.* Victus tenuis mihi non placet. *RA.* Victum tenuem, & virtutis, & voluptatis amatores, ac patroni laudant. Tu, quam hæresim sis amplexus, nescio. Plato Syracusias mensas damnat; nec vlllo modo sibi placere ait, bis in die saturum fieri. Epicurus in oleribus suis voluptatem, ac delicias ponit, & hunc, quem tu fugis, victum rebus, ac verbis probat. Denique, ut ait Cicero: Nemo de tenui victu plura dixit. Tu duarum notissimos si viarum duces spernis, quid est reliquum, nisi ut impetu tui erroris, & virtutis hostem, nec amicam voluptatis, onerosam sequaris ingluviem? Fœdum finem, nec tam hominis, quam iumentum [quodque in-

dignanter, ac dolenter dixerim [iumenta multum quidem, sed pro capto suo, ventri ingerunt: soli vos animantium domini, mensuram vestram & nescitis, & frangitis; neque de nihilo est, quod multi mirantur; quia, patrum & auorum memoria, vineæ multò pauciores essent, homines autem totidem aut plures, Vina tamen vitiora erant. Sic in dies crevit ebriorum sitis. D. De lauto victu, ad tenuem sum redactus. R. Bene habet, quod modestia neglexit, implet inopia. Optimum est, sponte agere, quod debeas; proximum vel coactè.

De Originali inopia. DIAL. XI.

*Dives inops, simili nascuntur lege, simulque
Decedunt nudi, vita parum variat.*

D O L.

IN paupertate etiam natus sum. R. Quis non nudus vtero matris egreditur? Nil hic præcipuum habent reges. D. Antequam nascerer pauper fui. R. Bonæ memoriæ es, si meministi: delicatissimus, si sensisti. D. In paupertate sum genitus. R. Antequæ tibi querimoniæ parû sunt. Hæc non tua quidem, sed parentum fuerit. D. In paupertate sum natus. R. In paupertate moriturus: similis principio finis manet: nisi fortè morientis langoribus mederi aurum censes, quod in arculæ fundo est. D. In paupertate vitæ mihi principium fuit. R. Medium falsæ sæpè diuitiæ, at principium, & finem vera paupertas tenet: nudum nasci, nudum mori, humana ferè conditio est. Nam quid quæso, purpureum cubile? Quid funeralis lectus aureus? Et quæcunque, sub ipsum vitæ finem, mortalis ambitio meditata est? Quid ad febrem? Quid ad mortem ipsamque, de qua loquimur, morientium nuditas?

nuditatem? An vt equum phalere, sic parietem au-
lea delectant? Mulcere ista oculos possunt intuen-
tium. Sensu carentibus delectabile aliquid inesse
potest; delectatio autem nulla. *D.* Nudus inops na-
tus sum. *R.* Humanas res penè omnes alterna fors
variat: eadem quædam æquat quo reliquarum so-
lentur imparitatem. Harum prima, maxima est i-
psa hæc originis ac mortis equalitas. Multi & varij
viuentium sunt amictus. Nuditas yana nascentiũ,
atque morientium, nisi quod illi multa reperiunt
ignari, hi omnia deserunt scientes; vt exigui dam-
ni sensum debeat ipsa rerum percuntium lenire
cognitio. *D.* Nudus in hanc miseram vitam veni.
R. Id recolens, animo æquiore abibis nudus.

De numerosa prolis graui sarcina. D I A L. X I I I.

Silibi sint plures nati, nec victus abundat.

Viuere quo possint, artibus erudias.

D O L.

Numerosa prole prægrauatus sum. *R.* Auro
etiam atq; opibus imbecilles humeri præ-
mi possunt. Nemo tamen id queritur, sed
sic premi gaudet. Atqui prima inter vestræ felicitatis
dona numerantur filij? His ne te igitur prægra-
uatum, & non potius subleuatum dicis? *D.* Mul-
tos inter filios inops sum. *R.* Immò verò filij diui-
tiæ tuæ sunt. Quomodo inter diuitias sis pauper,
videris. Id enim non nisi auaris, & bonorũ suorum
ingratis accidit. *D.* Filiorum in turba egestate for-
dida laboro. *R.* Filij non labor, sed requies sunt pa-
rentum, lenimen laborum, atque omnis solatium
fortune, si boni sunt; alioqui nõ de numero, sed de
moribus est querela. *D.* Filiorum acie coarctatus
sum. *R.* Cur non potius comitatus, & vallatus, &
ornatus? Certe non tantum patres, sed & matres

A iij

ornamenta sua, filios vocant. Non audisti, ut Cornelia Africani magni filia, dum prædiues mulier Campana, quæ fortè in domum eius, hospitij iure, diuerterat muliebriter gloriabunda, illi longè preciosissima sua ostentasset ornamenta, generosam velut ad æmulationem prouocata, colloquium de industrio produxit, donec à scholis filij eius remearent, parui tunc pueri, qui magni post fuere viri. Quibus illa confpectis versa in hospitam: Ornamenta mea, inquit, hæc sunt. Præclare quidem, & ut tanti patris filiam decebat. Tu autem ornamenta hæc tua, vocas impedimenta. *DOL.* Quia tot pascet filios? *RAT.* Is qui te, à iuuentute tua, pascit in senium. Qui non solum homines, sed pisces, & quadrupedes pascit, & volucres. *DOL.* Quis tot natorum corpora vestiet? *RAT.* Is, qui non tantum animantia, sed agros herbis, ac floribus, & frondibus sylvas vestit. Et quid scimus adhuc forsan si filij te, non modò pascent, ac vestient, sed etiam tuebuntur, sed etiam honestabunt: humanarum rerum, ut à voluptate aliæ incipiunt, in laborem, ac dolorem desinunt; sic è contrariæ amaro principio inceptæ, dulci fine clauduntur. Qualis est sors virtuosarum omnium ferè actionum, quæ ingressos cruciant, ac progressos mulcent. *DOL.* Pauper cum filiis multis sum. *RAT.* Miraris; quasi foecundam virorum non legeris paupertatem. Diuersa sunt operum genera, & varia dona fortunæ. Nulli omnia contingunt: aliis vagæ merces, aliis rigens tellus, exangue aliis metallum, viuæ tibi diuitiæ obligere filij; an verò boues, & pecudes, & asini, & cameli, & profugæ apes, & columbæ, & pulli, & pavones; serui denique, & ancillæ in diuitiis

habe-

habebuntur ; soli filij excludentur? D. O quàm multi mihi sunt filij. & . 1. O quàm plures aliis. Quinquaginta fuere Priamo. Triginta Orodi Parthorum regi. Centum quindecim regi Persarum Artaxerxi. Septingenti autem Erothinio regi Arabum ; quorum fiducia , fines hostium alternis aggressus incursibus, Ægyptum, Syriamque vastavit. Et est sanè potentia genus quoddam , multos filios habere. Scio autem quid dicturus sis. Hi, quos memoras , magni omnes reges fuerant. Mihi longe alia fors est. Nunquid verò Rex fuit Appius Claudius? profectò ne diues quidem, prisco illo sæculo videlicet , quo probrum diuitia habebantur, & paupertati cœcitas accesserat, ac senectus: & tamen de eo scribens Cicero: Quatuor, inquit , robustos filios, & quinque filias, tantam domum, tantas clientelas Appius regebat, & cœcus, & senex: neque id mirari est, quod priuata bene regeret, cùm tot obsessus incommodis, ipsam quoque Rempub. gubernaret. Humanorum defectuum magna pars in moribus , non in rebus est. Non erat Appio fors regia: sed nec optabat, sua sorte contentus: exiguos, non lautitiis, sed virtutibus adornabat lares; & victu tenui amplam familiam nutrebat. Quodque multi reges mœsti faciunt, & queruli, latus ille, & æquanimis faciebat. Non enim fortunam appetui, sed fortunæ æquauerat appetitum. Non erat Appio fors Croesi regis, nec concius quidem sui Crassi, sed felicior quædam alia, quamuis angustior sua fors; nec ad alienam sortem, sed, sicut boni omnes faciunt, ad suam propriam se formabat, ac suos. Certè nec ego exigo, vt tu sorte alia, quàm tua in tuis utaris, & in te. Neque vt cibo, aut amictu regio tuos

pascas, aut vestras. Vescuntur lautius regii iuvenes, & vestiuntur insignius: sed non viuunt melius, nec diutius, nec latius. & [quod constat] nec securius, nec honestius: certè nec sanctius. Pro his omnibus, vnum habent, quo excellant; pomposius, hoc est stultius viuunt. Suus cuique viuendi modus, sua est mensura. Non ideo melior, quò maior. Vnde fit, vt in tugurio sæpe latos videas, mœstos in regia. Non est omnium vna capacitas, sed vnus est fons gratiæ. Vnus ille, cui dicitur: Aperis tu manum tuam, & implebis omne animal benedictione. Quid ad rem vasorum seu magnitudo, seu paruitas, vbi est par omnium plenitudo? Sed multa defunt pauperibus: quantò plura defunt regibus? cum sit illud Flacci verissimum, exper-
tūque: Quod

Multa petentibus, defunt multa.

D. Laboriosum negotium, multos filios genuisse.

R. A. Quid sub cœlo mihi non laboriosum dabis? præter vnā [vt creditur] voluptatem; qua tum nihil est in fine laboriosius; nihil, quod tot in animis linquataculeos: an non legis apud Flaccū, vt
Nil sine magno vita labore, dedit mortalibus?

An non audis, quid poëta alius non ineleganter, hac in parte, luserit. Cum enim bona omnia gratis nobis donata esse diuinitus pij omnes, vno ore, fateantur, non donata dicit ille, sed vendita, & pretium statuit labores. Sic enim ait:

Laboribus vendunt Dī nobis omnia bona.

D. Molesta est, tantorum sollicitudo filiorum. R.

An non inter veras sententias illa est, non posse inueniri vitam hominis, carentem molestia? Nec minus illam; omnem vitam esse tormentum? Quid fili; meruere? qui si defint, curæ alix subibunt. Crede mihi, quocunque te vertas, quemlibet

bet

bet fortunæ gradum arripias, & labores, & molestiæ, & difficultates vitæ aderunt. Quid lamentis inanibus opus est? *D.* Filiis multis premor. *R.* Sic dicis, quasi felicitate deprimaris tua, & vota prima mortalium, tibi cumulatius obuenisse, fers grauer: mirum genus impatientiæ. *D.* Quid verò tot faciam filiabus? Quis tot dotes expediet? *R.* Vnus est & foeminarum Deus, & marium. Is & filios tibi pascet, & filias. Utque illis ingenium, & viuendi artes, sic iis suas dotes dabit, Itaque sic scriptum est: Spera in eo, & ipse faciet, quod in te est. Optimum dotis genus fuerit, sic filias formare, ut vel absque dote, recto iudicio placere valeant, atque amari. Dotem habuit, Romanum Imperium Faustina. Et, quod reris, indotatæ castiores, eæque feliciores fuerint? Non facit faustum coniugiū dos, sed virtus. Fac, si potes, ut tuarum, non pecunia optabilis sit, sed pudor, sed modestia, sed integritas, patientia, humilitas: his ornata gemmis filia tuæ, hoc onusta auro, his anellis comitata, limen ad-eant coniugum, non diuitum, sed proborum; ubi tutior sæpius pudicitia, vitæque dulcior, quam in thalamis, atque atriis regum fuit.

De Amissa pecunia. D I A L. XIII.

Custodi melius, si non vis perdere nummos;

Amisiss nummis, anxietate cares.

D O L.

Pecuniam amisi. *R. A.* Et cum illa curas multas, periculumque perpetuum. *D O L.* Perdidi pecuniam. *R. A.* Et laborem custodiæ, & perdendi metum. Sic perdendo pecuniam, duo bona, vnum quodque & præstantius amisso; securitatem, & requiem inuenisti. *D O L.* Pecuniam perdidi. *R. A.* Bene, si te illa non perdidit: quod

iam multis possessoribus suis fecit. Noxia enim pecuniæ forma est : venenosus fulgor , ac pestifer. Itaque , velut serpens squamis aureis placens , mulcendo oculos animum ferit. Proinde , si hinc saluuses , gaude tibi ablatum , vnde infici posses : teque illæsum inter pericula transiisse , lætus stupensque recogita. Sin infectus , extirpatam mali causam scito , quo facilior ad salutem reditus sit. *DOL.* Amisi aurum , atque argentum. *R.* Quid , cœlesti animo , cum terrestribus purgamentis : qui virilius philosophantur , argentum atque aurum inter bona non numerant ; qui mollius , bona dicunt sed non animi : horum quicquid elegeris , siue non , bonum , siue non tuum fuit , æque nulla tibi est materia querelarum. Nam ut omnino bonum dici velis , quod multi , magnique negant viri , non tuum certe , sed fortunæ bonum , vel inuitus dices. Ita nec tu de tuo aliquid , nec de suo illa quidem perdidit , sed transtulit. *DOL.* Amisi pecuniam. *R. AT.* Ut non amisisses , si tua esset , sic si tua non erat , amittere nequiuisti. verè autem non tua , sed illius erat , quem sequuta est , immò , ne illius quidem , sed fortunæ [ut dixi] quæ eam cui visum fuerat , breuem ad usum magno sub fœnore mutuat. Disce iam tandem à propriis aliena secernere. *D.* Pecuniam amisi. *R. AT.* Si te adeò non tuæ quoque cruciant iacturæ , tibi que vel alienum aliquid demi dolles ; disce illa conquirere , quæ tua sint propria , atque perpetua ; quorum & acquisitio facilior , & possessio nobilior , certiorque. Virtutem si quaeris , non amittes. Vos autem sapientiæ contemptores ; cultorésque , & amatores pecuniæ facti estis. Obsurduisse videmini salubribus consiliis , ac monitiis , quæcunque per sanctos , atque erudi-

tos viros; contra hanc præsertim humanæ partem insaniæ, dicta sunt, Audistis Satyricum vestrum protestantem: Nam diues qui fieri vult, & cito vult fieri; atque his dictis addentem:

Sed quæ reuerentia legum?

Quis metus, aut pudor est unquam properantis avari?

Hanc sententiam Hebræorum Sapiens quam paucis absoluerat: Qui festinat ditari, inquit, non erit innocens. Audistis alium ex vestris, seu Satyricus sit ille, seu Lyricus, dicentem:

Non domus aut fundus, non aris acervus, & auri,

Aegroto domini deduxit corpore febres:

Non animo curas.

Dixerat hoc externus sapiens ille breuissimè. Non proderunt diuitiæ in die ultionis; & addiderat, quod prodesset: Iustitia enim, inquit, liberabit à morte. Cùm ergo pecunia, quam amissam luges, in necessitatibus summis, nec corpori possit opem ferre, nec animos; mirum cur tantopere, vel optari absens valeat, vel amari præsens. His, atque aliis motus orator vester: Nihil est, inquit, tam angusti animi, tamque parui, quam amare diuitias. At Orator ecclesiasticus: Avaro, inquit, nihil est scelestius, nihil est iniquius, quam amare pecuniam. Et quàm multorum in hoc vnum cōsentit, immò quàm nullius dissentit authoritas. Frustra quidem prævaluit Sapientium sententiis, vulgi furor. Itaque vt nullum ardentius votum, quàm pecuniæ est, vt ex qua pendere omnia quæ optantur, persuasum sit; clamant ab aduerso doctissimorum voces hominum, clamat experientia, & veritas; clamat vetus, & recens exemplorum turba: Magnam pecuniam nulli vtilem, multis fuisse pestiferam; cum peccato ac labore quæ-

rendam; cum sollicitudine, ac pauore seruandam; cum querelis, ac mœrore perdendam. Dicant pecuniarum amatores, quid vel in his verbis falsi, vel in suis opibus boni sit. Et ut vera sit æstimatio tam laudatæ rei, quid de hoc quisque viderit aut legert integrum, ac syncerum, spretis vulgi clamoribus, sepositis fulgoribus metallorum, ad memoriam reuertatur. Quia verò non omnibus videnti, experiendique fors eadem fuit, illa animum subeant, quæ famosis ab authoribus scripta, nulli vnquam docto legendi, audiendique defuit facultas. Nonne ergo pecuniam peregrinos mores intulisse, & molles diuitias turpi luxu, sæcula prius integerrima fregisse? Nonne ipsas quoque diuitias, auaritiâ, & abundantes voluptates, desiderium per luxum, atque libidinem percundi perdendique omnia inuexisse, & scriptum, & re ipsa sæpe compertum est? Nonne aurum semper egerit: Nonne nocens ferrum, ferroque nocentius aurum, sacrâque auri famem: Nil non mortalia pectora cogere, pecuniæque aspectu, debilitatos spiritus? Nonne aurum per medios ire satellites, & perumpere saxa potentius ictu fulmineo; atque hinc pudicitia simul, ac vitæ insidias prouenire? Imbre aureo Danaës expugnata virginitas, & vatis Amphiaræ Argolici casus probat, auaræque simul coniugis; vna si quidem ruinæ duplicis causa fuit, aurum fatale, quod bene spretum Argiæ Eriphila malè optatum, malè partum, illius penates irrupit, scelerumque ingentia femina nouit? Nonne opes falsas, & caducas; neque præstare posse, quod spondeant; neque lenire animi sitim, sed accendere; neque curas fugare, sed arcessere; neque necessitates tollere sed augere; verissimèque & propriè dictum:

Cura.

Crescit amor nummi, quantum ipsa pecunia crescit.

Et illud:

Neminem pecunia diuitem facit, immò contrà:

Nulli non maiorem sui cupidinem incussit.

Neque illud minus:

Crescentem sequitur, cura pecuniam, maioraq. fames.

Atque illud:

Multa petentibus desunt multa.

Et permultis eos indigere, qui permulta possideant; deniq; quicquid sint, non esse perpetuum, nec longæum quidem, vt quod positum sit in manibus fortunæ, sine intermissione volubilibus subiectum casibus, & saltem morte perdendum. Diues enim cum dormierit nihil secum auferet. Aperiet oculos suos, & nihil inueniet: neque id ipsum suum nihil, in quem volet transferet, quia in imagine pertransit homo: sed & frustra conturbatus thesaurizat, & ignorat, cui congregabit ea. His, ac mille similibus circumquaque sonantibus doctorum vocibus, hominum obstruxit aures infinita cupiditas, vt iam frustra diuitibus huius sæculi præcipiatur, non sublime sapere, nec sperare in incerto diuitiarum, sed in Deo viuo, qui præstat nobis omnia, abundare ad fruendum, bene agere, diuites fieri in operibus bonis. Nam qui volunt diuites fieri harum, scilicet, quæ vulgo optantur diuitiarum, incidunt in tentationem, & laqueum Diaboli, & desideria multa, & inutilia & nocua, quæ mergunt homines in interitum, & perditionem. Radix enim omnium malorum est cupiditas. Non magis hunc audiunt consultorem, quàm qui ait: Nolite sperare in iniquitate, & rapinas nolite concupiscere: diuitiæ si affluant nolite cor apponere. Neque hunc magis quàm ipsius filium dicentem. Qui confidit in diuitiis

fuis, corruet: neque rursus his omnibus magis illum, qui super omnes est, cuius doctrina celestis, nisi ab insanis planéque furentibus contemni nequit: qui profectò diuitias & diuitiarum comites voluptates, atque sollicitudines, spinas dixit, semen verborum salubrium suffocantes: dixit hoc, cuius in ore non est inuentum mendacium; viua, inquam, hoc dixit veritas. Verumtamen, putas, inuenerit fidem in terra? nullam prorsus, aut raram. Quas igitur ille spinas, suauitatem vnicam, atque dulcedinem mundus vocat. Et, quod ait quidam, gemmas; & lapides aurum, & inutilem summi materiam mali, summi omnis materiam boni putant: certatimque omnes, vt summum bonum, præ omnibus appetunt. Iamque in vrbium plateis, hæud ironicè proclamatur:

O ciues, ciues, quærenda pecunia primum est:

Virtus post nummos.

Atque illud alterius.

Vende animam lucro, mercare atque exerce solers,

Omne latus mundi.

Sic nondum intellectum Dei munus, sed magnū Dei pauperies opprobrium, iubet quidvis facere, & pati. Verumque quotidie cernitur, quod ab alio dictum est.

Pars vilissima rerum.

Certamen mouistis opes.

Quis enim, quæso, non hodie sceleris insigni præmio, & occasione proposita:

Fas omne abruptis, l'è ydorum obtruncat, & anro

Vi potitur.

Pone fidos fratres, pone vnanimis amicos in consilio, in conuiuio, in chorea, dehinc modicum inter illos, non dicam pomum aureum, sed pomi
frustrum

frustum iacta, discordia his olim armis vti solita, gladiis seria, iocique frangentur. Sicut autem auro nil scelestius quaeritur, sic, ut ad rem redeam, nil moestius perditur. Peccatum nempe ingens, animæ iactura contemnitur, proximumque illi famæ damnum spernitur, & amissum tempus, inter leuia numeratur. Lentè flentur fratres perdit; lentius parentes, lentissimè coniuges; sæpe verò lætissimè. Solæ opes flentur acriter; verissimumque est illud;

Ploratur, lachrymis amissa pecuniâ veru.

Sed multa iam diximus, de quo nunquam satis, nunquam parum, semper minus dicitur; quia pecuniæ ad amorem obstinatis animis, nil dicendo aliud quaeritur, nisi odium, aut contemptus; quicquid vulgatis obstat erroribus, vel simulatum creditur, vel insanum. *D. Perdidi pecuniam. R. Exprobratus es; te diuitem somniabas. D. Pecunia, quam amabam, perit. R. Pecuniæ neque amorem, neque odium, sed frugalitatis studium, avaritiæque fugam laudo. Ut amare enim, pusilli animi, sic pati non posse aurum, infirmi est, parumque sibi fidentis atque auro succumbere metuentis. Magnus ille est, inquit Annæus, qui fictilibus sic utitur quæadmodum argento: nec ille minor est, qui sic argento utitur, quemadmodum fictilibus; ut intelligas, seu vitium, seu virtutem non in rebus esse, sed in animis: nec amatorem pecuniæ, nec osorem, sed absentis contemptorem, præsentisque dispensatorem egregium, magnum putes. Hanc sententiam, me dictante, scripsit Cicero. Cum amorem enim diuitiarum angusti, paruique animi dixisset adiunxit: Et nihil, inquit, honestius magnificentiusque, quam pecuniam continere, si*

B. j

non habeas; & si habeas, ad beneficentiam, liberalitatemque conferre. Vt oritur certa claris testibus. Et o vtinam mihi, simulque illis omnibus fides esset. Nusquam enim humanum genus tam incredulum, seu tam furdum esset. Inexhaustus labor hominum; quærendique ardor, terrasque, & maria versans probat auaritia; atque amore, cultuque diuitiarum, non modo virtutibus, sed vitæ odium indictum. *D.* Pecuniam magnam amisi. *R. A.* Magnum pondus, & durum, & graue simul custodis officium, vt incipiens dixi. Nempe de dominis, vos custodes imperiosa cupiditas fecit; omnia facere, atque omnia pati iubens; sola vt pecunia cumuletur, ac seruetur. Ita, quæ, in opportunitates, vsusque hominum inuenta erat; in metum, ac sollicitudinem versa est. Timere, & angere, & circumspicere, domorum incendia, furum insidias, & seruorum fugam, neque aliis prodesse, neque sibi, sed exanime tantum, & inutile aurum incubare, hæ diuitiæ vestræ sunt. *D.* Pecuniam domi dimissam abstulit, nescio quis. *R. A.* Vile, & caducum est, & certè non proprium, quod furto, vel vi eripi potest. *D.* Pecuniam in loculis consignatam, non inuenio. *S.* Dicam tibi, non antiquam rem. Fuit nuper apud Italicos nobilis, & egregius quidam vir, possessionum antiquatum diues satis, ditior virtutum, sed pecuniæ non ita, vt cuius non custos, sed dispensator, ac dominus esse didicisset. Erat illi filius primogenitus, fori negotiis apprime industrius, qui vigili cura, & parsimonia ingenti, magnas opes, multumque auri quæsierat; & erat [mirum visu] in patre senæ, iuuenilis largitas, in iuvene filio senilis tenacitas: sæpè illum pater hortabatur, ne suum ingenium fraudaret, ne pietatis obliuisceretur, ac famæ, né-

uc in

ue in comparationem auri & decus, & debitum, & naturalia sibi iura vilescerent. Deuique vt sibimet, & annosæ matri, & fratribus paruis, & consanguineis, & amicis, & egentibus prodesse aliquando diuitias suas vellet. In hos enim vsus, non in eustodiam tantum, ac supplicium partas esse dicebat: hoc pater; sed frustra, vel surdo canitur, vel auaro. Contigit tandem pro rep. filium abesse, & cum electis viris ad Romanum Pontificem proficisci, quo digresso, statim pater occasione arrepta, nouis thalami arculeque clauibus introgressus, thesaurum nulli vtile, e latebris eruit, seque, & coniugem & filios, familiamque omnem exquisitissimè induit, emit equos ornatissimos, vasa argentea, supellectilem speciosam. Vltimo, domum amplam, sed minimè cultam, nouis auxit ædificiis, & picturis insignibus adornauit, muniuitque rebus omnibus, quas liberalis, & lauta, & abundans vita exigit: multa præter ea pauperibus dedit. Sacculos verò in quibus aurum illud filij fuerat, arena, lapillisque flumineis plenos obstructosque, & obserata omnia, quæ prius in statâ fuerant, admisit. Quæ cuncta breuissimo tempore gesta sunt, quod & voluntas egregij senis, & pecunia prompta esset. Redeunti de hinc filio, fratres obuï fuere. Quorum ille occursu hæsit, indumenta, atque habitum miratus, qualem antea non vidisset, quæsiuitque cuius essent equi, vnde illæ vestes, lati, atque omnium ignari, simplicitate puerili, domini patris esse, multosque alios domi in stabulo substituisse dixerunt: vtrumque etiam parentem, multiplici, ac regio esse vestitu. Magis ille, magisque singula mirari. Inde vbi paternæ domus limen attigit, vix parentes, vixque ipsos parietes recognoscens, nec

admiratione iam simplici, sed stupore plenus, atque extasi, thalamum, atque arculam festinus adiit, ubi cum exterius nil mutatum cerneret, parumper animo conquieuit. Et quoniam collegarum praesentia, ac festinatio amplius non sinebant, raptim arculam aperuit, sacculisque conspectis solito more turgentibus, atque obstrusis, iam securus abiit: mox negotio publico expedito, domum rediēs in thalamo se inclausit, arculam aperuit, sacculosque introspectit, aurumque in arenam versum reperiens exclamavit. Accurrit pater, & quid, inquit, rei est fili, quid quereris, aut quid fies? Amisi, inquit ille, pecuniam, quā multis quaesitā vigiliis, multisque laboribus, in his sacculis dimiserā, spoliatus tua sum in domo, pater. Ad hęc genitor: quomodo, ait, spoliatus es, non ne sacculos omnes plenos video? Ille autem gemens: Arena, inquit, pater, non pecunia est. Simul hęc dicens, apertos patri sacculos ostentabat. Tum senex, fronte nihil mota: Quid hinc refert, fili, apud te arena, an pecunia pleni sint? Memorabile dictum, praeculaque sententia: siquidem apud multos ociosa pecunia est; nilque agit aliud, nisi quod locum occupat, atque animum; apud plures malè, atque improbè operosa: apud paucos demum fructuosa est. D. Amisi pecuniam, quam amabam. R. Turpi amore relaxatus es. Nam amor pecuniae, avaritia est. Minus hanc amabis, minus hanc optabis. Nam & illud Satyricum experimento cognitum; quod minus hanc optat, qui non habet. Optanda autem amissio est magni, & boni, cui inseparabiliter malum maius adiunctum sit. D. Amisi dulce vitae praesidium. R. Quid scis, an amarum potius excidium? Plures multò propter opes, quam propter inopiam perire.

*Ante oculos damnum est, si fias sponsor amici,
Ex magno reputes, si meris ille, lucro.*

D O L.

VAdimonio exagitor. R. Amissam modò pecuniam querebare; iam proiectam quere-
ris. Nonne, ultro te obligans, pecuniam
proiecisti? Vulgaris insania plurimorum, qua per-
facile, & pecuniam perdideris, & amicum. D. Pro
altero fidem obstrinxi meam. R. A. Pro te ipso eam
solues; & nil debere, ac sine compedibus agere,
quàm iucundum sit, tuo disces incommodo. D. Va-
dem pro amico dedi me. R. A. Da post hac amicis e-
gentibus aurum, argentum, vinum, oleum, frumẽ-
tum, vestes, domos, prædia, consilium, solatium;
cum amicis demum omnia partire: vnam tibi, ha-
be, nullique vnquam tuam dederis libertatem. D.
Promisi pro altero: iam soluendi dies adest. R. An
tu affuturam ignorabas? an te victurum non spera-
bas? an non heredem saltem tuum cogitabas, quẽ
spontaneis vinculis inuolueres? Bene autem ha-
bet quod in caput errantis, poena redũdat erroris.
Sentio autem, dilatio te fefellit. Medis promif-
sionis inter, ac solutionis diem spatia, vana men-
te metimini: quæ, vt reliqua tempora, longa vi-
dentur, dum spectes; dum præteriere breuissima.
Volante enim horæ, dies, noctes, hebdomadæ,
menses, anni, lustra, secula, & quæ distantissi-
ma iudicantur, in foribus sunt. Itaque, quid in
paucorum interstitio mensium nunc stupetis, si
aperri essent oculi, clarè quidem multis in sæcu-
lis videretis. Sed vos, quasi tempus desiderio ve-
stro pareat, non naturæ suæ; non venturum vo-

bis terminum, nec ituros dies fingitis; atque hac spe, velut oculis clausis, præcipitium præteruecti, verbo placidi vobis esse videmini; & urbani pro alio promittentes; quasi non verba hæc, & promissa clandestina, mox in publicum eruptione tumultusque rerum maximos allatura sint. *D.* Despondi pro amico. *R.* Amicorum indigentis, scis præsentis, si quod adest, remedio succurrendum. Non te illaquees, atque in crastinum nil promittas; quod non dicerem si succurri aliter, quam promittendo non posset. Nunc quid attinet promittere; quod, si implere non possis, stultè facias, at si possis, superuacue. Sed vos rerum auarissimi estis, & prodigi promissorum; quasi verò res ipsas, promissa illa non exigant. Quod si dicas, defuisse in tempore ferendæ opis facultatem, fuisse autem de futuro spem, qua postmodum destitutus sis: Nondum ergo didiceras, ut fallacissima rerum omnium spes est? Nihil inuenias, quod tam crebrò vos fallat. Nihil est tamen, cui tam cupidè credatis; tam subdola, & tam blanda est: ita se dulciter, ac latenter insinuat; sic inuita diuellitur. *D.* Vadimonio me addixi. *R.* Credo oblitus illud Thaletis Milesij celebre documentum: Vadimonio adesse noxam: & quid de hoc ille vir sapiens dixerit, quod memorasse non inutile crediderim, quodque in latinum versum ab Ausonio ad hunc modum sonat:

Sponde, inquit, noxa præstò tibi est.

Per mille possem currere exempla, ut probem prædes, vadesque poenitudinis reos; sed nolo nominatim quemquam dicere. Sibi quisque verum dicat, & secum paret, spondere quanto damno fuerit, & malo. *D.* Memet ipsum sponte obligans, erravi. *R.* Error hic, purgatorio igne, post obi-

obitum, non egebit: vbi admissus est, purgabitur; de illorum enim genere est quæ suum supplicium secum ferunt. D. Promissione me obstrinxi. R. Solutione te libera: & quem lingua vinculis innexuit, manus soluat; proderit vinctum fuisse, cum euaseris; laqueos semper horrebis.

De Temporis amissione. DIALE. XV.

*Res damnosa malis tempus consumere rebus,
Expendas melius, quod tibi nunc superest.*

D O L.

Temporis amissionem fleo. R. Effet hęc eõ iustior, quàm superior querela quò leuior est pecuniæ iactura, quàm tēporis; quod, nec necessaria ad bene viuendum est pecunia, & amissa, restaurari potest. Tempus & necessarium, & profus irreparabile est; nisi quia nolenti pecunia, volenti autē tēpus eripitur: quanuis illud fatear; grauiora damna esse, quæ culpa patientis exaggerat. Iustam tamen querelæ causam nego, vbi qui patitur, volens patitur. D. Nolens ego tempus amitto. R. Quis nolentē cogit, nisi cupiditas occupationū mater? Solū hoc vnum vitium, ait Comicus affert senectus hominibus. Attentiores sumus ad rem omnes, quam sat est. Senes hic quidē notat: omnes verò iam senes in hac attentione facti sunt: omnē ætatē, omnē statū, omnē sexum inuasit auaritia. Hæc tēpus miseris, & respectū vitæ brevis hominibus eripit. In hanc vnā rem solliciti, æuū omnē consumitis; vestri, & vestrarū penē iā immemores voluptatum; quæ pestis; si nolentes inuadere posset, & nolenti tēpus eripi, & iusta esset, super pretiosissimæ rei amissione, querimonia. D. Non mihi cupiditas tempus extorquet, sed necessitas. R. Quanam, quæso necessitas est ista, quæ tibi præ-

ripiat, quod vnum ex omnib. tuum est? Ita dico; diuitias, honores, potentiam, clientelas, imperia, & quæ sunt eiusmodi, suo iure dat, atque eripit fortuna, tempus inuito non eripitur; sed ipsum per se sensim defluit, non vtenti; paulatimque consumitur. Nec ante perpenditis, quàm consumptum est; querelæ sonant seræ, & inutiles. Fletur temporis amissio, sed siletur culpa. *D.* Me necessitas sola cogit tempus amittere. *R. A.* Quæro iterum, quænam hæc tam violenta necessitas? nisi fortè dominorum negociis implicitus, tua negligis: quasi verò non ad hæc te sola cupiditas, & inexplibilis lucri spes impellat. Pone cupiditates proprias, dominorum cupiditatibus non parebis. Sed hoc virus immedicabile venis infusum, & pererrans viscera, sensum hebetat. Et non solum tempus, sed libertatem, vitamque ipsam non sentientibus eripit. Quod si fortè, nec tuis, nec alienis cupiditatibus, sed curis honestioribus, tuæ Reipub. tempus impenditur, non hæc temporis amissio, sed laudabilis est impensa; rem caram rei omnium carissimæ, quæ in terris sunt, largitus, & viri boni, & ciuiis egregij fundus officio es: quanuis non ignorem homines, quicquid, præter auaritiæ studium agitur, vulgò tempus perditum vocare, cum id demum maximè, vereque sit perditum, quod illi studio tribuitur. Ecquid scimus, an tu quoque populariter perditum tempus voces? quod si crederem, omissa incurabilis morbi cura, non iam tempus, sed te ipsum malè perditum faterer. Nam si tempus [quod maluerim] Deo tuo, non dicam, donas, se restituis; quod sine vera non geritur pietate; ingens, atque inæstimabile lucrum scito. Pro paruo enim temporis impendio; æternitatem quæris. Quis vnquam mercator permutatione tam pro-

spe-

spera usus est? *D.* Prorsus alia mihi perdendi temporis causa est. *R.* Non intelligo, quam tu mihi causam dicas. Nam si propter iram, propter mœstitiã, propter amorem, seu aliam animi passionem cogi credis; falleris. Omnium eadem est ratio, quam avaritiæ diximus; omnes voluntariæ: nulla est violenta: quod & sano patet intellectui, & à Cicero ne multis in locis disputatum, & creberrimè repetitum est. Si nil horum est in causa; quid aliud est, quàm torpor, & ignavia? Sic ad id reuertimur, quod ait Seneca: Turpissima est iactura, quæ per negligentiam venit. *D.* Ut amittam tempus, mœsta necessitas me cogit. *R.* Nondum capio quid rei sit. Nam si te hostis in vinculis habeat, si mors instet, possunt [fateor] actus bonos impedire, sed nō pios, sanctosque cogitatus; qui maximè in eo statu eminent, atque effulgent. Quibus enim curis tempus certè non perditur; nescio an alibi usquam minus. Quæ profectò & in dolium Reguli, & in taurum Phalaridis introire possunt, & in crucem Theodori Cyrenensis ascendere. Sic quocunque te verteris, in te vnum amissi temporis culpa reflectitur. At vos, ex more, naturam accusantes, quæ volubile tempus fecit; cum hic non esset æternitas, in omnibus vosmetipsos absolvitis, cum rei omnium soli fitis. Omne enim ferè tempus perditis, immò proiicitis, & quasi rem vilem, abiectamque contemnitis: quòd utinam in virtute saltem, aut gloria poneretis, non in summa semper infamia, in expiabiliq̃ dedecore: quanquam verè quicquid non in eos usus vertitur, in quos datum est, perditum dici possit. Ad hoc fanè nasci hominem, ad hoc enim tempus dari constat, ut creatorem suum colat, amet, cogitet; quicquid hinc excidit, perditur haud dubiè. Videte igitur

quantum perdit tempore, quantumque non perdit.

De Aduerso ludo taxillorum. DIAL. XVI.

*Ale si rapui nummos, & labile tempus,
Fac reuocet cupidas alea nulla manus.*

D O L.

Taxillorum in ludo perdidit. R. Nonne tibi dixeram, dum vinceres, fœnus id esse, non iurum. D. Ludo exhaustus sum. R. Hic est ludo illimos, qui Medicis, per exiguo ingesto, plurimum exhaurire. Crede autem mihi, nunc potius gaudendum, quam dum falso gaudio exultabas. Melior est acris castigatio, quam blanda fallacia. Illud te lucellum ad ludi voraginem vocabat. hoc te damnum inde retrahet. Satius est turpi freno rectum iter agere, quam habenis aureis præceps in deuium agi. D. Amisi in ludo taxillorum. R. Vicisti in ludo morum, si quid egeris, profundius attendisti: alioqui morbo insanabili frustra remedia cogerentur, si ab hoc baratro, nec te damnum reuocat, nec pudor: ubi rebus nil proficitur, ne quicquam verbis aggrediare.

De Sponsa alteri adiudicata. DIAL. XVII.

*Esto animo forti, tua si tibi sponsa negata est;
Nam, qua te cruciet, semper habere potes.*

D O L.

Spensam mihi sententia iudicialis eripuit. R. Ast aliis fraus, aliis vis aperta. D O L. Iudiciali sententia sponsam amisi. R. A. Quidam dolis, ferro alij, quidam [quod fœdissimum genus] auro ipsas coniuges amiserunt. Nihil proprium est homini; hinc furta, & insidiæ, hinc rapinæ, hinc preces, hinc prelia, hinc vltima rerum mors: per hanc

hanc rotam temporalium bonorum dominia
voluuntur: quodque est vnius, fit alterius, mox
ad alios transiturum: quod si in rebus vtilibus
ferendum, in damnosis, ac grauibz plaudendum
est. Quid miri autem volui humana? homo ipse
voluitur, & non stat: sed, vt scriptum est, quasi flos
egreditur, & conteritur, & fugit velut vmbra, &
nunquam in eodem statu permanet. Tu sponsam
quereris amisisse: qui fugiendo, & in horas de-
crescendo, assidue te amittis. *D.* Sponsam in
iudicio amisi. *R.A.* In campo alij: tutius est iure
congradi quàm bello; legibus decertare, quàm
gladiis: legisti apud Vergilium, inter illos Lauinię
competitores, quanta lis, & quis belli finis? Victo-
rem spōsa sequitur, victum mors, tibi sponsa per-
dita, salua est vita. *DOL.* Iudex me priuauit spon-
sa. *R.A.* Adulter, aut raptor forsitan te priuasset.
Leuius est sponsam amisisse, quàm coniugem. In
illa enim spes perditur, in hac, res. Minor est au-
tem sperata, quàm possessa rei; siue vt aliter i-
dem, leuior spei iactura, quàm rei. *D.* Amisi spon-
sam in iudicio. *R.A.* Non amisisti; sed tuam non
esse didicisti. *DOL.* Amisi sponsam. *R.A.* Qui a-
mittit coniugem, multiplici ægritudine libera-
tur; at qui sponsam, præseruatur: vtrumque bo-
num, sed secundum melius. Quid ni autem sit me-
lius, nullum pati vulnus, quàm inflicto vulnere re-
medium inuenisse? sed vos animorum impulsu
[vt Satyricus ait] & magna, cœcaque cupidine du-
cti, coniugium optatis, quod adepti, perpetui trax-
diis, & immortalibus agitetis querimoniis, & tum
facti pœniteat, quum non factum esse, non potest,
quumque inefficax pœnitentia, & inanis est.
DOL. Sponsam, & spem prolis amisi. *R.A.* Noli la-
menta miscere. Illa enim pars est altera præcipi-

tis mortalium voti. Sic enim ait: Coniugium opta-
tis. partumque vxoris. At non semper placitura,
sed profutura dant superi. Tenes apud Apuleium
Medaurensem, vt latronum lapsa in manus misel-
la illa virguncula, vnam triuij in partem, vbi peri-
culi plurimum, loro flectite eum, cui in federat, asel-
lum, ille in aduersum nititur, quia securum iter e-
rat, & incautam puellam in sua damna tendētem,
tacitus arguit, quibus ita luctantibus, latrones,
quos euasisse videbantur, interueniunt, à quibus
in captiuitatis miserias virgo, in suam perniciem
studiosa retrahitur? Haud absimilis inter diuinam
prouidentiam, & humanam stultitiam, de itinere
vitæ huius est quæstio. Illa futuri præscia, cò vos a-
git, vbi dulcia; & secura sunt omnia. Hec obnititur
cæca quidem, & miseris suis fauens. Inter moras
sæpè, quæ vitari poterant, obsequendo, & crede-
ndo, inopina vos mala corripunt. D. Succubui in
iudicio, & amisi sponsam. R. Dignus es vicisse. Nam
duobus de vna muliere certantibus, qui mulie-
rem habet, is perdidit: qui vicit, is est victus, qui
vincitur, is est victor, & liber.

De Vxoris amissione. D I A L. XVIII.

*Vtile Consilium Paulus dedit, excidit vxor,
Non quaras aliam, sic bene liber eris.*

D O L.

VXorem heu perdidit. R. A. O præposterum
ingenium, stupendumque hominem, qui
vxoris in funere lugeat, saltet in nuptiis. D.
Vxorem perdidit. R. O demens; hymenæum cane.
Nunc est tēpus, coronatū, vinctū vidimus, dignio-
ribus

ribus iam fertis accingere. Magno prælio vicisti, & longa obsidione liberatus es. *D.* Vxorem perdidisti. *R.* Sic disis perdidisti, quasi qui febrem perdidit, aut scabiem. Interdum lucris species est perdere. *D.* Vxorem perdidisti. *R.* Nunquam tibi fortassis optimiorem quæstum vna lux attulit. Quantis compedibus clapsus es, quanto naufragio enatasti! *D.* Sed vxorem bonam perdidisti. *R.* Solent id quidem omnes dicere, & qui contrarium sciunt. Ego autem, etsi bona vxor, vel omnino mulier bona. rarum, mirumq. animal sit in terris; vitandæ tamen altercationis causa, permiserim vxorem tibi, qualem dicis, amissam. Neque ideo respondebo, quod olim, dum hæc eadem quæstio ageretur, apud Senecam, respondi: Posse te aliam bonam; vel si feceras, facere; vel si inueneras, inuenire. Muto sententiam. Nolo te sæpius rem periculosissimam retentare; quod, etsi semel bene cesserit, stultè repetitur. Citius centum sui similes mulier mala, quàm vnâ bonam reperiet. Quamobrem, qui malam habuit, similem timeat. At qui bonam, similem ne speret: sed vterque pariter, ille aduersitatem cumulare, hic prosperitatem suam deformare caueat. Sic in omnem casum, secundo coniugio abstinendum. Tu nunc ergo: si, ut ais, bonam coniugem amissisti, præterito potius gratulare, quàm futuri spem concipias: neque, quod puppe integra littus attigeris, crebrò nauiculam ventis credas. *D.* Coniugij vinculum, quo tenebar, mors dissoluit. *R.* Nolite rursus innectere: cogita, quam optabilis, quamque incomparabilis sit libertas, & consilium Ciceronis amplectere: Qui vxorem viuacissimam, & aduersus quam, frustra mortis auxilium, expectandum esset; dum repudio dimisisset; hortantibus amicis, ut aliam duceret; Non posse simul se-

uxori & sapientiæ studio dare operam, respondit.
D. Vxorem bonam perdidi. *R.* Quid si hoc etiam
 non iactura, sed lucrum, & magni fuga periculi est?
 Ut enim sit bonam reperire, constantem vbi qua-
 rimus? Notum illud summi vatis;

*Vartum, & mutabile semper,
 Fœmina.*

D. Vxorem bonam, ac iuuenili ævo floridam a-
 misi. *R.* Parum ne igitur noti fœminei mores sunt?
 Quàm multas pudicissimas adolescentulas, impu-
 dicas, ac lasciuas anus vidimus. Ardor nempe libi-
 dinis, quoties vetulæ ossibus incubuit, quasi ignis
 in ligno arido violentius æstuat. Vel instantem ex
 gò vitæ mutationem, vel vt inde periculum non
 esset, venturæ vtique senectutis pondus, ac fastidiū
 declinasti. Graue iuuenibus coniugij ingum, seni-
 bus granitissimum, durum, importabile. *D.* Amisi
 iuuenem vxorem. *R.* Seu proles ex coniugio qua-
 ritur, seu voluptas; quorum alterum mariti est, al-
 terum adulteri: ad vtrum libet aptior iuuentus. Si
 ue his autem ab vxore perceptis, siue eorum alte-
 ro, eò illam peruenire optabas, vbi inhabilis ad v-
 trunque esset; siue ad hæc naturâ inhabilem, senio
 fieri posse habilem sperabas; quid, nisi votam su-
 peruacuum, spes insulsa est? *R.* Amissa dulci coniu-
 ge, solus sum. *R.* Inuidiosa verò solitudo est, malis
 caruisse comitibus. Vacuo nihil est mollius cubi-
 li nihil durius occupato; animis dulces somnos,
 & vigilias honestas amantibus, honestumque ali-
 quid, altumque versantibus. Nil egregiis cœptis
 infestius muliebri consortio. Nec me fugit, quod
 aduersus hæc dici solet ab his, quos miserix
 delectent suæ; matrimoniorum, inquiunt, exper-
 tes; matrimonia condemnant. Et, vt est in proue-
 tio

bro vulgari; Vxorem verberat, qui non habet. Ego contra, nullos de coniugio queri solitos audiui, nisi qui sarcinam coniugij pertulissent. *D.* Coniugem amicum optimam. *R.* Et quæ optimæ, quæque virorum amantissimæ videntur, zelo ac suspitionibus aliquantò cæteris acrius inardescunt, quo incendio conflagrare pacem domesticam, est necesse. Quorsum igitur querelæ? Perdidisti vxorem, inuenisti libertatem, cælibatum, pacem, forum, requiem. Iam tranquillam sine litigio noctem ages. *D.* sine vxore sum. *R.* Et sine aduersario iam tui, rerumque dominus tuarum esse incipis. Ante lucem lectulo matutinus domo egrèdi, vespertinus regredi, solus, aut cum quibus voles, totos dies agere, nullo rationum exactore, permittentis. *D.* Vxorem perdidi. *R.* Perdita dudum, ac repudiata requies in cubiculum reuocanda erit. Illa tibi vxore qualibet vtilior comes. *D.* Vxorem bonam, ac decoram perdidi. *R.* Stultie s. compedes suas, quanuis aureas, amare.

De Importuna vxore. DIALOG. XIX.

*Est mala crux, & nimis mala, crux tamen illa ferenda est;
Quâ, nemo, nisi mors, te releuare potest.*

D O L.

VXorem patior molestam. *R. A.* Felicius amissæ. Atqui modò perditam querebare. *D.* Vxorem patior inquietam. *R.* Primo labori venia forsàn, aut miseratio, secundo non nisi odium debetur, & quem vna vxor non castigat dignus est pluribus. *D.* Infestam patior vxorem. *R. A.* In aliis vtcunque fortunam culpes, in vxore autem, præsertim altera, non alium quàm te ipsum hoc tibi malum tu fecisti. *D.* V-

xorem, patior procacem. *R.* Vdas succende paleas, regulas frange, de reliquo prouisum tibi est; ita verò cumulata, quæ te domo pellant, aderunt fumus, stillicidium, atque vxor. *D.* Perfidam patior vxorem. *R.* Iam periculo res non vacat. Vxor Agamemnonem, vxor Africanum morti dedit: vt Amphiaraum, vt Deiphobum, vt Sansonem fileam, aliosque, quos numerare longum est. Illi quidem prorsus innumerabiles, quos vxores nec mori cogunt, nec viuere patiuntur. *D.* Mala mihi notissima explicas; remedium quaero. *R.* Erunt, qui suadeant, vt castiges & prauos mores ad rectum reuoces; totum te huic vni negotio impendas. Ego autem quid? castigandam vxorem, si castigando proficias, non nego: si id frustrà est, sola restat patientia: hanc amare; quidque inuitus faceres, volens fac. Est Varronis Satyra, Menippeam vocant, de officio mariti. Ibi de hac re illius docti viri consilium breue, sed efficax his verbis expressum leges:

Vitium vxoris aut tollendum, aut ferendum est.

Hic tollendum ponit, pro, Corrigendum, & dicti ratio breuis quoque, sed elegans, hæc affertur.

Qui tollit vitium, vxorem commodiorem præstat, qui fert, si se meliorem facit.

Quod dictum scriptores alij sic interpretati sunt: eiusmodi vitium vxoris, si corrigi non possit, ferendum esse, quod fieri à viro salua possit honestate; quòd vitia nempe, flagitiis leuiora sint: eamque, non aliam sententiam fuisse Varronis. *D.* Procax, & morosa est vxor. *R.* Fer mores, si immutari nequeunt, & qualiter foris viuas, domi disce cum Socrate: & si ille duas simul pertulit, alij plures, vni tu ne succumbas sarcina? *D.* Molestam vxorem habeo. *R. A.* Cui verò non possit vxor mole-

molesta contingere, nisi qui se nuptiis constanter abſtineat; cum & Adriano principi, & quo nil altius, nil mitius Auguſto, Sabina illi, huic Scribonia, vtraque coniunx dura, & peruerſa moribúſque aſperis, digna repudio. Et Catoni Cenſorio tam rigidi, támque inuiſti viro animi. cum Paula quædam violenta vxor, ac ſuperba contigerit; quod mireris humili etiã orta progenie, ne quis hominum ſperet ignobilitate, vel inopia, vel omnino aliter, quàm perpetuo cælibatu, cõiugij ſubterfuſiſſe moleſtias: ſed quas fuga non euaserit, patientia perferendas ſciat: nec luſtando, nec calcitando ſe torqueat, ac iugum ſponte ſuſceptum iactabundus exaſperet. *D.* Importunam proſus, & indomitam fero vxorem. *R.* Bene ais, ferendum eſt enim quod deponi nequit, etſi premat. *D.* Moleſtiſſimam habeo vxorem. *R.* Habes vnde patientiæ laudem quaeras, vnde diſcas requiem optare: vnde peregrinari ames: reditumque oderis: vbi vocem exerceas, ac bacillum.

De Raptu coniugis. D I A L. X X.

Anſugite coniunx, gaude, tibi lerna malorum.

Fugit, nam talis nulla fidelis erat.

D O L.

VXor mihi præripitur. *R. A.* Violentum omne moleſtum patienti, fateor. At res ipſa, ſi per te illam æſtumes, quàm quaſo, tantæ moleſtiæ cauſam habet? Cum proſecto, ſi importuna eſt vxor, eius amiſſio magni oneris ſit leuamen. *D O L.* Rapta eſt coniunx. *R. A.* Si incommodum corporis curanti, præmium debetur, quid non leuanti animi languores, ac moleſtias debeat? Si quiſtibi medicus tertianam febrem

abstulisset, & gratiam illi haberes, & pretium da-
res: quid nunc facias continuam auferenti? *D. L.*
Rapta est vxor. R. Nescis quid raptori debeas: cura
 ingens, indecisumque litigium, vna cum coniuge
 forsit, & graue periculum tuę domus limen ex-
 cesserit. Multi perierunt, qui vixissent, si vel ra-
 ptu, vel aliter coniugibus caruissent. Inter vitę
 mala, nihil peius, quàm intestina discrimina. *D.*
Rapta vxor abiit. A. Si coacta iuit, ignoscito: at si
 volens, vno actu duplex tibi quaeritur vindicta.
 Nam & adultera suum ad raptorem abiit: & ille
 tum virus suam transtulit in domum. Qualem e-
 nim mœcho speret, quæ talis fuerit marito? *D. L.*
Vxor cum raptore libens abiit. R. Sine paululum,
 Alteri quidem alterius fastidium non longa dies
 attulerit. Si ante flagitium cogitarent homines,
 non eo vsque præcipites ad peccandum essent.
 Nunc feruidos appetitus fera damnat poenitentia.
 Nil nisi post factum cernitis: a tergo oculos habe-
 tis: cæca frons est. *D.* *Rapta est vxor mihi. R.* Hoc
 genus iniuriæ, nec reges euadere potuerunt: & Sipha-
 ci Massinissa, & Philippo. Herodes suam abstulit.
D. *Rapta est mihi coniunx. R.* Quod semel tibi, bis
 accidit Menecleo.

De Vxore impudica. D I A L. X X I.

Purgit adulterium petulantis coniugis: aufer:

Durum discordes est habitare domos.

D O L.

Impudica vxor domi est mihi. *R. AT.* Mallem
 rapta esset, aut etiam importuna, moribusque
 asperis potius, quàm lasciuis ac turpibus. Fe-
 renda tamen omnia ingenti nisu, ingentique ani-
 mo, & rerum mortalium contemptore: innu-
 me-

merabiles sunt hominum miseriae, quibus omnibus una virtus obiicitur. D. Impudica mihi est vxor. R. Pudicitia insignis imperiosas efficit matronas. Nihil metuit, quæ sibi nihil est conscia. Huic malo igitur hoc saltem boni inesse iam molesta minus incipiet, minusque insolens. Laxa enim conscientia, foemineum premit animi tumorem, & sæpè obsequentior in reliquis viro est; quæ se meminit impudicam. D. Lasciua est vxor. R. Non mirandum, si formosa: non curandum, si deformis. D. L. Vxor impudica est. R. A. Pulchra dum limen vxor subit, subire debet animum illud Satyrici:

Rara est ad. o concordia forma,

Atque pudicitia.

Nam si turpis infaniam propè gaudendum est causam adesse diuortij. D. L. Adultera vxor est. R. A. Adulterium sæpè quidem æquè ardentius expetiti coniugij; sæpè vnum alterius adulterij pœna est, eoque iustior, si multorum. Cogita an tu vnquam aliis feceris, vnde hoc tibi fieri ab alio nunc dignum sit. Iniusta enim, atque impudens est querela pati quod fecerit, indignantis. Et ab alio expectari alteri quod feceris, lex moralis iubet. Et facere aliis, quod tibi ab aliis fieri velis, sanè adeò digna est, vt illud profani etiam, cogente sententiæ grauitate, atque æquitate, laudauerint. Sed mortalis petulantiz licentia, legum salubrium abrogatrix, omne fas, nefasque confundit. Itaque passim adulteri occurrant, qui cum thalamos vicinorum, coniugiæque foedererint; suas interim coniuges, vel in publico cerni nolint: & si quis in illas oculum deflexit infaniant. Sic seuerus aliis, sic indulgens sibi, sic iniquus rerum arbiter quisque est. D. L. Coniugalis mi-

C. ij

hi fides frangitur. *R.* Vide ne tu hanc aliis, non maritis tantum, sed uxori tuæ fregeris. Nam sunt, qui ab uxore exigant, quod non præstant, qui lasciviâ suam titulo urbanitatis excusent; alienam, ut gravissimum scelus, severissimè punientes: qui cuncta sibi cum permiserint, cuncta aliis negent, Iniquissimi iudices, qui te pudicitia iudicent: impudici impunè passim agunt omnia: & ceu soluti legibus, vaga libidine rapiuntur. Uxor oculum parumper inflexerit adulterij rea fit; quasi verò domini, non mariti ipsi quidem; illæ autem non uxores; diuinæ, atque humanæ domus sociæ; sed captæ ex hostibus, aut emptæ pretio sint ancillæ. Cū etsi obsequi plusculum, fidei nihil plus tua tibi coniunx debeat, quàm tu sibi. Par debitum, æquus amor, mutua coniugij fides est. Non excuso uxores; viros arguo, primamque illis culpæ partem tribuo. Persæpè enim uxori dux, atque exemplum lasciviæ vir fuit; & inde mali processit initium, unde remedium debebatur: quamvis autem pudor foeminae proprius, viro certè prudentia, atque constantia sua esse debet. Itaque omnis in viro, quàm in muliere dementia, & animi leuitas eò est foedior, quò viro debita magis est gravitas. *D.* Coniugis adulterio incestus sum. *R.* Usitatus dolor, vetus iniuria, nec minus crebra: vix crebrior cōiugij quàm adulterij usus est. Denique hoc est, quod [ut ait quidam] nec permitti, nec prohiberi potest; quia scilicet alterum honestas, libido alterum fieri vetat. Tu ne tibi ergò foeminam vnam tuam totam, atque integram voluisses, quod nec ferocissimis tyrannorum nec regum maximis potuit, tua ætate, contingere, nec priore potuerat? Mirro recentia, ne quos fortè præsentium offendam. Tutius est Herculem ferire,

ferire, quàm villicū. Nec verò cuncta veterum attingā. Formidatissimorum summorumq; hominū fama parcam: nosti autē; hisque vel in silentio gemitum tuum frena; alioqui urbem lustra; scrutare viciniam; dextra læuaque aderunt, qui vel neglectum genium, calcataque ~~theri~~ fidem lugeant, vel ignari soli, vulgò noti decoris rideantur. Crebriora illa quidem nunquam non auribus modò sed oculis, quocunque terrarum perrexeris, defutura. At maioribus, maior inest consolatio. Reges cogita, quos vidisti ac terrarum dominos: dehinc scriptis, sameque cognitos recordare. Respice & Arthuri fabulam, & historias reliquorum. In mentem redeat Olympias Philippi: Cleopatra Ptolomæi: Agamemnonis Clitemnestra: Menelai Helena: Phædiphaë Minois: Phædra Thæsci. Neve ipsam urbem Romam olim quoque, dum quoddam quasi pudicitiae templum esset, in aliū huius expertem credas, redeat ad memoriam Metellæ vxor Syllæ illius, qui, si eius nosset adulteria non tantum Romæ, perque omnem Italiam vulgata, sed quæ Athenis etiam, per Græciam cantabantur, minimè [vt arbitror] felicitis nomen, sibi prorsus indebitum, usurpasset. Post hanc Iulia Agrippæ, quàm hinc à flagitio viri virtus, hinc maiestas patris absterruisse debuerat: simulque huius filia, & nomine, & lascivia matri par: harumque seu vitæ, seu fortunæ vestigiis hærens Iulia Seueri, non sat pudicitiae faustum nomen. Quid Domitiani coniugem Domitiam? Quid Herculani illam Claudij: seu quando hic adulterarum fortunatus coniugum princeps fuit: eiusdem Messalinam, summum imperij probum, loquar: quæ secordem virum, ac Cæsareum deferens cubile, noctu lupanaria circuibat illa faciens

quæ referre pudor prohibet. Quid has ego? Quid-
 ve alias stringam? Seu quis fornix Augustis me-
 retricibus non angustus fit? quarum commemo-
 ratio, fateor, nec honesta est, nec vlla ex parte a-
 dulterii crimen leuat, quin potius grauat. Habet
 tamen haud spernendam consolationis efficaciam,
 similitudo conspecta miseriae, ac paritas ærum-
 narum: non quod alieno quisquam, nisi male-
 uolus delectetur malo: sed quod humilioris for-
 tunæ hominem indignanter pati, quæ toties
 mundi dominos passos nouit, vel non ferenda
 mollicies, vel superbia videatur. Toleranda
 cuique sua fors; illa æquius, quam commu-
 nem paruis constat ac maximis, inuidiosissimis-
 que mortalium. Proinde non hominibus tantum
 ruptas, sed Deo etiam dispensatas, in hæc flagitia
 labi solitas, vides; ac [proh pudor] nec tanti spon-
 si reuerentia, infelicem præcipitemque animam
 frenat. Cui autem parcat effrenis, ac rabida libi-
 do, quæ nec cælo parcat, nec cœlestem metuit vin-
 dictam? seu quibus abstineat, quæ nec Deo sacris
 corporibus abstinendum censet? Nec verò tan-
 tum hæc ætate monstra hæc tam fœda libidinum
 cernuntur; quāuis nulla vnquam, recto iudicio,
 fœdiora esse potuerint; læsiq; maioribus irā meri-
 ta: sed æuo illo, quo ita prodigium scelus erat, vt
 nunc virtus visa equidem, ac impunita noscitur.
 Virgines ipsæ Vestales, quarum exactissima casti-
 tati Tribunitiam, ac Censoriam potestatem cef-
 sisse non puduit; quas suorum triumphantium
 Curribus insedisse, ne à quoquā fortè triumphus
 impediretur: quas postremo noxios, casu obuios,
 à supplicio retraxisse, legumque, & capitalis sen-
 tentiæ vim frégisse, sola virginitatis maiestate
 comperimus: quarum præterea, ex diuerso, non

facinus tantum turpe, sed habitus aut sermo liberior, poena graui atque infamia non carebit: & honoris tamen, & decoris immemores; & erroris, incesti ve; damnataeque, & defosse sub terram uina, per historias occurrabunt. I. nunc, tot exemplis, & tam clavis, & tam sacris obrutus, in tanta pudicitiae ruina, tot probris illustrium concussam, paululum humilioris cubiculi fidem defle. *DOL.* Vxor adultera est. *R. A.* Id nonnullis mutandae in melius vitae causa fuit: qui maritali compede liberati, rejectoque graui fasce, ire altius coeperunt. Quid te vetat, coniugis foeditatem, primum quoque tibi gradum facere, ad vitae liberioris ascensum? Saepe & pondus, saepe & comes pedes expeditissimos retardauit. Ibis ocius quocunque decreueris, solus ac vacuus. *D.* Turpitudine uxoris infamor. *R. A.* Ex alieno peccato damnum, dolorque nasci potest, non infamia; sicut ex aliena virtute, gaudium, non gloria. Tua te virtus, aut vitium gloriosum efficiet, aut infamem. *DOL.* Coniugis vror infamia. *R. A.* Vel file, vel fuge, vel vlciscere. Medium fecit ille vir sanctus, nactus de simplicitate cognomen: & profecto primum, molle nimis, tertium praedurum: medium honesti, humanique consilij videatur, his praesertim, quorum media itidem est fortuna. Nam superbis potentibus frustra lex ponitur. Voluntas, Libido, Ira, Impetus; haec potentis insolentiae leges sunt. Omne vulnus ferro rescindendum putant. Multa sunt tamen, quae non ferro cegeant, sed fomentis. *DOL.* Impudica est vxor. *R. A.* Si pati eligis, aetas fortassis illam franger, & labor, & filij & morbi, & rei familiaris angustia. Quibusdam frenum vtile pudor fuit. *DOL.* Vxor infamis abiit. *R. A.* Opta ne redeat, ne abierit se-

rum votum. *D.* Vxor adulterium est sequuta. *R. A.* Malles ne tuum in cubiculum adulterum induxisset? hic saltem pudor impudicæ fuit, turpem vitam procul agere; pepercit oculis, erubuitque præsentiam tuam. Impudicitiam potes accusare, non fugam. *D.* Foeda vxor abiit. *R.* Si de hoc doles, dignus es, ut manferit, dignus ut redeat.

De Vxore sterili. DIAL. XXII.

*Cum nati luctum pariant per sepe parenti,
Vxorem sterilem præstat habere di mi.*

DOL.

Sterilis vxor est mihi. *R.* Vnum conjugalis incommodi remedium. Sterilitas obsequio fas facit, atque humiles: quæ plurimos parit, iam non vxor creditur esse, sed domina. Sterilis autem flet, & tacet: & an non Helcanæ meministi? *D.* Vxor mihi sterilis obigit. *R.* Modò de conjugis impudicitia querebaris, nunc de sterilitate conqueris. Atqui si ea querimonia iusta fuit, hæc iniusta est. Expedit impudico viro, ut sterilis vxor sit: non pascet filios alienos, quod est in omni vxoris iniuria, ac fœditate durissimum: si miserum vxor adultera miserrimum & fœcunda. *D.* Vxor est sterilis. *R.* Quid ergò tu puerperam eiulantem audire, & nutrices litigantes, & vagientes infantulos maluisses? Sterilitas omnia tædia hæc submouit. *D.* Sterilis vxor est. *R.* Vide ne [quod multi faciunt] vitium tuum alteri obiicias. Multæ vni viro nuptæ visæ steriles, nuptæ post aliis, peperere. *D.* Sterilis est vxor. *R.* Quid scis, qualem tibi filiū pareret si fœcunda esset. Quatundā partus, fœcunditatem odiosam, & sterilitatem fecit optabilem. Non tulisset Imperium Romanum portenta illa feralia, Calum,

Caïum Caligulam, Neronem, Commodum, Bassianum, si Germanicus si Domitius si Marcus Antoninus, si Septimius Seuerus, aut nullas vxores, aut steriles habuissent.

De Filia impudica. DIAL. XXIII.

*Filia si quando lasciuia, excute mentem;
Fac agat assiduè, quo teneatur, opus.*

D O L.

Delicata nimis est filia. *R.* Duas se habere filias delicatas, sed ferendas tamen. *R.* *Empu.* scil. & Iuliam, dicere solitus fertur Augustus Cæsar: Iuliæque animum lætum quidem, usque ad speciem procacitatis, sed reatu liberum. In vtraque tamen, ita sentiens princeps sapientissimus, fallebatur. Nam & Respublica iam pridem ab illa sua prisca virtute fornicari coeperat; & filia non tam delicata, quam probri solum patrem latentibus, deformata erat; quæ tandem [serò licet] erupere: secundum tamen hanc sententiam, delicata potest esse filia, sed pudica. Quod ut permiserim, negari illud certè non potest: Pronum, & breue iter ad impudicitiam, esse delicias. *D.* Filia lasciuire incipit. *R. A.* Occurre principiis: dura ferro, tenera digitis conuelluntur. Qui sibi, vel alteri habitum querit, à teneris annis incipias. Facile & tractantur mollia, & flectuntur. *D O L.* Lasciuire incipit filia. *R. A. T.* Lautas dapes, & vestes illi molles, ac fulgidas: annulosque, & armillas detrahe, & quicquid est aliud, quo & ipsa sibi placeat, & placere aliis studeat: obiice illi domesticas curas, pensa, acus & colos, & si quid est operis, quod suaves, ac molles manus in callum durer. Seduc eam à spectaculis, à concursu populi. Festis etiam diebus

illam domi contine. Nullum vagis, ac discolis cogitatibus tempus linque. Occupatio, & labor, & incultior habitus, & victus asperior, & secessus, inque vnum aliquid iugis intentio: ad hæc, testis carus, & vetendus, frequens admonitio, dulces minæ, & si quando res exigat, asperæ. Hæ sunt castitatis, aduersus impudicitiam, feræ ac veêtes, qui & insultantes ocioso animo passionibus arceant, & ingressas eiiciant. *DOL.* Filia impudica est. *R. A.* Ecclesiasticum consilium: Super filiam luxuriosam confirma custodiam, ne quando faciat te in opprobrium venire. Etsi autem nihil penè tristius pati possis, modò tamen paterni officij nihil omiseris, est vnde moestum te soleris. Tuus enim potest esse dolor, sed non pudor, nec crimen. Nam præcipitem in libidines animum frenare, difficile est valde: & nisi Deus ipse manum adhibeat, impossibile homini. Tantus est enim impetus, tamque effrenis, vt contra eum frustra sæpenumero parentes, frustra & fratres, frustra etiam ipse vir laboret: neque id mirum, cum sit scriptum: Aliter non possum esse continens, nisi Deus det. Néve hinc pudicitia excusatio vlla sit, dat hoc Deus pia fide poscentibus, quodque in se est, annitentibus, ac scientibus, cuius sit hoc donum: ritèque & ipsum æstimantibus, & auctorem. *D.* Filia adultera est. *R. A.* Si nupta habes participem generum doloris: habes & ipsum Cæsarem Augustum, & iniuriæ comitem, & violationis exemplum.

Di

*Immeritò si quid pateris, perferre memento,
Immeritus laudem, crimen habes meritis.*

D O L.

A Lieno crimine infamor. *R.* Dicebam modo, & sic est: Alieni te criminis dolor attingere potest, non infamia: verum loquor: Falsa enim ut sit dura; durabilis non erit: & infamiam, & gloriam, ut longæva sit, tuo tu quidem ex agello animi, propria vitem falce messueris. *D.* Alieno crimine mœstus sum. *R.* Credo hercle. Efto autem tua lætus innocentia: nisi magis alieno tangeris, quàm tuo: non ut patrimonij hæreditas, sic & fama est: & si esset; repudiari posset. Onerosam, & infamem hæreditatē adire, nemo cogitur, Nunc [ut dixi] nominum successio nulla, nulli agnationum, aut cognationum gradus: hac in re, seu tu clarum tibi, seu tu fuscum nomen optaueris, à te illud, non ab alio petendum erit: tuis est opus meritis, quando quidem alienis nec fœdari potes, nec ornari. Quid tabellionem aspicias? Quid testantem? Quid amantissimo clarissimoque seni tuo fidis? seu quid horres obscurum? nec verum decus inde, nec dedecus. Non legatur fama, sed queritur. *D.* Meorum grauior infamia. *R. A.* Immò quidem tua te premit opinio, humanæ miseriæ radix ingens. Pone illam, falso fasce leuaberis. *D O L.* Meorum criminibus infamor. *R. A. T.* Nego id quidem fieri posse: sed ut fatear: præstat tamen alienis te flagitiis infamē esse, quàm aliis tuis. Multò est enim grauius peccati pondus, quàm infamiæ: ubi peccatum, illic miseria vera est. Contra autem, falsa infamia, veræ miseriæ nihil habet.

falsa vero gloria plurimum : plebeios licet animos illa pungat hæc mulceat. *D.* Meorum infamia non tangi nequeo. *R. A.* Tangi piùm: sterni miserum. Proinde, dum reliquæ spei sunt, summo studio, tuorum famæ, atque inde susceptæ perturbationi tuæ, consule. Si spes omnis abierit, illis omiſſis sollicitudinem, atque angores deponendos censeo. Nam & in cassum niti, & tristitiæ materiam aucupari par dementia est. *D.* Seruilibus probris notor. *R.* Materiam patientiæ poenam luis: cum diluere notam possis, scelerum pulsus authoribus. *D. L.* At meorum, qui tam facilè pelli nequeunt, vror probris. *R. A.* Quorum, quaeso? Iam parentum castigatio filiis, nullo iure, permissa est. Inde tibi igitur nihil infamiæ: quin potius, recto iudicio, quasi quidam fulgor ex tenebris nasci potest. Nam cum virtutis proprium difficultas sit; multo difficilius est obscuris. quàm claris ducibus rectum iter tenuisse. Sin vxoris, quid hic verò te agere oporteat, & quorum pro remedio meminisse, paulò supra monui. Si natorum, respice qui viri, quos filios habuere. Fabius Maximus, ac Scipio Afrieanus, & Pompeius Magnus [Non enim imperij, atque opum, sed ætatis, & gloriæ sequor ordinem] quem aut Vespasianus vitimum, aut Aurelius Antoninus vnicum, aut Seuerus primum: quos in genere alio, Hortensius ac Cicero, Quam postremò filiam Augustus Cæsar. Aut quem filium Germanicus; magna de luce, magnas tenebras videbis, & intelliges, hoc prolis infortunium, nescio quidem vnde, sed in maximam quamque familiam suo iure, familiarius scandere; & culque suas vomicas domi esse, vel ignotas viciniæ, vel neglectas; nec fratrum, negotumque decerant exempla.

pla. Illa posui, quorum. quò propior, eò grauior videri pudor solet. Omnium vna est regula. Alterius, quisquis ille sit, maculas, inuito alteri, nec affigi posse, nec hærere.

De infamia. DIAL XXV.

*Peccatis propriis, quando tua fama laborat.
Entrere, probo nomine restituas.*

D O L

MEa premor infamia. R. Timui, tua ne conscientia premereris. D. Infamia premor graui. R. Si iustam, non infamiam, sed infamiae causam desse, Sic iniustâ, errores hominum alto animo proculcans, tua te conscientia solare. D. Graui infamia laboro. R. Vêto so fasce suspiras; sic suapte natura leuê sarcinam, ferentis imbecillitas grauê facit. D. Grauis in meum nomen surgit infamia. R. Refert, quibus orta radicib. si veris, viuet, augebitur; alioqui mox areſcet ac defluet. D. Magna mihi infamia conflata est. R. Bene ais, flatus est enim fama. Sæpe etiam impulsoris, qui vos adeò quatit ac territat. Atqui magna infamia, magnæ famæ principium multis fuit. Puduit vulgus, & vt iure suo errori adderet errorem, rebûsq; modum cunctis excluderet, modicam infamiam, immodicis laudib. tandê vicit. D. Multa vndiq; pulsor infamia. R. Circumflantib. ventis in portû redi, & ab aurium procellis, in cubiculum cordis ingredere: cui, si tranquillitas sua est, habes vbi iurgiorû fessus requiescas & [vt dici solet] in sinu gaudeas. D. Fusca fama, cōscientia clara sum. R. Tu ne igitur fama esse clarissime, cōscientia turpi cupe- res, atque obscura? Ita ne penitus verum est illud Flacci:

Falsus honor iuuat, & mendax infamia terret.

O rem vanam; vera quidem & iuuare possunt & terrere: umbras metuere non est viri. Infamiae sarcina ingens est. *R. A.* Si flagitio collecta grauis, fateor; si casu, facilis; si honesti studio, gloriosa. Si quidem bonis artibus quaesita infamia, laus est. Insultent fatui; & tu exulta lucro nobili; virtutem nempe, rarissimam mercem, magnum tunc, & quo nullum maius famae pretio comparasti. Is virtutis cultor verus est, qui in nihil penitus, praeter illam cogitat: sed cum reliquorum clarus, tum clarissimus est contemptus famae, virtutis studio susceptus; cum profecto fama viris fortibus, non auro tantum, sed vna etiam sit carior. Qui amore virtutis hanc spreuerit, is spreturus omnia credi debet; quod praeclarum, sed peritarum scito: quandoquidem magna pars eorum, qui videri volunt virtuti operam dare, fama eius apprehensa, sic confestim in actione lentescant, ut intelligi dent vnum hoc illos, quod apprehenderint intendisse. *D. L.* Multi grauius me infamant. *R. A. T.* Plures olim Fabium, & grauius; plures etiam Africanum: quae res illis eximia in gloriam versa est. Communem cum talibus fortem, queri desine: paucissimis accidit omni semper infamia caruisse. Delicatissima res est fama homini; & quae saepe rubiginem, leuibus contrahit ex causis: & ad summam, ut nil clarius fama est, sic nil obscurari pronius. Nilque peregrinarum [ut sic dixerim] capacius impressionum. *D. L.* Graui vror infamia. *R. A.* Pestis haec verendis maxime infesta nominibus, viris quoque sanctissimis, non pepercit: quorum princeps omnis expers culpa, & ipse tamen ab impiis infamatus, ostendit, mali huius immunitatem, quae nec Deo obli-

obtigisset, hominibus non sperandam. *D.* Dura at-
 teror infamia. *R.* *Al.* Virtutem inuidia non tenta-
 ri, vix possibile dixerim; sufficiat non conuelli: si-
 ue gloriam cum obtreptione collidi: si pura, si
 solida est, splendescet attritu. *D.* *Al.* Acri vexor in-
 famia. *R.* *Al.* Vulgaris aura cœcis ignorantiae pulsa
 turbidinis, summa rerum cacemina verberat,
 sed non quatit: vel si quatit, non euertit. Excel-
 lentiae tibi cuiuspiam signum sit, in vulgi linguas,
 quasi scopulos incidisse. Humilia enim & circa
 terram depressa nomina, nec præclaræ laudis lu-
 men excipiunt, nec magnæ infamiae tempestatem.
 Sæpè quod spernitur, & quiescit. *D.* Malè de me
 vulgus loquitur. *R.* Bene, quòd in linguas, non in
 calamos incurristi. Vehemens sermo vulgi est at
 minimè diuturnus. Leuibus, aut falsis orta causis,
 breuia sint oportet: tacebunt, cum multa latraue-
 rint. Fatigari citius solent, qui cœpere feruen-
 tius. *D.* Vulgi linguis exagitor. *R.* Quid si in orato-
 ris, aut Poetæ insignis stilum impegisses? vt multi
 olim, quos infames posteritati traditos, inimici e-
 loquentia, videmus: vt, sicut nobile mihi suspiriū
 Alexandri regis, Homerum Æacidae inuidentis;
 sic metus nobilis Alexandri principis; videatur, li-
 teratos, disertosque viros, ne quid de se asperum
 scriberent, formidantis; quanquam nec literatis
 obtreptatoribus succumbendum; sed vel pari sti-
 lo refellenda calumnia; quod Tullius Crispo,
 quod Demosthenes Æschini, quod innumerabi-
 libus fecit Cato; vel insigni fiducia, & omne thea-
 trum superante animi testimonio, resistendum
 esset: dicendumque, quod Caluo Vatinius pero-
 rante, Non quia iste disertus, ideo ego damnan-
 dus sum. At nunc periculi nihil est: liquidem
 vulgus, vt multum strepat; quàm diu tamen id fa-

ciet, cito vel volens vel coactum desinet. Veniet dies, quæ strepidulis his cicadis, loquacibusque silentium picis ponat. *D. L.* Malam famam apud vulgus habeo. *R. L.* Ut apud te ipsum, utque apud bonos bonam, ac perpetuam, veramque habeas, enitere. Nempe ista, quam quæris, evanescet. Inane genus ac trepidum, mortales: quid ad vos, vel adulantium, vel detrahentium breue istud, & obscurum murmur? Venient qui liberius iudicent atque æquius. Et qui sunt, inquires, hi iudicent? Nosse illos non potestis, sed ab illis nosci. Illos dico, qui post vos nascentur, quos nec vestri odium, nec lior; sed nec amor, nec spes torserit, aut metus. Si vestrarum æstimationem rerum, ac sententiam incorruptam vultis, hos iudices exspectate; brevis est mora. Properant ecce, moxque aderunt. *DOL.* Infamiam factis egregiis, & virtute contraxi. *R. AT.* Est ubi amor damnis alitur, crescitque laboribus, inque amaro [dictu mirum] & maligno solo, radices agit altius? unde fit, ut factionum amantissimos, sæpe illos videas, qui multa, & graua pro factionibus passi sunt. Nota quidem, & nimium trita res, vestris in urbibus, Proinde nemo, vel iustitiæ vel veritatis amantior, quam qui pro hac flagellis sese obtulit, ac morti. Et tu igitur virtutem ama, magisque ac magis illam cole, pro qua famam, rem pulcherrimam, atque clarissimam, amisisti: pro qua non leue supplicium fers, infamiam; perditisque & spretis omnibus, eam ipsam, quam tibi nemo vnquam eripiet, virtutem solam, solus amplectere, atque illi dicito: Hæc quidem o regina, pro te volens patior; tu me in integrum restitues, aut certe vna mihi pro oranibus satis es. Tu me sola sinu pio refoue, sic non famæ tantum,

tum, sed vitæ quoque damna non sentiam, D. Vulgo passim in triviis laceror. R. Boni consule. Notum te vulgus faciet, clarum virtus, conscientia securum.

De Quæsto ex indignis laudibus pudore.

D I A L. XXVI.

Parcè laudat, nam cum laudaris inique

Si rursus damnes, pars leuit. t. serv.

D O L.

LAUDASSE arguor indignum. R. A. Malum quidem quod est, bona tæpe oritur radice. Boni enim, & innocui, quales ipsi sunt, tales alios opinantur. Hinc ad laudandum, æ quo etiam proniores sunt : & quamvis indignum laudare malum, fatear; vituperare tamen immeritum multò est peius. D. Laudavi indignum. R. Si id sciens, reprehensibilis; at si ignorans, excusabilis. Minus est malum falli, quam fallere. Falli enim alienum; fallere autem, proprium fallentis est crimen. D. Aliena laus in meam vergit infamiam. R. Immo quidem tua, vel culpa vel ignorantia. Ex alieno enim, ut laus, sic infamia nulla est. D. Laudasse indignum, valde doleo. R. Vide ergò ne id ipsum sæpè doleas. Caue ne temere ad laudandum, vituperandumque prolihas. Est enim vtriusque rei libido: & [ut dicam propriè] morbus, ac pruritus quidam lingue mobilis & quietis inficæ : cuius frenum, ac custodia inter opera perfectionis eximie numerantur, dicente scriptura: Si quis in verbo non offendit, hic est perfectus vir. Quia in re nimis sæpè fallimini. Et, heu nimis illud eiusdem Apostoli verum sit quòd linguam nullis hominum domare potest, inquitur malum. Ad mentiendum ergò

D I

cotidie vos illa præcipitat, quos hinc suus vrget
 impetus; inde falsa rerum species trahit. Sunt e-
 nim qui aspectu, vel eloquio vitia morum tegunt.
 Quod de Alcibiade accepimus, de multis vidi-
 mus. Sunt qui virtutes velo occultant contrario:
 seu id natura vultus scilicet, aut sermonis austeri-
 tate insita, seu etiam arte quadam, studioque ad-
 uersus id, quod vulgo concupiscitur, adhibito.
 Nam ut multi, qui se bonos, sic aliqui, qui se ma-
 los fingerent, sunt reperti, quo vel humani fauoris
 pestilentem auram, vel iniuriam honorum tempo-
 raliū sarcinam declinarent. Quod de Ambrosio
 lectum est. Accedit amor, atq. odium. Accedit ira,
 & inuidia, Spes & metus, affectusque animi varij,
 & occulti: hisque ipsis interdum, quorum sunt in-
 cogniti, semper autem iudicij veri hostes. Accedit
 quod viuentis laus, diuino eloquio, propter vitæ
 mortalis inconstantiam, prohibetur: quanto igi-
 tur magis vituperatio? Deinceps itaque ad laudan-
 dum tardus, ad vituperandum tardior veni: cum
 uterque enim [ut dixi] malus error sit, peior est vl-
 timus. D. Laudando immeritum, erravi. R. Erran-
 do dicitur, & sæpè error vnus multis obstat errori-
 bus: dumque errasse semel pudet, ne similis ite-
 rum error obrepat, occurritur. Laudasti incautè;
 linguam frena, hoc boni saltem illi insit malo. D.
 Indignum laudasse pudet, ac poenitet. R. Pudor, &
 præsentia, & dolor scalæ sunt, & gradus quidam ad
 resipiscentiam, & salutem. Pauci sunt, qui ad re-
 ctum iter, nisi per deuia multa, cespitando perue-
 niant: multosque ideò voluptatis seruos in
 Iuuentute vidimus, qui virtutis a-
 mici in senio euase-
 runt.

*Qui non est fidus, non est tibi verus amicus,
Non te, fortunam respicit ille tuam.*

D O L.

DE amicis queror. *R.* Quid hic hostibus fa-
ciat, qui de amicis querimoniam instituit.
D. Amicos experior infideles. *R.* Impossi-
bilem rem narras. Ne forte autem amicos credide-
ris, qui non erant; nempe id non modò possibile,
sed commune est. *D.* Infideles sunt amici. *R.* His
querelis plenus est orbis terræ. Verùm amicitia,
infidelitasque non coeunt. Qui infidelis esse inci-
pit, desinit esse amicus; seu [quod potius credide-
rim] nunquam fuit. Cumque omnis virtus immor-
talis sit, omnis fictio aui brevis. Non fides est sub-
lata, sed fictio. *D.* Infidos experior amicos. *R.* Ami-
ci falsò habiti, si nunc primum infidelis animi la-
tebras pandunt, erroris tui finem latus aspice, &
caucto interim ne morbi contagia in te serpent,
sed quicumque illi fuerint tu amicitia fidei ser-
ua, etsi non propter immeritos, at propter te, me-
ritum aliena peste nō infici: quod libentius facies,
si quantum tibi displiceat illorum præsidia, ipse
tecum acriter excusseris. Sæpè vitij odium, calcar
ad virtutem fuit. *D.* Immeritis amicorum odia
contraxi. *R.* Odiosi ciues, odiosi socij, odiosi cogna-
ti, odiosi coniuges, odiosi fratres, odiosus demum
patri filius, & filio pater. Et ad summā nulla ne-
cessitudo est, quæ non odiis esse possit infecta. So-
la quidem amicitia sincera, mali huius ignara est.
Interque hanc, & reliquas, hoc interesse diffi-
niunt, quod illæ omnes adiuncto odio durant;

D ij

nomenque suum retinent. Huic vni non modò, si odium accesserit, sed si amor abscesserit, amicitia iam non est; neque verò magis odiosus amicus esse potest, quàm amor etiam odiosus. *D.* Perfidos pator amicos. *R.* Si quid spei reliquum, perfer, dum in fidem redeant, & ardentè ama. Multi enim tepido amore amicitias excinxerunt; aut parum fido, perfidiam docuere. Sine cunctis proficis, spesque omnis interiit, vtere consilio Catonis, qui amicitias, quæ non placent, sensim dissuendas censuit, non subito discindendas, ne geminum grauedamnum simulque & amici perditum videantur, & quæsitum hostes; nisi fortè acrior casus, ac moræ impatiens, maturo consilio vti vetet; qui, si incidat, inter ærumnas amicitiarum ultimas numerandus erit; ferendus tamen alto animo, ut reliqua cedendumque necessitati, & parendum tempori; sed hic casus veræ vix amicitiae tunc notus est.

De Ingratis. DIAL. XXVIII.

*Qui bene factorum non vult memor esse tuorum.
Dignus est certe, cui bene non facias.*

D O L.

Multos exuperior ingratos; graue vitium. *R.* Ingratitudinem vituperare superuacuum; omnium nempe mortalium, hanc sermo condemnat. Non est laborandum, ut suadeas, quod omnibus persuasum est, & in extirpabiliter insitum. Est qui summum; est, qui solum in virtute bonum locet; est, qui neutrum, sed in voluptate, virtutis hoste, ponat omnia. Sunt, qui castitatem pulcherrimum ornamentum vitæ dicant; sunt qui hanc ipsam in se spernant: in aliis

liis verò vel ridiculam, vel difficilem certè, longeque laboriosam putent; quod Augustinus tantus vir futurus, in se sensit, vbi Ambrosij cælibatum laboriosum sibi visum ait: qui aliis non laboriosus modò, sed damnabilis vitæ status visus erat. Vnde illud Platonis: Qui, cum cælibem, castamque vitam diu tenuisset, ad extremum sacrificasse legitur naturæ, vt sibi illam placaret; quam, sic viuendo, violasse, & in quam grauitè peccasse, videretur. Mirum, id iam docto homini, videri potuisse; sed visum esse, non est dubium. Erunt quoque, qui fortitudinem, eminentissimam, clarissimamque virtutem ducant: vulnera aduersis excepisse pectoribus, campum rutilo sanguine cruentasse, intrepidisque demum animis mortem oppetisse. Erunt qui hæc omnia summæ tribuant insanix, & nil melius securo, atque imbecilli ducant ocio. Venient denique, qui iustitiam gubernatricem rerum humanarum, & virtutum matrem censeant: qui religionem iter ad æternam vitam credant, & ad cælum scalam. Venient contra, qui iustitiam ignauix, Religionem amentix, ac superstitioni ascribant. Hi sunt, de quibus scriptum est; Quiduis habent in viribus, qui omnia virorum fortium esse confirmant. Neque solum ex hoc genere violentorum hominum, raptorumque; sed ex ipsa doctorum acie, quantos oppugnatores habeat iustitia, facile est in libris reipubl. Ciceronis advertere. Sunt qui fidem, & promissorum obseruantiam magnis, & meritis laudibus efferant: sunt, qui fidem frangere, non fallere, dicant esse, sed plus scire, & esse ingenij melioris. Quæ licet vulgò multorum hodie sit opinio, & multorum vox; apud Lactantium nominatim. Mercurio tri-

buitur, dicenti; sicut ille ait: Non fraudis esse decipere, sed astutiæ. Pulcher enim ingenij Deus, & eloquij. Et ad summam: nulla virtus tam laudata est, quin vituperatores inueniat. Gratitude, nulla barbaries gentium, nulla morum immanitas non laudabit: nemo usquam non vituperabit ingratitudinem; sit fur, sit sicarius, sit proditor, sit ingratus, vitium suum excusare non audebit, sed negare. Quæ quamuis ita sint, nihilominus tamen innumerabiles sunt ingrati. Nec est ferè vitium aliud, quod tam multis verbo damnatum, tam multi rebus ipsis amplectantur, ac teneant. Quid concludam: damnandum utique non solum verbo, sed animo maximè, atque iudicio; & in se, cuique bono fugiendum, ac vitandum; in altero tolerandum, sicut cætera, quibus humanum scatet genus; quibus mali abundant, boni exercentur. Perfer igitur, & gaude potiùs ingratum ferre, quàm ingratus fieri. *D.* Ingratos multos inuenio. *R. A.* Vide, ne quid in te culpe sit. Multi enim dum benefici dici volunt, iactatores sunt, atque exprobratores. Onerosum genus, quorum beneficia plus offensæ præferunt, quàm gratiæ. Idque nihil est aliud, quam pretio odium parere: Mercimonium insanum. *D.* Bene meritis, multos male memores, & ingratos patior. *R.* Tu ne hoc illis inuides, tuamque cum illorum sorte commutatam cupis? Noli, obsecro; cuiuscunq. sit vitium, virtus tua veniat in partem. *D.* Multos habeo ingratos. *R. A.* Quid expectas audire? benefacere ut desinas, deque alterius culpa, tuum ipse damnum facias? Quin tu potius contrarium fac, & qui multos habes, cura nunc etiam, ut habeas plures. Habebis autè, si multis benefeceris: multi enim semper ingrati. Sed plures hodie,

hodie, vexeorque, ne confestim gratum esse, por-
 tentum sit. Ita in dies retro eunt omnia; ea peten-
 tium improbitas, & ea debentium obliuio, atque
 superbia est. Neque ideo desistendum: neque, cœ-
 corum amulatione, eruendi oculi, quos potius fa-
 cere debet aliena cœcitas cariores. *D.* Mihi multi
 sunt ingrati. *R.* An tu multis idem fueris, recorda-
 re. Vna enim ingratitudo aliam punit, sicut in reli-
 quis. Vnum sæpe peccatum alterius pœna est. *D.*
 Multis ingratis profui. *R.* Multis indignis profuis-
 se fatius, quàm vni digno defuisse. Proinde perge,
 neu malorum odio, bonos mores exuas; nec pro-
 desse aliis cesses, quòd ab aliis male sit cognitum.
 Cognoscent hi fortasse melius; sine quidem, nosse
 Deum, nosse te, satis est. Non est vera virtus, cui
 conscientiæ præmium non sufficit. *D.* Profuisse
 multis, infelicitè cessit. *R.* Caue ne vnus crimen
 ob sit alteri, quodque est grauius, tibi. Experire a-
 lios, cedit fortè felicius. Quidam præterea, diu in-
 grati urgente animum pudore, tandem fuere gra-
 tissimi; magnoque cum foenore spes amissa rediit.
 Ad hæc sæpe, quod requisitus ne bitor negauit, vl-
 tio, non debitor obrulit. Nullum bonum opus vir-
 quam perit. Qui bene agit, ante alios se cogitet.
 Vna quidem virtus multis prodest, sed prima, &
 maximæ pars virtutis in agentem redit. Itaque vt
 mali omnes, & ingrati sint, non ideo vir bonus
 beneficio cessabit. Nam quæ in multos spargit, in
 se cumulat; sibi ipse beneficus, vni saltem non in-
 grato. *D.* Proieci beneficia in ingratos. *R.* Atqui gra-
 tis dare, nec auarus metuant. Eò autem libe-
 talitas maior, quò spes præmij minor est.

D. iij

*Sis fuerit servus nugax, animi prae superbi,
 Longe abeat, frangi non erit is famulus.*

D O L.

MAlis servis obsideor. R. Nunc rectè ais, ob
 fideor: olim tibi circūfultus videbare, sed
 obsessus eras, non familiari solū exerci
 tu. sed hostili. D. Indomitis servis premor. R. AT.
 Tu acies contra te militans: insuaue negocium.
 D. Superbis servis obsessus sum. R. Eosque, qui te
 obsident, pascere cogeris: in amoena necessitas. D.
 Servis obsideor pessimis, voracibus, furibus, men
 dacibus, impudicis. R. Quid servoꝝum epithetis
 affluere est opus? Servos dic, omnia dixeris. D. Ser
 vis obsideor, quid consulis? R. Quid consulam, seu
 quid dicam, nisi Terentianum illud:

*Qua res in se neque modum, neque consilium habet ul
 lum,*

Eam consilio regere non potes.

Nota sunt tamen hac in re Senecæ consilia: Viuen
 dum cum servis familiariter, comiter, clementer:
 familiarem esse iubet, at quibus? nempe his, quo
 rum familiaritas contemptus est genitrix, Addit;
 Non verberum, sed verborum castigatione uten
 dum, erga surdos scilicet, torpentesque; dominicā
 que mansuetudinem duro pede calcantes. Admit
 tendos præterea in sermonem, in consilium, in cō
 uictum. Et quos quaeso? utique procaces, stultos,
 ebrios, perfidos, insolentes; qui neque sermonē te
 neant, neque consilium habeant, & conuictum fœ
 dent, salutis, vitæq. domini, & patrimonij, & famæ
 segnes; gulæ autem propriæ, atque libidinis vigilā
 tili.

tissimi curatores. Verum ille ideò fortassis, hoc consulit; quia in seruo verum opinatur, quòd iam ante de amico dixerat. Fidelem si credideris, facies. Credo non cogitas ex optimo genere hominum amicos esse solitos, seruos ex pessimo. Equidem non, si mille annis lupum, agnum credideris, agnus fiet. *D.* Obsideor seruis: quid consilij affers? *R.* Nunquam aliunde quæsieris, quod in te est; non obsideberis, nisi dum voles: neque verò nunc obsiderent, nisi quòd in vrbib. male pacatis accidit, vna pars animi, quasi factio seditioforum ciuium, obsidentibus faueret. Vis hoc malò liberari; purga animi tui statum. Seruos enim castigare, neque his Senecæ consiliis, neque aliis potes. Te, si velis componere, nemo vetuerit. Pompas abiice; pelle superbiam. Ita enim vel fugabis seruorum inimicam aciem, vel imminues. *D.* Multis seruis obsideor. *R.* Bene, si strepitus, vel inanis quæritur iactantia; sin obsequium, aut iucunditas, nil peius. Serui, etsi boni sint, quod inter prodigia numerem, nunquam tamen multi benè seruiunt. Inter se enim dissident, murmurant, altercantur. Alter ad alterius respiciens manus, ipse interim ociosus; complosisque suis sedens manibus, domini habitum induisse, suum decus existimat; & nil censet honestius, quàm nihil agere; cuncta pollicitus; de his namque nunc loquimur, qui falsa professione ventris ignaui negotium agentes, seruitio humili, non tantum voluntariè, sed importunè sese offerunt; innumerabilis turba, sed vilis, qui, cum tot pateant artes, abiectissima elegerunt. Nempe illorum, quos non voluntas propria, sed aliena vis, & sua sors, ad seruitium traxit, vt numerus rarior, ita crebior virtus, & notior fides. Nimirum aliud est serui-

re velle, aliud cogi. Hi ergo fortunæ memores. ut eodem se, in omni statu, præbeant: neu virtutem cum libertate perdiderint, quod inuiti faciunt, aliquando feliciter faciunt: cum id nequeant, quos volentes somnus, venter, gula, cupiditas, mali duces, in seruitium perduxere: in quo mirum non est, si ducibus suis student, atque id agunt, quod sequuti falsum simul, atque humilem titulum seruitutis, assumpserant. Contrà hi, qui tale nihil, quod sequerentur, habuere, naturam sequuti, ac fortunam, sæpè quod liberi fuerant, serui ostendunt. Et, si fortasse de talibus intellexit, possum inoffensis auribus Senecam audire.

D. Multi domum serui occupant. *R. A.* Multæ igitur lites, multa bella, de re qualibet pugnabit. Noua cotidie crimina proferantur, ac purgentur; & tu medius inter partes sedeas, oportet. Iudex factus, ex domino, non potes litigium domo expellere; litigantes potes.

D O. Obfideor famulis, sine quibus viuere nequeo: quid agam?

R. A. Sicò usque peruentum est: ut sine hostibus tuis esse non audeas: paucitate illorum, ac virilitate tibi consule. Pelle formosos. pelle comptos ac callidos: pelle vel facie sibi placentes, vel ingenio, vel generè. Inter paucos, eosque hebetes, atque incultos tutiùs ages; non quia meliores, sed quia minùs aufuri: quos, velut hyeme serpentes coacta vis veneni, atque vilis inertia torpor obstrinxerit. Denique hæc summa est, ut in seruo sola quidem, aut certè prima fides æstimanda sit. Si quid hac in parte prætuleris, crede mihi, magno cum fœnore vitiorum, qualiscunque illa breui tibi veniet voluptas, quia sanè perrara est fides: proximum remedij genus, ipsa, quàm dixi, paucitas, vilitasque: non plus habens boni, sed

De Serui fugitiui. D I A L. X X X.

*Aufugit seruus nebulæ, sine currere pestem;
Namque luerum magnum est perdere perniciem;*

D O L.

Discefferunt serui. *R.* Quorum molestia præsentia erat, gratus debet esse discessus. Nihil fermè displicet, cuius contrarium non delectet. *D.* Abierunt serui. *R.* O si redeant. videasque oculis, quod animo iam vidisti, quot illos vitia circumstant, quot nequitia, quot doli, quot mendaciorum artes, quot scelerum species, quot furtorum? Quid ni horreas comitatum, linnenque redeuntibus obstruas, meritoque gaudeas, tuam domum malis exhaustam, leuatamque ponderibus. *D.* Serui simul omnes abiit. *R. A.* Simulque cum illis curæ graues, molestæque sollicitudines, metusque perpetui. Cogita, quot implendi ventres, quot tegendi humeri, quot armandi, stringendi que pedes vagi, quot acuti ungues obseruandi: duro te negotio liberatum dices. *D.* Fugerunt serui. *R.* Et cum his odia in dominum & contemptus, & murmura, & querelæ, quin & execrationes, tacitæque deuotiones immeriti capitis: quibus immerito seruitio caruisse, quis tam ambitiosus, ut nesciat ascribendum lucro. *D.* Diffugerunt serui. *R.* Quis vnquam de fuga hostium questus est. Iulio Cæsari tribuitur superbix, quòd hostem, quem intercipere cogitabat, fugientem mœstus aspexerit. At modestis victoribus terga hostium vidisse, satis est: quin & idem ipse alibi fugientibus parci iubet, sola hostium, contētus fuga: idem

facito. Et, si tui hostes grauiore supplicio digni essent, fugisse sufficiat; atque illorum fuga tuam metire victoriam; ablataque tibi necessitatem vindictæ seuerioris, intellige. *D.* Serui fugere. *R.* Sponte igitur fecere quod cogendi erant: gratiam habeto; depellendi immanes belluas tibi demptus est labor: hinc quereris, fugerunt qui nisi fugissent, tu fugere debuisses. Fugerunt, qui aut fugiendi erant, aut fugandi. Nunc tu liber, nunc securus, nunc domus tuæ dominus remansisti. *D.* Fugerunt serui. *R.* Fugitiuos iudicandi ius est domino, tu te dominum dissimula, ne vè hoc iure vtere, Si boni essent, non fugissent, malos amisisse, non iactura, sed quæstus est. Venenosa animalia tutius est vitare, quàm capere. *D.* Serui me solum reliquerunt. *R.* Vere solum, veteque inopem, si, ne solus sis, seruili egeas comitatu, ita nec animum habes, nec te ipsum. Quid autem? serui ne igitur tui sine te esse cupiunt, tu sine illis esse non potes? Vide ne hoc ipso seruistuis ipse inferior sis. Quod si fortè non seruos cogitas, sed pretium, non desiderium inane, sed turpis auaritia castiganda est, de quo satis est dictum, dum de amissa pecunia loqueremur.

De Vicinis importunis. D I A L. XXXI,

*Res mala vicinus malus est, tamen ille ferendus,
Æquo animo cedens, aut procul hinc fugias.*

D O L.

Vicini importuni sunt mihi. *R. A.* Vide, ne tu illis importunior. *D.* Graues vicinos perfero. *R. A.* Multum, cunctis in rebus valet opinio, leues finge animo, leues erunt. *D.* Vicinos

cinos malos habeo. *R. A.* Multi suam culpam proximis imputant. Acutiùs aliena cernuntur, discutiuntur exactius, seueriùs iudicantur: suarum rerum nemo non & mitis arbiter, & pius est iudex. *D.* Acres amarosque patior vicinos. *R. A.* Ne fortassis in gustu sit vitium, non in re: fastidiosis etià dulcia amarescunt. *D.* Vicinos duros, ac superbos queror. *R. A.* Multum sibi quisque permittit, nihil alteri: hinc in iudicio rerum multiplex obliquitas, & iuges offensionum causæ. Et sæpè vnde culpa est, inde primum oritur querela. Qui nunc scimus, an tu illis; qui tam duri tibi videntur, durus, & terricus, & intractabilis videare? *D.* Asperos patior vicinos. *R. A.* Duplex est remedium: Patientia, & fuga. Primum probo, ferendi: artificio omnis mitescit asperitas. *D.* Vicinos pessimos ferre non valeo. *R. A.* Si nec ita proficis, quis te tenet? migra illico: non ut procaces, ita & se quaces erunt: quod ferre non potes, pondus excute, & quem pugnando hostem pati nequis, fugiendo euade: quid refert, quo te tramite in tutum eripias? Nullum iter ad tranquillitatem animi difficile iudicandum est: quòd si sæpè idem feceris, nec proferis, scito culpam tuam esse, nec minus forsitan alienam. Magna pars litium vulgarium duos fontes, & si forte nocentiorum alterum, nullum habet innoxium: quamuis nempe politicum, & sociabile animal dicatur homo: si verum tamen inspicitur, nullum minus. Verumq; est illud Satyricum: Maiorem esse serpentum, ferarumq; concordiam, quam hominum. Si quidem ursi, apri, tigres, ac leones, denique viperæ, aspides, crocodili, & ad summam, omne animal, præter hominem utcunque in sua specie quiescit interdum, homo autem nunquam. Homo hominem premit sem-

per, atque atterit: perpetuis bellis, ac litibus, inquietam vitam sibi præstat, ac proximo. Sic enim res habet, ut ubi maior est locorum vicinitas, ibi videas maiorem distantiam animorum. Rara sine iurgiis, ac rancore vicinia est. Nemo vestrum [ni fallor] Arabum, aut Indorum regibus invidet: lip-
pus est liuor, longinqua non aspicit. D. Vicinis ob-
sideor infestis. R. Si penitus ab hac peste vis ab-
loui, in solitudine te reconde.

De Inimicitis. DIALOG. XXXII.

*Ne quemquam laedas, & honestis moribus esto.
Vlciſſi aduerſum non melius poteris.*

D O L.

Inimicitias habeo. R. Fac, ut iustitiæ sis amicus; nullum certius præsidium. Vera virtus fortune minas calcat, ac despicit. D. Inimicitia mihi sunt. R. Et cautior eris, & notior. Multos inimicitia illustrarunt, qui obscuri mansissent si hostibus caruissent. D. Hostes undique mihi sunt. R. A. Obstant, ne inuisibiles animorum hostes subeant voluptates. Non tam hostes tibi fors obtulit, quam custodes: malo malum maius arcebitur. D. Hinc illinc hostibus premor. R. A. Illi quoque suis premuntur affectibus; estque apud illos ultor tuus, isque non vnus: pro te partes faciunt, ira, metus, odium, inquietudo; nec dum peracti poenam criminis exigunt: sic interdum ultio præit offensam, & fortasse non sequuturam. Armabuntur, laborabunt, sudabunt, æstuabunt, anhelabunt, trepidabunt, & fortassis horum nihil ad te. Multi sæpè, grauib. odiis sibi, non aliis nocuere. R. Est mihi pugna cum hostibus. R. A. Et illis secum; & tutius ali-

aliquantò cum hostibus , quàm cum vitiis pugnatur. Quisquis alium odit , primum animæ suæ vulnus infligit ; proximum nonnunquam suo corpori. Nimia nempe cupiditas ferendi, nocendiq̃ue , multos incautos , nudatosq̃ue dedit hostibus: sic semper prima pars malorum in suum authorem vertitur, interdumq̃ue nouissima; cum sæpè interim sit illasus , in quem perniciēs parabatur. *DO.* Vndique mihi bella confurgunt. *R. A.* Nunquam clarior, sanctiorq̃ue fuit Populus Romanus, quàm dum multis, ac grauib; bellis occupabatur. Pax initiũ mali fuit; secum namq̃ue subiit libido blanda hostis, ac pestilens. *D.* Graues inimicitia mihi sunt. *R. A.* Magnæ inimicitia plerumq̃ue magnarum amicitiarum fuisse principium. *D.* Habeo inimicos. *R. A.* Habeto fidem simul & clementiam; de reliquo quicquid euenerit, cura saltem , vt humanitate sis, ac virtute superior. Sunt & sua iura cum hostibus, cum quibus ita rem gere , vt amicos fieri posse non dubites. Atque hoc sanius consilium scito, quàm Biantis; qui sic amicos diligere iubet, vt inimicos fieri posse memineris: quod dictum, quamuis ab aliis laudatum, nec mihi certè, nec Tullio probatur. Est enim verum amicitia venenum. In odio ergò cogitandus amor non odium in amore; longeq̃ue Aristotelicum illud in Rhetoricis. Bianteo consilio præferendum. Non oportet [vt aiunt] amare, tanquam oditurum, sed magis odisse, tanquam amaturum: quòd profectò scribens Aristoteles, Biantem ipsum, callidamq̃ue eius, & maleuolam sententiam notabat. *DO.* Inimicitias habeo. *R. A.* Sed inuitus habe, & armato semper in pectore cor amicum pacis habitet, at-

que ita bellum exerceas, ut coactus videare; ne forte odio succumbat humanitas, neu tam vindictæ studeas, quàm gloriæ, aut salutis: Scis, ut Romanis inuisior est Hannibal, quàm Pyrrhus? cum uterque hostis, & prior Pyrrhus Italiam inuasit, at non delendi animo, ut Hannibal, sed vincendi. Omnibus enitendum modis, ut in actu quolibet vera virtus emineat; sic, ut nihil bello quæri aliud, quàm pax honesta videatur.

De Præcepta facultate Vindictæ.

DI. A. L. O. G. XXXIII.

*Optima vindictæ ratio, si laedere possis,
Ignoscas, solet hac sola placere Deo.*

D O L.

Optatæ facultas eripitur ultionis. R. Cui peccatum eripitur: nihil eripitur, multumque tribuitur: quædam habentibus eripi, lucrum est: ea, ne habeantur obstare, lucrum maius. D. Facultatem ultionis perdidisti. R. Felix iactura, quod noceat, amisisse. D. Ab optata, & sperata ultione prohibeor. R. Primum erat, nolle male agere, proximum prohiberi. D. Necesse est occasionem ultionis omittere. R. Si pulcherrimum vindictæ genus est, nolle vlcisci, pulcherrima necessitas, non fini. Vltro virtutem amplecti optimum, proximum est compelli. D. O. Ereptam mihi vindictam doleo. R. A. Veniet tempus [citò fortè] quo gaudeas: neque aliter accidisse, vllò velis modo. Quidam ad quæ coacti veniunt, velle incipiunt, & amare: & de necessitate consensus oritur: dumque voluntas fieri incipit, desinit esse necessitas. D. Videbar vlcisci posse, nec potui. R. A. Non posse malum agere, potentia magna est:

est: nempéque omnipotentis est propria. *DOL.* Vindicta mihi præsens excidit. *RAT.* Columbrum tibi è manibus excidisse credito: vide ne iterum surrepat. Nihil homini tam contrarium, quàm inhumanitas. Per hanc enim homo esse desinit, idque sic esse, ipsum nomen indicio est. Nullus morbus tam contrarius, nec mors quidem: illa, secundum naturam accidit, hæc autem contra. Scire in hominem inhumanum est, quamvis meritum: non oportet exulcerati animi motum sequi, & privati memoria doloris, naturæ communis obliuisci. *D.* Me vlcisci vetitum, in perpetuum dolebo. *RA.* Forſan in perpetuum gaudebis: quoties putas, poſt inimicitias depositas, & in gratiam reditum, corruisse aliquos amicorum in amplexibus, cogitantes, hunc ego perditum volui, & interdum à ſucceſſu impio parum abfui. O ſors optima, in quam piam partem conſilium crudele vertiſti? *D.* Iuſtam iram exequi non ſinor. *RA.* Iuſtam iram vix inuenias; cum ſit ſcriptum: Ira viri iuſtitiam Dei non operatur: & rurfus ab altero: Ira furor brevis eſt. Optimum igitur non irasſci, proximum non vlcisſci: ſed frenare iram, ne animum rapiat, quò non decet; tertium eſt vlcisſci non poſſe, etiam ſi velis. *D.* Pulchra mihi præcipitur vindicta. *R.* Pulchrior venia relinquitur, & pulcherriſſima omnium obliuio. Hæc inter omnes principes; Iulium Cæſarem illuſtrauit. Innumera & ingentes viri huius victoriæ, glorioſiſſimi ſunt triumpho, incomparabilis rei militaris excellentia, altiſſimum ingentum, præclara eloquentia, nobilitas generis, forma corporis, & inuicti animi magnitudo. Cum cuncta collegeris, nil in eo clariuſ clementia, & offenſarum obliuione reperiſ:

que quamquam sibi materiam mortis attulerit; vult iure Pacuianum illud in funere caneretur.

Men' seruasse, ut essent, qui me perderent!

Ex quo tamen necessario moriendum erat, potest quodammodo, tali ex causa optabilis mors videri.

De Odiopopulari. DIAL. XXXIV.

Necures, si te mundus non diligit, unquam,

Et mundo, atque Deo nemo placere potest.

DOL.

Populus me odit. *RA.* Habes, quem prædixeram, popularis finem gratia: pro dilectione odium. *D.* Populus gratis odit me. *R.* Miraris, quod sine causa odit, qui sine discretionem dilexerat, consequens hoc illius; unde modestia exulat, ibi regnare impetum est necesse. *D.* Odit me populus. *R.* Hæc bellua iniuriæ prompta est, segnis officio. Vulgi amor levis, odium graue. *D.* Populus mihi succenset. *R.* Ab amante plausus, ab irato populo perniciēs; impar periculum, ac spes. *D.* Populo odiosus sum. *R.* Nihil impetuosius stultorum turbis, ubi insaniam singulorum publicus furor, & furorem publicum singulorum rabies impellit; alterque alterum trudit. Nihilque periculosius, quam incidere in illorum manus, quibus pro iustitia sit voluntas, pro maturitate præcipitatio. *DOL.* Odit me populus. *RA.* Non amasset utinam, ne nouisset quidem. Amor malorum, odio finitur. Vtrumque anceps; sola ignorantia tuta est. *D.* Populo sum inuisus. *RA.* Populus odiosus, leniendus, aut linquendus.

*Inuidiam qui unque voles vitare nocentem,
Infelix fias, non odicjns eris.*

D O L.

Inuidetur mihi à multis. *R.* Præstat inuisum esse, quàm miserabilem. *D.* Inuidia exerceor æmulorum. *R.* Et quis vnquam virtutis amicus, exercitio hoc caruit? Percurrere animo omnes terras, omnia sæcula, cunctas historias euolue, vix insignem virum hâc immunē peste reperies. Nolo nunc narrationem ingredi, quæ nos longè nimis à proposito distrahat; sed, si aliquid meministi, omniū, quæ legisti, non possunt ignoti tibi esse quā plurimi, quorū comitatu, non tantū consoles, sed etiā glorieris. *D.* Inuidetur mihi. *R.* Linque honores, & officia publica, desine incessu elato, & superbo comitatu per ora ciuium volitare. Sequestra te ipsum; quantū potes, ab oculis multorū inuidorum, nec vultu, nec verbo, nec habitu digito te notandū præbeas. Vulgus, & liuor in plateis habitant, sic & mala ferme omnia. Quidā hostes nullo melius modo quàm fuga vincuntur, ac latebris. *D.* Et profugum, & latentem liuor insequitur. *R.* Tolle mali materiam, malum omne sustuleris: nimis opibus modum pone: quicquid eximia specie inflammare animos potest, vel abiice, vel absconde: Si quid est, quo carere nolis, aut nequeas, modestè vtere; inuidiam, quam insolentia exasperat, humilitas lenit. Sunt, quæ illam extinguant, efficacia quidem, sed morbo ipso peiora remedia; miseria scilicet, & infamis vita: de quorum altero dictum est, miseriam solam inuidia carere: de altero Socraticum illud: interroganti enim

Alcibiadi, quibus modis inuidiam declinaret, respondit Socrates: Et viue, inquit, vt Therſites: cuius vitam ſi neſcires, in Homerica leges Iliade: ironicum planèque Socraticum reſponſum. Non enim eſt conſiliũ, vt inuidiã vitas, vitare, virtutẽ; fatiũſque eſt Achillem eſſe cum inuidia, quàm Therſitem, ſine: quanuis illud conſtet, magnos interdũ viros, vt ſecuri viuerent, & virtutem ad tempus, & ingenium occultaffe. *D.* Inuidet mihi multi. *R.* Inuidiam, nili vel ignauia, vel miseria vix euades; quam, ſi ſic euaseris, in contemptum incidet; vtroque caruiſſe difficillimum. *U.* Inuidiam multorum premor. *R.* Eſt, vt perhibent, calcandæ aliud iter inuidiæ, per excellentem gloriam, ſed perraro veſtigio ſignatum; ita, vt plures hoc calle gradentium in id, quod fugiunt relabantur.

De Contemptu. DIAL. XXXVI.

*Si te contemnunt homines, & ſriuolà dicunt,
Diſſimula, riſus deſinit in gremium.*

D O L.

Sed contemnor. *R. A.* Si iniuſtè quidem, eſt [non inficior] quod doleas. feras tamen; alioqui eſt, quod rideas. Nihil eſt enim ridiculoſius, ſed nihil crebrius, quàm contemni Sapientem ab infanis. *D.* Spermor. *R. A.* Circa hoc verbum vnum, quatuor bona eſſe dixere aliqui. Spermere mundum: Spermere nullum: Spermere ſeſe: Se ſperni: hoc tibi vltimo opus. *D.* Spermor à multis. *R. A.* Si à maioribus, fer; ſi à paribus, patere. Illi ſuo iure vtuntur. Ferè namque contemptui ſunt minora maioribus. Hi ſe contemptui offerunt, & maiores fieri, quando aliter non poſſunt, hac tentant via. Sine minoribus, ſine illos

illos insanire; neque magnificas contemptum, qui illis infamiae sit, tibi gloriae. Spreuit Achillem Therites, de quibus modò diximus; Homerum Zoilus; Augustum Antonius; Vergilium Euangelus; Ciceronem Calvus. Et [quod ex Evangelio didicimus, quodque est maximum] Herodes pessimus, miserrimusque hominum, Christum spreuit. Quid vel contemptis hoc nocuit, vel contemptoribus profuit? *D.* Spernor, & irrideor. *R.* Irrisuum nescio quid, & histrionicum etiam esse animis solet, eoque magis; quo minoribus, quid minus est opus alter alterum ridet. *D.* Spernor ab aliis. *R.* Recordare aut tu alios aut spernas, aut sperneris. Hic est mos humanus, spernere, & sperni, mutuo vos vicissim odio; mutuoque premitis contemptu, & vultis aliis esse venerabiles, neminem venerantes; placere vultis Deo, cuius operum nullum vobis placet, eo, quo placere debet modo; in quo praeclare quidem, noster Cicero; si praeclarum aliquid sub Deorum nomine dici posset: Minimè, inquit, conueniet, cum ipsi inter nos viles, neglectique simus, postulare, ut Diis immortalibus cari simus; & ab his diligamur. Illud ergò praeclarius, Malachiae prophetae: Nunquid non pater vnus omnium nostrum? Nunquid non vnus Deus creauit nos? Quare ergò despicit vnusquisque vestrum, fratrem suum. *D.* Sperni grauius fero. *R. A.* Etsi nemo sperni velit, multi cupiant timeri, multò tamen est sperni securius, quàm metui. Itaque quod ait Annaeus in epistola quadam: Non minus contemni, quàm suspici nocet; non admitto; illud ab eodem alibi dici rectius aestimo: periculosius timeri esse, quàm despici. Proinde cum veteri Sapientum edicto, tria haec vitanda didiceris; de

quibus totidem continuis tractatibus egimus, & sint mala omnia, haud dubie tamen malum minus hoc ultimum, quanuis ignobilius, nec deest suum cuique remedium. Odium obsequio lenitur, liuor modestia, contemptus amicitia illustrium, & honestis artibus, ac virtute. Nemo primum Bruto contemptior Romæ fuit, nemo minus postea. Age & tu bonum, magnūque aliquid, quo contemni nequeas.

De Promissi muneris tarditate.

DIALOG. XXXVII.

*Fers grauititer non seruari promissa, memento,
Te quoque consuetam fallere saepe fidem.*

D O L.

SErò promissa complentur. *R.* Quid singulariter de hoc quereris, quod omnibus est commune? Nulla quidem res magis munus inquinat, quàm dura frons, & lenta dilatio; sed hic est mos, citò vultis accipere, tardè autem dare: ad illud alacres, ad hoc mœsti, ad illud præcipientes, ad hoc segnes. Ingratitudinis duplex radix, duplex materia querelarum, dum & illos mora, & celeritas hos constringat. *D.* Multa mihi promissa sunt, nihil impletur. *R. A.* Magnis promissoribus minimum fidei esse debet. Nota vanitas, notæ blanditiæ, nota hominum mendacia. Multa tibi vnus aliquis promisit, sufficit promisisse, quære aliū, qui promissum impleat. Non potest vnus omnia facere, fecit hoc promissor, vt eū interim diligeres. *D.* Quod mihi promittitur, nō fit. *R.* Duarū cupiditatū potentior est, quæ tenet, quàm quæ poscit. *D.* O quot ille pollicitis abundabat. *R.* Aut irridebat, aut ad tēpus diligi volebat [vt dictum est] & fortè dum

dum tibi multa promitteret, vnum aliquid à te poscebat, quod, vel magni pretio mendacij bene partum æstimaret, sæpe autem, qui diuites sunt verborum esse inopes rerum, nosse debueras. *D.* O quàm multa mihi promissa sunt. *R. A.* Si mihi credideris, multa promittentibus nihil credes.

De Repulsis. DIAL. XXXVIII.

*Ira sci noli, pateris si forte repulsam,
Sape datur, quod post obtinuisse deles.*

DOL.

Repulsam passus indignor. *R.* Vis ne igitur, quæcunque poposceris, adipisci, ita, vt negari tibi nihil possit? ne intolerandæ superbix sit, hoc velle. Meminisse magni Pompeij decuisset; quo nescio, an maior vnquã fuit, de quo tamen scriptum est: Quæque dari voluit, voluit sibi posse negari; quàm multa Cæsaribus supra humanam magnitudinẽ, summo etiam imperio gloriosis, negata cognouimus; & tu grauitè vnã, aut alteram fers repulsam? Deniq; quàm multa quotidie Deus poscit ab homine, nullius rei indigens, nec impetrat? *D.* Non possum æquo animo repulsam pati. *R.* Cur petendi tibi arrogas licentiã, & negandi aliis carpis libertatẽ? Quid quòd sæpè indigna petitio, dignam repulsam præbuit materiam. Quid quòd sæpe etiam petendi repulsam utilis fuit; cui, quod petierat, impetrasse damnosum erat. *D.* In iustam patior repulsam. *R.* Si iniusta est repulsam, iusta ergò petitio: gaude, cuiuscunque potius culpã esse, quam tuam. *D.* Vnde non merui, repulsam tuli. *R.* Multi se magna meritos putant, vnde penitus nil merentur. Hinc repulsam dolor, hinc que-

E iij

relaxata, quibus orbis terrarum, & omnis vita hominum plena est. *D.* Pudendam patior repulsam. *R.* Pudendum nihil, præter culpam: quem pudorem tibi inferre potuit, quod tui non erat arbitrij. *D.* Repulsam patior, unde non credidi. *R.* Credulitas incerta est, certa autem res; non posse, quod petitur, negare, non est liberi, sed serui. Non posse repulsam pati, non est ciuis, sed tyranni. *D.* Optata sperataque rei passus sum repulsam. *R.* Si quicquid sperant, cupiuntque homines, assequerentur. Dij essent omnes. Tu verò, ut indignationes multas, ac dolorem fugias repulsarum; disce optare possibilia, & honesta: non assequi velle, quicquid inconsultus, & inexplebilis appetitus optauerit, quicquid spes vana suggesserit. *D.* Non tantum repulsus ego, sed indignus mihi antepositus fuit. *R.* Et quoties indigni dignissimis præferuntur, & quoties indignos indignissimi iudicant; alienarum seuerior, suarum quisque fauoralibus rerum iudex. Multi se indignos dicunt, pauci credunt. *D.* Parua rei patior repulsam. *R.* Multis parua negata, magna vtrò oblata vidimus. Si repulsis compensentur munera, fortunæ lance æquabuntur: sed vos illas indignatione augetis; hæc obliuione, atque dissimulatione minuitis. *D.* Dignus eram [ut arbitror] non repelli. *R.* Ut si ita, an tu omnia, pro dignitate hominum, dari existimas, ac negari? Utinam ita esset, ut & plures bonos, spes præmij & pauciores malos faceret metus poenæ: sed non ita est: amor, odium, spes, cupiditas, affectus inconditi, cuncta permiscuere. In te vero fortunæ stilum publicum vis mutari, & non te potius ad communem cursum humani mortis inflecti? *D.* Quanto indignior mihi anteponi-

tur competitor. R. Et Lucius Flaminius, mox ob indignum facinus iudicandus, & ordine senatorio amouendus; Scipioni Nasicæ prælatus fuit, viro omnium optimo, senatus, & populi sententiis iudicato. Et Vatinius Catoni, illaudatus laudatissimo, non solum populi amicorum, simulque hostium iudicio; sed toto etiam Ciceroniano volumine; quid hic dicis, ut sint graua, non sunt noua, quæ pateris. D. Multum sperabam, modicum non mereor. R. Ut multum quoque merearis, dixi iam, non omnia pro meritis dari. Quid, quod semel negatum, eidem id ipsum mox concessum vidimus? Quod in ipso, de quo loquor Scipione, accidit; repulsarum duriciem sæpè pertinax virtus infregit. Testes sunt Æmylius Paulus: Metellus Macedonicus: Lucius Mumius, qui consulatus repulsam passi omnes, iidem speciosissimis consulatibus, ac triumphis postmodum honestati, suis ciuibus, quibus contemptui fuerant, spectatulo fuere; nunquam ad id peruenturi, si repulsas populi lamentis, potius acerbare, quam virtutibus superare voluissent. Lucius Sylla, quanuis in finem ciuilibus discordiis irritatus, famam suam nota crudelitas infecerit: nobilitate tamen, & gloria insignis ciuis, non consulatus, sed præturæ tantò minoris rei repulsam cum tulisset, summam reipub. post adeptus, & præturas, & consulatus, & imperia non tantum consequi potuit, sed donare. Non debet repulsa spem auferre, sed afferre sollicitudinem, ac virtutem acuere; quæ nil tam asperum, quod non leniat, idque etiam, si quando non fecerit, non tamen ideò deferenda est; ne propter se ipsam suumque proprium finem, culta videatur. Denique hi repulsas suas forti animo tulere. At Publius Rutilius repulsa fratris au-

data, quam erat passus, in petitione consulatus; statim morte obiit repentina. Elige vtrum sequi malis.

De Iniusto Domino. DIAL. XXXXI.

*Imperium quodcunque feras, nam vulgus iniquum
Sape magistratus commovere malos.*

D O L.

Iniustum dominum patitur Resp. R. A. Sed fortassis id merita, & id sceleri scelus est debitum: non solum apud inferos, sed vbiq; fieri iudices, vbiq; iustitia suum opus exercet; & si sæpius cunctetur, interdum properat: verumque re ipsa fit, quod scribitur, Vtique est Deus iudicans eos in terra. Dæmones ex hominibus fieri quidam opinati sunt, perpetua criminum licentia peccandi que libidine: quod, vt fortè tolerabiliter dictum sit, malorum voluntatum similitudo effecit, qua homo malus, atq; in malis obstinatus, penè dæmonem equat. Cui sententię, si recipitur illud, fortasse non dissonum fuerit, vt permissu diuinę iustitię, dæmonem dæmon premat; qua in re illud duntaxat [vt videtur] & miserum, quod nonnunquam sceleratorum suppliciis miscentur innoxij; & nimis verum, crebrumque comprehenditur illud Flacci.

Sape dies pariter neglectus,

Incepto addidit integram:

Quod ipsum nō sine certa, licet vobis occulta, iustitia Dei fieri, indubitata fide creditur. D. Crudelem dominum perpetimur. R. Crudeitas mala quidē, & nature hominum aduersa, sed vtile vitiiis, & lasciuienti populo frenum. paucor, vndecunque oriens. Amare in sciiis, expedit timere: quicquid id quidē sit, Nemo tam trux dominus, vt non truculentior sit voluptas, prosperitatis comes, ac filia. Male agentibus

gentibus nihil peius, quàm securitas, ac libertas. Qui nihil metuit, proximus est ruinæ. *D.* Iniquum dominum infausta plebs patitur. *R. A.* Nihil mihi crede, misera in plebe miserior, quàm tyrannus; quod si dubitas, Dionysium contem-
plare. Ille vir improbus, nec indoctus, de se ipso, suaque tyrannide quid sentiret, apertissimè, pen-
dentis supra amici verticem gladii cuspidè, decla-
rauit. Nota est historia. Timet plebs tyrannum,
& tyrannus plebem; sic reciproco pauore se cru-
ciant. Hoc refert. quod miseria plebis apparet,
ac tyranni latet; non minus tamen affligit purpu-
reo velamine tectum vulnus, deque minus au-
reæ grauant compedes, quàm ferreæ. Est & sua,
vt in sordibus, vtque in fumo, sic lautitiis, ac splē-
dore miseria. Aurea quidem tyranni vestis ex-
trinsecus; obuerte illam, ardentibus intus aculeis
plena est. Ita, vt vides, non penitus, aut impunè
sæuiunt tyranni, aut inulta plebs premitur. *D.*
Inclementissimus nobis est dominus. *R. A.* Non
tot passim essent domini, nec tam latè furerent, ni-
si populi insanirent; & cuique ciuium pro se ca-
rior foret res priuata, quàm publica; voluptas,
quàm gloria; pecunia quàm libertas; vita quàm
virtus. *D.* Vnum dominum, serua fert patria. *R.* At
non vnum, sed triginta simul illa nobilis legum
mater, Græciæque lumen alterum [Athenæ,
D. Patria dominum vnum fert. *R. A. T.* multos
autem Roma: quis Caligulas nesciat, ac Neronés,
& Domitianos, & Commodos, & Helogiabalos,
& Bassianos: & Galienos, ac ne singula imperij
probra exequar, Maximinos, & pietatis hostes, Iu-
lianos, ac Decios? Sardanapalum Assyria pertu-
lit; Cyrum Persis; Alexandrum Græcia; atque A-
sia reges dictos. Verè autem tyrannos acerrimos,

& immites tulit; & Dionysios Sicilia, Phalaridem, Agathociem, Lacedæmon, Cleomenem, Nani-
démque; quem Agri quoque perpesti, fœmineam
que vxoris auaritiam; quæ viro ipso rapacior in
sexu suo tyrannidem, miris modis exercuit: sed
quo feror? quis autem veteres aut novos nume-
ret tyrannos? qui tam multi hodie, tamque atre,
hinc suis opibus, ac potentia populorum; illinc
moribus, atque dementia radicati sunt, vt nec
numerari iam valeant, nec conuelli: neque mi-
nus apud vos, quàm apud, Ægyptios, aut Me-
dos libertate pestundata, ac sepulta, versa serui-
tus in naturam sit; sic vt pars maior populorum,
tyrannum si non habeat, quæ situra precario, seu
precio emptura videatur, vsque adeò patres ve-
stros esse, quod nati erant, puduit: vos enim pe-
nè omnes in seruitio nati, atque educati, vt do-
loris antiquam, sic nouam querelæ materiam
non habetis. *D.* Potentis domini graui præ-
mimur iugo. *R.* Aristophanis poetæ utilis fa-
bella, quæ monet, non nutriendum in vrbibus
leonem: tamen si nutritus fuerit, obsequendum
illi esse; nec tyrannidis naturale malum impa-
tientia cumulandum, quamque ipse feceris po-
tentiam detractandam. Rarò equidem tyran-
nus, absque culpa ciuium, surrexit in populo.
Verus est autem verbum: Ede, quod nutriti.
D. Dominum importunum patimur. *R. A.* Si
omnis potestas à Deo est, seu ad bonorum exer-
citium, seu ad malorum poenam; par est, vt diui-
no imperio te subiectum sentias, non humano.
Cuius si minister immitior videtur, patientia
fortassis efficiet, vt mitescat. Vix est vllum tam
ferox ingenium, vt non obedientia, & obsequio
leniatur, vel ferendum denique; ponendum
omne,

omne, quod premit. Nempe nihil est tertium præter impatientiam, quæ [ut dixi] molesta non minuit, sed aceruat. *D.* Malus nobis est dominus. *R.* Omnes vos unum habetis notum hostem: unus ille multos habet incognitos: periculosior status. *D.* Dominus nobis est pessimus. *R.* Sed non erit diu. Si bene philosophis visum est: violentum nil esse diuturnum. Et sanè, si vel unum patria ciuem bonum habeat, malum dominum diutius non habebit.

De indocto præceptore. DIAL. XL.

*Forſan ab indocto ſitus do care magiſtro,
Fac alium quæras, ſed uſe eſto tamen.*

D O L.

Est mihi præceptor indoctus. *R. A.* Etsi doctum facere non possit indoctus, verumque sit commune illud signum; Scientis est posse docere: sub indocto tamen præceptore, doctus aliquis fieri potest, vel per seipsum vel [quod est verius] influentia caelesti, atque inspiratione. Et ut Ciceronis utar verbo: Aliquo aflatu diuino, sine quo nec doctum certè, nec bonum virum fieri posse, credendum est. Hoc enim non solum vera religio sentit, sed gentilis quoque philosophiæ consentit autoritas. *D.* Indoctum præceptorem nolens audio. *R. A.* At caelestem præceptorem audi libens, qui fecit aures tibi, non has tantum, quas videmus, sed inuisibiles, alias intus in anima. Illum audi, qui docet hominem scientiam, sicut scriptum est: quo in super tacente, frustra præceptor quicumque mortalis, quanvis doctissimus, laboraret. *D.* Præceptorem indoctum agrè fero. *R. A.* Vel ab illo fugiens, alium quære: vel ad teipsum redi. Et me-

mento Epicurum, sæpè à Cicerone, licet irrifum; visum tamen Senecæ magnum virum, non indoctum modò præceptorem habuisse, sed nullum: ut gloriabundus idem ipse commemorat. Augustinum verò, quod de se ipso testatur, cui non omnia credere nefas est; & Aristotelicas categorías, quæ inter difficillima numerantur, & artes liberales, quas singulas à præceptoribus didicisse magnum, dicitur, nullo hominum tradente, ut idem ait. omnes intellexisse. Nouissimùmque Bernardum, virum doctrinâ, & sanctitate clarissimū, omnes suas literas quarum inter cunctos sui temporis abundantissimus fuit, in siluis, & in agris didicisse, non hominum magisterio, sed meditando, & orando, nec vlllos vnquam alios, ut de se etiam ipse ait, præceptores habuisse, quàm quercus, & fagos. Hæc si facta sunt, cur non iterum fieri possint? Quod nisi sic esset, quid fecissent primi hominum, quib. nec præceptor vllus erat, nec reperti aliqui: mirando ergò, cogitando, assurgendo, & ingenium aciendo, ea ipsa, quæ vos, cum omnibus præceptoribus vestris, vix intelligitis inuenere. Aude & tu aliquid, réque magnis inferere ne diffidas. Si mortalis defuerit, æternus aderit præceptor, à quo sunt omnes, & omnia ille fecit ingenia, & scientias, & magistros.

De Discipulo indocili, ac superbo. DI. AL. XLI.

Infruere indocilem puerum, quicumque laboras,

Littus aras, & erit gratia: nulla tibi.

D O L.

Discipulum habeo indocilem. *R. AT.* Perdis operam, littus aras semina proicis; natura non vincitur. *D.* Discipulum indocilem fors dedit. *R. A.* Terræ aridæ colonus, solue boves.

ues; quid te torques? Illi parce, & tibi; cum tot sint labores necessarij; inevitabiles; superuacuos quærere, stultitia est. *D.* Discipulum habeo litterarum indocilem. *R. A.* Si docilis est virtutum, illic insta; melioribus illum artibus ornaueris. Quod si neutrum capit, vacuum sine; néve quid in pertusum vas effuderis, quod neque ibi subsideat; neque ingi tædlo exhauriat. Sic habeto etiam. Omnes qui sunt, quique erunt, aut fuerunt virtutibus, aut doctrinis clari, non posse vnum ingenium accendere, nisi aliqua intus in animo scintilla sint; quæ præceptoris spiritu excitata, & adiuta, generosum disciplinæ fomitem arripiant. Alioqui algidum in cinerem nequicquam flabis. *D.* Intractabilem discipulum, ac superbum habeo. *R. A.* Superbia hostis ingenij est, dumque subesse dedignatur, & discere negligit discipulus, insolens ægrè manum ferulæ subiiciet, doctrinæ animum; reprehensionibus autem, colum iugo. *D.* Habeo prosperitate tumidum discipulum. *R. A.* Sicut tumor oculorum visui, ita tumor animi ingenio nocet; ut disciplinis auditus fiat, comprimenda est omnis elatio. Scis, ut Alexander Macedo, cum aliquando mathematicis animum applicasset, & Geometrica sibi quædam obscuriuscula traderentur, difficultatibus offensus, præceptoris imperat, ut id ipsum clariùs tradat, & quid ille respondeat: Hæc, inquit, æquè omnibus difficilia sunt; ut scilicet omnem illi spem regij fastus excuteret: sic est enim hercle. Nullæ sunt fortunæ partes in ingenij rebus; quisquis doctus, ac sapiens fieri vult, obliuiscatur interim se potentem. *D.* Discipulum rudem, elatūque habeo. *R.* Contra ventum aduerso flumine nauigas; contrahe carba-

fa, terram pete. *D.* Contumacem habeo discipulum, propter uumque. *R.* Non arenam tantum fodis, sed serpentem nutris, Aconitum excolis, hostem doces. *D.* Duræ discipulum ceruicis instruo. *R.* Surdo canis, sed sic est? hos clamor, hos silentiū delectat. Potentissima semper in rebus omnibus consuetudo est. Vide ut piscator tacitus, ac clamorosus venator, ac clamorior aliquantò scolæ arbitrer, quam filux. *D.* Duricordem discipulum natus sum. *R.* Sæpè facilius vrsi caput mollias, quàm hominis, quid vis autem? Est in fabulis, lupum, ac vulpeculam literas didicisse. Nam elephantis studiosi non anilis fabula est, sed naturalis historia. Et hic tuus forsitan studio naturam leniet. Apud me autem vna ferè pastoris, ac præceptoris vita est, Mirum, nisi vterque tandem à conuictu mores traxerit. Ille belluas tēgit, hic pueros.

De Nouerca. D I A L. X L I I.

*Rara avis est, natis c'emens, & iusta nouerca,
Hanc opus est magno vincier obsequio.*

D O L.

NOuercam habeo. *R.* Ergò & patrem: sic sunt fermè res humanæ, ut tristitia lætis, & amara dulcibus temperentur; atque utinam ex æquo: impermixtū hic dulce non habitat; *D.* Iniusta mihi est nouerca. *R.* Nō ineptè Vergiliano epitheto vteris; quātò autē illa iniustior tibi, tantò in illā ut sis iustior, enitere. *D.* Nouerca mihi superbissima est. *R.* Et fœminæ propriū superbia, & nouerce est; sic geminæ causæ vnum pariunt effectum: non est, quod stupeas; est quod feras, tēque priuignum simul, & filium bonum probes. *D.* Superbissima est

ma est nouerca. *R.* Nulia re melius, quàm humilitate vincitur superbia. *D.* Nouercam ferre nequeo. *R.* At fer patrem: si hunc valde diligis, facile illam feres. *D.* Nouerca impia, atque importuna est mihi. *R.* Esto illi pius, ac patiens: pietatem patri debes, patientiam foeminae, reuerentiam nouercae. *D.* Insolens est nouerca. *R.* Noli pati, vt potentior sit illius insolentia, quàm pietas tua. Nihil durum, nihil arduum est pietati: hæc ad Deum homines erigit, Deumque ad homines inclinât: quoties nouerca sæuierit, non tu illam, sed patrem cogita. *D.* Iniuriosa est nouerca. *R.* Muliebres iniuriæ, contemptum melius, quàm ultione plectuntur. *D.* Grauem patior nouercam. *R.* Bene ais, patior. Succumbere enim, & mulierculam pati non posse, non est viri. *D.* Odit me nouerca. *R.* Ipsam ama. Nam & inimicos diligere diuinum est præceptum: & amare, vt amèris philosophicum est consilium. *D.* Nouerca me odit. *R.* Si patrem tuum amat, satis est tibi: odisse patris amatricem filio non licet: sin & illum odit, quem non oderit? Nam etsi alterum, plusquam virum, amat, tu ille ne fueris. *D.* Nimis odit me nouerca. *R.* Minus malum forsitan nouercae odium, quàm nimius amor. Phædrum nosti, & Hippolytum. Certè odium, quod vlcisci nefas, leniendum, aut fugiendum, aut ferendum est. Nihil est quartum: querelæ sæpè odium exaggerant.

De Duricie Paterna. D I A L. X L I I I.

*Fer patris imperium, quamuis videatur iniquum,
Est pater, & natura non cupit esse malum.*

D O L.

Durum patior parentem. *R.* Duricies patris
sæpè filio salubris: semper damnosa mol-
F j

licies; non linguæ tantum, sed nec virgæ parcendum, docti consulunt: his duobus animorum iuuenilium constat in primis cura, quæ si frustra sint, grauioribus morbis grauiora remedia adhibentur, abdicatio, & carcer: quin & more veteri Romano, ad extremum, supplicia, & mors, quod non consules modò, & duces, quibus imperium in omnes, publici consilij præstaret authoritas, sed priuatos illos præcos ac seueros patres, quibus sola patria potestas ius in filios daret, sæpè acerrimè obseruasse legimus, in quibus maximè Cassij Fuluij nobilitata feueritas. Ita nimis blandum patrem, dic durum. *D.* Patrem patior durum. *R.* Qualem, putas, ille te passus est puerum? qualemve deinceps adolescentem. Difficile id quidem persuadere his sibi valde placentibus: sed crede mihi, nihil durius quàm ætatis illius inconditos mores pati. *D.* Patior durum patrem. *R.* Quid si durus es filius? Dura duris efficacius leniuntur, & sæpè medici mollioris deformior est cicatrix. *D.* Patrem durum habeo. *R.* Si pater verus est, diligit: & si diligit, non quæ mulceant, sed quæ prosint, cogitat. *D.* Durissimus pater est mihi. *R.* Quæ ibi durissima, illi forsan vtilia videntur: cui & certius iudicium, & incorruptior est affectus. Adolescentia non nisi quæ sub oculis sunt, metitur: ætas maturior multa circumspicit. *D.* Pater est mihi durissimus. *R.* Vide ne tu illi durior: ut dum ille dedecori tuo obstat, tu illius vitam, perditis moribus, inquietes. *D.* Perdurus pater est mihi. *R.* Qui salutem filij negligit, ille demum durus est pater, etsi fronte mitissimus. At qui filium ad rectum iter trahit, ope, consilioque adiuuans, & sæpè verborum, sæpè rerum stimulis impellens, sæpè

Tæpè vel tardum increpitans , vel inuitum co-
 gens, quamuis seuerior sit aspectu , durus est mi-
 nimè. Fructuosior filio seueritas pat. is solet esse,
 quàm comitas. *D.* Durus est pater. *R. A.* Su-
 percilium paternum, zelus, dolor, metus, ætas ex-
 cusant. *D.* Durum patrem ægrè fero. *R. A.* Quid
 si [quod multis sic affectis iure accidit] ferre du-
 riciem cogaris alterius? Quid si ipse contumacis
 filij pater esse incipias? tunc intelliges, quàm sua-
 ue patris iugum , & quàm iustum sit imperium.
 Nunc non nisi vnum intelligis , quod delectat,
 inque hoc vno iudicium tuum habes non dele-
 ctatione animi, sed titillatione sensuum circum-
 uentum. *D.* Durus mihi pater est. *R. A.* Vt
 sit durus, illum tibi, non te sibi iudicem dat na-
 tura, quam sequuta lex ciuilis, castigatores paren-
 tum filios erubescit. Pudeat te audere, quod vlli
 filio licere legem puduit: siue de te iudicet, qui te
 genuit, aluitque. Tu de illo iudicium linque a-
 liis, patremque, si verè laudis non est capax, deco-
 ro saltem silentio venerare. *D.* Durus pater
 est moribus. *R. A.* Non arguendi mores patrum,
 sed ferendi sunt. Nihil turpius in Alexandro so-
 nat, quàm quod, non dicam patrem conuitiis at-
 tentasse , sed paternis laudibus inuidisse vitius
 est: de patre vel gloriôsè loquendum, vel tacen-
 dum. *D.* Habeo durum patrem. *R. A.* Ha-
 bes vbi amorem, vbi pudorem, vbi patientiam, vbi
 obedientiam tuam probes. Nullum in terris im-
 perium iustius, quàm patris: nulla honestior ser-
 uitus, quàm filij. Nil tam suum cuique est quàm
 filius patri; nil cuique indignius eripitur. Sed vos
 præcipiti, atque intempèstiuo desiderio, subesse
 nati contènitis: præesse concupiscitis; sic & patrib.
 vos aufertis, & patrum antè vobis imperium vsur-

patis. Duplex indignitas: ita fit, ut insolentia iuuenilis, undique rerum turbet officia. Hinc fortè prohibiti, de patrum asperitate querimini, vestro digni iudicio, quibus omnia liceant, ob id vnum, quòd nati estis; & placere vobis ad speculum didicistis, tum demum, cùm præesse cœperitis, fensuri, quid vobis turpiter ante tempus optatum esset. *D.* Rigidus pater est mihi. *R.* Quid si pius est rigor? pater filio rigidam pietatem, patri filius obsequium reuerens, obedientiamque humilem debet. De Manlio Torquato in historiis, & apud Marcū Tullium legisti, ut perindulgens in patrem, idem acerbè seuerus in filium fuit: vulgi fortè iudicio reprehensus in altero; ab incorruptis æstimatoribus, in utroque laudatissimus, tanta diuersitas rerum est. *D.* Pater durus est mihi. *R.* Serò bona vestra cognoscitis, O mortales. A cùm nosse cœpisti, nimis agnoscitis, hinc & præsentia fastiditis, & amissa lugetis. Alterum superbè nimis, alterum nimis humiliter: & vbi agenda grates, & vbi habenda patientia, utrobique querimoniam, nusquam æquanimitas, sic in Deum, atque homines grati estis. *D.* Durus est pater mihi. *R. A.* Veniet tempus, quando hunc ipsum patrem suspires, nec respondurum voces. Et qui tibi nunc videtur saxis durior, plumis mollior videatur. *D.* Durum patrem habeo. *R.* Patrem dum habueris, non agnosces.

De filio contumace. DIALOG. XLIV.

Corrige, dum tener est, puerum, nec parcito Virga:

Dum tener est ramus, flectitur obsequio.

D. O. L.

Habeo filium contumacem. *R. A.* Equum est, ut qui patrem ferre non poteras, filium feras;

feras ; utique farcinam grauiorem : magis
 animum premit , pungitque acrius , superbi fili-
 verbum vnum irreuerenter prolatum , quàm
 seueri patris quæcunque duricies. Ille enim in-
 iuriam facit, hic iure suo utitur. *D.* Filium ha-
 beo rebellantem. *R.A.* Impudenter de minorum
 rebellione conqueritur, qui maiorum iusta con-
 temperit imperia. *D.* Filius contumax est mihi.
R.A. Tandem fortassis intelligis, quid tuus il-
 le tam durus pater visus est tibi. *D.* Filium pa-
 tior insolentem. *R.A.* Si ætatis est vitium, cum
 ætate transibit. Multorum ferox adolescentia,
 progressu temporis, ad virtutem, mirificis proue-
 nitibus, flexa est. *DO.* Rebellem filium habeo.
R.A. Non solus. Et David, & Mithridates Pon-
 ti rex, & Seuerus imperator Romanus, rebellan-
 tes filios habuere, & multis post seculis, Britanni-
 ci pacem regni [ut fama loquitur] turbauit regij
 adolescentis in patrem concitata rebellio ; sed
 quisque sua deflet incommoda , nullus aliena
 vel publica. *D.* Impius, ac sebellis est filius.
R.A. Magna tibi portio paternæ molestiæ dem-
 pta est, mortem filij timere. *DO.* Habeo igna-
 uum, & inertem filium. *R.A.* Nescis, ut Africa-
 nus ille vir magnus dissimillimum filium sibi, lon-
 geque degenerem amauit vnicè. Et profectò ma-
 ior non dicam amor , sed miseratio debetur ei,
 quem minus adiuuat natura. Nullius rei eget,
 qui virtutum diues est ; quarum indigentia verè
 miseros, ac proinde misericordiæ egentissimos fa-
 cit, tu in filio, etsi non virtutem, ama quòd filius,
 si ne id quidem, at quòd homo est. Postremò si
 nihile est, quod ames, miserere. Proprium patris,
 ut seueritas, sic misericordia est. *D.* Perditæ fi-
 lius est vitæ. *R.A.* Ponderis infustum, eoque gra-

uius, quod dum ferri non potest, nequit abiici: perfer. & qua datur, corrige. Si enim aut filium curaueris, aut certe patrem egeris; hoc tibi debitum, illud optabile. *R.* Impius inhumane, intractabilis est filius. *R.* Siquidem mollicies, ac voluptas in perfidiam, ac scelus eruperint, venenosum animal exigendum est domo; neque ubi; se quid natum aestimandum: & in syluis ortas auiculas pascitis. & domi natos sciorpiones occiditis. *D.* Impius, filius est mihi. *R.* Periculosa seponere, antequam nocent, Sapientis est. Non te pietatis umbra decipiat. Nulla impio debetur pietas. Est ubi sit crudelitatis species, pium esse: sed dum aliquid, vel minimum spei est, semper ad misericordiam inclina; mementoque te patrem esse, non iudicem; neque hic tibi Terentianum illud excidat:

Pro peccato magno paululum supplicij satis est patri.

De Discordia fratris. D I A L. XLV.

*Quos odium separat fratres, concordia iungat;
Mansucto fratrem pectore vincet ius.*

D O L.

HAbeo discordem fratrem. *R.* Quid autem? ille ne igitur te concordem habet? *V.* Nanimitas fraterna, quæ vnum ex duobus facere debuit, in duo non iam diuersa, sed contraria, penitusque pugnancia, scissa est. Graue, sed antiquum malum; quod & mundus, & mundi caput ab initio habuere. Siquidem vetus urbis Romæ, sed vetustior orbis infamia est, fraterno sanguine maduisse: tu quod in singulis paribus fratrum vides, & altero, quin etiam adhuc solo, in vno tot millium quid stupeas, non habes. *D.* Est mihi.

mihî discors domi frater. *R. A.* An & hoc miraris esse magna in domo, quod in ipsis materni uteri fuit angustis; ubi olim et si maioris mysterij velamentum esset, certe non discordes tantum fratres legimus, sed bellantes. Est ne igitur novum, si armati faciunt, quod non nati solent?

D. Nulla mihi apud fratrem gratia est. *R. A.* Multo prius hoc in scholis edoctus, quàm domi expertus esse debueras; prouisa verò nec querimur, nec miramur. *D.* Odiosum fratrem habeo, ac discordem. *R. A.* Vt fermè nullus amor æquior fraterno, sic nullum, ubi incœperit iniquitas odium, nulla acrior inuidia. Sic paritas incitat animos, atque incendit, cùm cedendi pudor; & amor excellentiæ eò ardentior, quò incunabulorum recordatio, & quæcunque benevolentiam paritura viderentur, ubi semel à recto calle deflexum est, odium, & contemptum pariunt? his natura rebellantis ardor animi optimè quidem obsequio, atque humanitate placabitur. Vix est enim tam immitè vllum, tamque asperum ingenium, quod non tandem molliat vera, ac iugis humilitas verborum, & rerum omnium levis, & non ficta retractatio. Sin id ferum, atque inualidum deprehendas, seu fortè huc tu cogere tuum ipse animus non potes, quò honestè quidem, atque utiliter cogeretur; tunc, antequam in perniciem res erumpat, ultimo remedio vtendum erit. Extirpanda mali radix, & discordiarum mater propellenda, communio. In quo ita te facilem præbebis, vt quantum iuri tuo demptum, tantum virtuti, famæque additum inuenias. Impia, ac superba cupiditatis aculei nulla re melius, quàm pia & miti liberalitate franguntur. Bonum autem, quo pax domus, & caritas fraterna redimitur,

Vetus valde, nec verum minus est verbum: Magnam discordiarum, bellorumque materiam duo hæc esse pronomina, Meum, & Tuum: quæ, si de vita hominum tollerentur, haud dubiè tranquillius viueretur.

De Amisso Patre. D I A L. XLVI.

*Stulte, patrem lachrymis nunquam reuocabis ab umbris;
Te prior ipse fuit, te prior ipse abiit.*

D O L.

Patrem amisi. *R.* Iustum est, ut quem præsentem querebaris, absentem quæras, nec inuenias. Nihil æquius, quàm fastidita imperia frustra optari. *D.* Pium patrem amisi. *R.* Pium ille filium dimiserit. Gratulare autem seni tuo: illud tandem illi accidit, quod semper optauerat: te incolumi, rebus humanis abiit. *D.* Pium patrem perdidit. *R.* Pius filius, nullam magis ob causam fortuitos casus timet, quàm, ne qua sibi incidens calamitas, patris animum mœrore conficiat: tuo iam tantum periculo securior viues: non erit, quem rumores de te impugnent, quem tua frangat aduersitas, quem tua debilitet ægrotudo, quem tua mors perimat. *D.* Patrem amantissimum amisi. *R.* Incipias de aliis curare, qui de te curet amplius, non erit. Pietatem ab altero tibi exhibitam repende alteri; rarò illi rependitur, cui debetur. *D.* Pium patrem miser perdidit. *R.* Si pietatis ratio tibi constat, solare fortunam tuam recordatione præteriti temporis. Coluisti parentem, & dum licuit, pia semper in illum officia congeffisti. Pater obiit; Pietas viuit: alioqui est, fateor, vnde perpetuò mœstus sis. *D.* Pater me moriens destituit. *R. A.* Fer naturæ ordi-

ordinem; prior exiit, qui prior intrauerat; nec te ille destituit, sed præcessit. *D.* Amisi patrem. *N.* Nescis quid sit patrem amittere, nisi filium habuisti.

De Amissa Matre. DIAL. XLVII.

*Quid carnis matrem luges? tibi terra p. n. est;
Quæ quoque te certo tempore corripiet.*

D O L.

Matrem perdidisti. *R.* Altera tibi superest mater, quam non perdes, etsi velis: ex illa veniens, in hanc pergis. Illa tibi paucorum mensium domum dedit, hæc multorum dabit annorum. Illa tibi dedit corpus, hæc aufert. *D.* Mater obiit mitissima. *R.* Mater substitit durissima, quæ te, & matrem, quam requiris, in vno gremio serua bit; cuius in vtero tecum erit; te, & illam, vt credimus, die vltimo paritura. *D.* Pia me deseruit mater. *R.* Deseri metuens festinauit, gratamque illi suam mortem fuisse credibile est; tuam non visura amplius, atq; vnde maximè me tuebat, securitate parta. *D.* Defuncta est mater optima. *R.* Feliciter hæc excessit; te superstitite; quo præmissio, vt foeminei sūt affectus, flebiliter abiisset. *D.* Obiit mater. *R.* Obeundum erat; idque ambobus; nec de morte queri potes, nec ordine.

De Amisso Filio. DIAL. XLVIII.

*Qui malè transmisit vitam Puer, exeat orbe;
Felix, sed Cælo, qui bene vixit, eri.*

D O L.

Sed amisi filium. *R.* Melius dic præmissi, securus citò quidem, & fortassis hodie, & quid

scimus , an hac ipsa hora. Nulla fides vitæ est; quum tanta sit fides morti; secuturus , dixi, sequens dicere debui; continuè sequeris: nusquam in vita pedem figere permissum homini , vno semper gradu it ad mortem. [mirum dictu] seu ille vinctus , seu solutus , seu stans , seu ambulans , seu sedens , seu sanus , seu æger , seu vigilans , seu sopitus , ad metam fertur , atque illorum more , qui vehuntur nauibus , vel quiescens properat.

D. Amissi filij desiderio excrucior. *R. A.* Compelce animum: quem cupis, inuenies: nulla est mora: non posse pati desiderium parui temporis, puerile, seu foemineum est. Viro enim nihil breue, difficile. Nosti credo , quibus verbis desideria huiusmodi apud Platonem Socrates , apud Ciceronem Cato, & Lælius consolentur: Virtute quavis , & gloria supremi viri; hac spe tamen longè impares. Nosti præterea quid animi Æmilius Paulus, quid Cato ipse, quid Pericles, quid Xenophon ille Socraticus , condiscipulus Platonis, atque æmulus: quid innumerabiles alij, natorum in moribus habuere: nec te præterit, vt propheta idem, & rex filium, quem languentem fleuerat, non fleuit extinctum: cogitans, quòd irrecuperabilia lugere superuacua dementiæ veriùs, quàm pietatis est. Quibus se virilibus exemplis interferit Spartana illa mulier, apud scriptores quidem innominata: sed non pariter illaudata: quæ audito, quòd filius in prælio excidisset; ideò, ait, illum genui, vt esset, qui mori pro patria non timeret. Par Liuiæ virtus, maiorisq; Cornelix; sed clariora sunt nomina, quarum prior ingentis nati, & ad summum spectantis imperium, vt terræ traditus fuit, lutum mox deposuit, nunquam verò memoriam intermisit: altera filiis multis, inmo omnibus amissis,

missis, quorum aliquos à populo interfectos, inhumatosque conspexerat, commiserantibus, & illius sortem, foemineo more, deplorantibus, miseramque vocantibus non se miseram, sed felicem esse respondit. quæ tales filios genuisset. Insignis mulier nec præsentī misera, nec præterito etiam infelix; quæ contra publicam opinionem, & consuetudinem miserorum, se felicitate præterita, & læti temporis memoria solaretur, grata quòd habuisset, quòd amisisset æquanimis; ob hoc vnum digna vti prosperiore successu. Et illa quidem mulier tota grauib. fortunæ vulneribus inconcussa permansit: tu vir, vnico deiectus, luges! *D.* Amisi filium. *R. A.* Amisisti simul, & metus multos, infinitamque materiam sollicitudinum, & curarum; quibus vt careres, vel tibi, vel filio moriendum fuit. Securus patrem sola mors facit. *D.* Filium amisi. *R. A.* Si pius, nil est, quòd illi metuas; in tuto est. At si impius, tuorum numeratorem annorum, tuæ stimulum senectutis extulisti. *D.* Filium perdidī. *R. A.* Si virtute præditum, gaude, quòd habueris. At si vitio perditum, gaude saltem quòd amiseris: vtrobique naturæ beneficium agnosce, seu quòd talem dedit, seu quòd talem abstulit. *DO.* Ante tempus filium mihi mors rapuit. *R. A.* Non fit ante tempus, quod in omni tempore fieri potest. In omnem ætatem multi sunt aditus morti, in adolescentia infiniti. *D.* Sine filio remansi. *R. A.* Et sine angoribus, & sine paucibus. Iam non erit, cui noctes insomnes, cui sollicitos dies agas, cui spes longas, atque inextricabiles ordiare: qui canos tuos, rugasque consideret, hereditatem æstimet, sumptus arguat, moram mortis incuset. Vndique tibi securitas, & quies, geminum bonum ingens: titulo licet

mortis asperius. *D.* Acerba filij morte deiectus sum. *R.* An non Anaxagoram audieras? an oblitus eras te genuisse mortalem? an id potius forsan luges, quod, qui sequi debuerat, antecessit? Equidem cum in multis inordinata hominum vita sit, nullum penitus mors habet, & senes decrepiti cū stantur, & festinant iuvenes, & precipitant pueri, & infantes primo vitæ de limine retrahuntur. Hic tardius licet, ille ocius; hic maturus, ille acerbus, nemo non moritur; hæc summa est: vbicunque verò hoc; qualibet ætatis parte quis obierit, etsi acerbus fuerat, morte maturuit. *D.* Extinctum fleo filium. *R. A.* Si fleturus eras morientem, & nascentem flectes: tunc mori cœperat, nunc desit. Noli autem tuam, & illius sortem optimam lugere: ille iter ambiguum à tergo habet, tu securum ante oculos, non iam amplius, aut caro oneri timens, ut Maro ait, aut alteri. *D.* Cum filio vitæ dulcedo omnis extincta est. *R.* Magnum fateor, ac dulce solatium, patri filius bonus; sed sollicitum, ac graue. Et sæpè dulcissima offendunt, & carissima impediunt, & pretiosissima serum premunt. Et fortassis hic filius obstabat, altiora animo voluenti. Iam mœstior licet, ac liberior factus, exurge: bona de malis elicere, sapientis est. *D.* Mors me filij mœstum fecit. *R.* At, quod restat, alacere exige, illi vixeras, viue iam tibi.

De Infantis filij casu misero. D I A L. X L I X.

*Credendum viuis, quocunque modo perit Infans,
Decedens, turmis iungitur Angelicis.*

D O L.

Infantis filij miserabilem casum fleo. *R. A.* Humanum nihil flendum; homini præmeditata omnia

omnia esse debent: si non sunt, non casum filij, sed inscitiam tuam de fle, & conditionis obliuionem. *D.* Filij infantis miseram mortem queror. *R.* Nulla mors misera, quam mors animæ non sequitur: à quo periculo infans tuus immunis. *D.* Infans meus præcipitio periit. *R.* Qualiter quis pereat, quid refert? modo ne turpiter pereat; & perire turpiter non potest, qui sine peccatis periit. *D.* Præcipitio periit infans meus. *R.* At Archemorus serpente, alij grauidæ lacte nutricis, alij morbis, qui pene plures illam in ætatem, quam in senectutem incidunt. *D.* Periit infans meus præcipitio. *R.* Repentinâ mors innocentibus optanda, nocentibus metuenda est. *D.* Infans meus ex alto præceps periit. *R.* Languidè pereuntibus mors durior sæpè, & angustia longiores: dolor omnis, eò tolerabilior, quò breuior. *D.* Periit præcipitio infans meus. *R.* Præcipitari, & ruere illius ætatis est proprium. Fecit infans tuus, quod faciunt omnes, etsi non omnes casu pereant. At tu sine illum periisse, pereundum erat: & feliciter secum agitur, prius pereundo, quàm vitæ malis implicaretur: quæ, quàm multa sint, sciunt experti, & intenti. Nemo enim non expertus est: non intenti autem multi, qui quasi somnū vitam agunt cuius reminisci nequeant experrecti. Periit innocens infans tuus, qui fortasse, si ueretur, nocentissimus periisset. Noli illū in tuto positum, deflere; fortunæ minas omnes euasit, & præoccupauit mortem, quæ illum dilata præoccupasset. *D.* Lupus meum deuorauit infantem. *R. A.* Ista iam vermium est querela. *D.* Infantis miseri corpusculum lupus rapuit in cauernam suam. *R.* Felicis animam infantis in cœlum Angeli rapuere.

De Filio, qui alienus inuentus est.

DIAL. L.

*Si dabitur soboles alieno semine nata,**Fac foveas etiam, cum sit imago Dei.*

D O L.

ET [quod morte grauius] qui meus credebatur, alienus est filius. R. Si ad communem spectaretis patrem [Comici consilio] humani nihil a vobis alienum putaretis. D. Diu alienum filium, vt meum paui. R. Suum filium pauisse, natura fuerit, alienum charitas; modò post factum non poeniteat, sed delectet. D. Filius ille meus dictus, alienus apparuit. R. Aperta tibi ad magnum, & singulare meritum via est, si hunc ipsum, vt hactenus, sic deinceps quasi tuum paueris. Id illi quidem longè gratius, atque acceptius Deo est. Solent enim ingrati filij, ceu sibi naturali quodam iure debita, patrum alimenta contemnere; & præterea scelus est amare filium, qui ex te genitus sit. & ad Deo creatum hominem non amare. Ita vndique apud Deum, atque homines pietatem eximiam tibi quaerieris, ex alieno flagitio. D. Paui pro filio qui non erat filius. R. Pauisti vt filium, pasce iam. si non vt filium, at vt fratrem: omnium, qui sunt, qui que erunt fueruntve, vnus est parens, vnus rector. Nolite per insolentiam dissimulare, aut per inuidiam, atque odium, sacrum naturæ vinculum rescindere. Omnes inuicem fratres estis. D. Filium, quem putabam meum, non esse audio. R. A. Vide à quo audias. & cui credas. Multi enim malis stimulis impulsæ falsos rumores, studio confingunt. Alij linguæ fluxu quodam effrenique impetu, & quæ sciunt, & quæ nesciunt pari loquuntur auda-

audacia. Difficilis est autem de filiatione sententia. *DO.* Filium, qui meus dicebatur, alienum esse audio. *R. A.* Cur hoc aliis potius, quam uxori credis, qua, hoc vnum saltem, nemo certius nouit? Illa tibi certè filium dedit, quem nunc alij nituntur eripere. Audisti credo, ut patrum memoria vir illustris fuit, cui forma, & genere par vxor obuenerat, sed fama pudicitiae ambigua. Ex hac vnicus infans pulcherrimus natus erat, quem cum die quodam in gremio habens mater, grauem curis, & suspirantem virum animaduertisset, quasiuit, quæ tanti causa suspirij. Rursus ille suspirans: Vellem, inquit, dimidia domini mei parte pacisci, ut ita mihi constaret, hunc puerum meum, sicut tibi constat esse tuum. Ad hæc illa nihil fronte mota, vel animo: Enimvero, inquit, nequaquam tanto pretio est opus: da mihi centum prati iugera, ubi greges meos pascam, & de hoc ipso certum ego te faciam. Cumque ille impossibile prorsus id diceret: Conuocatis, qui probè aderant, proceribus, & sponse interposita, natum illa vniuersis extulit. & Est ne, inquit, hic verè meus. Cumque vir annuisset; illa brachiis portentis, ei puerum porrexit, & accipe, ait, dono eum tibi: iam haud dubiè tuus est. Risu astantium oborto, pro vxore definitum, & vir omnium sententiis condemnatus est. Crebræ nlinis inter homines huius generis lites, ac lamenta sunt. Proni in naptias, immò lubrici, ac ruentes: vix videre diem creditis quo mariti, hoc est viri sitis, quasi aliter non possitis. De hinc perfusi in gaudia seu veriùs in furores coniugij, dies primos in strepitu, inter epulas, & choreas, agitis, inter epithalamia, & iocos, & cantus, & tympana, reliquam vitam omnem inter suspicio-

nes, & iurgia; utrobique reprehensibiles. Nam rem neque adeo ancipitem, sic amare; neque tam inseparabilem, sic horrere, neque tam amabilem, sic odisse decuerat, coniecturisque fallacibus apud hominem, sanctissima diuinæ, atque humanæ domus iura confundere; atque arctissima vitæ huius vincula dissolvere. D. Quid, quod meum vxor non esse ipsa confessa est. R. Singulare, velut aliquid narras: quotidiana sunt hæc. Aliæ viuentes hoc fatentur, aliæ morientes: quarum aliqua nunciandum viris, post obitum, reliquerunt. D. Non esse meum filium, ipsa mihi fassa est coniunx. R. Fassa est idem Olympias Philippo, magno viro; magni filij iacturam, nec fletum, nec suspirium, nec querelam legimus. Nunc fabellam accipe ridiculam, sed materiæ non ineptam. Circa littus oceanî, quod Britanniam ab aduerso conspicit, ante non multos annos fama est, fuisse mulierculam inopem, sed forma appetibili, & insigni lasciuia: hæc duodecim paruos filios, totidem ex viris genitos habebat, annis ætatum interstitiis inter se distantes. Instante autem mortis hora, vocari propè virum iubet; & non est, inquit, amplius ludi tempus, nullus horum puerorum ad te spectat, præter maiorem solum: primo enim anno nostri connubij, casta fui. Sedebant tunc forte pueri omnes humi, circa ignem, more gentis, aliquid manducantes. Stupente igitur viro, atque illis rei nouitate suspensis: illa singulorum patres ordine nominat: quod audiens omnium minimus, qui triennis erat, panem, quem dextera, & rapam, quam habebat in manu altera, in terram posuit: ac tremens desiderio, & ambabus inanibus, in altum erectis, adorantis in morem; Da, inquit, quæso, mihi genitrix, aliquem bonum patrem. Cumque illa in fine verborum patrem paruuli nomi-

nominaſſet, & famoſum quendam, diuitémque hominem, reſuſcripto in manibus cibo; Bene habet, inquit; Bonus eſt pater.

De Amiſſo Fratre. D I A L. L I.

*Quid quereſis? fratris probitas itura per orbem;
Sin nulla eſt, melius permanet ille foris.*

D O L.

FRatrem perdidit. *R.* Nondum audio propter quod valde lugeas; fieri poteſt enim; ut & fratrem, & domesticum ſimul hoſtem amiſeris. En iactura, rem malam boni nominis perdidiffe. *D.* Fratrem perdidit. *R. A.* Perdidisti forſitan, qui te perditum optabat, quique rebus obſtabat tuis, multis quidem magnæ laudis aditum fraternus obſtruxit liuor. *D.* Amiſi fratrem. *R.* Filiorum forſaſſa etatula [quod ſæpè vidimus] graue iugum, vitæ tuæ æmulum, gloriæ obicem, id quod conſtat. patrimoniꝝ participem amiſiſti. Fratre impio nullus hoſtis infeſtior. *D.* At amiſi pium, & beneuolum. *R.* Sed mortalem. Non tutela corporis eſt virtus; verùm animi ornamentum. illi gloriā immortalē præſtat; corpusculum mortis interit non eximit; immò quidem ſæpè illud tempus in mortem trudit: quod ſi naturæ ſuæ linquitur, æquè boni pereunt, malique; quin & vulgo imbecilles, bonos; & viuaces, malos cernimus immortalem nullum. *D.* Bonum, & glorioſum fratrem perdidit. *R.* Si frater periit, ſuperſtes eſt gloria virtus, anima, præter quas, humana omnia pari mors turbine propellit, ac diſſipat. Haſ tu igitur. ceu totidē filios fratris, amplectere, atque his bonis immor-

talibus mortalia damna compensa; quod si filij
 supersunt alij, vere illos tuos pietas facit. *D.* A-
 mihi germanum optimum. *R.* Auidè illo vti
 debueras; id si lentius egisti, non mortis iniuria,
 sed segnities tua est. Illa ius suum exercuit, tuum
 tu neglexisti. *D.* Mors me ludit, non putabam
 tam citò moriturum. *R.* Omnia, quæ nolenti-
 bus accidunt, citò fieri videntur, quæ optantibus
 autem serò. *D.* Vix illum mori posse credebam.
R. Cuncta sibi vehementissimus amor indulget;
 nilque sibi non spondet, amaroque cogitatus, &
 quicquid est gustui aduersum, vitat, ac refugit;
 vnde & qui amant, penè sibi æternas delicias fin-
 gunt; tu, si fratrem natum noueras. & mortalem
 nosse debueras; & iccirco si prouisam mortem,
 inopinum velut aliquid, doles, longè erras; si im-
 prouisa autem fuit, errasti. *D.* Sciebam mor-
 talem, sed de morte non cogitabam. *R.* In-
 consulte; sed hæc dissimulatio vestra est. Vix vn-
 quam mori creditis mortales, cum & contingens
 mori semper, & aliquando etiam sit necesse: im-
 mo verò cum non mori, nunquam; mori au-
 tem semper vestræ lex immobilis sit naturæ. Sed
 vos assidue morientes, sensum à præsentibus, a-
 nimum à finè diuertitis, vulgare malum: quod
 quid est aliud, quàm vltro oculos claudere, ne
 radios solis aspiciant, tanquam luci, vt oculis
 damnum sit illam non videre, nec minus cla-
 rum, quod non videas, nec minus verum esse,
 quod nescias. Quis tam cæcus, vt non videat? quis
 tam hebes, vt nesciat? veritati rerum dihil detra-
 hit sensuum aut intellectus infirmitas. Vos equi-
 dem neque infirmi, neque obtusi, sed quod ex-
 cusatione careat, dissimulatores eximij; & ad fal-
 lendum vosmetipsos, ingeniosissimi; qui tanto
 studio

studio inutilia discitis, necessaria nescire nitimini; nequicquam tamen; clausis namque sese oculis ingerunt & nesciendi avidum ingenium irrum-punt, & obliuiscendi cupidam memoriam interpellant, & multa in dies fert vita hominum, quæ nos cogitare adigant, quod nolletis, quæve dissimulationes vestras aut propriis, aut externis excitent argumentis; sed ad plenum fateor; Figmenta mortalium sola mors discutit. *D.* Et mortalem, & moriturum fratrem sciui mortuum, tamē flet.

R. A. Magna pars humanorum actuum superfluit; quid flet mortuum: aut quid illi, quid tibi, quidve alij, tuus hic fletus prodest? ut sit malum mors, quod docti negant, quod nemo negauerit. mali irreparabilis est fletus inutilis. Et certē si quid præter animi vitium, dici miserum decet, si quid penitus in rebus est flebile, flendum potius, dum impendet, quam dum transit; quod regem profectō illum non latebat, cuius paulō ante meminimus.

D. Optimi fratris morte afficior. *R. A.* Nullus affe-

ctus intensior, quàm paternus? quam obrem quæ in morte filij dicta sunt, fratris ad interitum transfer, & quæ utrobique dici solent, amicorum etiam in morte profuerint; quæ iactura par summis est ferenda; tamen, ut reliqua, vno animi robore toleranda sunt omnia, quæ videntur graua, & si creditur oppressura sunt. *D.* Amantissimum fratrem ami-

si. . . Inuisum amisisse peius fuerat. illius enim

amor huius autem ipsa quoque memoria, dulcis est. . . Gratissimum ipsis ab incunabulis vitæ co-

mitem, perdidisti; solus sum. *R.* Non est solus, cum

quæ virtus, & honestas, habitant; inter quas affi-

xam præcordiis fratris imaginem esse nec mors i-

psa vetuerit. Sic nec frater tuus perditus, nec tu

solus.

*Aurum ingens perdis, fidum si perdis amicum;
Quid facies, nam sic cuncta perire solent.*

DOL.

A Misiamicum. *R. A.* Si [ut debet] in amico virtutem amasti, illa certè non perditur, nec moritur; ideò veras amicitias immortales dicunt, quòd nullo vnquam dissidio amicorum, nec ipsa demum morte soluuntur, sic discordiam, vitiùmque omne vincit virtus, ipsa verò nulla re vincitur. *D.* Amicum amisi. *R.* Cætera cum amiseris, non habes; amicos; carosve omnes, tum maximè habeas, dum videantur amissi: præsentia enim delicata, ne dicam fastidiosa, itidem ac superba, minimis reb. offenditur: amicorum recordatio, iucunda, & suavis est; nil amarum retinens, nil dulce non retinens. *D.* Amicum optimum morte amisi. *R. A.* Si commoditates perditas quereris, utilitatis mihi tu calculus, non amicitia quidem ponis. Si conuietum, cogita, quàm parua pars temporis viuentiũ quoque præsentiam exhibet amicorum, quantum curæ, quantum morbi occupant, quantum sopor ac voluptas; quantum quoque peregrinantium discursus, sollicitudinũque diuersoria, & fecesus, quantum denique studia, quantũ otia, quantumque negotia, nunc aliena, nunc propria, & illa rerum multiformium iugis, atque inuicta necessitas, cui nulla prosperitas eximitur, conuietui detrahunt exoptato, quot congressus rari, quàm breues sollicitæque moræ, quàm duri digressus, quàm reditus feri, quĩ obices, quanam impedimenta, qui laquei; his, ac similibus vitæ difficul-

tati-

tatibus, amicitiaque compedibus ad memoriam reductis, intelliges, quantulum est, quod tibi mors abstulerit. Nam si id in amicitia solum libras, quod vnum illi perpetuum, ac stabile fundamentum est, prorsus nihil ibi mors potuit auferre. Audisti apud Tullium, se solantem Lælium, ut illi Scipio suus viuit, ut in memoria eius, nec extincti amici fama, nec virtus extinguatur. Quid Scipionem tuum tibi nunc viuere prohibet? Sed vos, quoniam Scipiones, & Lælij non potestis esse, nec viri quidem esse vultis; & quia summa non prehenditis, media desperatis, aut spernitis; quasi ut poësim, sic virtutem mediocrem, nec Dij, nec homines sint laturi. D. Amicum mihi mors eripuit. R. Amici corpus eripere mors potest, non amicitiam, nec amicum. Sunt enim ex illorum genere, quæ nec morti, nec fortunæ subiacent, sed virtuti; quæ vna humanis in rebus libera, & quæcunque illi subsunt, libertate donare potens est; non esset tanti pretij amicus, si tam facile perdi posset. D. Sine amico remansi. R. Si ritè colis amicitias, nec tibi veteres defunt, nec noui vnquam defuerint amici: quin ex hostibus tibi amicos, ea quidem reddet opinio. Nihil magis Augustum Cæsarem conciliauit Herodi, quàm quod is hosti suo amicissimum, seque per illum, inimicissimum fuisse professus est; sua dignum amicitia iudicauit eum, qui tanta fide, sui licet hostis amicitiam coluisset. Tanta est virtutis, & amicitia pulchritudo, ut etiam in hoste delectet, cogatque illum quoque amare, qui se oderit. D. Amicus mihi fidissimus obiit. R. A. In memoria tibi sepeliendus est tua, vbi clam sæpè tecum sit, & nunquam totus obierit: qui, si tibi fortè aliter, quàm morte perierit, non tu amicum,

sed opinionem falsam amicitiae perdidisti.

De Absentia Amicorum. D I A L. L I I I.

Captus amicorum desiderio, memor esto,

Te totus mundus iam citò destituet.

D O L.

Amicorum torqueor absentia. *R.* Solet id quidem euenire; sed qui amici mortem ferre didicerit, aliquantò faciliùs feret absentiam; nec franget abitus, quem non fregerit obitus. *D.* Abest mihi optatissimus amicus; dextra manus, dexterque oculus meus abest. *R.* Et si irredituri abessent, nihil tamen non ferendum viro dicerem: nunc redibunt, & tua tibi restituetur integritas. *D.* Abest amicus dimidia mei pars. *R.* Dimidium animae suae Vergilium vocat Horatius; quod à multis postea usurpatum, iam pridem in prouerbum venit. Sed si amicus non naturaliter tantum, sed ciuilitè possidetur; quid amicitiae nocet absentia, quominus tecum, vbicunque sit amicus, sedeat, ambulet, colloquatur, vel iocosa, vel seria; & quod praesens fortunè non faceres, absens facias. Nam si nil aliud videretis, nisi quae sunt ante oculos, & sola vos praesentia delectaret, breuis admodum visio, & angusta delectatio vestra foret. *D.* Amici absentis dulci desiderio laboro. *R.* Atqui amaris soliti estis laborare, non quilibus. Accipe verò nunc, quod vulgi aures vix capiant. Dici nequit, quàm tenera, quàmque fastidiosè praesentia sit interdum, etiam amicorum; saepè paruis offenditur, vt quos valde dilexeris; quorumve praesentiam vehementer optaueris, non amicos modò, sed fratres, aut filios, quòd forte sollicitudinis studio, vel occupationibus tuis obstant, abesse nonnunquam malis.

In

In absentia nil amarum, nil quod pungat, præter desiderium, quod dulce tamen, ne tu ipse quidem negas. *D.* dilecti absentia me affligit. *R.* Est id, factor, commune mulierum, atque omnium mulieriter amantium, quorum delectatio omnis in sensibus est. Nihilominus de his ipsis Poëta loquebatur, ubi ait:

Illum absens absentem audi que videt que.

Id si ita est, cur non amicus absentem quoque amicum audiet, & videbit? nisi fortè purgatiores, ad huiusmodi visionem, lascivia sunt oculi, quàm virtutis; aut plus aliquid dignitatis in sano, quàm casto tribuitur amori, cui præter honestos, ac volucres cogitatus, quos prolibito vagari, & esse ubi velint, nulla distantia, nulla vis prohibet; epistolari quoque remedio consultum est, quo nescio an præsentia vlla sit gravior. Romæ quidem erat Marcus Cicero, dum ad Quintum Ciceronem, fratrem suum proconsulatum Asiæ administrantem, scribens: Cum tua inquit, lego, te audire, cum ad te scribo, tecum loqui videor; & mox eum ad gloriæ excellentiam exhortans, efficacissimum id dicit in dictis factisque suis omnibus, fraternam sibi animo finxisse præsentiam. Nescio an Athenis, an ubi esset Epicurus, dum amico scribens: Sic fac, inquit, omnia, tanquam spectet Epicurus. Certè in Campania erat Annæus, dum Luciliū suū in Sicilia degentem, literis alloquens, ut secum studeat, secum cœnet, secum ambulet hortatur; quæ facere ille non posset: nisi animo fierent, & non oculorum, neque aurium, non manuum, neque pedum ministerio indigerent. *D.* Oculi mei absentem amicū anxie requirunt. *R.* Non possum negare quin oculis aliquid, per absentiam, detrahatur; animo autem nihil, immò nec oculis quo-

dammodo [vt prędixi] si tamen amicitia vera est; unde & illud apud eundem Poętam, & legimus, & laudamus: vbi de Euandro, ac Pallante eius filio agit; quę senex Æneę, comitę belli contra Turnum adiunxerat, atq. abeuntem dimittens, Poęta in fit:

Stant pavida in muris matres, oculisque sequuntur:

Pulveream rubem.

quasi in ipsis omnia sunt oculis. Et Cicero ipse in epistola quadam, Balbum amicum suum, in Galliis sub Cęsare militantem, non solum in animo habere, sed in oculis ferre se, dicit. *D.* Amictis abest meus. *R.* Interdum non cognoscitur amicus, nisi abesse cęperit: Sicut cūctis in reb. sic in amicitia, copia ingēs gustū hebetat, penuria acuit. Quod si magister amorū, intermissionē amantib. vtilem dicit, quib. omnibus in pręsentia est voluptas; cur non eadem utilis sit amicis? quorum in virtute iucunditas tota est, quę absentię nullum sentit incommodum, cum vbilibet pręsens sit. Noli ergo desiderio succumbere, sed amicum mentē complectere, quem tibi nec discessus eripiat, nec mors ipsa. *D.* Amici dulcis absentiam amarē fero. *R. A.* Perfer modō, & molliores partes animi, pręsenti virtute consolida. Amariuscula enim hęc, quam defles, absentia, forsan in tēpore cariorem tibi amicum, & amici pręsentiam effecerit dulciorem.

De Gravi Naufragio. DIAL. LIV.

*Naufragio si res perijt, sed te superante,
Sperandum facile est, quod reparare potes.*

D O L.

Graui naufragio iactatus sum. *R. A.* Maris tu mihi memoras naufragium, animi autē siciles,

les: quasi verò vel grauius, vel crebrius vllum sit. Ibi est tempestas illa cupidinum, & affectuū, cœu ventorum repugnantia, quæ vos, tensis concupiscentiæ, speique velis gubernaculo mentis excusso, constantiæque anchoris in alto perditis, per omnes littorum fluxus, perque omnia maria circūuolauit. Illud te naufragium in hoc traxit: tolle cupiditatem, nauigationem ipsam, aut certè periculum nauigandi, magna ex parte sustuleris; illa non in naues solùm, sed in scopulos, & in mortem cogit miseros. Itaque ferè omnes, qui suis auspiciis in mari pereunt, prius in animo perire, priusque illos auaritiæ demerserit vnda, quàm pelagi. Rara est quidem sine præcipitatione cupiditas: quicquid enim vult, confestim vult, morasque omnes, & illarum comites, sumptus odit; ea breuis in exitium via, & crebri prima naufragij causa est. *D.* Magno naufragio vexatus sum. *R.* Didicisti Deum orare, votaque facere, & pacisci multa: quorum, etsi metus causa fuit, tu tamen agnosce fidem, terræ redditus. Non impunè Deus luditur; odit ille fidefragos. *D.* Fœdum naufragium passus sum. *R.* De naufragio nō queritur, nisi qui euasit. Gaude igitur saluus, & doctior. Transacti periculi grata solet esse memoria: sicut ex diuerso finitæ prosperitatis amara recordatio. Quanti verò olim faceres, vidisse Tritones æquor eos, & spumeos aquarū, atque assurgentes fluctus in nubila, & pelagi monstra natantia. Habes vnde brumali nocte, ante focum, fabellas horrificas narres attonitis, trepidulamque familiam admiratione suspendas: iam quid sit poëtica tempestas intelligis, & qui malè credulus stupor fuit, iam notitia certa est, quam bene vel metu mortis, vel iactu mercium sis adeptus. *D.* Duro naufragio labora-

ui. R. Sine labore nihil discitur, hoc si sapis, perpetuum documentum tibi erit, nequando amplius credere vitam ventis, in animum inducas. D. Passus sum triste naufragium. R. Si primum, caue ne secundum adeas; si secundum, sile. Scitum est illud Pub. Mimographi:

- *Improbè Neptunum accusat, qui iterum naufragium facit.*

D. Terribili naufragio vix euasi. R. A. Nescio quid terribilius adeò sit in aquis mori, quàm in terris; quando quidem in alterutro moriendum est: seu quid optabilius vermium cibum esse, quàm piscium. Post quàm tamen enatasti, cura ne iterum fracto vitam remo, aut laceræ credas tabellæ. Discce terrenum animal, terram pati, & cœlum potius ambire, quàm pelagus.

De Incendio. D I A L. LV.

- *Situa flamma vorax rapuit bona, fer patienter,
Namque animi mulio flamma nocentior est.*

D O L.

EX incendio vix abij. R. A. An ne igitur euasisse, fortunæ trahis ad iniuriam? sine queri Alcibiadem, qui hostili ex incendio non euasit: quanquam, ut terrestre præuideris, cælestibus quis iam obftet incendiis? Romanus mihi rex Tullus Hostilius, & Romanus respondeat Imperator Carus, quorum primus Romæ in regia, alter in castris, ad tygrim amnem, si communibus historiis est fides, igne arsit æthereo. D. Bonis meis omnibus amissis, nudus ex incendio euasi. R. A. Quando, precor, hoc diceret seu Bias, [ut omnes volunt] seu Stilbon, ut vult Seneca; qui incensa patria admonitus, seu increpitus, quod nihil suo-
rum

rum bonorum ex incendio efferret. ut ceteri: Bona, inquit, mea omnia mecum porto? Præclare, siue horum alter, id dixerit, siue uterque; quamuis hæ voces ex ore primi semper authoris, clarius sonent; sed omisso authore, dicti veritas utique nota est. Hærent nempe præcordiis vera bona, vluoque nihil eripitur possessori, sed ne mortuo quidem. In anima enim sunt, quò nec fortunæ nec mortis dextra se porrigit: tu saluus, & incolumis periisse tibi aliquid eorum, doles, quæ si tua fuissent, proculdubio tecum hodie salva essent. Mihi etenim crede, Vera bona non pereunt. Non est aurum virtute nobilius; ne par quidem, quod non igne consumitur, sed purgatur. *D.* Magnum me afflauit incendium. *R.* Cæculus nescio quis famam diuinitatis igne quæsiuit: apud Vergilium, Iulij comas flamma corripiciens, primam dubiæ spem salutis attulit: Seruio caput arsisse, non poëticum, sed historicum regni omen fuit. Cōstat ex flammis Iliacis prodiisse Romani Imperij fundatores. Denique, & Heliã incedio obiisse. Deumque ipsum in flammam ignis apparuisse, sacra loquuntur historia; ut non immerito vestris in urbibus index hic soleat esse latitiæ, qui tibi materia est doloris. *D.* Domus igne subito conflagrauit mea. *R. A.* Et templum Dianæ olim arsit Ephesiæ, quo nil sæcula illa formosius viderunt. Arsit, & templum, cœli Deo sacrum, Hierosolymis, ipsis etiam, qui illud incenderant, miserandū hostibus. Et ætate hac, Lateranensis arx illa religionis, ac decus eximium orbis terræ, bis flammis exusta est; euident, & apertum, ut mihi videtur, ita cælestis iudicium, non mirabile, fateor, sed tremendum. Ad extremum, ut minores taceam, Saguntum, Numantiam, & Corinthum innume-

510 P E T R A R C. D E R E M E D.

rasque alias, & sæpè tentauit Romam, & nonnunquam penè ad vltimum, & Carthaginem semel, & bis Troiam flamma combussit: arserè vrbes, arsurumque mundum ipsum credimus. Tu in tuam domum aurum ignem, qui in cœlum, ac terras arsurus est quereris? D. Ex incendio vix euasisti. R. Euasisti igitur, an id doles? nisi euasisses, siluisses. Nunc autem viuus cinis, cinerem fies extinctum.

De Graui Negotio. D I A L. LVI.

*Diuitiæ multo tibi sunt sudore parandæ,
Vis vacuus curis esse, relinque bona.*

D O L.

GRaui negotio defatigor. R. Nulla sine difficultatibus gloria. Nulla non virtus in excelso habitat, haud facilè ad eunda: confragosum huc durumq; & scrupèum est iter. D. Nimio labore fatigor. R. Labor area est virtutum, requies voluptatum. Nil sine labore laudabile, nil excelsum. Proinde laudis Herculeæ fundamentum labor. Nulla re magis Vlysses, quàm labore cognoscitur, quantalibet prudentia fingeretur, si otiosa fuisset, ignota esset. Labor Romuleos duces. Scipiadæ, & Camillū: Labor Fabios, Labor Curios, Labor Fabriciū, & Metellos, Labor magnū quoq. Pompeiū, Labor Hannibalē, Labor Iuliū Cæsare illustrauit: Labor Catonibus, Labor Mario famā dedit, Papirium Cursorē, ac Fescenninū Nigrū laboriosa militia claros fecit. Vt Philosophos, vt poetas sileam, quorū vita omnis, quid nisi clarus, ac delectabilis labor est? Quid de artificibus dicā, quibus ipsa quascunque est gloria, quo studio quærenda sit, nosti; à quibus industria, & antelucana vigilia præueniri, deque hoc quæri solitum.

De-

Demosthenem accepimus: qui profectò non par-
 uus stimulus esse potest magna tractantibus, quan-
 do minima quoque sic animos acuunt, atque ex-
 ercent. Proinde omne genus hominum percurrere,
 ubi famæ multum, & plurimum est laboris; & o-
 mnino virtutum amatoribus amandus est labor,
 sine quo ad eam, quam amant, & quam cupiunt
 gloriam, pervenire fas non est. *D.* Labore ex-
 erceor continuè. *R. A.* Parum profecerit magnus
 labor; nisi sit iugis. Nam & ipsa, quæ labore qua-
 ritur gloria, nisi sit perpetua, nec magna videbi-
 tur. *D.* Nimis crebris exagitor laboribus. *R.* Ni-
 mium, & parum, pro varietate patientium accipi-
 tur. Ignavo labor omnis est nimius, nullus indu-
 strio. *D.* Multi me cruciant labores. *R.* Non
 te cruciant, si vir es, sed acuunt, & exercent. Vis
 autem nosse quid inter laborem, & delicias in-
 terfit? Sardanapalum confer cum Alcide: Ser-
 gium Oratam cum Attilio Regulo: Apicium
 cum Caio Mario. *D.* Labor me iugis extenuat.
R. A. Multis pro remedio labor fuit, & quos quies
 infecerat, defæcavit, deterfitque. Nam curare il-
 lum animos constat, & orientibus vitiis obstare,
 & radicata conuellere. Denique inter prisca vir-
 tutis, ac sæculi exemplaris causas, hinc labor à
 scriptoribus ponitur, hinc paupertas, optabiles
 corporum molestiæ, quæ medentur molestiis a-
 nimorum. *D.* Durus est labor. *R. A.* Dura vir-
 tus, durus labor, mollis voluptas, mollis inertia;
 similia bene cohabitant. Inter diversa diuortium
 est. *D.* Nimium laboriosa fors est mea. *R. A.* Ho-
 noratum te, ingratè accipis, Nescis, ut nocte me-
 dia, dum dicata Deo virgines stratis surgunt, al-
 gent, vigilant, & diuinis obsequiis exercentur.
 Adulteræ suis interim perfruuntur illecebris?

dum pro defendenda patria miles in castris, pro augenda dux in tabernaculo, pro ornanda studiosus inter libros excubat; leno infamis inter suas acies. Inque suis tentoriis conquiescit? quibus verò sit melius, diffinire nemo, cui vel modicum ingenui sit pudoris, hæsitet. *D.* Labore vrgeor acerrimo. *R.* Bene spera, causa tantum laboris honesta sit; honestus est labor, quo ve vno claris ascribare nominibus. Omnes quidem qui ad gloriam nituntur, laboriosus atque arduus trames agit: ad ignaviam de uexa & facilis via est. Denique quisquis nascitur, ad laborem nascitur; nec regum filios excipio. Labor & virtus, vestrae artes sunt; non otium, & voluptas, quibus, qui se applicant, hi demum à natura hominum degenerant atque in pecudem se transformant. *D.* Graui atteror labore. *R.* Idem cedentibus grauis labor, qui nitentibus lenis est. Perfer modo forti animo & assurge praesentique molestiae finem confer. Multos quidem labor extulit, multos industria, sopor nullum.

De Duro Itirere. DIAL. LVII.

*Non puduit summum pedibus transire Magistrum:
Inscendas baculum, si pudes ire pedes.*

D O L.

D Vrum iter pedibus meis ago. *R.* Quid tu dicitur alienis malles? atqui neque alienis manibus operari, neque alienis oculis videre, neque alienis auribus audire, neque alieno palato degustare, neque alienis naribus vultis olfacere: quid hoc vnum singulare habet, ut tantum pedibus ambulare delectet alienis? *D.* Pedeseo. *R. A.* An verò in hunc mundum intraisti eques, an exhibis? quid per mundum ire, nisi

nisi eques, doles? O principium humile, & ô finis humilior! quàm superba inter vtrumque sunt media, & in breui cursu, quanta prorsus obliuio terminorum! nec vnde certè, nec quò pergitis, meministis. *D.* Iter longum cogor pedes agere. *R.* Cogi quidem durum fateor. Cogi autem volens nequit: indignatio, & dolor necessitatis pondus exaggerant: patientia, & consensu animi, fortunæ cuspis obtungitur. Vis non cogit fac sponte, quod cogeris. Vis, vt iter longum breue fiat, volens *I. D.* Equitare vellem, pedes ambulo. *R.* An insaniæ parum est, vnum ob quadrupedem, cuius vsum nescis, quàm diu tibi fortuna concesserit, naturæ numerum obliuisci, quod multi faciunt, qui vilis, atque intractabilis, & caduci equi fiducia, dediscunt pedibus suis ire: quibus quæso, quid aliud, quàm diutem cupias podagram, hoc est pedes inutiles, equos multos? *D.* Longum iter pedes ibo. *R.* Ibis pro libito; nemo te transuehet, nemo morabitur, nemo concutiet, nemò deiciet, nemo aget in præceps; vnus tibi labor viæ, vnum opus ire, nil tibi tuo cum vectore negocij. Non cogeris enim equum frenare, non pungere, non adæquate, non substernere, non circumducere, non fricare, non pascere, non aut tergum ungere; aut arentem pedis vngulam, & tractare digitis ancipites clauos, aut nocturnos sudibus arcere concursus, & somno exciri trepidus, semperque sollicitus, quid bellua peruigil cum vicinis agat; saltem noctibus quiesces. Nam qui equitant noctu etiam laborant. *D.* Pedibus longum iter ago. *R.* Calceatus forsitan. Sancti autem patres nudis pedibus deserta lustrabant. Nunciij Dei Omnipotentis Apostoli, mundi climata circuibant, hic ad oriẽtem,

ille ad occidentem, hic ad arcton, ille ad meridiem nauigantes interdum, raro id quidem, neque aliter, quàm cogēte locorum situ: sed quem, precor, equitem legis, præter vnum ex omnibus Ioannem? neque id amplius, quàm semel, idque per exiguo viæ spatio; dum, quod Clemens scripsit, & ecclesiastica habet historia; ad recuperandam perditæ adolescentis animam, pia illum festinatio perurgeret; quomodo autem equitarent, quorum dominus pedes ibat? Vix a sellum semel quidem ille, mox in crucem ascensus, ascendit. Quod si sanctitate inaccessibili, hæc exempla te prægrauant: at Romanæ legiones, quæ orbem terrarum subegere, magna ex parte pedestres fuisse noscuntur, in quibus non se solùm, atque arma suis pedibus quisque portabat, sed multorum panem, ac viaticum dierum; vallum quoque, quo in finibus hostium, castra in dies circumspēta, nocturnis ab insultibus tegerentur. Vnde eleganter Cicero noster, quodam loco de militibus Romanis agens, cum fortibus viris cæterarum gentium arma non impedimentum, sed quasi vestimentum esse dixisset, hoc præcipuum illis dedit, vt diceret, Romanis solis arma, non vestem esse, sed vt humeros, ac lacertos: vt cùm eas, quas dicebam, militares sarcinas subiissent, tum demùm videri sibi esse vestitos: neu quis moderni sermonis consuetudine labi possit, militum appellatione pedites accipi, eosque ab equitibus, quanuis vterque militet, hoc secerni nomine solitos, multis Romanæ historiæ locis aduertere est. Proinde magnum tibi lenimen, ac solatiū laboris, horum recordatio præstare potest, non inermi tantùm, ac vacuo, & duro licet, tuto tamen calle pergenti, sed armato etiam, atque onusto, & periculoso trami-

tramite peditanti. Siquidem nihil ad tolerantiam asperarum rerum efficacius, quàm cogitare eadem multos, fortibus animis, fuisse perpeſſos. Pudet enim generoſum ſpiritum, non poſſe vnum, quod innumerabiles potuerunt: quæ cogitatio, non in laboribus modò, qui difficiles: ſed in his quoque qui miſerrimi videntur, cruciatibus, in doloribus corporeis, maximè in ipſa demum morte profuerit. D. Longum ego durumque iter pedibus mœſtus ago. R. Nihil æquè durum iter, lenit, mœſtumque animum ſerenat, vt nobiles, ac ſuaues curæ, quæ niſi boni ac docti viri pectus incolere, viaſque omnes comitari neſciunt. Hic ſi grata ſocietas amici latet, & eloquentis acceſſerit, non tantùm leue iter ſed & breue videbitur. Multos iucunda confabulatio ſic affecit, vt & viæ duriciem non ſentirent, & de breuitate, longi licet, itineris quererentur; neque iuiſſe, ſed vectos eſſe ſe, crederent. Eſt & illud enim inter mimos Publii, notiſſimum: Comes facundus in via pro vehiculo eſt.

De Sterilitate annua. D I A L O G. LVIII.

*Reddit ager plus, quàm cepit, tu parvus egenus,
Dignus cui par conſil ſerat ille tibi.*

D O L.

Sterilitate premor annua. R. A. Iam tibi fertilitas grata erit; optimè res omnis contrarij collatione cognoscitur. D. Feſellit ager meam ſpem. R. A. Non te ager fallit ſed Improbitas cupiditasque animi: cuncta vobis aututū ſuſceſſura promittitis, inſolentes; veſtro digni iudicio, quibus ipſa rerum pareat natura; quæ ſi ſuum ius ſeruare auſa, profundam ſemel auaritiæ veſtræ, præruptamque voraginem, cui nihil

est satis, inexpletam liquerit, insolens vobis & auara, atque iniuriosa videbitur. Non sunt hæc autem iusta, nec modesta spes, sed immodici figmenta desiderij, ea quidem fingitis euentura, quæ cupitis, si quid deest, damnum dicitur; tuus ager suum morem tenuit, & tu tuum tenes. Terræ etenim vbertas, & sterilitas alterna, sed cupiditas vestra perpetua est. Vos iniquissimi omnium interpretes cum illam gratè ac sobriè, hanc patienter, ac fortiter ferre debueritis, illam contemnitis, hanc defletis. Illa tumidos facit, hæc querulos. *D.* Ager meliora pollicitus, me fefellit. *R. A.* Terram bobus; ac rastris, cælum votis, ac precibus fatigatis. Ventorum spiritus, opportunitas imbrium, germinum decor, agri specis, puluis hybernus; lutum vernum, æstiu solles, maturitas autumnalis, omnia cupidos in specie trahunt, vt arentem stupam flamma omnis incendit, vt inanem puluerem flatus omnis impellit, sic auarum animum, lucrum omne suspendit, atque erigit, omnisque non rei modò, sed vel tenuis spei iactura, confundit, ac deiecit. Sed frenate, miseri, motus inconditos, infinitam concupiscentiam coercere, & spei credulam, mille tandem delusam successibus, castigate: quid nunc cælum, terramque respicitis? Non aliunde fertilitas, quàm à Deo est. Illum, mortales, agere finite, & videte, quod agitur, & laudate: finite opificem operari, & vnius artificis perito homini exhibendam reuerentiam, non negetis Deo. Pudeat terrea vascula cælestem figulum arguere, sed in omnibus illi voce, atque animo gratias agite, qui necessitatum conscius vestrarum, neque cupiditatum nescius, illis succurrit, his occurrit. Vtrobique misericors, utrobique

terti-

terribilis in consiliis super filios hominum ; vt de illo scriptum est: Sperate iam tandem, non in agris vestris, sed in Domino. & facite bonitatem & inhabitate terram , & pascimini indiuitis eius , delectamini in Domino & dabit vobis petitiones cordis vestri; quæ, vbi cœperitis in Domino delectari, auaræ esse non poterunt, neque iniustæ. Reuelate Domino viam vestram, & sperate in eo, & ipse faciet. Iactate super domino curam vestram , & ipse vos enutries : quid cælesti manu editi, non nisi terram cogitatit, terramque diligitis? Nolite has sacras voces, vt soletis, spernere. Nolite auras, pluuiasque, & tempestates idoneas aucupari, aut precari. Nolite in terra spem habere, sed in illo, qui respicit terram, & facit eam tremere ; qui de saxo durissimo fontes liquidos elicit; qui te denique ab angelo tuo falli passus est, vt in illo spem poneret, qui non fallit. *D.* Multum, solita de copia, demptum est. *R. A.* Id modo subducitur, quod plus æquo , vel dederunt anni præcedentes, vel sequentes dabunt: modestiæ, quantumcunque sat est. Auaritia lucro crescit, eoque fit pauperior, quo plus habet magna vitiorum genetrix, magna nutrix, atque hortatrix est copia. Patere malis tuis demi aliquid; quò minus copiar, minus erit insolentiæ, minusque libidinis. Atque quòd hæc tui ruris iniuria, apud multos beneficium , vel largitas haberetur, tuque ipse si assueuisses inopiar, vbertatem hanc, & copiam iudicares : tantum in iudicio rerum semper consuetudo præiudicat, tantamque vim habet: nunc quid mirum, si temperata satiantur, qui superuacuis assueuere : qua nulla maior procella modestiæ est. *D.* Sterilitas vrget insolita. *R. A.* Sæpè quidem fortiores viros plaga fert ste-

rilis, fertilior molliores, neque fert modò sed facit, atque alibi natos durat aut mollit. Sic molliuit Gallos primum, post Romanos, Asia; Alexandrum Babylon; Hannibalem Capua. Contrà verò Romanam indolem duravit, & Cotis in morem acuit illa arens, & scopulosa pars Ligurum; te què copia mollicbat duret inopia. Sobrietatem te doceat ager tuus, & quod libri vberes nequiuerint, gleba iaciant aridula. Nemo despiciendus est magister disciplinæ utilis. Disce bene viuere, disce vel senex, disce vel nolens; disce denique vel indignans.

De Villico malo, ac superbo. DIAL. LIX.

*Cum malè neglectos coluit tibi villicus agros;
Si potes, emenda; vix melior sequitur.*

D O L.

Villicum insolentem patior. *R.* Insolentem tantum, & non furem? bene tecum agitur. *D.* Villicus malus est mihi. *R.* Malum fer æquanimis: villicus, nisi pessimus, bonus est. *D.* Villicum durum agrè fero. *R.* Mollem, delicatum què ferres ægrè: duricies rusticorum epitheton est: duris cum bobus, cum stria, & vomere, cum ligonibus, & rastris, dura denique cum tellure luctantur. Quidni ipsi etiam duri sint? si nil aliud, quam durus, bonus est villicus. *D.* Rusticum inopportunum ferre nequeo. *R.* Atqui vel feras villicum, vel ipse villicus sis, oportet; vel incultum rus elige. Dura sunt omnia. *D.* Rusticus intractabilis indigestus est mihi. *R.* Nil horum impræmeditatum tibi esse debuerat, mox ut terram habuisti: labores varios præfigere, sterilitatem, & villici fastidia debuisti: dixi, dum rure gloriareris ex-culto,

culto, rusticos ultimos hominum, terris abeun-
tem iustitiam reliquisse. Si unquam genus huma-
num reuiuisceret, eosdem illos, puto, ultimos re-
perturam, ita quos sequebantur, præcesserunt, ma-
lorumque omnium pessimi facti sunt. *D.* Asperri-
mus villicus est mihi. *R.* Vbi Veritas dixit, quod
terra homini spinas, & tribulos germinaret, subin-
telligendum fuit & rusticos tribulis: cunctis aspe-
riores. *D.* Villicus est mihi nequissimus. *R. A.* Aut
villici nequitiam tolerare condisce, aut famem
perpeti. Mutare enim villicum non proderit. Ad
vnum modum ferme omnes facti sunt; nisi quod
semper peior est ultimus. *D.* Villicus fur est mihi.
R. Dixisti tandem, quod dicturum præstolabar. Ita
enim additi sunt, ut eis aliquantò sit dulcius id mo-
dicum, quod furantur, quam quicquid ex omni iu-
sto labore percipiunt, & hoc ipsum tandem est fe-
rendum; nec queri vnus debet, quod omnibus est
commune. Profectò autem, etsi poeta rusticos vl-
timos, à iustitia derelictos faciat [ut bis dixi] apud
vos tamen, hominem primum humano semine
genitum & agricolam fuisse cōstat, & parricidam,
ut fuisse semper pessimi videantur: dum id recolis,
non mireris fures. *D.* Villici culpa rus perditum,
ac desertum est. *R.* Hoc quotidie multis clariori-
bus Anaxagoræ accidit, & Architæ; vterque, cre-
do, doluit, neuter excanduit.

De Furis. DIAL. LX.

Furibus arcendis prodest custodia rerum:

Clau de domum, si m a clausa sit arca uis.

D O L.

ID modicum, quod superest, à furibus vix de-
fendo. *R. A.* Rure te villicus tuus patientiam
H iiij

mali huius edocuit, quam in vrbibus exhibe-
 res. *DO.* Me fures infestant. *RA.* Contra
 hoc malum nil querelis agitur, suppliciiis opus
 est. Interim custodia proficit vigilantibus. Sunt,
 qui nihil custodiant, & accuseut fures, cum verus
 sit prouerbum, quod occasio furem facit. *DO.*
 Limen meum fures obsident. *RA.* Glaude ho-
 stium, obde seram, aperi oculos, atque intende:
 si negligis, temet ipsum culpa; rurò fur intentis ob-
 fuit. Illi iustius queruntur, quibus non sunt do-
 mus; quales sunt quidam populi sub meridiem,
 & sub arcton: & ideò apud Scythas, vt scriptum
 vides; nullum scelus furto grauius; & sequitur
 ratio: quid enim inter syluas superesset, si furari
 licet. *DO.* Fures mihi subtrahunt res meas,
RA. Suas fieri volunt, nec tu veras. Puta ergò
 negligentiam tuam plecti, rerumque te tuatum
 custodiam, hoc pretio, doceri. Utilia non discun-
 tur gratis. *D.* Mihi molestissimi fures sunt. *R.*
 Importunum planè genus hominum, nec optimo
 bonis omnibus odiosum, non modò vt pestilens,
 sed vt vile. Sic enim habe: non aliter, quàm
 summa animi vilitate aliquem ad hoc trahi. Haud
 immeritò igitur Aurelius Alexander, princeps iu-
 uenis, sed bonus, tanto furum odio flagrauit, vt
 de illo scribat Aelius Lampridius, si quem talium
 vidisset, paratum digitum habuisse vt illi oculum
 erueret, tantique eum stomachi fuisse in furto-
 rum infamia laborantes, vt si eos casu aliquo vide-
 ret, commotione animi coleram euomeret, toto
 vultu inardescente ira, vt nihil loqui posset. No-
 bilis prorsus indignatio generosi animi, verè in-
 gens furum foeditas, quæ viro forti, & sublimi, sic
 subito nauseam extorqueret. Quin imò, quū quidā
 ex honoratis aliquando furti reus, ambrosiusc tādē
 fauo-

favore quorundam amicorū regum, ad militiam aspirasset, & statim in furto deprehensus esset [vix enim illi vitio assueti, desistere vnquam sciunt] quæ fuit Alexander à regibus, qui illum promouerant, quid apud eos paterentur fures; cumque illi respondissent, crucem; illicò eum, de illorum sententia, crucifixit. *D.* Furtis infestor. *R.* Contra furta bona est vigilantia, atque custodia, sed optima est paupertas: quandiu aliquid erit, quod furibus dulce sit, eorum vel manus certè, vel oculos non euades: vis fures non meruere, pauper esto.

De Rapina. D I A L. L X I.

*Omnia diuino veniunt tibi munere; si quid
Fortè perit, domino res perit ipsa suo.*

D O L.

A Prædonibus spoliatus sum. *R. A.* Quamuis ciuili lege [nisi fallor] scriptū sit, quod nullus fur improbior, quàm qui vi rapit: sunt tamen clandestini fures, me iudice, viliores: illi enim fraude agunt, hi autem vi. Et ideo iuxta sententiam Ciceronis, illi vulpeculis; hi leonibus assimilantur. Adde, quod fures rebus spoliant, ingeruntque suspensiones; at prædonibus spoliasse ferè fat est, suspensionibus non relinquunt locum. *D.* Incidit in prædones, qui me nudum reliquerunt. *R. A.* Incidit in prædones Cæsar, à quibus non spoliatus modò, sed captus, magno se tandem pretio redemit, futurus rerum dominus: quamuis huic damno solatium ultio mox sequuta præbuerit, non exiguum lenimen iniuriarum. Incidit in manus hostium Regulus, toties iam victor, qui magno cum imperij vestri damno, atque discrimine eundem immani supplicio peremerunt. Incidit in hostes quoque Valerianus Imperator, qui eum.

multo cum imperij dedecore, fœdo senili seruitio confecerunt. Tu, si nihil vitra, quàm spoliatus es, & fortunæ tuæ, & prædonibus gratiam habe: qui tibi libertatem, vitamque reliquere. Non est enim aliud beneficium latronum, quam quod Cicero ait in Philippicis; Vt commemorare possint, his se vitam dedisse, quibus non ademerunt. Fer tu igitur sortem tuam, communem tibi cum magnis his, atque aliis claris viris: & si comparetur, facilem etiam, atque optandam; neque felicior esse velis his, qui dicuntur felicissimi.

De Dolo malo. DIAL. LXII.

Deceptus fallu, si fallu decipientem;

Alter ab alterius fraude perire solet.

D O L.

A Circumscriptoribus sum deceptus. *R.* Miraris? Mirarer ego, si inter homines conuersando, illæsus euaderes: quis homo enim hominem non decipit? Fides exulat, regnat fraus: hoc ne nunc nouiter perpendis? non tanto studio, neque tot laqueis venatores, atque aucupes feras, ac volucres captant, quot versuti homines alios quosque simplices. Quod si vnquam verum fuit, vestra ætate verissimum est. Monstrantur igitur fraudum magistri, & ille prudentior iudicatur, qui peritior est fallendi. Vis ne igitur non decipi; aut morere aut fuge hominum consortia. *D.* Dolo malo, vnde non timui, circumuentus sum. *R.* Si timuisses, deceptus fortè tam facile non fuisses: & nunc cogita, an tu quemquã aliquândo fefelleris. Estis enim ferè omnes ad fallendū proni; feres autē facilius ab altero tibi fieri; alteri quod feceris. Sed vos, & quæ facitis aliis, non sentitis, & quæ ab aliis

aliis fiunt vobis, pati non potestis, rerum omnium iniquissimi iudices. *D.* Dolo amici damnum tuli. *R.A.* Erras ut in multis. Nullus in amicitia dolus est. Sed in hoc etiam vulgò erratis, amicos creditis, qui non sunt. Amicitiamque rem inestimabilem atque sanctissimam facili probatis experimento, usque adeo rerum vilium curiosi, leui commestatione, aut breui confabulatione quaritis amicum: nec citius quaritis, quam perditis, si tamen, quod non habetur, perdi potest. Postea ab amicis vos deceptos dicitis, & hanc infamiam amicitiae iuritis innocentis. *D.* Dolo damnificatus sum. *R.A.* Multis profuit falli, eris cautior in reliquis: quidam parva rei damno, maximarum rerum pericula declinarunt. *D.* Circumscriptor iniquissimus me fefellit. *R.A.* Immo tuum exercuit, atque excitavit ingenium, docuitque non fidere, nisi expertis, & probatae fidei. Enumerarem exempla quibus casum tuum solareris, nisi essent innumerabilia. Quis enim viuens non decipitur? Quicquid mali mortalibus accidit minus est, quam quod homo patitur ab homine: & quoniam sequi omnia, nec possibile, nec necesse est; Memento Caninij, qualiter Syracusis fuit dolo malo quondam à Phitio circumscriptus. Habet tamen Caninius, quo solari queat, eques Romanus ab extraneo, & viuentis deceptus cum Augustus Cæsar Imperator Romanus, à Romano ciue moriente delusus sit: nota res est, ut Marius quidam, qui ipsius Augusti beneficio, ab infimo militiæ gradu, ad summos honores, atque opes ascenderat, semper publicè prædicare solitus, se illum vnum heredem habiturum, ei que bona sua omnia relicturum, à quo omnia percepisset; id ipsum, cum pridie quã

obiret, eidem affirmasset Augusto, fraudulentum spiritum emisit: tandem nulla Cæsarei nominis, vel tenui mentione, in testamento habita. Dignus verè, cuius cadauer vnco in Tiberim trahe-
retur, qui dominum, ac benefactorem suum fallere, nec morte, dedisceret.

De Habitatione angusta. DIAL. LXIII.

*Sæpe Viri paruos magni coluere penates;
Corpore in exiguo maxima mens habitat.*

D O L.

ANguste habito. R. Angusta domus ad multa est habilis; inter alia, contra fures utilis: de quibus paulò ante querebaris; qui in ea latebras non habent, sicut ex diuerso, de magna domo rectè dicitur, quod dominum fallit, & prodest furibus: arctam sanè, vel amplam domum, pro numero habitantium accipio; tu nunc, vt tibi videris, angustè habitas. At quantò habitat angustius anima tua, quantoque foedius inter sanie, & cruorem; nec migrare illam inde, si fieri possit, vnquã velis. D. Arcta domus est mihi. R. Domus lutea cœlestem animum non angustat, sæpè parua domus magnæ gloriæ capax fuit; cū magna interim multa infamiæ plena esset: non format domus animū, sed ab illo formam accipit; vt lata igitur, atque honesta pauperum tuguria esse possunt; sic infames, mœstæque regum arces, diuitumque palatia. Nulla tam parua domus est, quam non amplificet magnanimus habitator, magnoq; hospiti se præstet idoneam. D. Parua domus mea est. R. Parua Euãdri regia, magnum cœpit Alcidem: modicis ædibus, futurus mundi dominus, natus est Cæsar: pastoralis casa Romulus, ac Remus, tam magnæ vrbis authores edu-

educari. Non amplis atriis habitauit Cato: volubili dolio Diogenes: angusto tugurio Hylarion; in ista terræ specubus sancti viri. In exiguis hortulis magni philosophi, sub diuo, modicis sub tētoriis, summi duces: in stupendis palatiis Caius, & Nero. Tu; cum quibus habitare velis, elige. *D.* Angusta est mihi domus, & humilis, & inculta. *R.* Muri fures, ventosque submoueant: & vtriusque peiora vulgi tædia, tecta, frigus, æstus, soles, imbres arceant: turres aëreæ volucribus, domus ampla superbix, ornata luxuriæ, referta cupidinis nullum virtus spernit habitaculum nisi vitiis occupatum. *D.* Per angustè habito. *R.* Vis ne tibi domus omnis amplissima videatur? sepulchrum cogita.

De Carcere. DIAL. LXLV.

Quocunque ingrederis solitus retinere vinclis.

Totus enim mundus nil, nisi carcer, est.

DOL.

Carcere claudor indigno. *R. A.* Melior est indignus carcer, quàm indigna libertas; multoquæ satiùs immeritum pro iustitia, mala pati, quàm, per scelus, bonis affluere; quamuis nec mala illa dici debeant, neque hæc bona; sed loquor, vt vulgus, quod dolorem, malum ingens; voluptatem, summum bonum iudicat. *D.* Carcere clausus sum. *R. A.* Quis non carcere clauditur, aut quis inde digreditur, nisi dum moritur? Verus hæc tua, omniumquæ forse est. Vnde propriæ, vnde nouæ igitur querelæ? Ita enim scito, ex quo die natus es, & antequam nascereris, in carcerem, atq; in vincula missum te, illius imperio, cui omnis cœli ambitus, exigua domus est: &, si quid summo creditur poëtæ, tenebrosum utique carcerem, & cœcum. Illius carceris exitum, si felicè

cūpis, huius angustias non horrebis; sicut nec supplicia, nec mortem, nec humani aliquid, ad quorum patientiam, & contemptum, nisi preparatus, armatusque vsque erit animus, in quacunque fortuna, calle graditur ancipiti. *D.* Turpi carcere claudor atque angusto. *R. A.* Nullus carcer turpior, & angustior nullus, quàm iste corporeus, quo vsque adeo delectaris atque vnde tantopere solui times. *D.* Carcere detineor importuno. *R. A.* Multos periculo instanti, atque hostium manibus carcer eripuit. Multis limen carceris, pro clipeo fuit & quod intrasse profuerat, exisse nocuit; ut exitu admoniti, quod horruerant utile, quod optauerant miserum faterentur. *D.* Carceri mancipatus sum. *R. A.* Quid scis, an fortasse non carcer, sed, ut dicitur, custodia sit? quoties vinclis explicitos hostilis mucro, siue hoste sauior paupertas inuasit? quoties euasisse poenituit, & carcerem, quem diuturnum queri ceperant, non fuisse perpetuum, questi sunt? Vidimus in carcere quosdam lautè viuentes, mox inde digressos. tenuem, ac difficilem vitam, mœsto fine clausisse. *D.* Miseram in carcere vitam dego. *R. A.* Quidam libros in carcere texuerunt, tu querelas texit inutiles. Quidam literas in carcere didicere, tu patientiam dediscis. *D.* Carcerali custodia vincitusteneor. *R. A.* Plerique cauernis, ac speluncis; alij se murorum angustis includere, carcerem spontaneum, vel Dei amore, vel mundi odio, vulgique fastidio, eligentes. Tu, si hoc animo non es, cuique carceris finem cupis, exspecta: aut te hinc homo eruet, aut mors, quæ clauem carceris alteram habet: vnus quidem introitus, exitus multi sunt. Alium misericordia, alium vis eruit, alius innocentia sua, alius custodum negligentia euasit,

fit: alius pretio alius ingenio, & vel subterraneis cuniculis, vel per tenebras amicæ noctis elapsus est: quibusdam, patrum memoria, terræ motus, & ruina carceris viam fecit. Ad postremum quos nihil emiserit, mors absolvit. Nec minus varij euentuum euentus: Marium consulatui carcer dedit: Iulium Cæsarem Pyratarum custodia summum misit ad imperium: hac ætate quidam, de limine carceris ad dominum transiit; & catenam sibi excussam, iniecere aliis. Denique Regulum, & Socratem, multosque alios non tam carcer extinxit, vt visus est, quàm carcere clarus finis eripuit. Et ad summam, quosdam carcer ad insignem gloriam, ad eximiam fortunam; ad regnum alios, multos ad cælum misit, ad sepulchrum omnes: nullum coepit, quem non redderet.

De Tormentis. D I A L. L X V.

*Pœna gravis præsens animo fert saepe salutem,
Infligit Deus hic, parcat ut inde magis.*

D O L.

INiuste torqueor. *R. A.* Quid nunc diceres, si iuste? Nullum nempe tormentum consciëntiam acrius est; illud. *P.* columi, hæc externa despicio: intra te est consolator tuus. *D.* Torqueor prorsus indigne. *R. A.* Tortoris miserere tui. ille te grauius torquetur: quamuis enim mundus obstrepat, minus mali est pati iniuriam quàm inferre. *D.* Torqueor. *R. A.* Nouum mali veteris lamentum: nunquid enim non antea torquebaris? Inter tormenta natus, inter tormenta vixisti, inter tormenta moriturus: quid nunc novi accidit? mutantur tormentorum species, tormenta non desinunt: excute totum tempus ætatis; quem

Sine tormentis diem egeris, recordare. Aliqua
 falsis forsan gaudiis adumbrata reperies; veris au-
 tem plena tormentis; quibus, si acriter æstimes,
 nullam vitæ partem vacare fateberis : vnde non
 immerito quibusdam, omnis vita supplicium visa
 est : sed vos nihil ominus haudquaquam hæ phi-
 losophicæ vocēs tangunt , hærent quidem au-
 rium vestibulo , mentis claustra non subeunt,
 hic ad omnem corporis offensionculam ingemi-
 scitis, animi iuge, mortiferumque supplicium non
 sentitis, illic impatientes, hic hebetes. *D.* In e-
 quuleum leuor. *R. A.* Quid refert in equuleum an
 lectulum torquendus ascenderis? te carnificis no-
 dus premet: at hunc febris, hunc podagra, hunc v-
 xor, hunc filius, hunc amica, hunc diuitiæ, hunc
 paupertas, hunc medici manus, huuc magistri fe-
 rula, hunc nequam seruus, hunc dominus inso-
 lens, hunc infinita cupiditas, spesque anhela; hūc,
 tortore quolibet peior, metus. Perquire mortu-
 lium status, vix vltum inuenies non in equuleo
 pendentem. Sed cum nulle sint equulei, nisi li-
 gneum, non timetis. *D.* Torqueor. *R. A.* Aut in-
 nocentiā in tormentis, aut iustitiā te ipsum con-
 solare. Nam si iniuste torqueris, gaudendum est;
 experimentum tibi, atque aliis, & fulgor quidam
 tuæ virtutis accesserit; attrectati, ac sublati fragran-
 tior, ac notior fama erit; vt bene oleant, teruntur
 aromata; & pulcherrima rerum, ne lateant, attol-
 luntur. Sin id iuste pateris, acquiesce remedio: &
 concretæ sordes flammis, aut asperitatibus eluū-
 tur; & magni mali medicina tristior sit, oportet;
 quem morborū tædet, amara non respuat: quem
 scelerum poenitet, supplicia non recuset. *D.* In e-
 quuleum tollor. *R. A.* Si immeritus, habes vnde
 ex alto scuritiam alienam despicias; at si meritus,
 est

unde à terra diuulsus, ipse tuum clariùs, aspicias crimen, quodque commissum doles, non doleas plecti. *D. Torqueor. R.* Aut tentatur virtus, aut punitur vitium; alterum sæpè vile, alterum semper expediens. Bona exercitatio iusti; est pessima nocentis impunitas. *D. Torqueor. R.* Disce iter ad patientiam, & ad mortem.

De Inusto Iudicio. D I A L. L X V I.

*Cum fueris falsò damnatus, perfer, inique
Iudice qui vincit, vicerit is male.*

D O L.

Iniusto iudicio damnatus sum. *R.* Vnius iudicis, aut paucorum voce testium damnatus, populi vocibus aut tacito iudicio; quodq; est melius, conscientia ipsa tua: quodque est optimum, diuina sententia absolendus. Siquidem ad tribunal æternum Iudicis iusti promotio salua est: solet is perperam iudicata, rescindere. *D.* Iniuste iudicor, *R.* Vt iustitia iniustos, sic iniustitia iustos premit. Vbi igitur iniusta damnatio, ibi iustus est reus. Nemo autem tam demens, nisi insaniat, ut hæc perueriti, seque iniusto iudicio premi velit. Nemo tam pavidus, nisi sit pessimus, ut non potiùs damnari eligat iniusto iudicio, quam absolui. Tantò enim id fatiùs, quantò est melior oppressa iustitia, quàm imperiosa nequitie: quantoq; est optabilior mens bona, quàm propitia fortuna; quam uis illa laboribus, hæc deliciis affluat. Plus dicam, tantò est melius, iuste etià damnari, quàm iniuste absolui; quantò est peius impunitù, quàm punitù crimen: in hoc enim, scelere iusta iustitia est; malo quidè magno, bonù ingens: in illo autem scelus, & impunitas; quæ, nescio, an scelere ipso peior sit: vna certè & iustitiæ hostis, & multorù radix est sce-

lerum. *D.* Iudicio grauior iniquissimo. *RA.* Mens in solido fundata, & bene sibi conscia, humeros habet inexpugnabiles: superimponere quantumlibet damni, infamiae, supplicij; nullo fauce curuabitur. & viribus suis, & multo maxime caelesti ope consistet. Erunt praeterea quorum sese paribus soletur euentibus, haud spernendi comites: Romae Furius Camillus, ac Liuius Salinator: Athenis Aristides, atque Miltiades, multiq; alij inter quos quidem [quod mireris] Cicero, & Socrates: an te horum alicui, an Publio Clodio similem fieri malis? at qui horum quisq; ciuis optimus, & in sua vrbe clarissimus, sed iudicio damnatus, & vel in exilium, vel in carcerem, vel in mortem actus. Ille vero scelestissimus, & inter multa flagitia, notissimum quoque conuictus adulterij, violatarumque religionum, concordibus omnium iudicum sententiis, absolutus est: quisquam ne adeo falsae metuens infamiae est, qui non illius absolutioni. Ciceronis, hostis sui, damnationem, atque exilium anteponat? Sed humana haec, atque communia: sin altius aspicias, videbis pressum falso iudicio coeli regem, familiamque eius, electissimam, tanti vestigiis haerentem ducis; & qui hunc postea sequuti sunt, tanta innocentia, tantisque virtutibus, in hos ipsos iudiciarij turbinis incursus, ac scopulos incidisse. *D.* Falso iudicio offendor. *RA.* Est, qui te iudicet; is qui facit iudicium iniuriam patientibus, quique ait, Mea est ultio. & ego retribuam eis in tempore. Est & vbi non cogitas ipso iudicis, aut testis in pectore magni ibi habitant ultores. Nullius belluae morsus est acrior, quam conscientiae. *D.* Iniusto iudicio laesus sum. *RA.* Illatis iniuriis bene uti, ars non vltima est; qua instructo, saepe profuit iniquitas aliena:

na, cum sua cuique semper noceat, profit nunquā.
D. Innocens damnatus sum. *R.* Quid igitur? no-
 cens malle? Sic enim Xantippæ coniugi, Socra-
 tes moriens, respondet muliebriter lamentanti,
 quod is innocens moreretur. Atque, etsi aliqui
 contrarium opinati sint, longè tamen est. innocen-
 tem condemnari, tolerabilius, quàm nocentem.
 Hic enim solum supplicium graue est, illic & cau-
 sa supplicij. *D.* Iniusto populi iudicio damnatus
 sum. *R.* Expectas, vt populus in te rectum videat,
 quod nec in se, nec in alio vnquam vidit? Magnū
 tuæ innocentiz argumentum fuerit à nocentibus
 condemnari. *D.* Populus immeritum me condem-
 nat. *R.* Idem hercle non immeritum, sed multa, &
 magna promeritum Camillum, de quo nunc lo-
 quebar, & Liuium ipsum; denique Scipionem A-
 fricanum, aliosque Cornelios tales viros, iniustis
 iudiciis agitados, ad voluntarium coëgit exilium.
D. A rege innocens condemnor. *R.* Et regum ple-
 rumque sententiæ non iustitiæ, sed vindictæ sunt:
 quisquis liberius verbum contra licentias regias
 emisit, cuicunque, in interitu libertatis, frons
 obductior fuerit is læsæ reus erit maiestatis. *D.* Sed
 condemnor à iudicibus. *R.* Iniquo iudice nullum
 venenosius est animal: à serpente læsos se dolent
 quidem homines, non queruntur. Fecit enim ser-
 pens quod suum erat, quamuis non quod placitū
 patienti. Certè iudices erant, qui eos etiam, de
 quibus dixi. Socratem condemnarunt, Clodium
 absoluerunt; quorum vtrum esset iniquius, dubi-
 tari potest. Proinde in populis, aut sub regibus, at-
 que iudicibus degenti, propositum animo esse de-
 bet, aspera quælibet, & iniusta patienda, si ve-
 niant; non deflenda, cum venerint.

*Terra patris domus est nostri communis, & in qua,
Sedibus à patriæ exulat omnis homo.*

D O L.

Exilio pector iniusto. *R.* Quid tu igitur iusto pelli mallets exilio? Nempe quod ad iniuriæ cumulum ais, in diuersum trahitur: habes enim iniusti exilij solacium comitem iustitiâ, quæ iniustos ciues destituens, te sequuta, tecum exulat. *D.* Iniusto exilio pulsus sum. *R.* Ante rex expulit, an tyrannus, an populus, an hostis, an tu ipse? Nam si rex, aut iniustum exilium non erit, aut ipse non iustus: atque ita nec rex quidem. Si tyrannus; ab illo te pulsum gaude, sub quo boni existant, fures imperant. Si populus, moribus ille suis utitur; bonos odit, & hic quoque multiceps tyrannus nunquam sui similem pepulisset. Non te igitur patria, sed malorum coetibus arceri, neque in exilium, sed in partem bonorum ciuium cogi putes. At si hostis, agnosce iniuriæ leuitatem; non hostiliter scruuit, qui omnia cum possit, patriam abstulit, spem reliquit. Sin tu ipse, mores populi perosus, aut tyranni, abitum elegisti, non modò ne doleas, sed etiam gloriare, virtutem patriæ prætulisse; non tu flebilem, sed honestam, & prorsus inuidiosam, bonis atque optabilem, non iam exilij, sed absentiae causam habes. Sponte Pythagoras Samon liquit; Athenas Solon; Romam Scipio. *D.* Exilio damnatus sum. *R. A.* Multos exilium honestauit, multos acrior aliqua fortune vis, atque iniuria, notos reddidit & illustres; quid te verat illis inferi, qui; quasi ignem de filice, claram famam collusionibus, quæserere? *D.* In exilium agor. *R. A.* Habes in hi-

Floriis magnos rei huius socios, quorum specio-
 sissimus comitatus, non sensum modò doloris
 imminuat, sed obliuionem afferat. Non minor
 in exilio Camillus fuit: quàm fuisset domi: quan-
 tus ciuis, quantus exul; qui victorias, ac trium-
 phos non iustitia minus, quàm prosperitate con-
 spicuos in Capitolium duxit; mox hinc pulsus,
 pro accepta iniuria, ingrata salutem patriæ re-
 pendit. Non facile aliud tam clari exulis exem-
 plum, fateor. Sed Rutilius, & Metellus, tam nihil
 exilio fracti sunt, vt Rutilius reuocatus ab il-
 lo, cuius nutui non parere capitale erat, exilium
 amplexus, reditum contempserit; seu ne vlla in
 parte senatui, iniustisque licet legibus patriæ
 obstaret, seu, ne fortè exul iterum fieri posset.
 At Metellus eodem, quo in exilio profectus erat,
 vultu, atque animo remearet. His Marcellus
 accedat. Hic vltimus, qui in belli ciuilis ten-
 pus incidit, pulsus nempe non solitam modò
 constantiam, honestarumque artium studium
 non omisit, sed strinxit arctius, & publicis li-
 ber curis, vni excolendo animo, tam ardentè
 incubuit, vt ad scholas missus honestissimas, non
 ad exilium, videretur: quod quidem in Cicero-
 ne conspectius, operum splendor, & literarum
 copia maior facit; non exilij modò, sed carceris,
 dulce solatium. D. Exilium patior. R. A. Exi-
 lium breue citò te patriæ tuæ reddet, longum
 verò, aliam tibi patriam dabit, vnde exuent,
 qui te exulem voluere, dedissetque nunc si ad
 naturam rerum, non ad opinioniones hominum
 aspiceres. Valde enim angustus est animus, qui
 sic ad vnum terræ angulum se applicat, vt quic-
 quid extra sit, ad exilium putet. Multum abest exi-
 lij deplorator; ab illa animi magnitudine, cui to-

tur orbis carcer exiguus videtur. Interrogatus Socrates cuias esset, mundanus, inquit, sum. Vera Socraticum responsum Atheniensem se alius respondisset. Socrati autem patria omnium, mundus erat; non hic solum, quem vulgo mundum dicitis, cum pars ultima mundi sit, sed cælum ipsum, quod hac rectius appellatione comprehenditur: illi patriæ destinatis estis, ad quam, si inspirat animus, qualibet in parte terrarum peregrinum, atque exulem se noverit. Nam quis patriam vocet, ubi non habitet, nisi ad breue tempus? Illa verè cuiusque patria dicenda est, ubi quisque perpetuò securus, ac tranquillus deget. Quære hanc in terris, puto irrita erit inquisitio. Ut nature autem lex est data mortalibus, ac præscripti fines, dum hic vivitur, terra omnis patria vestra est, infra quam, qui se exulem facit, non tam rei, quam animi vitio laborat. Non habemus hic manentem civitatem dixit Paulus. Omne solum forti patria est, inquit Naso. Omne homini natale solum, ait Statius. His te vocibus armatum velim, quibus ubique vnus, & vel nunquam, vel semper in patria tua sis. D. Ire in exilium iubeor. R. I sponte, peregrinatio erit, non exilium, & memento: quibusdam reditum pro exilio fore. Sunt, quibus nunquam peius, quam in patria sua sit. D. In exilium cogor. R. A. Cupiendo quod cogeris, efficies ne cogaris. Omne violentum patientia vincitur, & desinit esse violentum, quod volenti sit. D. Ire in exilium est necesse. R. Tu fac volens, quod vel nolens faceres: fac lætus omnia, ne quid mœstus patiaris. Ita omnem vim necessitatis, omnes clauos, quos adamantinos illi tribuunt, catenasque omne tardium, molestiamque discusseris: sed vos impossibilia cupitis, necessaria-

cessaria fugitis ; vtrumque nequicquam. *D.* In
exilium eo. *R.* Immo forsā in requiem: sub obten-
tu falsæ miseræ vera felicitas ; iam saltem ab in-
uidia tutus eris: propterea mixtamque cum gloria
securitatem arripe. Tutis, & honestis latebris ni-
hil est dulcius. Nulli his conferri possunt vrbium
plateæ. Depellor è patria. *R.* Pulsus te pessimis,
optimis inferere; neque te patria, sed patriam te in-
dignam rebus proba. Sentiat illa, quid perdidit; tu
nihil perdidisse te sentias: mali ciues tui odio;
simulq. præsentis odio ac suspitione carcant; bo-
ni autem amore absentis, ac desiderio teneantur,
sequanturque oculis, atque animis abeuntem: illi
se soles relinquere doleant, tu te comitatum gaudeas
proficisci, neque in tergum respicias, neq. redi-
tum cogites, neque cum illis esse cupias, qui te cu-
piunt abesse, neque demum, quod à te fieri de-
buit, ab alio factum ægrè feras. Debuisti cedere ci-
uium inuidiæ utq. illam fugeres, vtrò in exilium
ire. Huius ego consilij dux eram, nec exempli du-
ces deerant clarissimi. Nam in primis tres magnos
Scipiadas id fecisse noueras, tamq. perseueranter,
ut patriam sua præsentia, qua nil clarius habebat,
spoliata, indignam quoque cineribus defunctorum,
quidam insuper famoso dignam epigramma-
te iudicarent. Nomina sunt immortalis memoria,
quæ tibi per famam, perque omnis historiæ fidem
ignota esse non poterant, Africanus, Nasica, Len-
tulus. *D.* Mittor in exilium. *R. A.* Immo in ex-
perimentum: i; videris, quem te in exilio præ-
beas; si succumbis, exul verus; si consistis, exilio
clarus, ut multi olim, qui inuicti & fulgidi per
asperitates inceserunt, ut sequentibus rectum
iter ostenderent. Sine tyrannos fruire, sine popu-
lum furere, sine hostes, ac fortunā frimere. Pelli.

potes, capi, cædi, perimi, vinci autem, nisi manum extuleris, non potes, neque ornamentis tuis spoliari, cum quibus, quocunque ieris, & ciuis, & patriæ principum vnus eris. *D.* Exulatum pergo. *R.* Perge alacer : id securus : nescis quàm longa sint brachia tui regis : nihil illi longè est : vbique te proteget, qui protexit in patria.

De Patria obsessâ. DIAL. LXVIII.

*Qui rexus ob patriam, tandem quam flamma cremabit.
Cum eorum mundum carpserit ignis edax.*

D O L.

Obsessa est patria. *R.* Obsessa fuit Troia, obsessa Tyrus, obsessa Carthago, obsessa Hierosolyma, obsessa Numantia, & Corinthus, euersæque omnes: quem iam pudeat obsideri? Ipsa vrbium caput Roma, obsidione tentata est, sed cum iam Roma esse desisset. Quid Capuam? Quid Tarentum? Quid Syracusas? Quid Athenas? Quid Veios, minoresve alias loquar? Sunt & sua vrbibus fata, & pauca vatum obsidionis euasere? Sed longitudo temporum, notitiæ rerum obstat, ut ipsis etiam ciuibus, suarum fata vrbium sint ignota: ut præsentem sentis obsidionem, nec futuras præuides, nec præteritas meministi. Sic est usus; quod te premit, defles. Valde sensibus dediti estis, belluarum more. *D.* In patria sum obsessus. *R.* Dicebam te in incommodum tuum flere, iam optabile videri possit exilium, eò quòd minus officiat libertati: neutrum tamen officit, si libertas animi vera est. Ille & inclusus egredi, & exclusus regredi, & vbi voluerit, esse potest. *D.* Obsessus in patria mea sum. Obsessus & Priamus; non ciuis, sed rex in patria sua fuit; cum
rota

tota illa famosa magis, quàm fortunata familia. Obsessus Argis Antigonus Macedonum Rex; & Eumenes Pergami obsessus: hac etate, intra urbem Genuæ, Rex Sicilia Robertus, nullo veterum regum minor; si, quæ veros reges facit, vera virtus attenditur: tu homuncio sortem regiam lamentaris? Obsessus Ambrosius, obsessus Augustinus, ambo simul intra Mediolani ambitum. Obsessus ad ultimum, Augustinus idem, intra episcopi sui muros; quo tempore, miseratus lachrymas suas, Deus à terrena illum obsidione, ad cæleste regnum transtulit. *D.* Obsideor. *R.* Et quis, oro, non obsidetur? Hos peccata obsident, illos morbi: hos inimicitia, illos cura: hos negocia, illos oia; illos diuitia, hos paupertas; illos infamia, hos laboriosa celebritas. Omnes corpus, quod tantopere colitis, & amatis: ille vos carcer artificis circumcingit, atque obsidet obsidione perpetua: ipse orbis terræ, vbi fremitis, & bellis assiduus insanitis; vbi imperiorum terminos, & regnorum tanto studio prolatatis, quâ à vobis incolitur, quid est aliud, quàm quod ait Cicero, quâ quædam parua insula, circumfuso illo mari, quod magnum, quod Oceanum, quod Athlanticum appellatur in terris? quod tamen tanto nomine, quâ sit paruum, vides. Undique obsessi estis omnes; tu te obsessum, vt rem nouam, narras. Vide potius, si quid in te opis, aut consilij est, quod possis ad tutelam patriæ conferre. Hoc fac potius, & memento Syracusij Archimedis operosi senis; querelæ enim, nec tibi nec patriæ profuerint. *D.* Obsideor intra patriam meam. *R.* Quid tu igitur, an alibi malle obsideri? posses id, fateor, malle, & quidē piè, quo scilicet te obsesso, illa esset immunis. Cæterum quos

ad te attinet, an solamen exiguum videtur, quicquid sit in patria tua pati, ut quantum lædit aduersitas, tantum leniat locus ipse. *D.* Intra muros patrios coarctatus sum. *R.* Ita hoc dicis, quasi nullæ maiores vobis sint angustiae, quam murorum. Quam multi ex iis, qui in urbibus habitant, si assidui in curia, atque in foro sunt, ut vix toto, quam longum est, anno, semel portas urbis aspiciant, adde nomen obsidionis, erumpere gestient, & vincti sibi compedibus videbuntur arctissimis: non hoc facit obsidio, sed opinio, qua nihil est in vestra mortalis vitæ fluctuatione potētius. Fabulam locus poscit. Decrepitum quendam senem fuisse nuper Aretij fama est, qui nunquam patrium limen excesserat: id cum ad aures præsentium venisset, ludendi studio, hominem ad se vocant, & sibi compertum dicunt, illum clam urbem egredi solitum, occulta cum hostibus habere colloquia. Ille autem per sanctos iurare, se non solum tunc præsentis pelli tempore, sed nec vnquam vlla pace, per omnem, quamuis longam vitam, muros urbis egressum. Contra illi incredulitatem fingere, & suspectum eum Reipublice dicere. Quid multa? Graui, ni pareat, poena imposita, ne egrediatur, imperant. Illum ferunt, Impatiētia prohibitionis irritatum, die postero, quod nunquam antea visum erat, extra muros patriæ deprehensum. Sic in vetitum semper, peruiçatia animos urgente, nitimini, & tu nunc te arctatum dicis, & tibi vrbs tota non sufficit; cui, nisi obsideretis, fortè pars minima, domus forsitan vna sufficeret, quod maximè studiosis euenire solet. Quid, quod ferè omnis obsidio, brevis est? Adest loci solamen, ac temperis, æquanimitas sola deest; ut lugeatis, & queramini, non natura rerum; sed mollicies vestra est.

*Fata ſolum patrium multò meliora ſequuntur;
In cælo, non hic, inuenienda quies.*

D O L.

Quid, quod euerſa funditus eſt patria? *R.* An non fortunas quarundam ex his, quas paulò ante nominabam, & ſimiles aliarum innumera bilium audiuiſti? Tyrum, & Thebas, & Perſepolim, Perſici regni caput, euertit Alexander Macedo [quod mireris] ad ſuggeſtum ſcorti vnius, magnæ urbis tenuis fortuna eſt. Troiam euertit Agamemnon: Saguntum Hannibal; Carthaginem atque Numantiam, Africanus minor: Hieroſolymam Titus: aliâſque alij. Romam nullus in totum diruit ſed ſeneſtus attriuit, ciuilibus adiuta diſcordiis: & quid refert, quis euerterit, quam conſtet euerſam? Ruinæ Mediolanenſis recentior fama eſt, ſub Friderico Imperatore barbaro, & immani. Quid tu ergò tuam patriam rebaris exemptam imperio fortunæ, cui vrbes maximæ, atque imperia ſubeſſent? An uſque adeò te ſefellit amor, vt urbem vnâ, quòd tu ibi natus eſſes, fingeres immortalẽ, cum ſit mundus ipſe mortalis? Cælum ruet, ac terra, montes, & maria mouebuntur, & creata de nihilo, in nihilum redigentur: tu ruiſſe tuam patriâ, aut miraris, aut queris? Sunt, quòd paulò ante dicebam, vt hominibus, ſic urbibus mortes ſuæ. Non tam crebræ illæ quidem, quòd & pauciores vrbes, & diuturnioris æui ſunt, morti tamen obnoxie: non ſunt enim ſoli homines, ſed, præter animos, humana cuncta mortalia. *D.* Patria ruit. *R. R.* Refurget forſitan. Nam & aliquæ ſurrexerunt & quibuſdam cecidiſſe, materia fuit feliciùs reſurgendi. Nempe ho,

die Saguntum, & Mediolanum sedibus suis stant. At Mediolanum proxima Laus Pompei, vltima [vt aiunt] mutauit locum, iisdem barbaricis manib. & sub idem tempus euerfa. Similiter & Hyerofolima, & Carthago. Spera ergo: si spes cecidit & de patria actum reris, caue tu succubuisse fortunæ: peior est enim animorum deiection, quàm muro- rum. Virilis, non foeminea virum decet pietas; quanuis doleas patriam cecidisse, noli tamen si- mul occumbere; quando tua nihil iam ruina reip. collatura est; quin te ipsum, & si quæ sunt ciuium reliquæ ad feliciora tempora, reseruare satage: fa- ctis prius, non lamentis opus est, vbi sit etiam ipsa fuga laudabilis. Audiuiſti vt Terentio Varroni, cu- ius culpa, ac temeritate penè ruerat imperium Romanum, publicè ab omnibus gratiæ actæ sunt, quòd de Rep. non desperasset, quod facile collega eius, vir clarissimus, & culpæ omnis illius expers, videbatur. Si aliud nihil est reliqui, at tu saltem, cum Biante, bona tua tecum portans, quanuis nu- dus, muros patriæ tuæ cadentis egredere, & ad il- lam patriam aspira, cuius regni non erit finis; quò cum tandem, Deo te vocante, conscenderis, non obsidionem metuas, nec ruinam, nec eorum ali- quid, quæ vestris in vrbibus metuuntur.

De Metu perdendi in bello. D I A L. L X X.

Si vinei non vis in bello, bella carcto:

Infideatque animo pax veneranda tuo.

M E T U S.

Bello vinci metuo. R. Pacem quare. M. Val-
de vinci metuo. R. Timor modestus cau-
tionem, vehemens verò desperationem pa-
rit: quarum altera, nil in bello melius; altera pe-
ius

ius nihil in rebus omnibus. *M.* Magno praelij quattior terrore. *R.* Quid bellantium timor mali ferat, atque ex timore oriens moestitia, Flaminius ad Trasimenum, Crassus apud Carras, Pompeius in Thessalia expertus est; quibus in locis, & sæpè ali bi verum poeticum illud apparuerit:

Pessimus in dubiis augur timor.

M. Euentum pugnae nimis horreo. *R.* Differ interim, dum spes redit; malè pergitur, vnde abstinendum, mens, terrorque denunciant: solet inesse animis praesaga quaedam vis; cuique obstare fortassis, non sit usquequaq; consilium. Non est exemplorum numero, seu veterum, seu nouorum opus, clarissimis tribus vti satis habui. *M.* Instantis pugnae casum metuo. *R.* Excute res tuas, quas te melius nemo est, qui nouerit. Vide ne non res natura, vel virium defectus; sed praesagium sibi fingat ignavia, cui nihil usquam nõ formidolosum, ac difficile est. Hæc, si libertati igitur, si gloria, si saluti tuæ officit, virtutis auxilio comprimenda est, excitandusque animus, & monstrandum illi sæpè pauciora esse, & leuiora pericula, quàm pauores obseruari sæpè oculis falsas imagines rerum terribilium, quibus consternati quidam, sine ferro, paratam sibi victoriam, tradidere hosti. Non est enim falsus, atque inanis metus, vero lentior, sed eò sæpè vehementior, quò pauentem maiora omnia sibi fingens error, quoque præcipitat, atque ita, quod poëta idem ait:

Malè cuncta ministrat:

Impetus.

Si nec his attollere iacentem animum potes, campo abstine. Vix bene geritur: quòd pauidè geritur; sic affectus, in aciem si descendas, tecum erit, qui contra te dimicet; tui enim ipsius, aduersus te, melior pars rebellat. Malus sèper hospes animi pes-

542 P E T R A R C . D E R E M E D .
simus in bellum comes metus.

De Stulto, & temerario Collega. D I A L.
L X X I.

*Collega mores, si non sunt conuenientes,
Si prudenter ages, laus erit illa tua.*

D O L.

STultum habeo, ac temerarium collegam. *R.* Est aliquid cause, fateor, ut timeas, si ex diuerse, aliquid est, ut speres; hoc enim, ut quibusdam calamitatis, sic aliis gloriæ præbuit materiâ. Temeritas Terentij Varronis Æmilio Paulo mortem peperit. At L. Furij, & Minutij, temeritas M. Furio Camillo, & Q. Fabio Maximo singularem gloriam quæsiuit; notæ sunt historiæ; *D.* Est mihi collega præceps, & inconstans. *R.* Esto tu constans, & modestus. Nusquam virtus clarior eminet, quàm suo admota contrario, Cur non tu potiùs illū regas, quàm te ille præcipiret? *D.* Est insolentissimus collega. *R.* An tibi excidit, ut ipsi, de quo nunc diximus, Camillo, tribuni, militum consulari potestate, quinque simul collegæ, imperio pares, ultro se submiserent? Habet hoc virtus excellens; possessoribus suis authoritatem, miratoribus reuerentiâ, ac pudorem confert; nullo melius modo collegæ insolentiam represseris, quàm industria, ac virtute. Sic efficies, ut illum tibi parem dici pudeat, sicut pudit Minutium, & aut se sponte subiiciat honestiore suffragio, quàm si eum tibi populus subiecisset, aut omnes intelligant, illū tibi, parē nomine, rebus imparem, & quicquid bene gesseritis, tuum esse, quicquid secus, illius. *D.* Collega mihi stultus obtrigit, ac peruersus. *R.* Quædam per contrarium discuntur. Solent magistri tardiusculis

lis discipulis incertum aliquid proponere, quod cum respuerit discentis ingenium, ad vera facilius retrahatur. Redit ad memoriam obscuri hominis clarum verbum. Ante non magnum tempus cum Florentia ciuitas statum mutasset, quod crebro nimis, ac libenter facit, atque ad imam plebem frena reip. peruenissent; Vnus ex insolenti grege, qui diutenuerat illam, & moestus amiserat, vicini inopis mechanici humilitatem spernens: Et te, inquit, qui neque literas noueris, neque vnquam patrios fines excesseris, viliis semper artificio vitā trahens, cum paribus tuis, qualiter hanc tantam, & tam nobilem urbem reges? Ille autem nihil motus: Ecquid negotij, inquit, est? Quid vos egeritis, nullus ignorat; si per omnia contrarium agimus, aberrare non possumus. O verbum dignum docti hominis ex ingenio prodiisse? Tu nunc igitur in collega tuo contrarium tibi statuas exemplar, cui dissimilimus fieri velis.

De Inconsulto & precipiti Magistro militia.

D I A L. L X X I I.

Ignarus si sit belli dux, arte regendus.

Ingenio maior saepe cadit numerus.

D O L.

E St mihi magister militiae inconsultus, ac princeps. R. Hoc aliquantò periculosius non negem. Legiones nostras interroga iacentes ad Trebiam, ad Trasimenum, & ad Cannas, multisque aliis in locis. Si remedium vis, dubiam linque militiam. Si id fortè non datur; at tu fortiter, atque industriè ministerium tuum age, vt inter tui ducis errores, tua virtus emineat; nec te ruina opprimat aliena; sed tu potius, si qua est via,

publicæ humeros subiicias ruinæ; rem difficilem, sed neque impossibilem, neque insuetam iubeo: ut enim sæpè multis militibus obfuit vnus ducis ignauia, sic interdum vnus viri virtus, & exercitum seruauit & ducem. Neu sim longior, quàm oportet; tu res suis in locis quæres, mihi nominū, & temporum commemoratio sola sufficiet. P. Decius bello Samnitico, Calphurnius Flamina bello Punico primo; Africanus minor bello Punico tertio: Tribuni omnes militum; ducūque, & exercituum seruatores: tanta esse tua virtus, ac felicitas potest, ut aliena infamia eximiam in gloriam tuā vergat. Anceps sanè negocium, sed extrema in necessitate vnicum. Proinde vtcunque alios fortuna rotauerit. Tu virtutis gubernaculum, si mihi obsequi volueris, nec in pace, nec in bello, nec in vita destitues, nec in morte.

De Infansio prælio. D I A L. LXXIII.

*Sternentem steruit belli fortuna, fugantem
Sape fugat, dubiu statque, caditque viis.*

D O L.

AT prælio victus sum. R. Iam timor euauit; sperare incipies: hæc est horum series affectuum. Nam cum spes, & metus de futuro sint: iam ut futurum potest esse, quod spes, sic futurum esse desit, quod timebas. D. Magno prælio victus sum. R. Tantum ne animo victus sis: nempe ille si cecidit, actum est. Meministi ut Marcellus prælio victus, die proximo in aciem rediit, victorēq. suum maiore, quàm ab illo pridie victus erat, prælio vicit. Et Iulius Cæsar ad Dyrrachium inferior, ad Pharsalia mox ingenti prælio victor fuit. Multi prælio victi bello fue-

re victores. Non cadunt animi virorum fortium,
 vnus lucis euentu ; non magnanimi tantum, sed
 longanimes sunt. Victus hodie, cras pugnabis cau-
 tius. Ducis artem, infauista praelia, quasi tristes fi-
 dique edocent magistri. Atque, vbi sit erratum,
 plagis admonent. Sic agricolam sterilitas, archi-
 tectum lapsus ædium; Equitem casus crebri? nau-
 tam graues acuunt procellæ. Errando discitur.
D. Victus sum. *R. A. T.* Non est victus, nisi qui se
 victum credit, cuius spes obruta, & extincta est, cu-
 ius animus amata deposuit. Aspice Romanos
 animos, cum semper, tum præsertim bello pu-
 nico secundo. Non tam defectione sociorum, non
 conspiratione regum, ac gentium; non tot infe-
 licibus præliis, ac ruinis penè vltimis victi sunt.
 Nulla vnquam apud illos mentio pacis, nullum
 diffidentiae vestigium. Nulla denique, nisi alta
 prorsus, & inuicta consilia. Hoc sanè quid est a-
 liud, quàm virtute animi, fortunæ duriciem mol-
 lire, atque illam in pudorem sui, & amorem tui
 cogere; Tandem igitur, vt dignum erat, emertere,
 & mille strati surrexere altius, vt non hostes tan-
 tum suos modò tam formidabiles, sed totum
 mox, ex ordine, terrarum orbem, virtus illius ac
 fortuna subiiceret. *D.* Victus sum, fateor. *R. A.*
 Nunc demum incipis nosse fortunam, & hoc
 saltem boni fugiens, inuenisti. Nemo fermè res
 magnas gratis discit. Multos docet experientia,
 quos schola non docuit, & præceptoribus sur-
 dum caput; hausit oculis, quod auribus non vale-
 bat. Nulla rerum humanarum certior magistra,
 quàm aduersitas. Nulla disentiendis erroribus a-
 ptior. *D.* Magno fortunæ vulnere corruui. *R. A.*
 Surge, ne iaceas. Nusquam clariùs, quàm in-
 ter fortunæ vulnera prominet animi magnitu-

do. Nunc nosce te ipsum, quantarumque sis virium, valde ictus, intellige. *D.* Speratam victoriam amisi. *R.* Si insperatam prudentiam quasiuisti, non spernenda rerum permutatio videri debet. *D.* Victus sum bello. *R.* Bello victus libertatem retinet, ac vitam. Vitio autem victus, vtranque amittit; quisquis igitur illis succumbit, verè vincitur. *D.* Victus sum. *R.* Quid scis, an illud magno Pompeio, Thessalico dictum, dicere, & tibi coueniat,

Vincere peius erat:

ut damni plus, sic peccati minus solet habere, qui vincitur. Lucrum ingens, quod optantes quidam, non vinci modò, sed mori etiam elegerunt. Et profectò mercantur egregiè, qui morte corporis, quarunt animæ salutem; sed plerique malis suis gaudent, bonis anguntur: tanta hominum mentes habet cœcitas. *D.* Victus sum. *R.* Potest id quidem tibi, non scientiæ militaris inopia, sed fortuitò contigisse. Nusquam enim fortunatior [ut ita dixerim] fortuna, quàm in prælio; cum multa alibi, illic omnia posse illam, perhibent. *D.* Prælio victus excessi. *R.* At non continuo nudus. Possunt arma victis auferri. Vera autem bona, quæ sunt arma animi, etiam qui videntur victi, retinent. Ea enim, ut ex incendio, aut naufragio, sic aduerso ex prælio efferuntur: nec illa tantum, quæ in animis abdita, ferro tangi nequeunt; sed illa quoque, quæ maximè periclitari in præliis ac ferro exposita videntur. Itaque non quisquis bello vincitur, bellicis simul spoliatur laudibus, licet armis amissis, ex acie fugientem, quòdque est maius, in acie pereuntem, secum ducis eximij nomen ferre. Nam & ad Thetmonylas Leonidam non tam victum, quàm vincendo fatigatum, inter

in-

ingentes stratorum hostium cumulos occidisse, cum suis, Græcæ memorant historiæ; quam Deiphebo famam Maro applicat: & in campis Æmathiis [si Lucano creditur] stetit ordine certo infelix acies: & nouissimo prælio, quod in Africa cum Hannibale gestum est, nec melius instrui aciem, nec acrius potuisse pugnari, ut de victore victus, sic & de victo, itidem victor ipse confessus est. Vterque ingens rerum talium æstimator. Quid amisit autem, qui veram artis suæ gloriam, & bene gestæ rei conscientiam non amisit?

De Bello ciuili. D I A L. L X X I V.

Ciuili bello nihil est damnosius unquam;

Curandum, n sis tu quæque causa mali.

D O L.

BEllo quatinur ciuili. R. Nomen hoc à ciuibus tractum; & tu vnus es ciuium: Vide ergo, ne & tu vnus sis huic malo fomenta præbentium, & virili parte culpæ non careas. Hic enim est mos; alter alterum inflammat, donec singuli ferorem publicum exciuerint. Tum demum furor publicus singulos vrget, ac præcipitat: nec vnquam publicum malum à se incipit; quanuis accessione auctum, totam infecerit. siue etiam euerterit ciuitatem: si primam tamen quæris originem, singulorum in erroribus radicatum est: hoc est autem, quod cauendum moneo, ne tu quoque vnus fueris ex his, qui vel materia, vel flatu ciuile incendium aluerint. Multi enim faciunt, vnde innox querantur, & quasi ab altero inflictum vulnus suis manibus factum lugent. Multi iam suo incendio periere. Quod si tibi nihil es conscius, pius est dolor, boni ciuis in calamitate publica; sed quem soletur innocentia. Humanis

K j

enim malis, nullum flebilius culpa est; immo qui-
dem, ut quibusdam maximis viris placet, nullum
aliud est malum. *D.* Ciuili vexamur bello. *R.*
In furore ciuium te sequestrum pacis exhibe? si
id frustra est, at saltem pro libertate, vel solus pro
iustitia partes fac; quod etsi patriæ fortassis inu-
tile, at tibi certè laudabile, vtriusque rei exem-
plum, vna tibi vrbs dabit, Menenium Agrippam,
& Portium Catonem, hunc nouissimum. *D.* Im-
placabile ciuibus bellum est. *R. AT.* Si nil o-
pis in te est ambia lios, increpa, deprecare, obsta,
castiga, obsecra,ingere, quibus potes, publicam
ruinam, quæ priuatas in se continet; & cum nul-
lius propria videatur, est omnium. Denique hinc
pictate, hinc terroribus animos placa. Si nil apud
homines proficis, Deum ora. Opta ciuium respi-
scientiam, & salutem patriæ, modisque omnibus
boni ciuis officium imple. *D.* Bello ciuili respub.
in extremo est. *R. A.* Ne quid vel ciuilibus, vel
externis bellis inopinum accidat, ne quis im-
paratum casus opprimat, semper hoc vnum vol-
ue animo, non homines modo, sed præter ani-
mos, humana omnia esse mortalia; &, ut homi-
nibus, sic vrbibus, & magnis imperiis suos mor-
bos nunc extrinsecus obrepentes, nunc ipsum
intra corpus exortos, in quibus sunt successiones,
& simultates, & discordiæ, & bella ciuilia, esse o-
mnibus constitutum terminum; qui præteriri
non poterit, suum finem cunctis, quæ videntur,
instare, & si paululum differatur, assuturum ta-
men. Vbi sunt vrbes clarissimæ, fulsæ syluas a-
sperrimas, & futuras esse. Stultè, de se sperare vr-
bem aliquam, quod assequi regina vrbiū Roma
nequiverit. Hoc inter fata hominum, atque vrbiū
interesse, propter innumerabilem, infinitamque
fre-

frequentiam, & vitæ breuitatem, quotidie in oculis sunt. Hæ propter raritatem, atque æuū longius, vix semel, multis in sæculis, & cum stupore cernuntur. Hæc te cogitatio firmiorem contra omnes casus, tam publicos, quàm priuatos faciet. Hæc tibi demum, etsi non amaram, at vtcunque tolerabilem viam sternet ad inopiam, ad exiliū & ad mortem, docebitque hoc proprium patriæ tuæ malum, quod omnibus est commune.

De Discordia animi fluctuanti. DIALOG. LXXXV.

Si dubitas animo, vitæ quæ fata sequaris.

Elige, & observa, quod melius fuerit.

D O L.

A Nimia discordia laboro. R. Nullum hoc bellum peius, ne ciuile quidem. Illud enim ciuibz inter se, hoc homini secum est. Illud inter partes populi in plateis urbium, hoc intus in anima interque ipsas partes animæ geritur. Itaque cum sit belli quædam species, quæ plus, quàm ciuile bellum dicitur, ubi non solum ciues, sed cognati etiam inter se pugnant, quale inter Cæsarem, & Pompeium fuit, de quo dictum est:

Ille locus fratres habuit, locus ille parentes:

Quantò hoc bellum iustius nomē id vendicat, ubi non pater contra filium, nec frater aduersus fratrem, sed homo ipse contra se litigat, quo durante litigio, nulla quies animo, nulla potest esse securitas. D. Discordat animus. & diuersis secum pugnat affectibus. R. A. Diuersitatem illam abice. Vnum velle incipe, tunc composita erit, & immota pax animi; cum discordes affectus, quasi seditiosi ciues, in vnā conuenerint voluntatem. Alioqui, vt contrarij, & corrupti humores febrem corporum, sic contrarij affectus febrem

K ij

pariunt animorum ; quæ tantò est periculofior, quantò & animus corpore est nobilior : & æterna mors terribilior temporali. Vtrobique tamen adhibitum temperamentum , & æqualitas quædam , ad salutem est via. *DC.* Pugnat animus, nec quid velit eligit. *RA.* Malum simul, malique causam stringis ; quia nempe non eligit, idcò pugnat. Eligat, & confestim pugna cessabit. Eligat, dico bonum velle. Nam si malum, magis magisque certabitur. Vitia enim inter sese pugnant. Semper virtutum concordia summa est. *D.* Animus in partes scissus dissidet. *RA.* Animum in tres partes distinxere philosophi, quarum primam in arce, hoc est in capite locauere, moderatricem vitæ humanæ, coelestem, serenam semper Deo proximam ; vbi tranquillæ, honestæque voluntates habitant. Duam reliquarum, alteram in pectore, vbi iræ æstuant, atque impetus. Alteram subter præcordia, vbi concupiscentiæ, atque libidines. Duplex huius pelagi tempestas ; quid agendum igitur tibi sit, vides. Fac quod Menenius ille, cuius paulò antè memini, persuasit plebi, vt subesse patriciis in animum induceret : quo impetrato, urbem scissam in duas, ad vnitatem, salubri consilio, reduxit. Et tu coge, vel consilio, vel vi partes ignobiles, parere nobilibus ; tum demum, & non aliter, animi pacem spera ; quæ sublata, quid aliud, quàm vaga semper & propositi in scia & fluctuans, & inconstans vita hominum est, & cæca prorsus. & misera ? Multi prius ex hac vita abeunt, quàm quid velint sciant. *D.* Fluctuo in consiliis, nec quid velim scio. *RA.* Iam dixi, multis hoc accidere, non vno aliquo tantum in tempore, sed in omni vita, & vsque post vitæ finem : & profecto ex omnibus, quæ.

quæ dixisti, dicturusve es. vix hoc malo peius aliquid inuenies. *D.* Fluctuo, & indiuersum agor. *R.A.* Maximum argumentum malè se habentis animi, fluctuatio est: ut enim corpus ægrum sæpè thoro voluitur, sic æger animus consiliis agitatur; de quo vix vlla mihi spes salutis. Parumper abest, quin melius sperem de homine, vitiis pertinaciter inhaerente; qui, si conuersus fuerit ad virtutes, in his forsitan constans erit, quam de homine vario, nullis se consiliis applicante, qui & si boni aliquid incoeperit, non consistet, neque perseuerabit, indocilis stare: & fieri potest, ut de hoc intelligere liceat, Senecæ illud obscurum, quod tota vita elabitur, aliud agentibus; modò enim hoc, modò illud agentes, nunquam idem, semper aliud agere sunt dicendi, quamuis & alios sensus, locus ille recipiat. *D.* Inter varias curas iactor. *R.A.* Quasi inter tumidos fluctus, vitæ tuæ puppis, consilij inops, & magistro destituta concutitur, naufragio proxima, ni tu illam, dum nondum manu clauus excidit, tuto aliquo, & salubri insistas in portu; iactisq; anchoris conquiescas prius, quam te animi tempestas oppresserit. *D.* Fluctuo propositi incertus. *R.A.* Hinc præter animæ pericula, quæ innumerabilia, & immensa sunt, ipse quoque oris habitus prodit, varius, & inconstans, similisque animo, à quo vultus fingitur, ut ait Cicero: dumque hoc in statu fueris, nunc lætus, nunc tristis, nunc pavidus, nunc securus, nunc celer, nunc tardus incedes, insigni varietate conspicuus, quale aliquid traditur de Lucio Catilina. At ubi te primum composueris, atque ad vnum aliquid direxeris, vnum velle coeperis, quod bonum utique sit, oportet; quoniam natura malorū semper varia est, ubi hoc, inquam,

feceris, præter animi quietem, rerum optimam, uniformitas quoque vultus, ac tranquillitas consequetur: nec spe vlla, nec metu, nec mœrore mutanda; nec gaudio: res quidem venerabilis, & paucorum hominum; quæ apud veteres Græcos in Socrate, apud vestros in Lælio laudata est. Postremo verò in principibus vestris, Marco Antonio, & Aurelio Alexandro.

De Ambiguo statu. DIALOG. LXXVI.

Nescis, res hominum dubiis consistere rebus?

Et certam præsens vix habet hora diem.

D O L.

Ambiguo in statu sum. ? Quid est, quæso, de quo ambigis? Moriendumne mortalibus, an spernenda, quæ fugiunt & nullam in prosperis spem habendam, an inevitabiles casus rerum esse, sed tolerabiles, nec flecti quidē, sed frangi posse fortunam? At hæc omnia certa sunt. *D.* Ambiguo in statu positus, quid de me futurum nescio. *R.* Vbi, quando, qualiter moriaris, ambigere quidem potes; mori autem oportere; nec malè mori posse, qui usque in finem bene vixerit: nec citò mori, quibus suis in spaciis vitæ viri boni munus implevit; vel si id non licuit, at spem dedit; nec alibi, quàm in patria, qui mundum omnem sibi patriam fecit; nec alibi quàm in exilio, qui veram suspirat ad patriam, dubitare [ni desipis] nullo potes modo. Vnde igitur istæ ambages? de fortuna forsitan? an tibi fidem, quod vix illi vnquam fecit an suos potius mores seruet, tanquam pelagus procellosum, nunc ficta tranquillitate fallax, nunc fluctibus aliis minax, nunc horrenda naufragiis. Ne de hoc quidem ipso, si qua tibi experientia rerum est, dubitatio

bitatio vlla supererit: quanuis enim euentus ambigui. ipsa tamen ambiguitas, ipsa & virtus: quæ te inter incerta certum faciet, certa est; cui, cum te totum dederis, prouisa omnia, nihil erit ambigui. D. Ambiguus status est mihi. R. At non ambiguus Deo; id sat est; illi te ipsum fidens crede, & dic ei, In manibus tuis sortes meæ. Id cum piè feceris. pone metum. pone ambiguitatem, pone sollicitudinem. Ille scit, quid de te acturus sit, nullius rei dubius; parua quidem, sed firma in nauicula. magnū fulcas mare: fidus. tuæque salutis amantissimus gubernator est. Quid refert an viam veçot ignoret, si magistro nauigij nota est.

De Vulneribus acceptis. D I A L. L X X V I I.

Possumi sarari percussa vulnera carnis,

Sed grauiora tibi vulnera mentis erant.

D O L.

Vulneribus crucior grauiissimis. R. O si anima tuæ vulnus aspicias, quàm tibi hæc leuia videantur: sed vos delicatissima corpora, insensibiles penè animas habetis, altera vestri parte nihil: altera pati omnia parati; quodq; est festius. non sentire. D. Vulneribus inflictis afficior. R. Hostilis mucro lorica penetrat non animi: nulle, nisi vltro suis sese armis spoliet inuio- labilis ferro est. Disputatum habes à magno quodam viro, paruo quidem, sed arguto volumine, ne minè lædi posse, nisi lædatur à se ipso: cui sententia, quanuis ab opinione hominū vehementer abhorreat. pro veritate subscripserim. D. Grauiissimis. multisq; vulneribus laniatus sum. R. Nullum vulnus grauius esse potest. quā ad mortē: talia ve- rō, vno in corpore, multa esse nō possunt: si nū ergo

R I I J

grauiſſimum, reliqua omnia leuia ſint, oportet.
 Tribus & viginti vulneribus confixus Cæſar, v-
 num, non amplius, lethale habuit: vt ſanè fuerint
 cuncta lethalia, plus ne, quàm ſemel mori potuit?
 multa licèt ac profunda ſint vulnera, vnus eſt vul-
 nerum effectus, quorum ſæpè etiam in corpore ex-
 tinctum inhumana repetitio non vulnerati pœ-
 nam, ſed ſcruitiam vulnerantis exaggerat. *D.* Vul-
 neribus debilitatus ſum. *R. A.* Sit, vtinam, ſi-
 mul debilitata ſuperbia, cum ſororibus ſuis; & ac-
 ceſſerit vulnerum comes humilitas, ne de nihilo
 ſcriptum ſit: Humiliaſti, ſicut vulneratum ſuper-
 bum; bonum vulnus, & vtile, quod plurimum, ac ma-
 iorum vulnerum medicina eſt. *D.* Vulneribus de-
 formatus ſum. *R.* An adoleſcentis illius obliuiſce-
 ris, cuius mentio bis in hoc ſermone incidit? ſerò
 quidem ſponte faceres, quod ab alio factum ge-
 mis. *D.* Tranſuerſo vulnere facies exarata eſt.
R. A. Non vulnus, ſed cauſam vulneris attendo.
 Iuſto cicatrix bello parta, miris modis hone-
 ſtat faciem. Viri fortis ſpecioſum, pro iuſtitia,
 ſuſceptum vulnus, multoquè ſpecioſior eſt mors.
DO. Vulnere accepto claudus ſum. *R. A.* Di-
 ctum tenes Horatii Coclitis, qui cum die illo, quo
 mirabili magis, quàm credibili fortitudine, atque
 conſtantia, ſolus Thuſci Regis exercitum, ſublicio
 in ponte ſuſtinuit, teſtudine ſuorum manibus à
 tergo fracta, & collapſa, hoſtibus clauſum iter ſen-
 tiens, vtque erat armatus, & mille hinc, atque
 hinc miſſilibus circumuentus, ex alto ſe in Tybe-
 rim proieciſſet, vnoq; cum vulnere, vnde claudus
 manſit, inter ruẽdum accepto, nando ad ſuos cor-
 pore reliquo incolumis perueniſſet, idquè vitium
 ſibi, poſt tẽpus, in petitione honoris, obiiceretur,
 ſic eluſit aduerſarium: Minimè enim, inquit, clau-
 dico,

dico, sed ita Dij immortales voluere, ut per singulos passus meminerim triumphi mei: præclarum planè, factisque par dictum. *DO.* Manum vulnere perdidisti. *R.* Si læuam, damnum leuius: at si dexteram, Marci Sergij, viri fortissimi, remedio uti licet, qui hac manu bello Punico amissa, sibi ferream fabrefecit, cum qua multis ac trucidibus præliis non ociosus bellator interfuit. Id si parum successerit, dextera officium in sinistram transfer. Nosti, ut Casareus miles Attilius, bello Massiliensi, cum iniectam puppi hostili dextram amisisset, læua prehensam tenuit, donec pelago mergeretur. *D.* Vtraque manus ferro abscissa est. *R. A.* Vbi plus licentiæ fortuna, ibi plus negocij virtus habet: fortunæ tamen omnis aculeus, virtute contunditur; hac armatus, etiam sine manibus fortis erit. Memento Cinigeri Atheniensis, qui post Marathoniam pugnam, opus immortale, Miltiadis hostibus ad naues profugis, imminens obtruncata manu dextra, qua vna nauim fugæ plenam strinxerat, sinistram mox adhibuit, qua rursus abscissa, feræ in morem, morsu post affixo sic tenuit, quos aliter non valebat: nec tibi miles ille Cannensis exciderit, qui vulneribus usu manuum priuatus, contrà suis intentum spoliis victorem, quod vnum sibi supererat, dentibus quidem pro manibus usus est, ceruicemque eius arreptam vlnis implicuit, nec laxauit prius, quam auribus truncis, ac naribus, os hostis laceum tuens, seque ultus moriens iam lætior expiraret. Ferocia hæc, illa suauiora, mitibusque animis aptiora remedia; ut semper ceu rem fragilem, caducamque, teque velociter deserturam corpus aspicias; ut cum id euenerit, nec concidas, nec mireris quidem. Sed exteriore membrorum

ministerio amisso, in ipsos animæ sinus intimos se
conuertas, vbi inuenias aliquid magnificè loquen-
dum, agendumque, nec lingua opus esse nec ma-
nibus. *D.* Vulneribus deformatus sum. *R.* Dixi iam,
immò si causa vulnerum pulchra est, honestatus,
ac insignitus: viri quidem fortis pro iustitia, ma-
gnū aliquid aggressi, durumque aliquid perpes-
si, non fœdis frons sulcata vulneribus videri de-
bet, sed notis stellata fulgentibus: neque verò cica-
trices, aut vulnera, sed virtutis sunt dicenda vesti-
gia, & præclaris affixa frontibus signa meritorum.
Proinde si Cæsareū illum quoque Centurionē,
Cæsum Scævam miræ virū fortitudinis, sed iu-
stitiæ nullius, mille lacerum, perfoſsumque vulne-
ribus, hostes quoque venerati, & propter vnius vir-
tutis admirationem, vulnera ipsa deosculantes, ar-
morum fragmina, & sagittas, tepenti cadauere e-
ductas, Deorum templis ceu sacrum aliquid affi-
gebant; quid de fortis, iustique viri preciosis vul-
neribus sentiendum sit, intelligis? *D.* Vulneribus
multis infirmus, ac deformatus sum. *R.* Curate, mise-
ri, vulnera; nisi nunc sanentur, hæc sursus perpetuò.
De his enim terra viderit, quæ illa conteget, con-
sumetque, cicatricosaque corpora excipiens, pla-
na restituet. *P.* Inflicto vulnere hac, aut illa parte
corporis truncus sum. *R.* De partib. litigas, totum
illicò relicturus.

De Rege sine Filio. DIAL. LXXVIII.

*Ne doleas, regnum non successore carebis;
Dant causam nati semper avaritia.*

DOL.

Regnum est mihi, non filius. *D.* Parum
ne tibi igitur sollicitudinum, & curarum
regni onus imposuit, nisi filij insuper pon-
das

dus accesserit? sarcinis vestris delectamini, & dulce est vobis sub fasce succumbere. Nullum publicum pondus regno grauius. Nulla grata sarcina grauior, quàm filius, etsi nulla carior. *D.* Cui regnum dimittam nullus est filius. *R.A.* Dimitte ciuibus libertatem, nil illis gratius, nil te dignius, potes. Fuerunt, qui viuentes nec successore carentes, hoc ipsum facere meditati sunt; Hyero Siracusius, & Augustus Cæsar. Quanto verò satius fuerit multis benefacere [cum possis] quàm optare, vt vni malè facias? Quid est autem melius, quid dulcius, quàm in libertate viuere, quid perius, quid periculosius, quàm regnare. *D.* Non est filius, quem heredem regni faciam. *R.A.* Non est tibi materia perpetuandæ tyrannidis. Nam quid sunt aliud regna, quàm vetustæ tyrannides. Non fit bonum tempore, quod natura est malum. Adde quod persæpè, qui in regna succedunt, à maiorum suorum calle discedunt. Exemplo sunt Hieronymus Siculus tyrannus, & Iugurtha Numidicus, qui Romanorum amicitiam, tanta fide ab auis, tanquæ fideliter diu cultam, cum sua vterque pernicië, alter insolentia, alter perfidia violarunt. Non habes igitur successorem regni, non habebis tuorum actum euersorem; sed habebis populum tui nominis amatorem, & cultorem tui, memorem libertatis, tibi per sæcula debitorem. Bene tecum egisse fortunam credito, & melius multò, quòd filium tibi vel abstulit, vel negauit, quàm quòd regnum dedit. *D.* Sine filio rex sum. *R.A.* Nunc honestius atque liberiùs regna. Sæpè amor filiorum ab amore virtutis animum deflexit. Legisti vt apud Taprobanem insulam ingentem, quæ longè trans Indiam in orientali sedet oceano, per transversum diam e-

trum obiecta Britannia; rex, arbitrio populi consentientiis eligitur, vir ex omnibus optimus; nihil sanguis, nihil opes profunt: omne suffragium de virtute oritur, ita ut nunquam iudicio fauor officiat. Sancta, & felix electio, quæ ad nostros reges vtinam peruenisset, neque malis peiores, & peioribus pessimi succedentes; orbem terrarum, tradita per manus nequitia ac superbia, corrupissent. Illic tamen quatumlibet optimus, ac perfectus vir, vnanimi sententia omnium comprobatus, ad regnum tamen non perueniat, nisi & senex, & filius carens, ne aut ætatis feruor, aut filij amor transuersum, quo non expedit animum agat. Ita qui, etsi filium habeat, ad regnum non assumitur, etsi post regnum illi fortè filius natus sit, statim regno cecidit: neque enim prudentissimi viri, possibile opinati sunt, ut idem animus simul & populum curet & filium.

De Amisso regno D I A L. L X X I X.

Cum regno curas abiicisti, reparabis.

Sed libertatem, perdita qua fuerat.

D O L.

Regno excidi. *R. A.* Iam solatij genus est filium non habere. *Regno excidi. R. A.* Vtilis casus: in præcipiti sedebas; saluus in plano depositus, & periculosam altitudinem, post terga respiciens, videbis te regni folio descendente, ad priuatæ vitæ requiem ascendisse; etsi nulla est sine securitate iucunditas, nulla felicitas; aliquantò iucundius te, aliquanto ue felicius, atque ita altiùs esse, quàm fueras cognosces. *D O.* Regno depulsus sum. *R. A.* Habeto gratiam depellenti: durum auribus, animo liquidum, quod iubeo. Depulsus enim es, vnde
erat

erat abeundum; & quod sponte debueras, coactus facis. Optanda vis equidem, non deflenda. Nam quis pudor, hominem natum, aut regnum super homines optare, aut se parem factum hominibus indignari? Si excellere pulchrum, atque optabile? quidni omnium pulcherrimæ rei excellentia optanda sit? Non superbix igitur, neque licentix, sed virtutis, ex qua vera diademata regum, non ex gemmis, auroque fieri, nemo tam auri cupidus, aut gemmarum est, qui neget. Quis autem, quæso hominum non videt, inter homines principatum humanitati debitum, non opibus; quæ opulentum hominem faciunt, non humanum magis; atque ita nec meliorem certè nec hominibus altiore: sed hic vnus, ex multis erroribus vestris est, in excellentix appetitu, quam in sua sede contentam, vbi non est, quæritis, non videntes consequentiam rerum veram, & causarum. Sicut enim inter diuites diuitiis, inter robustos viribus, inter formosos forma, inter disertos eloquentia, sic profectò inter homines humanitate præcellitur. *D.* Regia de sede cecidi. *R.* Si incolumis, perrarum: solent enim, qui sic decidunt, perire, regnoque simul, atq; anima spoliari: quibus illa relinquitur, tranquillior, gratiorque, si sapiunt, vita est; quod illos minimè latuit, qui non collapsi, aut depulsi, sed & stantes, & volentes, aut imperio cessere, aut pontificatum, iam sublimiorem regnis, & imperiis, reliquere. In quibus Diocletianus clarum nomen habet, qui dimissum vltro ad imperium reuocatus, spreuit opes turbidas, ancepsque fastidium; & quæsitum ab aliis, quærendumque tantis cadibus, rursus oblatum, expertus, exhorruit; & philosophicè, grauiusque cum amicis iocans, oleribus, quæ in hortulo suo,

priuatus, sibi ipse plantauerat, post habendum censuit: *D.* Regia arce detrusus sum. *R. A.* Latentium illa discriminum plena erat, inter quæ dudum cæcus animi, quibusdam velut aureis, nec minus vrgentibus, quia fulgidis manicis, atque compedibus tenebaris, quibus nunc solutus, lumine reddito, quod fortuna suis auferre sequacibus solita est, illius circalatricis instabiles ludos videt; & quis auarus adeò, vt non auro visum redimat? eligatque inopem magis integritatem nobilissimi sensus, quàm diuitem cæcitatem? Atqui non minus nobilis, sed sine comparatione nobilior animi visus est, quàm corporis: illum gaude, regni nutantis impendio, remedisse; rem magnam paruo preeio, neque rem vnā tantum: Non modo enim cæcitas, cum regno abiit, sed libertas rediit: publico seruitio liberatus es. *D. O.* Regia exuor maiestate. *R. A.* Chlamys regia, sceptrumque, & diadema [crede expertis] ponderosissima rerum sunt, multiplici leuatus fasce, queri desine. *D.* Regnum amisi. *R. A.* Inimò quidem euasisti, & nudus ex ingenti fastigio enastisti. Solent terræ redditi querelas premere, vota-que soluere. *D.* Regni felicitatem perdidi. *R. A.* Seu felicitatem miseram, seu felicem miseriam dici mauis. hanc fateor perdidisti; seu vtrumque simul, falsam felicitatem veramque miseriam. *D.* Regnum simul, ac potentiam, regiaque opes perdidi. *R.* Gaudendum perditis, quæ te perdere potuissent. *D.* Regni potestate careo. *R. A.* Et regni curis, & casibus, quorum radio atque odio, quidam solio excedere voluerint; quod, vt vellet, Augustum modestia, Neronem metus impulit. Nonnulli etiam excesserunt, vt paulò antè memorauimus. Id, qui velle non potest [Sunt enim per-

uica-

nicaces, & indomita voluntates] necessitati sal-
 tem, victoriq[ue] suo gratias agat, ad eum statum v[er]-
 sedatus, quem optasse debuerit. Primum bo-
 nianimi votum esse debet, honesta consilia liben-
 ter amplecti, proximum vel coactè. Quod ma-
 gnum illum Syriae regem non praterit Antio-
 chum, qui omni, quæ cis Taurum est, Asia priua-
 tus, Senatui, Populoq[ue] Romanoq[ue] gratias agebat,
 quod eum magna nimis sollicitudine liberatum,
 ad mediocria rede-gissent; faceret quidem ille, si fl-
 et; sapienter grauiusq[ue] si verè, D. Regni è so-
 lio descendit. R. A. Dicebam superbie impuden-
 tis, addam & amentie negligentis esse, conditio-
 nis oblitum, fastidire, quod sis; esse velle, quod ne-
 queas. Non possunt omnes homines reges es-
 se, sit satis, esse homines: quid non, sui regni au-
 dis, sua sordet humanitas. Quiescite miseri; be-
 ne secum agi putent hi, qui reges esse desierint.
 Cum enim data omnium mortalium, tum durissi-
 ma regum fors: quorum & vita innocens labori, &
 scelerata infamiae, atque vtraque periculis expo-
 sita, quocunque se verterit, difficultatum isopu-
 los rerumq[ue] naufragia, circa se videt: hinc eru-
 pisse, tu miserum ducis? nil vnquam tibi felicius
 accidit, quàm quod miserrimum arbitraris. D.
 Regnum meum, ad alium translatum, doleo. R. A.
 Non tuum certè, sed fortunæ: quæ, si donare illud
 tibi potuerat, cur auferre, cum velit, & transfer-
 re non possit? Vide autem n[on], prater transfe-
 rentis voluntatem, quæ sola sufficiens est, alia
 etiam causæ fuerint transferendi. Illæ scilicet,
 quas quidam sapiens vir expressit: Regnum, in-
 quit, à gente in gentem transfertur, propter iniu-
 stitias, & iniurias, & contumelias, & diuersos do-
 los. D. Rex esse desij. R. A. Homo esse incipis: ea est

enim regum insolentia, ut quod Rex Regum Christus esse dignatus est, dici homines dedignentur.

De Proditione. D I A L. L X X X.

*Proditus es, quid tunc? non primus, & ultimus esto;
Proditus à Iuda Christus & ipse fuit.*

D O L.

Proditus sum ab amicis. & Hostibus credo: si amici enim essent, non te proderent. A familiaribus sum proditus. Ambiguum nomen, & familiaris amicus, & familiaris hostis dicitur, quo periculum maius vita hominum non habet. Proditus sum ab eis, quibus ante alios fidebam. Vix fallitur, qui non fidit. Enimvero quò maior quisque, eò minus potest tutò fidere, eoque plus fidere ac pluribus est necesse. Unde fit, ut cum commune tum vel maximè regium sit prodi, neq. omnino ullum genus, tam obnoxium huius malo. Proditus à suis [ut fama est] Priamus, proditus Minos, Nisus, Oethes, Agamemnon. Alexander, & ante ipsum Darius. Prodi ex nostris, Romulus, Tarquinius Priscus, Servius Tullus, Africanus minor, Magnusque Pompeius, & Iulius Cæsar, & mille alij: vel reges, vel regibus altiores: & quid proditos loquor, quasi quærendi sint? Quis autem non proditur, & in parvis quotidie & in magnis, nisi cui nullus est penitus, à quo prodi possit? Proditus ad extremum Christus, nec regum peste terrestrium cælestis ille rex caruit. Proditus sum; magisque meorum fraudibus, quàm propriis tangor incommodis. Pie id quidem, ac magnificè. Nam & Africanus ille cuius proximè memini, se territum non tam mortis metu, quàm insidiarum, à suis apud Ciceronem dicit.

Ve-

Veruntamen neutro nimium tangi debes: quando enim ita iacta fors est, ut lucrum, ac perfidia proditoris bona fides, damnūque sit proditi, elige vtrum malis. *D.* Proditor me fefellit. *R.* Plus ille sibi nocuit, quam tibi; te prodidit, se perdidit, te pupugit, se confodit; te dum spoliat, se perimit. Tibi enim regnum fortē, vel opes, sibi animam, famam, conscientiae quietem, conuictūque hominum eripuit. Nil scelestius proditore: nil turpius Sol videt; cuius obscœnitas tanta est, ut & qui artificio eius egent, execrentur artificem, & qui ceterorum scelerum famam quærunt, huius infamiam reformident. *D.* Proditus sum. *R.* Proderit forsā, ne tam facile iterum prodi possis. Multi sēpē paruis damnis admoniti, magnis occurrere didicerunt.

De Amissa Tyrannide. DIAL. LXXXI.

*Insidris liber latere, Tyrannide liber;
Cura, odium, cœtus deseruere tuum.*

D O L.

Tyrannidem amisi. *R.* Si vtile damnum est, amisisse regnum, quanto est vtilius tyrannidem amisisse? Etsi enim [ut dixi] cū de rege sine filio loqueremur, penē omnia regna tyrannides fuerint, tempore tamen quæsierunt robur, ac obliuione hominum, velum sibi iustitiæ texuere; tyrannidis iniustitia simul, ac nouitas odiosa est. *D.* Tyrannidem deposui. *R.* Sarcinam reipub. grauem tibi periculosa, nulli bono vtilem, damnosa multis, omnibus odiosa. *D.* Tyrannidem exui. *R.* Ne sis nudus, indue iustitiam, modestiam, parsimoniam, honestatem, pietatem, clementiam, caritatem, vestes optimas,

quibus comparandis, nullo opus est auro, sed sola animi voluntate; vestes paratas bonis omnibus; Tyrannis vel incognitas, vel inuisas, qui margaritis ac purpura obuoluti, humanitate interim, ac virtutibus nudi sunt. D. Ciues mihi tyrannidem extorserunt. R. Libertatem sibi debitam receperunt, vitam tibi iidem debitam reliquerunt. Tu hanc ciuibus tuis debes, qui tibi prater odium, nihil debent. Ita pro gratiarum actione, querimoniam instituis. At iam pridem mos iste percrebruit, vt, qui fecit iniuriam, queratur; qui passus est, sileat. D. Longa tyrannide spoliatus sum. R. Seruierunt tibi, quibus forsitan te seruire dignius fuit; nunc iniuriam, longi & iniusti seruitij finem vocas. cum iustitiæ principium, iniustitiæ finis sit: vt, si multorum calamitates populorum, vnius hominis pauisse licentiam, turpe fuit; pulchrum sit pascere defuisse, deque hoc conqueri, impudentiæ sit extremæ. D. Longa tyrannide sum deiectus. R. Sponte descendisses melius optimè verò non ascendisses. Nunc qualitercunque descendisse, bonum ideò, quia iustum, meliorque coacta iustitia quàm voluntaria iniustitia est. Audite impium tyrannum apud inferos exclaimantem:

Discite iustitiam moniti.

audite & me apud superos exhortantem: Discite iustitiam vel coacti. Hæc enim tēpestiua hic, vtilisque, ni respuitur: illa ibi admonitio vtrique sera est. Frustrà enim discitur, quod fieri amplius non potest. Ponite verò iam tumentes animos, superbūq; & feroxū minandi votū ponite; etsi non prius, saltem post tyrannidem amissam, tyranni esse definite; & oprandi, quod iam assequi non potestis, finem facite; si non iustitiæ, saltem ver-

RECUN-

secundia, hoc præstate, ut mutatis moribus, & nouo habitu mentis assumpto, amissione diuitiarum ditiores facti, quantum fortuna detrahatur, tantum animis addidisse videamini. Nunquam ne igitur aduertistis, ut non solus ille rex regum, & dominus dominantium omnipotens. à quo omnis potestas est in cœlo, & in terra, manum, muneribus suis plenam, & extendit, & retrahit, occultis sæpè, iustis semper ex causis: sed temporalis quoque rex regem, Tyrannus tyrannum, & gens gentem deiicit, atque pessum lat: an verò nec prophetam illum querulum audiuiistis? Et congregabit, inquit, quasi arenam, captiuitatem, & ipse de regibus triumphabit, & tyranni ridiculi eius erunt. Coaptate animum fortunæ, seu diuinæ potius voluntati, & cauete ridiculum; foedumque illud exemplum Dionysij tyrannorum pessimi, qui patria pulsus, in exilio, puerilium literarum scholas tenuisse dicitur, ut quam in ciues non poterat in pueros tyrannidem exerceret. Trux ingenium, affixumque proposito, honestiq; inscium, atque æqui iuris impatiens. *D.* Tyrannide amissa valde doleo. *R.* Quantum doleres iustæ possessionis amissionem, qui tam doleas iniustæ quantum re propria spoliari, qui sic doleas alienis? *D.* Tyrannide me deiectum grauter fero. *R.* Feres leuius, si causam libres. Multi quidem, tyrannorum, solo nominis odio ceciderunt. Plures tamen certas cadendi causas habuisse notissimum est, & quotidie fit notius. Apud Aristotelem quidem legis in Politicis, quod propter vxorum iniurias, multæ tyrannides perierunt. Id quoque modo, seu actiue seu passiue acceptum fuerit, verum erit; hoc est seu propter iniurias à tyrannis illatas vxoribus alienis seu aliis illatas ab vxoribus tyrannorum. Primi exem-

plum habes, non modò tyrannidum, sed regnorũ Troiani scilicet, & Romani. Secundi verò, Agidẽ Lacedæmonum tyrannum, qui cùm ipse sibi subditos spoliasset, ad spoliandas eorum vxores amantissimã suam coniugem destinabat; quæ tibi causa non vltima esse potuit, maturandæ calamitatis: quanuis hic Aristeteli notus esse nequiverit: qui ætate floruit Alexandri, neque tam longeuus fuit, vt ad huius ætatẽ peruenire potuisse videatur: cū tamen eisdem in libris, nõ sine admiratione quadam Hieronis, ac Gelonis nomen inueniam, qui, qualiter sibi noti esse potuerint, attenta ratione temporum non satis expedit. *D.* Nec ego alienis iniuriosus vxoribus, nec mea vxor alicui tyrannide tamen excidi. *R.* Sæpẽ se, nocentissimi innocentes putant: sunt tamen & aliæ non minores causæ, præcipitandæ tyrãnidis. Insolentia scilicet, quæ Iulio Cæsari apud historicos obiicitur; illa præsertim, quòd senatũ se honorificentissimè addeunti, nõ assurrexit; quæ hodie nec causa quidẽ vlla esset. Crudelitas quoq. quæ Mezentiiũ apud Vergiliũ ad suppliciũ reposcebat. Caium verò Caligulam, & Neronẽ, & Domitianũ ad supplicium traxit: & inuidia, qua maius tormentum non inuenisse Siculos tyrãnos, Flaccus ait; neque vestros hodie maius inuenire, res loquitur. Postremò nulla tyrannorum aut maior pestis, aut crebrior auxitiã est. Itaque reliquæ singulorum, hæc est omnium. Reliquæ singulos ciues afficiunt; hæc populũ vniuersum. Superbia, & inuidia ipsos inter tyrannos regnant: Crudelitas inter paucos sæuit: Auidia inter omnes. Quiescit illa nonnunquam, ac minuitur: hæc semper crescit, ac vigilat. Qui præesse igitur in populis volunt, vitare imprimis hoc vitij decet, omnemq. vitij huius infamiã, omnẽ-

que suspicionem. Nihil est enim quod odiosum equè faciat tyrannum, atque præsentia ac dominio indignum. Reliqua interdum magnanimitatis, iustitiæ se se velo tegunt; hoc vnum utilitatem animi miseriamque non exuit; & contra communem humani moris errorem, ut nil miserius, nil vilius avaritia est, sic nil quoque miserius creditur, nil vilius, idèoque hoc vitio laborantes, indignissimi honore, & imperio iudicantur. Indignantur homines illi subiecti, qui avaritiæ sit subiectus, atque illum alienum in corpus ius habere, quod suum non habeat in metallum. Velle sibi licitum aliorum vitam, ne dicam pecuniam, extorquere suam tangere non audenti. Prima quidem igitur ad securitatem, & quietem via est, non modo tyrannidis appetitum, sed omnem regnandi cupidinem abieciſſe. Nam quid stultius, quid laboriosius, quidve periculosius, quàm totius in se vnum populi sarcinas transferre, fragilem forsità suis propriis perferendis. Sin eligere meliora; consuetudo veri hostis, & opinionum perversitas non permittit; illud est proximum, Aristotelici dogmatis meminisse, ut scilicet, non tyrannum quis se præbeat, sed reipub. curatorem: Introitus, inquit & oblationes oportet videri, colligere dispositionis gratia, & si aliquando opportunum fuerit, uti ad ~~hæc~~ opportunitates: Universaliter autem, exhibere seipsum custodem, & camerarium, tanquam communium, non tanquam priorum; & iterum: præparare, inquit oportet. & ornate civitatem, tanquam procuratorem existentem, non tyrannum; & rursus; oportet non tyrannum, sed œconomum, & regalè videri esse subditis, & non suimet curantem, sed procuratorem mediocris vitæ persequi, non excellētias. His quidem horumq; si.

milibus [vt Aristoteli placet, & mihi] fit durabilior principatus. Ita tamen talem videri expedit, vt verè etiā talis sit. Simulatio enim, tot sub oculis hominum, quos res tangit, qualibet arte, vel ingenio, longa esse non potest. Vide non igitur, an in parte horum aliqua erraueris, & queri de fine, & mirari: neq; enim tyrannidem his vitiis obnoxia delinere, sed durare mirabile est. Ad summam, & reges, & tyranni omnes, & quicunque in potentatu aliquo sunt, debent, si regnare diu volunt, acriter excutere, memoriterque dictū illud Catonis, apud Liuium: Auaritia, & Luxuria omnia magna imperia euerterunt. Amissa tyrannide, priuatæ redditus sum fortunæ. *R. A.* Hostis ciuium eras, factus es conciuis; æquam disce ciuilitatem, & beneficium fortunæ humilioris agnosce; cum honestiis, cum tutiis inter ciues bonos, quàm super omnes ciues, viuatur. Iam tibi tranquillior rerum status, iam securior vita erit, sine metu sine suspicionibus, sine excubiis, sine ferro, quibus in malis, quæ nam vitæ suauitas speranda sit, nescio. *D.* Tyrannide perdita priuatus dego. *R.* Elige an lamentis acerbare fortunam malis, an æquabilitate lenire. Profectò enim, si non vulgi strepitum, sed animum ipse tuum, & in silentio, præteritiq; memoriam interroges, multis te explicitum, atq; elapsum malis inuenies. Iam tutus vivere, siccusq; iam mori poteris, nec sanguine madidus, nec veneno.

De Perditis Arcibus. DIAL. LXXXII.

*Arcibus infestis vicinia saepe gravatur;
Est dignum, multæ res inimica cadat.*

DOL.

VAlidis arcibus spoliatus sum. *R. A.* Adhuc ergo tyrannidis supererant semina, quæ, man

iam tandem amissis arcibus, abiiecisti. Non est satis, venenosum stipitem præcidisse, ni radicem vulseris, qui arcibus fidit, tyrannus esse non desit. *D.* Montana arce priuatus sum. *R.* Vbique arces sunt compedes libertatis. At in montibus nimbi etiam quidam sunt quodammodo, vnde vestra superbia in subiectos tonet, ac fulminet: his priuari, non modò non flebile, sed optandum est. Sunt enim aliqua ex his etiam, quæ bona vulgus appellat, quibus boni quoque modestique animi teneantur, atque ad illicitum vrgentur: quibus moribus si obstare, virtutis ope, non valeas, quid ni optanda sit amissio earum rerum quæ hos pariunt motus. *D.* Arcem fortissimam amisi. *R.* Tu fortissimam dicis, fragilem probat euentus. Amisisti potius rem usu ineptam, difficilemque custodia: rem inutilem tibi, vicinis omnibus odiosam; iam dormire noctibus incipies, & dormire alios fines. *D.* Tutissima mihi arx diruta est. *R.* & *T.* Quomodo esset tuta, quæ perit, ipse tecum cogita. Ego autem tibi ostendam munitissimam, tutissimamque arcem sine muris, sine turribus sine vilo prorsus operoso rerum apparatu. Si vis tutò vivere, bene vive; nil virtute securius. Bene autem vivere non hoc dico, superbè, lautè, pompaticè, sed iustè, sed sobriè, sed modestè. Nullis opus est arcibus, quæ non tutum te præstiterint, sed sollicitum, formidabilem ac molestum. Quæ est autem hæc voluptas, metui, nec amari? An illud Læberij notissimum non audisti?

Ne esset multos timeat, quem multi timent:

hoc ille dixit in Iulium Cæsarem: quantò id in alios, illo & minores, & formidabiliores, rectius dici potest: nescio quidem, cur tam multi cupiant timeri. Nemo enim gratis metuitur, vna & me-

ruit: & periculosius: est multos metuere quàm
multis vnum. Nonne magis multo est, quod nul-
lus te metuat, & tu nullum; quàm quod te multi
metuant, & tu multos? Segregari enim ista ne-
queunt, semperque metu metus quaeritur. Poscis
huius dicti causam? Illa profecto est, quam, Ovi-
dii Naso ait:

Quia, quero metuit quisque, perire caput;
dictum prius est ab Ennio:

Quem metuant,

inquit,

Oderunt: quem quisque odit, periisse expetit.

Eras in tua arce metuendus, sed, & metuens, &
quos, inquires, metuebam? Immò verò quis non o-
mnes metuet, qui metui, coeperit? sed illos impri-
mis à quibus ipse metuitur. Nam Cicero Ennium
secutus: Qui se, inquit, metui volent, à quibus
metuentur, eosdem metuant ipsi, necesse est. Sæ-
pè idem repeto, quia ita se res habet; nec aduer-
titis in hoc cæci, vt in reliquis, dum supra om-
nes esse nitimini, infra omnes estis: quid est timo-
re depressius? sic conatus omnis vester in aduer-
sum definit. D. Arcem mihi carissimam ami-
si. R. AT. Fac tibi cariorē aliam, quam non
perdes. Circumualla animum piis intentionibus,
honestis vitam actibus, prudentiam, ac fortitudi-
nem ante fores loca; iustitiam, atque modestiam
in propugnaculis; humanitatem, ac mansuetudi-
nem vndique in muris: spem, fidem, caritatem,
arcis in medio: prouidentiam, supremæ turris in
vertice: bonam famam in circuitu: Dei atque
hominum adsit amor, absit metus, dignos cole,
ceteros præteri, neque cultos, neque offensos.
Ita nec te alius, nec tu alium contremisces: & in
domo humili tutius viues, quàm in arce vixisti,
hanc

hanc tibi artem nemo usquam invadet hanc tibi nemo poterit aut volere eripere: hac malos in stuporem, bonos in amorem, imitandique studium excitabis. O quam facile erat tranquillam serenamque vitam agere, ni vos eam inquietam turbidam fecissetis: omnes ferme vestram & proximorum in perniciem conquirentes: ad quid enim arcesistæ, nisi ad vestram simul alienamque modestiam: ut neque vos unquam scilicet quiescatis, & instar aranearum muscas captantium, prætereuntibus insultetis. Atqui cunctis animantibus iustia sufficiunt, ac nidi: solas homuncio arces querit, quo nullum animal superbius, nullumque timidius.

De Senectute. D I A L. L X X X I I I.

*Optasti senium, quod cum tibi contigit, optas
Esse puer; puer es, namque senes pueri.*

D O L.

Senui. *R.* Vivere optabas, & vixisse te præmittet: an quid aliud reiecit? *D.* Senui. *R. AT.* Si bas assidue, & peruenisse te stupes: stupendum potius, nisi quo semper irēs, aliquando peruenires. *D.* Senui. *R.* Quid ni vivendo senueris, & eundo processeris? An tu ætatem retrogradam expectabas? ut velox, utque instabile, sic & irremeabile tempus est. *D.* Velocissime senui. *R. AT.* Dicebam tibi tempus fugere, iam credere incipis: dici nequit, non modo inter opiniones hominum diversorum, sed unius eiusdem hominis, quid intersit. Iuuenis ante oculos ætatem habens, longissimam opinatur: hanc ipsam senior à tergo respiciens, videt esse brevissimam. Semper futura præteritis longiora vi-

dentur, cum vel æquè sint breuia, vel eò etiam breuiora, quò ad finem properantibus, naturalis motus solet esse vehementior. *D. Senui. R. A.* Est unde gaudeas, si tamen non inter vitia senuisti: aut si vel ad vltimum surrexisti. bona tibi, & utilis est senectus, nec exiguum diuini fauoris indicium. Meministi, vt Ægyptium illum senem Cæsar alloquitur, nec ingratum Deis, ætatis asserit argumento. *D. Senui. R. A.* Hac in re saltem vnus ex paucis: ex toto enim millibus millium eorum, qui nascuntur, quota pars illorum est, qui ad senium vsque perueniant? Ex his ipsis paucissimi sunt, quibus iustum senectutis spacium explere datum sit. *D. Senui valdè. R. AT.* Prodigium, ac stupor, valde senis occursum; metienti animo, quod ille periculosis passibus huc venerit. Insignis quidem senum raritas, ingens casuum vitæ mortalis argumentum est. *D. Senui. R.* Durum, ac difficile stadium cucurristi; mirum nisi iam fessus, & quietis appetens latè proximam metam spectes. *D. Citò senui. R. A.* Vitæ cursus nunc brevis, nunc breuissimus; longus nunquam, durus semper, asperque & ambiguus: huius vltima pars senectus, finis autem est mors. Quid hic habes querimonie singularis? Senuisti? Peregisse iam debes vitæ munus; venisti ad exitum; quiesce. Amens viator est, qui labore vitæ exhaustus, velit ad initium remeare. Nihil felis gratius hospitio. *D. Senui. R. AT.* Multum tibi placuit vitæ labor si eum transisse fers grauitè. *D. Senui. R. AT.* Si vivere delectabat, en vixisti; si oportebat paruisti. Et quis sanæ mentis, vel quod fieri optauerit, factum doleat, nisi malè se optasse sentiat; vel, quod neque omitti, neque sine multo labore agi poterat, actum esse non gaudeat: Undique igitur

tur gaudendum tibi est, seu voti compos delectabilis, seu necessario, & graui officio. *D.* Senui, & voluptates corporis fugauit ætas. *R. A. T.* Vtere animi voluptatibus, quæ nec minores, & profecto stabiliores sunt, nec vnquam fugiunt, nisi cum anima; huic hærent, hanc sequuntur. At corporeæ voluptates, venientes culpam ferunt, abeuntes poenitentiam, pudorisque, & doloris materiam relinquunt. Histe explicitum ac liberum gaudere debes, & liberatrici tuæ gratiam habere, quæ te manibus tuorum hostium eduxit, tibi que debitum munus, sed neglectum, dilatumque suscepit. *D.* Senui, solitisque voluptatibus careo. *R. A.* Nouis assuesce: habet & senectus voluptates suas, quæ gustare vbi cœperis; quæ nunc dolores amissa, fastidias, & reuerti nolis. *D.* Senui, & incanui. *R. A.* Boni senis verenda canities, plus habet, non modò authoritatis, sed honestæ etiam voluptatis quàm foedæ omnes iuuenum illecebræ. Neque verò mutati coloris te poeniteat. Nam quis tam corrupto sensu, tamque obliquo potest esse iudicio, vt non candidorum calathos liliorum, quàm nigrantium carbonum cistas aspicere, seque, si transformandus sit cigno similem malit esse, quàm coruo? *D.* Senui, & squalentes arant vultum rugæ. *R. A.* Et tellus arata fructum fert vberius; & vitæ maturiores fructus bene culta in senectute proueniunt. Rugæ te offendunt oris: vultum animi compone; non illum rugæ occupant, non variant anni, nisi vt formosior sit indies: Denique semper te, si non tu eum neglexeris, honestabit. *D.* Senui, rugisque, & informi situ oblitus, vix me ipsum agnosco. *R. A.* Hoc tibi iam ab initio euenturum dixi: minus quidem auidè speculo imminebis; minus tuis forsitan, mi-

nus haud dubiè, muliercularum oculis placebis, quibus placere velle, maior ne vanitas an libido sit, nescio. At qui fidem, qui constantiam, qui gravitatem, qui prudentiam quærent, certius inter has rugas, quam in planis ac mollibus maxillis, se, quod cupiunt, reperturos sperent. *D.* Senui, meliorque post tergum ætas remanet. *R.* Immo degerior. Non semper quæ delectant magis, atque optantur, meliora sunt. Multi malum suum concupiscunt; quod non esset, nisi quia illud Satyrici verum est.

Pauci discernere possunt vera bona.

D. Senui, & latiores abiere dies. *R.* Omnium ferme dies temporum, inter se simillimi: animi hominum diversi: quin vnus, idemque animus secum discors; hinc iuuentæ furor, hinc impatentia senectæ talibus vitæ implere iudiciis, vt melius putet esse, quod peius est, optimūque, quod pessimum. Ceterum dies omnes in se boni. Bonus enim rex est, & conditor sæculorum. Itaque hic feruidus, hic gelidus, hic siccus, hic humidus, hic nubilus, hic serenus, hic turbidus, hic tranquillus; si ad vniuersi decorem, naturæque ordinem aspicias, boni omnes. Ad vos autem, vestrique iudicium relati, ex equo propè omnes mali, mœsti, dubij, solliciti, laboriosi, anxij, amari, queruli, flebiles, ærumnosi. In his tu mihi, nescio, quos nominas latos dies; qui, dum aderant, tristes, lamentisque suis pleni erant; nunc vt lati videantur, nihil est causa, nisi quòd abierunt, quodque illis pretium, desiderium tibi auget, irredituri multaque, secum tibi olim segnius forsan amata rapientes. Stultus enim nihil plenè amat, nisi quod perdidit. *D.* Senui. O si dilapsa redeat iuventus. *R.* O non minus stultum, quàm inane votum, vt tu sentis. At si al-
tius

tius aspires, non inefficax; redibit enim in tempo-
 re, & vt scriptum vides, renouabitur, vt aquila, iu-
 uentus tua. *D.* Senui, & ætas bona retro est.
R. Omnis ætas, vt bona bonis, sic malè vtentib.
 mala: vtrisque autem brevis prorsus, & extremo
 proxima est; vbi vos manet, hinc bonorum mer-
 ces, hinc supplicium malorum: quæ nam hæc igitur
 ætas bona, vbiq; aspera, semperque fugax, ni-
 si quantum ad eternitatem via est? Alioqui, etsi
 dulce aliquid inesset, omnem fuga dulcedinem
 extinctura videretur. Quis enim fugiens degustat?
 Fugienti Dario, foetida atque obscenæ potus a-
 quæ suauissimus fuit. Sitis, vt putat Cicero, vt e-
 go sentio, gustum metus extinxerat: vrgebat in ter-
 gum Alexander victor; Vos à tergo rapidum tem-
 pus præmit: Anni celeres, præcipitesque dies, ho-
 ræ volatiles. Ante oculos autem mors est; nec ar-
 etatis reditus, nec impulsis mora, nec præuentis
 est transitus. Vita huius est difficultatibus, tantis-
 que terroribus obsessæ, quænam, quæso, pars bona
 est? sed intelligo nempe ætatem probris, ac libidi-
 nibus aptiorem, bonam dicitis. Est hic quidem
 fundi mos, vt bonam dicatur, quod affectui inten-
 tis, aptissimum est; quamvis effectus ipse sit pess-
 mus. Sic catenam prædo, captis in fontibus; sic ty-
 rannus arcem, libertati plebis impositam: sic ve-
 neficus præsentaneum aconitum: sic sicarius pu-
 gionem promptum, cadibus, bonum vocat. Sic
 vos igitur ætatem bonam, quæ ad id scilicet,
 quod maximè cupitis, apta est, vocatis. Itaque
 neminem istorum, qui annos irreduces deplo-
 rant, Pueritiam quidem, vel infantiam videas
 optare: quæ profecto optimæ partes essent, si ab-
 esse quàm longissimè à senio, bonum esset, vt
 memorant: sed nec adultam, ac solidam iuuen-

plum habes, non modò tyrannidum, sed regnorũ
Troiani scilicet, & Romani. Secundi verò, Agidẽ
Lacedæmonum tyrannum, qui cùm ipse sibi sub-
ditos spoliasset, ad spoliandas eorum vxores aman-
tissimã suam coniugem destinabat; quæ sibi causa
non vltima esse potuit, maturandæ calamitatis:
quanuis hic Aristoteli notus esse nequiverit: qui
ætate floruit Alexandri, neque tam longeuus fuit,
vt ad huius ætatẽ peruenire potuisse videatur: cũ
tamen eisdem in libris, nõ sine admiratione qua-
dam Hieronis ac Gelonis nomen inueniam, qui,
qualiter sibi noti esse potuerint, attenta ratione
temporum non satis expedit. *D.* Nec ego alienis
iniuriosus vxoribus, nec mea vxor alicui tyranni-
de tamen excidi. *R.* Sæpẽ se, nocentissimi inno-
centes putant: sunt tamen & aliæ non minores
causæ, præcipitandæ tyrãnidis. Insolentia scilicet,
quæ Iulio Cæsari apud historicos obiicitur; illa
præsertim, quòd senatui se honorificentissimè a-
deunti, nõ assurrexit; quæ hodie nec causa quidẽ
vlla esset. Crudelitas quoq. quæ Mezentium apud
Vergiliũ ad supplicium reposcebat. Caium verò Ca-
ligulam, & Neronẽ, & Domitianũ ad supplicium
traxit: & inuidia, qua maius tormentum non in-
uenisse Siculos tyrãnos, Flaccus ait; neque vestros
hodie maius inuenire, res loquitur. Postremò nul-
la tyrannorum aut maior peccis, aut crebrior aua-
ritiã est. Itaque reliquæ singulorum, hæc est om-
nium. Reliquæ singulos ciues afficiunt; hæc populũ
vniuersum. Superbia, & inuidia ipsos inter tyran-
nos regnant: Crudelitas inter paucos sæuit: Aua-
ritia inter omnes. Quiescit illa nonnunquam, ac
minuitur: hæc semper crescit, ac vigilat. Qui præ-
esse igitur in populis volunt, vitare imprimis hoc
vitiũ decet, omnẽq. vitiij huius infamiã, omnẽ-

que suspicionem. Nihil est enim quod odiosum e-
 què faciat tyrannum, atque præfidentia ac domi-
 nio indignum. Reliqua interdum magnanimita-
 tis, iustitiæ se se velo tegunt; hoc vnum utilitatem
 animi miseriamque non exuit; & contra commu-
 nem humani moris errorem, ut nil miserius, nil
 vilius auaritia est, sic nil quoque miserius credi-
 tur, nil vilius, ideoque hoc vitio laborantes, indi-
 gnissimi honore, & imperio iudicantur. Indignan-
 tur homines illi subiici, qui auaritiæ sit subiectus,
 atque illum alienum in corpus ius habere. quod
 suum non habeat in metallum. Velle sibi licitum
 aliorum vitam, ne dicam pecuniam, extor-
 quere suam tangere non audenti. Prima quidem
 igitur ad securitatem, & quietem via est, non mo-
 do tyrannidis appetitum, sed omnem regnandi
 cupidinem abieciſſe. Nam quid stultius, quid la-
 boriosius, quidve periculosius, quàm totius in se
 vnum populi sarcinas transferre, fragilem forsità
 suis propriis perferendis. Sin eligere meliora;
 consuetudo veri hostis, & opinionum perversitas
 non permittit; illud est proximum, Aristotelici
 dogmatis meminisse, ut scilicet, non tyrannum quis
 se præbeat, sed reipub. curatorem: Introitus, in-
 quit & oblationes oportet videri, colligere dispo-
 sitionis gratia, & si aliquando opportunum fue-
 rit, uti ad ~~hæc~~ opportunitates: Vniuersaliter
 autem, exhibere seipsum custodem, & camerarium,
 tanquam communium, non tanquam priorum;
 & iterum: præparare, inquit oportet. & ornate ci-
 uitatem, tanquam procuratorem existentem, non
 tyrannum: & rursus; oportet non tyrannum, sed
 œconomum, & regalē videri esse subditis, & non
 suimet curantem, sed procuratorem mediocri vitæ
 persequi, non excellētias. His quidem horum nō si.

milibus [vt Aristoteli placet, & mihi] fit durabilior principatus. Ita tamen talem videri expedit, vt verè etiā talis sit. Simulatio enim, tot sub oculis hominum, quos res tangit, qualibet arte, vel ingenio, longa esse non potest. Vide non igitur, an in parte horum aliqua erraueris, & queri desine, & mirari: neq; enim tyrannidem his vitiis obnoxia deſinere, ſed durare mirabile eſt. Ad ſummam, & reges, & tyranni omnes, & quicunque in potentatu aliquo ſunt, debent, ſi regnare diu volunt, acriter excutere, memoritèrque dictū illud Catonis, apud Liuium: Auaritia, & Luxuria omnia magna imperia euerterunt. Amiſſa tyrannide, priuatæ redditus ſum fortunæ. *R. A.* Hostis ciuium eras, factus es conciuis; æquam diſce ciuilitatem, & beneficium fortunæ humilioris agnoſce; cum honeſtiùs, cum tutiùs inter ciues bonos, quàm ſuper omnes ciues, viuatur. Iam tibi tranquillior rerum ſtatus, iam ſecurior vita erit, ſine metu ſine ſuſpicionibus, ſine excubiis, ſine ferro, quibus in malis, quæ nam vitæ ſuauiſſima ſperanda ſit, neſcio. *D.* Tyrannide perſita priuatus dego. *R.* Elige an lamentis acerbare fortunam malis, an æquabilitate lenire. Profectò enim, ſi non vulgi ſtrepitum, ſed animum ipſe tuum, & in ſilentio, præteritiq; memoriam interroges, multis te explicitum, atq; elapſum malis inuenies. Iam tutus viuere, ſiccusq; iam mori poteris, nec ſanguine madidus, nec veneno.

De Perditis Arcibus. DIAL. LXXXII.

*Arcibus infeſtis vicina ſape grauatur;
Eſt dignum, multas res inimica cadat.*

D O L.

Validis arcibus ſpoliatus ſum. *R. A.* Adhuc ergo tyrannidis ſupererant ſemina, quæ, iam

iam tandem amissis arcibus, abiiecisti. Non est satis, venenosum stipitem praecidisse, ni radicem vuleris, qui arcibus fidit, tyrannus esse non desit. *D.* Montana arce priuatus sum. *R.* Vbique arces sunt compedes libertatis. At in montibus nimbi etiam quidam sunt quodammodo, vnde vestra superbia in subiectos tonet, ac fulminet: his priuari, non modò non flebile, sed optandum est. Sunt enim aliqua ex his etiam, quæ bona vulgus appellat, quibus boni quoque modestique animi teneantur, atque ad illicitum vrgentur: quibus moribus si obstare, virtutis ope, non valeas, quid ni optanda sit amissio earum rerum quæ hos pariunt motus. *D.* Arcem fortissimam amisi. *R.* Tu fortissimam dicis, fragilem probat euentus. Amisisti potius rem vsu ineptam, difficilèmq; custodia: rem inutilem tibi, vicinis omnibus odiosam; iam dormire noctibus incipies, & dormire alios fines. *D.* Tutissima mihi arx diruta est. *R.* *T.* Quomodo esset tuta, quæ periit, ipse rectum cogita. Ego autem tibi ostendam munitissimam, tutissimamque arcem sine muris, sine turribus sine vllò prorsus operoso rerum apparatu. Si vis tutò vivere, bene vive; nil virtutè securius. Bene autem vivere non hoc dico, superbè, lautè, pompaticè, sed iustè sed sobriè, sed modestè. Nullis opus est arcibus, quæ non tutum te præstiterint, sed sollicitum, formidabilem ac molestum. Quæ est autem hæc voluptas, metui, nec amari? An illud Laberij notissimum non audisti?

Nec est, est multos timeat, quem multi timeant.

hoc ille dixit in Iulium Casarem: quantò id in alios, illo & minores, & formidabiliores, rectius dici potest: nescio quidem, cur tam multi cupiant timeri. Nemo enim gratis metuitur, vna & me-

luit: & periculosius est multos metuere quam
multis vnum. Nonne minus multo est, quod nul-
lus te metuat, & tu nullum; quam quod te multi
metuant, & tu multos? Segregari enim ista ne-
queunt, semperque metu metus quaritur. Poscis
huius dicti causam? Illa profecto est, quam, Ovi-
dii Naso ait:

Quia, quem metuit quisque, perire cupit;
dictum prius est ab Ennio:

Quem molant,

inquit,

Oderunt: quem quisque odit, periisse expetit.

Eras in tua arce metuendus, sed, & metuens, &
quos, inquires, metuebam? Immo verò quis non o-
mnes metuet, qui metui, coeperit? sed illos impri-
mis à quibus ipse metuitur. Nam Cicero Ennium
secutus: Qui se, inquit, metui volent, à quibus
metuentur, eosdem metuant ipsi, necesse est. Sa-
pe idem repeto, quia ita se res habet; nec aduer-
titis in hoc cæci, ut in reliquis, dum supra om-
nes esse nitimini, infra omnes estis: quid est timo-
re depressius? sic conatus omnis vester in aduer-
sum definit. D. Arcem mihi carissimam ami-
si. RAT. Fac tibi cariorem aliam, quam non
perdes. Circumvallam animum piis intentionibus,
honestis vitam actibus, prudentiam, ac fortitudi-
nem ante fores loca; iustitiam, atque modestiam
in propugnaculis; humanitatem, ac mansuetudi-
nem undique in muris: spem, fidem, caritatem,
arcis in medio: providentiam, supremæ turris in
vertice: bonam famam in circuitu: Dei atque
hominum adsit amor, absit metus, dignos cole,
ceteros præteri, neque cultos, neque offensos.
Ita nec te alius, nec tu alium contremisces: & in
domo humili tutius viues, quam in arce vixisti,
hanc

hanc tibi arcem nemo usquam invadet hanc tibi nemo poterit aut volere eripere: hac malos in stuporem, bonos in amorem, imitandisque studium excitabis. O quam facile erat tranquillam serenamque vitam agere, ni vos eam inquietam actur bidam fecissetis: omnes ferme vestram & proximorum in perniciem conquirentes: ad quid enim arces istæ, nisi ad vestram simul alienamque modestiam: ut neque vos unquam scilicet quiescatis, & instar aranearum muscas captantium, prætereuntibus insultetis. Atqui cunctis animantibus iustitia sufficiunt, ac nidi: solas homuncio arces quaerit, quo nullum animal superbius, nullumque timidius.

De Senectute. D I A L. L X X X I I I.

*Optasti senium, quod cum tibi contigit, optas
Esse puer; puer es, namque senes pueri.*

D O L.

SEnui. *R.* Vivere optabas, & vixisse te poenitet: an quid aliud reiecit? *D.* Senui. *R. AT.* Si bas assidue, & peruenisse te stupes: stupendum potius, nisi quo semper irēs, aliquando peruenires. *D.* Senui. *R.* Quid ni vivendo senueris, & cundo processeris? An tu ætatem retrogradam expectabas? ut velox, utque instabile, sic & irremeabile tempus est. *D.* Velocissime senui. *R. AT.* Dicebam tibi tempus fugere, iam credere incipis: dici nequit, non modò inter opiniones hominum diversorum, sed vnius eiusdem hominis, quid intersit. Iuuenis ante oculos ætatem habens, longissimam opinatur: hanc ipsam senior à tergo respiciens, videt esse brevissimam. Semper futura præteritis longiora vi-

dentur , cū vel æquē sint breuia, vel eò etiam breuiora, quò ad finem properantibus , naturalis motus solet esse vehementior. *D. Senui. R. A.* Est vnde gaudeas , si tamen non inter vitia senuisti: aut si vel ad vltimum surrexisti. bona tibi, & utilis est senectus, nec exiguum diuini fauoris indicium. Meministi, vt Ægyptium illum senem Cæsar alloquitur, nec ingratum Deis, ætatis afferit argumento. *D. Senui. R. A.* Hac in re saltem vnus ex paucis : ex toto enim millibus millium eorum, qui nascuntur, quora pars illorum est, qui ad senium vsque perueniant? Ex his ipsis paucissimi sunt , quibus iustum senectutis spacium explere datum sit. *D. Senui valdè. R. AT.* Prodigium, ac stupor, valde senis occursum; metienti animo, quod ille periculosis passibus huc venerit. Insignis quidem senum raritas, ingens casuum vitæ mortalis argumentum est. *D. Senui. R.* Durum, ac difficile stadium cucurristi; mirum nisi iam fessus , & quietis appetens latè proximam metam spectes. *D. Citò senui. R. A.* Vitæ cursus nunc brevis , nunc breuissimus ; longus nunquam, durus semper, asperque & ambiguus: huius vltima pars senectus , finis autem est mors. Quid hic habes querimonie singularis? Senuisti? Peregisse iam debes vitæ munus; venisti ad exitum; quiesce. Amens viator est, qui labore vitæ exhaustus , velit ad initium remeare. Nihil felis gratius hospitio. *D. Senui. R. AT.* Multum tibi placuit vitæ labor si eum transisse fers grauer. *D. Senui. R. AT.* Si viuere delectabat , en vixisti; si oportebat paruisti. Et quis sanæ mentis, vel quod fieri optauerit, factum doleat , nisi malè se optasse sentiat; vel, quod neque omitti. neque sine multo labore agi poterat, actum esse non gaudeat? Undique igitur

tur gaudendum tibi est, seu voti compos delectabilis, seu necessario, & graui officio. *D.* Senui, & voluptates corporis fugauit ætas. *R. A. T.* Vtere animi voluptatibus, quæ nec minores, & profecto stabiliiores sunt, nec vnquam fugiunt, nisi cum anima; huic hærent, hanc sequuntur. At corporeæ voluptates, venientes culpam ferunt, abeuntes pœnitentiam, pudorisque, & doloris materiam relinquunt. Histe explicitum ac liberum gaudere debes, & liberatrici tuæ gratiam habere, quæ te manibus tuorum hostium eduxit, tibi que debitum munus, sed neglectum, dilatumque suscepit. *D.* Senui, solitisque voluptatibus careo. *R. A.* Nouis assuesce: habet & senectus voluptates suas, quæ gustare vbi cœperis: quæ nunc dolores amissa, fastidias, & reuerti nolis. *D.* Senui, & incanui. *R. A.* Boni senis verenda canities, plus habet, non modò authoritatis, sed honestæ etiam voluptatis quàm fœdæ omnes iuuenum illecebræ. Neque verò mutati coloris te pœniteat. Nam quis tam corrupto sensu, tamque obliquo potest esse iudicio, vt non candidorum calathos liliorum, quàm nigrantium carbonum cistas aspicere, seque, si transformandus sit cigno similem malit esse, quàm coruo? *D.* Senui, & squalentes arant vultum rugæ. *R. A.* Et tellus arata fructum fert vberius; & vitæ maturiores fructus bene culta in senectute proueniunt. Rugæ te offendunt oris: vultum animi compone; non illum rugæ occupant, non variant anni, nisi vt formosior sit in dies: Denique semper te, si non tu eum neglexeris, honestabit. *D.* Senui, rugisque, & informi situ oblitus, vix me ipsum agnosco. *R. A.* Hoc tibi iam ab initio euenturum dixi: minus quidem auidè speculo imminebis; minus tuis forsitan, mi-

nus, haud dubiè, muliercularum oculis placebis, quibus placere velle, maior ne vanitas an libido sit, nescio. At qui fidem, qui constantiam, qui grauitatem, qui prudentiam quarunt, certius inter has rugas, quam in planis ac mollibus maxillis, se, quod cupiunt, reperturos sperent. *D.* Senui, meliorque post tergum ætas remanet. *R.* Immo deterior. Non semper, quæ delectant magis, atque optantur, meliora sunt. Multi malum suum concupiscunt; quod non esset, nisi quia illud Satyrici verum est.

Pauci discernere possunt vera bona.

D. Senui, & latiores abiere dies. *R.* Omnium fermè dies temporum, inter se simillimi: animi hominum diuersi: quin vnus, idemque animus secum discors; hinc iuuentæ furor, hinc impatientia senectæ, talibus vitæ impleuere iudiciis, vt melius putet esse, quod peius est, optimūque, quod pessimum. Ceterum dies omnes in se boni. Bonus enim rex est, & conditor sæculorum. Itaque hic feruidus, hic gelidus, hic siccus, hic humidus, hic nubilus, hic serenus, hic turbidus, hic tranquillus; si ad vniuersi decorem, naturæque ordinem aspicias boni omnes. Ad vos autem, vestrique iudicium relati, ex equo propè omnes mali, mœsti, dubij, solliciti, laboriosi, anxij, amari, queruli, flebiles, ærumnosi. In his tu mihi nescio, quos neminas latos dies; qui, dum aderant, tristes, larmisque suis pleni erant; nunc vt lati videantur, nihil est causæ, nisi quòd abierunt quòdque illis pretium, desiderium tibi auget, irredituri multaque, secum tibi olim segnius forsitan amata rapientes. Stultus enim nihil plenè amat, nisi quod perdidit. *D.* Senui. O si dilapsa redeat iuuentus. *R.* O non minus stultum, quàm inane votum, vt tu sentis. At si al-

tius

tiùs aspires, non inefficax; redibit enim in tempo-
 re, & vt scriptum vides, renouabitur, vt aquila, iu-
 uentus tua. *D.* Senui, & ætas bona retro est.
R. Omnis ætas, vt bona bonis, sic malè vtentib.
 mala: vtrisque autem brevis prorsus, & extremo
 proxima est; vbi vos manet, hinc bonorum mer-
 ces, hinc supplicium malorum: quæ nam hæc igi-
 tur ætas bona, ubique aspera, semperque fugax, ni-
 si quantum ad eternitatem via est? Alioqui, etsi
 dulce aliquid inesset, omnem fuga dulcedinem
 extinctura videretur. Quis enim fugiens degustat?
 Fugienti Dario, foetida atque obscenæ potus a-
 quæ suauissimus fuit. Sitis, vt putat Cicero, vt e-
 go sentio, gustum metus extinxerat: vrgebat in ter-
 gum Alexander victor; Vos à tergo rapidum tem-
 pus præmit: Anni celeres, præcipitesque dies, ho-
 ræ volatiles. Ante oculos autem mors est; nec ar-
 etatis reditus, nec impulsis nota, nec præuentis
 est transitus. Vita huius est difficultatibus, tantis-
 que terroribus obsessæ, quænam, quæso, pars bona
 est? sed intelligo nempe ætatem probris, ac libidi-
 nibus aptiorem, bonam dicitis. Est hic quidem
 fundi mos, vt bonum dicatur, quod affectui inten-
 tis, aptissimum est; quamuis effectus ipse sit pess-
 mus. Sic catenam prædo, captis in fontibus; sic ty-
 rannus arcem, libertati plebis impositam: sic ve-
 neficus præsentaneum aconitum: sic sicarius pu-
 gionem promptum, cadibus, bonum vocat. Sic
 vos igitur ætatem bonam, quæ ad id scilicet,
 quod maximè cupitis, apta est, vocatis. Itaque
 neminem istorum, qui annos irreduces deplo-
 rant, Pueritiam quidem, vel infantiam videas
 optare: quæ profecto optimæ partes essent. si ab-
 esse quàm longissimè à senio, bonum esset, vt
 memorant: sed nec adultam, ac solidam iuuen-

tutem nec incipientem, nec adhuc viridem senectam: pessimam omnes, & periculosissimam vitæ partem adolescentiam requirunt. O quintum & vigesimum annum dicunt; ubi te reliquimus? ne quem lateat, quàm vós præteritarum poeniteat fœditatum, qui non nisi tempus apprius illis idoneum, exoptatis. *D. Senui, cur non cum Vergiliano rege suspirem:*

O mibi præteritos, referat si Iuppiter annos.

R. At nil tale suspirantem legimus Socratem, nil Platonem, nil Fabium, nil Catonem: & fuere senes. Sed sunt, fateor, Sapientes regibus rariores. Itaque si rex Euander fuit sapiens, non æquè sanè illud Euandrium suspirium, iam commune nostris est senibus, vulgatumque. Surdam. Stulti senes, & profugam adolescentiam reuocant, ac suspirant; nec suspiriis tantum. seu tacitis votis sed medicaminibus irritis, atque inani artificio, naturæ vis affertur indomitæ: qua in re, faceret admodum, iussit Hadrianus princeps, canescenti cuidam, cui aliquid negauerat, eundem postea, ad easdem partes, medicato interim crine, redeuntem, ita repulit: Vade, inquit, hoc iam patri tuo negavi. *D. Senui.* O si mea nunc redeat iuventus. *R. At.* Reuersuram modò illam dixi: iam reuersam dico. Si tam facile veterum omnium compos fias, nihil in cassum voles: pauper certè diuitias optare potest, Libertatem seruus, speciem deformis, sanitatem æger, fessus requiem, exul reditum; at iuventam optare verus senex nequit. Puerile potius votum est. *D. Senui,* heu, cur tam citò dulcis me iuuenta deseruit? *R.* Nunquam non citò deseruit, quod iuuabat; nunquam non properè affuit, quod angebat. Vanum autem est optare, quod haberi nequit. cui-

cuitque habitum. & si redeat nociturum sit: sed
 iam parce suspiriis; dum hoc animo fuerit, cito
 capus fieri poteris, senex nunquam: desiderium
 enim iuventutis in senē, quid est aliud, quā
 quædam Pueritia senectutis. *D.* Senui, incur-
 uatusque sum. *R. & T.* Iam iam terram aspice,
 unde venis, & quō pergis, cogita; hinc egressus,
 huc redis: natura te principij simulque finis
 admonet: poteras aberrare, publicum tibi iter o-
 stenditur; sanē id quidem est satis ingredi; vel
 curuatus intende: solent cœci in via manu re-
 trahi. *D.* Subito senui. *R.* Immo senim,
 pedetentim, paulatim, leniter: sed nihil cogitanti-
 bus omnia subito eueniunt, sicut contra, cogitan-
 tibus omnia, nihil est subitum: quōd si flenda tibi
 fuerat senectus, singuli dies vitæ flendi erant: il-
 lis enim passibus ad hunc terminum ibas. *D.*
 Heu senui. *R. & A.* O votorum instabilitas!, huc
 maximē anhelabas, huc pervenire optabas, huc
 non posse perungere formidabas. quō cum per-
 ventum esset, ingemisceres: monstrum incredi-
 bile, nisi tam crebrum esset: senes fieri volunt
 omnes, senex esse vult nemo; immo verō senex
 esse, ad miseriam; senes dici, ad iniuriam tra-
 hunt; quasi sit probrum senuisse: quod profē-
 ctō nullis videri debet, nisi quibus dedecus sit
 vixisse, quæ ingens, non inficior, turba est, cui te
 tamen exemptum esse oportet, vt nostro collo-
 quio frui possis: Alioqui, vt auribus illabantur
 sana consilia, in animum non descendunt. *D.* Tan-
 dem senui. *R.* Et quos ager, & quos æquo, & quos
 bellum, & quos alca decipit, singula detrimenta
 dinumerant; tu vnus in finem expergisceris, &
 tu queri incipis, dum iuxta est querelarum finis
 omnium. *D.* Senui. *R. & A.* Stultum est senectu-

tem non cogitate, nisi cum venerit. Nam profectò si venturam, si assidue venientem prospexisses, præsentem imperturbatus aspiceres. *D.* Heu mihi, iam senex sum. *R. A.* Hoc ne igitur defles? durum, ac difficile munus impleſſe, dum os sum-que iter ac scrupulum transiſſe, atque inanem hanc fabulam peregiſſe? Atque, comico more, plaudendum erat. *D.* Senex sum. *R. A.* An oblitus es, ut nuper tibi per familiariter notus vnus modernorum, ſententiam rei huius, ex tempore protulit, non modernam, ſed antiquis parem? Amico enim dicenti, Compatior tibi; nam, ut video, iam ſeneſcis; eſſes, vtinam, qualis eras, quando te primum noui: ſubitò ille reſpondit: Parum ne tibi ergo amens videor, niſi ampliorem mihi nunc etiam amentiam impreceris? Noli, quaſo, mihi compati, quòd ſum ſenex; ſed compatere, quòd iuuenis fui. O quantum ſenſum regit breuis iſta reſponſio; quod metiri nequit, niſi qui ætatis huius bona probauerit; & illius mala meminert. Bono tuo igitur gratulare; quanquam illud quoque verum ſit quòd ſæpè bona inuitis eueniunt, & mala nolentibus. Viro autem bono, & virtutum amico, & paſſionum hoſti pluris eſt, haud dubiè, dies vnus, huius quod accuſas temporis integer, quàm illius alterius integer annus. *D.* Heu mihi, nam ſenui. *R. A.* Iam ſi perſtaſ tibi quoque, cum vulgo iure dicitur non ſenuiſſe miſerum, ſed vixiſſe; ita vt hæc ſub vitæ finem tam ineptè diceret. Parcite autem iam lamentis, querulum genus; & volentes ite ſub imperium naturæ. Nihil flendum, quod illius immota lex ſtatuit: quid naturale autem magis homini nato, quàm viuenter ſeneſcere, ſenem mori? At vos conditionis immemores, vtrumque reſpuitis, cum vel alterū,

vel

vel vtrumque necessario obeundum sit. Quod si neutrum volebatis, & tertio abscindendum erat, nascendum mihi credite, non fuit. Patimini senescentibus statim membris, animos aliquando senescere: neque semper in vobis prouerbum verum sit, posse vnum animum corpora multa consumere: finire sine murmure corpus simul, atque animum ad extremum ferri; simul intrare, simul exeant; neque altere ad metam properante, alter retrorsum niti velit; alterumque retrahere, frustra tergiuersamini: ire oportet, nec redire licet nec subsistere. Idque vobis facilius debet esse, immortalitatem animæ, & corporis instaurationem expectantibus, quam cæteris quibuscunque, quibus, vel horum alterum defuit, vel vtrumque. Frustra, inquit, oblectamini humanumque iugum, quod nascendo subiistis, excutitis. *D.* Senui, & vires corporis imminutæ sunt. *R. A.* Si auctæ sunt vires animi bene est; feliciter permutasti. Maiora. n. gesta esse semper, & gerere posse animi viribus, quam corporis, nemo, nisi animi inops est, qui nesciat. Sin vires etiam animi [vt sæpè accidit] per ignauiam decreuere, fateor inutiliter vixisti, tuum crimen, non ætatis. *D.* Senui & res meas agere nequeo. *R.* Si quid animo sit agendum, tantò id à sene melius fieri constat, quantò & experientiæ illi plus est, rerumque notitiæ, & passionum minus, ac malis vinculis expeditior animus. At res alias non agere, senem decet, sed egisse; cui corporeus labor omnis à tergo est; cui si nunc etiam inhæret, nec adelli vult, ridiculum illud antiquum renouat Romani senis, qui iussus à principe, fori laboribus abstinere, quorum ferias imbecillis hinc ætas, hinc fortuna opulens merebatur; sic indoluit, vt se,

M j

quasi mortuum fleret, atque ab omni familia fieri vellet: mirus senex, qui quietem, ceu speciem mortis horreret, cum nihil seni aptius quiete, nihilque sit turpius sene laborioso, ac sollicito; cuius vita omnis, tranquillitatis exemplar esse debet. Didicisse & potes à philosophis, quid est illud, quamque optabile senibus bonis vivere; vita, ut memorant, peracta; qua maxima tamen pars mortalium, in expleta, moritur. *D.* Senui, & repente fugit ætas mea. *R. A.* Forma, valetudo, velocitas, vires, vestra ferè omnia fugiunt; virtus manet, nec cessura senio, nec morti. Illi uni, bono stabili, ab initio insistendum erat, sed si neglectum fuit, difficilius esse ad extremum, fateor: sed virtutis studium nulla ætas respuit, immò quò difficilius, eò clarius virtus: multi nosse se ipsos, ac sapere, vix tandem in senio cœpere: se-rum quidem, at intempestivum minimè: et si enim non iam vitæ desinenti, ac instanti saltem morti utile. Cui hercle vni horæ, ut sine horro-re, mœstitiæque transigi posset, si non ultimum modò, sed totum vitæ tempus impenderetur, bene [ni fallor] impensum esset. Nam nec frustra nascitur, qui bene moritur: nec inutiliter vixit, qui feliciter desit. *D.* Senui, iam vicina mors est. *R. A.* Mors æquè omnibus vicina esse potest; & sæpè ibi quoque vicinior est: vbi videtur absentior. Nemo tam iuuenis, qui non possit hodie mori. Nemo tam senex, qui non possit annum vivere, si nil aliud, quàm senectus incidat. *D.* Prorsus senui. *R. A.* Immò maturuisti; an hoc desies? an poma, cum maturuerint, quærantur, si sensus illis, ac sermo datus sit: & non potius gratulentur, se ad id peruenisse, ad quod nata erant? Est, & cæterarum rerum, sic ætatis maturitas quæ-dam,

dam, quæ senectus dicitur: quod, ut ita esse videas, & ætas, & mors iuuenum acerba quidem & dicitur, & acerba est. Acerbitati autem obiecta maturitas; quæ cum in pomis, ac frugibus bona sit, quid, nisi in homine, sit optima; non quod nesciam, antequam maturescant, multa marcescere, ea verò non ætatis culpa, sed peruersitas est naturæ; non quidem omnium, sed inultorum, quia ad bonum nati, magno nisu in aduersum tendunt. Maturuisse igitur debes, si quid in te fucci nobilis fuit. Iam messoris tui manum securus expecta. Non mors illa, quam metuis, sed laborum finis, ac principium vita est: non mors, inquam, sed difficilis vitæ terminus, ad quem pauci tranquilla nauigatione perueniunt, sed penè omnes nudi, flentes, ac naufragi. Tu per mediam senectutem, leue iter, in finem, prospero agens vento, è multis rerum fluctibus portum subis. Subducenda iam fessa puppis in terram tibi, & quocunque te flexeris, de fine cogitandum, idque vtilius fuerit, quam ætatem bonam [quod stulti solent] & naturam, matrem optimam, accusare.

De Podagra. D I A L. L X X X I V.

Viste languentem curua reclinare podagra;

Mendicus fias, pauper, egenus, inops,

D O L.

Turpi torqueor podagra. *R. A.* Nesciebas senectutis morem? incommitata non venit; magnam sæpe morborum aciem ducit. *D.* Podagra crucior molesta. *R. A.* Extrema, & ignobili parte corporis laboras; quid si nobilissimis laborares, corde, vel capite? *D.* Pigra coëtor podagra. *R. A.* Vaga mens hominis freno

M ij

eget: hunc paupertas tenet, illum carcer. aut grauior morbus. Ludens te pedibus alligat fortuna; non podagra. sed pedica sunt; iam disce consistere. *D.* Podagra inutilis factus sum. *R.* Ad cursum credo, vel saltum, ad choreas, ad palæstram: ante te autem ad hæc natum putas? ad alia si nescis, altiora quædam officia natus es, quæ, si caput non ægrotat, exequi nil prohibet. Studere licet artibus ingenuis, dare operam pietati, seruare iustitiam, & fidem; fragile corpus, & fugacem mundum spernere, edisse vitia, amare virtutes, colere amicicias, consilio patriam iuuare. Hæc sunt viri boni munimina: quid hic pedibus loci est? *D.* Debilitatus sum podagra. *R.* Pugna-re cum hostibus forsitan morbus vetet, non cum vitiis; quod neque facilius, & certè crebrius est bellum, & quid scimus, an hic ipse dolor corporis contra quem dimices, tibi ad exercitium animi datus sit? *D.* Pedibus consistere nequeo. *R.* Vide, quam de reliquo ædificario spem habeas, cuius fundamentum tam in validum sentis. Vigila, ne te incautum opprimat ruina. Contrahe sarcinulas, teque ad migrandum para. *D.* Podagra me ingens habet. *R.* Solet hic morbus [ut perhibent] diuitias comites habere. En tibi remedium aliud; bene spera, aut langoris amaritudinem, opum dulcedo solabitur; aut inopiæ pellet asperitas, ita vel solatium aderit, vel finis. Si hæc fallunt, veniat, quæ non fallat. Illa vita malis omnibus finem dabit. *D.* Pedum premeor ægritudine. *R.* Si salutem cupis, aut pauper sis, oportet, aut ut pauper, viuas. Multos hac ægritudine liberasse traditur paupertas, vera defæcatix corporum; quosdam vero frugalitas, quam voluntariam, seu fictam, & imaginariam paupertatem dixit.

dixerim. Vidisti aliquos perpetua vini abstinentia curatos: ita fit, dolore dolor, clauus clauo pellitur, ut antiquo dicitur prouerbio. Vix molestum aliquid, sine molestia curatur, ut præterea cum hoc morbo, cumque aliis multis pacem habeas, non Baccho solum, sed & Veneri bellum indixisse profuerit. Sed quid agimus? animorum remedia promissimus, non corporum. Habes tamen, quam puto, vnicam morbi huius curam. Hanc si probas, utere: si minus, non te fallant opifices fomentum. Patientia in aduersis efficacissimum, atque optimum & sæpe vnicum remedij genus est. *D.* Podagræ vitio curuatus sum. *R. A.* Ad iter inhabilis, minus idoneus ad laborem, non ineptus ad reliqua gerere, non rei modo familiaris, sed reipub. & summi, si ita fors tulerit, imperij curam potes. Itaque memorandum valde Septimij Seueri, Romani Principis, dictum vnum, qui senex, ac podagricus, dum coniurationem nobilium, qui se vix filium eius Augustum dixerant, deprehendisset, comprehensis authoribus seditionis, ac filio, omnibusque ante solium eius, affusis, metuque vltimi supplicij tremefactis, ac territis, ipse, manu ad caput relata; Tandem, inquit, sentitis caput imperare, non pedes. *D.* Podagra me miserum miris modis torquet. *R. A.* Noli solas asperitates rerum flere, sed memento, si quid dulce, aut iucundum tibi obtigit, quo incommodum hoc solari possis. Vnus, ex multis pessimis, vulgi mos est, ut in aduersis querulum, atque impatiens; obliuiosum in prosperis, atque ingratum sit; quo nihil iniquius fieri potest. Nam quis æquis auribus audiat, exempli causa, vel Seuerum ipsum, quem diximus de podagra, vel Domitianum de caluitio, quo Ix-

gerrimè dicitur tulisse; vel Augustum senem de sinistri debilitate oculi, vel Iulium Cæsarem de timore nocturno, & quiete visis turbida; vel postremo alios fortunatissimos viros, de vna, seu de altera naturæ [si dici licitum] aut fortunæ iniuria, sic querentes, vt imperij, atque opum, victoriarum, actantium ingrati, atq; immemores sint bonorum, dum se homines meminerunt; quos plenam, perfectamque felicitatem hic sperare, dementiæ sit amara dulcibus temperare, modestiæ. Hoc podagræ proprium: hoc morborum omnium commune remedium inuenies, sanumque consilium, sanctumque fateberis, senis illius lata multa adepti, dura multa perpassi. qui bonis de manu Dei licet late acceptis, mala quæque patienter suscipienda censebat: quamuis mali aliquid dare, vel facere, manus illa non nouerit, sed humanam respexit opinionem. D. Podagra me in lectulo, nodis insolubilibus pressum, tenet. ¶ Te iacente, stare animus potest, cælumque, & terras, ac maria permeare.

De Scabie. DIAL. LXXXV.

*Est malares scabies, mulier mala pessima res est:
Illa cutem mordens, hac animum eruciat.*

D O L.

Scabie premor importuna. R. Iam non miror, si angores meros ægrè fers, quando id luges, cui dulce aliquid immixtum est. D. Graui vexor scabie. R. A. Sunt, qui hanc salubrem dicant. Ego autem, ne tam mœstæ rei lætum nomen tribuam, arram potiùs salutis, siue ad salutem viam, dico. Mollis est, qui asperitatem viæ breuem respuit, cuius exitus sit iucundus. D. Arida me scabie

scabies exercet. R. Iam horologio non egebis: erit tecum, quæ te noctibus excitet, teque, honesto curiam fortassis officio, vigilem reddat: nemo tam piger, quem non scabies sollicitum faciat. D. Scabie torqueor. R. Morbus ignobilis, sed nobilis cura est; labor æstas, balnea, peruigilium, diata. Si nec ista profuerint, ad patientiæ medicinam recurrendum erit. Illa omnibus morbis vilissima est. D. Scabie crucior tædiosa, & foeda. ? Neutrum nego: ubi ergo Publius molestum ocium, podagriti pedes dixit; me sinente, potes addere inæstum negocium scabiosi manus; sed quid dices, si quo foedior morbus, eò pulchrior patientia est: quid, si parvo ex malo, bonum ingens elicias? hæc nimirum una est rerum, quæ contemptum corporis maxime pariunt, quo nihil est melius mortali. D. Totum in scabies occupat. R. Totum te, verum est; id quidem metuo: sed plus & forsitan, quam quod dicere voluisti; totum enim corpus intelligis: sed est vobis: inuisibilis animorum scabies, cupiditas, ac libido, & pruritus quidam ulciscendi quærendique, qui non magis scalpitur, acrius æstuat; hunc nec tolli, nec leniri poscitis, nec sentitis quidem; tantò minor vobis est semper vestri cura, quam corporis.

De Vigilia. DIAL. LXXXVI.

*Excutiunt somnum morbi, cura atque senectus;
Curas, & morbos excute, dormieris.*

D O L.

Dormire non possum. R. A. Vigila, & gaude vitæ tibi tempus auctum. Inter obdormire enim, atque emori, quid interest, nisi quòd alter temporalis, perperuus alter est sopor? Itaque nescio, an non satis propriè & somnus brevis

M iij.

mors, & mors somnus longus, siue æternus dici
 possit. *D.* Somnum perdidi. *℞.* Non vi quidem, sed
 blanditiis reperendus est; si incumbas: perdis ope-
 ram, cogi nequit, age aliud, da requiem tempori-
 bus tuis, animo curas leues, improuisus aderit, fa-
 cile animus vagis, & corporibus fessis obrepit. *D.*
 Sæpè animi somnus interrumpitur. *R.* Fac, quod
 solitus fertur Augustus Cæsar, lectoribus. aut fabu-
 latoribus accersitis, interruptum redintegra: si
 grauioribus curis, hoc accidit, pone illas, hunc re-
 ceperis. De huiusmodi enim loquebatur Maro, v-
 bi ait: Salubres curas somnos abrumpere. *D.* Somni
 requiem amisi. *R.* Et terrorem somniorum, notur-
 nosque metus: quamuis enim sapientis meliora
 phantasmata Aristoteles opinetur, & verum sit; ta-
 men & vir ille ingenio æquè magnus, & imperio;
 ille autè alter sanctitate, & patientia æquè insignis,
 de quibus paulò antè simul diximus, somniorum
 graues sensere molestias. Nam quid alij sentiant,
 quisque nouit in se; & lectulum proprium suarum
 testem habet illusionum, atque ambagum, & for-
 midinum. Certè horum alter, tempore extremo,
 per somnum exterreri solebat, sicut de illo scriptū
 est. Alter, vt dixisse dudum videor, dum de ocio, &
 quiete differerem, inter cæteras vitæ molestias,
 queritur, quòd terreant eum somnia, & visiones
 horrore concutiant. *D.* Solito minus dormio. *R.* Soli-
 to igitur magis viuus. Nempe quòd doctis placet,
 mors somnus, sic vita vigilia est. *D.* Somnum mor-
 bus expulit, *R.* Sanitas reducet. *D.* Somnum amor
 exclusit. *℞.* Bis rem vnā dicis. Morbus est enim a-
 mor, & morborum maximus. *D.* Somnum metus
 extinxit. *R.* Securitas suscitabit. *D.* Somnum sene-
 ctus eripuit. *R.* Mors vicina restituet.

*Tristia cum trepidam terrent insomnia mentem;
Et luxum, & curas deme, solutus eris.*

D O L.

SOmniis inquietor. R. Si verum est, quod sapiēs quidam ait: Multas curas sequuntur somnia: quod vestri quoque approbant authores. Radicem mali amputa, curas pelle, somnia quoque pepuleris: quo enim, quæso, tot curas, & tam nihil profuturas in tam brevi vita, de qua iam ab initio promissum est, quid torqueri iuuat? & turbidam curis vitam, & infestam somniis quietem, vestra vobis facit amentia: diuinam providentiam, vestro vultis superare consilio: neque sentitis, ut ex alto vestra ridentur insanix, vestraque deliberationes, illo de tempore, quod non solum extra vestrum arbitrium, sed etiã extra noticiam vestram est. Neque auditis Flaccum exclamantem:

Prædens venturi temporis exitum.

Æaliginosa nocte premit Deus,

Ride: que, si mortalis ultra

Fastre pidat.

Omne tempus in vestram trahitis perniciem; de præterito moesti, de presenti anxij, de futuro pauidi, trepidique, neque his curis superuacuis dignos metitis manipulos laborem vigilantes, consopiti somnia. Sin illud fortè verum est, quòd vacantem quoque curis animã, inquietam somniis esse, vel natura hominis, vel peccatũ cogit. Nõne cum ex mille somniis, nec vnũ verum esse, verum sit, postquam alterutro falli oportet, satius est inquietari somniis, quàm mulceri, & amara somniare, quàm

dulcia: mœsti enim somnij fallacia lata est latia autem mœsta. O. Somniis fatigor. R. Sperne totam hanc ineptiam, & quiesces: si id nequis, his te solare comitibus, qui similia passi sunt: his d nobis nominatim, quos modò dicebam dum de vigilia quereretur.

De Celebritate nominis importuna.

DIAL. LXXXVIII.

Auxilium pateat, lux, & sapientia cunctis;

Sic laudem meritò, qui bene fecit, habet.

D O L.

Celebrior sum, quàm vellem, notiorque. R. An tu hoc spernis, quod maximi optauere duces, ac principes philosophi, & poëtae? quid enim tot laboribus, quid tantis bellis, ac studiis agitur? nec aliud insignes artifices moliuntur. Declarat Phidias in Minervæ statua, quod opus omnium, quæ hominum manibus facta sunt, primum aut inter prima posuerim; nisi cum aliquid inscribere vetitus fuisset, vultum suum clypeo statuæ, sic inculpsit ut & ab omnibus nosceretur, & conuelli inde nisi toto opere dissoluto, nullo posset ingenio; nosci in præmium sui laboris, optabat. Si quis enim non famam, sed pecuniam cogitare dixerit artifices, in cōmunibus fortassis assentiar, in illustribus negem. Multa sunt rei huius indicia, sic cum iactura tēporis, damnoq; etiam, sæpè operi insistent, ac ne quid famæ excidat, lucrum spernunt. Comprobavit hoc maximè, nobilis illa cōstātia eorum quatuor artificū, qui ad famosissimū illud opus, quod Arthemisia, Carix regina, dilectissimi coniugis memoriæ, extrui fecit, magno pretio acciti, cum ante perfectum opus, obiisset regina ipsa, vnde operis pretiū sperabatur; perstiterunt

runt tamen vnanimiter in finem: nil iā aliud, quā suum decus, & facti memoriā cogitantes. Proinde omnes homines claritatem, famamque desiderāt. Solus tu ne paruo illas radio emptas, velis? *C.* Immo & ego apud posteros clarus esse cupiam inter coetaneos recusem. *P.* Quid ita, cum hoc maius, eoque difficilius ac rarius sit, obstante, quę præsentium famam interpellat inuidia? *D.* Qui inter absentes mera est gloria, nullus obstrepat, nullus obstat. Inter præsentes autem, & contradictio, & labor;

Magnus enim labor est, magis chusodia fama;

Vt non ineleganter ait quidam. *R.* Nimis aut delicatus aut segnis est qui sine labore, magnum aliquid speret, cum pro minimis, tot se offerant labores. *D.* Ego verò non labores respiciam, sed tedia. Nā quis ferat assidue visitari, obsideri, posci, exagitari, & sui interim negligentem, totos dies ac magnā brevis vitæ partem, aliis dare, vt tua necessitate posthabita, alienæ inservias voluptati: quod malum, si ab initio incidisset, nunquā ad hanc ipsam famam; quæ me cruciat, ventum esset; sed & nunc præclaros animi conatus, & egregia potens est impedire negocia importunum. *P.* Id quidem ita esse, non nego; durum certè, sed tolerabile, immo & inuidiosum, & optabile, ceterum, vtcunque tuo iudicio acceptum erit, penè inuitabile. Nam quæ ad euadendum via, nisi vel superbia, vel ignavia? Altera honestum desiderium te petentium arcebit, altera & extinguet. Si quod est aliud remedium, vrbium fuga est: quamquam si claritas vera sit, nec fuga sufficiet: sequitur claritas possessorem suum, quocunque perrexerit, & vbi cunque constiterit, secum erit, nec rure vnquam, nec in syluis quidem desinet clarescere; qui in

urbibus clarus fuit. Non potest famæ fulgor abscondi; inter tenebras eminet, & ad se oculos, atque animos trahit. Nunquid non audisti Dandanum Brachmanorum senem præclarissimum, ab Alexandro Macedone, usque ad ultimas Indorum solitudines, Cynicumque Diogenem ab eodem, usque ad illud suum dolium, quo pro volubili utebatur hospitio, visitatos? Nunquid non usque ad squalidam, ac desertam Linterni villulam à placatis, sola virtutis veneratione latronibus. Scipionem Africanum, eundemque ab ipsis hostium ducibus, usque transmaria? Nunquid non Titum Livium, ab ultimis Galliarum, extremaque procul Hispania, usque ad urbem Romanam? Nunquid non denique sanctos patres, usque ad intimas, & horrendas heremi latebras à Romanis etiam Imperatoribus visitatos? & sileo Salomonem: immo verò quis unquam vir clarus, visitationibus cargerit? Amici, & noti mutuis alloquiis, & confabulationibus delectantur: ignoti autem solo recreantur aspectu. Habet enim virorum illustrium præsentia, dulce aliquid, quod non sentit, nisi ipse, qui fruitur: hoc tu laboriosum ne dixeris; operosum est, fateor. sed & gloriosum. D. Celebritate nominis atteror. R. Si hanc vis abicere virtus abiicienda est cuius è radice, oritur. Id si meritò refugis, ferre hanc sarcinam æquo animo est necesse, ad quam multi nequicquam omni studio, vitæque ipsius impendio aspirant & tu forsitan aspirasti. Patere te videri ab his qui hoc, nisi te, tuumque nomen diligerent, non optarent. D. Multi me undique, usque ad importunitatem, fastidiumque concelebrant. R. Quid tu igitur an contemni mallet, atque abiici? D. Innumerabiles, usque ad tedium, me honorant. R. Tu verò Dei munus agnoscito. Ille te hono-

honorat, ut te illum & honorare delectet, & inhonorasse poeniteat. Omnis honor & omne quodcunque homini ab homine bonum fit, à Deo est. *D.* Per molesta res est honor immodicus, & crebra visitatio. *R. A.* Et hæc fateor: at prædulces sunt huius molestiæ radices amor, & veneratio. His, si animi gustum applicueris, bene sapere incipient, quæ molestant; amara dulcibus tempera, non in hoc tantum, sed in omnib. quæcunq; fert præsens vita; in qua, non facile reperias mel, cui non sit admixtum fel, & sapius amara præponderant. *D.* Celebritate nimia fatigor. *R.* Sæpe id quidem accidit; de quo questum diuum Vespasianum novimus triumphantem, dum solemnitate pomparum, expectatione, ac tadio esset affectus, increpantem se ipsum, qui triumphum, nec sibi, nec maioribus suis, aut debitum, aut speratum, tam inaniter in senio appetisset. Quanvis autem non sit optanda celebritas per se ipsa, ferenda est tamen, & amanda. Causæ ipsius virtus, & industria neque unquam, ut illa careas, deferendæ, multo est gloriosus labor optabilior, quàm ignava requies. *D.* Saluatoribus obuiis offendor. *R.* Habes huius quoque tædij participem Crispum philosophum. Immo, quem non habes, præter illos qui popularib. auris [ut Maronis utar verbo] gaudent? Ille tamen insignis questus est. Credo ideò, quòd acutissimum virum [talisenim traditur] & suis studiis acerrimè deditum, salutatio crebra, & improvisa turbabat; utq; idem ipse ait, præducebat ad mortem. Nihil est autem quod queraris; quod optabas accidit notus in populo ut esses, alioqui tot saluatorum incurrib. non pateres. Poteras latere, poteras quiescere, poteras [quòd aiunt] in grege gaudere, quod optimum vitæ genus, aliqui diffiniunt. At vos magnis in urbibus noti, & clari esse vultis, & ociosi simul, &

liberi, & tranquilli; quod nihil est aliud, quàm in magnis pelagi tempestatibus, vt immobilis sis, optare: denique superbi fuerit, obsequentium amicorum voces pati non posse æquo animo, cum sint hostium patienda conuitia.

De Dolorē, malis ex hominum moribus, concepto.

D I A L. L X X X I X.

*Vt uiuant alij, ne cures, inspicere mores,
Et propriam vitam, nemo notandus erit.*

D O L.

Malos mores hominum ægrè fero. & Si caritate motus, laudo: si ira, vel indignatione, non laudo. Quid ad te enim, quibus moribus sint alij, modò sis bonus. An nunc primùm intelligis vulgi mores? an tibi negocij parum sentis, vitam tuam componere, nisi inuigiles alienæ, & illud aggrediare, quod nec ars vnquam efficere valuit, nec natura, vnde nihil vnquam speres, nisi rædia, & labores. Fuerunt hæc tamen, & philosophis curæ, quorum alter in publicū egrediens, semper flebat, alter contrà mores hominum ridebat. Neutrum sine causa, sed illud pietati, hoc superbiæ propinquabat. *D.* Quis enormes, ac subdolos hos habitus ferat? *R.* Malo te per viam dehonestari, ferres, si necesse esset, qui sponte sua alios deformatos, pati nequeas, sine illos indui, vt libet tu vt licet, atque vt decet, induere: atq; ita te vlciscere: non minus lasciuos oculos honesti habitus offendūt, quàm modestos inhonesti. Illi igitur voluptatem cōsilio adhibeāt suarum rerum, tu adhibeas honestatem. Nusquam alibi, quam inter tenebras, gravior lux; nusquam alibi, quàm inter vitia, virtus est clarior. Quid queresis? aliena fœditas tuo adiciet decori.

ri. *D.* Quis hos morbos animorum, atque hos perferat inuidos? *R.* Linque inuidos sibi, neque illis alium cupias tortorem, satis ipsi se torquent, & suis malis, & alienis aguntur, ac tabescunt bonis. Non est compatiendum sponte languentibus: non sunt autem contagioli; ut corporum, sic animorum morbi, non transeunt ad nolentes. Imò verò nobilis animus, vitiorum odio, ad amorem virtutis accenditur. *D.* Quis tot ferat insolentias? *R.* Humilitas eò acceptior, quò pluribus est obiecta superbis. *D.* Quis tot fraudes, quis tot artes auaritiæ, quis tot species libidinum? *R.* Quæ tibi meritò displicent, declina, & quæ in aliis damnas, ut in te damnant alij, caueto. Quis hoc gulæ regnum? *R.* Maxime inter ebrios speciola sobrietas: ubi æquè boni omnes, nullus excellit. *D.* Quis tam multa mendacia? *R.* Si mendacio offenderis, veritati stude. *D.* Quis tot ubique tyrannides? *R.* Non te hinc arma, nec opes expedient, sola virtus est libera. *D.* Totus orbis odio mihi est. *R.* Miserari miseros magis decet, quàm odisse; nisi, ut dixi, sponte sint miseri; quin tu mundo suos mores linque tuos reformare stude, & ab aliis auersos, & in te ipsum oculos reflecte; sic & tædium euasceris, & cum mundum nequeas, id, quod potes, & debes, temetipsum corriges: non est, quo te frustrà natum credas, si hoc feceris.

De Minutis tadis rerum variarum. D I A L. X C.

Est vecors animi, quem res vexare minuta

Quaque solent, & quem territat anra lenis.

D O L.

Turbidos urbium clamores rerum variarum
odi. *R. A.* Ruris silentium, sylvasque ama;

quæ fieri, fugarique nequeunt fugienda sunt.

D. Vulgi contentionibus fessus sum. *R.A.* Vulgo autem dum præbueris, non quiesces. *D.* Vulgi strepitu fatigor. *R.A.*

Vulgi verba despici-to: penè enim quicquid vulgus loquitur, aut nihili, aut falsum est. At strepitum illum omnem,

& confusas voces, si vitare veritum, tantum auri-bus excipe, idque non aliter, quam mugitus boù, aut balatus pecudum, aut visorum murmur: quid enim, nisi belluarum voces sunt, vel inertium, vel ferarum? *D.* Vulgi fragore perturbor. *R.A.*

Finge animo, te aquarum exundantium ac scopulis allisarum sonitum audire. Persuade tibi esse,

vel ad fontem Sorgiæ, ubi ingenti strepitu ex horrendo specu lucidissimus amnis emanat; vel ubi

Beatini gurgites quos Nar in Tyberim conuehit, alto de colle descendunt; vel ubi ad ea, quæ ca-

tadupa nominantur [ut ait Cicero] Nilus se ex altissimis montibus præcipitat, vel ubi similiter

[ut ferunt] Hister in Euxinum ruit. Denique ubi vel Ligusticæ rupes Ætneis fluctibus, furenti au-

stro, vel Charybdis oblatranti Syllæ, Sicanis vor-ticibus torta, respondet. Consuetudo præstabit,

ut quod tædiosissimum sentis, quadam cum volu-ptate percipias. *D.* Latratibus canum vexor.

R.A. Qui vulgi latratus ferre didicit, nullos hor-rebit canes. Nam neque tam multi alij, neque

tam rapidi, aut mordaces. *D.* Immitis equus, ac fremens; infidus feruus, ac contumax, non tan-

tum tædio, sed periculo etiam mihi sunt. *R.A.* De utroque animali, quid sentirem? dixi olim, &

nil nunc muto. Addo aliquid; ut vitare qui-dem possis equi tedium, si nil aliud, * pedes tibi,

serui, aut manus, dare possunt; nec lamentis dignum, quod carere valeas, cum velis. *D.* Mu-

ica-

scarum tadio affectus sum. *R. A.* Vide ne muscarum tadio; muscas, & ab alio, quàm à Deo creatam muscam credens in illius, qui muscarum princeps dicitur, potestatem venias; quod affe-
 cui dam tadiis similibus accidisse, author est Augustinus, principium illud Ioannis famosissimum exponens; Et musca, & pulex, & bruchus, & culex, & cinifex, & locusta, ceteraque huiusmodi, creata non sine certa causa, sunt ab illo, qui vidit cuncta, quæ fecerat, & erant bona valde: & si nulla esset alia, illa sola sufficeret, ut his armis humana superbia domaretur. Potuit enim Deus Aegyptiis Leones, Tigres, vel Dracones immittere; at minuta, & vilia immisit animantia, quò clariùs, & coelestis potentia, & terrena fragilitas nota esset.

D. Pulicibus inquietor. *R.* Sane cogitibus conquiesce. Cogita nihil mali, præter peccatum, homini contingere posse. Multis non hæc modo facilia, sed quæ videntur gravissima, profuerunt: quid scis, an, si pulices abirent, sopor nimius, aut malæ libidines subirent. Crede bene in omnibus tecum agi, bene erit.

D. Nocturno pulicum prælio victus sum. *R.* Quid superbis igitur, umbra, & cinis? quid erigeris, iners lutum, à pulicibus victus? Contra Deum calcitras, iumentum indomitum, ac stolidum.

D. Offendor pulicibus. *R. A.* Visne tu homines offendere? à pulicibus te defende; vilissimo impar animali, nobilissimum aggredieris; & pulicum cibus, homines voras.

D. Pulicibus agitor. *R.* Terrena omnia, hominis ad obsequium facta sunt. Pars, ut pascat, pars ut vestiatur, pars, ut vehat alia, ut defendat, alia, ut exercent, doceantque, & conditoris admoneant; quædam denique, ut delectent, felisumq. rebus animum levent; quædã verò, ut dele-

Stationem noxiam frenent, ac salubribus tædiis, contemptūq; huius lucis, simulque desiderium vitæ melioris incutiant. Quantum enim, quæso, mors timeretur quantumve, si tædiis vacua esset, placitura mortalibus erat hæc vita, cum tædiis plena sic placeat, sic abitus timeatur. Nec vitæ iucunditas viventi, nec amœnitas vitæ, semper est utilis viatoris; expeditque nonnunquam, durum aliquid occurrere, quo optabilior finis sit. D. Nocturnæ avis flebilibus notis infestæ sunt. R. Non [ut arbitror] Philomena, quæ apud Vergilium:

Flet noctem, ramoque sedens miserabile carmen

Integrat, & mæstis latè loca questibus implet.

Duleis enim fletus, & suaue carmen, & delectabiles sunt querelæ. Mœstior te forsitan strix offendit, neque tam proprio, quàm poëtarum carminibus infamis bubo; qui quibusdam tamen, quàm lati fuerit augurij, apud Iosephum legis: quamvis utrumque ridiculum, hinc spem scilicet, metumve concipere. Huius enim, & multorum tristis aspectus, & lugubris cantus, at uterque naturalis, nō sic canunt, ut vobis aliquid nuncient, sed quia canere aliter non norunt. Da illis Philomenæ vocem, flebunt dulcius; nunc naturæ parent suæ; vos naturam ipsam. superstitionibus vestris. ut pareat, cogere, delirando nitimini. D. Proxima in turre, pernōx noctua, importuna mihi est. R. Noctuam inquietas noctes Augusto facere solitam, audisti: & quem, quæso, verebitur, quæ mundi dominum inquietat? D. Mures thalamum infestant. R. Quid scis, an hoc ipso in thalamo exorti, quem tu forsitan peregrinus inhabitas? de te iustius queri possunt, qui natale illis, advena, solum turbas. Sed omissis iocis, horum omnium ratio vna est. Idcirco equidem his infestam vitam agitis, ut disca-

discatis alteram optare: ac illic animum habeatis, ubi nec mures, nec fures, nec araneæ, nec tineæ, nec damna, nec tædia vlla sunt. *D.* Procaces ranæ ac strepidulæ tædium pariunt cicadæ. *R.* Finge solatium parere, solatium erit. Opinio rem, quocunque vult, trahit; non ut verum mutet, sed ut iudicium regat, & sensibus moderetur. Inventus est nuper, qui rure habitans, ad fugandas nocte lusciniæ, saxis armatus, sudibûsque confurgeret, quo cum parum proficeret, circumfusas arbores iuberet abscindi, ut vel sic, præcepto frondente domicilio, abirent; quibus manentibus, abire illum oporteret; iamque importunis cantibus pulsus soporabiisset; is tamen proximæ paludis in ripa, nocturnos strepitus ranarum, modulatissimam quasi fidium harmoniam intentissimus hauriebât: inhumanum, ferûmq. hominem, vixque inter homines numerandum, & moribus quidem, qualem audis, forsitan & vidisti; vulgaribus tamen negociis, haud insanum: qui nunc deò ad memoriam rediit, ut constaret, quantum in rebus omnibus possit opinio. *D.* Ranarum, & cicadarum strepitu offendor. *R.* Non illæ quidem, ut offendant, strepunt; sed naturæ communis beneficio utuntur. At hoc ipsum superbam impatientiam vestram lædit, sicut reliqua quæcunque aliter fiunt, dicunturve, quam exigit oculorum vestrorum, atque aurium voluptas. Sed ut fabulam vestri erroris, ad antiquas fabulas remittam, cogita nunc, vel ranas suam veterem querelam, & ultricem Latonam raucis vocibus, vel cicadas, versum in suam speciem Titonem, stridulis plausibus memorare, sinésque forsitan suum illas agere negotium, tuum ages. Cur iniusti naturæ: semper accusatores, innoentis animantibus sue-

censetis, nec aduertitis, quanto maiora sunt tæ-
 dia, quæ vicissim ipsi vobis infligitis? Sileo rapto-
 resque urbium, & mille iniuriandi, lædendique
 artes; mille violentias, mille dolos quorum pleni
 sunt vici omnes, & compita. Taceo latrunculos
 toto orbe dispersos. & itinera interrupta prædo-
 nibus, quibus magna pars terrarum hodie inuia
 est; spectacula mundi pulcherrima præcepta mor-
 talibus; dissimulatum illud, & miserrima iam con-
 suetudine roboratum, quis dignis questibus ex-
 plicet; aut humanæ pondus ignaviæ, verbis æquet,
 quod, pacatis quoque regionibus, passim legiti-
 mus prædator occurrit, qui sollicitum viatorem,
 exhaustumque laboribus, & onustum curis, ære
 suo spoliat, iniustissimi nescio cuius iuris obten-
 tu; quo effectum, vt quod amœnissimum fuisset,
 orbem terrarum permeare, id alicubi periculosissi-
 mum, vbiq; sumptuosum ac tædiosum sit. Sic ve-
 stri Princeps, & patres patriæ, immo verò vestra pa-
 tientia, vestri mores, libertatem publicam, paruo
 pretio vendiderunt. Quid custodias loquar super-
 uacuas, & obstruos passus, ac suspicionibus variis
 plena omnia, absentiaque solatium vnicum. lite-
 rarum commercium interdictum? Quod ipsum,
 quia mutari iam non potest, forti animo ferendum
 est. Verum, vt naturæ opera ferre non renuat, qui
 tot insolentias, tot immanitates hominum, tot
 tædia, tot rapinas pati solitus, didicisse debuit,
 quàm iniquè natura parens, leuibus ex causis,
 quotidie laceretur; cum tot acerba, & graua pati
 hominem ab homine sit necesse. D. Magno tor-
 queor calore. R. A. Expecta hyemis tædium, hoc
 pulsura festinat. D. Frigore crucior importuno.
 R. Ecce tibi æstas accelerat; huius ipsius allatu-
 ra desiderium. D. Frigoribus vrgeor. R. A. Vix
 in-

incommodum inuenies, cui non inuenerit natura remedium. Et sæpè vnius remedia multa sunt. Arcet frigus, tectum, vestis, cibus, labor, exercitium. Raro quisquam frigore vincitur, nisi victus inertia. Piger ignem inter remedia numerare, magnum mortalis ignauia argumentum. Non tam facile vini è dolio immixta aqua, linteo, madente, detrahitur, quàm è turba hominum, hyeme accenso igne, inertes à fortibus segregantur. Omnes eò confugiunt, quibus nihil sanguinis, neruorumque animi est. Videre licet, sed non libet iuuenes nostros, vt formosi videantur, deformatos, abscessosque pube tenus, sese ignibus ingerentes; quanto erat honestius, pudenda contegere, quàm semiustis natibus in amœnum naribus nidorem respirare? *D.* Nunc tremo, nunc aestuo. *R.* Credo id facile; mores noui & te loquente, quod occurrit, dicam. Recens at brevis, historia est, Pater in Gallis, pro capitali causa, cum adolescente filio comprehensus; & secundum ritum gentis, in akenum missus, ac decoqui iussus erat. Cum fortè igitur in aquam hyeme gelidam, nudi, ac vincti pariter descendissent, coepit adolescens tremere, & frigus magna dentium collusione testari: vbi, subiectis ignibus, coepit aqua feruescere, ille lamentis, ac gemitu impatientiam caloris exprimere. Contra immotus ad vtrumque, & toruo illum vultu, respiciens senex: Vilissimæ, inquit, meretricis fili, nec frigus igitur, nec calorem pati potes? Verbum mali forsitan, sed constantis, solidique animi: dignumque iquo illæsus è vase mortifero, prosiliret. Caterum vestris nunc adolescentibus convenientissimum, quibus nihil effœminatius, nihil enervatius est, æstate solem execrantibus, vt Athlantes solent, hyeme ignem

adorantibus, ut Chaldaei. *D.* Nix me tadio afficit. Delicati etiam iucunda fastidiunt. Atqui niuem sine Ventis descendentem, quidam inter pulcherrima ponunt. Porro si quid est niue pulchrius, nil certè candidius. *D.* Nunc aestibus, nunc frigoribus nimis, nunc siccitate, nunc imbribus angimur. *R.* Impatientissimum caloris Alexandrum ferunt, nempe qui & duræ & prosperæ fuit impatiens fortunæ. Contrà verò caloris, ac frigoris patientiam parem dant Hannibali. Cur non tu aliquam tibi, vel dissimilis, partem, laudis arripias? æquè ille utrunque potuit ferre, tu neutrum: hoc vobis primùm tribuit voluptas, quæ emollit, enervatque, & ut verè dicam, castrat animos, ut non hostiles tantùm gladios, aut mortem, sed impressiones aëreas formidetis. Clamo autem, & sæpè, frustra quidem, quoniam surdis clamo: linquite suum officium naturæ, nihil, sine æternis, agit illa consiliis. Stulti, & ignari, ne vna prorsus aquæ stillula, plus, minúsve, quàm expedit in terram cadit, etsi non singulorum libidini, ac salutem omnium consulitur. *D.* Hic luto, hic pulvere, hic nubibus, hic ventis, ac tonitru turbor. *R. A.* Atqui terræ varietas, cœli varietatem sequitur. Vdusaër lutum parit, ficcus pulverem; sic de motu aëris venti, de vaporibus nubes, de ventis, ac nubibus tempestates, ac fulmina prodeunt. Qui rerum causas novit, & naturæ se præbuit obsequentem, consequentiam defectuum non deflebit. Et de ventis, licet, apud quosdam magna sit quaestio, nonne tamen tibi aër omni carens vento, penè semianimis videatur? ut non ineptè quidam ventum, animam dicant, siue spiritum. Pulverem certè, apud multos, viris fortibus dulcem vides, idque ut de luto etiam credi possit, diversorum operum vna vit-

tusefficiet. Tonitrua verò, & concitatiores cæli motus, quid nisi comminationes, & monitus miserantis Dei sunt: qui certe non minaretur, nisi amaret hominem, sed feriret; quum multæ, & graves nunquam desint ferendi causæ. Ad terrorem verò hæc, formidinemque mortalium spectare, sed ante alios, illorum, qui rebellant Deo, non solum naturæ gnarus meminit poëta, sed vates illa etiam diuini conscia consilii, quæ ait; Dominum formidabunt aduersarij eius, & super ipsos in cælis tonabit. Formidare verum tonantem aduersarij, enitimini in gratiam redire, vt amici Dei effecti, nihil omnino, nisi eius offensionem, timeatis. Hoc potius agite, & querelas mittite. *D.* Fusco, & nubilo contristor aëre. *R.* Nulla tempestas durat; & sereno nubes succedunt, & serenum nubibus; frequens, imo iugis alternatio, & ferendum sine questibus, quod tam breue est. *D.* Offendor nubibus. *R.* Offensio admonitio quædam est; vt iam hinc tibi prouideas, ne tenebras, quas momentaneas ægrè fers, aliquando perpetuas patiaris. *D.* Igne cælesti turbor, & grandine, & procellis. *R.* Hæc, & his similia, ad timorem salutiferum, vel, si spernitis, ad vindictam sunt. Audi vnum: ignis; sulphur, & spiritus procellarum pars calicis eorum. Audi alterum: ignis grando, fames, & mors, hæc omnia ad vindictam. *D.* Tempestatibus turbor æquoreis. *R.* Noli hic naturam, sed tuam vel stultitiam, vel avaritiam accusare: quis huc te cogit? *D.* Tenebris nubibus, & contrariis ventis afficior. *R.* In tenebris natus, & in tenebris moriturus, inter rerum contrarios ventos viuas. Disce quod semper pateris, tandem pati. *D.* Tonitru, ac fulmine quator. *R.* Plus hic aliquid, quàm modicum est:

in primo equidem metus ingens, nisi stultis quibusdam contemptoribus: in secundo autem mors. Itaque quibusdam visum est de fulmine, non nisi inexpertum queri. At quis, oro, nisi amens, hæc non metuat? cum cautum, apud fortissimos hominum Romanos, videat, veteri statuto, ut Comitia populi, Ioue tonante, non habeantur. Cæterum metus hic, nisi ad emendationem vitæ spectet, inutilis est: Quid prodesse enim potest timor, ubi nullum est remedium formidatæ rei? Huc vertenda res igitur, ut, licet naturalibus causis tonet, ac fulminet, nihilominus commonitorium existimetur illius, qui nullis adstrictus causis, ipse fons omnium causarum est. Ille quidem idè tonat in cœlis, ut tu in terris bene viuas, & obliuione discussa, irascentem dominum recognoscas; quodque amore debueras, saltem metu facias. Nolite queri, omnia, æquè bona, & mala, expedit vobis [mihi crede] ut sæpius tonet: & quàm sæpè tonuisse, memoriæ traditum est, eo anno, quo verus Dei aduersarius, ac pietatis hostis Domitianus interiit, non ut exclametis, sicut ille, feriat iam quem volet, sed ut iram Dei, piis lachrymis ac humili prece vincatis. *D.* Ebriorum congressibus, lætitiæque contristor. *R. A.* Vinum lætificare cor hominis, & Bacchum lætitiæ datorem, etsi David, Vergiliusque non dicerent, notum est. Et quanuis illud quoque verum sit, quod horum facundior, sed sanctior Vates ait; Fluminis impetus lætificat ciuitatem: plus, tamen feruidi gaudij seu lætitiæ gestientis, ut philosophi vocant, pauca potentis vini dolia, quàm multa nitentis aquæ flumina continent. Fateorque, ebriorum lætitia, nil tristius. Nihil opificibus, & tabernariis, quos meritorè ciuitatum faciem Cicero vocat, ineptius:

vel

vel ferendum tamen, vel vrbibus abeundum, vel foro saltem ac plateis, & tabernarum scenis, tanquam scopulis, abstinendum. *D.* Turbis premor, frequentiaque ciuium importuna. *R.* Trux, & inhumanum votum est optare patriæ solitudinem, quò ipse sis laxior; ob hoc enim illa olim, vt nosti, soror Appij Claudij mulctata; & illa innocens vltimo apud scriptores celebrata est: Vt verò istud iniquum, & supplicio dignum, sic vitandi studio fastidij se turbis eripere, & si res poscat, vrbi cedere, modestum ac Sapientibus vsitatum est. *D.* Longo, & segni iudicio laboro. *R. A.* Ad quid inuenta transactio est, nisi vt litem finiat, & tarditatem iudicij antecedit? *D.* Mœsto, & turbido atteror litigio. *R.* Pro te aptis epithetis vsus es; vbi enim lis, ibi nec gaudium, nec tranquillitas esse potest. Tu, si litibus vis carere, litium contemne materiam. Auaritia lites parit, & partas alit.

De Terramotu. D I A L. X C I.

*Auxilium non est, pro Terramotibus ullum;
Cum ruit immensus, quis metus, Orbis, erit?*

M E T V S.

Terræmotum timeo. *R. A.* Magnum, fateor, naturæ parentis incommodum, nec immerito à parentibus segregatum; nempe cunctis grauius, sed rarius, idq; remedij loco sit. Sæpè quidem instans fulmen & tonitru; celi facies mœsta prænunciat, terræmotus præsagium nullum est; etsi cum Pherecides, aqua putei hausta, prædixisse feratur. Adde, quòd aduersus cæli minas, aliquod fortasse refugium subterraneæ offerunt cauernæ, quale illud legitur Augusti Cæsaris, fulgura metuentis, quod adhuc Romæ via cernitur

flaminia, & nomen seruatauthoris. Contra terræmotum nullæ sunt latebræ, nulla fuga: quò enim extra terram fugiat terrenus homuncio: aut quid fiet, si & supra verticem cœlum tonat, & sub pedibus terra tremit? nisi forte quis in pelagus fugiendum dicat, quod & celestis, & terrestris varietatis est particeps, & suis insuper motibus inquietum. *M.* Non tui mihi remedium das, ut soles, sed periculum exaggeras. *R.* Sentiebam ita tibi visum iri; & sic, haud dubiè se res habet. Sunt quæ dissimulari queunt, & verbis extenuari, ut quæ fama terribilia visa erant, re ipsa nunc tolerabilia, nunc & contemptibilia videantur. Id sanè, de quo agitur, tale est, ut sua quadam vi humani eloquij argumenta discutiat; vnum est solamen, ut dicebam, raritas. Vidi ki atatem penè integram terræmotibus vacantem: quo in spatio innumerabiles obiisse, non est dubium, qui in vita solùm rei terribilis nomen audierint, nullum res visa terruerit: alioqui, quem non conspecta permoueant, vel antiqua illa, vel hæc noua, quorum vel in libris, vel in animis hominum, qui viderunt, memoria recens est? quando & olim, vno eodémque die, motu horrifico, & concussa Rhodus, & nouæ insulæ profundo maris emerferunt, & vetustæ vrbes Asiæ duodecim corruerunt nonnullæ etiam terræ hiatibus haustæ sunt. De hinc eadem pestis in Achaia, Macedoniæque desequiit. Demum in Campania, illa pulcherrima, non Italiæ tantùm, sed totius etiam mundi parte, circa Senecæ atatem, qui inter quæstiones naturales rei huius meminit, quando & Herculaneum, & Pompeios, vrbes tractus illius nobilissimas, ipsam quoque Parthenopem, ea peste vexatam legis. Ac ne cuncta sequar, quæ infinita materia est;

nu-

super alpes aëreas, quæ Italos à Germanis separant, quarum motus insolitos, Maro ait, & motas & multis in locis disiectas cernere potuisti. Et confestim postea, ipsam urbium reginam, grauius agitatum, usque ad ruinam turrium, ac templorum: aliquotq; alias humi stratas, moxque, velut perpetuo malorum ordine, Germaniæ partem illam [quæ nobilior habetur] totam scilicet Rhœni vallem tremuisse, atque in ripis, Basileam urbem funditus, & octoginta, eoque amplius, castella vno simul temporis momento, corruisse notum est. Horrendum plane negotium, nisi arcem terribilium mors teneret. Hanc qui timere desierit nil timebit; utque eleganter ait Flaccus:

Si fractus illabatur orbis,

Impavidum ferrent ruinae.

Nam quid refert, an in te lapsis exiguus sic descendat, ut perimat, an te ingens obruat Apenninus, seu potius fractus orbis, ut est dictum; si utrobique nil amplius est, quam mori? nisi quia quibusdam fortasse mors clarior videri potest, quo maiore infligitur instrumento. Hæc tandem nostri consilij summa est, quando & aduersus fulmen aliquid diximus esse remedij, & utrumque vel obstando, vel cedendo, reliquis malis occurritur; contra hoc vnum, nec fuga valet, nec ingenium, nec vis vlla; sed, qui vnus horribilia cuncta facit, ponendus ante omnia metus mortis: aliquantò non inficior factu difficilius, quam dictu; sed nequaquam impossibile. Et quoniam ab hac peste, nec tempus vllum, nec locus immunis est, omnibus locis, atque temporibus, ad omnium, quæ vel naturaliter, vel fortuito euenire possunt, tolerantiam præparandus, armandusque animus; quod, nisi virtutis amor, vitiique odium accesserit, utique fie-

rinequit. Denique quoniam non calum modò, quod in continuo motu est; & elementa yndique comminantur; sed & terra, cui insistitis, & quæ periculorum omnium firmissimum præsidium sperabatur ipsa quoque concutitur, incolasque suos fallit ac territat ad cælum animi volatibus ascendendum. Intérque hos rerum motus atque hominum, omnis in illo spes habenda, qui respicit terram, & facit eam tremere, de quo scriptum est: Ego dominus, & non mutor. Quisquis in illo vestigia deuotæ mentis affixerit, iam in solido, & in tuto erit; neque amplius, aut ipse mouebitur, aut vltos metuet terramotus. *M.* Non possum terramotibus non moueri. *R.* Potes autem à terra omnem spem, atque omne desiderium remouere. Hoc fac, vt securus viuas eaque vel tremente, vel ruente, consistas. Stultum est, firmam, in re tremula, spem habere.

De Peste latissimè sauierte. D I A L O G U S . X C I I .

*Diurna pestis clemens est nuncia Virga;
Quam, licet effugas, sed moriere tamen.*

M E T V S .

Pestem latissimè sauientem horreo. *R. A.* Et hic quoque nil amplius, quàm mortis est metus, quo deposito, plena securitas parata erit; quum non, his magnis animis, non depositus modò, sed ne admissus quidem esse debeat. Nā quid minus viri est, quàm horrere communia. *M.* Pestem timeo. *R.* At quid aliud tibi, si morieris, ad vsitatū genus moriendi, pestis addiderit, quam vt comitator moriari: sin euaseris, vt dulcior vita sit, tot circumfusis erepta periculis, si mori periculum, non natura est; neq. enim omnes pestis perimit.

mit. Alioqui, ex hac peste nouissima cui par à faculis non fuit nullus hominū euasisset. Euaserunt multi, qui melius obissent: hinc, ut vides, face solita, nunc etiam mundus exuberat, quam nulla vnquam pestis, nulla mortis manus exhauriet, tā concreta est. *M.* Pestem metuo. *R.* Dic [quod est verius] mori times, de quo nobis, ut te video in deo in querelas pronum, ante quā res desinat, disceptandum reor: prater hoc enim, quid est quod pestis nomen exhorreas, cū potius [ut est dictum] solatiij genus sit, perire cū plurimis? *M.* Pestem horreo. *R. A.* Si ad hoc te humani generis charitas quædam trahit, est, quod laudem. Nihil est magis hominis, quā humana incommoda miserari: sin tui tantū, quod arguam. Nam quid pestis nocitura mortali, nisi, ut facias, quod facturus es; nisi illud inter damna connumeres non lugeri; quod in talibus accidit. & feliciores censes, qui multum fletu ad superos euasisse, apud Vergilium memorantur.

De Tristitia, & Miseria. D I A L. X C I I I.

Aduersus res est animus firmatus ad omne;

Pugna, dolor, vita hæc, perpetuisque labor.

D O L.

TRistis sum. *R. A.* Refert, quæ ex causa tristis sis, aut lætus. Ista enim, ut alia multa indifferentia dixerim, quæ leui momento possunt esse bona vel mala. Tristitia nempe de peccato, utilis; modò ne desperationi surreptenti clanculum manum det. At gaudium de virtute, deque memoria bonorum operum, honestum; modò ne ingerenti se superbix fores pandat. Harum igitur passionum permutantur causæ; ut cum virtu-

peratio illico locum laudis inuaserit : nunc tu quod sis tristis cogita. *D.* Huius vitæ miseria, mœstus sum. *R.* Felicitas te latificet alterius vitæ. Neque enim tam hæc misera, etsi profectò miserrima sit, quàm ista est foelix. *D.* Mœstus sum. *R.* Mali huius tot radices, quot sunt, quæ vno nomine, Aduersa dicitis; de quibus & multa iam diximus; &, vt te pronum in querelas video, multa nunc etiam sunt dicenda. Est autem quando nulla prorsus apparens causa: non morbi, non damna, non iniuriæ, non ignominia, non carorum mortes, neque ullus omnino rerum talium inopinus rumor, sed dolendi voluptas quædam, quæ mœstam animam facit. Pestis eò funestior, quo ignotior causa, atque ita difficilior cura est. Itaque hanc, ceu animæ scopulum, omni, velorum, vt dici solet, ac remorum auxilio, fugiendam censeret Cicero. Cui in hoc quidem, vt in multis, assentior. *D.* Præsentis me miseriæ cogitatio mœstum facit. *R.* Miseriam conditionis humanæ magnam multiplicemque, non nego; quam quidam integris voluminibus defleuere. Sed in diuersum aspicias, multa itidem, quæ felicem vitam, ac iucundam faciant, videbis. Etsi de hoc nemo hætenus [ni fallor] scripserit, aggressique alicui destiterint; quòd difficilem, & contrariam scribentibus sterilioremque ac longè imparem materiam se sortitos, intelligerent; eò quòd humana miseria nimis multa prorsus euidenter emineat. Felicitas parua, & latens, stilo altiùs fodienda sit, vt ostendi possit incredulis. An autem, vt ex multis summa delibem, parua vobis gaudiij causa est? Imago illa & similitudo Dei creatoris, humana intus in anima, ingenium, memoria, prouidentia, eloquium, tot inuenta,

tot

tot artes huic animo famulantes ; huic corpori, quibus neccssitates vestrae omnes diuino beneficio, comprehensa sunt ; tanta quoque opportunitates, & tam varia rerum species, non necessitati tantum vestrae, sed oblectationi seruientes miris, & ineffabilibus modis: tanta vis radicum, tot herbarum succi, tot florum, tam iucunda varietas; tot odorum & calorum, & saporum, & sonorum, ex contrariis orta concordia; tot animalia coelo, terris ac pelago, non nisi vestris vsum dedita, hominibusque solius ad obsequium creata. Nisi enim peccati iugum sponte subiissetis; omnium, quae sub coelo sunt, dominium haberetis. Adde collium prospectus, apricationes vallium: vmbrosos saltus, argentisque alpes, & repentia littora. Adde tot salubres scatebras aquarum, tot sulphureos, fumantesque, tot nitidos, & gelidos fontes: tot infusa, & circumfusa terris maria, tot amnes assidue mobiles, & immobili stabilitate certissimos regnorum fines. Adde lacus, maris æmulos, & stagna iacentia, & riuos inter montium conuexa præcipites: & floreas ripas,

Reparumque thoros, & prata recentia, riuis,
 vt Vergilius ait. Quid sonoris littoribus spumantes scopulos, antraque rosida, & flauescences agros, & vineta gemmantia, & commoditates urbium, & ruris otia, & solitudinum libertatem? Quid spectaeulorum omnium lucidissimum, & angustissimum stellantis coeli ambitum, incomprehensibili celeritate volubilem. Inque illo fixas, & errantes, quas dicitis, seu vagantes stellas, Solem in primis, ac Lunam clarissima mundi lumina [vt Maro ait] seu lucidum coeli decus [vt Flaccus ait] hinc terræ fruges, hinc

vigor animantium, hinc varietas tempestatum: hinc nos annum, hinc menses, & dies: & noctes, & momenta metimur, sine quibus vita fastidio non careret. His accedit corpus, licet caducum, & fragile, imperiosum tamen aspectu, serenumque, & erectum, aptumque coelestibus contemplandis. Accedit immortalitas animæ, & ad cœlum iter, ac pretio exiguo, merces inestimabilis: & quæ in finem, sciens, distuli: quia tam magna erant, ut per me illa non capere, nisi fidei magisterio, didicissem: & resurgendi spes, & hoc ipsum corpus, post interitum, agile quidem lucidumque, & inuiolabile, multa cum gloria reassumendi: & quod omnem non humanam modò sed angelicam dignitatem supereminet. ipsa humanitas sic coniuncta diuinitati; ut, qui Deus erat, homo fieret: idemque vnus numero, perfectè duas in se vniens naturas, inciperet esse Deus & homo; ut hominem Deum faceret. factus homo: ineffabilis Dei pietas: atque humilitas; summa hominis felicitas. ac gloria: altū vndique, occultumque mysterium; mirum, & salutare commercium; quod, nescio, an celestis, sed profectò mortalis lingua non æquat. Parum ne tibi autem vel hoc vno, nobilitata conditio humana. parumque expurgata miseria videtur? seu quid, oro, altius, non dicam, sperare. sed optare, sed cogitare homo potuit, quā, ut esset Deus? ecce iam Deus est. Quid iam restat, oro, quò vota vestra suspirent? nedum reperire quidem, sed nec fingere maius aliquid relictum. Certè cum ad salutem vestram se diuinitas inclinaret, non aliud, cum posset, nisi humanum corpus humanamque animam assumpsit; nec angelicæ speciei ascribi voluit, sed humanæ; ut sic, quantum te dominus tuus amat, agnoscas

gnoscas, & gaudeas. Ita enim, ut præclare ait Augustinus, demonstravit carnalibus, & non valentibus intueri mente Virtutem, corporisque sensibus deditis, quam excelsum locum, inter creaturas, habeat humana natura. Quid, quod idem ipse, qui vos, hac sua dignatione tam mirifica, angelis quoque prætulera, ipsos vobis angelos custodes adhibuit. ut modis omnibus vestram, inter creaturas, excellentiam demonstraret? Ait nempe Hieronymus, tantam dignitatem esse animarum, ut una quæque ab ortu suo, habeat angelum sibi ad custodiam deputatum. Paterna verè, & plusquam paterna de vobis Deo cura est. Et, ut dictum Satyrici parumper inflectam: Verè carior est illi homo, quam sibi. Quis hic tristitia locus, aut querela; Non natura igitur vestra sed culpa mœstes vos, & querulos facit. *Do.* Mœstum me originis vilitas & naturæ fragilitas, nuditasque, & inopia, & fortunæ asperitas, & vitæ breuitas, & finis incertus facit. *R. A.* Multa studio conquiris, ut mœstus sis: contrario instandum erat, ut honesto gaudio latus esses. Noui autem mores cupidè malis vestris incumbitis; Proinde quod ad vilitatem originis attinet, aut corporis foeditatem, quicquid quorumlibet ingeniis acervatum est non solum ad nota resurrectione illa, quam vera mortaliū fides sperat & glorificandorum corporum nobilitate delinitur: sed præsentī etiam decore mīnuitur; interque omnia diuinæ manus opera singulari quadam hominis maiestate. Nam quid ortus obscœnitas humanæ detrahit dignitati? nonne foeda ē radice, procera, frondentesque arbores, herbosum solum gratis umbris vestiunt? Nonne foedissimo fimo segetes latae fiunt? nec fastiditur origo vilissima rei optimæ: Vos segetes Dei

estis, in area iudicii ventilanda, summiq; patris familias in horreo reponenda: terrestris fuerit origo [quamquam nobilis, ac coelestis ex parte sit] sed fuerit qualiscunque ortus, quantumlibet difficile incrementum, sedes vltima coelum sit. Quid illa nuditas, imbecillitasq; corporea, multarumq; rerum grauis indigentia, quæ humanæ conditionis infamiae ascribuntur? Variarum nonne artium, ac multiplici remediorum suppletur auxilio? non magis ad gloriam hominis, quàm miseriam trahi possit, quòd animantibus cæteris ratione carentibus præualidam cutim, vnguesq; & villos mater natura prouiderit, homini vnum, repertorem omnium, contulerit intellectum: vt illa scilicet alieno, hic suo quodam proprio, & interno præsidio tutus esset, cætera quantum nascentibus obtigisset, & non amplius; vnus hic tantum haberet, quantum viuendo, meditandoq; sagaci assequi possit ingenio. Sic seruis, dominus, ac bubalcis si quid fortè cibi nobilis largiatur, suam cuique portiunculam assignat; vxori nihil, aut filio; vt illi hoc tantum, hi pro eorum captu, plus minúsue percipiant; sic illis frenum præponitur, his libertas. Animantibus igitur, quæ vel senio, vel scabie depilata, aut caligantia oculis, aut pede clauda conspiciamus, remedij nihil est, nisi ab homine conferatur. Homo autem per se nudus, ingenio vestitur, atque ornatur: & si res poscat, armatur: claudus, atque debilitatus, equo, aut naui fertur; aut vehiculo, aut auxiliantibus bacillis innititur. Denique, modis sese omnibus adiuvat, attollitq; quin, amissis artibus, pedes ligneos, manus ferreas, naues careos fabricari didicit; & fortuitis casibus ob stare. Valerudinem fatiscentem, medicami-

nibus erigit, gustumque torpentem saporibus excitat, visum languidum ocularibus refouet: qua in re, maioribus vestris acutiùs, cogitastis, qui vasculis vitreis aqua plenis [vt Seneca meminuit] utebantur, propè delectabilis naturæ ludus, blanda parens, ac benigna, quòd hinc filio eripit, inde restituit, & cum tristem fecerit, consolatur. Quid, quòd equus, bos, elephas, camelus, leo, tigris pardus, & similia quantarumlibet virium Cum senuerint, contemnuntur, cum obierint, non sunt; cedunt senio, succumbunt morti: solum hominem virtute præditum. quæ hominis solius est propria, & venerabilem senectus, & mors gloriosum, ac felicem facit, transferens non extinguens. Et ad summam, animalia quædam robustiora sunt homine, quædam velociora, quædam sensibus vegetiora, nullum, dignitate præstantius; nullum, cuius par cura creatori fuerit. Dedit sphericam capitis figuram, effigiemque sydeream.

*Pronaque cum spectent animalia cætera terram,
Os homini sub iure dedit cæsumque tueri
Iussit, & erectos ad sidera tollere vultus:*

[vt præclare ait Naso] licet dictum priùs à Tullio. Dedit oculos, dedit frontem, in quibus secreta animi relucere: dedit rationem, dedit orationem, dedit lachrymas, dedit risum, affectuum signa latentium; quæ quamuis ad argumentum miseriæ quidam trahant, quòd fletus præcox, risus serus sit [Orrus, enim statim flet; ante diem quadagesimum non ridet] id vel maximè prudens animal arguit, venturique præscium, non equidem finis; quem virtutis gubernaculo felicem dico, sed difficilem, quòd ingressus est stadij atque instantium laborum. Deni-

O ij

que, quòd quodcunque robur est aliis, quæcunque velocitas, quæcunque opportunitas, quæcunque commoditas, tota homini deseruit. Ille indomitos boues ad iugum, & feroces equos ad frenum cogit. Vrsos vnguibus, apros dentibus, ceruos cornibus metuendos, decus fecit ille mensarum: Lynces, vulpes, & infinita id genus, quia esui non erant, vsui pellis, accorij reseruauit: retibus maria, canibus syluas, volucribus cælum omne frustraui; & quibus cum nullum erat homini commercium, humanas voces intelligere, & humanis nutibus obsequi docuit, sic ex omni naturæ parte partum aliquid. Non est tibi bouis robur, at tibi bos arat. Non est tibi equi celeritas, tibi tamen equus ambulat. Non est tibi Herodij volatus, sed Herodius tibi volat. Non est tibi elephantis, aut cameli moles, sed ille tibi turrem vehit, hic sarcinam. Non est tibi cerui corium, non agni pellis, aut vulpecula, sed illi hæc tuo nomine possident. An ne igitur his, qui vos inopes talium dicunt, haud inelegans responsum illud sit Romani ducis. Habere ista hominem nolle, sed hæc habentibus imperare. Et hæc quidem modò breuiter, partim philosophicè, partim catholicè dixerim. Ad ægritudinem verò animi [ita enim hanc philosophi appellant] & depellendam, & tranquillitatem reuehendam, proderit nosse, quid de primo, Cicero in Tusculano suo, tertia luce differuit; quid de secundo, Seneca in eo libro, quem de animi tranquillitate composuit. Festinanti quidem ad alia, & spectanti metam, non vacat vniuersa complecti. Pro tempore igitur alligatum vulnus, ostensi quæ medicianimorum, quibus, si hæc non sufficiunt, utiqueas. Iam tria illa, quæ vltimo questus es, ne respon-

ſponſo quidem digna credidi quando & aſperitas fortunæ ipſa eſt, de qua magna pars huius ſecundi colloquij noſtri fuit, & futura eſt, & aſperitatem ipſam breuitas lenire debet ac minuire, & incertum vitæ finem ſtatuit natura, vt præſens ſemper, aut proximus crederetur.

De Aegritudine dentium. DIAL. XCIV.

*Multa premunt ſenium, ſenio ſunt multa ferenda:
Si modò digna tibi grata ſenectæ venit.*

D O L.

Dentium vexor aegritudine. *R. A.* Quantum ſidas inteſtiniſ, vide; oſſa te ipſa dentituunt. *D.* Tremere dentes incipiunt. *R.* Quid molibus ſpei eſt? duri, & ſolidi nutant artus. *D.* Dentibus æger ſum. *R.* Inualidum, & caducum animal homo, cui etiam, quæ præualida videbantur, infirma ſunt. *D.* Magnus me dentium dolor habet. *R.* Et quæ ad decus, præcipuumque oris robur obtigerant, doloris in materiam verti vides, vt intelligas, quàm manſura ſit hæc, cui tam ſecurus inſides, mortalis compago domicilij. *D.* Iam mihi vnus, alterque dens cecidit. *R.* Iam ergò vel hinc exiſtima, quantum Deo debeas, tot tantisque muneribus, quorum pauciſſimis, ac minimis caruiſſe, ſupplacium, & flebile damnum ducas: digna ingrati tudinis poëna eſt. Seruus, & domini largitatem, quam præſentem ſpernit, abſentem lugeat, & quam lucris intelligere noluit, damnis intelligat. *D.* Iam dentibus exarmatus ſum. *R. A.* Iam inermis cum voluptate luctaberis: minus comedes, parcius ridebis, lentius mordebis alienam famam. Loqui parantem, fracta ſepeſ dentium fræ-

nabit; si non castitas, saltem pudor, ab illicitis osculis senilem petulantiam cohibebit. *D.* Iam mihi senectus dentes fregit. *R.A.* Iure suo illa usa est. Tu naturæ gratias age, quæ tibi hoc suo dono uti permisit in senium, quod à multis in iuuentute repetiit, qualis fuit apud vos, ille modò regum maximus, qui adhuc virenti ævo, penè dentibus caruit, etsi iuuenilem hanc iacturam, senili postmodum eximio oculorum [ut ipse aiebat, quodque ipse tacebat] ingenij, atque animi vigore solabatur; exemplum utile omnibus, aliquo vel naturæ, vel ætatis incommodo affectis, ne singula defleant, nèc omnem solutum temporem, munificentia coelestis iniuriam vocent; sed servatis perdita mulceant, aspera lenibus, dulcibus acria. *DO.* Dentes mihi rapuit senectus. *R.A.* Hos si illa non raperet, raptura mors fuerat: plenam ossium sepulturam inspicere, testarum dentes arentium primum quidem terrificè albicantes, mox ruptis vulsos radicibus atque effusos videas; non hic numerus, non hic robur, decorque valeat. Filia Mithridatis Ponti regis, utroque gemino ordine dentium fuisse legitur. Prælia verò Bithynia regis filius, pro superno ordine dentium, vnum inferioribus cunctis parem, hoc est, vnum os ab vna in alteram maxillam nec inuenistè, nec incommodè protentum habuisse. At Zenobia Re-Orientis, inter cæteras formæ laudes, tanto dentium nitore describitur, ut inter loquendum, ridendumque, non dentibus, sed candidis Margaritis plenum os habere videretur. Horum quoque nunc busta perquire, singulare nihil inuenies, cuncta pridem, æqua omnibus, sparsit, & attriuit mors. Nimis corpus amatis, ac membra

MOR

mortalia, nimis animum immortalem, ac virtutem spernitis. O cœci semper, & iniqui rerum aestimatores. *D.* Iam sine dentibus sum. *R. A.* Iam ergo dentium dolor nullus, sed nullum quoque præsidium, nullus usus: sine dentibus, cum labore præmolendus cibus; & nisi dissimulas: cogitandum eò tibi iter instare, ubi nil editur, atque ubi solo gaudio, cibusque animæ vivitur.

De Aegritudine tibiæ. D I A L. XCV.

*Ferte pedes scelerum quandoque fuisse ministros,
Difciant ergo pedes vulnera sua pati.*

D O L.

Tibiæ vexor aegritudine. *P.* In omni ædificio periculosissimum est illud vitium, quod fundamentis insidet. Cætera enim utcumq; corrigas, hoc ruinam trahit, qua instante, quid est reliquum; nisi quam primum ex fatiscendi migret hospitio? *L.* Tibiæ aegritudine sum affectus. *P.* Huius aegritudinis, ut multarum, causa ferè omnis non aliunde, quam ex vobis ipsis est. Iure igitur in vos, ex vobis orta reflectitur: oblitus enim illud consilium Sapientis: Palpebræ tuæ præcedant gressus tuos; & illud alterius: Primum argumentum compositæ mentis existimo, posse consistere, & secum morari: neque consistere potestis. neque vestros gressus attendere, sed ut cœci præcipites, hac illac palpitando, discurritis. Quid mirum, si nunc ad lapidem, nunc ad lignum offenditis. Illud plane mirabile est, quod culpas vestras in fonti tribuitis naturæ; quin etiam voluptas mira de mētē, equorū vos frementium turbis ingeritis, unde sæpè ferratorum calcium vestigia reportatis. Nonne tibi videtur, quod apud Ciceronē vni dicitur, penē

omnibus conuenire? Hęc mala, inquit, stultissime, tota ipse tibi addidisti. Sic est hercle. Nolite vos fallere, mala uestra, magna ex parte, vobis ipsi facitis, quæ postea deploretis. Tu si domi perstitisses, hoc est tecum, neque hanc forsan ægritudinem, neque harum querelarum materiam inuenisses. Vaga vita, & instabilis, quòd variis afficiatur incommodis, non iniustum est. *D. Tibiæ doloribus agitor. R. Si tu causam doloribus præbueris, gaude culpam plecti; si minus, exsortem culpæ animum solare. Et, si doles, molestiam adesse, at abesse culpā gaude. Vt cunque se res habeat, dolorum cuspidi, patientiæ clypeum oppone; perpetuum in omnia anxietate documentum, quo nulla vnquam medicina salubrior reperitur. D. Tibiæ doloribus prægrauatus sum. R. Consulent Medici, vt iaceas, nec te lecto moueas; haud ineptè illi quidem, vt post dānum facias, quod ante debueras. Ego autem de illorum consiliis nil amplius dicam, sed tu ipse, quā tiea sint pretij tuo disces impendio. Idem tamen consulam, quod medici, sed respectu alio: illi enim te iacentem fomentis adhibitis, instaurari posse facilius; opinantur; dum ad locum dolētem, nec spiritus adeò confluunt, nec humores, stanti confluerent, aut eanti. Ego te in tuo lectulo compositum, quicquid de salute corporea euenturum sit, sepositis interea curis omnibus, tranquillo tantisper accubitu mitigatis angoribus, de sepulchro aliquid cogitare, qualiter ue ibi sis iaciturus, & præsentis status tui conditionem metiri velim, mortemque ipsam antequam veniat, tam familiarem tibi efficere, vt non horreas venientem. Mors enim sola est, quæ possit mortale corpusculum, ab omni ægritudine, liberare.*

De

*Gaude, quòd cæcus non cernas crimina mundi;
Fac animi posthac luminibus videas.*

D O L.

Oculos perdidi. P. O quot simul vitæ fastidia perdidisti, quot fœda spectaculorum ludibria non videbis! D. Amisi oculos. R. A. Frontis fortasse, non pectoris: hi, se superant, bene habet, salua res est. D. Cæcus sum. P. Non videbis Solem amplius, sed vidisti, & qualis sit, animo tenes; aut si non vidisti, ut in parte fors durior, sic de siderium ieuus ignotæ rei. D. Oculis carco. R. Cælum, terramque non aspicias, sed cæli terræque dominum spectandi facultas non eripitur. Multum illa clariore est visio. D. Cæcitate perpetua damnatus sum. R. A. Non videbis ammodo frondosas valles, aëreos montes, floreat cespites, umbrifos specus, lucidos fontes, vaga flumina, prata virentia, quodque pulcherrimum visu dicunt humanioris effigiem. Sed nec cœni cumulos, nec undantes cloacas, nec laniata cadauera, & quicquid aspectu fœdo stomachum lædit. D. Oculorum luce priuatus sum. R. A. Ut malo huic nil aliud boni insit, quàm quòd hos ludos enormium, penitusque deformium habituum non spectabis, optanda cæcitas, quam, etsi optabilem fuisse saepe olim fatear, & quæ vnquam nego: quandoquidem spes fugæ nulla est; quocunque terrarum verteris, par insanix regnum, par virtutis exilium: hoc in statu perdidisse oculos, fugæ, & solatii genus est. P. Visum perdididi. R. Et fœminei vultus aspectum. Gaude igitur; clausæ, vnde mors intrabat, sunt fenestre, multisque vitiis obstructum iter: auaritia, gula,

luxuria, pestesque alia, suos ministros, ac satellites
amifere; quantum animæ tuæ hostibus demptum
est, tantum accreuisse tibi credito. *D.* Perdidit oculos.
R. Perdidisti duces malos, qui in præcipitium
te ducebant. Mirum dictu; sæpè quidem lucidissi-
ma pars corporis, totam animam in tenebras tra-
hit: iam vocantem ad meliora spiritum sequi inci-
pe, & veritati præbe aures clamanti. Nolite quære
re, quæ videntur. Quæ enim videntur, temporalia
sunt quæ autem non videntur, æterna. *D.* Lumini-
bus careo. *R.* Culpis tu careres plurimis, si his per-
petuo caruisses: nunc venturis malis occurrant,
virtus, ac cœcitas; præterita deleant, dolo, ac pœ-
nitentia; neu lugeas cœcitatem, mentis oculos a-
perturam; lugendum forsitan, quod dilata est. *D.*
Lumen oculorum perdidit. *R.* Lumen animæ ve-
rum serua. Solent, qui alterum oculum amiserunt
[vt aiunt] acutiùs videre. Id si ita est, quid rear, nisi
vt duobus perditis duobus aliis acutissimè videas?
& tuum facias illud Tyresia cæci vatis, sed famosè

*Obruit ora Deus, totamque in pectore lucem
Detulit.*

Infelicem te, vereque cœcum, & prorsus exocu-
latum, si hanc etiam perdidisti; quod, vt suspicer,
tuæ, si pergis, facient querelæ: perditur nempe fle-
biliùs, quod vnicum est, habenti. *D.* Oculos
mei capitis perdidit. *R. A.* Purga igitur, & ab-
sterge, quos non perdas, & externis pereuntibus,
ad interna reflectere. Illic, mihi crede, non in ocu-
lis, habitat felicitas illa quam quæritis. *D.* Lumen
oculis non video. *R. A.* Disce vel in tenebris gau-
dere. An tibi Antipatri Philosophi responsum
excidit, lasciuū fortasse, sed proprium? cuius cœ-
citas.

citatem, cum amicæ mulierculæ deplorarent, iocans, Nulla ne inquit, vobis videtur voluptas esse nocturna. Facetè ille quidem, breuiterque. Multa enim sunt in obscuro gaudia, sicut & in luce, dolor multus. Ego autem tibi honesti solitus hortator sum. *D.* Amissos oculos queror. *R.* Si vsurus malè, gaudendum potius prærepta tibi nequitia instrumenta. Sin bene, nec sic quidem est, quod doleas: rem decoram visu, sed pietati ac sancto proposito minimè necessariam amisisti, non membra sed animum quarit Deus. Purum illi totumque ei offer, quem, ubi acceperit, quicquid est reliqui, acceptum feret, nil retinuit, qui animam dedit. *DO.* Corporeos amisi oculos. *R.* Si ad cælum niteris, consolare te cum Didymo, quem cœcum ab infantia, inque hac cœcitate vsque ad exitum, summo virtutum exercitio insignem, sacer Antonius senem visens, nihil moueri debere, ait, eò quòd oculos amisisset, communes sibi cum muscis, & muribus, & lacertis, sed gaudere, quòd oculi, communes illi cum angelis, salui essent. Antonianum verè, cœlestisque magistri discipulo dignum verbum. Sin ad liberalium studiorum decus aspiras. Homerum, ac Democritum contemplare, quorum alter [vt fama est] dum mira illa, ac diuina dictaret, oculis non videbat, animo lynceus. Alter sibi oculos eruit, ne videret multa, quæ, vt ipse arbitrabatur, veri visus aciem impedirent: cuius factum, quàm vel laude, vel vituperio dignum fuerit, non disputo, sed inuenit imitatores. Quòd si picturam fortè, sculpturamue Apellis, aut Phydiaæ artem tibi mente delegeras: amisisset te aliquid, non negem, nisi hoc ipsum lucrum est. ab incepto humili tractum, cogi altius. *D.* Cœcitate inops, & inutilis sum.

R. Quid te ipsum, cœce, deseris? Nam Tyresias, de quo supra diximus, cœcus visu, vaticiniis clarus fuit. Et Diodorus Stoicus, familiaritate Ciceronis, quàm secta notior sua, visum perditum, auditus solatio leniebat; cum ei, ut Cicero ibidem ait, libri per noctes, & dies legerentur: quibus in studiis oculis non egebat. Hic & philosophiæ simul, & fidibus: quodque sine oculis fieri posse, vix crederes, geometricis quoque descriptionibus operam dabat; & alienis manibus lineas protrahi iubens suo de illis ingenio differebat. Caius Drusus absq. oculis, sed iuris ciuilibus notitia tanta fuit, ut domus eius, consultorum frequentia, quotidie repleretur. Et videbant illi, qua iretur ad forum, rectius; quàm iretur ad causæ victoriam, non videbant; atque ideò cœci ducis patrocinium implorabant. Sed clarissimus omnium, quos famulos cœcitas habuit, Appius Claudius, & re cœcus, & nomine: qui cœcitate pressus, ac senio, non priuatim modò consiliis à populo moscebatur, quisquis in iure, vel in factò scrupulus incidisset; sed auctoritate, ac sententia senatum regebat, vniuersamq; Rempub. gubernabat. Tu confestim. vno destitutus sensu. reliquos omnes atque insuper mentem ipsam abiicis, haud aliter, quam qui vnusdamni levis impatientia, & vitam, & vitæ instrumenta proiiciunt, desperatione præcipiti. D. Cœcus sum, nec, quò pergam, video. R. At dux tuus videt; siue is est animus, siue vnus aliquis, ex more, cœci gressum dirigens; cuius ductu, non modò rectum iter inuenias, sed ad contemptum vitæ, nobile, & præclaræ virtutis actus ultimos, ad fastigia summa peruenias: neque, nisi vis animi defuerit, generosum facinus lux amissa præpediet. Meministi, quid sacris Sanson in literis; quid ciuili bello, apud

apud Lucanum. Massilia Tyrrenus agat in æquo-
re; de quo quidem, si poetica tuba minus est fidei,
illud certius, atque recentius recordare, quod a ta-
re gestum tua, videre oculis potuisti. Ut Ioannes
Rex Bohemus, duorum sine medio, Romanorum
principum, alterius filius, alterius pater, oculis
semper infirmus, multos ad extremum annos cœ-
cus, bello hoc, quod inter Gallum, cui ille fauit, ac
Britannum regem sex iam lustris agitur; dum pu-
gna illa omnium asperrima, cui ambo reges inter-
erant, inclinare fortunam suæ partis intelligeret,
duces suos clara voce compellans: Dirigite me, in-
quit, ocyus in eam partem, ubi rex hostium est, at-
que omne robur exercitus sui; quod cum mœsti,
ac trepidi fecissent, ille equo stimulis adacto, eò
se præcipitem dedit. quò spectare alij, cœcumque
oculis prosequi vix audebant, ubi confertissima
hostium in acie, non fortiter modò, sed horrificè
pugnans ruit, ipsis mirantibus, & laudantibus, qui
vincebant. Rem narro notam omnibus; sed, nisi
mandata sit literis, obliuione perituram: & quid,
oro gloriæ viri fortis obfuit, visu caruisse? nisi ut
quem virtus, & natura mirabilem fecerant, stupē-
dum cœcitas faceret. D. Cœcus sum. R. Iocari inci-
piam, ni desistas queri. Nam quid aliud, si vires at-
tulisse tibi cœcitas quivit, quàm, quod de se ipsa
cœcuse effectus Asclepiades ait: vno, scilicet, ut pue-
ro comitator gradiare.

De Audituperdito. D I A L. X C V I I.

Denegat auditus voces audire Sonoras,

Nec dictu, quæ sunt turpia, percipies.

D O L.

Perdidi auditum. R. Iter ecce aliud tædio
præclusum est. Multa oculis, multa auribus

hauriuntur tædia , multa utrobique calle fastidia in animum penetrant ; quibus evitandis , ex æquo penè optabiles videantur cœcitas , surditasque : habent tamen hæ suas incommoditates, ut reliqua ferè cuncta mortalium , amarumque aliquid, non nego , sed patientia mollius , ac virtuti impar. Vbi quænam sit has inter, proportio incommodorum , haud faciliè dixerim ; nisi quòd illa periculosior, ista ridiculosior. Nam quodammodo amentes , videri solent , qui surda stri sunt : cœci verò magis miseri iudicantur. Itaque surdos risu , cœcos miseratione prosequimur. Sapiens utrumque contemnit ; nec quid aliis videatur, æstimat, sed quid sit. *D.* Auditum perdidisti. *R. A.* Adulantium iam susurros , atque obtreptantium iurgia euasisti : diuersimodum, sed par malum ; nisi quod aliquantò virilius est iurgiis, quam blanditiis adhibere aures. Illis namque medicamentū aliquando, his venenū inest semper. Illud ergo sæpè mordendo sanat, hoc mulcendo inquinat ; atque ita peior est falsus amor, vero odio. *D.* Amisi auditum. *R. A.* Iam quod ars Vlyssi præstitisse fertur , tibi iam vel natura præstitit, vel casus aliquis, ut Sirenium cantus , surda tutus aure pertranseas. Felicem te si æstimas, quod inde pericula penetrare in animum potuissent ; quotque olim inde mendacia , quot errores, quot demum molestiæ subiere. *D.* Auditum amisi. *R. A.* Philomenam credo, vel citharam tibiaque nō audies ; sed nec rudentes itidem asellos , nec grunientes sues , nec ululantes lupos , nec latrantes canes , nec sæuientes vrsos , nec rugientes audies leones , nec gementes pueros , nec altercantes uiculas. Nec postremo, his omnib. grauiores undique personantes, stultorum risus ineptissimos,

& in-

& inconditos fletus, & confusas voces, quo nullus vsquam sonus inamoenior. *D.* Auditum careo. *R.* Multiplicibus ereptus es fraudibus. Nulla re crebrius falluntur homines, quàm verbis. Nihil huic periculi est surdo. *D.* Obtorpueſceſcaures mihi. *R. A.* Periculosa pars corporis, præcipueque principibus, qui per illam adulatorum flatibus tumefacti, sæpè cum populorum risu, suaque pernicië crepuere. *D.* Auditus hebet. *R. A.* Si cum aliis loqui prohibitum est tecum loquere Cicero niani memor illius: Qui secum loqui potest, sermonem alterius non requirit; quamuis & colloqui surdo quoque permissum, legendo scilicet, scribendoque, cum antiquis nempe loquitur, qui legit; at cum posteris, qui scribit: ad hæc, celestis philosophiæ libros, & qui legit, Deum audit, & qui orat, alloquitur. In hoc quidem gemino colloquio, nec lingua, nec auribus opus est, sed oculis, digitisque, ac deuoto animo. Et hic igitur, ut in multis, nostri consilium Ciceronis amplectemur, ut sicut cæcus aurium, sic se surdus oculorum subsidio conſoletur. Tu proinde si audire homines non potes; scriptos ab hominibus libros lege, & legendos ab hominibus libros scribe. Cælum præterea, ac terras, & maria respice, horumque omnium authorem in silentio contemplant. Nil ad hoc surditas ista nocuerit, multum fortasse profuerit. *D.* Auditus me destituit. *R.* Quibus tonis aut numeris, aut diapente constet, aut diapason; quibusve proportionibus aliæ, quæ tractantur à musicis, noscè, vel surdus potest. Et quamuis humanæ vocis, fidiumque, vel organi modos, auribus non audiat; si tamen causas animo tenet, delectationem intellectus, haud dubiè, præferet aurium voluptati. Finge, & hos ipsos musicos numeros

furdo ignotos, modò virtutis numeri noti sint seque in illis exerceat, bene est. Nil hic quoque fardus nocet. Melius enim multò est, bonum fieri, quàm doctum; etsi abundè doctus, ac sapiens sit, quisquis abundè bonus est: at qui malus, idem, & insipiens, & indoctus; omnium licet quæ sub cælo sunt, eruditissimus literarum. *D.* Auditus elanguit. *R.* Bene, quòd hoc tibi non prius accidit, quàm fidem, quæ auditu maximè constat, acciperes: illam habens, quid quereris? seu quid quæris? Si hominum cantus aut volucrum non percipis, cantibus cor intende celestibus, internamque autem Deo applica. *D.* Non audio. *R.* At cogita, & dic tibi: Si non audio, quid, seu ad me, seu de me homines loquantur; audiam, quid loquatur in me dominus Deus. Illi enim sæpè bellū, hic loquitur pacē semper. *D.* Nil penitus audio. *R.* Multi silentium appetentes longis peregrinationibus fatigati sunt, ut aliquibus abditis & semotis in locis, quod cuperēt, inuenirent. Tu, quod ab aliis operosè quæritur, ubi liber, tecum habes: discè iam bono tuo uti: & transacti memor strepitus, veterumque tumultuum tandem incipe silentio delectari.

De Tadio Vite DIAL. XCVIII.

*Quos vita tædet, sperando vivere discent.
Lectis scripta, talo, tadia in ista sugant.*

D O L.

Vitæ me tadium ingens tenet. *R. A.* Ex promissis ortum malum, quo nescio, an vix aliud periculosius: quippe molestissimum per se, desperationi quoque contiguum, atque ad illam via est; pro quo nominatim institutum est, ve-

vestris in templis, auxilium implorare feliciū animarum. quæ terrenis tædiis, vinculisque corporeis resolutæ, cœlestibus perfruuntur gaudiis, ac securitate mentis æterna. *D.* Multa me vndique vitæ tædia circundant. *R.* Propellenda tædia cogitationibus lætis, ac spe bona, & amicorum solatio, & librorum, & delectationum honestarum alterna varietate, atque exercitiis iucundis: inertię fuga, sed imprimis patientia rerum, & longanimitate inuicta; neque vel præsentium odio, vel futuri desiderio; nec metu denique, nec spe vlla anticipandus vitæ finis, quod stulti quidam, ac miseri fecerunt; qui dum paupertatem, vitæque tædia ac labores temporales fugiunt, in æternos incidunt. Sine Cicerone n. nostrum loqui mortem Catonis huius vltimi, suis in libris officialibus, excusantem. Sine loqui Senecam, & hanc ipsam miris laudibus celebrantem, & multis in locis disputantem, certis ex causis arcessendam manu mortem: verior altera multoque melior Ciceronianâ sententiâ; qua & tibi, & piis omnibus retinendus est animus in custodia corporis, nec iniussu eius, à quo ille vobis est datus, ex hominum vita migrandum, ne scilicet assignatum munus diffugisse videamini, quin, & illud è cœlo tibi etiam dictum crede: Nisi te Deus is, cuius est templum hoc omne, quod aspicias, istis te corporis custodiis liberaverit, huc tibi aditus patere non potest: & ad si mam, caue, ne aut vlllo vnquam vitæ tædio ita mortem cogites, vt occupare illam tibi licitum putes; aut vlllo gaudio ita non cogites, vt incautum illa animum improvisa deiiciat.

*Grapula vitetur, moderate sumito carbas,
Sic crassum tenui ventre leuabit onus.*

D O L.

Grauis sum corpore. *R.* Queri posses, si, ut volucris ad volatum, non ut vir ad virtutē, natus esses. *D.* Graue corpus, & inhabile est. *R. A.* Hanc querelam Roscio dimitte, atque Æsopo. Tu, si vel per arctum circulum flecti, vel per funem aëreum labi nequis, quid ad rem? Ito cum viris bonis gressu sobrio. Gestus, ac saltus histrionum sunt. Sapientem, ut in actibus, utque in verbis, sic in incessu grauitas decet, atque modestia. *D.* Graui corpore sum. *R.* Hæc grauedo vna comitum senectutis esse solet, ne qui illam amiserit, hanc excludat, quamuis interdum non ætatis, sed naturæ comes inueniatur. Vnde fit, ut & iuuenes graues, & seniculos agiles videamus. Cæterum, & graui sub corpore, sæpè animus leuis, & sub leui grauis habitat; corporis tamen, atque animi proportio quædam, parilitasque si obuenerit, haud spernenda est. *D.* Moles corporis ingens est. *R.* Non minor, quamuis inuisibilis animi moles, & constantia: hanc illi obiece, nihil graue erit. *D.* Mole corporea demergor. *R. A. T.* Agilitate mentis emerge, & illam extenuare, ac discutere laborando stude: circumcundo res multas, & difficiles agendo, exercitio mentis, & corporis exilio voluptatam, pelle otia, arcesse negotia, sperne libidines, odi inertiam, curas ama, molliciem abice, sectare duriciem, asperis delectare; cibo, potu, acubitu, sessione, intentione perpetua, somno breui, ac sollicito. *D.* Mole corporea laboro. *R.* Alius con-
trario.

trario, alius alio laborat. Nullius sine labore vita agitur; sed quisquis suum nouit, alienum vel despicit, vel ignorat. *D.* Multum corporeæ molis excreuit. *R. A.* Si hominis nomen, quod mortale est animal, ab humo dicitur, sic maximè homo erit, multa humo obfitus: non potest tamen sic cælestem naturam, terrestris obruere: quin assurgat; nisi se surdam virtuti, & male suadenti credulam præbeat voluptati. *D.* Graue corpus animam premit. *R.* Ipsum collige animum, & enormem sarcinam: magno nisi perferat, ac cogita sepe cœlestia ingenia, ex hoc fasce corporeæ molis erumpere, & miram ad altitudinem peruenire. *C.* Corporis onere prægrauor. *V.* Etsi vinci nequeat natura, omni tamen studio enitere, vt indies & viribus tuis accedat aliquid, & sarcinæ detrahatur.

De Graui Ingenij tarditate. D I A L. C.

*Obtusum ingenium studiis mollescet, & arte,
Omnia cura frequens vincit, & ipse labor.*

D O L.

AT graui duroque sum ingenio. *R.* Graue do molestior, sed hæc quoque minuitur, si diligenter intenderis. *D.* At pigro, obtusoque sum ingenio. *R. A.* Quid tu igitur, huic morbo indignatione, an lamentis succurrendum putas? Longè alio remedio res eget, non est indulgendum somno, non libidini, non cibo, non vino, non inanibus fabulis, non captandæ excusationum causæ, & reflexa in naturam culpa inertix succumbendum; sed vigilandum, cogitandum, suspirandum, anhelandum, enitendum, assurgendum, inciranda vis animi excutiendus torpor, propellenda segnities, abstinendum volu-

P. ij.

ptatibus, incumbendum studiis. Nil tam graue,
quod non leuet; nil tam durum, quod non leniat,
nil tam obtusum, quod non acuat; nil tam pigrum,
quod non vrgeat; nil denique tam defossum,
támque obstrusum, quod non eruat: tam sopitum
quod non excitet intentio. *D.* Ingenio tardo
sum. *R. A.* Qui velocitatem ingenij, laudem di-
cunt, tarditatem dicturos infamiam, certè scio.
Malim tamen ingenium tardum, ac modestum,
quàm velox, & præruptum. Nam vt inde non in-
signis gloriæ, nec spes operum magnorum; ita
hinc errorum grauium, & turpis ignominia me-
tus est; tolerabilius autem multò est, fieri inglo-
rium, quàm infamem. *D.* Ingenio segni sum.
R. Quod equis segnibus fieri solet stimulos ad-
hibe; non hinc tibi corporis excusatio, sed labo-
ris occasio data est. Sunt, qui statim quod non vl-
trò prouenerit, deferendum putent; at tu preme,
insta, contende. Generosum animum difficultas
erigit, alit labor, illic maximè nititur, idque plu-
ris æstimat, vbi resistentia plus inuenerit. Factum
studio ingeniosum Socratem legis, disertumque
Demosthenem: & quàm multis idem accidit, sin-
gulare quidem nomen, pauci occupant. Rarior
est fama; quàm meritum. *D.* Ingenio hebes-
sum. *R.* Non tibi profectus ideò spes erepta,
sed industriæ inuenta necessitas. Gloriosius au-
tem tantò est, studio prouehi, quàm natura; quan-
tò satius proposito loqui, boni aliquid agere,
quàm casu. *D.* Ingenio tardo prorsus, & inuali-
do sum. *R.* Si litteris non potes, at virtuti stu-
de. Nemo non ad illam satis ingeniosus, vbi non
acumen quæritur, sed voluntas; ad quam quidam
litteras nil prodesse, alij obesse etiam opinati sunt:
ideoque desertis studiis in solitudines abire, &

eximiae illis scientiae loco fuit, ignorantia literarum; de quorum iudicio pronunciare difficile est. Idem[de quo constat]extremum accipe. Nemo te fallat, non te vulgi stupor, nec stultorum voces moneant. Maius, tutiusque est virtute quam literis clarum fieri. Itaque semper illud optabile saepe istud formidabile, res ostendit: quod si ad virtutem animi, literarum lux accesserit, tum demum consummatum quiddam atque perfectum est ea quidem, si qua in rebus humanis potest esse perfectio.

Le inopi, & infirma memoria, D I A L. C I.

*Prosperum nunc domui, comes est obliuio moris;
Colla libens subeat tarda senectus Deo.*

D O L.

Sed memoria inopi, & infirma sum. *R. A.* Est haec alia senectutis infamia haud verior, quam reliquae; sed ut vera sit huic quoque studij ope subuenias. *D.* Memoria labascit. *R.* Adeo, ne corruat; & labentem, iugi exercitatione sustenta. Fac, quod muro ruinam minanti; adhibere pagula opportunis locis, & fragilem erebris, ac validis adminiculis circunnulla. *D.* Memoria fluxa est. *R. A.* Diligentia & artificio illam stringe; cunctis ingenij, memoriaeque defectibus occurrit industria. Nil patitur industria perire nil minui. Haec est, quae philosophos, & poetas senes, virentissimo ingenio ac stilo; haec est, quae decrepitos oratores voce solida, validisque lateribus, ac tenaci memoria seruare potest: quod, nisi sic esset, nunquam Solon, & quotidie discens aliquid senesceret & supremum agens spiritum, ad colloquium assidentium amicorum, ex ipsa iam quasi morte confurgeret: non Chrysippus a-

cutissimum illud , ac profundissimum volumen
 coeptum iuueni, in extrema perficeret, senectute;
 non Homerus illa ætate diuinum, & scalette opus
 excuderet, non Simonides octuagesimo vitæ an-
 no in Pierium illud certamen, iuuenili feruore a-
 nimi, senili autem maturitate, descenderet: non
 quarto, & nonagesimo Isocrates ardens illud o-
 pus, ac mirabile: & propè centesimum Sophocles,
 tragici summum stili decus, suam compleret Oe-
 dipoden. Non octogenario maior Cato, nulla mu-
 tatione vocis, aut lucrum, nullo memoriæ lapsu,
 vel in graui se ipsum accusatione defenderet; vel
 clarissimos oratores vltro ipse ad iudicium euoca-
 ret. *D.* Infida memoria est. *R.* Noli, ergò illi fide-
 re; sæpè calculum secum pone; quicquid credide-
 ris, confestim exige; & quod cras facturus fueras,
 nunc facito. Non est tuta dilatio. Si ex malis, si
 quid boni potes, elice. Fides socij desidiæ parit,
 diligentiam perfidia. *D.* Memoria sum pene nulla.
R. Ea est rerum conditio humanarum, vt qui pau-
 ciora meminerit, minor illi fletum causa sit: vbi
 nec emendatio, nec pœnitentia utilis locum ha-
 bet, quid superest aliud, quàm obliuionis auxiliū?

De Eloquentia defectu. DIAL. CII.

*Inuidiam sermone paras, hominumque favorem.
 Prodest apta loqui, non tacuisse nocet.*

D O L.

E Loquium deest. *R.* Altero quærendi odij
 instrumento cares; naturæ beneficium agno-
 sce; quæ, vt magnum tibi in ancipites reos,
 sic in te paruum fortunæ ius eripuit: multi pro-
 pter eloquentiam periere; si hinc dubitas, v-
 triusque eloquij principes interroga. Nam mi-
 norum,

-norum, ob hanc, causa passim pereuntium plena
 sunt omnia. In quibus, idem ipse periculo, qui ex-
 cellentiæ, est proprior, ac notior fama. Sunt qui-
 bus obscurum nomen propugnaculum est salutis.
 Finge autem abesse periculum; disertis nunquam
 abest labor. Nihil est in rebus tam inane, pro quo
 tanti labores, tantæque vigiliæ ultro suscipiantur;
 flatus volatilis, sic exercet animum: solida quasi
 virtus in verbis. *D.* Eloquentiæ nihil est mihi.
R. A. Fortasse multum securitatis, quod non esset,
 si eloquentiæ multum esset, multorum quoque,
 in quibus & tuta forsitan ut vita, sic & tutior fa-
 ma erit. *D.* Nihil est eloquentiæ. *R.* Cura
 ut sapientiæ sit aliquid, ut innocentia, ut virtu-
 tis. Illa enim paucorum, hæc sunt omnium. Non
 te insignis poetarum non te maior oratorum ra-
 ritas trahat. Imò verò vide, ut subito dictum mu-
 tem; si te raritas allicit, hoc age; hæc ad illam itur
 via. Indignum quidem, ut nihil melius, sic nil ra-
 rius virtute. Eloquentia ipsa, quam paucorum di-
 xi, multò est crebrior, quam virtus; adeò, quod o-
 mnes possunt, omnes negligunt. Quod pauci pos-
 sunt, omnes appetunt, omnes expeririuntur. *D.* Ver-
 borum inops sum. *R. A.* Rebus intende animum.
 In verbis enim flatus, & labor, & eloquium; in
 rebus quies, virtus, ac felicitas. *D.* Loqui nescio.
R. Multi, quæ minus sciunt, magis agere gestiunt.
 Equitandi inscium, equo impone; vix illum inde
 diuulseris; te loquendi ignarum, saltem pudor ad
 tacendum cogat; &, si loqui nescis, quod alij au-
 diant, discere loquentes alios audire. Non est mi-
 nus artificium tacere, quam loqui; cum sit tutius,
 atque facilius. *D.* Non possum exprimere, quod
 in corde est. *R. A.* Si intellectu polles, magnisque
 & altis, qui in animo sunt, sensibus: iucunda vox,

& volubilis lingua non suppetit, quiesce. Noli quod infeliciter succedit, retentare. Quid ergo? bono tuo non tantum æquanimiter, sed lætè utere. Alienum linque aliis, neu linguam, stilumque superuacuo atteras. Sine, inquam, loqui alios, tu intellige: cum secretior, tum maior ex ingenio voluptas, quàm ex eloquio percipitur; magisque continua; & plus quietis, & invidia minus habens. D. Coram multis loqui, pudor impedit. R. Magnis hoc viris accidisse notum est; frontis imbecillitate, non vitio linguæ, vel ingenij; quod, si cum multis, refugis, at cum paucis, at cum vno loquere: ut clariores fatear conciones, dulciora eloquia non negabis: si ne id ipsum potes, ad te redi, tecum loquere, quod iam supra monui, tuumque domesticum collocutorem excita. Semper ille quidem præstò est non insidiatur, non irridet, non invidet, non fastidit, non exactam, atque laboriosam quærit eloquentiam, confabulationibus gaudet familiaribus, interruptisque sermunculis, quia & multa sæpè loquenti silentio acquiescit. Disce tu, illo teste, contentus esse, qui non qualiter, sed quid dicas, seu potius dicere velis, attendit. Disce tibi theatrum honestissimum medio peccatoris extruere. Disce non hominum, sed veritatis applausum optare, & aliquando sine strepitu gaudere, contemnâtque modestia, quem perfecta nonnunquam extinguit eloquentia. Disce denique non ad pompam loqui, quæ vix maius malum vita hominum habet. D. Blæsi oris sum. R. Fles ne aliquid tibi commune cum Mòyse, tali viro, & tam Dei amico? Atqui seu antiqua repetis, seu moderna circumspicis, ut multi occurrent blæsi viri optimi, multique disertissimi scelerati sic perrari, quibus vtrumque contigerit, singularis e-

lo-

loquentia, & excellens virtus.

De Amissione Linguae, & Loquela. D I A L. C I I I.

Ingentes pecudes atque efferæ monstra domantur;

Exiguum membrum nemo domare potest.

D O L.

Quid quòd linguam, & loquelam perdidisti? Quid si securitatem, & requiem inveniisti? quàm multos manu innoxios, lingua perfundedit? est voluptas stulta quidem, sed communis volentium videri fecisse, quæ non faciunt, nec possunt. Mentitus est qui Israëliticum regem; filiumque eius occidisse se dixit; & facti innocens mendacii pœnam luit. Ut periculum cesset, quantus est labor loqui, respondere, fabulari, fingere, comere verba, sententias librare, cogitare quid, & qualiter dicas, quàmque suauiter aërem verberes [ita enim vocem ipsam diffiniunt] qualiter quoque non linguam modò, sed reliquum corpus moueas. Nam & huic se porrigit pars vna rhetoricæ: qualiter meditabundus humi frontem defigas, quam, quorsumve manum porrigas, quò terram ferias pede; an non satis hæc operosa concinnitas, & prærepta penè musicis opera, ut dalciter sones, angere; an non verè loqui labor, & silentium quies? *D.* Nullatenus loqui possum. *R.* Quæ, de deficiente eloquentia dicebam, multò dignius perdita repetuntur lingua. Quando igitur loqui nequis, tace, & quod necessitas iubet, volens facito. Quid ipsi, qui loqui possunt, sæpè utiliùs facerent; sæpè dolent, non fecisse. Tace, inquam, ne te damnum pati putes, tacens cogita, & quiescens tecum loquere; quæ meliora esse, quàm perorare, ne disertis quidem

negent. *D.* Mutus factus sum. *R.* Si muti fuissent Cicero, & Demosthenes, diutius vixissent & levius obissent. *D.* Linguae usum omnem perdidit. *R.* Et mentiendi consuetudinem, & fallendi artes, & inimicitiarum, quarendaeque infamiae instrumentum. Plures enim lingua sunt, quam factis infames. Nulla pars corporis ad nocendum promptior, ad frenandum difficilior. Merito ergo quasi magnum aliquid, atque rerum protulit ille qui dixit: Custodiam vias meas, ne delinquam in lingua mea. Quod cum sanctus quidam vir qui ad discendum sacras literas accesserat, audiuiisset; abisse dicitur, nec amplius audire voluisse. Cumque post longum tempus praeceptor suus, illum admirans, sciscitaretur, quid tam diu absens, coeptum opus omisisset; respondisse dicitur; quod primum illud ei verbum fac, superque negotij attulisset, nec dum illud vnum omni studio posset implere: hanc tibi custodiam, & hoc frenum, seu à natura quidem, seu à fortuna oblatum, ne contempseris, libensque te regendum praebe, ne contra tuam sortem calcitres. *D.* Linguam amisi. *R.* Nunc maximè, quod sapiens iubet, omni custodia serva cor tuum, è duabus custodiis ad unam reductus; & dimidia laboris parte liberatus, facilius pauca custodies, & preciosa vigilantius. *D.* Linguam perdidit. *R.* In quibusdam paucis, nobile, & argutum membrum; in magna autem parte hominum, nocens, atque pestiferum, & quo multis caruisse sit melius. Sic non solum in seruo verum cernitur, quod Satyricus ait:

Lingua mali pars pessima servi:

sed in plerisque etiam liberis, quibus nihil peius dedit natura, quam linguam. Bella, doli, adulteria, corruptelaque omnes penè cessarent, nisi lingua

malum semen, & spargeret & foueret *D.* Linguam perdidisti. *R.* Si malum, lucratus es plurimum. Magnæ enim diuitiæ sunt, esse inopem malorū. Hæc, qui non habet, diues nascitur, at qui perdidit, diues fit, & nouo auctus censu, perdendo inuenit, quod inueniendo perdiderat. Quod si bonam perdidisti, dico iterum: Cor conserua, amisti quidem, quo placeres hominibus, serua quo placeas Deo. Cui si lingua non potes, corde loquere. Si enim de malis scriptum est: Labia dolosa in corde, & corde locuti sunt. Cur non piorum in corde pia labia esse; & ipsi corde etiam loqui possunt, vbi sint aures Dei? Verumque sit, quod alibi scribit idem? Non occultatum os meum a te, quod fecisti in occulto. Nulla enim secretissimarum quoque cogitationum abscondita est Deo, nec tactos minus, quàm clamantes audit. Imò non est apud illum clamor altior, vehementiorque, quàm cordis clamor, ille silentio delectatur. Hunc clamorem, compressis labiis, promebat ille gregis primum, postmodum populi pastor famosissimus, qui audire meruit vocem Dei, dicentis sibi: quid clamas ad me? non loquebatur, & clamabat, imò quidem loquebatur, sed corde. Sicut autem, qui Deum audit, surdus non est: sic quem Deus audit, non est mutus.

De Virtutis inopia. D I A L. C I V.

*Virtutum dator est solus Deus, hunc pete; nulli,
Quisquis opem poscet, denegat ille suam.*

D O L.

AT virtutis inops sum. *R.* Verum damnum, iustus dolor; nisi, quòd alix omnes inopiæ naturales, aut fortuitæ, ac violētę esse pos-

sunt; hæc vna proculdubio voluntaria est. Cætera enim, vel in corpore, vel ingenio, memoriâque, vel eloquio, seu vel externis in rebus sunt: quæ quidem omnia, non qualia exoptantur, obueniunt, sed qualia cuiuscunque sors tulerit; hæc vna autem in voluntate consistit, quam pro arbitrio sibi quisque moderatur, atque efficit. Neque verò alia potest homini voluntas esse, nisi quam vultis, cuius illa est, qua & hoc ipsum vult, & quæcunque vult alia. Alioqui, si, ut virium, utque ingenij, siue eloquij, siue opum defectus, inuito accidit: sic accideret voluntatis; nec præmio digna virtus, nec supplicio digna esset iniquitas. Nunc autem non voluntas vobis hæc, aut illa, sed huius, atque illius electio ac libertas nascentibus data est; quæ in bonum flexa, bonos facit; in aduersum malos; uti licet hæc, ut libet; & si ut libet, bene uti libeat: haud dubiè Dei donum: ut malè autem, peruersitas sit volentis: illud penitus non licet: ut non & voluntas bona virtutis & mala vitij radix sit: atque ita virtutis inopiam non patitur, nisi qui vult: quoniam prima, & maxima pars virtutis est, velle. *D.* Quid quòd virtutem volo, nec assequor. *R.* Multi se id putant velle, quod nolunt; id nolunt, quod volunt: sic quisque se fallit, seque boni auidum non modò aliis, sed sibi etià persuadere nititur: nec cuiquam faciliùs persuadet, quàm delectabilis vera virtus, falsa virtutis opinio sic delectat, ut populum, & amicos fallere, & falli in super dulce sit. *D.* Scio me velle, nec posse id eò bonum fieri. *R.* Ut sit ita, velle non sufficit, desiderio opus est, eoque non modico, sed vehementi. Vos autem mala vestra feruentissimè cupitis, bona vultis tepidissimè, unde fit, ut diuites multi sint; boni autem paucissimi. Nam quid miri est,

est, si citius ad optatum ardens intentio, quam voluntas lenta prouehitur? *D.* Vellem bonus esse, si possem. *R. A.* Stude, nam poteris, & si bona fide vis esse, iam incipe; sed segniciem vita. Si enim minima rerum non habentur gratis, quid de virtute speres. qua nil in rebus hominum maius est. nil altius? Non tu illam quasi diuerticulum curarum, sed vt rectum, atque vnicum iter ad felicitatem cogita. Vaca illi, & insiste summo nisu, totoque animi pondere: neque vero temporis particulam, vt iucundo cuidam exercitio, sed vt ordinario vitæ officio, quod te beatum, & nullius egentem rei faciet, vniuersum tempus, omne studium impende, quod rebus sæpè viliissimis impendisti, & ad memoriam refer illud sanum, magisque efficax, quam comptum verbum Marci Varronis, ex Satyrarum eius libro: Si quantum operæ sumpisti, inquit, vt tuus pistor bonum faceret panem, eius duodecimam philosophiæ dedisses, tempore bonus iam pridem esses factus; quod sic accipias velim, non vt terrenæ philosophiæ, quæ ex frequētatis actibus habitum spondet, cuius quantitas sit promissi fides, experti sciunt; sed cœlesti sapientiæ sospitatrici optimæ, suisque consiliis, atque auxiliis te virtutis, quæve per hanc quaeritur, salutis debitorem statuas, sentiasque pia confessione, grato animo quodque est scriptum. Nemo potest esse continens, nisi Deus det: & hoc ipsum erat sapientiæ, scire cuius esset hoc donum; tibi nominatim dictum credas, atque ad omnem virtutem intelligas referendum. *D.* Valde quidem, esse cupio, nec sum bonus. *R.* An valde cupias, res docebit. Intensæ volūtatis iudicium, perseverantia est, Siue autem gratuitum Dei donum virtus [& profecto eam largitor ille Sydereus ni-

si constanter optantibus, instantérque precantibus vix tribuit] siue tanta in re vllæ sunt, partes ingenij humani, & cùm intentione feruida res egeat tum & cōtinua eget, & diuturna. Nam quod studio quæritur, repentè non prouenit; sic quocunque te verteris, perseveranti opus est animo: omisiss ergò, neglectisq;e omnibus, hic incumbere, idque fiet alacrius, si memineras, semperque descriptum ante oculos habueris, ad hoc vnum, atque ad nihil aliud, te venisse in hanc terrenam habitationem, & hoc à te vnum exigi vt virtutum gradibus cælum petas; ita quicquid agis aliud, vel superuacuum, vel damnosum sit.

De Avaritia. DIALOG. CV.

Nomen avaritia si vnam amittere, fiet

Munificus, perdes nomen avaritia.

D O L.

Avaritiæ stimulis vrgeor. R. Bene ais, stimulis. Nam & quærendarum opum cupiditates, stimuli quidam; & quæsitæ opes, spinæ sunt. Ita enim illas vocat, qui mentiri nescit. Præclaræ verò diuitiæ, quæ & quærendæ torqueant, & quæsitæ. At si corpusculum, si naturam, si vitæ respicias breuitatē, videbis te frustra superuacuis curiæ angî, & paucorum egentem, multa desiderare. Insupérque dum quærendis inhias, parta non cernere, atque ita quodāmodo quærenda perdere, quo nihil est stultius. D. Multa quærendi vrgeor appetitu. R. Nec aduertis, quòd inter quærendum tempus, & vita, cui illa quærebātur elabatur. Sic mira perplexitas incidit. dum vita abundare videris, diuitiis indigetis: dūmque indigentia illa præterit, superuenit altera, & diuitiis abundātes, indigetis vita. Nō hæc ignorabat ille Sapiens, vbi lo-

loquitur de eo parsimonizante, qui dicit: Inueniam requiem mihi, & manducabo nunc de bonis meis solus; & nescit, quod tempus prætereat, & relinquit omnia aliis, & morietur. Et idem alibi: Qui acervat iniuste, aliis congregat, & in bonis illius alius luxuriabitur. O terribile dictum, sed commune, quotidieque se oculis ingerens, nec ideo proficiens in animis Avarorum. Idem rursus; Avaro, inquit, nihil est scelestius: & nihil est iniquius, quam amare pecunias. Et tu scias, quoniam vero omnia consonant, ut ait Aristoteles, ecce ut ecclesiastico Sapienti consonat: Sæcularis pecuniae, inquit Cicero fugienda cupiditas. Nihil est enim tam angusti animi, tamque parvi, quam amare diuitias.

De Invidia, & Livore. DIAL. CVI.

*Hic verè pius est, odium quæ vincit amore,
Invidus si se sibi, non alius oberit.*

D O L.

Inuideo. R. Superior affectus, ut bene tibi esset, optabat; hic, ut male sit aliis; tantò hic illo, & avaritia peior luor. Bene ergò Sapiens idem, de modo dicebam: Nequam, inquit, est oculus invidi, insatiabilis oculus cupidi. D. Invidia torqueor. R.

*Invidia Siculi non inuenere tyranni,
Mains tormentum:*

Flaccus ait. Idq; ad vestros tyrannos, pestilenti auro impellente, translatum est. D. Invidia crucior. R. Simul & peccas, & plecteris expedita iustitia. D. Felicitas vicini mihi parit invidiam. R. A. Credo hercle; nemo vestrum Regi Parthorum, aut Persarum invidet: ne illi quidem vobis: fuit quando vicissim inuidebatis, quia vicinitatem faciebat imperij magnitudo. Sed an non satis

est propriis malis angī, quæ tam multa sunt, nisi
& aliena bona nos crucient, vndique miseri, insa-
ni? *D.* Vicinis inuideo. *R. A.* Tritus mos; Inuidia
lippa est, longinqua non videt; vicinitas, atque
prosperitas, inuidiæ sunt parentes. *D.* Inuideo alic-
nis bonis. *R.* Si es inuidus, & pusillanimis sis o-
portet; omnibus ex vitiis, nullum pigrius inuidia;
alios in animos non ascendit. Nullum quoque mi-
serius. Itaque reliqua omnia bonum aliquod, li-
cet falsum, præsupponunt. Hæc solis malis pasci-
tur, & torquetur bonis; & quod aliis optat, iam si-
bi habet malum. Alexandri ergo Macedonis di-
ctum placet: Inuidos homines nil esse aliud, quam
tormenta seu tortores suos proprios: leuis adole-
scentis verbum graue.

De ira. DIALOG. CVII.

Ira pone modum, gremio stulti ira quiescit,

Iraus sensu cum ratione caret.

D O L.

Sed irascor. *R.* Ego aduersis opem polliceor,
non vitiis: non fortuita enim illa, sed volunta-
ria sunt, & in vestra potestate: quis te igitur co-
git irasci? *D.* Irascor offensus. *R.* Is fortasse, qui
offendisse te arguitur, se offensum abs te queri-
tur. Non tantum est offensarum, quantum insolentia.
D. Ira æstuo. *R.* Furis ergo,

Ira furor brevis est,

Inquit Flaccus: fit autem à plerisque mala con-
suetudine, & impatientia longus furor. Ennius
autem iram initium dixit infantiæ; cum pleris-
que nimis illam sequentibus, finis, & infantiæ sit,
& vitæ. Si quidem hæc etiam petitis, ut super-
bior, etsi sæpè alios, semper tamen ante alios,
possessorem suum torquet, & cruciat: ut
miser, vnde quibusdam videri potuerit, huic
nescio

nescio quid melle dulcius inesse: habet fortasse vltio dulce aliquid: efferum, inhumanum. Ita nihil, nisi amarum habet. *D.* Irascor ob iniurias. *R.* Vix iracundus vnquam adeo quisquam fuit, vt nulla re laceffit, irasceretur, nisi forte Cœlius senator, iracundissimus ille mortalium: qui clienti suo in omnibus sibi consentienti, atque omnia confidenti, irascens exclamauit: Dic aliquid contra, vt simus duo. Durum caput, qualiter tulisset iniurias qui obsequium non ferebat? *D.* Irascor, quia offendor. *R.* Hac in parte, vulgò plurimum erratur. Quaruntur causæ, finguntur offensæ, inque his ipsis, quæ veræ sunt causæ, iræ modus exceditur. In tribus peccatis, velum aliquod excusationis obtenditur; & est excusatio ipsa peccatum. Tu, quia non tibi vt Deo, paretur, irasceris; & tamen Deus ipse quotidie verbis, ac rebus offenditur; nec semper irascitur; vos omne verbulum casu elapsum ad iniuriam capitalem trahitis. Impatiens genus. *D.* Irascor sic meritis. *R.* Si de te quidem, inale; si de republica, modò non ira, sed iustitia illa sit, optimè. Et ad summam mordicus, vt dici solet, Ciceronianum illud est tenendum: Ira procul vt absit, cum qua nihil rectè fieri nihil consideratè potest. Iure ergò laudatur Archita Tarentini dictum, & Platonis amici sui factum; quorum primus, dum se studiis dedito, possessiones suas, culpa villici, destructas, aspiceret in eum versus: Sumerem, inquit, ex te debitas pœnas, nisi tibi iratus essem. Alter iratus seruo, non impunem dimisit, vt Architas, sed amico commisit, vt supplicium exigeret: veritus ne se iræ impetus; quo non deceret impelleret: hæc, horumque similia frenare iram debent, ne sequaces suos, vt solita est, in infamiam, clademque præcipiter.

*Corporis atque animi mors est impetio ventris.
Liberat à morbo sobrietas variu.*

D O L.

Gula vellicor. R. Dixi iam, his medemur, quæ inuitis accidunt. Nam quis sponte ægrotantibus medeatur? D. Gula sollicitor. . . Proprie id quidem. Nulla res tam vilis, tam sollicitos vos habet. Stupor, & pudor est cogitare, quo se humanum inclinât ingenium, ad maiora creatum, nisi respueret: Terrarum tractus, cælique, & maris abdita penetratis. Meditati estis tetia, & hamos, & viscum, & laqueos, & rapaces volucres imperio parere, & prædari vobis docuistis, ad nil aliud, nisi ut gulæ saties fiat: quam, non modo explendo, sed onerando, fatigatis; & angustum ventrem, varia arte laxatis, ac premitis obsequendo; cui aliquando utilior fames esset; utilissima verò sobrietas, & fœdo illi, ac misero saculo, simul in sylvis, & nubi- bus, & fluctibus pacem relinquens. Ita tamen eunt res. Hic est mos nobilium ante alios; hæ sunt artes, quæ liberales fuerant, mechanicæ euale- re; ipsique, qui bellorum duces, ac philosophi ac rectores urbium, ac patres patriæ, esse solent. Venatores, atque aucupes facti sunt; utque intelligas nullam esse reliquā spem salutis. Nobilitati tribuitur, quod est gulæ, aut proculdubio vanitatis. Hoc malum nullo melius modo, quàm generosa quadam indignatione, & rei ipsius æstimatione contunditur, vel sensim, ut Ciceroni placuit; vel repentè, ut Aristoteli visum est. Multum confert cogitatio exitus; quod cum omnibus vitiis sit commune, tamen huic proprium, atque.

*Emollit vires ignaviae socordia mentis,
Pellunt torporem cura, labor, studium.*

D O L.

Torpeo in agendis. R. Quis miretur, si post
gulae studium, prae-grauiumque corpuscu-
lum, animi torpor obrepit? D. Animigra-
uor torpore. R. Torpor hic ex imperfecta volunta-
te oritur: mox ut bonum velle coeperis, ardor erit,
atq; impetus; qui cum ad multa sit pessimus, est o-
ptimus ad virtutem. D. Torpeo, & ad bona opera
lentus assurgo. R. Est torpor quidam animis oblitus,
nec minus ardor quidam generosa pars animae; sed
& hic ardor accenditur, & ille torpor excutitur. fu-
ga temporis intellecta, quae tanta est, ut vix metiri
eam, quamuis celer animus, possit: & specie virtu-
tis adamata, quae talis est, ut si corporeis oculis cer-
ni posset [quod vult Plato] mirum sui amorem pa-
ritura esset. Hinc te amor igitur, illinc metus exci-
tet; utraq. res in somnis: neque qui amat enim, neq;
qui metuit, torpere solet, & tamen hoc ipsum, ne
torpor, soporq. e vos noxius premat. ad diuinas
laudes surgentes nocte praeparamini: non est somno
locus, aut inertiae, ubi vos hinc mors territat, hinc
honestas allicit. Quis enim inter magna pericu-
la, magnaue praemia consopitur? ubi ad ista re-
spexeris, redibit vigor ad animum, fugiet som-
nus ab oculis cogitantis, quantum nunc etiam
superest imperfecti, quantum transierit ociosi;
quod, quia non fit. longas aetates inutiles efflu-
xisse, conspiciamus; & senes attonitos ac stupentes
dicere: Quid hic, in tot annis, egimus? Come-
dimus, bibimus, dormiuimus; sero tandem ex-

perrecti sumus, cuius mali præcipua causa est torpor ille quem quæreris; abigendus in tempore stimulis industria, freno providentia, ne cunctando, ad inglorium finem, cum multitudine rapiaris.

De Luxuria. D I A L. 6 X.

*Ocia si tollas, periere cupidina arcus,
Contenti placuerunt, & sine luce, facies.*

D O L.

AEstu quatuor libidinum. *R.* Atqui libidinem torpor gignit: gula autem illam parit. Quid mirum igitur, filiam post parentes sequi gulam certè & luxuriam, communes vobis esse cum belluis, maximeque bestialem vitam vestram facere, sapiētibus visum est. Itaque cum sint alia grauiora mala, nullum vilius. *D.* Libidine raptior. *R.* Quo nam verò, nisi ad mortem animæ, & corporis, & infamem notam, seramque poenitentiam, & fortasse inutilem? I nunc igitur, & raptantem sequere, quæ te tales raptet ad exitus. Cogita autem innumerabilium casus miserabile, ac famosus non modò singularium hominum, sed vrbiū, & regnorum, qui tibi partim visu, partim auditu, & maxime lectione debent esse notissimi; raptanti nequaquam, ut arbitror, manum dabis. Audi enim, quid hinc doctissimi viri senserint, ac scripserint: Voluptates, ait Cicero, blandissimæ dominæ, maiores partes animi à virtute detorquent. In hoc, inquit Seneca, nos complectuntur, ut frangulent: non aliter ergò, quàm latrunculi viatoribus insidiantes, eosque seducetes, ac per mētes, decipiendæ sunt. In quod valde proderit, si illud præclarissimè apud Liniū à Scipione Africano Masinissæ dictum

dictum, quod & sibi quisquis hac peste laborabit, accipiat dictum. Vince, inquit, animum; caue deformes multa bona vno vitio & tot meritorum gratiam maiore culpa, quàm causa culpa est. corrumpas. Idque faciliùs fiet, si quis acriter rei vilitatem, obscœnitatem, breuitatem, finem cogitet; at longum dedecus, horæque fugacis, forsitan aut momenti vnus illecebras, multorum annorum poenitentia, vel externo fortasse supplicio puniendas.

De Superbia. D I A L. CXI.

Luciferum pepulit de sede superbia cœli,

Luciferi jussus effaciet socium.

D O L.

Superbia extollor. R. Quid superbis autem Terra, & Cinis? tu ne tantorum malorum falce orutus, atque oppressus extolleris? qui sitis, omnibus malis explicitus; virtutum omnium malis euectus attolleris. hoc vno bona omnia corrupis. Nihil est enim odiosius Deo, quàm superbia. Per hanc enim ille pulcherrimus creatus raptim corruit, per quam tu peccator, vis ascendere. Si sic illi ob id vnum accidit, quid per hoc, aliis culpis adiunctum, tibi euenturum arbitraris; malum facinoris tuis cumulum super imposuisti. D. Superbia vehor. R. Cur quaeso, an non te mortalem, an non assidue fatiscentem, an non peccatorem, an non mille casibus expositum an non morti obnoxium incertæ, an non denique te miserum meministi, & non famosissimum illud Homericum audiuisti? Nihil miserius terra nutrit homine. Scire velim quid te horum potissimè ad superbiam cohortatur. an fragilitas membrorum, an vitæ breuitas, an cœcitas

animi, inter spes vniſſimas; metusque perpetuos fluctuantis; an præteritorum obliuio, an ignorantia futurorum, ac præſentium; an hoſtium inſidiæ, an morres amicorum, an aduerſitas perſeuerans, an fugitiua proſperitas: Hæc, non aliæ vobis ſunt, quàm ad ſuperbi, ſcalæ: his aſcenditis ad ruinam. Atqui cætera hominum pericula, etſi iniuſtam, aliquam tamen excuſationem: ſuperbia, & inuidia nullam habent. *D.* Doleo me ſuperbum. *R.* De peccato dolere, primus ad ſalutem gradus eſt: & ſicut ſuperbia eſt, extollere: ſic humilitas eſt, dolere, ſequæ ſubmittere: facile factu, quod quidem erit, mox vt oculos in te ipſum, tota intentione, reflexeris: quod cum ita ſit, nolo tibi, neſ oportet, librorum partes ſcriptas aduerſus peccata congerere: hoc ſatis eſt cuncta arbitri tui eſſe, de ſitura illico, vt bona fide volueris, vtque aiunt, receptui cecineris, teque ad tua ſigna conuerteris: quod ad præſens malum attinet, vnum illud adiecerim: Superbiam eſſe ægritudinem miſerorum, ac ſultorum: tales nempe ſunt haud dubiè, qui ſuperbiunt: neque enimaliter ſuperbirent: neque verò ſine cauſa in libro ſapientiæ ſcriptum eſt: Omnes inſipientes, & infelices, ſupra modum animæ ſuæ ſuperbi ſunt. Certè animæ ſuæ, ſi ſäperent, modus erat, humiliati, conditionis imbecillitate cognita. Sic enim eodem libro ſcriptum legis: Rex hodie eſt, & cras morietur. Cum enim morietur homo, hæreditabit ſerpentes, & beſtias, & vermes. Initium ſuperbiæ hominis, apoſtatare à Deo, quoniam ab eo, qui fecit illum, reſceſſit: quoniam initium omnis peccati, eſt ſuperbia. Nota ſunt reliqua, quibus acriter circunſpectis, monſtrum eſt ſuperbus homuncio.

Sæpe ferunt animæ morborum turba salutem.

Aegrotus melius desit amare Deum.

D O L.

Febribus æstuo. *R.* Æstus hic, aut tempore finiendus, aut frigore; utrumvis fecerit bene erit. *D.* Febris vrgeor. *R.* Omnis hic contra naturam motus, plus habet impetus, quam diuturnitatis: & sæpè duorum facit alterum, aut corpus expurgat aut animā absoluit. *D.* Febris teneor. *R.* Non longum teneberis, expecta. Citò te vel sanum oportet esse, vel liberum: utrunque optimū. *D.* Febris laboro. *R.* Illico requiesces. Natura cum morte configit, operire exitum duelli: prope est hora, vel hinc te morbo, vel omnibus exemptura. *D.* Febris ardeo. *R.* Minus mali est, corpus ardere, quam animum, de quo præcedentes tuæ septē proximæ sunt querelæ. Quid si ardor, alterius, salubris est alteri? Quid si hic ardor, quanvis asper, optabilis est? quantum denique boni est, præsentis vitæ mala, breui gustu, peremnis admonere supplicij: ut infinitas amaritudines declinare studeant, qui tam graūiter paucis horis amariuscula tolerant: atque his angustijs discant illas euadere, quibus nec physicus, nec herba medebitur, nec dies criticus, nec mors quidem. *D.* Febris vrro. *R. A.* Vermium cibus excoquitur. Est te aliis vri, cui toties alia vsta sunt? & de supplicio consilium cape; ex quibusdam malis remedia constantur. Sæpè parvus dolor, ac præsens, ut venturis, ac grauib; occurreretur, admonuit; fuitq; utilis, qui molestus erat. Felix incēdiū breue, quod æterni refrigerij causa est. *D.* Febris exerceor. *R.* Eris

iam bonæ valetudinis æstimator idoneus: vos homines Dei dona, nisi amissa, vel intermissa non nescitis; ingratum genus. *D.* Febre vexor importuna. *R.* Diu simile esse non potestis. Nemo diu ardet, aut illa te deferret, aut tu illam.

De Dolore Iliaco. DIAL. CXIII.

*Quem color inuisum cruciat, vel tormina ventris,
Sit pariens, quoniam sit brevis ille dolor.*

D O L.

Iliacum patior dolorem. *R. A.* Sperare incipere quandoquidem, quod iam tristius metuas, nihil est. Sicut autem ad extrema gaudij peruenisse principium est doloris; sic extremitas doloris principium gaudij sit oportet. Contrariorum hæc lex; Alterum ex alterius fine oritur. *D.* Dolore torqueor iliaco. *R.* Spes est, fateor, acerba solatij, nihil acerbius pati posse. *D.* Iliaco crucior dolore. *R. A.* Qui dolet, ac metuit, ille miser est; vndique, sit pars altera miseræ, metuseripitur. Nam quid oro, metuat, qui ipsam, quæ ab omnibus præque omnibus metuitur, mortem sperat? *D.* Iliaco dolore discrucior. *R. A.* Disce viuens mori, quodque non nisi semel sit, sæpius experire; facies securus tandem semel, quod tam sæpè tentaueris; nihil enim noui facies, simillimus dolor iliacus moris est; nisi quod mors faciliior breuiorque, ut quæ hunc fortiter tulit, nisi metus alter interueniens multò illam fortiùs sit laturus. *D.* Dolore rumpe iliaco. *R.* Magnitudo ipsa doloris finem spondet. Nemo enim diu moritur. *D.* Quid, quod dolore tantum parit? *R. A.* Longos febrium dolores brevis transigis suspicio. *D.* Aduentare extasim intelligis. *R. A.* Vix id quidem intelligere est. Nam & repe

tè aduenit, & præsens intellectum viribus suis priuat. *R.* Linqui animo incipio. *R.* O felix, qui rem necessariam [utque aiunt] durissimam sine sensu sis obiturus. *D.* Sæpè extasim incurro. *R.* Sæpè mortuus reuiuiscis. *D.* Sæpè extasim mortiferam experior. *R.* Hanc plus, quàm semel, experiri nequis. Nemo enim plusquàm semel moritur. Quod autem optimum mortis genus esset inter doctos, ac præclaros viros aliquando quæsitum est ubi Iulius Cæsar interfuit, summus vir, & imperio, & doctrina; qui, & ipse tempore extremo ut de illis scriptum est, repentè linqui animo solebat; quam quaestionem ille sic absoluit, ut repentinum atque inopinum interitum commodissimum diffiniret: quæ sententia, etsi pietati, veræque religioni fortassis asperior videatur; sic tamen & cui libet sapienti, & præsertim pio, veræque religioso viuendum est ut sibi nil repentinum, aut subitum esse possit; & si quid tale incidat animo, celeritas ipsa non noceat, & profit corpori.

De totius Corporis Dolor *Q U A L. C X I V.*

Si corpus morbi totum inuasere mo' est,
Certe salus animo certa parata tuo est.

D O L.

Toto corpore languco. *R.* Si non languet hospes corporis, animus bene est; quicquid tuguriolo suo eueniat, saluus eruperit. *D.* Toto corpore crucior; ingens malum. *R.* Stoicivnum, in rebus omnibus humanis bonum dicunt, virtutem. Et quamuis alij aliter; hæc verior tamen, viriliorque sententia visa est; cui consequens est, vnum quodque, quod huic bono obii-cit, malum, esse vitium; quo fit, ut dolor corpo-

ris molestissimus sit , malum tamen utique non sit. *D.* Hei mihi mihero , ego torqueor , tu disputas; philosophicæ fabellæ. *R.A.* Iure te miserum dicis , vel hoc ipso , quod humanæ vitæ regulas , fabellas vocas. *D.* Sonora hæc in scholis , famosa per libros , sed nec eculeos ; nec agrotantium ascensura grabatulos , dicuntur , scribunturque facilius , quàm probantur. *R.A.* Immo verò , & ad dolorem , & ad ægritudinem , & ad mortem profunt . sed non omnibus ; quippe quæ non omnibus insedere pectoribus : & profectò quibus credita non sunt salubria esse non possunt. *D.* Heu ego crucior tu disputas. *R.A.* Iste tuus dolor necessariò , aut lentus erit , aut intensus ; atque ita , vel facilem , vel breuem patientiam requirit. *D.* Hei mihi summo crucior dolore. *R.* Si summus , nempe brevis est dolor : parce gemitibus , aut fugiet aut fugat , est necesse. Sic utrinque libertas in foribus . Interim forti animo ferre mortalia , speciosum , ac virile est . Speciosum dictu fateor : factu , ne possibile quidem reor. *R.A.* Non impossibilitas rerum est , sed mollicies hominum , quæ virtutis innumeros desertores fecit , & faciet ; dum omne difficile , tanquam impossibile , respuitur ; virtus perit , cuius materia difficultas quidem , sed honesta est. *D.* Sumus homines , non Dij ; & moribunda corpuscula , vim doloris ferre non valent. *R.A.* Fragilia corpora humana non negem ; sed non usque adeò , quin usque ad tolerantiam omnis aduersi , sat virium habitura sint ; nisi maior multò esset infirmitas animorum. Illa est , quæ viro indignos eiulatus , & muliebres , atque humiles voces elicit. Quid est enim , oro te , cur impossibile homini censeas , quod sæpè olim , & potuisse vides hominem , & fecisse? *D.* Heu mihi,

mihi, rursus ad historias vocor, & in medio dolorum æstu, vix præsentium, vix mei ipsius memor, in memoriam protrahor antiquorum. *R.A.* An non ergò clarorum recordatio virorum, qui similia fortiter passi sunt, magnum affert, in omni rerum asperitate, solatium, & lenimen? *D.* Sentio, ad imitandum rarissimos hortaris; gloriosa consilia, sed alta nimium, supraque hominem. *R.A.* Quid supra hominem dicis? non Deorum tibi, sed hominum rationes, hominumque exempla proponimus. *D.* Hominum fateor, sed paucorum; estque vltima, & exacta raritas, nullitati proxima. Non multum inter phœnicem, & chimeram nihil esse volunt: apud alios namque Sicilia monsest. *R.A.* Quasi verò imitandus tibi proponatur phœnix, & non acies virorum; quæ, quò rarior, eò dignior, cui similis fieri velis: quisquis raros sequi negliget, rarus esse vir non poterit. *D.* Video: vnum ex paucis fieri iubes, vnus ex multis sum. *R.A.* Propè nullum te maluerim, quàm ex multis vnum: nescio enim an non esse, an stultum esse, sit melius. Atqui plurimorum, idem, & stultorum è numero, sit, oportet. *D.* Ego verò nil peius esse, quàm nil esse, scio. *R.A.* Nescis, quid mali sit, esse aliquid, nec esse, quod debeas. *D.* Ita hoc dicis, quasi, quod vni fortè accidit, debitum sit omnibus, idque ad omnes trahi velis. *R.A.* Male ais, fortè: virtus enim non fortuita, sed deliberatiua prorsus, & electiua est; non casu equidem querenda, sed studio. Neque ego, quod vni casus dedit, ad cunctos, sed quod virtus multis tribuit, ad vnum traho. ad omnes tractura libentiùs, sed in vno etiam defatigor. *D.O.* At, non omnia possumus omnes. *R.A.* Non poëticum modò, sed pa-

itorium est verbum. Scio: sed te posse aliquid, quod non omnes possint, immo iam potes, velle cupio. *D.* Quid, heu miserum, inquietas; nonne satis igitur torquet dolor? *R.A.* Quietem potius afferre, & hunc tibi terrorem auferre meditor: quod, nisi tu, qui potes, manum dederis, sola non possum. *D.* Papæ, quid hoc est quod me posse ais: an possum dolorem non sentire; quem sentio, aut malum negare, quod pessimum experior? *R.A.* Primum non requiro; obstat enim natura; alterum ne impetrem; non natura, non veritas, error solus obstiterit. *DO.* Proh superi quorsum hæc inaniam, quæ philosophica dicitis! scio planè dolorem non esse animi vitium, sed corporis. Scio dolorem aliud esse; quàm perfidiam: dolere aliud, quàm furari: hæc me, ut noua, ne doceas, satis magnum, etsi nil addideris, per se dolor, malum; cuius ego, non noscendi consilio, sed ferendi, seu quod malim, depellendi egeo: noui enim, nossemque utinam minus, quid est dolor. *R.A.* Et ego dolorem rem acerbam scio, immitem, horridam, amaram, tristem, naturæ aduersam, sensibus odiosam; sed quæ virtutis ope, non dico dulcescere, quod Epicurus dixit, secum ipse dissentiens; sed leniri, frangi que, forsque etiam, si vera animum virtus amaue rit, aut sentiri partius, aut quodammodo, nec sentiri quidem possit. *DO.* Armatus, an inermis ego dolorem valde sentio, & malum grande profiteor. *R.A.* Professionem aliam ex te optabam. *DO.* Heu rursus ad speciosa retrahimur; delectant aures verba magnifica, sed vera animum. Quid si dolorem in corpore, animi patientia maior sit? *R.A.* Quid si nulla corporis, vel illecebræ, vel molestiæ, nulli angores, stans atque

que obstantis animi viribus pares sunt ? Quid si in omni luctamine , modo non volens , terga dederit , sed toto nisu , ac bona fide restiterit , semper animus superior fuit , semper abiit victor ? D. Quid verò , si doloris intolerantiam morbi foeditas grauat , & fastidium , & pudor ? Quid si lepra putre corpus . ac miserum inuasit , quid hic mihi sermo tuus iste contulerit ? R. Multum sanè , ni respuis ; ostendet tibi te , qui cuncta respiciens , te non vides ; iubebit meminisse terreum , & mortale corpusculum tibi esse , non aëreum , neque æternum ; nec mirari quidem oportere , nec indignari , si putredo in terram suam , si in sedem fluxerit : esse hominis mentem , & suprema eius ni rebellent , ad felicitatem , perpetuitatemque dispositam ; eiusdem partes infinitas , & morti obnoxias , & omnis miserie capaces . Seu lepra igitur , seu epilepsia , seu quid histurpius , aut tristius inciderit , cogitandum tibi acriter in miseriarum vasculum descendisse , quod suum erat , destinatumque illo figulo , ab æterno : contra quem lutea vasa ne murmurent , admonentur , quod illud in honorem , hoc in contumeliam , verum cuncta fragilia finxerit , atque mortalia . L. Ergo ego , te consule , sine murmure , & gemitu lepram feram ? R. Planè me consule atque authore ; cui , si ostenderis murmure aut gemitum vtilem tibi leuamenque aliquod mali esse , versis vltro consiliis , vtrumque permiserim seu iusserim . Quòd si indignatio , & querela nil aliud , quàm accessio mali sunt , quid morbo corporis , addere animi morbum iuuat , teque miseriorem flendo facere , & illum tibi forsan infestiorè , qui labores hominum ex alto videt , patientiamque considerat , quam aut remedio compenset , aut

præmio? An verò aduersus omnes corporeas pestes, seu quoniam nominatim vnā deſſes, parum ſolati; contra hanc ipſam eſt, noſſe lepram ſuperficie ſui vitium, vel coloris eſſe, non valetudinis, aut integritatis ſenſuum, atque membrorum? Vt Auguſtino viſum ſcimus, nec phyſici contradicunt. Sed vt cutem penetret, artuſque dilacerans, in præcordia ima deſcendat; quod ſegiffe legitur Plotino ingenti Platonico; in animam certè deſcendere, niſi ipſa conſenſerit, non poteſt; qua incolui, non pluris extrinſecus corporis ſui habitus, apud illam erit, quàm bene valentem, apud hoſpitem, hoſpiti; fortè paries extimus ventis ac imbribus ſcaber ſit. Quid, quòd lepra poſſeſſorem ſuum vulgo eripit, conſortioque hominum ſapientiorum, quos, vt fugeres, recuſandum nihil, nulliusque non auxilium implorandum erat? Vt ad calculum res redeat: multis illa corpus tædiis implicans, multis animum explicuit. D. Heu quid credam; rerum peſſima laudanti? R. A. Rerum peſſima, non corporis, ſed animi vitia, morbi que ſunt: nec idcirco ego lepram, ſed æquanimiſſimam & patientiam laudo, nec indignanter, nimiumque flebiliter ſerre ſuadeo, humanarum tuarum propriarum rerum ſortem, cum ſummo tibi præſertim Imperatore, ac philoſopho, Constantino ſcilicet, ac Plotino, de quo modò diximus, communem. Poſtremo ante oculos habere cœli dominum, non lepram odiſſe, ſed vitium: eumque ipſum Angelorum iudicem, atque hominum, de quo ſcriptum eſt: Neque habitabit iuxta te malignus, neque permanebunt iniuſti ante oculos tuos: non tamen leproſos horuiſſe, ſeu fugiſſe, ſed illorum domos adiſſe, atque conuiuiis interfuſiſſe. DC. Tu
me

me verbis superas, doloribus; ego autem non philosophorum nugis, hac in re, sed sensibus meis credo; illi mihi, quid renuncient, scio. *R. A.* Primum quidem propter philosophorum aliquot, ut verè ais, nugas, quas nec excusare possum, nec negare, philosophiæ totius gravitas non perit, quæ in eo, quod nunc agitur, ut in multis, laboranti animæ, vna in terris tuta proculdubio arx est. Deinde nihil absurdius, inter mihi amicos, quam sensuum fallaci iudicio verum quæri: ingenio, ac studio veritas est quærenda, non sensibus. *D.* Heu quid me crucias, & dolori meo addis tædium? proferas remedium: iam nunquam tu, nunquam philosophia tecum faciet, ut non sentiam, quod sentio. *R. A.* Mos gerendus delicato, ac fastidienti agro, permittendumque aliquid interdum, quod per se nocuum, sed utentis desiderio sit utile. Itaque facile patiar ut si langor, si supplicium, si offensio afflictioque corporis mala sunt, quæ incommoda Stoicis dici videntur honestius, ipse quoque dolor hinc oriens, dici, viderique malum, & si ita vis, ingens, possit, sed virtute superabile; utque iam litigio verbi cedam, amicus noster Cicero, nos reuocet in gratiam: Non enim dolorem, inquit, dolorem esse nego. Cur enim fortitudo desideraretur? Sed eum opprimi dico patientia, si modò est aliquid patientia: si nihil est, quid exornamur philosophia, aut quid eius nomine gloriosi sumus? Hæc Cicero. Multa tibi præterea diuinè, contra hoc, seu incommodum, seu malum, in Tusculano suo, scilicet secunda luce, disseruit; quinque dierum disputationes, pari librorum numero, complexus, quem signasse tibi locum volui: valet enim miris modis, ad id, quo nunc eges, maximè pa-

rientiam. roburque animi; quo eneruato, atque am-
 misso falsæ vulgi subeunt sententiæ, & indigni vi-
 ro gemitus erumpunt. *D.* Nunc langori meo
 propius adhibes manum, docens, vbi illa repe-
 riam, quæ in hoc statu. Stoicorum opinionibus in
 humanis, ac faxeis, potiora, & mihi opportunio-
 ra confido; quamuis, & confidendo diffidam: quia,
 dum remedij auidus, sæpè locum illum repe-
 to. ad tolerantiam doloris. nunquam mihi perire,
 nunquam vel Ciceronis ipsius, vel cuiusquam o-
 pe, virium satis inueni. *R.* Ego hanc diffiden-
 tiam non reprehendo sed laudo; nemo sibi mul-
 tum fidat. inque omni difficultate, non ab homi-
 ne sed à Deo speret auxilium: at non ita, vt arma-
 tos venturos sibi de cœlo Deos credat; malis for-
 san interdum, nunquam certè diuinitas inerti-
 bus fauit; vt subsidio dignus sis quod in te est, fa-
 cito: excitandus, attollendus, & armandus est ani-
 mus, contraque suos hostes, in aciem educendus.
DO. Reliqua [nisi falior] intelligo, vnum qua-
 ro. Quanam sunt hæc arma animi, quæ memo-
 ras? *R.* Bene habet: iam accipio spem salutis
 tuæ. Inter appetitates enim rerum. flere muliebre
 est: consultare autem viri, obstare, implorare con-
 silium, atque auxilium, id virile est, & ad vincen-
 dum efficax. Arma quidem animi, & bellandi
 artes, pro diuersitate hostium, multæ, & variæ
 sunt. Nec vllum philosophiæ munus utilius,
 aut sanctius, quàm de his agere, quæ [vt reor] ali-
 quantò magis ad vos pertinent, quam nosse quid
 agant astra, quid natam Iuppiter intuens, promit-
 tat; quid Saturno iunctus Mars minetur, quos Mer-
 curius interpres vagus, à patre, fratreque mores
 capiat quos ab obuiis quibusque: vnde imber, &
 æstus.

æstus; unde tremor terris; qua vi maria alta tume-
 scant; & non nosce, unde æstus, ac tumor, tremor-
 que ac debilitas animorum; quibusve remediis
 temperetur æstus, cōpescatur tumor; & tremor; &
 debilitas roborentur, ac firmentur: quo in studio,
 etsi Socratem ludat Aristoteles, idem tamen, mu-
 tato fortasse animo, huic rei non mediocrem o-
 peram dedit: sed hæc passim in philosophorum
 voluminibus sparsa sunt, quæ ignaris ingerere o-
 perosum nimis; neque compendij huius est.
 Scienti verò superuacuum, cui non doceri ex-
 pediat, sed moneri. *D.* Scio ita esse, neque de
 omnibus quærebam, sed hoc vnum, quæ tu mihi
 contra hunc hostem, cui nunc congredior, dolo-
 rem, arma monstrares. *R.* Ad id tibi nec me-
 ius possum, nec brevius respondere, quàm Ci-
 cero: quærit enim, ut tu: Et quæ sunt, inquit iste
 arma; respondetque illico: Contentio, confirma-
 tio, sermoque intēnus. *D.* Edissere, oro singu-
 la; legi quidem hoc sæpè olim; tamen vereor, ne
 mihi accidat, quod multis solet, qui apud se legē-
 tes, intelligere sibi omnia videntur apud alios lo-
 cuturi, tum demum, nihil intellexisse se, intelli-
 gunt. Dic, si libet; quænam ista contentio est? *R.* Sa-
 tis id quidem, si parū ultra progrediare. in ipsius
 Ciceronis verbis apparet. Sed ne quid me frustra
 poposceris, dicam idem aliter. Multa sunt animis,
 corporibusque similia: & ut nullum tantum cor-
 poris robur; sic nullus animi tantus est vigor, qui
 non improviso, & graui fasce cūrescat. Fac pro-
 uideant, erigentur ne vtrunque sua moles oppri-
 mat: sed deprehendat intentum: sæpè ad subitum
 magni hostis occursum, vir fortissimus licet, expa-
 uita spacium colligendi sese, inque instans di-
 scrimen animum intendendi, venientem hostem

securus excipiet: visis cæstibus, pugnaturi athlete; brachia; viso onere, subituri illud, cervix intenditur, & illā pugnam firmiūs obeunt, & hoc pondus intenta fert leuius, cui negligens, ac remissa succumberet. Ad hunc igitur modum, insigni difficultate conspecta, animus contra illam intendendus est; quod, si ad plenum fiat, terribilium omnium victor euadet. Alioqui [incredibile dictu est] lentus, atque imparatus animus, paruis sæpè deiicitur. Hæc est illa animi Ciceroniana contentio, seu sic dici mauis, intentio: ad hoc enim duobus his vocabulis, sensus idem, & origo, quæ, vides; apud illum in promiscuo vsu sunt, de quæ vnus verbi fonte descendunt. *D.* Video, te quæ libens audio: sed quid est confirmatio. *R.* Dicam: est in ipsis quoque fortissimis animis, nescio quid admixtum diffidentiz: & veris imbutos, falsa circumsonat: tantumque coit errorum popularium ad arcem mentis expugnandam, vt iudicium tenere difficile sit. Subit interdū torpor quidā subit, dubitatio an vera sint, quæ à doctissimis, atque sanctissimis viris, de virtute patientiæ, de honesti specie, de splendore gloriæ dici solent: an id verius quod ab aliis disputatū, vulgus probat, vacuitatē, doloris optimam, pessimum dolorem, voluptatē boni finem: & illæ quidem paucorum, hæ ferme omnium voces sunt: quarum sæpè tantus est sonitus, vt pauca illæ voces adhortantium audiri nequeant, & custodes arcis exterriti, ommissa defensione, fugam cogitent: in hoc statu dubium, nutantemque præsidis firmare animum oportet, ne de sententia excidat: vt olim Dionysius Heracleotes; qui, cum Zenonis præceptoris sui, de dolore sententiam, dolore victus, abiiceret, à Cleanthe cōdiscipulo irrideri meruerit. Non, inquam

quam, excidat, sed resistat, inque arrepto vestigio sedem figat, intelligens, quid in rebus verū, quid umbratile; neque larvas horreat, neque clamoribus moueatur; certus, dolorem nihil, nisi ignaviā; virtute autem, & ignaviā. & dolorem, & mortem, & dura omnia vici posse. Inque hac sententia fixus, & immobilis perseveret: promptus pro virtute pati fortiter, quod multis cogitare, terribile est; quodque nunquam ab homine fieri posset, qui non super auri, ac gemmarum speciem, super muliebrem formam. & super omne concupiscibile virtutis pulchritudinem adamasset. Hac confirmatione animi, & falsæ opiniones, & vani metus infirmantur, & acies doloris obtunditur. Fitque, quod Cicero idem vult, ut sicut in pralio pavidus abiectis que armis, viso hoste diffugiens; sæpè ipse sibi periculū fecit; impavido periculum non fuisset; sic ignavum animū, & sensibus obsequentem, sola cogitatio doloris exanimat; qui virtute firmatus atque armatus incolumis, ac doloris victor, & propè nil molesti sentiens, evasisset. Patientia enim non modò animi vim augeri, sed asperitatem ipsam doloris imminui, & pene ad nihilum redigi, atque hinc esse, ut acerrimo in dolore recti quidā, & immoti, alij etiā lati sint: quod fieri non posset, nisi animus à sensu doloris auersus ipsam, de qua loquimur, firmitatem atq. constantiā induxisset.

D. Intelligere videor, sed perge, quod est sermo intimus? **R.** Et hoc dicā. Generosa mens æquè voluptatum, dolorūque contemptrix & utrisque pariter cedere nescia; ubi adesse periculum, seque circumventam hostibus suis videt, arma capit, obuiamque progrediens, seque in prælium cohortans, multa secū, multa cū Deo suo loquitur; quamvis hoc ultimū Cicero vel nesciuit, vel non

ritè sciuit, non defectu ingenij, sed gratiæ. Tali sanè colloquio, ac decoris obseruantiam, atque ad illa, quæ diximus; ad incendendas vires, ad consumanda consilia nullū efficacius. Aliis tamē verbis contra voluptatum blandicias; atque aliis contra dolorum minas, esse vtendum, & quibus, vtroque pronum est, aduerte scienti, quamnam vel hæ blanditiæ, vel hæ minæ, quamque impares sint virtuti. Sed quoniam horum de altero sermo erat, exemplo agam vnico, sed insigni, quo in reliquis omnibus instructior fias. Quis est hic in dolore sermo intimus? Meministi, quibus verbis Lucanus magnum Pompeium, inter carnificum gladios, vsum facit; sed quia hoc, pro qualitate personæ à poëta fictum, & secundum verisimilitudinem animo viri illius, in quo statu conuenientibus verbis expressum est, Exemplum verū recēnsque alterum adiiciam. Hac ipsa ætate superant, qui viderunt adhuc multi, Samnitem illum imperterritum, & inuictum senem: qui, dum iussu illius, cuius nomen suppressisse silentio melius fuerit, curru per ciuitatem duceretur, nudus inter duos carnifices, candentibus forcipibus, hinc illinc membra carpentes: populo ad tam miserum, tamque indignum spectaculum lachrymante: ficcis ipse oculis, graui, & constanti voce sese alloquens dicebat: Quid facimus animæ? noli, oro, succumbere: nihil aut irascaris, aut metuas: graua sunt ista, sed breuia: & pro nostra æterna, ne dubites salute: grauiusque supplicium, hoc iubenti, fuerit, quàm ferenti. Erige te anime, & depelle formidinem; spera in Deo, statim erit finis. Quibus verbis, quantum sibi consolationis, certè pectoribus audientium; incredibile dictu est; quanta cum misericordia firmitatem, constantiam, securitatem,

tem patientiam infuderit: etsi arctius æstimanti,
non ille intimus, de quo agimus, sed extrinsecus ser-
mo esset; nempe qui [vt dixi] à multis exterius
audiretur. Sed hæc, & his similia & ab aliis in si-
lento dici possunt; & ab hoc ipso forsitan dice-
bantur. Vicissim enim nunc tacebat, nunc in vo-
ces, quas diximus erumpebat. Potest, & aliter il-
le idem sermo intimus videri, vnde non que pro-
deat, cogitanti. Et huius quidem secum ac cum
Deo loquentis, in doloribus, inque periculis nul-
lum clarius exemplum, quam Iob primi; Theo-
dorus secundus; ille manu Dei tactus, atque vlce-
ribus oblitus, quanta Deum libertate, iurganti si-
milis, compellet; seque ardenti, & querula de-
torione in Deum erigat. Hic, cum paucis, innu-
merabili ac barbarico circumuentus exercitu, quo
feruore quibusve suspiriis, ceu præsentem Deum
inuoceat, audiuit. *D.* Audiui plane, & memi-
ni & exemplis doceor, quid velis; gratiamque
non mediocrem Cicero habeo de cuius tribus
exiguis grauis tres, ingentesque aristas messui, ex
quibus cultu adhibito, messis vberior nasci queat.
R. Ita se res habet doctorum hominum verba
prægnantia sunt; plus continent sensuum quam
præstent; vt nihil aliud, me loquente, visus es
mihi dolorum, & querelarum tantisper oblitus:
vnde elicis, vehementem quoque cogitationem
rei cuiuspiam honestæ, atque in illam, à rebus a-
liis quibuscunque, animi totius abstractionem
multum & dolori, & molestiis omnibus posse
remedium afferre. *DOL.* Potest esse, vt dicis
sed mihi nunc etiam multum deest ad salutem
illam, quam intendis animi; magnoque sum in
dubio an his omnibus leniatur, seu tollatur do-
lor, an verba sint, animos occupantia, aurisque

mulcentia, ad dolorem nihil. *R.* Verba corporibus
 non medentur [fateor] nisi forsitan incantationes,
 & anilia carmina fidei aliquid merentur: at me-
 dentur morbis animorum, quorum profectò sani-
 tas corporeum dolorem, aut extinguit, aut miti-
 gat. Nunquam, si patientia nulla esset, tam multi
 de illa viri doctissimi disseruissent. Nunquam tot
 huiusce rei argumenta animo, oculisque, & auri-
 bus hæssissent, quot memoria imagines rerum te-
 nes: quàm multa vidisti, aut legisti, quot historias
 audisti, quibus non probatum tibi, sed demonstra-
 tum esse debeat, ita esse, vt dico, etiam non doloris
 omnem sensum patientia eripi: quod ipsum ta-
 men, & fieri posse, & factum esse, contendimus: at
 doloris certè victoriam, ferendique viriliter vires
 dari. Quid verò te pius habuit C. Marius vir litte-
 rarum inops, sed virtutum diues militarium: an
 non ipse carneus, atque osseus fuit? Quid plus
 Mutius? Pompeiusque? Quid plus habuit Zeno?
 Quid Theodorus? Quidve Theodatus? Possido-
 nius? Anaxagoras? innumerique alij, quorum qui-
 dam seruili conditione, sed animorum ingenuita-
 te mirabili, omne supplicium pertulerunt, non
 modò fortiter, sed iucundè. Quid si ad vestros ani-
 mum, memoriàmque reflexeris, inuenies in hoc
 numero pueros etiam, ac puellas, tulisse cum gau-
 dio, quod vos viri sine fletu, & questibus non fer-
 retis. Sed iam de re [vt aiunt] omnium asperissima,
 plura, quàm pro consuetudine, diximus: desinen-
 dum est: dolorem enim, si non lenit virtus, verba
 non lenient. *D.* Heu hinc tu me vrges, hinc do-
 lor, & cui credam, nescio. *R. A.* Crede nobiliori:
 in quod illud quoque plurimum adiunxit, me-
 minisse summum illud, & eximium mundi decus,
 eum scilicet, qui diuinam, atque humanam in se
 vniit

vnit naturam, tot tantosque pro te passum cruciatus, ut quę pateris, illorum collatione facilia, immo verò dulcia, longęque suauia iudicari possint. Validissimum hoc remedij genus, scrutantes cuncta philosophi nesciuerunt.

De Furore. DIAL. CXV.

*Sulta piis animis insania nulla nocebit,
Et peccare minus mentis inept poterit.*

D O L.

NImius dolor, ne furorem pariai, metuo. *R.* Obsta illi cogitationib. bonis, & placidis. Quidam furori viam passionibus faciunt: ex multis affectibus non sanis, vera tandē prodit insania: sicut ex contrariis vera virtus: frequentatis actibus quærī habitum: philosophicum dogma est. *D.* Furere metuo. *R.* Si animi vitio, ille tibi armandus: armatura animi, virtus est; at si corporis consulendum, succurrendūque illi est si qua rei huius ars est ipsos apud corporum magistros, qui physici nuncupentur: quę si in hoc, ut in multis aliis, aut nulla est aut professoribus suis incognita: ego artem hanc vnā tibi pręscripserim abstinētiā, & omnis excessus fugā. Notum illud atque antiquum: Viri sancti virtutibus corpus ædificāt: multum conferunt animo simul & corpori: frēna libidinum ac gulę. Multos strauit luxuria, multos oppressit crapula, multos somnus, multos ebrietas sepeliuit: multorum vitę feruor, atq; impetus, & furibunda licentia, verū abiit in furorē. *D.* Timeo naturaliter in furorem agi. *R.* Quod natura infert, durū potest esse, non miserū: culpa enim caret, quę miserię est radix. Quando autem prouidendi obtrigit facultas, vnum facito, ut te

R. iij

Furor si vitari nequit, in securo saltem statu animæ reperiatur. Innocens si furere cœperis, aut innocens resipisces aut innocens morieris. Nulla ætas, nulla sanctitas, nulla custodia, sic innocentiam conseruat, ut furor, qualem inuenit, talem reddit. *D. Furere metuo. R. A.* Heroas comites, ac reginas metuis. An fastidis Herculem, & Aiace, Hecubam & Cassandram? An ex alio genere, Lucretiam spernis, & Empedoclem? *D. Furere pertimesco. R. A.* Multa vaticinari solitos furentes, accepimus; sic, quo nullum acumen sani capitis peruenisset, vagus, & rapidus furor venit: atque hinc Graij, quam vos diuinationem dicitis, a furore Mantican, dici volunt. *D. Horreo vim furoris. R.* Et sanos moestos, & furentes lætos vidimus, falsa quauis opinione. Habet & error voluptatem suam. *D. Furendi paucor animum exagitat. R.* Laborum ferias quidam simulato furore quæsiere. Verus furor, ferias veras dabit.

De Veneno. D I A L. C X V I.

*Pocula diuitibus sunt sua timenda veneni,
Paupertas sola hac suspitione caret.*

D O L.

Venenum timeo. *R.* Potu abstine ciboque promiscuo expertorum fides amicorū excubet, suspectos limen arceat, vina turbida, fusca exulent, pulmenta, dapumq; pernixtio, cautio adsit, & sobrietas, & tarditas. Præcipitatio autem absit, quæ & aliis, & præsertim genere hoc mortis, multos perdidit. Si ad mensam lenta manus, oculus celer, animus vigil, memorque discriminis; nec tuis tantum, sed tuorum oculis, atque animis obnixus inuigila. Magnis periculis
magna

magna obstat intentio: nihil nō turbat incautum.
D. Venenari metuo. *R.* Operosum remedium audi-
 disti. Vis audire facillimum. Pauper esto; veneni
 metum, periculūque discusseris. Hoc siquidem
 malignus, humilis fortuna non recipit, vna se-
 curitatis parens, & terrorum omnium extirpa-
 trix; medicina illa quidem optima, atque prom-
 ptissima, nullique hominum negata, multis etiā
 ingesta nolentibus: neque verò efficax minus, quā
 parabilis; tuta hercle, quanvis amariuscule, atque
 horridula. Comprimit animi tumores, liuores di-
 luit, bilem purgat, curat hydropisim: vestra opes
 plenae infidiarum, plenaeque formidinum non mi-
 nus ciathos metuunt, quā gladios; nec minus pa-
 ropides, quam sagittas: non mensa, non domus,
 non cubiculum periculis suis vacat. Dubia qua-
 libet, atque suspecta.

Præsentemque viris intentant omnia mortem:

quod in tempestate ait Maro, in tranquillo vobis
 accidit: & hoc vestrae illae tam dilectae vobis af-
 ferunt diuitiae, Paupertas verò, præter immeritò,
 apud vulgus, infamati nominis notam, tuta ha-
 bet omnia: & si quando turbæ insciæ pulvis, ac
 strepitus cōquiescat: optabilia, ac suauius penitus,
 & tranquilla. Tandem ergo fictilibus, & vitreis
 vasculis terreni homines bibite, atque edite, si se-
 curi bibere vultis, atque edere: aureis vasis, ac gē-
 matis venena miscentur. Quorsum pergis auari-
 tia? Ipsum quoque iam venenum gemmas amat,
 atque aurum. Contra hanc pestem, neque Ponti-
 ci Regis, neque alterius efficacius Antidotum,
 quā paupertas. *D.* Venenum hausi; non præcet-
 diis innatar. *R. A.* Vbi semel moriendum esse de-
 creueris, quod detretum esse debet omnibus,
 qui se meminerint mortales, quid refert, an id

silentio facias. an bibendo, an tuo sanguine madidus, an vino. Magnos compotores, factique huius habes comites Alexandrum, Hannibalem, Philippomenem, Mithridatem, ipsum Claudium, Thermenem, Socratem.

De Metu Mortis. DIALOG. CXVII.

Cur mortem metuis, finis quæ sola laborum est?

Omni bus est tandem lex data certa mori.

MET.

Mori timeo. *R.* Hic non timor. sed cogitatus esse debet: qui, si nouus incipit, nec à prima ætate tecum creuit; si per interval la rediens, non assiduus fuit; improuidè vixisti. In- hæsisse medullitùs vtilissimum illud. Flacci car- men debuit,

Inter spem, iramque, timores inter, & iras,

Omne credè diem tibi diluxisse supremum:

ut is esses, de quo idem alibi:

Ille potens sui,

Latiusque deget, cui licet indies,

Dixisse vixi, Cras vel atra,

Nube polum pater, occupato,

Vel sole puro:

hoc est, nempe, illud à philosophis laudatum. sed per paucis datum, viuere vita peracta. *M.* Mori timeo. *R.* Et nasci timuisses, & viuere. Vitæ limen, initium mortis est; vita ipsa, cursus ad mortem; seu veriùs, mors quædam; viuendo ad moriendum ibas, vel [quod sapientibus visum est] in ho- ras certè moriebaris. Quid nunc igitur times, si mors vitam vel comitabatur assidue, vel necessa- riò sequebatur? Illud quidem docti tantum; hoc etiam vulgus intelligit; Quicquid natum; mori- tur; quicquid moritur, natum erat. *M.* Timeo

mori.

mori. *R. A.* Mori times animal rationale, mortale. Atqui si primum verè esses; secundum, ut arbitror, non timeres: humanam quippe naturam, duo hæc in vnum iuncta, perficiunt; Ratio scilicet, & mors. Illa animam concernit, hæc corpus: sed inopia rationis metum mortis induxit. *M.* Mortem metuo. *R. A.* Nihil est metuendum, quod affert necessitas naturæ. Qui naturalia enim odit, aut metuit, naturam ipsam oderit, oportet, aut metuat: nisi fortè partem eius alteram amplecti licitum, & laudare; respuere alteram ac damnare; quo nihil est insolentius, non solum homini cum Deo, sed hominibus inter se. Itaque vel totum recipis, vel totum reiicis amicum; ne, si tantum grata deserperis, non æquus amicitiae cultor, atque arbiter videare. *M.* Mortem horreo. *R. A.* Si quid in morte mali est, id ipsum metus mortis exasperat. At si nihil, magnum ipse metus, malum est. Stultitia est malum suum, vel augere, vel facere. *M.* Nomen ipsum mortis exhorreo. *R. A.* Nomen mortis infame, mortaliū fecit infirmitas. Si quid animi vitium inesset, nihilò plus terroris esset in morte, quàm in cæteris, quæ per naturam fiunt. Quid enim magis mori timeas, quam nasci, adolescere, senescere, esurire, sitire; vigilare, consopiri? quod vltimum planè simillimum morti est. Atque ideò somnium, alii consanguineum, alij verò mortis imaginem dixere. Nève, seu poeticus lepos æstimeatur, seu philosophicum acumen ipsa Veritas amici mortem, somnum dixit: & semel facere metuis, quo quotidie delectaris? Inconstantiam quidem hanc docti mirantur, atque arguunt. *M. E.* Tria hæc apud philosophos, ac vulgata sunt, delectantque, dum resonant, interpone

silentium, timor redit. *RAT.* Imo equidem
 manet, nam si abiisset, non rediret, & est, non in-
 ferior, vulgi præcordiis timor mortis innatus.
 Sed eruditum virum vulgaria sapere, deformis
 est, quem deceat; ut modo dicebam, non tur-
 bæ vestigia, sed paucorum sequi. Nam quod de
 philosophis dicis, miror quid ita, cum à nautis
 nauigandi, vel ab agricolis ferendi, à ducibus
 belliandi consilium capiatis, viuendi consilia, à
 philosophis sumpta, contemnitis, & pro corporis
 cura, medicos euocatis, pro cura animi philoso-
 phos non aditis, qui, si philosophi veri sunt, uti-
 que & animorum medici, & artifices sunt viuen-
 di. Nam si falsi, & solo philosophia nomine tumi-
 di, non modò non consulendi, sed vitandi sunt,
 quibus nihil est importunius, nihil insulsius, quo-
 rum abundantior est, quàm vellem, ætas hæc,
 eam egentissima sit virorum. Et quoniam à præ-
 sentibus præter meras nugas, nihil est, quod spe-
 res si ad præcos reditum, inuentumque aliquid a-
 pud illos fuerit, quod ægritudine tuam leuet,
 noli spernere, & dicere, quod indocti dicunt, à
 philosophis ista sumis. Respondebo enim tibi
 eum Cicerone: Metuebam, ne à lenonibus dice-
 res. Et re vera, vbi nã piscari, venarique, nisi vbi pi-
 sces, feraeque habitant, in aquis atque nemoribus?
 vbi fodiam aurum, vbi gemmas legi, nisi vbi hoc
 nascitur, illæ scatent, in terræ venis, marisque
 littoribus? vnde, nisi à mercatoribus merces, vn-
 de statuas, & tabulas pictas nisi à statuariis atque
 pictoribus? Vnde demum philosophica, nisi à
 philosophis peti iubes? quæ etsi apud illos pro
 thesauris abdita, atque ab illis inuenta sint, ea-
 dem tamen ab aliis in apertam erui, & vel acer-
 uatius, vel clarius, atque expressius, vel breuius
 po-

postremo vel aliter dici possunt; audiendi similia omnibus spem datura, successum paucis. ea est vis ordinis ac iuncturae: quod in poeticis elegantissimus Flaccus docet; & saepe aliter, atque aliter, & aliquando potentius affectura animos, tanta est gratia, vel notissima remarrantis; tanta vetustis novitas, tanta lux fulgidis, tantus formosus decor additur: quod non hic ideo dixerim, quin alibi non possem; sed quia tu hic materiam obtulisti. Nolo enim, [quia ignara superbia mors est] semel audita, nec forte intellecta, dum repetuntur, quasi trita, & vulgata fastidias. *M.* Acquiesco; recte quidem in his monitis te versatum video; etsi ab incepto procul: adhuc enim mortem nihilominus horreo. *R.* Sunt quaedam nomine, & opinione hominum, maiora, quam re: multa horrore eminus fuerant, quae vicina sunt risui; temere creditur inexpertis. Nemo, ex his mortis infamatoribus, comperti aliquid loqui potest. Nihil ipse expertus, nihil ab experto didicit. Mortuum quemvis interroga, silebitis, cui iam rei veritas nota est; garrient, quibus incognita, & vanis auguriis astruent, quod ignorant; hinc apertissima, hinc occultissima rerum, mors: arcanum, & coniecturale negotium, suspicionibus agitur: in dubio, bonis opinionibus inhaerendum; tenendumque potius, quod iucundum faciat, quam quod moestum animum. *M.* Animus mortem timet. *R.* Si sibi, superuacuum timor: immortalis est enim ipse: si corpori, sui hostis curam gerere, pietas indebita. Sin dissolui metuit, nimis carcerem, & compedes suas amat; stultus amor. *MFT.* Timore mortis exagitor. *R. AT.* Stulti omnes mori metuant: neque id miror, quibus felicitas

omnis in corpore est, quod extinguere morte, nō est dubium. Iure igitur boni sui finem, pauidi cogitant, mœsti vident. Natura enim hominis hæc est, ut felix esse nolle nequeat, virum doctum, cui non alia corporis, quàm vilis mancipij cura est, cui in cultu animi omne studium semper fuit, omnis amor, omne desiderium, omnis spes, mortem corporis non aliter, quàm digressum matutinum è nocturno quodam in amœno, & in commodo prorsus hospitio. spectare decet. *M.* Mortem non timere non possum. *R.* Posset vitæ huius exitum non timere, si alterius ingressum sperare posset, aut optare: tuus hic timor inde oritur. Quamuis enim formidati vulgò exitus, multæ tradantur causæ omnes tamen, vitæ illius spe propofita euanescent. *M. E. T.* Mortem metuo. *R. A.* Metum hunc parit impræmeditatio maximè, & inopina necessitas moriendi. In viro docto, ac sapiente turpissimum, & præsertim sene; cuius, si ritè doctus, verèque est sapiens, vita omnis meditatio mortis est: quod, si philosophiæ visum fuit antiquæ, quid nunc nouæ pietati, quæ summa philosophia, & vera est sapientia, videatur? Aspicere, ut qui alieno imperio parent, subito longum iter iussi agere, solliciti, & tristes, raptim complicandis sarcinulis inhiant, Ut queruli, quod prædictum eis antè non fuerit, indignantesque abeunt, ut sæpè in tergum versi & nūc quoq. hoc, nunc illud obliti, murmurant. Atqui nulla via est longior, quam mori, nulla durior, ut perhibent, infestiorque latrunculis: nulla denique obscurior, suspectiorque, & incertior: quæ ut cuncta cessarent, certè irremeabilis via est, quo attentius prouidendum, ne quid obliuiscamini, quoniam hinc digressis, non licebit, quod viantibus ceteris

ris

tis, atque aliud quodcunque iter agentibus, lite-
 ris scilicet, aut amicis, oblita committere, quæ ad
 suos perferant; nec remandare aliquid, nec sub-
 sistere quidem, nec diuertere, licitum, nec re-
 ueræ; iter necessarium, impossibilis reditus: ire
 illò necesse est Milites, vnde redire non est ne-
 cesse. Hoc militibus suis, dux Romanus, apud Se-
 necam: hoc dux vobis vester edicit. Itaque cum
 oporteat ire, nec liceat redire, cùmque itineris
 sit certa necessitas, hora autem mortis incerta, v-
 num est remedium, vt parati animo sitis semper,
 & vocati respondere, & iussi obtemperare, com-
 positisque omnibus, ad primum ducis Imperium,
 iter illud alacriter agere. quod vtique vobis, an-
 xietatis, aut tristibus peragendum est. Ea res maxi-
 mè, & metum mortis imminuet, & dolorem: nec
 securos modò, sed cupidos hinc abire vos faciet.
 Alioqui improuisis, & incautis eueniet, quod
 Bruto suo, in epistolis, verè olim vaticinatus est
 Cicero: Opprimemini, mihi crede, Brute, inquit.
 nisi prouideritis: sic est, inquam, sic illi ~~vidit~~ idit: sic
 omnibus, qui ventura non prouident. Sed, cum
 cunctis in rebus, prouidentia necessaria sit, tum
 in his maximè, quæ amplius, quàm semel fieri
 nequeunt: in quibus error vnus sufficit, vbicum-
 que pes lapsus fuerit, actum est. *MET.* Val-
 de nunc etiam mortem horreo. *R. A.* Altè ra-
 dicata non faciliè diuelluntur. Scio, vt dixi,
 metum mortis sensibus insitum, præcipuèque
 vulgarium: philosophi verò mortem, neque
 malum, neque bonum, eoque per se ipsam
 nec timendam diffiniunt, nec optandam, inter
 indifferentia numerantes: quæ, pro qualitate
 fruuentium, nunc mala, nunc bona fieri volunt.
 Quod illi etiam ex vestris video probari, qui

peccatorum pessimam, pretiosam verò sanctorum mortem ait. *M. E. T.* Mortem metuo, mortem odi. *R. A.* Equidem, vnde hic mortalibus metus mortis, vnde hoc odium, miror: nisi mollicies animorum nota sit, quam hunc scilicet, alioque degeneres augetis, atque alitis pauores: an non vides, vt magna pars mortalium, ipsum non tamen mortis exhorreat? Quod, quid est aliud, quam naturam propriam horrere, atque id odisse, quod natus sis? quo, nihil inter homines stultius, nihil ingratius in Deum. Quàm multi autem nomen illud ægrè audiunt, quod semper internam aurem pulsare debuerat. Nempe sine quo, non est, qui se ipsum cogitare possit; quid namque se cogitet nisi quod est animal mortale? Quoties in se quisque reflectitur, nonne sibi illico nomen mortis occurrit. Sed refugitis, quasi per aurem mors irrumpat; & auertitis animum, atque id cogitis obliuisci, quod mox sui memoriam vel inuitis ingeret. Recusatis ecce mortem cogitare, quam confestim, & cogitare oportebit, & pati, cuius passio facilius sequeretur, si cogitatio præcessisset. Nunc simul in angustiis altera alteram, exasperat. Omne enim inopinum, ac subitum animam quatit. Æquè stultum est, vel appetere aliquid frustra, vel vitare velle, quod nequeas: eoque stultius vtrumque, quò damnosius futurum implessè, quod cupias: atque nil damnosius in humanis malis, quam Dei, sui que ipsius, & mortis obliuio; quæ tria numero, sic connexa sunt, vt vix valeant dissolui. At vos vestri memores, videri vultis; & principij, & finis immemores. Obseruasti hos, qui domui suæ disponunt, vix est, qui dicere audeat, cum moriar, sed, si moriar: quasi in dubio ponitur, quò nihil est

sit certius. Neque id ipsum, si moriar, clarè sonat:
 ed, si quid de me esset aliud: quid nam est hoc a-
 iud, quaeso, & non potius idem ipsum, quod de o-
 mnibus, fuit, eritve, vel qui nati, vel qui nascituri
 sunt? quibus, ut vitæ, sic & mortis, multa sunt ge-
 nera, necessitas vna moriendi. Hanc tu cupis ex-
 ecutere, quam nec patres tui, nec ulli vnquam re-
 ges gentium excussere, nec excutient quidem.
 Tergiuersamini, ut libet, ita vobis eveniet, ut his,
 qui contra hostilis ferri aciem oculos claudunt,
 quasi periculum, quod non vident, nec sensuri
 sint. Feriemini, Moriemini, Sentietis: an cæci
 autem, an videntes id in vestra manu est. Optate
 igitur bene mori quod ipsum, nisi bene vixeritis,
 frustra est; optate, inquam, & enitimini, & quod
 in vobis est facite; reliquum illi committite, qui
 vos in hanc vitam ultro, non vocatus, intulit: e-
 gressuris, non nisi vocatus, & rogatus mandan-
 dat. Non mori autem nolite optare. Non modò
 non impudens, arrogansque, sed inefficax etiam,
 & inane votum est. Assuescite. O mortales, na-
 turæ legibus, & ineluctabili iugo colla submitti-
 te. Et si vos ipsos amatis, quod nati estis, amate,
 non quod nati non esse velleris. Neque enim na-
 turam vobis, sed vos illi obsequi par est. *M E T.*
 Pavorem mortis abiicere, diu quidem frustra ni-
 tor. *R. V.* Miror, quid tam diu frustra niteris, quò-
 te debuit cogitatio prona perducere. Turpis est e-
 nim tam brevis periculi [si periculum non natu-
 ra, & periculorum finis, est mori] turpis est, in-
 quam viro tam momentanei discriminis, tam lon-
 gæ paupor, & tot anni anxij, atque suspensi, ad
 horæ, seu suspirij vnius euentum. Vis ne autem
 mali huius ultimum remedium, vis mortis meru
 perpetuò liber esse? Bene viue, vita laudabilis

mortem spernit, sæpè etiam cupit: denique hæc terribilium omnium summa est, siquidem labor, dolor, aduersitas, infamia, carcer, exilium, damnum, bellum, seruitus, orbitas, Paupertas, Senium, ægri-tudo, & mors; fortibus viris nil sunt aliud, nisi expe-rientiæ schola, campus patientiæ, gloriæ palastra.

De Voluntaria in seipsum manuum Iniectioe.

DIALOG. CXVIII.

*Quid tibi præscriptam properas abrumperè vitam?
Quæ tamen ipsa breui sponte sua fugiet.*

DIALOG.

MOrtem mihi consciscere propositum est.
R. Rem vnam nunc metuere, nunc opta-
re, hæc tota constantia vestra est. Nunc tu mortem muliebriter formidabas, nunc eandem inhumanè appetis: subita, rogo, quæ nam mutandi animi causa est? D. Cogor ipse mihi manus iniice-
re. R. Si cogeris, iam non voluntaria manuum inie-ctio est: quamuis dicatur, quod coacta voluntas, vo-luntas est; sed profectò non libera, nec voluntas propriè, quæ nolèdo fit. A quo autem cogeris, nos-se velim. Iniici autem manus vel iurito possunt: tu tibi illas iniicere, nisi volens, nequis. D. Magnæ sunt causæ, quæ me mori velle cogunt. R. Magnæ fateor, si cogunt: sed non cogerent si virescens: nunc in vestram animi molliciem, nihil est inualidum. Vide autem, an, quæ fiat hæc causæ, ritè præfagiam: ira, indignatio, impatientia, furor quidam in se ver-fus, obliuio denique tui ipsius. Nam si te hominè meminisses, humana cuncta æquo animo tolleranda cognosceres; neque parui mali, immo ne mali quidem odio, maximum in malum velles incide-re. D. Iniicere mihi manum cogor, extremis malis.

R. Non

R. Non sunt extrema, quæ te premunt mala. Summum illud, & extremum malum, quod te vrget, desperatio: cæteris enim malis, aliquid; huic vni, nihil potest esse remedij. Quæ sunt autem hæc extrema, quæ dicis, mala? nisi labor forsitan, & paupertas: hæc sunt enim, quæ poëta commemorat: in his agens:

Qui sibi lethum

Infantes peperere manu, lucemque perosi,

Proiecerunt animas:

de quorum sera poenitentia, mox adiecit:

Quam vellent atherere in a'to,

Nunc & pauperiem, & duras perferre labores?

Sunt ne autem tam grauiâ mala hæc, quorum primum boni omnes, forti, atque æquo animo tulere; de quo suo loco diximus: quidam sponte insuper elegerunt, atque hinc gloriosi, ac in æternum diuites facti sunt. Sæculum viris conuenire, apud Crispum; atque ad id nasci hominem, apud sanctum illum, & afflicto senem legimus. At vos inquietissima animalia, quicquid non ad nutum auaritiæ vestræ fluit, vestræque libidinis; iustam voluntariæ causam mortis epinamini. Tam delicata, tam præceps luxuria vestra est, vt leuibus ex causis, non fortunæ tantum, sed vobis ipsis irascamini: inq; ipsum Deum calcitrantes, impia ora laxetis; quasi quicquid id est, in quo non vobis dominus videtur obsequi, iniuria grauis sit. D. Magnis malis victus, mori eligo. *. Tædio, vitæ, credo, familiari vitio stultorum omnium. Sapientibus enim omnis vita iucunda est: lætam libenter, tristem ferunt patienter; &, si in rebus ipsis nequeunt, patientia delectantur. Nil in rebus lætius, nil dulcius est, virtute. Illa est, quæ molesta lenit, obliqua dirigit, dura molli,

ac mitigat; ardua, atque aspera quæque complanat: cessant querimonia, cessant præcipitia. Et, ad summam, sapientis vita nil serenius, neque tranquillius: hi autem animorum fletus, atq. angores, hæc nubes, ac procellæ, quæ in scopulos fragilem vitæ cimbam trahunt, è sola stultitia oriuntur. *D.* Morbi impatientia, mori elige. *R.* Stultè eligis, ac superbè: sine dominum de corpore tuo, quod ipse fecit, suo arbitrio statuere. An quid tibi tuo in ædificio vis licere, in quo non ligna, non lapides tu fecisti; in quo denique, præter structuram, nihil est tuum, id in suo licitum domino omnium, non vis: qui non in illo tantum carnem, & ossa, & sanguinem, & spiritum; sed cælum, & terras, & maria, & omnia, quæ in eis sunt, creauit ex nihilo: nec dicas apud te ipsum, corpus meum, graui dolore angitur; nec tu dominium, sed usum corporis acceperis, breue ad tempus. An tuæ luteæ te dominum domus credis? Inquilinus es. Qui fecit omnia, is est omnium Dominus. *D.* Dolore cogor, vt mori velim. *R.* Fortassis ad experientiam dolor datur; qui, si molestus est, esse poterit utilis: si intolerabilis, longus certè non erit. Expecta domini reuocantis edictum. Cumque vocatus fueris, responde, & non prius. Fixa est dies tua, quam nec anticipare fas est, nec differre possibile: præoccupauerunt tamen hanc multi, & dum paruum fugiunt, breuemque molestiam, in æternas se, atque irremediabiles demerferunt: habuitque hæc opinio magnos authores, Annam Senecam in primis, qui ad eam tam constanter, & tam sapè reuoluitur, vt mihi quidem verius videatur, ne non propria sua sit: mirarique cogat interdum, vnde tam trîstis sententia tanti viri perquisinuerit: vtque alia sciam, quæ prosequi lon-

longum est, quodam ad Lucilium epistola: Si inutile, inquit, ministeriis est corpus, quid ni oporteat educere animam laborantem? De hinc paucis interiectis: Profiliam, inquit, ex ædificio putrido ac ruenti. Male ais, ô Seneca: & multa benedicta, vno polluis male dicto. Non migrandum nempè sed expectandum est. Sine ædificium tuum ruat, vt antequam fugias, opprimaris. *D.* Non possum pati, quæ imminent, mori malo. *R. A.* Ab hoste forsitan inferendam mortem? quæ si fortiter lata sit, turpis esse non potest: cum hæc voluntaria non possit esse non turpis: quia contra domini superioris imperium est, contra quod, nihil bene fieri potest. *D.* Mori malim, quàm quæ instantia sunt, videre. *R. A.* Non est viri non posse, erectis oculis, vtramque fortunæ faciem spectare: muliebre est trepidos oculos auertere. Quid est autem, quod te turbat, vsque adeò, vt solius opem mortis implores? Tua ne forsitan, antuorum, an patriæ laborantis aduersitas? Lenta illa duo quidem: nihil enim potest fortuna, cui non possit virtus obstare. Tertium hoc piū sed pietate languida & inerti. Siquidem patriæ seruitus, & tyranni facies, morte potius repellenda, quàm declinanda sunt. Idem enim viri opus, hoc foeminæ. Qua tamen in re Catonis mortem miris laudibus, Seneca idem effert sua illa peculiari opinione, de qua diximus. Non sic Cicero; excusasse contentus, laudibus abstinet. Ait enim Catoni incredibili grauitate naturæ, perpetuæq. constantia, moriendum potius, quàm tyranni vultum aspiciendum fuisse; quem tamen Brutus aspexit, & illius potius morte tollendum quàm sua morte fugiendum censuit, quod quàm bene, seu quàm male feceris, non laboro; scit tamen. Cicero

autem, dum Catonem excusat, suæ illius sententia melioris obliuiscitur, quam ante annos plurimos libro sexto Reipubl. posuerat. Ea verò est huiusmodi: Dum P. Africanus minorem in cœlo, cum patre, atque auo colloqui somniantem: & audita immortalitate animæ, ac felicitate vitæ alterius, moriendi auidum induxisset; Patrem mox inutile desiderium castigantem fecit, his verbis: Non est ita, inquit ille; nisi enim cum Deus is, cuius hoc templum est omne, quod conspicias, istis te corporis custodiis liberauerit, huc tibi aditus patere non potest: homines enim sunt, hac lege generati, qui tuerentur illum globum, quem in hoc templo medium vides qui terra dicitur: quare & tibi Publi, inquit, & piis omnibus retinendus est animus in custodia corporis, nec iniussu eius, à quo ille vobis est datus, ex hominum vita migrandum est, ne munus assignatum à Deo diffugisse videamini. An non satis Ciceroniana hæc excusatum arguunt Catonem? Et planè, si ab imperatore terreno, ad custodiam loci cuiuspiam deputatus, non auderes iniussu te remouere, ferretque ille hoc grauius, si contrarium fecisses; quid cœlestis putas Imperator, cui tantò plus obedientiæ debetur, quanto maior Deus est homine. Fuit nuper priscæ virtutis Stephanus Columnensis, non hac solùm, sed omni ætate vir clarissimus futurus: hic ab ingenti illo suo hoste, cui potentia impar erat, obsessus, turrim, vbi plurimum periculi videbatur, vni suorum conseruandam, certus de illius fide, commiserat; quæ, dum cuniculis suffosa latentibus, tremere, ac ruinam minaretur, fugientibus sociis, atque hortantibus, ut salutem suam descendendo consulere, cum iam nihil vtilis mora esset, sibi

verò

• verò periculosa etiam , & funesta : Non descen-
dam , nisi ille me reuocet , à quo hic positus
fui. Id dum Stephano nunciatum esset , & ipse
illi metuens , atque illum reuocaturus , accurre-
ret ; turris fundamentis fatiscentibus , magno
corruit fragore. Sic fidelis custos oppressus est,
quem vixerunt ruinis , dominus suus moestus,
ac lachrymans sepeliuit. Eumque dum vixit , &
piè desiderauit , & fidem eius sæpè meritis lau-
dibus , in familiari colloquio prosequutus est.
Quid his verbis velim , vides. Talis enim tibi
commissi corporis custos esse debes Deo , qualis
hic , creditæ sibi turris , domino suo fuit. Fuisse
tamen nihilominus , non me latet , mortem Cato-
nis , illa ætate , laudatam à multis , ac opinione ho-
minum gloriosam. Notumque est illud Iulij Cæ-
saris , qui dum victor Vticam properaret , ubi ille
se peremerat , audita eius morte , Cato mea glo-
ria , inquit , inuidit : Et ego sum inuideo. Præcla-
rum aliquid , haud dubiè videbatur , cui vir ma-
ximus , & gloriosissimus inuideret. D. Quid
igitur obstat mihi , aut quid prohibet Sapien-
tis viri mortem , inuidiosam summo homi-
num , & excusatam Sapiantibus , ac laudatam se-
qui , vitæque difficultates innumeras , auxilio
spontanæ mortis euadere ? Mori volo. R. A.
Vide ne te inanis spes rerum fallat. Sunt nem-
pe alij ; quam pares eloquio , nihil ad rem ; at cer-
tè sententia potiores , qui Catonis hanc mor-
tem , neque laudent , neque excusent , sed graui-
simè reprehendant. In quibus Augustinus scrip-
tator veritatis acerrimus , non hanc fuisse illi at-
cessendæ mortis causam disputat , ne sub Cæ-
saris Imperio veniret , cum filio suo , cum ipse
author fuerit ad Cæsarem confugiendi . deque

illius clementia sperandi omnia, nec fefellit; quod si turpe credidisset, cur non filium secum, vel veneno, vel ferro, vel morte quolibet, ab eiusmodi turpitudine liberasset? cum Manlius Torquatus sit laudatus, quod filium ipse suum, qui contra patris imperium pugnasset, ac vicisset, occiderat. Neque enim turpius dici potest, procacis hostis esse victorem, quam superbo parere victori. Quid ergo? Cæsarem dignum iudicavit, qui filio vitam daret, atqui sibi, vel indignum censuit, vel invidit. Et ad summam, mortis illius solam causam fuisse deprehendit invidiam, quod nec Cæsar ipse dissimulavit ut modò diximus. Aliud enim timere quid poterat? aut quid principem non tulisset, à quo pridem consule curiā eiectus fuerat, & coniectus in carcerem? & qui se tanta, tamque presenti iniuria, non occidit, quo inani metu, quæve falsa opinione superbix, aut credulitatis occideret. Quid tam horrificum vultus Cæsaris habuit, ut esset morte etiam fugiendus, viri omnium, non tyrannorum modò, sed principum clementissimi, atque mitissimi, etsi potentiorum nullum, multos certè ferociorem, sua ille viderat ætate; imò verò nullum viderat mitiorem. Iure igitur alter quidam scriptor egregius, & fide clarus, & eloquio: Mihi inquit, Cato videtur causam quæsisse moriendi, non tam, ut Cæsarem fugeret, quam ut Stoicorum decretis obtemperaret, quos sectabatur, suumque nomen grandi aliquo facinore clarificaret. Cui quid mali potuerit accidere, si viueret, non inuenio. Cuius enim Cæsar, ut erat clemens, nihil aliud efficere volebat etiam in ipso belli ciuilis ardore, quam ut bene mereride Repub. videretur, duobus optimis ciuibus Cicerone, ac Catone seruatis. En tibi

tibi alia præter inuidiam causa moriendi, vanitas stulta, vtraque nec Catone digna, neque illa prorsus anticipandæ mortis sufficiens causa est. Mori malim quàm sic viuere. R. Quid scis an hæc tibi tam tristis vita, multis optabilis, multis inuidiosa sit? Sed impatiencia res cunctas exasperat. D. Mori opto. Vt timidis metum mortis, sic desperatis vitæ odium, extorquere difficile est: vitam tamen æquanimiter perferendam, mortem fortiter expectandam: hæc nostri remedij summa sit.

De Morte. D I A L. C X V I V.

*Debita natura solui, letare triumpho,
Corporis tandem carcere liber abis.*

D O L.

M Orior. R. Ad extrema peruentum est. Iam nec mortem metues, nec optabis; de quibus duobus, totidem me proximis tractatibus, fatigasti, iam præterea nec dolebis: nec corporis, animique defectibus subiacebis; nec rerum tædiis, aut morbis, aut senio, aut hominum dolis aut fortunæ varietate lassabere; quæ si mala sunt, mali finis utique bonus est. Tu paulò antè de his omnibus querebaris, nunc eorundem de fine conquere ris; vide, sis iniquus, vnam rem qui simul doleas esse, & finire. D. Morior. R. Iter patrum, immo omnium; latum, tritumque iter gradieris. Solus ne tibi nesci quid aliud demum maluisses? Perge autem, non est aberrandi metus, tot sunt vitæ duces, comitesque. D. Heu morior. R. Si quis est, quem fletum mori deceat, ridere dedecuit viuentem, cum instare, semperque supra verticem videret, vnde mox fletum sciret. Risum illum haud dubiè, fletus hic non lōgo seiunctus spacio sequebatur. D. Morior. R. Nō

est ferendus, qui sui generis sortem luget; non moreris utique ni mortalis esses. Sin id defles, quod mortalis sis, non est flendi locus, ubi esse definis, quod inuitus es; flendum erat ab initio, dum inciperes esse, quod nolebas; nunc gaudendum; esse enim incipies immortalis. *DO.* Morior. *RA.* Omnes hi, qui lectulum tuum modò ambiunt, omnes præterea, quos vidisti vnquam, omnes, de quibus audisti aliquid, aut legisti, & quantula ea pars hominum est, quam nosse potueris, omnes omnino, qui vel olim nati sunt, vel omnibus terris, ac faculis nascentur, iter hoc egerunt, acturiq̃ue sunt. Cerne animo longam præcedentium, longamq̃ue sequentium cateruam, comitumq̃ue, & hac ipsa hora tecum simul obeuntium, non paruum numerum: pudebit, credo, sortem publicam priuatis vrgere querimoniis, dum ex omnibus vel vnum, cui inuideas, non videbis. *D.* Morior. *RA.* Hoc est impassibilem fieri, & iugum fortunæ pariter, ac mortis excutere. Geminum ingens bonum, quod viuenti nulla vnquam prosperitas largiretur. Cogita autem, quæso, quot tibi, & quam graues curæ, quique superessent labores, si, nondicam infinitam, sed annorum mille [qui vnusiam præteritæ diei spacio comparantur] certam vitam accepisses: quod optimè æstimabis, si huius breuis, ac fugacis, & incertæ vitæ tædia, proque hac toties susceptos labores, molestiasq̃ue memineris. *D.* Morior. *RA.* Ita mortem fletis, O mortales, quasi magnum aliquid vita esset: quod si esset, magnum aliquid etiam muscæ haberent, & aranæ, & formicæ, si semper beneficium vita esset, semper maleficium esset mors: quæ magnum beneficium est interdum, dum vel ab intolerabilibus malis, vel ab

his

his, quæ summa sunt mala, peccatis instantibus animam eripit, præseruatque. Atqui, ut magnum aliquid, inter vos, sola est virtus: sic, si per se spectetur, vita hæc miseriarum innumerabilium officina est; quam, qui claudi dolet, is ferias respuit malorum, & quietem odit: quam, qui appetit, laboriosæ finem vitæ cupiat, necesse est. Quando nullus alius est, vel laborum, vel malorum finis, quid spes igitur? Dies adest, qui, si traheretur, votis erat optandus: & fortassis, ut res hominum sunt, & fortunæ vis immensa, & insultus varij, sæpè etiam votis optatus est tibi. *D.* Morior. *R. A.* Immo ex terrea, & caduca domo, ad æthereum, atque æternum migras habitaculum; & in limine pedem habens, moestus auelleris, atque inuitus, & nescio quid retro anxie respectans, an sordium, quas dimittis, oblitus: an bonorum, ad quæ pergis incredulus? Profectò, si quod paulò antedicebam, & quod magni dixerunt viri, vestra, quæ dicitur vita, morsest: illud est consequens, ut eius finis, quæ mors dicitur, vita sit. *D.* Morior. *R. A.* Rexte tuus carcere liberat; iam vincula franguntur, quæ fecisse mortalia primum patrem libuit. Idque vel maximè ad illius misericordiam pertinere, & Plotino visum, & vestris approbatum sciens, quid queraris, nescio. *D.* Morior. *R. A.* Vocat te Rex tuus, felix nuncius. Sæpè est enim, nec videtur faustum, quod inuitis acciderit. Consensum adhibe, tunc sentire incipies, quàm bene tecum agitur: hic, quem metuis, carceris exitum, & mala vitæ reputans, & mortis bona præfagiens, quasi olor ille Socraticus, diuinationis particeps, & ob id sacer Apollini, moriendo cantabis: si non voce, saltem animo: & nisi, quod absit, graue nimis inex-

piatorum te criminum pondus premit, quod fecisse Vespasianus corpore legitur, tu facies mente, ut assurgas moriens, nec te dignum censeas iacentem mori. Neque minus, hac in parte tibi tribuas, quàm ille sibi, quòd non ut ille, sis princeps: Mors enim nescit imperium: Principes non agnoscit, adæquatrix optima, multa forsan in vita, certè in morte nihil illi licuit, quod non liceat tibi: quin & plusculum diuinæ opis tibi, nunc respuis, affuturum spero. Non quia tu melior, sed quòd gratuito Dei amore felicior, qui negata magnis, & sapientibus abscondita, concessit parvulis, & reuelavit indoctis. Adde quòd cum utilius, cum facilius tuum erit assurgere. Illius enim conatus corporeis viribus egebat, quas morbus extenuat, mors extinguit: tibi ad assurgendum, non nisi animi viribus est opus, quæ vicinia sæpè mortis augentur. *D. Morior. R. A.* Quid in tuto trepidas? quid in plano cespitas? quid in prono hæsitas? Non tibi ingeram, quæ hoc loco disputant philosophi. Multa sunt enim, quæ morientis occupatio, & angustia temporis non admittunt: debuit tibi profundè admodum hæsisse, quicquid ubique de hac re ab antiquis philosophis disputatum est. Vt enim ipsi idem volunt, asperarum rerum omnium remedia superuacua facere potest, rara quidem, sed in finem rara prosperitas: quæ aduersus mortem differuntur, ea semper utilia, semperque necessaria ut sint, moriendi non fortuita, sed naturalis, & inuicta necessitas facit. Inter ceteros tamen multa, & valida in Tusculano ipso, cuius supra meminimus, prima luce recolligit Cicero; quæ nisi olim didiceris, nunc docendi spaciū non est: quibus efficit, siue in malis sit, qui moritur, siue in
bo.

Bonis esse videatur: quia tamen, ex quo fortunæ iaculis patet omnis hominum status, à malis eum, non à bonis, morte discedere; quod acer quisque humanarum observator rerum, haud dubiè, verum sentit. Morte igitur non offensum se, sed sibi consultum iri existimat, iam latè illam cogitans, & cum venerit, visurus, ut liberatoris sui nuncium, seu ministrum, & cum transierit respecturus, ceu fenestram, unde mundi laqueos, & carcerem carnis euaserit. Illud Cicero idem disputando consequitur; seu petit animus, seu transfertur, ut vel mali nihil, vel boni plurimum sit in morte; argutè fortassis apud suos; apud nos nempe non philosophis modò, sed ne vulgò dubium, credo hercle, nec apud eum ipsum, de quo sæpè loquimur. Ciceronem; quod magnificentissimè multis testatus est locis; sed vel sui collocutoris, vel illius cui diffidentia serviebat. Ad summam igitur, sic teneto, ut scias immortalem esse animam, quod non solum concors vestra gentis opinio, sed philosophorum omnium excellentissimi tenuerunt. Nulla tibi spes in occasu animæ, cui naturale est, ut mori nequeat; neque hinc fidas, nil mali superesse post obitum, quod nulla sit futura anima, quæ pati possit: sed quia creator animæ, ipse est mitis, ipse pius, ac misericors, opus suum non despiciet, seque veraciter inuocantibus prope erit. In illum preces, in illum vota, in illum spes ultimæ ferantur, in illius nomen extrema definant suspiria. I securus, nil timeas; natura parens benignissima nihil fecit horrificum, mortem formidabilem error facit hominum, non natura rei prouida: si quid magnum voluis animo, si quid altum struis, humiles, & ineptas vulgi voces, actaq; despice: verum illos suspi-

ce, quorum imitatio ad veram gloriam via est. Apud nostros quidem latè, feliciterque morientium innumerabilia sunt exempla. Sin antiquiora perquirimus, multi occurrent, qui mortem non modò ferant fortiter, sed accersant: quod, in Marco Catone, sicut modò diximus. *M.* Cicero excusat? Seneca autem & laudat. Nobis verò neutrum sat probatur; sed secundum minus, quia tolerabilius est errorem excusare, quàm laudare. Nos utrumque reiicimus, quoniam, ut vocatum respondere, & reuerenter parere laudabile; sic imperatoris iniussu, commissa de custodia, & corporis statione discedere, capitalis est habenda defectio, & vel exilio graui, vel summo plectenda supplicio. Sciens repeto, ut altius imprimam. Abundè enim [nisi fallor] hæc omnia superiori tractatus explicuit. *D.* Morior. *R.* Immo carnis tributum, naturæ debitum, persoluis, mox futurus liber: fac libens, quod vel nolens faceres; & ut bene ait quidam Mortis hortator:

Cupias quodcumque necesse est.

Non est utilius, immo quidem non est aliud in necessitate consilium, quicquid fit à volente, fit lenius; & definit esse necessitas, si voluntas accesserit. *D.* En morior. *R.* Ente dominus præstolatur. Accelera, ne titubes, ne cuncteris, pone suspicionem; non tu tibi cariores, quam illi: Quis vocatus ab amante, diffidit? Adhuc fortè miraberis timuisse, quod optandum esset. Multa enim, solutus, scies, quæ vinctus nullo vnquam studio didicisses, usque adeò, ut arcana rerum nosse volentibus, ad quæ, mortali vel obsita acies vestra non penetrat, quæ profectò cupiditas naturalis est homini, sed vehemèntior studioso; nil morte melius putem, nilque quod breuius.

nus adoptatum ferat. D. Morior. R. A. Imo obdormis, vitæque fessus, ut arbitror, requiescis. D. Morior. R. Vade in æternam requiem, nunc primum vivere incipis. Bona mors, initium est vitæ.

De Morte ante diem. D I A L. C X X.

*Tardius ancitius, nil refert, si moriare,
Semper enim iusto tempore mors veniet.*

D O L.

Quid quod ante diem morior? Ante diem nemo moritur, sed non omnibus dies idem. Imo, ut vates ait eximius.

Stat sua cuique dies;

ad quam quisque cum venerit, metam attigit. Et quoniam, nec redire datum, nec subsistere, trans eundum est. D. Ante diem morior. R. Posset id verum esse, si in diem debitor fuisses; purus debitor, semper debet: semper itaque nutum sui creditoris obseruet. Et semper in numerato habeat, quod debet. Habet autem semper, dum mortale corpus habet; nullo mutuo, nullo opus est fœnore: domi habet. imo quocunque ierit, secum habet, & ut dicitur, in manu habet, unde se liberet, quo soluto. nil naturæ amplius, & nil iam coelestibus ullis debet, ut Vergilius ait. Pone igitur hanc querelam. Ante diem non reposcitur, quod omni deberur die: quin pro eo, quod dicebam, gratias age, quia scilicet, ad id debitum, nec prece, nec possessione, nec pignore, nec usura indiges: quod ultimum dixisse fertur Spartanus ille vir fortis incognitus, sed dignus agnosci, cum ad mortem ductus, ob hoc ipsum imperterritus iret, atque alacer, quod capite suo satisfacere Lycurgi legibus posset. D. Morior ante diem. R. A. Non intelligo, quid sit, ante diem mori: nisi quod vulgò dicitur, ante lucem

seu cum primum elucescit : quæ exercitiis eius,
 quam nunc agis animæ, aptissima hora est. Alio-
 qui quis omnino hominum ante suum diem mo-
 ritur, cum ille sit suus dies in quo moritur, non a-
 lius? *D.* Ante tempus morior. *R.* Neque ante
 tempus, neque post tempus, sed in tempore mo-
 rieris : nisi sic forte tempus accipis, quod tu tibi,
 non natura, seu fortuna præfixerat. Ante illud
 enim sic non mori potest, sicut nec post illud vi-
 uere. *D.* Morior ante tempus. *R.* Quis, nisi amens,
 queritur ante tempus absolui vinclis, & carcere
 relaxari? Latandum, medius fidius, si ante tempus
 accidisset : sed nec accidit, nec accidere potuit :
 suum tempus habent omnia : hic te terminus ma-
 nebat, hic metam fixerat, qui te in hoc vitæ sta-
 dium induxit. Si de hoc fine quereris, & de alio
 quolibet queri posses. *D.* Citò morior. *R.* Citò na-
 tus eras. Non moritur citò, qui iam senuit. Quod
 si non senueras, cessata altera pars querelæ : quan-
 uis, si portio vitæ vltima est senectus, non senuisse
 non potest, quisquis moritur. Sed intelligo sene-
 ctutem, ut vulgus annorum congeriem multo-
 rum, cui non, ut reliquis, finis est alius, quam
 mors : de initio discrepatur variis sententiis, sed
 pro viribus senescentum, proque valetudine cor-
 porum, atque animorum habitu, ad concordia re-
 digendis. Tota denique res huc redit, ut vel mor-
 tis incusare celeritatem desinas, vel molestias
 vitæ prolixioris, quæ de mortis ipsius tarditate
 proueniunt. Sed vos vobiscum dissidentes, nec
 mori vultis, nec senescere cum utrunque certè,
 vel alterum sit necesse. *D.* Amplius viuere
 poteram. *R.* Immo certè non poteras. Nam
 si posses, putò viueres : sed hoc dicere vis, vole-
 bam, seu sperabam; & ut est animus mortalium.

vitæ

vitæ auidus, spei credulus vtroque perfacile tibi assentiam: at si dicere vis, dicebam, quia pauculos adhuc dies viuere ætati non indebitum videretur, non æque consenserim. Quidam enim rursus obeunt, multi ocius, nunquam nullus. hæc inter nihil in commune, nisi vt omnes mortales vna lex teneat, vnum mortis imperium. alio tamen, atque alio moriendi genere, diuersisque vitæ spaciis. Sic rei vnius modus multiplex, tempusque peruarium est. Æquo animo igitur quisque suum mortis genus, suum diem mortis expectet; nec auiditate vitæ, nec fastidio quod indocti ingrati omnes faciunt, de naturæ legibus queratur aut litiget. *D.* Modicum vixi. *R.* Nul- lus tamen vixit, vt non sibi modicum vixisse videretur; & est planè modicum, quicquid hic viuatur: itaque si diu viuere delectat, vitam illam querite, vbi semper viuatur; quæ, etsi hic non sit, tamen hic queritur. *D.* Vixi modicum. *R.* 1. Quid si diu vixisses, nunquid ideò, non vixisses modicum? Spacia vitæ huius imparia, & incerta sunt; vnum omnibus est commune: cuncta sunt brevia: vixit aliquis octuaginta annos, quid hic, quæso plus habet, quam qui octo; verte acriter te in te, nec te fallat vulgi furor. Qui plus, inquam, habet, qui diutius vixit, nisi forte curas, laboresque, & dolores, & tædia, ac peccata in lucro ponitis. Aut quid plus haberet, si vixisset octingentos. Est in expectatione fateor, plusculum aliquid. At cum spacium vtrunq. trāserit [mihi crede] nihil inuenies, quo plus vixisse felicius sit. *D.* Morior, dum bene agere cogitabam. *R.* Quid agere cogitabas, nec agebas? sic forsitan in perpetuum cogitasses. Sunt, qui bene agere semper cogitent, nunquam tamen incipiant. Quod si bene agere cœperas, ne

dubites, quanuis boni operis finem, mors præ-
nertat: apud coeca hominum iudicia, fortasse aliquid, sed spernendum; apud infallibilem rerum æstimatorem, nil tibi subtrahitur, integra merces tua est, non actuum modò, sed votorum.

D. In medio rerum apparatus morior. *R. A.* Hæc non mortis, sed morientium culpa est, qui breuissimam vitæ telam, tum maximè ordiuntur, dum præcidenda erat: quod nisi sic esset, non tam sæpè inexpletis vitæ muneribus morte præuenirentur, seu expletis, ac transactis viuerent, qua profectò nulla dulcior vita est. Hanc tamen dulcedinem non tam vitæ breuitas, quàm viuentium torpor hominibus eripit, quibus nulla idèò longa est vita, quia quantumcunque sit temporis, nunquam viuunt, semper viuere meditantur, & iam senes inter noua vitæ consilia fluitantes, celeri fine, serum pincipium antecedunt. *D.* Morior, dum magna pararem. *R. A.* Hoc multis magnis viris, ferèque omnibus accidit. Falluntur homines, cum in multis, tum in morte præcipuè, quam venturam nemo est, qui nesciat, dilaturam sperant, & abesse procul fingunt sibi, quam vicinam semper, hinc vitæ breuitas, & fuga temporum facit: hinc fortunæ vis, & casuum humanorum circumfusa varietas. Et ô cæcitas mira, quòd quid vobis sit sperandum, in aliis saltem aliquando non discitis. Sed sic est, agrè ad amaras cogitationes animus redit, itaque dum sibi quisquis longissimum vitæ spatium spondet, dùmque vel æuum Nestoris, vel [vt ait Cicero] Metelli fortunam sperat, denique dum se quisque prædilectum naturæ filium credit, de primordiis agitantes, finis occupat, & multa deliberantes, impronisa repente mors aggreditur, mediòsque intercipit ap-
para-

paratus. *D.* Viridi morior ætate. *R. A.* Ut nil in hoc aliud boni sit prouisum, tibi est saltem, senio ne marcescas. Senectus enim quamuis non sit grauis, ut apud Ciceronem ait Lælius, utque à nobis supra disputatum est; aufert tamen eam viriditatem, in qua quidem, ut Scipionem illo, sic tu nunc etiam & te fuisse commemoras; multis tu fortasse desiderio, nulli iam fastidio futurus sis, quod in longa ætate vitare, quantalibet virtute, subdifficile est. *D.* Iuuenis morior. *R.* Nosti, quid in vita passus fueris, quid passurus ignoras, & mihi crede in hoc tam vario tamque immitti fortuna regno, qui præmoritur comitem fallit. *D.* Morte præpedier. ne cœpta perficiam. *R. A. T.* Id iuste quidem: agitis enim semper, quæ per egisse pridem decuit, peractique nihil est: hoc maximè vobis grauem mortem, facit, ac miseram: & si quidem absque tua culpa, cœpta peragere nequiuisti, sufficiat voluisse: sin per ignauiam diluisti, displiceat neglexisse. Quod si fors hęc lamentis causa prætenditur, verè autem nihil aliud, quàm vitæ prolixitas & dilatio mortis optatur inanis, licet publici voti, tandem te, vel serò pudeat. Audite enim me mortales, utque adeo vitæ cupidi; quæro ex vobis, sequestrato virtutum exercitio, quid omnino aliud vitæ hęc, quàm segnis, & inutilis mœra est? quæ, quantulacunque fuerit, nequit non esse breuissima. Dictum ergo placet illius cuius Augustinus meminit, quem in extremis agentem, cum amici solarentur, ac dicerent, ex eo morbo, minime perituum esse: Respondit, si nunquam bene; at si aliquando, cur non modo? *D.* Interruptis rebus morior. *R. A.* Si ad mentem redeunt, aut rebus gestis, aut ingenio clariores, magna pars inexpl-

ris operibus obiere. paucis in hac breui vita contigit, vt concepta, seu iam incœpta perficerent. Tu verò, quoniam communi hominum more, has te in angustias impegisti, nec præterita retractari possunt, vnâ hanc emergendi viam arripe, non vt ad multa interrupta flebiliter, inutiliterque respicias, sed vt viriliter, quod vnum restat, expedias, bene mori.

De Morte Violenta. DIALOG. CXXI.

*Vnicuique modum moriendi fata dederunt;
Et bene qui vixit, non male obire potest.*

D O L.

Sed violenta morte pereo. *R.* Si nolens moreris, violenta mors est: at si volens, nulla. *D.* Per vim morior. *R. A.* Si quidem vita vis affertur, quid interest, febris, an gladius, dum liberè egrediare? quid refert, an ergastuli tui fores sponte pateant, an frangantur. *D.* Vi morior. *R.* Multæ sunt species mortis, sed mors vna, quæ an violenta sit an non, morientis arbitrium est; vim vis maior superat, consensus extinguit. Sapiens sic instructus est, vt quibus non potest ob stare, consentiat: quid tu, inquires, Percussori meo, vt consentiam, iubes? quidam non consenserunt modò, sed gratias egerunt: inuentus est, qui percussorum suorum ignorantiam excusaret, & supremo illius anhelitu veniam precaretur. Neque ego te cruento consentire carnifici, iubeo, sed inuitæ forti; cui, qui non sponte paruerit, vi parebit. *D.* Morior hostili manu. *R.* Quid tu igitur, amici manu mori posse, credideras? quando id tibi, nisi ab ignorante contingeret? *D.* Hostili dextra pereo. *R. A.* Hostiles euadis manus. Ille, dum iræ suæ obsequitur, libertati tuæ consulit, potestati suæ

suæ detrahit, nîlque amplius in te potest. Satius
 est sub iniusto hoste procumbere, quàm sub iusto
 rege. Illic enim occisoris est crimen, hic occisi.
 Hostili ferior manu. *R.* Quid tua magis inter-
 est, qua dextera, quàm quo gladio feriare? Non
 de manu, sed de vulnere quaeritur: quanuis &
 Pompeius manu Cæsaris ferri, pro mortis solatio
 videatur, apud Lucanum, optare, & apud Statiũ,
 Capaneus Ipseum; apud Vergilium, Æneas Lau-
 sum, Camilla Ornithum, quod illorum manu oc-
 cidantur, consolentur. *D.* Ferro morior. *R.* Com-
 munis tibi cum maximis fortuna, cùmque opti-
 mis viris: bona pars eorum, quos vel præsens vi-
 ta felicissimos habuit, vel æterna sanctissimos ha-
 bet gladio perire; quos si numerem, non breuilo-
 qui monitori, sed longi opus erit historici. *DO.*
 Gladio pereo. *R.* Alij aliter, quidam laqueo, qui-
 dam lapsu, quidam vnguibus leonis, aut a piden-
 tibus, multis ferri copia defuit, dum optarent gla-
 dio perire. *D.* Ferro ferior. *R.* Quid scis, an maiori
 exitio subtraharis, quodque miserrimum censes,
 grauioris miseræ fuga sit? dixi supra, vt Ploti-
 num, alterum à Platone philosophiæ decus, pe-
 stilens lepra percussit. Id non dixi, vt alterum ab
 Homero, poëticæ Gratiæ lumen, Euripidem, canes
 moribus lacerarunt: Lucretius vestrorum vatum
 primo proximus, cui tam multa Vergilium aufer-
 re non puduit, amatorio poculo accepto, in mor-
 bum, rabiemque compulsus, gladio ad postre-
 mum pro remedio usus est. Herodes rex Iudææ,
 tam foedo morborum agmine circumuentus, in-
 teriit: vt compendiosior ferri mors, inuidiosa si-
 bi esse potuerit, utque auguror, fuerit. Roma-
 nus princeps Adrianus morbi tædio victus, impa-
 tientiam doloris, ferro abrumperet, si licuisset, o-

prauit. Magnum quendam virum, hac ætate, vermes toto scatentes corpore; mures alium, exedisse narrantur. Inter tam multa ludibria humani corporis, si electio tribuatur, quis imbecillis adeo, vt non ferrum ambiat? *D.* Ignibus pereo. *R.* Quidam animæ vim, naturamque igneam æstimantes, id facillimum mortis genus opinati sunt. *D.* Flammiis absumor. *R. A.* Vermibus ereptum corpusculum, non patrescet. *D.* Fluctibus obruor. *R.* Piscibus conuiuium, bustum tibi amplum, nobile nitidum. Et quid refert corpus terrenum, terræ reddas, an pelago? *D.* In freto morior. *R. A.* Non vbi, sed qualiter moriaris, ad rem pertinet; vbique bene mori licet, vbique male. Non in loco, sed in animo est, quod felicem mortem facit, aut miseram. *D.* In mari pereo. *R. A. T.* Persuasum multis scio, in mari miserum mori, quod æthereus, atque ardens spiritus, suo contratio videatur opprimi. Sed, vt dixi, nihil locus ad miseriam, animus totum. Itaque de hac re, nauta nescio cuius responsionem probo; quem, cum quidam interrogasset, vbi nam pater eius obiisset, in mari, inquit. Cumque idem ille de auo, & proauo, atque atauo nominatim quæsiuisset, ex ordine, responsumque ille idem de singulis accepisset, intulit: Et nunquid tu, inquit, mare ingredi non times? Respondit, Nauta dissimulans; & vbi nam tuus obiit pater? Suo, ait, in lectulo; vbi auus, inquit? & is ait, & proauus, & maiores mei omnes, suis in lectulis obiere. Tunc nauta; Non tu, inquit, tuum non times in lectulum ascendere? Eleganter quidem, aliquantoque plus, quam nauticè. De morte igitur, natura viderit, quæ mortales fecit; at de genere mortis, de loco, de tempore, viderit fortuna. *DOL.* Veneno morior.

R. Co.

R. Comites tibi illustres pridem, dum de hoc vno ageretur, exposui. Regia quidem mors est gladius, sed venenum magis. Et ad summam, ridiculum valde est, ubi de morte decreueris, de instrumentis esse anxium.

De Morte ignominiosa. DIAL. CXXII.

*Si meruit scelus infamie morte perire,
Aequo animo qui fers, sustine, saluus eris.*

D O L.

Sed ignominiosa mors est. R. Mortem ignominiosam facit, non genus, aut qualitas, sed causa supplicij. D. Ignominiosè morior. R. Nemo bonus male moritur; Nemo malus bene: honestam mortem, non funeralia, non ministri, non purpureæ faciunt exuviae; non inuerti clypei, atque enses, & flens dominum familia, & vulgi clamor ac lamenta, & mœrore vxor insignis, & pietate filius, & deiecta ceruice, ante feretrum, nigro indutus; ac lachrymis grandibus humeris, & non postremò funereus laudator homo, & imagines aureæ diuitis sepulchri, defunctique titulus, victurus in marmore, donec sua quoque [licet fera] lapidibus mors sit; sed virrus, & clarum meritis viri nomen, non vulgaris egens aux, sed suapte eminens maiestate, quod non præceps, & cœcus fauor hominum, sed rerum series, & innocens vita pepererit, atque vsque ad mortem veritatis, & iustitiæ suscepta defensio. Interque medias mortis minas imperterritus, atque inflectus animus, ac generosa fiducia. Contra his decoribus honestam mortem, quis ignominiae, quaeso, locus est? aut quomodo turpiter mori potest, qui sic moritur? Sernilem in modum virgas adhibe, & terrores, & laqueos, & secures,

fige cruces, & rotarum radios attolle, & quadrigas in diuersum age, laccra huc, & illuc membra rapturas; adde ignes & craticulas prunis impostas, atque oleo vasa feruentia, & ferarum dentes fame armatos, adde vncos, & garmonias ac tracta per vicos laniata cadauera, & quicquid iniuriæ, atque opprobrij, seu viuum, seu exanime corpusculum pati potest; dura mors fortasse videbitur, ignominiosa certè non fuerit. Imo verò non nunquam eò clarior, quò durior. Itaque apparatus hic exterior, & tumultus, & tubæ, & carnificum truces vultus, & irati vox tyranni, nihil prorsus ad rem; intra te ipsum te reflecte, ibi te quære; atque excita. Omnibusque, quæ supersunt, animi virib. ad extremos casus accingere; aures ab inuiso strepitu, à supplicij pompa oculos auerte, tacitusque totam animam recollige, atque hortare, resque ipsas examina, non vmbras rerum. Tu, si mortem ipsam, rectis oculis, spectare audes, nec ferrum, puto, nec restim, nec liuentes calices, nec stillantes carnifices horrebis: vanum est enim, ipsum hostem cum contempseris, eius faleras, aut signa, metueres. *D.* Ignominiosa morte damnatus sum. *R.* Sæpè actor, seu delator infamis & obscœni testes, & obscurus iudex; reus autem ipse clarissimus: sæpè ignobilis vulgò mors, nobilis verò, gloriosusque, qui moritur. Iam, vt sileam reliquos, quòd & nimis multi, & multò impares sunt; quæ vsquam ignominiosior mors, quàm crucis? in qua pependit eximium illud, & prænitidum coeli decus, ac terræ; ne tale aliquid ignominiosum sibi censeat vlla fors hominis. Et quoniã summo nihil est altius, in hoc defino. Omne genus mortis honestare potest virtus, virtutem nulla mors inquinat.

*Cum mortis genus, & metam nescimus, & horam,
Ad tempus mortis nos preparare decet.*

D O L.

AT repente nimis morior. *R.* Paulo ante, si recolo, senuisse te dicebas. Miror: quomodo repentina mors senis est; qui, nisi, non dicā, delirat, sed insanit; semper ante oculos mortem habet. Nāque cum omni ætati salubriter sit consultum, ut omnem diem sibi vltimum credat, hoc amplius ritè consulitur senectuti, ut omnē horam sibi putet extremam, neque illud modò non audiat, quod est apud Tullium, nemo tam senex, qui se annum non putet viuere. Sed ne id quidē, quod Seneca ait, diem. *D.* Subitò morior. *R.* Quid hic dicam, nisi ut repetā, quod ille olim summus hominum, nec minor ingenio, quàm fortuna, vno, ne integro quidem, ante suū obitum die, quasi iā verum, experientia vicinitatē præfagiens, dū de hoc ageret repentinā, atque improuisam mortem commodissimam iudicauit; quod iudicium ab ea videbitur religione dissentiens, quæ ab hac morte liberari, flexis genibus, Deum orat: neq; ego hanc sententiam, vbi sit libertas, amplector; aliud tibi nempe cogitandum est; neque verò hanc optabilem, sed, vbi sit, tolerabilem mortem dico. Siquidem sapienti, quique eminus cuncta præuiderit, inopinum nihil accidere posse, non ambigitur. Vnde fit, ut improuisa mors non sit, cuius prouida vita fuit. Nam quo pacto rerum maxima negligat, qui parua, qui minima etiam librare sit solitus? humanis autē in rebus, quid mihi maius morte monstraues? quid par morti? *D.* Velocissi-

700 PETRARC. DE REMED.

mè morior. R. Impraeditata modò non sit mors, quò velocior eò facilior: supplicium enim [si quod est] utique breue est, sensumque ipsum celeritate præueniens, & morti detrahitur, quod est in morte durissimum, merus mortis.

De Aegrotante extrapatriam. DIAL. CXXIV.

*Sape solum natale miser felicius extra,
Aegrotat, quàm si viveret in patria.*

D O L.

A Liena in patria agroto. R. Quid refert, cuius sit patria; agritudo utique tua est. D. Ludo me; ego extra patriam agroto. R. Qui extra unam patriam est, intra aliam sit, oportet; extra omnem patriam nec egrotare, nec sanus esse quisquam potest. D. Diuerticula verborum quæris. Extra meam patriam agroto. R. Vnum hoc bonum huic inest malo. Nemo grabatulum tuum premet. Non importuna vxor, aut filius, sui uterque sollicitus, negligens tui. Quoties putas viro vxor, patri filius, fratri frater, in ultimis laboranti, puluinar iniecerint, & mori adiuuerint, quæ alienigenæ vetuissent? Sæpè ibi maior est caritas, ubi minor creditur. Certè nullus astantium morbo tuo gaudebit, nullus tibi mortem optabit; quæris causam? Nullus hæreditatem tuam expectabit; omne in facinus spes, & cupiditas impellunt, hæc tranquillitas non facilè tibi in patria contigisset. Multi stratum circumsisterent, sub officij specie funeri inhiantes; quæ cogitatio, ægrotanti agritudo [nisi fallor] altera est. Obsessum hinc lupis, hinc vulturibus se cernenti, iam cadauer mente captatibus. D. Extra patriam egroto. R. Quid scis, forsitan nunc in patriam redis. Rectum, & breue

ueiter in patriam est, mori. *D.* Extra patriam æger sum, ? O superuacua semper, & inanes hominum querelæ. Quasi verò ardentior extra patriam febris, aut durior sit podagra. Malum hoc omne, quod videtur, voluntarium est, atque in vestra positum potestate, ut pestes aliæ, quascunque falsa animis inuexit opinio.

De Morte extra patriam. D I A L. C X X V.

*Sape solum natale mori felicius extra
Contigit agrotis, quàm perisse domi.*

D O L.

MOrior extra patrios fines. *R.* An peregrino id accidit, an exuli? Iam, seu te in his terris visendi dicendique studium, seu religiosa deuotio detinebat, & gaudendum, quod honesto te mors reponit in actu; seu iusta sententia, & ferendum non modò fortiter, sed libenter. Nullo enim melius modo iniusti scelus hominis, quàm iusti supplicij spontanea, ac tranquilla perpessione diluitur. Sin potentioris iniuria, neque id tamen idè dolendum, sed satis [ut arbitror] de exilio disputatum est. *D.* Extra patriam morior. *R. A.* Dicebam modò, hoc est in patriam redire, nullus rectior trames erat, nullus breuior. Anti-bi Eudemus ille Cyprius, familiaris Aristotelis, è memoria lapsus est? de quo & Aristoteles idem scribit, & Cicero. Qui cum grauitè in Theſſalia ægotaret, vidit in somniis, se quamprimùm ægritudine liberandum, & post quinquennium in patriam reuersurum. Tyrannū verò verbis illius, ubi tūc erat, Alexandrū Phereū illico periturū. Cumque ipse paucis post dieb. insperatè redditus salutis, etiā tyrānus à cognatis esset occisus, atq. ita verā

dubites , quanuis boni operis finem , mors præ-
 nertat : apud coeca hominum iudicia , fortasse a-
 liquid , sed spernendum ; apud infallibilem re-
 rum æstimatorem , nil tibi subtrahitur , integra
 merces tua est , non actuum modò , sed votorum.
B. In medio rerum apparatus morior. *R. A.* Hæc
 non mortis , sed morientium culpa est , qui brevis-
 simam vitæ telam , tum maximè ordiuntur ,
 dum præcidenda erat : quod nisi sic esset , non
 tam sæpè in expletis vitæ muneribus morte præ-
 uenirentur , seu expletis , ac transactis viuerent ,
 qua profectò nulla dulcior vita est. Hanc tamen
 dulcedinem non tam vitæ breuitas , quàm viuen-
 tium torpor hominibus eripit , quibus nulla i-
 deò longa est vita , quia quantumcunque sit
 temporis , nunquam viuunt , semper viuere me-
 ditantur , & iam senes inter noua vitæ consilia
 fluitantes , celeri fine , serum principium antece-
 dunt. *D.* Morior , dum magna pararem. *R. A.* Hoc
 multis magnis viris , ferèque omnibus accidit.
 Falluntur homines , cum in multis , tum in morte
 præcipuè , quam venturam nemo est , qui nesciat ,
 dilaturam sperant , & abesse procul fingunt sibi ,
 quam vicinam semper , hinc vitæ breuitas , & fuga
 temporum facit : hinc fortunæ vis , & casuum hu-
 manorum circumfusa varietas. Et ô cœcitas mira ,
 quòd quid vobis sit sperandum , in aliis saltem ali-
 quando non discitis. Sed sic est , agrè ad amaras co-
 gitationes animus redit , itaque dum sibi quisquis
 longissimum vitæ spatium spondet , dùmque vel
 æuum Nestoris , vel [vt ait Cicero] Metelli fortu-
 nam sperat , denique dum se quisque prædilectum
 naturæ filium credit , de primordiis agitantes , fi-
 nis occupat , & multa deliberantes , impronisa re-
 pente mors aggreditur , mediòsque intercipit ap-
 para-

paratus. *D.* Viridi morior ætate. *R. A.* Ut nil in hoc aliud boni sit prouisum, tibi est saltem, senio ne marcescas. Senectus enim quamuis non sit grauis, ut apud Ciceronem ait Lælius, utque à nobis supra disputatum est; aufert tamen eam viriditatem, in qua quidem, ut Scipionem illo, sic tu nunc etiam & te fuisse commemoras; multis tu fortasse desiderio, nulli iam fastidio futurus sis, quod in longa ætate vitare, quantalibet virtute, subdifficile est. *D.* Iuuenis morior. *R.* Nosti, quid in vita passus fueris, quid passurus ignoras, & mihi crede in hoc tam vario tamque immitti fortunæ regno, qui præmoritur comitem fallit. *D.* Morte præpedier. ne cœpta perficiam. *R. A. T.* Id iussè quidem: agitis enim semper, quæ per egisse pridem decuit, peractique nihil est: hoc maximè vobis grauem mortem, facit, ac miseram: & si quidem absque tua culpa, cœpta peragere nequiuisti, sufficiat voluisse: sin per ignauiam distulisti, displiceat neglexisse. Quod si fors hanc iamentis causa prærenditur, verè autem nihil aliud, quam vitæ prolixitas & dilatio mortis optatur inanis, licet publici voti, tandem te, vel serò pudeat. Audite enim, me mortales, usque adeo vitæ cupidi; quaro ex vobis, sequestrato virtutum exercitio, quid omnino aliud vita hæc, quam segnis, & inutilis mora est? quæ, quantulacunque fuerit, nequit non esse breuissima. Dictum ergo placet illius cuius Augustinus meminit, quem in extremis agentem, cum amici solarentur, ac dicerent, ex eo morbo minime perituum esse: Respondit, si nunquam, bene: at si aliquando, cur non modo? *D.* Interruptis rebus morior. *R. A.* Si ad mentem redeunt aut rebus gestis, aut ingenio clariores, magna pars inexpl-

ris operibus obiere. paucis in hac breui vita contigit, ut concepta, seu iam incoëpta perficerent. Tu verò, quoniam communi hominum more, has te in angustias impegisti, nec præterita retractari possunt, vnā hanc emergendi viam arripe, non ut ad multa interrupta flēbiliter, inutiliterque respicias, sed ut viriliter, quod vnum restat, expedias, bene mori.

De Morte Violenta. DIAL. CXXI.

*Vnicuique modum moriendi fata dedere;
Et bene qui vixit, non male obire potest.*

D O L.

Sed violenta morte pereō. *R.* Si nolens moreris, violenta mors est: at si volens, nulla. *D.* Per vim morior. *R.* Si quidem vitæ vis affertur, quid interest, febris, an gladius, dum liberè egrediare? quid refert, an ergastuli tui fores sponte pateant, an frangantur. *D.* Vi morior. *R.* Multæ sunt species mortis, sed mors vna, quæ an violenta sit an non, morientis arbitrium est; vim vis maior superat, consensus extinguit. Sapiens sic instructus est, ut quibus non potest obstare, consentiat: quid tu, inquires, Percussori meo, ut sentiam, iubes? quidam non consenserunt modò, sed gratias egerunt: inuentus est, qui percussorum suorum ignorantiam excusaret, & supremo illius anhelitu veniam precaretur. Neque ego te cruento consentire carnifici, iubeo, sed inuitæ forti; cui, qui non sponte paruerit, vī parebit. *D.* Morior hostili manu. *R.* Quid tu igitur, amici manu mori posse, credideras? quando id tibi, nisi ab ignorante contingeret? *D.* Hostili dextra pereō. *R.* Hostile euadis manus. Ille, dum iræ suæ obsequitur, libertati tuæ consulit, potestati suæ

suæ detrahit, nilque amplius in te potest. Satius
 est sub iniusto hoste procumbere, quàm sub iusto
 rege. Illic enim occisoris est crimen, hic occisi.
 Hostili ferior manu. *R.* Quid tua magis inter-
 est, qua dextera, quàm quo gladio feriare? Non
 de manu, sed de vulnere quaeritur: quanuis &
 Pompeius manu Cæsaris ferri, pro mortis solatio
 videatur, apud Lucanum, optare, & apud Statiũ,
 Capaneus Ipseum; apud Vergilium, Æneas Lau-
 sum, Camilla Ornithum, quod illorum manu oc-
 cidantur, consolentur. *D.* Ferro morior. *R.* Com-
 munis tibi cum maximis fortuna, cùmque opti-
 mis viris: bona pars eorum, quos vel præsens vi-
 ta felicissimos habuit, vel æterna sanctissimos ha-
 bet gladio perire; quos si numerem, non breuilo-
 qui monitori, sed longi opus erit historici. *D.*
 Gladio pereo. *R.* Alij aliter, quidam laqueo, qui-
 dam lapsu, quidam vnguibus leonis, aut a pri den-
 tibus, multis ferri copia defuit, dum optarent gla-
 dio perire. *D.* Ferro ferior. *R.* Quid scis, an maiori
 exitio subtraharis, quodque miserrimum censes,
 grauioris miseræ fuga sit? dixi supra, vt Ploti-
 num, alterum à Platone philosophiæ decus, pe-
 stilens lepra percussit. Id non dixi, vt alterum ab
 Homero, poëticæ Gratiæ lumen, Euripidem, canes
 moribus lacerarunt: Lucretius vestrorum vatum
 primo proximus, cui tam multa Vergilium aufer-
 re non puduit, amatorio poculo accepto, in mor-
 bum, rabiemque compulsus, gladio ad postre-
 mum pro remedio usus est. Herodes rex Iudææ,
 tam fœdo morborum agmine circumuentus, in-
 teriit: vt compendiosior ferri mors, inuisibilis si-
 bi esse potuerit, utque auguror, fuerit. Roma-
 nus princeps Adrianus morbi radio victus, impa-
 tientiam doloris, ferro abrumperet, si licuisset, o-

prauit. Magnum quendam virum, hac ætate, vermes toto scatentes corpore; mures alium, exdisse narrantur. Inter tam multa ludibria humani corporis, si electio tribuatur, quis imbecillis adeo, vt non ferrum ambiat? *D.* Ignibus pereo. *R.* Quidam animæ vim, naturamque igneam æstimantes id facillimum mortis genus opinari sunt. *D.* Flammis absumor. *R. A.* Vermibus ereptum corpusculum non putrefect. *D.* Fluctibus obruor. *R.* Piscibus conuiuium, bustum tibi amplum, nobile nitidum. Et quid refert corpus terrenum, terra reddas, an pelago? *D.* In freto morior. *R. A.* Non vbi, sed qualiter moriaris, ad rem pertinet; vbique bene mori licet, vbique male. Non in loco, sed in animo est, quod felicem mortem facit, aut miseram. *D.* In mari pereo. *R. AT.* Persuasum multis scio, in mari miserum mori, quod æthereus, atque ardens spiritus, suo contrario videatur opprimi. Sed, vt dixi, nihil locus ad miseriam, animus totum. Itaque de hac re, nauæ nescio cuius responsum probo; quem, cum quidam interrogasset, vbi nam pater eius obiisset, in mari, inquit. Cumque idem ille de auo, & proauo, atque atauo nominatim quæsiuisset, ex ordine, responsumque ille idem de singulis accepisset, intulit: Et nunquid tu, inquit, mare ingredi non times? Respondit, Nauta dissimulans; & vbi nam tuus obiit pater? Suo, ait, in lectulo; vbi auus, inquit? & is ait, & proauus, & maiores mei omnes, suis in lectulis obicere. Tunc nauta; Non tu, inquit, tuum non times in lectulum ascendere? Eleganter quidem, aliquantroque plus, quam nauticè. De morte igitur, natura viderit, quæ mortales fecit; at de genere mortis, de loco, de tempore, viderit fortuna. *DOL.* Veneno morior.

R. Comites tibi illustres pridem, dum de hoc vno ageretur, exposui. Regia quidem mors est gladius, sed venenum magis. Et ad summam, ridiculum valde est, ubi de morte decreueris, de instrumentis esse anxium.

De Morte ignominiosa. DIAL. CXXII.

*Si meruit scelus infamem morte perire,
Aequo animo qui fers, sustine, saluus eris.*

D O L.

Sed ignominiosa mors est. R. Mortem ignominiosam facit, non genus, aut qualitas, sed causa supplicij. D. Ignominiosè morior. R. Nemo bonus male moritur; Nemo malus bene: honestam mortem, non funeralia, non ministri, non purpuree faciunt exuviae; non inuerti clypei, atque enses, & flens dominum familia, & vulgi, clamor, ac lamenta, & mœrore vxor insignis, & pietate filius, & deiecta ceruice, ante feretrum, nigro indutus; ac lachrymis grandibus humeris, & non postremo funereus laudator homo, & imagines aureae diuitis sepulchri, defunctique titulus, victurus in marmore, donec sua quoque [licet fera] lapidibus mors sit; sed virtus, & clarum meritis viri nomen, non vulgaris egens auræ, sed suapte eminens maiestate, quod non præceps, & cœcus fauor hominum, sed rerum series, & innocens vita pepererit, atque usque ad mortem veritatis, & iustitiæ suscepta defensio. Interque medias mortis minas imperterritus, atque infractus animus, ac generosa fiducia. Contra his decoribus honestam mortem, quis ignominiae, quaeso, locus est? aut quomodo turpiter mori potest, qui sic moritur? Seruilem in modum virgas adhibe, & terrores, & laqueos, & secures,

fige cruces, & rotarum radios attolle, & quadrigas in diuersum age, lacera huc, & illuc membra rapturas; adde ignes & craticulas prunis impoſitas, atque oleo vafa feruentia, & ferarum dentes fame armatos. adde vncos, & garmonias ac tracta per vicos laniata cadauera, & quicquid iniuriæ, atque opprobrij, ſeu viuum, ſeu exanime corpusculum pati poteſt; dura mors fortasſe videbitur, ignominioſa certè non fuerit. Imo verò non nunquam eò clarior, quò durior. Itaque apparatus hic exterior. & tumultus, & tubæ, & carnificum truces vultus, & irati vox tyranni, nihil prorsus ad rem; intra te ipſum te reflecte, ibi te quære; atque excita. Omnibꝫſque, quæ ſuperſunt, animi viribꝫ ad extremos caſus accingere; aures ab inuiſo ſtrepitu, à ſuppliciij pompa oculos auerte, tacitꝫſque totam animam recollige, atque hortare, reſque ipſas examina, non vmbras rerum. Tu, ſi mortem ipſam, rectis oculis, ſpectare audeſ, nec ferrum, puto, nec reſtim, nec liuentes calices, nec ſtillantes carnifices horrebis: vanum eſt enim, ipſum hoſtẽ eũ contempſeris, eius ſaleras, aut ſigna, merueres. *D.* Ignominioſa morte damnatus ſum. *R.* Sæpè actor, ſeu delator infamis & obſcœni teſtes, & obſcurus iudex; reus autem ipſe clariffimus: ſæpè ignobilis vulgò mors, nobilis verò, glorioſꝫſque, qui moritur. Iam, vt ſileam reliquos, quòd & nimis multi, & multò impares ſunt; quæ vſquam ignominioſior mors, quàm crucis? in qua pependit eximium illud, & prænitidum cœli decus, ac terræ; ne tale aliquid ignominioſum ſibi cenſeat vlla ſors hominis. Et quoniã ſummo nihil eſt altius, in hoc deſino. Omne genus mortis honeſtare poteſt virtus, virtutem nulla mors inquinat.

*Cum mortis genus, & metam nescimus, & horam,
Ad tempus mortis nos preparare decet.*

D O L.

AT repente nimis morior. *R.* Paulo ante, si recolo, senuisse te dicebas. Miror! quomodo repentina mors seni est; qui, nisi, non dicā, delirat, sed insanit; semper ante oculos mortem habet. Nāque, cum omni ætati salubriter sit consultum, ut omnem diem sibi vltimum credat, hoc amplius ritè consulitur senectuti, ut omnē horam sibi putet extremam, neque illud modò non audiat, quod est apud Tullium, nemo tam senex, qui se annum non putet viuere. Sed ne id quidē, quod Seneca ait, diem. *D.* Subitò morior. *R.* Quid hic dicam, nisi ut repetā, quod ille olim summus hominum, nec minor ingenio, quàm fortuna, vno, ne integro quidem, ante suū obitum die, quasi iā verum, experientia vicinitatē præfagiens, dū de hoc ageret repentinā, atque improuisam mortem commodissimam iudicauit; quod iudicium ab ea videbitur religione dissentiens, quæ ab hac morte liberari, flexis genibus, Deum orat: neq; ego hanc sententiam, vbi sit libertas, amplector; aliud tibi nempe cogitandum est; neque verò hanc optabilem, sed, vbi sit, tolerabilem mortem dico. Siquidem sapienti, quique eminus cuncta præuiderit, inopinum nihil accidere posse, non ambigitur. Vnde fit, ut improuisa mors non sit, cuius prouida vita fuit. Nam quo pacto rerum maxima negligat, qui parua, qui minima etiam librare sit solitus? humanis autē in rebus, quid mihi maius morte monstraues? quid par morti? *D.* Velocissi-

ue iter in patriam est, mori. *D.* Extra patriam æger sum, ? *O* superuacua semper, & inanes hominum querelæ. Quasi verò ardentior extra patriam febris, aut durior sit podagra. Malum hoc omne, quod videtur, voluntarium est, atque in vestra positum potestate, ut pestes aliæ, quascunque falsa animis inuexit opinio.

De Morte extra patriam. D I A L. C X X V.

*Sape solum natale mori felicius extra
Contigit agrotu, quam perisse domi.*

D O L.

MOrior extra patrios fines. *R.* An peregrino id accidit, an exuli? Iam, seu te in his terris visendi dicendique studium, seu religiosa deuotio detinebat, & gaudendum, quod honesto te mors reponit in actu; seu iusta sententia, & ferendum non modò fortiter, sed libenter. Nullo enim melius modo iniusti scelus hominis, quàm iusti supplicij spontanea, ac tranquilla perpessione diluitur. Sin potentioris iniuria, neque id tamen idcò dolendum, sed satis [ut arbitror] de exilio disputatum est. *D.* Extra patriam morior. *R. A.* Dicebam modò, hoc est in patriam redire, nullus rectior trames erat, nullus breuior. Anti-bi Eudemus ille Cyprius, familiaris Aristotelis, è memoria lapsus est? de quo & Aristoteles idem scribit, & Cicero. Qui cum grauitè in Thessalia ægotaret, vidit in somniis, se quamprimùm ægritudine liberandum, & post quinquennium in patriam reuersurum. Tyrannū verò verbis illius, ubi tūc erat, Alexandrū Phereū illico periturū. Cumque ipse paucis post dieb. insperatæ redditus salutis, etiā tyrānus à cognatis esset occisus, atq. ita verā

per omnia visionem ratus, promisso tempore reditum in patriam expectaret, quinti anni ad finem, pugnans Syraculis, occubuit; eoque illum modo in patriam suam rediisse somniorum interpretes dixere, nequa penitus pars somnij falsa esset. Ego, quid de somniis sentirem, dixi alibi: De hoc in patriam reditu, quid occurrerit, modò dixerim. *D.* Extra patriam mori cogor. *R.* Dixi, dum de exilio loqueremur, & repeto: aut nemo extra patriam moritur, aut omnes. Doctis quidem viris placuit, omnem mundi plagam patriam esse, & praesertim forti animo, quem non huius, aut illius partis amor astrinxerit. Aliis enim tantum, ubi bene esset; contra, nullam hic esse homini patriam, quibusdam visum, illa communis, haec altior philosophia est. *D.* Morior procul à patria, in qua natus sum. *R. A.* Vbi moreris, illa demum verior patria tua est. Illa te diutius possidebit, nec vagari sinet, & proprium, perpetuumque incolam, sinu amplexa, constringet: discas hanc terram pati, quæ te ortum alibi, transformabit in se. *D.* Procul à patria mors me manet, & sepulchrum. *R. A.* Et cælestes illi diuinique homines, ceteros una ætas, & eadem media mundi parte genuerat, toto orbe dispersi sunt, mortibus, ac sepulchris. Illum Ephesus, illum Syria, illum Persis, illum habet Armenia, illum Æthiopes, illum Indi, illum Achaia, illos Roma, illum vltima seruat Hispania: quosdam tamen ex his, loco mortis, ablatos esse, nunc in Italicis urbibus fama est, quæ terreni erant; pars quidem ætherea pridem, haud dubiè cælum tenet. *D.* Extra patriam mori oportet. *R.* Quid secundi ordinis viros loquar? Illum Stridoni Bethleem prius, & post Roma; illum Gallia Pannonia, atque illum Athenis abstulit Parisius; hunc

Gra-

Græciæ, atque nunc Hispaniæ rapuit Roma; hunc
 Mediolanum Romæ viuum. hunc defunctum A-
 fricæ Sardinia; mox Sardinia Tienum, occiden-
 tis duo lucida sydera æqua meritis, iuncta animis,
 vicina corporibus; qui sunt, de quibus loquor,
 intelligis; atque idè multa festinans transeo.
 Sed ne tertij ordinis exemplum desit. Illum Pa-
 lestina Cyprus tulit. Illum Nursia Campania,
 hos Hispania Italia, illum quidem Bononia, hunc
 Patauium. D. Intelligo planè singula. Sed adhuc
 inuitus procul à patria morior. R. Et ego planè
 causam rei huius intelligo, quòd scilicet sanctissi-
 mis spiritibus, cælòque semper hærentibus, nulla
 iam terrenæ patriæ cura esset, quæ nondum tibi
 deposita [sed mihi crede] si cælò inhias, depo-
 nenda est. Attingam tamen de hinc alios virtutis
 amicos, cæli memores, nondum tamen cæli stu-
 dio, terræ oblitos. Sanijs ossa Pythagoræ Meta-
 pontus texit: Ciceronem Arpini ortum, Romæ
 altum, Caietæ sinus exanimum vidit: Plinium,
 quem infantem lauit Athæsis, grandævum vese-
 ui cinis extinxit: Vergilium mundo dedit Man-
 tua, Brundisium [siue ut alij perhibent] Taren-
 tum rapuit, nunc Neapolis tenet: Quidium Sul-
 mo compegit, Ponticum soluit exilium: Teren-
 tium Comicum, ut fama est, Carthago genuit, Ro-
 ma docuit, Archadia sepeliuit: Flaccum Horatiū
 Apulia: Ennium Calabria: Statium prouincia
 Narbonensis: Aufonium Vasconia: tres Annæos,
 siue [ut alij volunt] quatuor, duos Seneca, vide-
 licet, Gallionem & Lucanum, misit Corduba; &
 hos omnes, & Plautum Arpinatem, & Lucilium
 Aruncum, & Pacunium Brundisium, & Iuvena-
 lem Aquinatem, & Propertium Vmbrum, & Va-
 lerium Antiatem, & Catullum Veronensem, &

Varum Cremonensem, & Gallum Forliniensem,
 & Actium Pisaurensem, & Cassium Parmensem,
 & Claudianum Florentinum, & Persium Volate-
 ranum, & mille alios; Roma retinuit, ac magna
 ex parte humo condidit; Tito Linio Patauino vix
 ferum, velut ad sepulturam, patriæ restituto; sicut
 ex diuerso, multos Roma eadem genuit, alibi mo-
 rituros. Orbis terræ, quasi domus angusta est, &
 ipse quadrangularis, cuius ab extremo ad extre-
 mum transitus. Et hic viuere, illic mori, non plu-
 ris est fortibus animis, quam pro vario vsu bal-
 neum triclinio, seu brumali, æstiuum thalamum
 mutare. Trita est omnibus, maximeque illustri-
 bus, alternatio hæc originis, & sepulchri. *DO.*
 Scio sic esse, extra patriam tamen mœtus mo-
 rior. *R.* Nihilo latior in ea ipsa, quam tuam
 dicis patriam, moreris; sed indulgetis fletibus,
 tanquam sua illis insit delectatio. Quod si ani-
 mum vulgi erroribus circumuentum, sanctæ, do-
 &que simul, ac discretæ paupertatis exempla
 non adiuuant. fortunatioribus ægam, si quod do-
 les; Regibus, ac Caesaribus accidisse monstraue-
 ro, ducumque clarissimis, maximorum ne homi-
 num fortunam sis recusaturus, videro. *D.* Quid
 dictura, quosve in medium prolatura sis, sentio.
 Sed quid opus est verbis, doleo extra patriam mo-
 ri, mortisque molestiam locus grauat. *R. AT.*
 Medicam manum horres, video, pergam tamen,
 quàm feliciter tu videto, mihi verum dixisse, ac
 fideliter monuisse sat fuerit. Alexandrum Pel-
 la genuit, Babylon peremit; Alexandria condi-
 toris sui nomen, ac cinerem custodiuit. Alterum
 Alexandrum Epiri Regia pauperat, Lucanus am-
 nis obruit. Cyrum Persis Regem tulerat, Scy-
 thia truncum tulit. Marcum Crassum, magnum-
 que

que Pompeium Roma, & Romanum imperium
omne suspexerat, quæ viuorum magnitudinem
tolerasset, utique mortuorum [si fors sine-
ret] suffectura cineribus. Sed alterum trans Eu-
phratem tellus pressit Assyria. Alterum Ægyptia-
ei gurgitis vnda contorsit. Catoni huic ultimo
Roma principium, ac nomen, finem, cognomén-
que dedit Utica. Cornelios Scipiones Roma pro-
genuit nobilissima, & Reipubli. saluberrima ger-
mina, quibus seruanda sæpè esset, & ornanda,
hos sic sua fors distribuit, ut duo hi, qui dicuntur
magni, Hispania tellure obruti, Superior Africa-
nus Linterni, Nasica Pergami, Lentulus intra Si-
ciliam, seiunctis habitent sepulchris. Soli ex hoc
numero Asiaticus atque Africanus minor Romæ
iaceant, melius quolibet in exilio iacturi. Ille
carcere multatus, hic morte. Sic per sæpè, v-
bique melius viuas, melius moriari, quàm in
patria. Nusquam durius iaceas, quàm domi:
tres Decij, etsi duos tantum fama celebret, ex-
tra patriam animosissimè ceciderunt. Cum La-
tinis pugnans pater, cum Hetruscis filius, addi-
dit Cicero, & cum Pyrrho nepos: quid nunc ex
ordine occurrentes eximios duces sequar, om-
nes Romæ genitos, sed extinctos alibi? Attilium
Regulum, pro seruanda patria simul, atque hosti
fide, quò crudelius, eò gloriosius morientem vi-
dit Africa, & sequenti bello, Gaium Flaminium
Cortona, Æmiliū Paulum Cumæ, Claudium
Marcellum Venusia, Tiberium Gracchum Luca-
nia procumbentem vidit. Nulli horum Romæ mo-
ri contigit, duæ spes ingentes imperij Romani, in
ipso ætatis flore succisæ, Drusus, & Marcelli-
nus. Et ambo in patriam reuersi, ambo tamen
procul à patria, ille in Germania obiit, hic in

Baione. Quid nunc, tu ne Tarquinio superbior? tu ne potentior Sylla es? Atqui ille Cumis exul, hic dominus Puteolis, expiravit. Quid minores loquor? Augustus Cæsar, pater patriæ, extra patriam obiit, apud Campaniæ Nola. Tiberius dispar moribus, imperio par, apud Campaniæ Misenum. Vespasianus, ac Titus optimi principes, ut patrē, & filium decebat, una & eadem villa, quamvis prope, extra urbem tamen obiere: at Traianus in Occidente natus, in Oriente defunctus est. Septimius Severus in Africa humilem habuit originē, Romæ superbum imperium, Eboraci autem in Britannia sepulturam. Theodosium in Hispaniis ortum, defunctūque Mediolani, Constantino-polis accepit, quæ iam prius aliunde editum sui nominis possidebat authorem. Quid de aliis dicam? Lycargum Sparta profugum, Creta suscepit. Eadem Creta Saturnum regē, pulsum à filio, abeuntem vidit; Italis finibus additum, humatumque audiuit. Africæ lumen, Annibalem tegit vna Bithinica. Thesea Themistoclem, ac Solonē, tres Atheniensium coronas, sic fortuna dispersit, ut primum Syria, secundum Persis, tertium Cyprus sepeliret. Impariā tātis cadaueribus sepulchra; dies me deficiet singulis inamorantem; neque historiis obruere proposui, sed monere. D. Teneo: sed hos omnes, & quoscunque alios potes, extra patriam defunctos fateor, sed volentes nego, dolentēque arbitror. E. Vnde hoc tibi, nisi quod stulti omnes, secundum se alios æstimant; neque quod sibi difficili e est, cuiquam possibile suspicari possunt? Et fortasse illi veteri potius proverbio præbuiisti aurem; Bonum est peregrinē vivere, mori malum, cum utrunque potius bonum sit, modò bene fiant longanimiter, atque honestē; malum utrunque, si

male, si flebiliter, atque ignauè dicam, quod mire-
 ris, quodque prouerbio penitus sit aduersum: si
 qua locorum querimonia iusta est, hanc ego faci-
 liùs viuenti permiserim, cuius vtcūque forsan in-
 terfit, quàm morienti, cui omnis loci cura super-
 uacua est, iam locis omnibus abituro. D. Tangis a-
 nimum adhuc tamen in patria mori malle. A.
 Voluntas humana, nisi virtus, ac sapientia illam
 firmet, per se ipsam indomita, & effrenis est. Quid
 si altius attendas, totum hoc ad te nihil pertinere
 fatebere: quando neque hic amplius esse potes, ne-
 que ossibus tuis superesse sensus aliquis, quo dis-
 cernant, vbi duriùs, aut molliùs cubent: neque,
 quò tendis, aliunde faciliùs peruenisses, aut bre-
 uiùs. Eleganter Anaxagoras peregrè moriens an
 in patriam referri vellet, amicis interrogantibus:
 Nihil necesse est, inquit: & adiecit causam: Vndi-
 que enim ad inferos tantundem viæ est: quod re-
 sponsum non minus conuenit ad cœlum ascensu-
 ris, quàm casuris ad inferos. D. Vtinam domi mo-
 rerer. R. Si illic esses, forsan alibi esse optares: sic e-
 nim habe, & quod viuens debueras, disce vel mo-
 riens: perdifficile est vobis ò mortales, morem ge-
 rere, delicati, & queruli quibus, quod habetis, om-
 ne vilissimum est semper, & solum id optatis, quo
 caretis. D. O si domi morerer. R. Multa ibi forsitan
 videres, quæ mortem tibi efficerent grauiorem: vnde
 de ideo te semotum crede, vt reiectis cu-
 ris omnibus, Deum solum, at-
 que animam cogita-
 res.

*Hec male decedit, vitam qui crimine finit;
Orandus Deus est, det bene posse mori.*

D O L.

MOrior in peccatis. *R.* Hæc iam nec nature, nec fortunæ sed tua propria culpa est. *D.* In peccatis morior. *R.* 1. Primum, peccare quis te compulit; deinde quis vetuit commissa diluere? Postremò, quis nunc etiam seram, licet, poenitentiam impedit? usque ad extremum spiritum liber est animus. *D.* Peccata mea moriens mecum fero. *R.* Caue, ne id facias: venenosum mortiferum que viaticum depone, dum vacat dumque est, qui illud tollat, ac deleat, ut scriptum est proiciatque post tergum suum in profundum maris, & quantum distat ortus, ab Occidente, longè faciat abste, hanc tu horam ne neglexeris, quæ semel elapsa, non rediit, quo licet horis omnibus sit commune, ut eant semper, nunquam redeant. In una tamen omissum hora, in altera forsàn restaurari datum sit. At extremæ horæ negligentia prorsus irreparabilis est. Itaque, quod in arcanis animæ disputationibus inuentum ferunt, vitæ huius errores, quasi deues quidam lapsus, in plano sunt, unde facillè possis assurgere. At peccatum mortis, graui, & ex alto, præruptoque simillimum est ruinæ, unde facultas nulla sit resurgendi: huic tanto discrimini, cui post hæc nunquam succurrere valeas, nunc occurre, dum vales, & memento, non modò quid vestri dicant, sed quid Cicero, qui de morientibus, in diuinatione sua disputans: Tu, vel maximè, inquit, laudi stude: eos namque qui secus, quàm decuit, vixerunt, peccatorum suorum maximè poenitet. Quid a quo-

à quoquam, quæso, religiosius, quid vtilius dici potest? Fiat modò, quod dicitur pœniteatque, vel serò: anceps, fateor, ac periculosa dilatio, & quæ plurimos fallit, qui purgatione animæ, quæ festina nimis esse non potest, scientes, volentesque procrastinant, & in finem trahunt, quo tempore circumuenti, & arctati, viciniaque mortis attoniti, nihil de conceptis expediunt. De quo, quoniam multa dicuntur à vestris, haud impertinens est audire, quid hic quoque Vergilius, & ipse testis externus, dicat; quibus verbis hanc desidiam, neglectamque confessionem notet, ex illius ore mirabile; vbi apud inferos iudicem illum facit iustitia, & æquitate notissimum, qui, ut ipse ait,

*Castigatque, auditque dolos, subigitque fateri,
Quæ quis apud superos furto latus man,
Distulit inferam commissa piacula mortem.*

Sed quamuis hoc periculosum adeò sit, nihil tamen desperatione periculosius, nihil peius vestræ salutis hostis inuenit. Cætera enim suis cuncta remediis leniuntur, hoc malorum maximum, atque vltimum, abeuntem vbi animam oppresserit; nullus iam remedio locus est: huic ergò, cum semper, tum in fine vehementius oblistendum est; quod & tunc vrgere acrius solet, & iam nihil est reliqui, quo salutis consilia cunctando reiicias, neque verò te hinc metus arceat, nec te pudor, dolorque dilationis impediant: peius est nunquam, quàm ad vesperam expergisci; & omnino quicquid malè differtur, peius omittitur. *D.* Morior absque vlla spe. *R. A.* Malè ais; immo verò spem proiectam recipe, & ad motam pectori, totis animæ vlnis amplectere, stringe, conserua. *D.* Magnum est peccatum meum valde. *R. A.* Nullum

nam magnum peccatum hominis esse potest, quin
 multo maior misericordia Dei sit. *D.* Quis poterit
 tot peccata dimittere? *R.* Et quis, putas, nisi ille, de
 quo sui hostes admirantes litigabant, & quærebant:
 Quis est hic qui etiam peccata dimittit? *D.* Quis
 tantorum veniam merebitur peccatorum? *R.* Nul-
 lus fortasse merebitur, aut meritus fuit; multa ta-
 men data est gratis, & dabitur, modo sit, qui illam
 fideliter, ac reuerenter imploret. Nullam quidem
 esse remissionem criminum ingentium, persuade-
 re aliqui, vt perhibent. Constantino Principi vo-
 luerunt. At id falsum esse, non modo apud vestros
 constat, apud quos remissio peccatorum per ba-
 ptissimum, & per pœnitentiam nota est: sed apud
 paganos etiam fama fuit, falsa licet: quorum mor-
 bis ideò inefficax erat medicina, quòd eis nondum
 medicus celestis aduenerat. Proinde, nisi mundari
 à peccato animus, & deleri posset iniquitas, frustra
 id toties peccator ille primum maximus, postmo-
 dum vir sanctissimus precaretur. *D.* Peccati con-
 scientia spem præcidit. *R.* Peccati memoria pœni-
 tentiam, & dolorem animo afferre debet, non uti-
 que spem auferre. Sed vos omni ex parte fallimi-
 ni: in peccato feruidi, post peccatum gelidi. Pec-
 cando quidem exultatis, memorando autem de-
 speratis. Multi passim peccant, sub spe veniæ. Con-
 trà verò multi cùm peccauerint, veniam despe-
 rant. Et utrique errant. Nam & illis ab initio spem
 damnosam pellere; & his in finem salutiferam spem
 tenere, consilium erat. *D.* Grauem culpis mors
 præcipitat: quid agam? *R.* *A.* Quid, nisi quod egisse
 iam pridem decuit, vt infaustam sarcinam festinan-
 ter abiicias, qua leuatus, ibis planè, non præcipita-
 bere. Ibisq. non curuus, non titubans: sed erectus,
 certo, ac stabili vestigio, & spe bona. Age ergò ne
 disce-

differas, neu diffidas: est, qui exoratus, ab humeris
 illam tuis transferat, qui grauiora iam transtulit,
 cui nil graue, nil difficile est. Et quamuis pigra di-
 latio excusatione careat, laude tamen non caret
 emendatio, vel dilata: satius est serò, quàm nun-
 quam resipiscere. Confortare, respira. Multos à li-
 mine tartari, paucæ piæ lachrymæ reuocarunt.
 Stat dexter ad lectuli tui caput, qui non solum in-
 fectò illi, se mundare velle respondit, sed quadri-
 duano iam foetenti, vt surgeret, imperauit; te quæ
 etiam nunc expectat, vt mundari velis, ac surgere.
 Non minùs ipse hodie, quàm tunc pius: nec solito
 minus potens. Adhuc, quo in statu mori velis, in
 te est. Adhuc sine peccatis mori potes, non quòd
 peccata non fuerint, sed non erunt. Etsi enim in
 præteritis nullum ius, nisi obliuionis, habere
 Deum, Plinius Secundus existimet; habet tamen,
 quod ille vir curiosissimus non vidit, ius etiam a-
 bolitionis. Itaque facta licet, infecta esse non pos-
 sint ex facto tamen oriens peccatum, sic deleri po-
 test, vt iam amplius non sit, ita, vt sicut scriptum
 est, quæratur peccatum, & non inueniatur, non
 quòd se peccati vinculis absolueret, potentiæ sit hu-
 manæ: sed quòd piæ hominum voluntati, contri-
 toque cordi, diuinum nunquam desit auxilium.

*De Moriente sollicito, quid de patrimonio, ac liberis futu-
 rum sit. D I A L. C X X V I I.*

*Nil te sollicitent morientem commodaverum,
 Nil feret à mundo, qui nihil intulerit.*

D O L.

Q Vid de patrimonio sperem, quid de libe-
 rist *R. A.* Et patrimonium dominos inue-
 V iij

niet. & liberis sua fors erit. *D.* Quid de tantis diuitiis fiet? *R. A.* Ne dubita, ne heredi nimia videantur; nunquam tantæ erunt, quin aliquid deficiat: de his tamen illa viderit, quæ res vestras, hæcque tam dilectas opes, huc illuc iaculatura, contorquet. *D.* Quid facient filij? *R. A.* A terreno patre desertos, in suam curam cælestis pater accipiet, non relicturus, ut tu, neque orphanos facturus: ille eos nutriet, & docebit à iuuentute eorum, modò dociles se præbeant, & usque in senectam, & senium, usque ad mortem, & sepulchrum non destituet. Spes nascentis hominis Deus est, non genitor, quamuis diues, quamuis ille Rex sit. Non est ædificandum in arena, sed in petra. Omnis spes de homine brevis, & caduca est. Filij igitur tua spe delusi, ponent in Deo spem suam, & cantabunt cum Dauid: Pater meus, & mater mea dereliquerunt me: dominus autem assumpsit me. Multorum indolem filiorum, & virtutum semen mentibus insitum, parentum blanditiæ extinxerunt, sicut ex aduerso, molliciem sæpè discussit orbitas, ac paupertas. *D.* Quò deuenient opes? *R. A.* Vnde venerunt, reuertentur: hoc est, ad fortunæ manus. Inde rursus ad alios, atque alios abitura, apud neminem diu mansura. Vagæ sunt enim: stare nesciunt. Neque sine mysterio, rotundam numi formam opinati sunt, quod volubilitatis indicium esse dixerunt quidam [facetè non inficior] sed non minus triangularis, aut quadra volubilis haberetur: quod attinet ad diuitiarum fluxum: quarum natura est labi assidue, ac volui: odisse vnus seras arculæ, crebris, ac variis possessoribus delectari: siue ut rubiginem motu vitent, siue ut fallant circuitione, quàm plurimos, siue ut cum do-

minis

minis suis de instabilitate contendant: hanc tu igitur moriens, vel viuenti, superuacua curam pone: quin si locuples moreris, agnosce fortunæ fidem raram, vique ad exitum è vita, diuitiasque iam tibi non necessarias, aliis linque. At si pauper, expeditus proficiscere: seu ingentes, seu exigua, seu nullæ opes tibi fuerint, modicum ad te olim, post hac verò nil ad te pertinet, nisi quòd inopem vixisse securius, quando laboriosa hæc vitæ vel præsidia, vel tormenta mortem quoque sollicitant. *DOL.* Quid erit de filiis? *R. A.* Erit, vbi viuat tuum nomen, si sint boni. Si qua ea consolatio mortis est, non totus interiisse videberis; in illorum vultibus, inque actibus te sibi redditum amici credent, & gaudebunt. At si mali est, cur cupide deferas, quos corrigere nequiuiisti, & corrigendos, ac domandos mundo tradas, ac fortunæ, néve illos moriens suspires, qui te mori segnius suspirant, & fors ocys mortuum suspirabunt. *DOL.* Quid de opibus? *R. A.* Times, ne à te dimissæ, non sint dominos reperturæ? Expectantur, optantur, æstimantur, neque tam de contemptu, quàm de certamine metuendum: proinde iam nunc hæ diuitiæ suæ esse desinent; cuius autem sint futuræ, quid filios aspicias? sciri autem non potest quidem, nec oportet; sat est scire tuas fuisse: si fuerint tuæ, & non potius illius rerum dominæ, transeuntium atque mortalium, quæ fortuna dicitur; sed sic tuas dico, hoc est, tibi ad breue tempus obsecutas; iam verò tempus est abeundi, cedendique aliis; sine illis parumper obsequantur, & vicissitudinem suam seruent: nisi ambitiosè mori [& quod stulti quidam fecere] tua tecum tumulto vis inferri

quandoque sepulchrorum effossoribus profutura: denique iam terræ, metallique curam proice, cœlum, tandemque te ipsum cogita. *D.* Opes meæ fugiunt. *R.* Putabas: te mansuras, cum fugeret vita, tum tu ipse continuè rapereris. *D.* Quid de opibus meis erit, postquam meæ esse desierint? *R.* Quid de eis erat, antequam tuæ esse inciperent? *D.* Opes tantas linquo, nudus abiens. *R.* Nudus intraisti, nudus egredere; non est, quòd queraris; sed est, vnde gratias agas. Alieni usus, medio tempore, tuus fuit, nil tuum tibi præripitur: sed expleto usu, reposcitur alienum: è vicinia migrantes aduenæ, vltiò, si quis est pudor commodata vasa restituunt. *D.* Heu, nil tantis ex opibus mecum fero. *R.* Aufer, quantum attulisti, vel si mauis, quantum reges auferunt. *D.* Quid impuberes natî agent? *R.* Adolescent, si vixerint, ac senescent, & ipsi suas agent vias, fortunamque suam, & labores vitæ obibunt, interim sub tutela Deierunt, & tu forsân sine patre impubes vixisti.

De Moriente anxio, quid vxor, eo mortuo, sit actura.

DIALOG. CX-XVIII.

Ne queras post te, tua quid factura sit vxor:

Discessu namque est libera facta tuo.

DOL.

Quid dilecta vxor post me faciet? *R. A.* Nubet forsitan, quid ad te? *D.* Quid faciet chara vxor? *R.* Tuo iugo absoluta, vel subibit aliud, vel libera ceruice vagabitur, vel iam fessa subsistet, & quietem sola meditabitur. *DOL.* Quidaget vxor amantissima? *R. A.* Quid cum te euaserit, actura sit cogitas? cum tibi subiecta, quid egerit, nescias. Magna pars mortalium
quid

quid domi suæ fiat, nescia, quid in cælo agatur, quidve in terris sit agendum, quærit. Sanè, quid deinceps agat vxor ipsa eadem, vel maritus alter viderit, ad te amplius cura ista non pertinet. *D.*

Vereor, ne, post meum obitum, nubat coniunx.

R. A. Quædam viventibus viris nubunt. Fecit hoc apud Hebræos Herodias, apud Afros Sophonisba, apud Romanos Martia, & Liuia, quamuis has duas virorum consensus, ac iussus excuset. Tuæ, vni viro licet mortuo, nubere non licebit? Atqui pauca viuis coniugibus fidem præstant, tu gelido etiam cineri fidem poscis? Si fida tibi usque ad diem vitæ vltimum vxor fuit, quid ni totum cōiugalis fidei munus impleueris?

D. Ne secundo vxor nubat, metuo. *R. A.* Ne primò nuberet magis forsitan metuendum erat. Id ad te pertinuit, hoc ad alterum pertinebit. Sic est autem, metuenda contemnitis, spernenda metuitis; nil in rebus iusto pretio æstimatis. Maritalis chori duellum securus intraisti, non cogitans, quid periculi adires, id intrare alium times? *D.*

Nollem fateor, vxorem alteri nubere. *R. A.* Perfetæ quidem pudicitia secundæ nuptiæ, quantum licet [fateor] vitandæ sunt; sed vitanda magis periculosa viduitas. Est, vbi nubere non tantum permittitur, sed oportet. Difficile est formosam solam castè viuere. *D.* Dulcis alteri coniunx nubit.

R. A. Raræ sunt, earum etiam, quas honestas dicunt, quibus non super præsentem coniugem, alter iam animo desponsatus sit. Mortalis mihi, inquiunt, vir est, quid si hic obeat? Num ille mihi, aut ille erit aptissimus, quem virtus, quem forma conciliet. *D.* Vxor mea nubit alteri.

R. A. Tua quidem vxor minimè; ne tua enim sit

amplius, mors faciet; nec mirabere, si coniuges separat, quæ corpus atque animæ vincla dissoluit. *D.* Nubet iterum vxor mea. *R.* Et Romanorum dum nupsere iterum vxores; fer communem cum maioribus fortunam. *D.* Nubet vxor alteri. *R. A.* Et Romani duces, & principes viduas duxere. Et sanctissimus rex David viduas duas in coniugium duxit, quæ minorum fuerant vxores; & fortasse te maior aliquis tuam ducet: hanc tu illi tamen linque sollicitudinem, qui eò pergis, vbi non nubitur. *D.* Nubet alteri dulcis vxor. *R.* Si meliori nupsert; gratulare prosperitati eius, quam amasti. Sin peiori, gaude saltem, quòd tu illi iam notior, cariorq; futurus sis. Multæ primos viros nosse, ac diligere; secundo demum matrimonio didicerunt.

De Moriente sollicito, quid post se patria euenturam sit.

D I A L O G. C X X I X.

*Fac patria casus peritura non moueant te;
Inuenies aliam, sed sine morte, domum.*

D O L.

Quid post me de patria mea erit? *R. A.* Bonorum omnium patria vna est, & malorum altera: harum cui te ascribi in cluem feceris, videto. Tertia enim patria nulla est, sed diuersorum transitus. *D.* Quid de patria mea erit? *R. A.* Patria illa, quam petis, vno semper in statu est. Ista, quam deseris [quod saepe iam diximus] non patria, sed exilium tuum fuit. *D.* Quid patria post me aget? *R. A.* Regia cogitatio esse solet, quid post se regnis atque vrbibus euenturum sit: qualem fuisse legis, aut magno illi regi Assyriæ, aut Romano illi principum máximo: priuatam for-
tu-

tunam hac cura supereminet. Quando verò ad ultimum sic affectus es, ut illam miseriae officinam, atq. illud hospitium doloris, ubi rapidum vitae tempus, multis in laboribus, ne dicam gemitibus exegisti, patriam nunc etiam tuam Voces, & vis scire, quid actura sit, dicam: faciet nempe, quod fecit, & quod faciunt aliae: at quid, inquis? Tumultuabitur, dissidebit, novarum rerum sectabitur, & partium similitudines: mutabit dominos, innouabit leges, utrumque saepe in peius, in melius raro. Calcabit praeterea egregios ciues, attollet indignos, pellet immeritos, praedones & rarij colet, blandos diligit, veridicos oderit, bonos spernet, venerabitur potentes, libertatis hostes adorabit, defensores Reipublicae persequetur, flebit, ac ridebit inaniter: aurum, gemmasque mirabitur, virtutes abiiciet, amplexabitur voluptates: hi sunt mores urbium. Nemo tibi non certus horum vates fuerit, nisi qui semper ruri vixerit, vel obtusis auribus, ac oculis urbes intrauerit. *D.* Quid post me patriae accidet? *R.* Quid sollicitus, quidve anxius es, quicquid patriae acciderit, tua iam domus ab incendiis à furibus, à ruinis tuta erit. Nihil! ad te pestilens annus, nihil annus exuberans, nihil aestus, nihil siccitas, nihil imbres ac grandines, niuesque, & glacies, & nimium gelu, nihil ferae, vel volucres, nihil brucus, aut locusta, nihil denique terrae motus, ac fremitus procellarum, nihil annonae caritas, nihil hostium incursus, aut bella ciuilia. *D.* O quis patriae status erit, seu quis demum finis? *R. A.* Quis, putas? nisi qui maximarum urbium fuit, qui que omnium erit, pulvis, cinis, sparsi lapides, nudum nomen; possem id innumeris argumentis ostendere, sed re tenes. Ad summam, nihil ab homine sit aeternum, nil humanum, praeter animam, immor-

tale. Coepta desinent, sita deficient, structa ruent: quid plus æquo angeris, quid æstuas? si in cœlo eris, & hoc ipsum, & mortalia cuncta despicies. Nā qui ad inferos descendunt, caritate amissa Deum, atque homines. Deique opera simul, atque hominum odisse, credibile est.

De Studio Fama in morte. D I A L. C X X X.

*Si bene vis de te post mortem fama loquatur;
Illustrem reddant te benefacta tua.*

D O L.

Quid de me, post fata, dicent homines? *R.* In-
tempestiva sollicitudo; nec à iuventute
prouisum esse debuit. Qualis ferè homi-
num vita talis est fama. *D.* Quid de me loquentur?
R. Quid respondeam, nisi illud doctissimi, atque
omnium eloquentissimi Ciceronis; Quid de te al-
lij loquantur, ipsi viderint, sed loquentur tamen.
Sermo autem omnis ille angustiis cingitur his re-
gionum, quas vides, nec vnquam de vlllo perennis
fuit, sed obruitur hominum interitu, & obliuione
posteritatis extinguitur. *D.* Quid de me dicent ho-
mines, qui post me nascentur? *R.* 4. Dicerem aliter
ista, quàm Cicero, si melius dici posse crederem.
Quid autem, inquit interest ab his, qui postea na-
scentur, sermonem fore de te, cum ab his nullus
fuerit, qui ante te sunt nati? Vnum addidit, quod
tunc forsan dubitabile, forsan falsum, nunc certis-
simum, & absque vlla propterea hesitatione verissi-
mū est. Qui nec pauciores inquit, & certè melio-
res fuerunt viri. Nā quis est [Oro]iā, qui dubitet,
nunquam quales fuerint, futuros homines; ita in-
peius inclinata omnia, ruinæque proxima. Cura
ergo mirabilis, ignotorum, atque imparium dicta
metue-

metuere, cum excellentium, ac notorum opinio-
 nes, ac verba contempseris. *D.* Quæ mihi fama erit
 extincto? *R.* Facile melior, quàm viuenti, cum si-
 luerit liuor. Rarò enim vitæ hominũ superstes in-
 uidia est: vt autem virtus radix est gloriæ, sic dece-
 ptrix inuidia, vtque liuidus pollex præsens impe-
 dit, sic amotus veræ laudis restituit incrementum:
 itaque multis busti limen, inuidiæ inaccessum, ma-
 gnæ gloriæ vestibulum fuit. *D.* Quantum me lon-
 ga manet fama? *R.* Longa forsitan, vt vos longum
 dicitis: verè autem apud vos nihil est longum, vt
 verò non modò longa sint omnia, sed æterna, sola
 virtus efficere potens est, præcipueque iustitia, de
 qua scriptum est: In memoria æterna erit iustus:
 quod, vt potuit, Poëta noster expressit [vbi ait].

Sed famam extendere fastid.

Hoc virtutis opus.

D. Quali post obitum fama ero? *R.* *A.* Quid refert
 quale sit, quod mox vel nescies, vel contemnes:
 quid ad te hominum flatus, dum tu flatu caritu-
 rus sis? Spirantem vesci, delectari auris non miror:
 at defunctum, stupeo. *D.* Quid de me post obitum
 dicetur? *R.* Et quid putas, nisi quod mereberis bo-
 num, malum, multum, parum, nihil; in quibus
 mendax, sed in pluribus verax fama est alioqui lō-
 ga vtique non est: diuturnitatis fundamentum, ve-
 ritas. Ruinosum, atque imbecille, mendacium. *D.*
 Qualis mihi post exitum fama erit? *R.* Qualis ante
 exitum fuit vita, nec minus exitu. De hoc ergò tē-
 pus omne præteritum, sed in primis præsens hora
 viderit. Sic enim habeto, quali quisque dignus sit
 fama, post mortem, nulla re metius, quàm morte
 censeri, quippe cum multos per omnem vitam in-

& obscuros, sola [dictu mirabile] mors illustret.

De Moriente sine filiis. DIAL. CXXXI.

*Mors lenior multò sine nati, prole carentem
Natorumq; fida, nec mala fama premet.*

D O L.

Sine filiis morior. & Eò alacrior mori debes atque expeditior proficisci, nil post tergum linquens, quod te vellicet. Ille ingens morientium dolor cessat, ex commiseratione oriens descendæ prolis immaturæ præsertim, & paterno præsidio indigentis, perque artem, inopiamque consilij, & iniuriis, & casibus multis expositæ. Nati, quos optabam, sperabamque superstites, præcesserunt. & Habes ad quos ire cupias, non à quibus doleas abire, non exiguum solamen. *D.* Mors acerba filiorum, orbus ut moriar, cogit. & Hoc si miserum censes, quid est, vel quod orbem mori cogat vel vixisse coëgerit? Cum, unde tibi filios eligas, ingenuorum iuuenum tanta sit copia, eò fortassis obsequentiores. & tui amantiore habiturus, quàm, quos tuo de sanguine genuisses, quod illos casu quodam, hos certo iudicio quæsiuisti. Filij illi antequam noti, hi autem noti & dilecti & electi antequam filij: itaque totum illi hoc naturæ, hi beneficio tuo imputent, quod filij tui sint: unde fit, ut sæpè hæc, fuerit facta successio, cui tutò, non mediocrè tantum patrimonium, sed summum imperium crederetur. Nosti, ut Iulius Cæsar, prole carens, sibi Augustum; ille Tiberium, pene inuitus quidem: ut post Nerua Vlpium Traianum, ille Ailiū Adrianum, ut is rursus Antoninum pium; ille Marcū Aurelium, sibi filium fecit, fecissetque ille
alium

alium quemcunque felicius, quàm Commodum
 genuisset, nulli commodum, cunctis incommo-
 dum. vnicui tanti patris infortunium, vnumq. ex
 paucis. Romani imperij probrum ingens, atq. aper-
 tissimum argumētum. quantò adoptio sit felicior
 genitura: quod cum primi ex ordine diu, ac felici-
 ter imperassent, hic tantorum vestigiis ducum
 spretis, iter deuium ingressus, breui, & turpi non
 imperio, sed tyrannide, cum Remp. fœdasset mise-
 ro quidem, sed se digno fine procubuit; publicūq.
 Iudibrium in se vertit. Iam inde præterea antè hos,
 longè secundum illud fulmen belli Punici, mal-
 leumq. Carthaginis, Africani illius magni filius,
 in decus gentis assumpserat, hoc scilicet factò, vt
 quam urbem Auus concusserat, hanc nepos eius
 euerteret, vt Florus ait Historicus. Ex Æmilia in
 Corneliam familiam translatus, vtriusque decus
 vltimum, fateor, nō minimum. Ex his vides, quòd
 nec tibi nec principi deesse filius potest, quodque
 est optimum. Bonis bona non desit electio: quæ, si
 adsit, talem tibi fortasse filium dabit, qualem non
 dedisset vxor, & votium matrimonij effectum,
 coniugalibus expeditis vinculis, inuenies: sic na-
 turæ defectui lex prouidit. Q. Quomodo nunc do-
 mui meæ disponam? orbus morior. R. Magnam ve-
 rò pietatis, magnam laudis oblatam tibi [ne re-
 spuas] materiam; & quod filiis forsā ingratis, ac
 vel male cumulaturis, vel quoniam vterque mos
 est in vsus pessimos versuris, breuique omnia pro-
 fusuris, conferre decreueras; confer honestius, con-
 fer utiliùs, confer stabiliùs. Pergami quidem Rex
 Attalus populum Romanum, nec egentem certè,
 & Asiaticis profectò diuitiis corrumpendum, te-
 stamento, sibi hæredem fecit. Ego tibi alium po-
 pulum, quem instituas ostendam. Hinc te ami-

corum, hinc egentium turba circumstant, ex utraque tibi filios adoptare permitteris; quorum alij te digressum dulci secum commemoratione detineant, alij te quò pergis, pia precum festinatione præueniant, utque hic erogaueris, illic centuplicata reperias, fœnus vberimum, certissimumque viaticum, iter istud acturis. *D.* Morienti mihi nullus est filius. *R. A.* Quid, si multi essent an ex his tibi, seu custodem domus ac pecuniæ, quæ tua certè amplius non erit, eligeres? seu in prælio mortis Athletam, ipsum quoque mortalem? seu denique comitem ad sepulchrum? ultra enim nec te tui quidem comitentur, nec Metellum sui, brevis à lectulo mortis ad sepulchrum via est. Quid refert an hic solus iaceas, an ibi; friuolæ prorsus & ineptæ causæ filios optandi. Nam si in illis, ut vulgo dicitur, seruari, ac perpetuari tuum nomen optabas, ipse quoque vulgariter fallebaris. Si quidem filiorum obscuritas profectò creberrima, nec illustrare ipsa, utique, nec seruare paternum potest nomen. At perrara filiorum claritas, ut ipsos semper filios claros facit, sic parentes interdum vicinitate sua contegit, obscuratque, quasi minora Sol sydera; quod nusquam euidentius, quàm in Iulij Cæsaris patre cognoscitur, quem penè ignotum filij splendor fecit. Et ad summam; quisquis in filio sui nominis spem reponit, rem pertenuem, labilemque in vase fictili locat ac ruinoso, quodque est in consultius, non suo; rem maioris apud vulgus, quam apud doctos precii, neutris tamen contemnendam; sed cum honestius tum certius locandam in suis corruptibilibus vasis ac solidis, in virtute propria, in rebus gestis, in literis. *101.* Sine natis morior. *R. A.* Non sunt, in quos tuæ sese spargant curæ, in te versæ omnes, quò

quò instructior, liberiórque digrediare, te vnum respiciens, te metiens, scis, quàm miser, & quàm felix moriari; nec incertus moreris an vel miserie fit addendum, vel felicitati detrahendum tux, aliena seu turpitudine, seu fortuna. Etsi enim aliis aliter videatur, in quorum ego sententiam sum pronior, vt magnis tamen scimus visum esse philo-
sophis, filiorum euentibus imminuitur paterna felicitas. Imbecille bonum, quod in crastinum prominet, & pendet ex altero: quòd si opinionem hanc admittimus, quid hinc fit, intelligis: dubitari enim nequit, quin multi feliciùs obituri fuerint, si sine filiis obiissent.

De Moriente, qui metuit insepultus abiici,

DIAL. CXXXII.

Non sis sollicitus, quòtu condare sepulchro,

Cum ita sit tandem restituenda caro.

DOL.

INsepultus abiiciar. *RA.* Alitibus inuides, an feris, an piscibus? Nam si metuis tibi, baculum seu custodem iuxta te poni iube, quo à cadauere depellantur. *DOL.* Ludis in malis meis, nam profecto nil sentiam. *R.* Quid igitur times, quod non sentias? Nam si sentias, probes: sentientem enim sepelire, necare est. *D.* Inhumanus iacebo. *RA.* Tu, nisi te tellus presserit, illam premes; te nisi terra contexerit, cœlum teget. Notum est illud:

Cœlo tegitur, qui non habet urnam.

Illud quoque notissimum.

Facilis iactura sepulchris;

facilis inquam sic, vt nulla facilior. *D.* Inhumatus ero, graue dictu. *RA.* Dictu nescio; re autem profecto leuissimum; multo que tolerabi-

X j

illius sepulchro exui, quàm domo, quàm lodice
 quàm sagulo. *DOL.* Inhumatus ero, scđum visu. *AT.*
 Forđum fortasse aliis, tibi autem nihil minùs. Om-
 nem quidem sepulturam non nisi viuorum ca-
 sa institutam esse doctorum omniam autoritas
 & res ipsa consentiunt. Idque sic esse sepulchro-
 rum species indicio est quæ introrsus ineulta, &
 horrida rude incolis suis saxum obicit, exterius
 multa impensa, & artificum ingenio elaborata
 marmoreas spectantibus, atque aureas prætendi-
 imagines. *DOL.* Insepultus ero, turpe aspectu.
AT. Parumne oro negotij tui habes, ni susci-
 pias alienum? prouideant, quos res tangit, han-
 tu enim turpitudinem non videbis. *DOL.* Insepul-
 tus linquar, miserum. *AT.* Et magnus Pompeius
 tantus vir insepultus iacuit imò nec iacuit, sed ia-
 ctatus est fluctibus obrutusque. Neque adeò te-
 delirum reor, vt opinione tua factus ille felicior
 sit sepulchro, sicut nec collega eius Marcus Cras-
 sus infelicior, quod, qui eum sepeliri iuberet ne-
 mo affuit. In reliquis enim penè pares exitu fue-
 re nisi quod Crassi caput vt ditissimum, avarissi-
 mumque omnium decebat, auro grauius fuit ser-
 uatum; tamen vtrunque ludibrio, nisi fortè ter-
 tius horum collega felicior, quod altissimi, at-
 que pulcherrimi colossi situs in vertice ostendi-
 tur celsa etiam templa despectans: bello qui-
 dem, fortunatiorem fatear, busto negem. Sic
 hoc saxum illo pulchrius, fateri oportet, non
 felicius. Quæ enim ista felicitas non sentientis,
 seu saxi, seu saxo abdiri? Alioqui si sepulchro
 felix sit, nemo felicior Mausolo. *DOL.* Inhu-
 matus ero. *AT.* Inhumati essent Paulus Ami-
 lius, & Claudius, Marcellus, tales viri, nisi hostis
 illos

illos infestissimus sepelisset, admiratione virtutis [nisi fallor] & verecundia victus, non pietate vlla, quæ in illius viri præcordiis nulla fuit, ut sepulturam ego illam, penè inuisam futuram ipsis arbitrer sepultis, & si eis optio data esset, inhumatos se iacere maluisse. Insepultus quoque Cyrus iacuit, Persarum Rex, neque id sibi, neque vter Scythicus infamiae fuit, sed cruenti moribus, quibus acerrimam illam exprobrationem, iniuriamque promeruit. Quid verò nunc singula nuda cadauera colligo, & vel Romanos principes, vel externos reges, non solum sepulchri ultimo, & optato quidem, sed inani honore spoliatos: quin etiam laceratos, discerptosque, & membratim sparsos, ut inuidiosum diceres, integrò cadauere iacuisse, cum obseruentur animis inhumatarum strages gentium, atque [ut ita dixerim] insepultus orbis. Nempe, cum ipso, quem dicebam, Cyro, ducenta Persarum milia, & cum Crasso sexdecim florentissimæ legiones, & ad Cannas Romanorum civium, ac sociorum octuaginta quinque, eo amplius milia, quinquaginta sex milia Poenorum, Hispanorum, Ligurum, & Gallorum, ad Metaurum amnem, ipso cum duce hostium; & ad Aquas sextias [id est loco nomen] ducenta Theutonum haud procul ab alpibus utrobique, duce Mario, centum quinquaginta ut quidam sunt authores, & qui minus dicunt sexaginta non amplius Cimbrorum milia insepulta iacuerunt. Apud Philippos verò regum gentiumque omnium auxilia, & Italici sanguinis flos, vigorque [sic placitum superis] hoc sepulchro carentes, Campos Aemonios, feraeque & vultures impinguarunt. Quid ad Agates infu-

fers grauitèr, quod tam multis hominum, & bel-
latorum, & quod fuit indignius, sanctorum insu-
per millibus defuisse, compertum est. *DOL.* De-
functo mihi terra negabitur, prædūrum. *RAT.*
Non id durum, sed tu mollis, qui nec sentiens, læ-
di queas. *DOL.* Mortuo mihi terra negabitur,
indignum. *RAT.* Quid ita? illāne tibi igitur,
an tu illi debitus? Atqui terra tibi fortasse nega-
bitur, non tu terræ: poterit bustum tibi casus ali-
quis, vel iniuria hostilis eriperè: tu è terra ve-
niens, in terram redeas oportet: id tibi, domini
tui ore prædictum falsum esse non potest. *DOL.*
Non me gremio tellus teget. *RA.* At tu illam
teges nudo corpore, quid ad te plus hoc post mor-
tem pertinebit, quàm nunc pertinet, vbi olim vn-
guis, aut crinium excrementa, vbi febris eru-
tum sanguinem: vbi denique puerilis tunica, seu
fasciæ infantilis fragmenta dimiseris? An oblitus
es Theodori Cyrenæi, apud Tullium, elegans re-
sponsum, cui cūm Lysimachus Rex mortem cru-
cis [vt auguror] minaretur: Istis, quæso,
inquit, ista horribilia minitare purpuratis tuis:
Theodori quidem nihil interest, humine an subli-
me putrescat. Te, nisi tellus sinu excipiat, at su-
perficie sustinebit, hinc te gramina vestient, hinc
ornabunt flores, læti hospite, hinc te imbres ma-
defacient, hinc Sol vret, hinc glacies stringet,
hinc mouebunt auræ, & fortasse naturalius fue-
rit, vt compactum ex quatuor Elementis corpus,
in totidem resoluatur. *DOL.* Inhumatus lin-
quor, horridum auditu. *RA.* In opinione horror,
non in re: quandoquidem apud alios horridum,
terra tegi: pulchrum igne consumi, quod maio-
ribus vestris visum scimus. Apud alios pulchrum
à feris, aut canibus laniari; innumeri de hac re

718 PETRARC. DE REMED.

sunt gentium ritus, quos curiosius à Crispo collectos strinxit Cicero. Tu nuda iacebis humo: & illum premit Lapis horridus, illum putres glebæ obruent, illum mersum volent undæ, illum venti pendulum agitabunt: Grando feriet, lacerabunt corui. Demum pretiosissimè conditos, ac velatos purpura, vermes rodent. Quid verò habet amplius, qui marmore tegitur, atque auro, quàm qui fiens apud poëtam ait:

Nunc me fluctus habet, versantque in litore venti.

Etsi ille erroris publici morem sequens, iniici sibi terram oret, nisi forte nunc etiam fabulis acquiescis anilibus, centum annos errare animas insepultorum hominum, circa tartarei amnis ripam, quas sana utique ac religiosa mens respuit. DOL. Bustum mihi patrium eripitur. R. A. Patrius cespes si relinquitur, bene est; habes quod tibi Phocion, vir magnus, inuideat; quem ciuem, de se aliter meritum, ingrata Athenarum vrbs, defunctum quoque suis finibus expulit; inaudita crudelitas. D. Insepultus abiiciar. R. A. ge res tuas, curam hanc relinque viuentibus.



INDEX

INDEX RERVM MEMORABILIVM
quae in his libris continentur.



A

- A**bdolominus ex Aedificando gloria qua-
 hortulano rex rentes 349
 404 Aedum magnificentia
 Achates gemma 150. in- 139
 signis Achates Pyrrhi Aegrotans extra patriam
 ibid. 701. vsque ad 665
 Adamas pretiosissimus Aelius Pertinax liberti-
 gemmarum 147 ni filius 393
 Adamantis lis cum ma- Aesopus quidam histrio
 gnate 304 120
 Adolescens vnguētis de Aetas florida 43. in ascen-
 libutus coram Vespasiano 44. Indeccepta 146
 fiano 104 Aetas omnis bona, & ma-
 Adoptio filij 255. in cer- la 576
 ta 256. Adoptatio filio- Aetatis est maturitas
 rum 721. 582
 Adrianus canibus busta Aetatem preteritam lu-
 construxit 134 gent pene omnes 577
 Adriani de Aelio Vero Aeterna vitae spes 353
 dictum 243 Affectus contrarij 550
 Adriani mors 700 Affectus veri iudicij ho-
 Adriani facti principis stes 452
 verbū generosum 292. Africanus infamatus
 & 296 448
 Aduersa valetudo 377 Agricultura olim in pre-
 Aduersa & prospera for- tio 207
 tuna 37 Alcibiades tibi arum stu-
 Aduersitas abigit simu- dium abiicit 100
 latorem 42 Alchimia quales exitus
 Aedes late nō meliores 333

INDEX.

Alchimia ars , fallendi instituit	100
ars	332
Alchimistarum qualia	Amethystus gemma 155
promissa	331
Alex ludus 114. alea honesta	115
Alexander conuiuio indulgit	94
Alexander temulentus	89
Alexander præceptor	offensus 481
Alexander equo tumulum crexit	131
Alexander de Homero	449
Alexander impatiens caloris	601
Alexander paternis laudibus inuidens	486
Alexander Macedo spurcius	390
Alexander Deus dici voluit	266
Altitudo humana	85
Amanda ne sola quæ videntur	236
Amantiū amentia, cantu se consolantium	237
Amare peccatum miserum	ibid.
Amari volens, amet	191
Amatoria poemata	237
Amaturus sapiens	ibid.
Ambiguus status	553
Augustinus ut caneretur	
Amicus fidelis rarus	296
Amici ficti	524
Amici infideles	453
Amici veri qualis habenda cura	298
Amici ut diligendi, ex Biantis præcepto	465
Amici incogniti	193
Amici mors	503.504
Amicitia morte non tollitur	504
Amicitia & infidelitas non coeunt	453
Amicitia non placentes diffuenda	454
Amicitia quomodo extinguantur	ibid.
Amicitia Regum	190
Amicitia rarum bonum	ibid. 191
Amicorum absentia	505
Amicorum presentia	ibid.
Amicorum abundantia	109
Amicos discordia	359
Amicū querere melius quàm hostem tollere	307
Amicus quomodo præbetur	192. queratur 295
Amor Dei, virtutis	235
Amor fratrum qualis	262
Amor	

INDEX.

Amor & odium indiffe-	diuifus	552
rentia	235	Animi arma quæ 659.
Amor est morbus	587	660
Amor amicitie quis	237	Animi discordia labo-
Amor facile perditur		rans 550.
264		Animi fluctuatio 552.
Amor populi	109.252	Animi pax fperata 354
Amor accenditur canen-		bellum animi potius
do	239.	ibid.
Amoris remedia ibidem		Animi rumor nocet in-
240.		genio 481.
Amor nexus animorum		Animal nullum bello va-
250		cat 355.357.359
Amor foemina incertus		Annibal vnguentis deli-
292 fortiffimos viros		batus 105
emollit	235. ibid.	Antiochus magna regni
Amores grati, grata in-		parte priuatus 562
fidia	232	Antipatri Philofophi re-
Amphiteatri fpectacula		fponfum de oculis 621
106		Antonia. murenam in
Amphiteatri lapfus Fi-		auribus coluit 220
denæ	129	Antonius Verus equo
Anacreon	138	fuo qualem cultum.
Anchora bona fpei	227	exhibuit 131.
Angufta domus	525	Apes induftrium animal
Anima hominis facile e-		362
ripitur	277	Apum bella domestica
Anima immortalis	688.	306
Anima pulchritudo	43	Appius Claudius 244
Animus hominis indo-		Appius Claudius cæcus
mitus	218	411
Animus hominis fecum		Aranca Palladi infesta
discors	575	56
Animus neglectus	122	Aranearum infidia 361.
Animus in tres partes		Architas Tarētius ira-

INDEX.

nonoluit villicum pu nirc.	644	heredes fecit	722
Arces nō impediunt op- pugnationem 141. sunt inertiū latibula	142	Attilias Regulus	4
Archimedis inuentū ba- lista	303	Auaritia & luxuria im- peria euertunt	569
Arcium munitio	104	Auaritia lucro crescit	518
Arcibus vt opus sit quid effecit	141	Auaritiæ vis	202
Arcibus spoliatus	569.	Auaritiæ stimuli	591
arces compedes liber- tatis	570	Auari opes faciunt ino- pem	143
Arionis fabellæ	106	Auaro nihil scelestius	642
Aristippus naufragus	399	Auditus perditus	624.
Aristophanis fabella	478	consolatio	626
Armentorum abundan- tia 213. incertę diuitiæ ibid.		Auellanę radix genero- sum lignum ad pocula	158
Artium liberalium pro- fessio	183	Aues loquaces	222
Aruspex aruspice ridet	336	Auium nocturnarū can- tus infestus	597
Aruspicum promissa	333	Auguriorum amētia	337
Arx Prænestina	141	Augustus Dominus dici vetuit	265
Arx vera quæ	142	Augusti origo ambigua	387
Arx tutissima sine muris	579.571	Augustus corinthiis va- sis delectatus	166
Athanasius canēdi vsum interdixit	107	Augustus imperium di- mittere voluit	290
Athenarum leges de ali- mentis parentibus à fi- liis præstandis	401	Augustus, vt somnū re- dintegrare solitus	587
Attalus Rex Romanos	373	Augusti gemma sphinx dicta	159
		Augustus foelix habitus	373

Augu-

I N D E X.

Augustus à moriente de-	Bene viuere, arx tutissi-
lus	524 ma 570
Augustus Cæsar scanisli	Beneficentia duo vene-
benter interfuit	126 na 228
Augustus equo sepul-	Beneficia in multos col-
chrum instituit	131 lata 281
Auiaria	121 Beneficiorum exprobra
Auorum profapia	84 tores 456
Aurei velleris fama	348 Bernardus quibus vsus
Aurelij Veri cana	294 præceptoribus 480
Aurelij Alexandri odiũ	Bias 509
in fures	521 Bona animi 547
Auri desiderium crescit	Bona præcordiis hærent
habendo	203 510
Auro animus probatur	Bona quæ, lōga lis, inter
236	homines 327
Aurifodina	202. ambi- Bonis exutus 142
guus	203 Bubo Agrippæ finem mi-
	seria prædixit 337
	Bubonis cantus 597
	C
B Aie atq. Patcoli pō	Æcitas 620
te iuncti	292
Baliste primus in-	Cacorum multorum
uentor	303 insignium viro-
Bella animalium	355 rum nomina 621. 622
Bellorum iustorum finis	312 Cæcus, vno puero fit co-
Bellum in anima	187 mitatior 623
Bellum ciuile	547 Cælius Senator iracun-
Bellum inter Angelos	366 dus 644
Belli metus	541. reme- Cœna Aurelij Veri 294
dium	547 Cæsar captus à prædo-
Bello victus	547 nibus 522
Bene viuere, remedium	Cæsaris clementia 468
aduersus metum mor-	Caius Drusus cæcus 623
tis	676 Calculorum ludus 114.

INDEX.

Camelorum possessio	215	genuit	329
Camillus exul	534	Catonis mors voluntaria	684.608
Caninius	524	Catonis vxor	435
Canis erga hominem caritas	355	Celebritas importuna	589.590.592
Canibus gaudere	133	Certamen quod eligendum	724
Canis quidam Alexandromissus	355	Chaldaeorum falsę prędictiones	336
Canibus busta constructa	135	Choreę veneris pręludium	110
Canum quorundam fęrocia	355	Chorearum studiũ	109.
Canum latratus	595		110
Cantu gaudens	107	Cibi ac potus elegantia	87.88.89
Cantus in Ecclesia	108	Cicero natus obscuris parentibus	392
Carcer multis portus	271	Cicero ab Antonio occisus	211
Carceris exitus	ibid.	Cicero de vxore	431
Carcere clausus	526.527	Cicero filius	257
Casti quot machinis oppugnetur	244	Ciceronis dictũ de morte spontanea	681
Castitas filię, sollicita.	248	Ciniger Atheniensis	556
Castitatis commendatio	454	Circi delectatio sęua & inhumana	125
Castrum in agro Pisanae formicarũ diluuiodefertum	362	Circuitus in choreis	111
Casus humanarum rerum	340	Cito moriens	691
Catilina	378	Citium virtus vrbes amplificat	378
Cato diu obscurus	392	Clamores vrbiũ	594
Cato optimus agricola	207	Claritas quę laudabilis	82. quomodo queratur
Cato vltimus	112		84
Cato octogenarius filius			Clarum

INDEX.

Clarum variè dicitur	59	Conuiuia	68.90.91
Classẽ instructam habere 300. multa pericula	301	Copia rerum gustum hebetat	507
Cleanthes philosophus	402	Corinthia vasa	165.167.168
Collega stultus & temerarius	543	Corinthus à Mummio capta	365.168
Columbaria	217	Corneliæ Africani filiæ ornamenta	410
Columbarum nidi	360	Corpus animum tegit ac detegit	109
Comessatio à conuiuio differt	93	Corpus exiguum	373
Cõpetitor anteposit⁹	475	Corporis totius languor	65.652. non esse malũ
Confirmatio animi quid	661		610
Coniuges chari & alij erga alios sœui	299	Corporis ægritudo	145
Coniugium nobile	226	Corporis sui domin⁹ nõ est homo	679. id Deo debet custodire
Coniugium natorum	251		682
Cõiugium obscœnũ	231	Coruus publicè populũ salutans Romæ	222.
Coniugem amittēs	439	publicis exequiis elaboratus	ibid.
Conscientia bonorum operum	259	Criminis alieni infamia	4.445.410
Conscientiæ testimoniũ	65	Crispus philosophus	502
Constantinus ex concubina genitus	317	CrySTALLINA pocula	157. ibid.
Consul factus	185	Crudelitas mala, sed sæpe utilis	476
Cõtemptũ patiens	470	Cuculo omnes auicula insultant	356
Contuberniũ quale sit, multum refert	351	Cupiditas occupationũ mater	425
Conuictus bonorum	352	Cupiditas crescit quærens	
Conuiuiarum discordia, & censura	93		
Conuiuere amicis	193		

INDEX.

do	143	signis fuit	622
Cura superuacua	33	Dies longa praeualida	
Curas multas sequuntur		habet manus	349
somnia	588	ante Diē nemo moritur	
Curculiones	362	692	
Curiositas humana	276	Dies omnes boni	678. iu
Curionis theatrum	128	dicio hominum mali	
Cyrus	56	ibid.	
D			
Æmones ex ho-	623	Diodorus Stoicus cecus	
minib. fieri	476	Dionysius Siracusius	114
Darius foetidas a-		Dionysius tyrannus	477
quas bibens	576	Diocletianus imperium	
Decore nil gratius	nec	dimisit	290
breuius	47	Discipul' indocilis	444
Dedecus aduertiū	445	contumax	482. 480
Deformitas corporis	371	Discipulum insignem na-	
Delectantia non omnia	ctus		258
profunt.	171	Discordia quanta. inter	
Delectatio inhonesti	118	res omnes à p. 354. ad	
Delectatio vera quæ	306	358. qua mundus fone-	
Democritus oculos sibi	tur		ibid.
eruit	622	Ditescere cupientes	417
Dentium ægritudo	616	Diues cito fieri volens	
Dentes filij Prusæ	617	415	
Dentium nitor	ibid.	Diuinatio ab omnibus	
Diadema; pannus cutis	damnata		335
plenus	296	Diuinationes aruspicum	
Diagoras Rhodius	273	falsæ	337
Diagoras Rhodius in si-		Diuinorum mentiendi	
gnis palestrita	123	libertas	314
Dialectica verbosa	181	Diuitiarum copia	200.
Dianæ templum arsit	vide Opes.		
510		Diuitias amare parua-	
Didimus cæcus licet in-	nimi		417. 419.

I N D E X.

Dolor an intolerabilis humano corpori 652.	Dos vxoris opima superbia stimulus 330. 231
653. an possit non senti ri 654	Dotis optimū genus 413
Dolor causa mortis matribus -261	Draconis cum Elephante bellum 357
Dolor corporis an malum 654 657	Drusus Augusti priuignus 340. & expectatio eius 341. ibid.
Dolor virtute lenitur frāgiturq; 654. 655. 657	Dulcia saepe nocua 271
Dolo malo circumscriptus 522. 523	Duricies amica virtutibus 405
Dominus bonus 264. vnus dominus 265	Duricies patris 483
Dominus corporis humani Deus 678	E Briorū lætitia 602
Dominus iniustus 476	E Echeneis pisciculus 365
Dominus pauper esse voluit 403	Elephas quæ horret animalia 357
Dominus superbum nomen 266	Elephantū possessio 214
Dominus & bonus an contraria 265	sæpe exitio suis 214
Domini sæpe serui 393	Eloquentia 59
Domitia vxor Domitiani 439	Elcquētię defectus 632. ib.
Domitiani dictum 47	Epaminundas 56
Domus dignitas 139. amplitudo ibid.	Epaminundas 78
Domus Neronis 349	Epicurus 69
Domus parua 524	Epicurus 480
Domus Neronis insignis 293	Epicurus tenuem victū laudauit 90
Dormire se non posse querens 585	Epicurus tenuem victū laudauit 407
	Equi cuiusdam curia 132
	Equi tedium 114
	Equis sepulchra instituta 331
	Equitare & vtile & pe-

INDEX.

riculosum	132	Falli minus malum quā	
Equitantes etiam noctu.		fallere	451
laborant	513	Fama mendax	339. mul-
Equorum delectatio	130	cet vt feriat	ibid.
Error vnus obstat multis		Fama flatus	447
452		Fama res delicatissima	
Errores ex magnis inge-		448	
niis	57	Famæ post obitum spes	
Euandri regia	524	346	
Eudemi Cypri somniū		Famæ studium in morte	
de reditu in patriam	718		
701		Fama sæpe nocuit	348
Exercitus ducere	297	Famæ bonus odor	102
Exercitus belluamulto-		Fama non legatur	445
rū capitum 300. Impe		Fama ob virtutem a-	
ratores interfecerunt		missa	450
ibid.		Famæ studium	178
Exercitus magnitudo pe		Famæ studiosi artifices	
riculosa	300	588	
Exilio iniusto pulsus	532	Famā præsentia minuit	
533.534		279	
Exilia multorum sponta		Familiaris amicus ambi	
nea	532	guus	562
Expectare magnus labor		Famulatus numerosus	
326		136	
Expectatio & tranquil-		Febres grauissimæ	51
litas non simul habi-		Febribus æstuans	649
tant	328	Felicitas nulla cum erro	
Expectatio filij vel ami-		re	134
ci 339.340. aduentus		Felix quis	332.134
principis	345	Felices duo è cūctis mor	
F		talibus habiti	134
Famulus Maximus in-		Fertilis plaga mollit vi-	
famatus	448	ros	518
Fauus	204.205	Ferro moriens	695
		Fer-	

INDEX.

Fortilis ager 206.	bene cultus 208.209	Filio data vxor 252
Fertilitas sæpe sterilitatis arra. 209	de Filijs moriens sollicitus 712.713	
Fertilitas à Deo solo 516	sine Filijs moriens 720	
Fidem frangere 454	Filij degeneres 550	
Filia viro locata. 151	Filius fortis 246	
Filia impudica 443. re-medium 444	Flaminius Scipioni præ-latus. 478	
Filia formosa 244.246. casta 248	Fœmina primi loci appetens 252	
Filix Augusti 443	Fœmina mutabilis 432	
Filix Mitridatis dentes 616	Fœminei mores ibid.	
Filius contumax 487	Fœneratores olim confortio hominum segregati 205	
Filij rebelles multis ib.	Forma corporis, velociter fugit 46.49	
Filius, alienus inuentus 496	Forma multos. strauit 244	
Filius à matre quadam patri datus 497	Forma corporis virtuti addita 50	
Filij magnorum virorū degeneres 446	Forma filiorum 243. gaudere illa senu vitiosum 245	
Filij parentibus alimentata præstare tenentur. 401	Forma vxoris, superbix stimulus 230	
Filij quàm multi varijs ex regibus 411	Formæ studium 48. hostis domesticus ibid.	
Filij seruitus 486	Forma gratia 371. non amanda 373	
Filius amissus 492. vt flendus 493. & 494.	Formicæ ibid. 262	
Filij diuitiæ, requies parentum 409	Formosa vxor 228. formosa cūda 229. facunda 229	
Filij nati 241	Formosum esse. 374	
Felicitas laboriosa, anxiosa. 241.242	Fortitudo 455	

Y. j.

INDEX.

Fortitudo filij, magis me tuenda	246	ta 153. vetus luxuria ibid.
Fortuna non mutat ge- nus	173	Gemma animos mol- liunt 147. earum vis 153. 155
Fortuna quæ difficilior, prospera an aduersa	39. 36	Gemmarum vanitas ma- xima 145. excellentia ibid.
Fortunæ bellum	34. du- plex	36 unde sit
Fortuna magna	85	Gener bonus 249
Fragilitas humana	611.	Germanici quanta expe- ctatio 342. dolor ex eius morte
remedia	612. 613	ibid.
Frater amissus	499	Gladio moriens 695
Frater pios habens	262	Gloria magna 278. quo- modo queritur 279
sepe inuident	ibid.	Gloria umbra virtutis 280
Fratres se amare debent	263	Gloria ex ædificijs 349.
Fratrum amor	262	350
Fratrum discordia	488	Gloria ex conuictu 351
odium	489	Gloria nulla sine difficul- tatibus 510
Frugulitatis laus	419	Gratitudo ab omnib. lau- data 456
Fulminis metus	562	Graia delectatio 8
Furum & prædonum		Gregibus abundare 212.
collatio	512	incertæ diuitiæ 183
à Furibus infestatus	520	Gryphes aurum custo- dientes 357
remedium	ibid.	Gulæ inuenta 221. sup- plicia 212
Furois metus, ut vitan- dus	665	Gulæ deditus 247
	G	Gula capax, iter vitii patens 406
Allinarū cura	217	
Gaudio plures quā		
tristitia perire	274	
Gaudiū causa mortis	261	
Gemma ad pocula caua-		

INDEX.

H	minem premit	464
H æreditatis expe-	Homo hominem decipit	
ctatio 328. in cer	522	
ta 328. & 330	Homine nihil miserius	
Hanibal meretricio amo	terra nutrit	648
re subactus	234	Homini proprium nihil
Hanibal frigoris ac calo	428	
ris patientissimus	609	Hominis dignitas
Harenæ delectatio	125	611
Hecuba	73	Hominis forma
Helena	244. & 439	Hominum vanitas
Heliogabalus	402	298
Hercules	53	Hominiū corda mansue-
Herodis mors	695	fieri non possunt
Herodes Cæsari	qua re	Honor molestus
conciliatus	503	589. 591
Herodias viuentē viro		Horatius Cocles
alteri nupsit	715	554
Hieronymus secūdis nu	nam mortuā luget	220
ptiis intēnsior	251	Hostem tollere
Histriones instar musca-	Hostili manu moriēs	694
rum	121	Humana stultitia
Histrionum ioci & dele-	Humana natura dignitas	
ctatio	120. 121	& excellentia
Homerus cæcus fuisse di	612	
citur	621	Humilitas
Homo & humana vol-		63
uuntur	429	
Homo hominī maxima		
pars malorum	276	
Homo difficilis cognitu		
193	391	
Homo in hominem	366	Ignominiosè moriens
Homo animal minimè	698. 701.	
fociabile	463. homo ho	Iliacos dolores patiēs
		650

Y ij

INDEX.

Imbecillus natura	375	Infamis crimine alieno	
Imitatio summorum vi-	445		
rorum non semper tu		Infans festiuus	244. gau-
ta	111	dendum quomodo ib.	
Impensa enormes Rom.		Infantis casus	495
Imper.	293	Ingenia natura distinxit	
Imperare bene, nihil dif-	208		
ficilius	394	Ingenia puerilia negotiū	
Imperatores ab exerciti		importunum	298
bns cāsi	719	Ingenij velocitas	56. acu
Imperatoris nomē	290.	men	ibid.
non adfert quietē	291	Ingenij tarditas	629. re-
Imperij nomen pulchrū		medium	630. ibid.
difficile officium	296	Ingenijs loca non obstat.	
Imperium indecore con	378		
stitit	289. magni labo-	Ingenium Romanū ho-	
res	291	die quale	297
Impudico patre natus		Ingratior nullus homine	
389			282
Incendio ereptus	470	Ingratitudinis causa tri-	
Incendiū ubi maius	245	plex	282
Incendium causa letitiæ		Ingratitudinis radix	472
509		Ingratitudo.	454. 456.
Incommodum nullum	457		
sine remedio	599	Ingratitudo in matrem	
Indignus laudatus	445	maxima	261
Induciæ cognatę infidiis		Inhumanitas homini cō	
318		traria	467
Industriæ nil patitur pe-		Inimici morte letus	312.
rire	631		313
Inexpugnabilis nullus		Inimicitia	464
locus	141	Innocens damnatus	531
Infamia	443	Insepultus mori metuēs	
quæ sita bonis artibus	724		
laus	448	Inuidia laborans	641
		In	

INDEX.

Inuidia vix vllus caruit	tum	520
vnquam 469. remediū	Labor lōgus, vsus breuis	
aduersus liuorē	470 273	
Inuidus	642 inter Laborē & delicias	
Ioannes equitauit se-	quid interfit	511
mel	514 Laboriosa fors	512
Ioannes rex Bohemius	Lactantius inops vixit	
623	403	
Ioseph tentatus	244 Lædi posse neminem, ni-	
Ira iusta nulla est	467 si à se	553
Ira	642 Lælius Strabo auariorū	
Iracūdia vt leniēda	308 inuentor	221
Iracundus	643 Laodice Cappadocia re-	
Italia metallorū fertili-	gina	297
tate nulli cedit	203 Larrūcularius ludus	115
Itali cuiusdam patris &	Laureæ decus	181
filij factum	422 Laus vera vnde capien-	
Iter durum 512. quid il-	da	81
lud molliat	515 Laus in populo, aut inter	
Iudex factus	185 doctus	67
Iudicio iniusto damna-	Laus propria aut infa-	
tus	529 mia est	390
Iudiciū humanum	294 Laus indigno data	451
Iulius Cæsar victus amo	452	
re	234 Lautus victus	86
Iulius Cæsar Pontifex	Lenitas	307
largitione factus	321 Leo in vrbibus non nu-	
Iulius Cæsar adolescens	triendus	478
pauper	404 Liber quis	72.74
Iuuenis moriens	563 Libertas 72. in seruitu-	
Iuuenta mobilis	44 tem muta	73.74
L	Libertas vera	392
Labor materia vir-	Libido nulli parcit	440
tutis	99 Libidinum estus	646. re
Labor, arca virtutis	medium	647

INDEX.

Librorum copia	169	Lucretij mors	694
Librorum vsus	170.173	Lucrum ex ludo	116
Librorum multitudo no-		Lucilli viuaria	219
cua	174	Ludus , funesta delecta-	
Libros faciendi nullus		tio	118
finis 175.non omnium		Ludi mos	428
est	176	Ludorū studium immo-	
Librorum varietas fallit		dicum apud Rom.	125
174		Luscinia docilis	242
Librorū sex millia à quo		Lycurgus indotatas ius-	
dam scripta	177	sit nubere	230
Licinius , literas pestem		Lyfimachus	189
publicam dicebat	172		
Licinius Muræna	219	M	
Lingua,pessimum mem-		Achinz omnis	
brum	62	generis 301.v-	
Lingua inquietum ma-		sus quis ibid.	
lum	451	Magister militiæ incon-	
Lingua amissa	635	sultus,543. remedium	
Lingua an nocendū prō-		ibid.	
pta 636.quàm difficilis		Magisterio insignit⁹	197
custodia ibid. secundū		Magnanimitas	247
Litem omnia fieri	355	Magnetis vis,& lis cum	
Literarum notitia quan-		adamante	364
do utilis	177	Malos mores egrè ferēs	
Literarum iactura	172	592	
Liuior est lippus	464	Manlius Torquatus	486
Locorum angustiaz ma-		Manlius Torquatus fi-	
gnis ingenijs non ob-		lium occidit	682
stant	379	Mantice Græcis,quæ La-	
Locus non beatos facit,		tinis diuinatio 335. ab	
sed animus	210.211	omnibus damnata.ibi-	
Loquela amissa	635	dem.	
Lucius Verus	94	Manus vulnere amissa	
Lucretia	244.248	555	
		Manuum injectio in se	
		volun-	

INDEX.

voluntaria	676	Metus parit odium	570
Marcelli quanta expe-		Metus mortis, ipsam ex-	
ctatio	342	asperat 669. remediū	
Marcus Aurelius	290	672. 673.	
Marc. Cato Censorius	6	Meum & tuum discor-	
Mare quàm ferox bellua		diarum materia	489.
269. in Mari moriens		Militantium multage-	
696		nera	187.
Mare blandum, prado-		Militaris professio	186.
num blandiciæ	269	187	
Mariti officium	434	Militis cuiusdā Canen-	
Marius vir rusticanus		sis factum	555
392		Militiæ præmia	188.
Marius mercenarius a-		Milo	43
rator	404	Milo, bouem viuum ge-	
Masinissa Scipioni factus		stans	123.
amicus	194	Miseria vita tristitiam	
Mater amantissima	261	pariens	608.
Mater amissa	491	Miseriæ suæ homo sibi	
Matres quos labores pro		causa	33.
filijs sustineant	261	Misericordia decet ho-	
Mathematicorum pro-		mines	306.
missa	334	Morbo corporis ne mor-	
Maturitas rerum omniū		bus animi accedat	637.
581		Mores malos egrè ferent	
Mediolanensis ruinas	540	592	
Melancholiæ species	178	Mori metuens	683. 689.
Memoria infirma	631. re-	Moriendū quando	273.
medium	ibid.	Moriendū necessitas	686
Memoria	57	Moriens	684. 685.
Menenius Agrippa pau-		Moriens in peccatis	708
per	101	Moriens extra patriam	
Mens hominis frenanda		701. vsque ad	707
129.		Moriens de patrimonio	
Metelli exilium	833	solicitus 712. de filiis	

INDEX.

ibid. 712. de opibus	extra patriam	702	
714. de vxore 714. pa-	Mortis genus optimum		
tria 716. fama	718	651	
Mors	86 in Morte homines fallun		
Mors omnibus contigua	sur.	692	
340	Mortem quæ grauem fa-		
Mors laborum finis	581	ciant 10	
Mors vitæ vicina	44	Mortis metus	668
Mors æquè omnibus vi-	Mors non metuenda	669	
cina 580. omnes equat	67. remediū	673. 673	
686	Mortales punctum pun-		
bona Mors initium vitæ	et breuis	297	
689	Mortuorum expectatio		
Mors non metuēda	684	342	
687	Mortuum flere	501	
Morsignominiosa	697	Mulier duodecim filios	
Mortem honestam quæ	esse spurios indicās	498	
faciant	697	Mummius Corinthum	
Mors non captanda	627	cepit	165
Mors ante diem	689	Murænarum via aria	219
ad Mortem gradus	52	Mures thalamum infe-	
Mors repentina	699	stantes	596
commodissima	ibid.	Musca non sine causa	
Mortis vnum imperium	creata	595	
691. varia genera	ibi.	Muscarum tadio affe-	
equo animo expectan	ctus	594	
da	691	Musica ad statum mo-	
Morte hominis nemo be	rum pertinet	109	
ne gaudet	313	Musicæ dulcedo	106
Morte violenta moriens	Mutatio rerū humana-		
694	rum 78. 703. 704. 705.		
Mors vna, multæ species	706		
694			
Mortē sibi cōsciscēs	676		
Mors magnorum virorū			

N

Asci in alto	84
Natura difficul-	

N

N Ascii in alto 84
 Natura difficul-
 ter

INDEX.

ter vincitur	177	Nominis celebritatem	
Naturæ fragilitas 611. re-		omnes sectantur	589
media	613	Nonij gemma	145
Naufragium graue pas-		Nonerca 482. iniusta, su-	
sus	507	perba	483
Nautæ cuiusdam dictum		Nuditat corporea	611.
696		multiplici suppletur	
Nauigatio prospera	269	medio	612
Necessaria subtrahi non		Nudum nasci nudū mo-	
possunt	131	ri humana conditio	34
Negotio graui defatiga-		Nuptiæ secundæ	250
tus	510		
Nepotes nati, cura infini		O	
ta	252. 253	Obscuritas origi-	
Nero cantandi studiosus		nis 390. 386. 388	
108		Obsessi in patria multi	
Neronis domus 293. im-		537	
penſæ	294	Occasio facit furem	520
Nero cryſtallinos calices		Otium	98
collidit	157	Ocij species duæ	ib.
Nero specus quoddam		Oculis priuatus	619
recusat intrare	202	Odia mutua quorſdam	
Nero matrem interfecit		animalium	356
297		Odium popolare	468
Nicomedes patrem occi-		Odium alterius noxium	
dit	296	464	
Nobilitas	83. 84	Odore solo gens quæ-	
Nobilitatē fundare plus		ſdam alitur	103
quàm accipere	391	Odoribus seu vnguentis	
Noctua, Augusto mole-		quomodo vtēdum	104
ſta	566	Odorum appetitus	102
Noctu ſurgendum	101	Vide Vnguentæ	
Nomen bonum	65	Olympias adulterium	
Nominis celebritas im-		faſſa	498
portuna	588. 589	Omen, humanæ demētiæ	

INDEX.

argumentum	337	accidunt	330.
Opalus gemma	145	P	
Opera humana senio la-		Alestra genus hone	
buntur	149	tissimum	
Opes accendunt deside-		Palestrica gloria	
rium	203	qualis olim	
Opes quę quærendæ	400	Palestricorum ludorum	
Opes quo abeāt	712.713	delectatio	
Opes relinquens	714	Parasiti	
Opes præceptæ	398	Parentes obscuri	
Opes, anceps felicitas		scuris nati	
201.299		Parentes sepe amarescūt	
Opes falsæ	417	in filios	
Opinio virtutis	64.	Parentibus inhonestis na-	
biguæ rei nomen	66	tus	
Opinio quantum possit		Parentibus orti obscuris	
597		rusticis	
Opinione quædam ma-		Parentum claritas sola	
iora quàm re	671	non nobilitat	
Oppida maiora non iu-		Pater bonus	
uant plus quàm mino		Pater durus	
ra	79	Pater amissus	
Opulentia nutrix vitio-		Pater quidam & filius	
rum	304	damnati, & decoqui	
Orator verus	60	iussi	
Orator, & eius proprium		Patres in filios fauierūt	
182.		297	
Oratorum stilus	449	Patris nomen congruit	
Orestes matrē interfecit		principibus	
297		Paternus affectus	
Originis vilitas	611	Patientia in aduersis re-	
Originis fędę remedium		medium	
291		Patientia dolorem op-	
Origo vna omnium	83	pimit	
inter Os, & ossem multa		Patria obsessa	
		336. euer-	
		la	

INDEX.

sa	539. ibid.	tas.	ibid. & 397
Patrię ignobilis	378. 379	Paupertas remediũ ad-	
Patria sola non nobilitat		uersus podagram	583
78. 76		Paupertas crescit cupien-	
Patrię magni viri erepti		do	143
302		Pax	465
Patrię nobilitas 75. glo-		Pax bonũ bellũ ingens si	
ria	ibid.	perpetua & sincera	316
Patria viri fortis	534	bello quandoque func-	
Patria quę	702	stior	ibid. 317
extra Patriam moriens		Pacis spes 314. Pacis ho-	
701. ibid. & 302		stes	ibid.
Patrimonij diuisio dete-		Pacis comites	317
git bonos fratres	263.	Pax tutior quàm sperata.	
coniugium proles	ibid.	victoria	309.
Patrimonium duplex	400	Pax animi sperata	354.
de Patrimonio relinque		bellum potius	355
do sollicitus	712	in Peccata quod ius De ⁹	
Paula Catonis Censorij		habeat	711.
vxor	435	Peccatum alterius pœna	
Paulinus Nolanus præ-		457. in Peccatis moriēs	
sul	394	708. Peccatorum post	
Paulus Æmilius inops		mortem. status	708.
fuit	161	709.	
Pauones quales aues	116.	Pecunia in fenore posita.	
carnium nobilitas	217.	204	
quis primus pauonem		Pecunia magnum pon-	
Romę occiderit.	ibid.	dus & graue	400.
Pauper, liberior, expedi-		Pecunię cōtemptus	419
tior	404	Pecunia amissa	413.
Pauper natus	408	Pecunia in summis ne-	
Pauper securus viuit		cessitatib. opem ferre	
667.		non potest 415. multis	
Paupertate pressus	396.	pestifera	ibid.
tutior diuitiis pauper.		Pedes iter faciēs	513. 514.

INDEX.

Pernicitas	54	dele	438
Pertinax	290	Placere hominibus	66
Pestis fruiens 606. pe-		Plantius vnguenti odore	
stis metus ibid. & 607		proditus	104
Phidias vultum suum in		Plautus inops	302
Minervæ statua expref-		Plato Olympionices fuit	
fit	588		123
Philomelæ cantus	596	Plato de suis amoribus	
Philosophia vera	35	scripsit	238
Philosophus quis	180	Plato in servitium dela-	
Philosophi quos naturæ		tus	395
mechanicos fecerat		Plato coelibem vitā diu	
177		tenuit	455
Philosophica à philoso-		Plato Socrate maior	257
phis petenda	670	gratias agens quod na-	
Philosophorum inter se		tus Athenis 77. iratus	
prælia	367	noluit servum punire	
Phænix	224	644	
Picaloquax 223. discen-		Podagra laborans 582. re	
di studiosa	223	medium	583
Pietas custodia religio-		Poëtarum stilus metuen	
nis	72	idus	449
Phraates rex Parthorum		Poëtica laurea	181
297		Polycratis Samiorum ty	
Pictarum tabularum de-		ranni gemma & casus	
lectatio 160. ars, varie-		150	
tas	161	Pompa matura, non que	
Pilæ ludus	113	runtur	580
Pindarus	78	Pompeius Magnus mar-	
Pisces in piscinis inclusi		garitis diffuit 147. eius	
219		dem triumphus	148
Pisces tangi musica dul-		Pontificatū ambire Chri	
cedine	106	stiano non licet	228
Piscinarum studium	218	Pontificatum. adeptus	
Pium esse aliquando cru-		318. 319	

INDEX.

[illegible]

INDEX.

288.officium	ibid.	465	
Regni pulchrum nomē,	Romani ludorum nimis		
difficile officium	296	amantes	125
Regnum amissum	319.vl	Romani tādū boni quā-	
tro dimittendum	559	diu pauperes	402
Religio	71.72	Romanorum animi	545
Remedia aduersus amo-	Romulus		378
rem	239	Roscus histrio	128
Remissio peccatorū	710	Rugę corporis senilis	
Repētina morte moriēs	574		
699.cōmodissima	ibid.	Rumores incerti	338
Repulsam, passus	473.	Rusticis parētib.orti	392
474.475		Rutilij exilium	533
Resp.dominum iniustū			
patiens	476.477		
Rex factus	288.officium		
ibid.& 289.291			
Rex iustus rarum bonū			
267			
Rex apud Taprobanēses			
eligi solitus	557		
Rex apū sine aculeo	296		
Reges ex seruis oriūdi	83		
Regū successor semper			
optatur	289		
Regum aut imperatorū			
plerunq. exitus	287.		
290			
Robur optabile	375		
Rochus auis	365		
Roma de domina gen-			
tium, serua	76		
Romani pauperes, victo			
res	304		
Romani bellis occupati			

INDEX.

Sapiētum greges hodie	72	Stute responsum	578
ni		Senis cuiuidam historia	
Sardonix gemma infli-	537		
gnis Polycratis	150	Septimij Seueri podagri	
Scabie laborans	584	ci dictum	583
Scænici ludi	126	Sepulti de publico	401
Scaur' princeps infantiæ		Serapion eremicola	394
amphiteatrorum	127	Sereni Sammonici bi-	
Sceptrum & Diadema,		bliotheca	170
clara miseria	289	Serenitas actis	267
Schola sola non nobili-		Serenitas utilis	268
tat	78	Sergius Orata	218
Scipio tripudiare solitus		Sermo intimus in dolo-	
112		re quid	662
Scribendi officium om-		Seruitutis remediū	392
nes sibi vsurpant	176	395.396	
Scribere non datum om-		Seruimale 458.459. re-	
nibus	175	medium ibid. 459.460	
Scriptoribus claris quæ		Serui fugitiui	461.462
habenda gratia	35	Seruus natus	391
Scriptorum inscitia &		Seruos parere dominis	
inertia	171	ut oporteat	339
Securitatis via	567	Seruorum multitudo	
Senectus	677	136.137	
Senectus insidiosa	44	Seruum honestis artibus	
Senectus 210. 211. suas		operam dare nihil im-	
habet voluptates. ib.		pedit	395
Senectus non deflenda		Seruius Tullius, serua	
578.579		matre natus	393
Senex esse nemo vult	577	Signa gēnis expressa	159
Senex annum se putat vi		Simiæ delectatio	215
uere	699	Simia latrūculis lufit	115
Senes adolescentiam re-		Simulachra fugiēda	165
uocant	575.577	Sirenum cantus	106
Senis pulchrum de fene-		Smaragdus	147

INDEX.

Socrates sapiens dictus	79	128	Speſtaculis delectari res
oraculo	79	128	
Socrates	78		Speſtacula 126. fructus
Socrates innocens dam-			eorum 126. 128
natus	531		Speſtacula viros dede-
Socrates mundanum ſe			cent 129
profeſſus	334		Sperni & ſpernere 470
Socrates defugienda in-			remedium 472
uidia	470		Sperni quā Metui tutius
Socrates fidibus operam			471
dedit	107		Spes bona 322. non ſine
Solomon ſapiens ; habi-			metu ib. quæ ſit 326
tus	69		Spēs rerum fallaciſſima
Solon	112	322	
Solon quotidie diſcens			Spes multiplex 352. 353
ſeneſcebat	631		vitæ æternæ 355
Somniorum fallacia 338			Spes & abſentis boni, &
Somnijs inquietari me-			malis aliquid patitur
lius quam mulceri 587			325
Sōniorū inquietudo 587			Sponſa erepta iudiciali
remedium 588			ſententia 428
Somnolētia vitioſa 100			Spreti ab alijs multi 471.
Somnus, mors dictus ib.			Statua regis Aſſyrij 164
Somnus & mors 586			Statuarū delectatio 262
Somnus mortis imago			vetus erroribus & 163
669			Statura brevis 373.
Somnus amiſſus 585. re-			Stephanus Columnenſis
medium 586			142.
Sopor materia vitij 99			Sterilis plaga 518.
Sorores bonæ 264. diffici-			Sterilitas vxorum 442
lis custodia. ib.			Sterilitas annua 515
Sors alternares huma-			Stultus collega 542. re-
nas variat 490			medium 543
Spartana quædam de ſi-			Sturnus ſermonis doci-
lio 492.			lis 224.
			Suc-

INDEX.

Succesores plerūq. à ma-	Taxillorum ludus ad-
iorū calle discedūt 557	uersus 428
Summum bonum 454	Tempestatibus tur-
Sumptus immēsi Rom.	tus 601
Imp. 922	Tempus volubile 46
Superbia nūquam quie-	Tempus fugit 52
scit 257	Tempus nullū stat. 343
Superbia elatus 674	Tempus instabile 246
Superflua plura, quān-	Tempus omnia immi-
necessaria 274	nuit 82
Suppellex pondus inuti-	ante Tempus nemo mo-
le 143	ritur 690
Syderum vis in homines	Tēporis amissio 425. tē-
387.	pus non eripitur inui-
	to. ibid. & 426
T	Temporū meliorum ex-
Ædium vitæ vt	pectatio 344
propellēdū 626	Terētius seruus fuit 395
Tadium rerum va-	Terra omnis punctus 58
riarum 594	Terræ infertilitas à pec-
Tadia ab ipsis hominib.	cato hominis 206
598	Terre non minora peri-
Tadia delicatiorum ac	cula quā pelagi 243
diuturnum 159. 160	Terramotus 603
Tadia variarum rerum	Terramotum timēs 608
utilia 596. ad pag. 303	nullum remediū 604
Talorum volubilitas 17	Terramotus pradiatus
Taprobano insula Britā-	603
nia. 557	Terramotus variis locis
Tarquinius in regia per-	604
cussus. 140	Testamenta leuibus cau-
Tarquinius patre nego-	sis mutantur 329
tiatore natus. 393	Themistocles 32. 49 & 80
Tartareus inuentor ta-	Theologia 180
xillogum. 119	Theauri Regū nō sunt
Taxillorum ludus. 116	

Z. j.

INDEX:

in impēsus inanes	295	Tardus sermones huma-	
Thesaurus in bella repo-		nos imitatus	163 [287
metum possi-		Tyrannis occupata	285.
dentia affert, audaciam		Tyrānides multę pro-	
hosti.	304	pter vāorum iniurias	
Thessalia: Martis semi-		perierunt.	565
narium Visa	133	Tyrannis amissa, aut de-	
Tuscanus adolescens yultū		posita.	563.564.568
deformavit.	372	Tyrannus 477. tyranni	
Tiberius Caesar, non me		Romani, Assyrii ibid.	
minit quid fuerit.	297	& alij.	487
Tiberij vox ferox.	308	Tyrannorum plerunque	
Tibiarnæ agritudo	617	exitus	287
Timor pessim⁹ augur	541	Tyrānorum crudelitas,	
Timor parit odium.	570	superbia auaritia	566
Tituli multi ac varij	180	Tyresias vates cęcus	620
	183		622
Tornitura.	601.683	Tyro Ciceronis seru⁹	395
Tormēta patiēs	527.528	V	
Torpor animi 645. reme-		Adimonio addi-	
dium	ibid.	ctus	423
Tortus tormentis	527	Valeri⁹ Publicola	
Tranquillus status.	273	de publico sepult⁹	401
volubilis	ibid.	Valerianus à prædonib.	
Tripudio abstinendum.		captus.	522
	111.114.	Valetudo.	51
Tristis.	607	Vatinius Catonis præ-	
Tristitia varia ex variis		latus.	418
causis.	608	Valetudo aduersa	377
Tuberionis vasa, fictilia.		infirmas	378
	167.	Vasa fictilia, utiliora Co-	
Tullus Hostilius iſtus.		rinthiis.	167
fulmine in regia	140	Velocitas	54
Tullus Hostilius in ado-		venationis studium.	135
lescencia pastor.	399	Venenum timens	666
		remc-	

INDEX.

remedium	667	Vinum	602
Ventidius Bassus	386	Vino abstinendum	112
Verba doctorum pręgnantia sunt	663	Viperę	360
Verba corporibus non medentur	664	Vires corporis	92
Vespasianus unguentis delibutum reiecit	104	Vires corporis senescunt.	375.
Vespasianus non clara stirpe ortus	386	vera vis nominis in animo	376
Vestales virgines	440	Vireta consita manu Medorum regum	211
Vestitus mundus	96	Virginia	244
Vestitus Cęsarıs	96	Viri boni nomen vt obseruandum	66
Vestitus superbia	97	Viridaria 210. vireta non beatos faciunt sed animus 189. multis infelicia.	
Vicini importuni ibid.	452	Virtus 62. eius fundamentum	63
Victorię spes in bello, fallax 309. tristis	310	Virtus nihil sibi arrogat.	63. plena non est 64.
Victorię comites cauēdi	311.	Virtus quę. ibid.	
Victoria sepe magno constat	312.	Virtus amanda	450
Victoria plena	ibid.	Virtus vnum bonum	651
Victus tenuis	90	Virtus sola gloriola libera	373
Victus tenuis à multis quęsitus 405 laudatus	407	Virtutem nulla mors inuincit	698
Victus tenuitas, quām vitilis	406	nulla Virtus non inuenit vituperatores	455
Vigilia	100	Virtus vera	455
Vilitas originis	611	Virtutis illecebrę	465
Villicus insolens	518	Virtutis species, mirum suamorē paritura	645
Vindicta	304	Virtutis inopia desiderium 638. studio summo	
Vindicta vide ultio			
Vindictę facultas pręcepta	466		

Z

INDEX.

incumbendū 640.	Dei Vitę omnis hominum	lis	
donum	ibid.	quedā à p. 323. ad p. 338	
Virtuti modicū sufficit.	Vitę spes diuturnioris o-		
398. nihil negat ibid.	mnibus innata	295	
Virtus animi cum forma	Vitium solum contem-		
corporis	50	ptibile	373
Virtus vna contra fortu-	Vitia vitiis vincuntur	153	
nam	399	Vitia aliena facile cer-	
Virtus non metuit seniu	nuntur	463	
55	Vitia quidam occultant		
Virtutes quidā vitio cō-	452		
trario occultant	416	Vitiariorum primus in-	
Virtutis calle ad summos	stitutor	219	
gradus pervenitur	351	Vlcisci an liceat	304
Vita hominum nihil fra-	Vltio non est regum	292	
gilius	7	&	295
Vitę vigilia	72	Vltio. 306. illicita.	ibid.
Vitę breuitas	18	Vnguenta externa Ro-	
Vita omnis sapientibus	mæ prohibita	103	
iucunda	655	Vnguenta quibusdam	
Vita non semper benefi-	periculo fuerunt	135	
cium 642. miseriarum	Volucris delectari	133	
officina	426	Voluptas alata	ibid.
Vita non abrumpēda in-	Voluptates	646	
iussu Dei 586. 636. 638	Voluptatum animi &		
Vita mari simillima	corporis cōparatio	573	
Vita humana instar na-	Urbes è liberis factę ser-		
uis	343	uæ	74
Vitę metam quis figat	18	Urbis regimē difficile	185
Vitę spacia incerta	649	Urbes magnæ paruos ha-	
Vitę limen initium mor-	bent ciues	378	
ris	626	Urbes quid amplifcet. i-	
Vitę tædium 586. reme-	bid.		
dium	ibid.	Urbib. sua sunt fata	536.
Vitę tempus quale	17	539	

INDEX.

Vtendum non fruendum	98	Vxor sterilis	442.	de V-
rebus		xore moriens sollicitas		
Vtilitas non æstimanda	714			
impedio de decoris	330	Vxorem amissam lugēs.		
Vulgu loquax	166	430. Vxor bona rarum		
Vulgi contentiones, stre-		animal 431. amissa lu-		
pitus	594	crum	432	
Vulgi prædicatio	64	Vxorem verberat qui nō		
Vulgi sermo	449. 459	habet. 433. Vxor quo		
Vulnus vnicum mortale		amantior coniugis, cō		
554		magis suspiciosa	219.	
Vulneribus cruciatus	553	450		
Vulneribus deformatus		Vxori & sapientiæ stu-		
556		dio dare operam nemo		
Vulpina fallacia	356	potest	432	
Vxor nobilis. 225. formo		Vxores viuentē marito		
sa. ibid. & 228. coniu-		alteri nuptæ	715	
gem amans 227. vxor				
fidelis rara 228. fœcun-				
da 229. facunda. ibid.				
Vxor qualis non quanta-				
dos, quærendum	232			
Vxor importuna 433. re-				
medium	434			
Vxor rapta. 436. impudi-				
ca 437. ibid. remedium				
aduersus adulteram				
441				

X

X Antippe Socratis
vxor 531

Z

Z Enobia dentium
nitore celebris.
616

FINIS.



